



John Coultsey Lettson. M.D. F.R.S.  
London.

Dum Spiras Spes.

N<sup>o</sup> 2957.

Don't G. G.  
G. C. 5



The Library of the  
Wellcome Institute for  
the History of Medicine

MEDICAL SOCIETY  
OF  
LONDON  
DEPOSIT

Accession Number

Press Mark















# MISCELLANEA CURIOSA MEDICO - PHYSICA

A C A D E M I Æ  
N A T U R Æ C U R I O S O R U M,  
*SIVE*

EPHEMERIDUM MEDICO-  
PHYSICARUM

GERMANICARUM

ANNUS SEXTUS

ET SEPTIMUS,

Annis MDC LXXV. & MDC LXXVI.

*continens*

Celeberrimorum Virorum, tum Medi-  
corum, tum aliorum Eruditorum,

*In*

*Germaniâ & extra Eam,*

OBSERVATIONES  
MEDICAS, PHYSICAS, CHYMICAS,

*cum*

A P P E N D I C E.

---

FRANCOFURTI & LIPSIAE,

Sumtibus JOHANNIS FRIDERICI Gleditsch/ Bibliopolæ Lipsiensis,

ANNO MDC LXXXVIII.



MISCELLANEA CLINICA  
MEDICO PHYSICA

Vol. I. Part I.  
1814.

ETHNOL. MEDICO

PHYSICA

ANALYSTUS

ET

DE

Collegium Medicum

PHYSICA

MEDICINA

PHYSICA

PHYSICA

PHYSICA

PHYSICA



POTENTISSIMO  
*AC*  
INVICTISSIMO  
ROMANORUM  
IMPERATORI  
LEOPOLDO I.  
PERPETUO AUGUSTO

GERMANIÆ,  
HUNGARIÆ,  
BOHEMIÆ,  
DALMATIÆ,  
CROATIÆ,  
SCLAVONIÆ &c.

REGL



ARCHIDUCI AUSTRIÆ,

BURGUNDIÆ,

BRABANTIÆ,

STIRIÆ,

CARINTHIÆ;

CARNIOLÆ,

&

LUTZENBURGI,

WURTEMBERGÆ

ac

SILESIA

DUCI,

COMITI TIROLIS

&c, &c.

AU-



AUGUSTISSIME CÆSAR,



Olem, siderum Regem, olim Persæ, quem vel solum vel summum Numen, MITHRAM dictum, credebant, divino honore colentes, quotidie orientem reverenter salutabant, laudum præconiis immensa caloris & lucis beneficia prosequiebantur, ac ritu devoto dexteram ori admoventes osculum labiis imprimebant.

Ignosce, CÆSAR INVICTISSIME, si TE, qui summum in Orbe Christiano imperium geris, *Natura-Curiositas* accedere audentes, iterum augustum NUMEN TUUM, ceu SOLEM suum, salutatione supplici venerantur.



InGloriam Tuam,coruscantium Cle-  
mentiae Gratiaeq; tuæ radiorum splen-  
dore illustre Nomen nacti, focoque in-  
rimandis Naturæ inexhaustis penetra-  
libus conamina sua foventes, deprædi-  
candam assurgerent,nisi vererentur,ne  
eo ipso Soli lumen inferre velle vide-  
rentur.


AdThronum itaque Majestatis tuæ  
supplices adrepunt, & in subjectionis  
devotissimæ signum *Ephemeridum suarum*  
*Annum VI. & VIIImum* modò submisisti-  
mè deponunt,Bonitati Tutelæq; tuæ  
Studia sua identidem consecrantes.

Vive, IMPERATOR OPTIME! Majestatis  
TUÆ radiis invictissimis hostiles insultus, Germa-  
niæ Horizontem obnubilare conantes,fortiter dis-  
sipa! ac citra Occasum Augustissimæ Dom<sup>9</sup> TUÆ,  
Meridiani Solis instar, celsissima Imperii culmina  
perpetuo tene!  
S. CÆS. MAJEST.

*subjectissimi*

*Naturæ. Curiosi.*  
CATA-





## CATALOGUS

*Doctrinâ & Genere Præcellentissimo-  
rum Virorum,*

qui Annum VI. & VII. Ephemeridum  
Germanicarum Curiosarum Observationibus  
suis Physico-Medicis gratiose communicatis, con-  
decorare dignati sunt,

1. D. Daniel ANGELUS, *Illmi Comitis Odoardi de Pe-  
polis, Castilionis, Baragacia, Sparvi &c. Comitis &  
Senatoris Bononiensis Medicus.*
2. ANONYMUS.
3. D. Jacobus BARNERUS, *Præcticus Lipsiensis, Col-  
legii Augustani Adseffor.*
4. D. Bernhardus BELOW, *Regiæ Maj. Suecicæ Me-  
dicus ordinarius.*
5. D. Johannes BUTZ, *Physicus Geyslingensis.*
6. Dn. Andreas CNÖFFELIUS, *S. R. Maj. Pol. Secre-  
tarius & Medicus Aulicus: Illustrissimi Princ. & E-  
pisc. Varmiensis Archiater, Consul Marieburgensis.*
7. D. Johann. DOLÆUS, *Medic<sup>9</sup> Aulicus Nassovien-  
sis.*
8. D. Joh. Sigismundus ELSHOLTIUS, *Ser. Electoris  
Brandenb. Medicus ordinar. Academicus Curios.*
9. D. N. FABER, *Physicus Heilbrunnensis.*
10. D. Joh.



# CATALOGUS.

10. D. Joh. Michaël FEHR, *Consul & Physicus Svinfur-*  
*tensis, Acad. Nat. Curios. PRÆSES, dict<sup>9</sup> Argonauta.*
11. D. Martinus FOGELIUS, *Gymnasii Hamburgensis*  
*P. P. & Medicinæ Practicus, nuper defunct.*
12. D. Joh. Christianus FROMMANNUS, *Gymnasii*  
*Coburgensis P. P. & Medicinæ Practicus.*
13. D. Christianus Fridericus GARMANNUS, *Phy-*  
*sicus Chemnitzensis, atque ejusdem districtus diversar-*  
*um præfecturarum Medicus, Academicus Curios.*  
*dictus Pollux.*
14. D. Ehrenfridus HAGENDORNIUS, *Practicus*  
*Gorlicensis, Academicus Cur.*
15. D. Ludovicus HANNEMANNUS, *Physices P. P.*  
*Kiloniensis, Academicus Cur.*
16. D. Fridericus HULDENREICHIUS, *Physicus*  
*Uracensis.*
17. D. Alphonsus KOHNLIUS, *Physicus Ulmenfis.*
18. D. Fridericus LACHMUND, *Practic<sup>9</sup> Hildesienfis.*
19. D. Joel LANGELOTTUS, *Sereniss. Holsatiæ Du-*  
*cis regentis Archiater.*
20. D. Christophorus LIPSTORPIUS, *Stada Physicus*
21. D. Daniel LUDOVICUS, *Archiater Ducalis*  
*Saxo-Gothanus.*
22. D. Caspar MARCHIUS, *Sereniss. Electoris Bran-*  
*denb. Consiliarius & Archiater, Academicus Cur.*
23. Dn. Ericus MAURICIUS, *Camera Imperialis*  
*Assessor.*

24. D. Chri-




24. D. Christianus MENTZELIUS, *Serenisf. Electoris Brandenb. Archiater, Academicus Cur. dictus Apollo.*
25. D. Georgius Abrahamus MERCLINUS *Junior, Practicus Norimbergensis.*
26. D. Joh. Matthias NESTERUS, *Archiater Beruthin.*
27. D. Johannes PATERSONIUS Hain, *Physicus. Experientis in superiore Hungaria.*
28. D. Christianus Franciscus PAULLINUS, *Comes Pal. Cæs. Poeta Laur. Illustr. Fructifer & Societatis Collega dict. Vigilans: p. t. Reverend. ac Celsiss. Princ. & Episc. Monasteriensis, & Administratoris Corbeiensis Medicus juratus & ordinarius Corbeia ad Visurgin &c. Academicus Cur. dictus Arion.*
29. D. Carolus RAYGERUS, *Physicus Posoniensis.*
30. D. Salomon REISELIUS, *Physicus Wormatiensis, Academicus Cur. dictus Amphion.*
31. D. Lucas SCHROECKIUS, *Senior, Reipubl. Augustanae Physicus juratus, Collegii Medici p. t. Decanus.*
32. D. Lucas SCHROECKIUS, *Lucæ F. Physicus Augustanus.*
33. D. Godofredus SCHUBARTUS, *Practicus Bregensis, Academicus Cur.*
34. D. Simon SCHOLZILIS, *Physicus Thoruniensis, S. R. Maj. Poloniae Medicus.*
35. D. Gottfridus SCHULTZIUS, *Practicus Vratislaviensis, Academicus Cur. Eph. Coll.*



CATALOGUS AUTOREM.

36. D. Georgius SEGERUS, S. R. Maj. Poloniae Medicus, Physicus Gedanensis & Gymnasii ibidem P. P.
37. D. Petrus SPECHT, Reg. Maj. Sveciae Medicus.
38. D. Matthias TILINGIUS, P. P. Rintbeliensis, Academicus Cur.
39. D. Joh. Georgius VOLCKAMERUS, Reipubl. Norimberg. Physicus primarius.
40. D. Henricus VOLGNAD, Practicus Vratislaviensis, Academicus Cur. dictus Sirius, & Ephem. Collector.
41. D. Georgius Wolffgangus WEDELIUS, P. P. Jfenensis, Medicus Ducalis Saxonicus, Academicus Cur. dictus Hercules.
42. D. Daniel WINCKLERUS Principum Ligio-Bregensium Consiliarius & Archiater.
43. D. Gottofredus Christianus WINCKLERUS, Danielis F. Practicus Bregensis, Academicus Cur.



CATALOGUS  
OBSERVATIONUM  
ANNI SEXTI ET SEPTIMI  
EPHEMERIDUM GERMANICARUM.

\*

D. GEORGII WOLFFGANGI WEDELII.

1. De raphano monstroso.

pag. 1.

2. De conquassatione sanguinis.

ibid.

D. CHRISTIANI FRANCISCI PAULINI.

3. De sudore verminoso.

7

D. S. A.



## OBSERVATIONUM.

## D. SALOMONIS REISELII

4. De literis intra ipsum fagi fissæ truncum inventis. 8

## D. JOELIS LANGELOTTI.

5. De menstuis ultra consuetum naturæ terminum salutariter fluentibus. 15

6. De gravi ventriculi affectu, falsò pulmonibus adscripto. 16

7. De mirabili calculi vesicæ curâ. 17

8. De singulari solis cum cephalalgia consensu. 18

9. De magno hirudinum usu in cephalalgia. 18

10. De sudore atro & sanguineo. 20

11. De epilepsiâ transplantatâ in caniculam. 21

12. De copiosissimo liquoris limpidi ex aure sinistrâ profluxu. 22

13. De foetu mortuo feliciter educto. 22

14. De mirando antipathiæ exemplo. 23

## D. EHRENFRIIDI HAGENDORNI.

15. De tremore linguæ post tertianam admirando. 24

16. De balsamo terræ catechu vulnerario. 25

## D. JOHANNIS SIGISMUNDI ELSHOLTII.

17. De equisetò subterraneo. 26

18. De sale ex aëre, & sulphure ex sole colligendo. 28

## D. GODOFREDI SCHUBARTI.

19. De natta. 29

## D. JOELIS LANGELOTTI.

20. Raræ citra suffocationem submersorum historiæ. 29

## D. BERNHARDI BELOW.

21. De præparandi salem volatilem nasturtii aquatici modo. 31

22. De Vermicularis herbæ viribus & præcellentia. 32. 49

23. De mirâ omnium membrorum circumgyratione. 50

## D. PETRI SPECHT.

24. De quibusdam experimentis chemicis. 52

25. De rarâ repentinæ mortis causâ. 54

## D. JOHANNIS MICHAELIS FEHRI.

26. De anevrismate & varicibus. 54

## D. JOHANNIS MATTHIÆ NESTERI.

27. De foetu monstroso. 59

## D. DANIELIS WINCKLERI.



# CATALOGUS

28. De morbo à spectro.	59
29. De hæmorrhagiâ ingenti sexto vel septimo die post acceptum vulnus.	61
30. De carnis vomitu cum sanguine.	62
31. De stramine ἀνω καὶ κάτω expurgato.	63
32. De epilepticâ à spectro.	64
33. De steatmate sub mento.	65
34. De calculo ex pene exsecto.	66
35. De tumore circa lumbos à terrore.	68
36. De calculo in orificio penis urinam reprimente.	ibid.
37. De excreſcentiâ in labio superiore.	69
38. De paralytico muto ex apoplexia cum febre maligna.	70
39. De urinâ cruentâ hinc purulenta.	71
40. De deglutatione ablata in apoplectico.	72
41. De vulnere pectoris.	73
42. De anginâ in morbillis igneis.	75
43. De hæmoptoicâ passione.	76
44. De colicâ cum vomitu & lipothymiâ ob herniam.	77
45. De falsò gravidâ.	78
46. De tumore in scroto.	79
47. De tumoris in scroto temerariâ curatione.	ibid.
48. De vomitu sanguinis.	80
49. De vomitu sanguinis à menstrui retentione.	81
50. De epilepsiâ cœcitate solutâ.	82
51. De herpete brachii lethali.	83
52. De hydrope post tertianam.	ibid.
53. De vario lis cum petechiis nigris.	84
54. De phrenitide aphrodisiâ.	85
55. De hæmorrhagiâ narium.	86
56. De sanguine vermiformi cum urinâ excreto.	ibid.
57. De uteri prolapsu.	87
D. JOHANNIS DOLÆI	
58. De podagra lacte curatâ.	88
59. De cutis tigris usu in partu difficili.	ibid.
60. De arteriotomiâ.	ibid.
61. De vulnerum à sagis illatorum mirâ curatione.	ibid.
62. De	



# OBSERVATIONUM

62. De lapidis hæmatitæ viribus.	89
63. De præcoci mensium fluxu.	ibid.
64. De matre fœcundâ nunquam menses passâ.	89
65. De puellâ ascitica curatâ.	90
66. De lapidibus varias tum arborum, tum fruticum, tum animalium figuras exprimentibus.	ibid.
67. De sudore cœruleo dextri hypochondrii.	ibid.
68. De ascitici exenteratione.	91
D. SALOMONIS REISELII	
69. De nausæ & mictionis cruentæ causâ abditâ.	92
D. LUDOVICI HANNEMANNI	
70. De insolitâ lactis abundantia.	92
D. JOHANNIS GEORGII VOLKAMERI	
71. Cadaveris virilis dissecti historia.	94
72. Difficilem partum facilitare.	98
73. Historia uteri ex virgine resecti.	99
D. CHRISTOPHORI LIPSTORPII	
74. De vitulâ bicipite, anno LXXIII. Stadæ natâ.	101
D. GODOFREDI SCHUBARTI	
75. De aquâ submersis. Responsum ad Obs. 20.	101
ANONYMI.	
76. De submersis Sveciæ Responsio ad Obs. 20.	105
D. GEORGII ABRAHAMI MERCLINI	
77. De epilepsiâ recurrente, à sinistri pedis pollicis læsione ortâ.	109
D. CHRISTIANI MENZELII	
78. De sudore luteo ab assumpto rhubarbaro.	110
D. JOHANNIS SIGISMUNDI ELSHOLTII	
79. De Badiani Moscovitico.	111
80. De ovo prægnante.	112
L. CHRISTIANI FRIDERICI GARMANNI	
81. De mictu fungorum.	113
DN. ANDRÆ CNOEFFELII.	
82. De miserando & inexplicabili aurium dolore, tres singulares casus.	114
83. De arthritide vagâ, mirabili & exitiosâ.	116
84. De affectu scorbutico, arthritidem fixam mentiente, in vagam desinente.	117
	85. De



# CATALOGUS

85. De aëris inspirati per aurem sinistram emissione.	118
86. De singulari & rarâ febris continuæ curatione.	119
D. JOHANN. SIGISMUNDI ELSHOLTII.	
87. De sulphure putatitio, cum pluvîâ descendente.	119
D. JOHANNIS MICHAELIS FEHRI.	
88. De urinæ incontinentiâ.	120
L. CHRISTIANI FRIDERICI GARMANNI.	
89. Responsio de aquâ submersis ad Obs. 20.	122
D. GOTTFREDI CHRISTIANI WINCLERI.	
90. De hæmorrhagiâ narium.	127
91. De venæ sub linguâ sectione funestâ	128
92. De linguæ semiparalyfi.	129
93. De maniâ post variolas.	130
94. De dolore brachii intolerabili.	ibid.
95. De phthisis curatione.	131
96. De epilepsiâ & insaniâ à venæ sectione sub linguâ.	132
97. De obstructionis alvi causâ mirâ.	134
98. De ulcere in maxillâ.	134
99. De dolore brachiorum & crurum cum immobilitate.	135
100. De πυσσάβροχάκη.	136
101. De nodo calloso.	137
102. De calculo vesicæ.	ibid.
103. De phthisi ex fluore albo lethali.	138
104. De lumbrico lato.	139
105. De spasmi curatione.	140
106. De hydropè à vulnere epatis, ejusque curatione.	141
107. De epilepsiâ à lapsu curatâ.	142
108. De ratiocinationis depravatione à variolis, subsequente πυσσάβροχάκη.	143
109. De calculo renum.	ibid.
110. De surditate post febrem malignam.	144
111. De perechiis cum maculis veluti inustis.	145
112. De ischuriâ undecim dierum curatâ.	146
113. De vomitu sanguinis enormi.	148
114. De singulari ilei curatione.	150
115. De spica fecalis mirabili.	151
152. De	



## OBSERVATIONUM.

116. De scrophâ tripede.	151
117. De rosis salignis.	152
118. De puero cum sex digitis in utraque manu & dextro pede nato.	153
D. GEORGI WOLFFGANGI WEDELII.	
119. Folia quercus in æs mutata.	154
120. Mutatio ♂ in ♀, seu ferri in cuprum.	155
121. De vertigine cæcorum.	156
122. De cancro in cancro.	157
123. De spiritu Vitrioli regenerato.	158
124. De suffusione tunicæ adnatæ.	159
D. MARTINI FOGELII.	
125. Ad historias submersorum Obs. XX. responsio.	159
D. JOHANNIS ELSHOLTII.	
126. De artificii, quo oculorum humores restituuntur, vestigiis apud Veteres.	160
127. Semen zinæ officinarum an sit genuinum ?	164
D. GEORGI SEGERI.	
128. De capreæ moschiferæ exuviis.	166
129. De nuce Indicâ sive cocco minimâ cercopitheci faciem representante.	169
130. De historiis submersorum Obs. 20. judicium.	170
D. JOHANNIS DOLÆI.	
131. De ovario muliebri.	172
D. MATTHIÆ TILINGII.	
132. De pulmonum calculo tussi projecto.	173
133. De liene indurato, scirrhuso & fere lapidoso.	177
D. SIMONIS SCHULTZII.	
134. De paralyfi lethali, hydropi superveniente.	180. 181
135. De abscessu umbilici, phthisin universalem detegente, & mortem producente.	183
136. De aponia ex occulto amore.	185
137. De febre tertianâ, in sene in ipsâ herba suppressa.	186
138. De plica explicata.	187
139. De pica seu malacia puerorum.	199



# C A T A L O G U S.

140. De singulari curatione rigoris & frigoris maximi in toto corpore.	200
141. De palpitatione diuturnâ ventriculi tandem sublata	201
142. De hydrophobiâ.	<i>ibid.</i>
143. De podagrâ contagiosâ.	<i>ibid.</i>
144. De vermibus vivis è bubone inguinali exeuntibus,	202
145. De purpura epidemia maligna infantum.	<i>ibid.</i>
146. De fraude medica salutari.	203
147. De metastasi humoris per vias occultas : seu, de empyemate post pleuritidem notham per foramen cutaneum, à venâ mediana incisa, salutariter soluto.	204
148. De motu quodam totius corporis, omniumque ejus partium horrendo & diuturno, ex tremore & palpitatione mixto, tandem curato.	206
149. De singultus diuturni curatione.	207
150. De arthritide vaga perperam curata.	208
151. De Judæis Medicis.	208
152. De angina alba sive notha periculosa.	215
153. De menstruo fluxu post duas septimanas ordinariè revertente.	216
154. De foetore narium simili ei, qui ex fonticulo artificiali percipitur.	217
155. De arthritide ferè annua tandem vomitibus & diarrhœa soluta.	<i>ibid.</i>
156. De sphacelo interno fundi uteri in nana.	218
157. De magna carnea excrescentia è scapula sinistra propendente, abscissa & feliciter curata.	219
158. De nullo panis esu, ex prava consuetudine orto.	220
159. De menstruis nunquam fluentibus.	<i>ibid.</i>
160. De polypo vivo è vesica urinaria cum urina excreto.	221
161. De febre tertiana in senè post primam & secundam recidivam profligata, post tertiam verò lethali.	222
162. De felis amore erga hominem.	224
163. De apostemate colli & phthisi consummata.	224
164. De tumore pectoris in apostema converso, à morbo comitali.	225
165. De	



## OBSERVATIONUM.

165. De paracenthesi in ascitico frustra adhibitâ.	226
166. De ciconiæ vindictâ.	227
167. De sudore quodam naturali & salutari.	228
168. De excrescentiâ uteri ulcerosâ cum sphacelo lethali.	ibid.
169. De vivacitate anserum.	229
170. De sudore pingui & oleaginoso.	230
171. De euporistis quibusdam somnum conciliantibus, haut vulgaribus.	231
172. De symptomaticis excretionibus, per omnia ferè corporis emunctoria, diversimode factis, funestum morbi exitum indicantibus, & non nisi morte sublatis.	232
173. De dolore capitis periodico & vario.	ibid.
L. CHRISTIANI FRIDERICI GARMANNI.	
174. De variis fungi fungosive excrescentis.	233
D. JOH. PATERSONII HAIN.	
175. De vermibus in aceto pomaceo.	234
176. De argento vivo in majori quantumvis quantitate assumpto, sex diebus in corpore retento.	ibid.
177. De anatome epileptici.	235
D. FRIDERICI LACHMUND.	
178. De dextrâ aure occlusâ.	ibid.
179. De infante monorchite, pene in abdomine delitescente.	236
180. De cranii fontanellâ in homine adulto.	237
181. De cranii fontanellâ in homine adulto quidem osseâ, sed peculiari futurâ circumdatâ.	ibid.
182. De anseris domestici cristato.	238
183. De infante bimulo nondum dentato.	ibid.
184. De osse frontis virginis adultæ mobili.	239
D. JOH. CHRISTIANI FROMANNI.	
185. De sudore post mortem.	239
186. De variolarum in facie præservatione.	243
187. De convulsivis motibus à vermibus & remedio ad hos.	244
188. De verminoso in ovibus & juvencis reperto hepate.	245
189. De salubritate carniû animalium hepate verminoso laborantium.	252
190. De serpente è corpore rejecto.	259
	D. JOH.



# CATALOGUS

## D. JOH. MICHAELIS FEHR II.

191. De noxa carnis animalium ægrotantium. 266

## D. SALOMONIS REISELII.

192. Conjecturæ super Langelottianos diu submersos. *Obs.* 20. 267

193. De urina noctu lucente. 277

## D. N. FABRI

194. De anatibus auriferis. 282

## D. DANIELIS ANGELI

195. De calculi vesicæ grandioris spontanea excretionem. 283

## D. JOH. SIGISMUNDI ELSHOLTII.

196. Hominis conceptio ex ovario. 284

197. De ovario humano atque tubis. 287

198. De gemellorum origine. 290

## D. JACOBI BARNERI

199. De antipathiæ exemplis notatu dignis. 291

## D. CAROLI RAYGERI

200. De lachrymis sanguineis. 292

201. De epilepsiâ infantum. 293

202. De quibusdam in dissectione recens natorum observatis. 295

203. De malignitate oculi catarrhum in pectore mentita. 297

204. De abortu bis venæ sectione impedito. 298

205. De observatis quibusdam in icteri curatione. 300

206. De calculo per scrotum excreto. 301

207. De alapa lethali. 303

208. De gangræna spontanea tali cum asthma. 304

209. De oleo lini in hæmoptysi. 305

210. De phthisi & morte ex potu frigido. 307

211. De visus privatione omniumque membrorum tremore ex totius corporis refrigeratione. 308

212. De epilepsiâ apoplexiæ superveniente lethali. 309

213. De catarrhis anno 1675. per autumnum grassantibus. 310

214. De sero lacteo V. S. extracto. *ibid.*

215. De serpente ex homine post mortem prorepente. 312

## D. CASPARIS MARCHII.

216. De abscessu fistuloso in femore medicamento antimoniali curatione. 314

217. De



## OBSERVATIONUM.

217. De scabie antimoniali medicamento brevi curata. 315  
 DN. *ERICI MAURITII*.
218. De novo contra podagram remedio, & lapidis Lazuli vi cle-  
 trica. 317  
 D. *JOH. FRIDERICI HULDENREICHII*.
219. De hepate insolitæ magnitudinis, pendente quatuordecim li-  
 bras civiles. 319
220. De calculo in vesicula fellis. 321
221. De calculis innumeris in substantia pulmonum repertis. 324  
 D. *ALPHONSI KOHNII*.
222. De capite foetus septem annis in utero retento. 326  
 D. *JOANNIS BUTZII*.
223. De anatome hydropicæ. 327  
 D. *JOH. SIGISMUNDI ELSHOLTII*.
224. De moxa Sinenfi antipodagrica. *ibid.*
225. De cordis dissecti fragrantia. 331  
 D. *GEORGII WOLFFGANGI WEDELII*.
226. De principiis rerum in genere. 331
227. De principiis chemicis. 333  
 D. *LUCÆ SCHROECKII LUG. F*
228. De uvula gemina. 235
229. De Laconici coriariorum, Germ. Lohbad dicti, usu. 337
230. De raro passerum Canariensium colore. 338
231. De aloë Augustana. 339
232. De intestinis foetus extra naturalem locum pendulis. 340  
 D. *SIMONIS SCHULTZII*.
233. De singularibus vesiculis post aures menstrua ordinariè & im-  
 mediatè præcedentibus. 341  
 D. *CHRISTIANI FRANCISCI PAULINI*.
234. De puerpera incredibilem vermium copiam evomente. 342
235. De vano camphoræ ad extinguendam venerem usu. *ibid.*
236. De universali contractura, aliisque miris symptomatibus à ver-  
 mibus. *ibid.*
237. De singulari colicæ remedio. 343
238. De purgatione ex mera imaginatione. *ibid.*



# CATALOGUS OBSERVATIONUM.

D. HENRICI VOLGNADII.

239. Rariora quædam naturæ sive luxuriantis sive ludentis exempla. 344

D. GOTTFREDI SCHULTZII.

240. De halone solari. 352

241. De mannâ abortûs causâ. 353

D. DANIELIS LUDOVICI.

242. De foetus cervini 2. Novembris constitutio. 354

243. Inquisitio in majorem spiritus Tartari proventum. 356

244. De Experimentis cum calce vivâ factis 363

245. De sale culinario anomalum quasi ammoniacale 376

## INDEX TABULARUM AENEARUM ANNI VI. & VII.

Tabula A inseratur	pag. 101	Tabul. N	inseriratur	pag. 169
B	1	O		
C	345	R		
D	17	S		233
E	59	T		15
F	29	U		287
G		W		344
H	238	X		345
I		A a		353
K	151	B b		351
L	152			

Monendus est Bibliopegus, ut Icones M, P, Q, incuria chalco-graphi in unam tabulam incisas, dividat, & unam quamque earum seorsim folio chartæ mundæ agglutinet, sicque M p. 152. P. pag. 284. Q. pag. 323. inserat.

Der Buchbinder muß die Figuren M, P, Q, von einander schneiden/ und jede besonders auff ein weiß Blat Papier geleimet / an gehörigen Ort einlegen; nemlich M pag. 152. pag. 284. und Q pag. 323.

EPHE














# EPHEMERIDUM PHYSICO-MEDICARUM CURIOSARUM.

ANNI VI.

OBSERVATIO I.

D. GEORGII WOLFFGANGI WEDELII

DE

RAPHANO MONSTROSO.

**R**aphanus hic monstrosus anno 1558. Harlemi in terrâ fabulosâ inventus. anno verò 1642. ab ingenioso pictore, Jacobo Pinoy, vivis coloribus depictus, & D. D. Paulo Glandorpio, nuperimo anno 1672. in originali (ut vocant) à consultissimo Dn. Secretario, Simone Zuckerbecker, Amico vetere, communicatus est.

*(In literis ad Coll. Ephem. mense Maio. Ann. 1647.)*

OBSERVATIO II.

D. GEORGII WOLFFGANGI WEDELII

DE

CONQUASSATIONE SANGVINIS

THESES.

**C**um cordis usus sit triplex, 1. sanguinis alimentaris præparatio, 2. spiritus vitalis elaboratio, 3. utriusque per pulsum in universum corpus distributio, id quod præstat *Motus* perpetuo, *Calore* animali vivifico, *Fermento* seminali; In eodem occurrunt,

A

I. Mo-



1. *Movens primarium, Anima*, quæ hoc loco audit Vis Pulvisifica; sicut dum corpus vivificat Anima; dum vult, Animus; dum scit, Mens; dum recolit, Memoria; dum rectum judicat, Ratio; dum spirat, Spiritus; dum sentit, Sensus &c. dicitur.

2. *Mobile*, seu sanguis.

3. *Via* seu vasa, advehentia, venosa, & evehentia, arteriosa. Præter hæc verò tria etiam necessariò attendendus est.

4. *Motus*, qui fit cum κλόνω, seu CONQUASSATIONE. Sanguinis enim in corde motus nil aliud esse videtur, quàm conquassatio quædam continua, ut partes heterogeneæ dispositionem nanciscantur, debitis locis secernendæ, & purus sanguis arteriosus ad partes veniat.

Non intelligitur *Conquassatio*, verbi gratiâ 1. *Chymica*, quo modo conquassari dicuntur medicamenta: Nec 2. *Physica & Mathematica*, quâ ratione conquassantur nubes & aër; sed talis, quæ non solum propulsando sanguini apta nata est; verum ut in œconomicis solet lac conquassari & concuti, pro segregandis partibus heterogeneis, ita hæc omnisque etiam reliqua sanguinis in aliis visceribus depuratio instituitur, tum, ut sanguis aptior fiat suis usibus, alendo & reficiendo corpori, tum ut consistentiam debitam servet illibatam.

In simili, ex parte, conquassatione œconomicâ occurrit dilatio & constrictio, ut, quod modò in altum adscendit lac, iterum deprimatur. In corde est systole & diastole, quibus modò dilatatur, modò constringitur, & ad vasorum parietes alliditur, eoque magis attenuatur & subtilisatur sanguis.

Sic cum chylus cordi per venam cavam infunditur, conquassandus est, ut uniatur cum sanguine, & fiat rubicundus. Color autem rubicundus maximè est diffusivus sui, & facile admittit alios colores, modò non sint oppositi, sed subalternati.

Sic alliso tali modo sanguine, seu conquassato ad segregationem disponuntur partes heterogeneæ & distinctæ in eo existentes alibi postmodum secernendæ; homogeneæ verò, imprimis spirituosæ magis uniuntur & colliguntur. Humor enim alimentaris princeps est sanguis, ministerialis serum mite seu lymphæ. Uterque hic se unâ exercet, & alter alteri suppeditat debitum.

In Pulmonibus omnes ferè hætenus statuerunt, fuliginum fieri separationem; sed per fuligines latius intelligendi sunt vapores. Dico, hic



co, hinc separari expiratione partes magis aqueas à sanguine, quod quilibet experiri potest, si afflet speculum, vel halitum colligat. Prout ergo se habet sanguis, ita & hi vapores: si scilicet salinæ, impuræ admiscuntur particulæ, & illæ hinc excluduntur, quæ quidem ab aqueis his recipi possunt atomis: hinc malignitas solo halitu communicari potest: hinc phthisis, imò etiam, quod observavi, hæmoptysis, sunt contagiosæ.

In hepate, transcolato sanguine, bilis separatio fit, seu particularum magis sulphurearum & acriorum volatilium, quæ colliguntur in vesiculâ felleâ.

Lien serositatem quandam acidam & mordicantem in recessu habet, unde sanguis per ipsius parenchyma filtratus debitam acquirit consistentiam, & aliquo modo inspissatur; vel è contrario, ne fiat nimis subtilis, impeditur. Ne verò nimis coaguletur, natura copiosis illum instruxit arteriis. Hinc etiam coagulo hoc affectus sanguis, citius postmodum deponit locis seu emunctoriis debitis fordes.

Per Renes præter aqueas partes lixivæ & volatiles magis segregantur, ne sanguis fiat fluidior: ubi notari potest, urinam post paucas horas à cibo redditam planè aqueam esse, nec sal in se continere, nisi paucissimum; coctione verò peractâ magis magisque salina evadit.

In emunctoriis capitis magis pituita; per cutis spiracula aciditas superflua segregatur.

Impossibile verò est, nisi conquassetur & concutiat hunc modo sanguis, ut excrementi tales humores secerni queant, ut moto lacte, simplici quidem motu, nunquam emergit butyrum & serum.

Figamus, lac devehì ab arteriis & revehì à venis, seu ductibus & canalibus similibus infusum, nunquam inde separabuntur partes reliquæ, nisi conquassatio & concussio accedat.

Operæ pretium est, videre, quidnam conjungatur cum conquassatione lactis: ut partes separentur. *Motus* adest *continuus*, idem in corde: Depressio & sublatio systolen & diastolen cordis exactissimè repræsentat. *Movens* adest manus, in corde movens anima. *Calor* quasi motu hoc conciliatur, qui separat heterogenea & congregat homogenea. Cor fons caloris, ubi ergo hic residet, ibi & separatio fiet, in partibus enim cæteris non est, nisi per *κωνίαν* & restrictè.

Hinc actuatō & medicamentorum & alimentorum explicari potest.



test. Ex iis, five per se liquidis, five cum liquoribus nativis communicatis vis ingreditur cor; concutitur ibi & conquassatione magis elicitur, quicquid in eis boni hæret, cætera ad segregationem disponuntur. Et, nisi conquassatio hæc fiat, medicamenta minùs sortiuntur effectum. Purgantibus assumtis manifestè sentitur, Cor conquassationem moliri majorem, motu concitatori evidentem.

Idem ab aliis medicamentis maximè volatilibus manifestò sentiri solet, à fixioribus, absorbentibus minùs.

Quoad alimenta, bilis & succus pancreaticus videntur facti esse ob id etiam, ut chyli confectionem extra ventriculi pomaria continuant, adeoque menstrui cujusdam vices subeant, cumque chymus in ventriculo à resolutione facta sensim acescat, hinc diluitur à pancreatico succo, à bile verò partes acidiores præcipitantur, hinc utrique spissescences cum excrementis solidis excernuntur.

Sicut enim cor & sanguis. ita & ventriculus & intestina sunt causa sociæ. Natura non nisi nectar & Ambrosiam, seu Q. E., ex assumtis delibat & in usum suum convertit; terreum quod est, per longos intestinorum gyros, testudineo gradu propellit, ut, sicubi quid boni adhuc insit, evaporet, & in civitatem adscribatur, donec in crassioribus jam scybala fiant inutilia & foetorem concipiant, sicque per janitorem, rectum intestinum, eliminantur.

Quin hoc modo alios quoque excrementitios humores ad infimum ventrem deturbat, qui partim suum usum habent, vel in stimulando leniter intestina, vel putredinem aliquandiu protrahentia, & balsamica vi conservantia, vel SEPARATIONEM UTILIUM SEQUIORUM adjuvantia & diluentia, ut bilem, humorem pancreaticum, pituitam, ut alia in locum exhaustarum particularum succedant, jam officio functa, ut pars secedat, pars evaporationi, diluendo, continuanda faciat.

Deductus per publicam & regiam viam chylus ad cor, sequestratis jam crassioribus, opus adhuc habet, ut deponat, quas secum habet, excrementitias particulas. Liceat hoc loco paulò latius vocare excrementa, non inutilia solum, ut urinam & materiam tenuem per sudorem dissipandam; sed utilia quoque, ut semen & lac. Certum est, hæc debere separari; sed quomodo id fit? Conjuncta cum sanguine unam constituunt massam, homogeneam, καὶ πανταίαν. Sanguis ergo



ergò hic debito modo est præparandus, antequam talem naturam & formam, puta, lactis, seminis, bilis, induat. Ejus verò prima rudimenta ponuntur in conquassatione, quâ aliæ atq; aliæ imprimuntur figuræ.

Semen totum spumofum est, quod iteratæ sæpius conquassationi sanguinis debetur, quæ necessaria erat, ut tam nobile corpus exurgeret.

Cum nimio potu ventriculus gravatur, ut solet in ebriosis & bibacibus, in conquassatione sanguinis solum ferè emergit serum, cum paucâ bile, hoc delatum ad loca debita, nec evacuari, nec recipi potest, hinc restagnat, & varios morbos producit.

Quando multæ particulæ calidæ junguntur sanguini, ex conquassatione multa emergit bilis: inde icterus, quia non potest recipi omnis, quæ generata est bilis, in vesiculâ, ergò restagnat, & ad omnes deferuntur partes.

In febribus multa materia cordi infunditur, quæ segregari apta non est, hinc conquassatur à corde, quousque vincatur. Duratio conquassationis talis facit paroxysmum, in intermittentibus, modò longiorem, modò brevior, prout materia vel copiâ, vel qualitate, acris, acida, viscosaque peccat.

Conquassationem hanc aliquatenus continuari in arteriis totius corporis vero est simile, ut scilicet separationi magis apta reddatur materia quælibet. Sic plures arteriæ ingrediuntur vasa spermatica, crassiores tamen & majores, ut conquassatio eò melius fiat.

Saccharum, mel, cineres, &c. injecti lacti nunquam butyrum & serum inde separari sinunt, sunt enim naturæ salinæ, & hinc uniunt invicem partes oleosas & serosas. Probabile est, & in sanguine simile quid ea præstare, unde, cum segregari nequeant, particulæ impuriore, sed viscedine quâdam inquinantur; vulgato termino bilescit sanguis, oriuntur obstructions, verbo dulcia hæc & salina conquassationem, & exinde resultantem separationem nonnihil impediunt.

Quid verò est obstructio, nisi quando materia apta non redditur separationi, hinc eâ ad partes delatâ, recipitur quid pro quo, unde meatus & viæ sæpè coarctantur, & limosæ impuritates accumuluntur.

Contrâ verò acida conquassationem videntur promover. Infuso spiritu salis, vitrioli, aceto & aliis similibus, lac faciliè coagulatur, & in butyrum & serum facessit. Acida pariter in corpore nostro separatio-



nem conquassativam, seu conquassationem separativam adjuvant, licet diverso effectū; pro ipsā sanguinis dispositione, modò coagulent sanguinem, si sit fluxilior, & salibus lixivis abundet; modò dissolvant, vi incisoriā, coagulatum, ceu ipso *Hippocrate* teste, & experientiā, acetum sanguinis grumos dissolvere observatur.

Et hoc pacto explicari potest, quid sit transmitti materiam à corde, vel toto corpore ad partes, & si inibi sensim colligatur, per συναθροισμὸν id fieri dicitur; si desubitò ἀθρόως καὶ βιαίως, ῥιζματισμός audit.

Quomodo enim cor transmittere potest, nisi prius conquasset & excutiat sanguinis particulas, quo facto mittere segregatas potest, quocunque tū ipsius humoris conditio & qualitas, tum partis recipientis intercapedo & dispositio permittit.

Necessarium autem est, hanc vitiosam materiam alicubi generari, quod fieri nullibi potest, quā in ipso corde, ex suggesto tū chylo, tum per venas reducentes sanguine.

Totum itidem corpus mittere dicitur, cū depulsa in omnes partes materia locum cœco impetu quærit, ubi deponatur: invento tali, ceu in sede quadam decumbit, & pro imperio partis tonum labefactat.

Hoc etiam est *Δεχόμενις*, *Δάκρυσις* & *Διπύκρυσις* humorum *Hippocratica*, quatenus nondum excussis & segregatis à corde particulis allotriis placidā defluit sanguis pace, segregatis verò & sejunctis turba oritur, pro copiā, qualitate & dispositione pororum earundem.

Ut verò missis pluribus, quæ ex hoc fonte deduci queunt, ipsa res melius pateat, certum est, quod dato & concessio sanguinis in circulum motu, hæc ipsa tamen circulatio non sufficiat, nec animum curiosum exsaturet, nisi conquassatio hæc statuatur.

Circulatio enim, ut circulatio, sanguinem non reddit aptum ad segregandas particulas heterogenes; sed has aptas redditas ad excretiva loca vehit, quo facto, quodlibet loco proprio excernendum deponitur, & transcolatur.

Neque novum id adeò est, quin apud ipsum *Hippocratem* hujus existent vestigia, v. g. *l. περὶ γονῆς c. 1. t. 11. seqq.* hanc conquassationem concedit, affirmans illud de semine, ὅτι κλονέει ὑπὸ τῇ κινήσεως καὶ ἀφρέσει. Subjungit *t. 12. καθάπερ καὶ ἄλλα ὑγρὰ ζύμπαντα κλονεμένα ἀφρέει.* Recensens ibidem *c. 4. t. 3.* quare pueri careant semine? ait, venulas



venulas ipsorum, esse tenues & repletas, & pruritus ipsis non similiter accidere, καὶ ὅτι ταῦτα εἰς κλονεῖ ἐν τῷ σώματι τὸ ἐχρὸν ἐς ὑπεκρίσιν ἢ γονῆς, & propterea neque conquassatur in corpore humidum ad geniturae, secretionem &c.

Gemina his etiam sunt illa *Helmontii* l. blas humanum §. 23. p. 147. ubi, neque enim sat est, inquit, fermentum efficienter esse effectivum, ut sanguis animetur, & vertatur in spiritum, illumque in sinu laevo cordis habitare: nisi motus concurrat pulsatilis, assimilatus motui, quod lac acidulum verâ transmutatione in butyrum mutatur, &c.

Consentit *Lowerus tract. de corde* c. 2. p. 127. Quod sæpius, scribens, in corde sanguis CONQUASSATUR, ad vasorum parietes alliditur, in habitu corporis à contractione muscutorum agitur & concutitur, & denique per poros corporis urgetur: eò magis attenuari, & à stagnationibus istis liberari, necesse est; in quas aliter pars sanguinis nutritia satis prona est, &c. &c.

### OBSERVATIO III. D. CHRISTIANI FRANCISCI PAULINI.

#### DE SUDORE VERMINOSO.

**S**tupendos equidem sudores alii, mellis enim sudorem recenset *Rhod. C. III. 58.* epotæ cerevisiæ *Salm. C. 2. 28.* viridem, *Borell. III. 56.* nigerrimum *Zac. III. pr. Obs. 73.* vini rubri *Barthol. C. 4. h. 61.* *Sachs. Ampel. p. m. 395.* arenularum *Barthol. C. 1. h. 34.* *J. D. Horst. Man. ad. Med. p. 1. c. 2. p. m. 123.* urinæ *Salm. C. II. 28.* statuarum *Barthol. C. VI. h. 93.* *Theatr. Europ. T. VI. p. m. 632.* croceum *Hildan. C. VI. 77.* oleosum ac pinguem *Mollenbr. in Misc. Cur. ann. II. Obs. 19.* Sudorem septem annorum, *Tulp. III. 42.* sanguineum, *Arist. III. A. 9. L. III. P. an. c. 5.* *Maldonat. T. I. in Evang. Matth. c. 26.* *Fernelius L. 6. path. 4.* *Tulp. II. 31.* *G. Horst. p. 2. Obs. 15.* *Drexel. p. 2. delic. gen. hum. c. 2.* *Donat. 1. M. H. c. 2.* *Thuan. L. XI. hist. Barthol. hypomn. 4. de cruce Christi. Libav. disp. de lachr. cruent. §. 4.* *Becker. 1. Med. Micr. c. 5.* *Jonston. thaumat. nat. Cl. X. c. 3.* *G. Fabricius L. III. Annal. Misc. Theatr. Europ. T. 2. p. m. 115.* *Mercurial. L. 4. V. L. c. 12.* At verminosum sudorem, excepto *Henrico ab Heer in Miscell. Curios. Ann. II. Obs. modo citata*, à nemine unquam obler-



observatum memini. Accipe igitur, Excell. Dne, rarissimam historiam. In Pomerania paucis abhinc annis rusticæ filius, 12. anno ætatis variolis corripiebatur. Pauperçula mater, ob rem domi angustam, vetulam consulit, hujusque consilio filio Thericam propinat in aq. card. bened. ægrumque ad sudorem componit. Quid sit? paulò post ægro-  
tans in universâ cute intolerabilem sentit pruritus, rogat itaque matrem, ut fortiter ipsum fricet. Ipsa annuit: pruritus augetur. Tum æger: quæso, accuratius inspicere corpus meum: recipit, mordet, vellit, punit & quid singula? Genitrix perlustrat nudum filii corpus, & ecce! minutissimos vermiculos albos, nigra puncta in capitibus gerentes, è poris partim egressos, partim egressuros deprehendit innumeros. Vidua prorsus attonita rem inauditam vicinis expositura nudum derelinquit filium, reversa semianimem reperit, qui tandem, syncope superveniente, eodem die finem vitæ fecit, ut ex ore amici cujusdam eruditi, viri rerum naturalium studiosissimi & fide plenissimi, habeo. Vides, Excell. Dne, Langium Prof. Lips. in judiciosissima disputatione de morbillis, an. 1660. habita exploso veterum errore, rectissimè docere: Variolas & morbillos nil aliud esse, quam pullulaginem verminosam. Et ita omninò est, si conseras *Obs. Rhod. C. III. 64.* *Borell. c. II. 72.* & *Obs. micros. 31.* *Bartholin. C. V. b. 20.* plures ut taceam.

(In literis ad D. Wedelium, Haffniâ Danorum.)

## OBSERVATIO IV.

## D. SALOMONIS REISELII

DE

LITERIS INTRA IPSUM FAGI FISSÆ  
TRUNCUM INVENTIS.

**I**nter naturæ lascivientis ludos, quorum exempla passim occurrunt, meritò adnotandus est ille.

*Neo Hanovia* ante annos ferè octodetim frustum è Fago, dum inter medullam & corticem finderetur, ostendit, literas majusculas Romanas in utroque intus latere. Pro ostento statim habitum omnes oculos & omnia ad se provocavit, ita quidem, ut pro infausto signo juxta eum aliis, eodem tum anno 1654. incidentis magnæ Solaris Eclipseos prognosticis, in publica concione sit allegatum, donec ex aliis eodem curru in vectis similiter inscriptis frustis (quod testantur, qui adhuc vivunt)

miracu-



miraculi specie extinctâ, re tamen saltim non ab omnibus cognita aut dijudicatâ, tandem veluti rarum quid ad Cancellariam deferretur. Ubi retentum diu, demum anni 1672. Augusto mense ad *Illustrissimæ Comitissæ Hanoviensis Dn. Friderici Casimiri, Clementissimæ Domini mei Technophylacium* delatum est, cujus figura & vera magnitudo faciliè apponi posset, si mereretur in æs incidi, quam verò interim penna substituat.

Frustum ipsum à majori trunco resectum in asseres duos fissione divisum est, iisque conjunctis iterum, unicum fuisse agnoscitur, tres spithamas longum, palmò unò crassum, & triangulare est. In divisionis lateribus inscriptio per lineas quinque sibi suppositas, Latinis literis pollices seu uncias duas longis, verum fissione mutilatis, Germanâ lingua, imperitâ manu facta est, quarum prima signata literis NES prænomine Joha-NES integram vocem conjecturâ secum fert; secunda CAS finis est cognominis nescio cujus; tertia DEM articulum τοῦ notat; quartâ TEN syllaba ultima diei seu primum eis-TEN, seu tertium drit-TEN, seu alium similiter terminantem numerum supponit; quinta denique IS, & restauratâ totâ voce April-IS mensis nomen definit, quod hoc tempore plerumque ludant in cortice succulento Satyri & Fauni; Idiotæ autem, qualis est hæc scriptura, reliquorum mensium hibernorum casum, scilicet casum Genitivum in IS desinentem, non faciliè formare sciunt. In lateribus divisionis dixi, utriusque puta parietis, seu superficiebus fissuræ, literæ videntur: in altero rectæ & pronæ, in altero versæ & supinæ: Illic distinctæ colore pallido inter obfuscis & per longitudinem ligni, quasi effluentes circumcirca radios hîc nigriori inter genuinum arboris hujus colorem discrimine notatæ; Illic lineolis per cuspidem cultri ductis, quasi sulcos incisionis adhuc ostendentibus; hîc extrorsum elevatis & exasperatis. Illæ in ipsius ligni superficie, colore solò, perfectè & distinctè (exceptâ solâ A, quæ medio sui angulo corticem affixum habet, in opposito latere foveolam relinquens) præter tenues dictas incisas lineolas signantur; hîc ex cortice nigro illinc abrupto & alicubi rimulis & sulcis diffracto & hiantes, in aliud lignum immerso & velut ab artificis manu infixæ & adglutinatæ constant, quod evidenter in litera D. apparet, quæ faciliè à reliquo ligni revelli posset, separatione scilicet per dehiscentem rimulam jam incepta & observabili. Præter has literas, literarumque notas & vestigia & radios utrinque



una videtur ligni species, unus color, arctissimaque conjunctio, apparentibus quippe hinc nodis, illinc foveis & sinubus; illinc fulcis & alveis, hinc prominentibus festucis.

Extus autem cortice nudatum est lignum, videturque alio adhuc asfere tectum prius fuisse, quam cortice, quia ex abruptis ejus circulis crassities reliqua facile conjicitur, & corticis externi nulla restant indicia, qui quidem aliàs vel vi detrahi vel sponte propter resiccationem resiliisse potuerat.

Quantum ergo suspicari possum, constat, literas vere in corticem incisas, nudatâ reliqua areâ, quæ aëri exposita nigrescere cœpit, superstitibus & eminentes extitisse, quibus postea aliud lignum, quod supra literas nodosum adspicitur, accrevit, ita firmiter, ut pro unico haberi facile posset, nisi discrimen facerent partim diversæ fibræ seu undæ, seu venæ, & circuli, qui in interiori æquales & rotundi, in exteriori inæquales, tortuosi, ampliores & aliter ducti; partim inclusum alicubi corticis ipsissimi frustulum; partim quod fissio facilius in coalitâ lineâ, quam alibi aliquoties frustra tentata, transierit. Quæ omnia melius occurrunt oculis, ubi serrâ per transversum in inferiori parte recentem divisionem feci. In superiori verò pariter dissectâ non cognoscitur cortex, vel discrimen aliquod, cum totum lignum unius plane coloris & æquales quoque circuli ii tamen abrupti majorem ligni revulsi partem præsupponant.

Disquiritur adeoque, *quomodo externum lignum & corticeis literis & interiori ligno accreverit?* Aliqui putant à cortice proprio aucto & crescenti tecta esse, quod in arboribus juvenculis & pinguibus, & præsertim fago fieri contendunt. Quod verò hic vix locum habet, quia exterius lignum quoad colorem & texturam interiori planè simile, bene crassum adhuc, sed fissura diminutū & sine dubio cortice tandem suo tectum, novum penitus & diversum lignum, conjicio, & dubito, an cortex ipse facile tam lignosus intus evadat, de quo tamen inquirendū: An decorticato alius truncus vicinus, vel studio combinatus, vel sponte sese maritavit, literasque adeo & stipitem quasi conubio texerit, in medio relinquo.

Hucusque designatam Historiam cum figura & conjectura & dubitatione meâ *Regiæ Societati Anglicæ*, quæ circa vegetationem singularissima collegit, & partim edidit, ut exasciandam humillimè proponeret, tradidi Adfessori illius dignissimo, *Dno Guilielmo Schrödero*, prid. Kal. Octob. dicti anni, ostenso simul ipsò ligno, ne de rei veritate oculus dubitare posset. Quæ quod summo honore laudata Regia Societas serenissimâ fronte



fronte acceperit, & haud à vero abludere videantur, nomine ipsius Societatis Clarissimus *Dn. Henricus Oldenburgius Londino 16. Jan. 1673.* me certiore fecit. Unde valdè mihi gratulatus sum de tantâ gratiâ & assensu: magis gavisurus si resolutionem illius simul accepissem. Eam, verò cum ex Tripode ipso non audiverim, sperabam ex *Actorum Philosophicorum* oraculis editis, ubi de succi motu in arboris partes plurimæ consignata sunt, discere. Sed cum nec integra ad manus essent, neq; ea omnia ex Anglico idiomate translata, hæsit animus. Interim famam harum literarum olim alibi etiam percrebuisse post communicationem ligni mei felicissimus Francofurtensium Practicus *Dn. D. Sebastian Schesfer*, in memoriam revocabat, servatasque à Clarissimo suo parente iisdem quidem signis, sed sine notatione temporis, loci aliarumve circumstantiarum in museo suo monstrabat. Præter id verba Danica literis Latinis expressa **JENSHAMERS HOLTER AFF KONGEN ARBEDT FOR EN TIEFF** in trunci cuneo discissi internâ facie Hafniæ in Regia Technicotheca servati, & *Obs. 55. Anni II. Ephem. Naturæ Curiosarum* notata legi, majoremq; fidem meis, quoq; fore præbitura speravi: quemadmodum etiam binæ voculæ <sup>W</sup><sub>s</sub> in suo *literato ligno Fagino*, quod *Clariss. Dn. D. Witzelius* Francofurti ostendit mihi, confirmant simili generatione nostrarum fidem & veritatem.

Postea circa modum coalitionis lucem aliquam fcenerat sum tam ex *Bacone Verulamio*, quàm *Joh. Dan. Majore*. Ille Naturæ summus interpres *Histor. Natur. Experim. 479. Cent. 5.* hæc habet: *Debetur, inquit, & illud aliorum sermonibus, quod tenellæ arbores specie differentes, si contiguae ponantur, non ligatæ, in terrâ fertili, sepiusq; irrigentur, ipsæ luxurie incorporabuntur atq; coalescent. Probabilitate id cætera hætenus proposita anteit, cum præpediat ligatura, ne arbor ad naturæ legem intumescat, unione per motum commodiori.* Ad quæ notandum, conjungi quidem arctè arbores, sed non coalescere in unum stipitem, nisi denudato utrinq; omni cortice (tres enim sunt instar cutis, duræ & piæ matris niger seu cinereus, viridis & albus) uti demum utriusq; arboris succus combinari & adglutinari queat: quod tam in insitione furculi aliunde abrupti aut adhuc in arbore viventis & declinati, in trunculum fissum vel excavatum in tubulatione (*Pfeiffeln*), quæ est in tubulum excavatum exemptoq; furculo furculi decorticati ejusdem magnitudinis insertio, vel à cortice separatum, quam in inoculatione (ut liceat sic loqui) gemmæ observandum est, si quis cupiat felicem propagationem.



Hic Naturæ Curioforum Hesperus lucidissimus *Dissert. Botan. de Planta Monstrosa Gottorpiensi, ubi quadam de coalescentia stirpium & circulatione succi nutritii per easdem* §. 23. ista largitur mihi. Lignosos etiam arborum stipites & ramos interdum coalescere. Fagos inprimis & Betulas sponte, ut quasi complexus matrimonialis dulcedo sic adumbretur. Quod imitati hortulani, cerasorum aut tiliarum stipites ita convolvunt, ut coitum, quem vocant, viperarum, vel columnas in spiram contortas referant, & ruptis mutuo corticibus, crescenteq; ligni mole, firmiter tandem coalescant. Et §. 24. Nec minus arma interdum ac tropæa inventa inter findendum semimiraculose fuerunt longe sub cortice, & circa internodia, nisi planè in aliqua medietate ligni. Quod inde accidit, quia dum recreverunt arbores & extensæ iterum in longum latumq; sunt, arma istiusmodi, ob duritiem coextendi inepta, introrsum recepta cum tempore fuerunt, & cortices, vulnera deniq; ac internodiorum vel ligni fissura, coaluerunt.

Verùm nondum omnes mihi tenebræ hæitationis de tanta novi ligni supercrescentis crassitie, & latentium literarum origine discussæ sunt, donec *Cives Hanoiki* duo omne dubium sustulerunt. Alter auditâ super eo ligno quæstione, quam proponebam, dixit, se hujus ipsius frusti signati arborem matrem ante dictos octodecim vel plures annos in silvâ Rodebachienâ proximâ, ad semitas positam & rescissam, cujus truncus adhuc superstes posset inibi monstrari, vendidisse huic Patrifamiliâs, in cujus domo hæ sint inventæ literæ. Addidit nihil novi hoc esse, & pro fide aliorum exemplorum misit aliud ex crassissimâ fago fissum frustum, internè & externè, cornu cervini figurâ signatum, ex aucto scilicet & undique supercrescente recente ligno constans. Quod loco picturæ hîc describere conabor graphicè.

Frustum ipsum spithamas quinque longum, septem digitos transversos in medio cum cortice suo crassum, suprâ & infrâ aliquantò tenuius, est exterior & nova ligni pars per fissionem separata ab interno stipite, in quo cornu cervinum incisum fuit, cujus adhuc superstes festuca adhæret. Cornu autem internè cuspidibus quinque formatum totidem palmis altum, palmo uno & amplius latum, ex cortice nigro quasi adusto & veluti cineribus, seu situ vel mucagine adperso, per medium rima fisso, distinguitur à reliqui ligni colore.

Quod juxta totius cornu latera cultri crassitie extensum intra duo albidioris coloris ligna oblitteratum tandem, ubi paulò suprâ vel infrâ apices



apices contemplabis, pro cortice potius æstimandum, qualem etiam subtilem & quasi degenerantem corticem medium agnosces in nostro ligno. Per ligni crassitiem dextrâ simul & sinistrâ facie septem integros transversos digitos apicum signa & vestigia tortuosâ & nodosâ viâ penetrant usque ad exteriorem corticem, ubi distinguuntur asperitate seu crispaturâ quâdam, eodem ductu ut inernè à reliquo læviori cortice. In dextro intus crassitie latere, (simul & internâ facie dextrorsum) hæret festuca tenuis rectis fibris, quæ ablata apices hætenus tectos nunc integros, nisi quantum fissione sunt rescissæ ostendit. Ubi subtus cornu nodosque apicum desinentes infra deletum medii tenuis corticis signum adspicitur, videtur esse unicum lignum, & exteriori ligno seu coaluisse, seu excrevisse fibris rectis & æqualibus. In sinistro latere extus in cortice sulci asperiorum impressorum apicum quinque notantur: intus, cuspidum insitarum seu infixarum profunditas & niger color ab alio ligno diversus, præsertim ubi lævigatæ fuerunt scalpro, describitur.

Alter vir gravis, nec tantum horticultræ curiosus, sed & naturalium aliorum satagens, incisionis modum & accretionis ita factum esse ex crebris ejusmodi signis, literis, & vulneribus unâ cum rusticis ipsis aliquot tum præsentibus, qui talia quotidie faciunt & vident, docuit. Quando enim sub literis incisione signatis, vel vulnere fortuito cortex detrahitur, novus ab exudante succo, felicius tamen unô quàm aliô tempore, inibi supercrefcit, reliquus verò & vietus, succo novo annuas in tunicas & circulos adaucto & indurato ampliatur, donec non tantum literas tegat, sed & multiplicato & in crassitiem magnam crescente ligno defendat. Unde etiam ratio patet, quod circa signa & literas, si sint multæ & amplæ, cortex quidem tenuis medius utrinque videatur, obliteratus tandem & evanescens, quoniam non tam facile illic ob læsas ab aëre externo & vulneribus vicinias novus succus adglutinatur, quàm a libi, ubi nullum impedimentum fuit. Porro si vulnus atque plaga magna sit, ut succus nimius defluat, & ab aëre externo lædatur, perit & emoritur arbor. Etiam si vulnus profundius sit, quàm cortex & in ipsum lignum incidatur, illic nullus cortex, qui latere possit, supercrefcit, sed ipsô novô lignô immediatè tegitur. Utut verò ea dubitatione jam olim vin modò laudatus potuerit & voluerit me liberare, tamen opinionibus duabus præoccupatus, primò literas incisas, in cortice servato mansisse, detractò vicino nudatâque arbore; dein circulares fibras,



veluti spermatica arboris stamina, non augeri numero, assequi non potui.

Confirmabat denique hanc novissimam demonstrationem alius arcularius, asserens fieri facile, ut arbori denudatæ vel vulneratæ supercrescat veluti cicatrix aut callus, & super hunc novum lignum, etiam detractô secundâ vice recentiori cortice, idque juglandibus esse familiare, ita quidem ut tertius aliquando cortex lignis intermixtus reperitur. Addebat, emori quoque facile arborem cortice sic latente, fortassis propter aquam nigram illic sedentem & prostrato stipite profluentem. Insuper, ut apices & literæ tectæ externè hîc notantur, ita quemvis nodum, intus latentem, exterius signari in cortice nodo & tortuosô.

Ex novâ ergò historiâ, similibus circumstantiis, crebris incisionum exemplis, tantâque crassitie ligni hujus recentis cervino signo superinati concludere licebit & *confectariâ* hæc eruere:

1. Asserem etiam alium seu majorem partem ligni, cortice tandem suô tectam esse in nostro frusto, imprimis cum & hîc non levia tam in externâ & abruptâ superficie, quam in crassitie lateribus quamvis rudia eaque tortuosa & nodosa literarum signa appareant.

2. Eodém utrinque modô adauctum supercrevisse lignum exterius, ita nempe ut singulis annis ex succo adscendente & adglutinato tunica una adcreverit in pectinem multiplicem cortice ultimum tegenda, donec ad eam fatalis suæ decisionis magnitudinem surrexerit: quam si ex circulis, (qui in *Actorum Philosophicorum Anglicorum* 1669. n. 43. interstitia sunt tunicarum illarum, quibus arbores annua sua incrementa in crassitie recipiunt,) æstimes septuaginta in cervino ligno: totidem annis auctam esse numeraveris.

3. Incisis literis & cortice solo detractô signatis corticem induruisse novum, cui antiquus cortex succo quotannis in novam tunicam & circumculum adaucto & indurato, ut in reliqua circumferentia, sic & supra ipsas literas extensus accrevit & induruit: non autem literas corticeas mansisse exertas detractô circumcircâ cortice.

4. Licere quoque nobis hoc facile imitari. De quibus si quis dubitet, faciat experimentum, & intra annos aliquot ejus rei veritatem videbit ipse vel adeat moræ impatiens semitas in silvis, & spectabit tam in vulneribus aut signis recenter nudatis, quam novo post antiquum pullulante cortice ejus incrementa usque ad totius plagæ obvelationem in arbori-











boribus variis diversò colore & lavore faciliè discernendam, & exempla plurima obvia. Verùm quòd excurrerit hic discursus de literis his faginis nimis longè, condonabit, credo, lector benevolus, si apud J. G. Schortelii *Grammaticam Germanicam* (Deutscher Sprach-Kunst vierdter Lob-Niede) p. 100. ex Olais Wormio & Magno atq; Saxone & Martinio discat, literas has faginas, Buchstaben/tanquam membra vocum totiusq; linguæ, priscâ Germanorum voce Letter/litten/litt/significare seu baculum seu scipionem, quibus innitantur libri vel incedant, Aquilonaribus pro celebri hodiernarum chartarum genere & Epistolarum loco ad amicos in ipso ligno insculptas missas esse: adeoque non immeritò in memoriam, usum & gloriam illarum revocari, cum & hodiernum Icones multæ lignis incidantur, velut in æneis tabulis exprimendæ, & Chineses suos characteres lignis incidant, publicè edendos.

Post quæ omnia superaddendum duxi, quod supra laudatus *Excell. Dn. D. Scheffer* 13. Martii 1674. ad me perscripsit. *Quid agis, inquit, cum ligno tuo? Nec enim quippiam de mirando hoc naturæ opere Ephemerides adhuc dum continent. Apud nos præterito anno in fissuris lignorum binæ occurrerunt ejusmodi species, quarum altera continet stellam hujus figuræ, (radiorum corticeorum sex, veluti foliorum falicis, sed tamen tribus lateribus constantium, ita ut media fibrâ, sua seu costa, seu lineâ elatiore faciat prisma triangulare, sed utrinq; in cuspidem acutum, & attenuatum) in ligno quercino & habetur apud Prænobilem & Amplissimum hujus Reipubl. Senatorem Dn. Ludovicum Henricum Lersnerum; alienam exprimet in scriptis Excell. Collega noster Dn. D. Witzelius.*

(In literis ad Collect. *Ephem. Vratislaviæ* d. 16. Jun.

Ann. 1674.

## OBSERVATIO V. D. JOELIS LANGELOTTI

DE

*MENSTRUIS ULTRA CONSVETUM NATURÆ TERMINUM  
SALUTARIËR FLUENTIBUS.*

**N**emo non experimentis vel leviter tinctus intelligit, quantum ad sanitatis conferant naturam disposita benè fermenta, & quantum contrà damnum adjiciant eadem malè temperata.

Matrona quædam sterile experta conjugium dum ordinari-  
rium



rium patiebatur menſtruorum fluxum, incolumem ducebat & ab omnibus noxis liberam vitam: ſed cum deinde fluxus illi deficiebant, uno ſemper *febrili paroxyſmò, eòque menſtruo defectum hunc luere cogebatur*. Acceſſit tandem renum quoque calculus, ad quem expugnandum cum varia adhiberentur & fortia diuretica, iisdem medicamentis rediit (quod ipſa ægrota meritò mecum mirabatur) fluxus tot annis ſuſpenſus, etſi lege ætatis ceſſandum ei erat; & ſic quoque *febris iſta menſtrua* in totum remiſit, illa verò deinceps quoque ſatis bene valuit. Verùm quod declinatæ ætatis ratione haud aliter fieri poterat, ſuppreſſis denuò menſtruis in novam incidit, & ſcorbut cam Cachexiam, quâ graviter afflicta, ſenîòque contecta paulò poſt periit. Unde judicare unusquiſque poteſt, quantum illud ſit beneficium, quod muliebri ſexui purgatio adfert uterina.

Quare in illud, quoque unicè, incumbere ſoleo, ut deſtitutum plerumque uteri fermentum & menſium deficientem fluorem, quamdiu natura fert, elixire meo myrrhato revocem.

## OBSERVATIO VI.

D. JOELIS LANGELOTTI

DE

GRAVI VENTRICULI AFFECTU, FALSO  
PULMONIBUS ADSCRIPTO.

**C**Um ſæpiuſculè FRIDERICO Slesvici & Holſatiæ Duci, Domino meo Clementiſſimo, gloriſſimæ memoriæ, valetudinis laborumque chymicorum cauſſâ aſſeſſem, ſæpeque per jocum mihi Medicorum errores objiceret, hanc identidem in fidem rei exponere hiftoriam ſolebat, nimirum Sereniſſimum Patrum ſuum JOHANNEM FR. DERICUM, Archiepiſcopum Bremſem &c. cum ex tuſſi continuâ & ſiccâ eâque poſt ſonnum invaleſcente, diu laboraſſet, & tandem contabeſceret, à Medicis pro phthiſico fuiſſe habitum, adeoque omnem curam in everrendis ſanandisque pulmonibus collocatam. Et hætenus quidem ea ſederat ſententia; ſed cum deinde poſt mortem in cauſam mali paulò accuratiùs inquirerent, pulmones præter omnem opinionem intemeratâ ſubſtantiâ ſalvos reperêre, aſt, quod minùs crediderant, *ventriculum tam male affectum*, ut facilè iis fidem fecerit omnem ab eo mali cauſam ſubortam fuiſſe: tantam nempe putredinem conceperat, ut etiam ad levem contrectationem in ſquamas & membranas







AD OBS. A° VI

N. d.





nulas abiret; tantum quoq; is foetorem exhalârat. ut chirurgus manum commodanti olfactum omnem abstulerit, ita ut nec medicamentis, nec morâ temporis, quamdiu vixit, restitui in integrum potuerit. Qui aderant singuli, tantum non animâ defecturi subducere se cogebantur. Et qui non ita pridem vivere desiit Secretarius defuncti Principis, amicus meus, illum foetorem putidissimâ quavis aurâ olentiorum fuisse non semel mihi affirmavit.

## OBSERVATIO VII.

D. JOELIS LANGELOTTI

DE

*MIRABILI CALCULI VESICÆ CURA.*

**C**Alculum vesicæ pergrandem, & duos lotones cum dimidio aliquotque granis æquantem pondere, attulit mihi fœmina quinquagenaria Eckelfardana, quem cum raræ commendent circumstantiæ, æquum ratus, ut illas quoque curioso vestro adspectui exhibeam. Misera illa consilium rogitans, quâ nimirum ratione vitam tot jam molestiis fractam paulò liberiores ab iis agere posset, conquesta mihi est, se totos annos duos immanes circa epigastrium dolores sensisse, nec tamen vel proprio aut aliorum instinctu cognovisse, quid ibi malè lateret, sed imprimis propter angustiam rei familiaris, medicorum operâ uti non potuisse. Tandem cum impendente vere melius haberet & cœli temperatior aura spiraret, svasere vicinæ fœminæ, ut animi relaxandi causâ unâ ad navem onerariam noviter constructam pertenderet, in quod facile consentiens, quantum vires permittebant, comitatum secuta & ad oram navis perveniens cum illam sublatò pede transcendere vellet, divaricatis cruribus medio epigastrio in rude lignum impingit, insidens ei instar eorum, qui equo vehuntur, quò casu ferè exanimata & à vicinis domum deducta, tantis cum doloribus circa inferiorem ventrem confictari cœpit, ut omnes eam statim emorituram crederent: Sed ipsa illa jam ultimis confecta laboribus naturæ tamen victricis beneficio adjuta, corpus aliquod solidum cum tanto fragore & tonitru, ac si lapidem fulminarem nubila emitterent, naturalibus est ejaculata. Quò sonitu perculsæ assidentes mulier-

**C**

culæ,



culæ, propius se lecto admovent, & quid ægræ accidisset, quærunt, quæ ut de dolore dextri femoris querebatur, lodice & stragulis retractis, quò suppetias ferre laboranti possent, reperiunt ibi calculum ingentem in pedem explosum formâ ferè eâ, quæ hic exhibetur.

## OBSERVATIO VIII.

D. JOELIS LANGELOTTI

DE

*SINGULARI SOLIS CUM CEPHALALGIA  
CONSENSU.*

**E**X astris solem præcipuè & lunam conspirare cum corpore nostro cumque humorum fluxu, vetus est & vera sententia. Sed eundem illum consensum propter irregulares athmosphæræ motus & tempestatum mutationes sæpissimè variari, unumque præ alio magis affici, id sanè oppidò manifestum, referreque nunc libet, quid circa hunc solis sive effectum sive consensum in duobus præcipuè ægris observare licuerit, Nobili nempe virgine Gallâ, & archimagiro Sereniss. Principis nostri. Utriq; sole oriente intra ipsum ferè temporis momentum dolor capitis succedebat, & cum solis ad meridianum ascensu augebatur, donec in summo cœli vertice consistens doloris quoque ea esset acerbitas, illa exaltatio, ut archimagirus ferè ad desperationem adigeretur. Sed sole à meridiano sensim declinante doloris remissio fiebat, nec tamen antè cessabat, quàm sol horizonte elapsus in noctem vergeret. Duravit hic affectus per dies aliquot, donec ventosæ cum profunda scarificatione universalibus præmissis, virgini applicatæ levamentum doloris præstarent. In archimagiro obstinatio fuit affectus solæque sanguisugæ ab immani isto dolore hominem liberârunt.

## OBSERVATIO IX.

D. JOELIS LANGELOTTI

DE

*MAGNO HIRUDINUM USU IN CEPHALALGIA.*

**H**irudinum usum, hisce in oris minimè frequentem, adeò salutarem reperi, ut sævissimas quasque cephalalgias non aliò remedio promtius curaverim. Ex multis, quas novi, historiis unam



unam deligam, eamque accuratius observatam. Anicula integrō ferē mense dies noctesque gravissima conflictabatur cephalalgia: dumque omnia adhiberentur remedia, adeò & spe & successu sum frustra- tus, ut tandem ad infrequentem, sed perspectum mihi hirudinum u- sum, confugere necesse habuerim: quibus ipsis tantum ægræ solatii, mi- hique voluptatis accessit, ut semel iterumque indomitam cateroquin cephalalgiam sanguisugarum applicatione sanaverim: & in remedii quidem usu hoc se expertam jactabat anicula, quod quamdiu sangvis traheretur, ab hirudinibus floridus, nullam senserit morbi remissio- nem; sed cum continuatō tractu sanguinem emungerent nigricantem viscosum, à doloribus, ceu fascino quōdam, liberata fuerit. Quid ergò hic decernendum? anne hærebat in sinibus cerebri sanguis cras- sus & lentus, qui intus conceptō fervore orgasmum & tandem distensi- one membranarum contumacissimum dolorem intulit? sed nolo me im- miscere causis exaggerandis, quas vestra crisi reservasse satius est.

Eundem illum hirudinum usum mihi quoque confirmavit illu- stris Heros, D. Johann von der Byck / Serenissimi Principis nostri ge- neralis militiæ Præfectus, qui cum aliquando Holmiæ Suecorum dies noctesque sævissima excruciaretur cephalalgia, adeò, ut, quæ vis esse dolorum solet, mentis quoque alienationem pateretur, frustra adni- tentibus archiatis, ut Regi suo fidissimum ministrum præsentis pericu- lo eriperent. Tandem verò inter dolorum concertationes ipsi, de salu- te suâ sollicito, incidit remedium nimirum compertus ille hirudinum usus: itaque ultro applicationem illarum ad arterias temporales vehe- mentius efflagitat, nec mora, applicatis illis sanguinemque trahenti- bus melancholicum, dolor omnis est consopitus & suavissimi somni successu tot dierum vigiliæ pensatæ. Sed novò quōdam exemplō idem ille heros hirudinum singularem effectum in contumacissimo linguæ tumore est expertus: induruerat lingua ad partem sui dimidiam, idque ex bilis atræ defluxione, ita ut aridi instar ligni immobilis in ore hære- ret vixque ulli usui sufficeret. Huic malo profligando tribus insuda- tum septimanis venæ sectio cum in brachio tum sub linguâ incassum instituta; itaque præstantissima remedia infelicitè usurpata; ve- rum solis hirudinibus, quas Medici dissuaserant, linguæ admotis



humor ille crassus viscosusque fuit eductus & æger opportunè liberatus.

OBSERVATIO X.  
D. JOELIS LANGELOTTI  
DE  
SUDORE ATRO ET SANGUINEO.

**S**udorem atrum rarissimum deprehendi evolventi observationes quascunque facilè patet. Certè *Marcellus Donatus*, ille, qui magno studio mirabiles nobis collegit historias *lib. 1. Histor. c. 2.* nec à se unquam, nec ab aliis observatum esse meminit sudorem nigrum, quare experientiæ defectum ratione ostensurus notat nigrum, & crassum seu melancholicum illum succum usque adeò extenuari non posse, ut per secretoria ista, seu tenuia seri cribella excernatur. Refragatur tamen huic sententiæ *Jul. Cas. Baricellus l. 2. c. 11.* de hydronosa natura possibilemque eâ ratione statuit, si crassus iste succus ab alio seroso fluido diluatur. Atque hanc experientia firmat. Talem enim atrî coloris *Hodgesius* in eleganti suo de *nupera Peste Londinensi* observatum adserit, ejusque multò luculentius exemplum præbet magnò suò meritò celebratissimus chymiater & Polyhistor *Olaus Berrichius* in editis non ita pridem *Hafniensium* actis de foemina quâdam primariâ ad plures dies atramentum exudante, de cujus causa morte suo satis ingeniosè differentem placet heic audire: *Mihi* (inquit) *in raro hoc phenomeno, salvis aliorum sententiis, non absolum videtur, dilutiorem sanguinis partem à nimio acido, quod in corpore rabido deesse nique non potuit, in nigrorem versam inter sudandum evaporasse.* Adjiciam ego nunc simillimum huic exemplum, quod modò laudatus Illustris Dominus von der *Byck* de semetipsò mihi suggessit. Curaturus nempe *Stralsundæ*, quam ex incommodis castrensibus paralyfin scorbuticam sibi contraxerat auri diaphoretici ꝯj. assumpsit, cumque in laconico suo, quod commodissimum invenit, se ad sudandum composuisset, adeò statim in sudores defluxit, ut, quæ curiositas est Viri Illustris, lintea & indusium tribus sudati humoris libris aucta notaverit; color autem laticis adeò niger, ut atramentum referret scriptorium & omnino acidam quandam auram



auram spiraret. Testem oculatum penes se habuit Præcellentiss. D. Christoph. Schmidt, Archiatrum Megapolitanum & chirurgum ordinarium M. Joh. Andersen. Posterâ die repetiit usum Ori diaphoretici, sed sudor subsequutus est flavus, & sic convaluit. Aliàs sudorem sanguineum hic loci me observasse memini in filia rhedarii Ducalis, scorbuto laborante, quæ paulò post vivere desit.

## OBSERVATIO XI.

D. JOELIS LANGELOTTI

DE

EPILEPSIA TRANSPLANTATA IN CANICULAM.

**Q**UOD de cane habet *Robertus Flud*, eum in se podagram Domini & afflictionum periodos & morbi formam accepisse, huic ego similem observavi historiam de transplantatâ caniculæ beneficio epilepsiâ. Ancilla gynæci Hufumensis ante annos aliquot subito in epilepsiam inciderat tantâ cum membrorum convulsione & exagitatione, ut adstantes quosque commiseratione afficeret, nihilque ipsâ certius morte expectaretur, nam & probatissima quæq; remedia frustra adhibebantur: Adsueverat eodem in grabato canicula dormire ex illarum genere, quæ planè depiles sunt, atque sic plumarum valde amantes: hæc itaq; paroxysmis ingravescentibus nihil magis quam sui & caloris secura lectum quærit & se laborantis corpori applicat. Verùm illa, cum aliquandiu in lecto esset commorata, ingenti ululatu noxam invasisse corpus videbatur queri, ad quem sonum conversi adstantes productum canem eosdem illos epilepsiæ motus, easdem contractiones repræsentare cum stupore vident, & quò magis animal hoc convulsionibus percellitur, hoc minùs affectam ancillam jamque ad se redeuntem gratulabundi notant. Continuarunt eæ usque dum animam canis efflaret. Ancilla verò insperatò hoc beneficiò liberata nunquam ab isto malo imposterum tentata fuit, nec quoque puerpera, quando nimirum arcana fermentorum semina erumpere solent, quidquam mali sensit, vel in liberos transfusum, id quod non ita pridem maritus mihi retulit.



## D. JOELIS LANGELOTTI

DE

COPIOSISSIMO LIQUORIS LIMPIDI EX AURE  
SINISTRA PROFLUXU.

**C**ertus Princeps sanguinei temperamenti vertentis seculi Anno 1662. 12. Octobr. Romæ è cochliidiò 14. pedes longò prolaps⁹, capitis latere sinistro in inferiores gradus tam validè impingitor, ut semianimis absque sensu, motu & loquela ad integrum ferè diem jaceret, vena demum aperta tantillum ad se revocavit collapsum Principem. Verùm ingens capitis dolor obortus & continuo infestus tenore tam malè illum habuit, ut diès noctesque sine somno transigeret, nihil proficiente, quicquid Medicus primò vocatus ad mali emendationem tentarat. Ergò in tanto Illustrissimæ Personæ periculo vocati sunt Medici famosiores septem, & ipse inter eos cubicularius Pontificis summi Medicus, qui collato invicem consilio, utendum esse trepano unanimes clamant. Fit sine mora apparatus, trepanum jamjam capiti applicandum erat, cùm Præfectus, qui Principi aderat comes, ex sinistra aure notat stillantem quendam serosum laticem: ad quod spectaculum Medici invitati & ipse chirurgus ab opere desistunt, naturæque lusum mirantur. Interim durat exstillatio liquoris & tamdiu continuatur, donec octo libras impleret. Ajebatque Illustris Dominus Præfectus, qv̄i mihi hunc casum retulit, duas ad minimum libras primò cum inciperet, linteis exceptas fuisse: curiositate ergò adductus singulos Medicorum rogabat, unde tanta liquoris copia emanasset, sed pressit quisque vocem, nec unus eorum ausus fuit indicium pronunciare. Meritò ergò casum hunc dignum judicavi, quem præcellentissimis Curiosis Germaniæ sisterem, ut ii, cum Itali noluerint, pro eâ quâ pollent penetrandi acie lustrandum eum suscipiant, & quos hic natura illa ἀπαλ-  
δωτῶν καὶ ἑμαθῶσα aditus sibi invenerit, liquidò aperiant.

OBSERVATIO XIII.

## D. JOELIS LANGELOTTI

DE

## FOETH MORTUO FELICITER EDUCTO.



**F**OEmina quædam honesta 35. annos nata, jam trium liberorum mater, quartum uterò concepit & ad quintum gestationis mensem benè se habuit, quando more apud nos recepto ad vicinam mulierem mortuam capulo inferendam invitata accessit, & ad horribilem cadaveris vultum adeò exterrita fuit, ut illicò magnum senserit corpore horrorem, ex quo inclinans ad deteriore statum, nec tamen vel cum febris, aut aliis gravibus symptomatis conflictata, quæ foetum mortuum comitari solent, firmiter credidit, quem perceperit ante horrorem imaginarium fuisse, & nauseam corporisquæ gravitatem à solo mensium defectu orta esse. Itaque cum menses ferè duodecim essent elapsi, petiit à me medicamentum emmenagogum, quod ultrò, cum me ad stipulantes haberet, obtinuit. Erant verò familiares mihi *pilule de sagapeno sale & tis duplicato & sale succini* permistæ, quò remedio nihil unquam potentius ad referendas uteri obstructions comperi. Istis assumtis cum *eufoesia* est purgata, sed circa quartam pomeridianam egrotare cœpit, idque gravissimè & cum animi deliquio. Mihi absque mora *aquam meam melisse compos. cum spir. cornu cervi succinato*, ex cuius usu consecuti sunt uteri motus, verique parturientium nifus. Sollicitata obstetrix officium fecit & paulò post foetum eduxit, omnibus quidem numeris absolutum & masculum, sed *exuccum & carnis instar summatè duratum*. Mirum sanè id mihi notatuque dignum visum, cum foeminam semper ad humidum temperamentum, cachexiamque scorbuticam propendere judicarem. Deinde cum nullæ adhuc apparerent lochia, sed tamen vires se recipere putaret, post mensem à partu consiliò meò pilularum usum repetiit, idque cum longè optatissimo effectu, statim enim menses sunt secuti. Firmata deinceps valetudine bis etiam utero gessit & feliciter peperit.

## OBSERVATIO XIV.

D. JOELIS LANGELOTTI

DE

## MIRANDO ANTIPATHIÆ EXEMPLO.

**M**iratus sæpè sum latentes quorundam individuorum proprietates, imprimis quod nonnulli à certo cibi genere abhorrent, quò alias plerique & pro necessitate & animi voluptate vehementer capiuntur. Vidi illustres personas cum nihil



nihil non generosissimi potus suppeteret, solam aquam in deliciis habuisse. Nota est mihi fœmina, eaque opulenta, quæ vinum, cerevisiam, omniaque delicatiora averfata præter lac vaccinum pro potu nihil appetebat. Novi virum quendam nobilem subalbido illo crassoque aurantiorum & limoniorum cortice delectatum esse, flavô acidôque, fociis concessô. Castanearum adstringentem facultatem nemo non experitur, attamen notavi, alvum quibusdam inde motam fuisse. Vivit etiamnum in aula N. N. Nobilissima Domina 73. jam annos nata, quæ cum sæpiusculè in animi incidat deliquium, nullô alio refici cupit, quam aquâ merâ, cætera omnia ceu damnosa respuens. Sed quid diutius hisce immoror, cum apud alios copia ejusmodi exemplorum reperiatur, sed unum duntaxat addam, quod nunquam satis mirari potui, fuisse virum, qui ab omni sexu fœmineo abhorrerit, adeò ut ne adspectum ejus sine insigni animi corporisque commotione ferre potuerit. Visum sibi talem esse, Chiliarcha Beckmannus, comes mihi quondam in itinere Anglicano gratissimus, testabatur. Is invitatus à Præfecto militari fortalitii N. N. & filiabus ejus formæ morumque elegantia eximiis assidere jussus, cum humanissimum se præberet, nulloque non facetiarum genere cum iis certaret, conversus ad hunc Beckmannum præfectus; quid, inquit, cum video te adeò virginum delectari consuetudine; quid si tibi hominem ostendam non plebejum, sed nobilissimâ satum gente, eumque strenuum militem, qui ne adspectum ferre mulierum potest. Ergo capitaneum illum vocari jusserat mandata daturus. Accessit, & in conclave admissus ad adspectum formosissimarum virginum adeò commoveri visus est, ut statim exalbesceret, fronteque sudorum rivi descenderent, jamque animo defecturus erat, nisi missionem dedisset præfectus. Hoc tum temporis recentissimè sibi visum ceu incredibile & raris dignum annalibus mihi retulit Beckmannus, vir antiquâ virtute & fide, sed planè diversus à suprâ dicto Nobili sexûs nempe fœminei perpetuus cultor.

[In literis ad Collect. Ephemerid. 26. Jun. Ann. 1674.]

## OBSERVATIO XV.

D. EHRENFRIIDI HAGENDORNI

DE

TREMORE LINGVÆ POST TERTIANAM  
ADMIRANDO.

Ex



**E**X malè curatis febribus varia subnasci consecutaria, ipsâ febre longè pejora, passim ex praxi constat. Meminî, me aliquoties post *Tertianam* pessimè & per modum empiriæ tractatam, *fluxum aurium purulentum*, alibi verò *ipsissimam* observasse *surditatem*. Quid? quod ante triennium in puella quadam rusticâ *Anasarcam* viderim subsecutam; ubi hoc memorabile sese mihi tunc obtulit; quòd exhibitis contra *Anasarcam* præsidiis, unde etiam evanuit, mox febris solitò redierit paroxysmo: curatâ verò per antifebrilia febre, *Anasarca* postliminiò ægram fatigârit. Inter singularia, puto, referri jure poterit ille *tremor lingvæ cum spasmo faciei conjunctus*, quem die 1. Maji 1574. in puerulo quodam rustico, annum cum dimidio tunc agente, observare licuit. Hic per aliquod tempus febrili quodam conflictatur paroxysmo, tertianam mentiente. Parentes, ut id hominum genus assolet, at nescio quæ externa mox accessum faciunt. Cessavit quidem inde paroxysmus, sed in ejus locum succedit tremor modò dictus lingvæ, puerulo antehac insolitus. Adfertur itaque ad me aliquin optimè sanus, panemque similagineum me præsentem comedens. Intueor eundem curiosè, animadvertique *velocissimum adeo frequentissimumq; lingvæ motum*; ut *viperam linguâ velociter vibrantem cum imitari dixisses*. Palpitante sic lingvâ & muscoli subsultârunt faciei. Quæsi vi in causam, an inter externi & internalibus fuissent usi, an frigidam fronti in paroxysmo, ut solent, applicuissent? sed nullam dare potuerunt. Hinc nervina mox in usum traxi, jussique, ut de pulvisculo, quem ex C. C. antepileptico cum specifico cephalico concinnaui, manè & vesperî, quantum cuspidè cultri capi potest, ex rob sambuci exhiberent; lingvæ verò musculisque faciei frequenter illinerent aqv. apoplecticam meam cum spit. \* succinato justâ proportionem remissam. Ita ex his unicè integreque convaluit puerulus.

## OBSERVATIO XVI.

D. EHRENFRIIDI HAGENDORNI

DE

BALSAMO TERRÆ CATECHU

VULNERARIO.

**P**Ræter alia complura, quæ circa hocce subjectum hætenus feci experimenta, etiam hoc mihi sese obtulit. Scilicet aliud quafi agens



si agens affudi *Terra Catechu* pulverisatæ lixivium  $\Theta$ lis  $\Phi$ ri proporti-  
one circiter quadruplâ. Vidi in momento veluti lixivium hocce pur-  
pureo tingi colore, atque in se Terram Catechu quasi absorbere, ut  
nihil sedimenti in vitro, ceu alias in ejusdem tincturis fit, vidisses. Mi-  
ratus ego tam subitaneam Catechu metamorphosin, gustavi liquorem,  
qui præter lixivii saporem dulcore quodam remistus erat. Adservavi  
eundem per aliquot dies in loco temperatiore, & totus in gélatinam abi-  
it rubicundissimam, butyri instar tractabilem.

Diutius verò adservando animadvertidenique evaporatâ humi-  
ditate ejus suâ sponte concrevisse in florem plumâ leviolem, cum inter-  
mistis quibusdam particulis salinis, à  $\Theta$   $\Phi$ ri: Liquor hic egregium  
præstabit usum in ulceribus antiquis abstergendis & ad cicatrificationem  
perducendis. Sed de hoc aliisque ex Catechu mihi natis experimen-  
tis, *propediem*, si Deus permiserit, hominesque faverint, *peculiari*  
*opellâ dabo plura.*

(*In literis ad Collectores Ephemerid. d. 18. Jul. Ann. 1674.*)

## OBSERVATIO XVII.

D. JOHANNIS SIGISMUNDI ELSHOLTII

DE

EQUISETO SUBTERRANEO.

Qui de natura plantarum universali accuratiùs scripserunt, in-  
ter cæteras divisiones hanc urgere solent, quæ stirpem o-  
mnem in radicem partitur, & superficiem. Per *superficiem*  
autem intelligunt, quicquid supra solum eminet: caulis ni-  
mirum, folia, flores: quâ de re conferri inprimis meretur *Joh. Costæus*  
*Laudensis lib. de Univers. stirp. natur.* Et sanè constitit hætenus isti di-  
stinctioni suus honos, constitissetque porro etiam, nî novarum rerum  
adeo ferax seculum nostrum *subterraneas prodere plantas*, insuper inci-  
peret. Earum quippe radix non tantum, sed unâ etiam caulis, & fo-  
lia intus latere, ac per tellurem cuniculis actis serpere deprehenduntur.  
In capulo talem observaverat nuper Excell. *Erasmus Bartholinus*, studio-  
rum olim in Italia socius, atque jam tum singulari eruditione clarus.  
Et quamvis ad certam ipse speciem non retulerit novam illam stirpem,  
veluti ex Tom. II. *Ephemerid. Germ. Obs. 170.* patet; neque ex ico-  
ne ibidem addita facile quis divinaverit: conjecturas tamen de ori-  
gine



gine suas sat ingeniosè proponit, habitò respectu sive ad substerni cada-  
veribus solitos lupuli salictarii flores, sive ad asseres capuli ipsos: cum-  
primis quod hujusmodi ramulos aut farmenta circa conditoria, crebrò  
se invenisse, vespillo præsens testabatur.

At verò, nasci plantas subterraneas etiam in *libera terra*, & quæ  
conditoria nulla continet, certum est. Prænob. atque Exper. Dn. D.  
*Christianus Menzelius*, Consiliarius & Archiater Electoralis atque Colle-  
ga noster honoratissimus, *Hippurin subterraneam*, in agro Berolinensi  
haut procul ab urbe reperit, cui caules erant aliquot spithamas longi  
per tellurem reptantes, qui ipsi tamen cacumina in superficie breviter  
saltem hinc inde ostentabant: radicibus profundè adeò descendenti-  
bus ut finem attingere non liceret. Asserit autem simul, fuisse, *E-*  
*quisetum arvense longioribus setis*, quod *Caspar. Baubinus in Pinace IX.* lo-  
co recensuit.

Sed prætereà idem prorsus equisetum, affirmat, sibi occurrisse  
sub terra, dum fornicem sepulchralem pro se & familia sua hic in cœ-  
meterio templi, quod à SS. Trinitate nomen olim accepit, construi  
ante annos aliquot curaret. Radices id, prioris instar, altissimè ege-  
rat, ramis passim per humum subrepentibus ad binos usque cubitos,  
priusquam cymæ alicubi emergerent. Quemadmodum igitur dantur  
Nymphæa, Sagitta, Potamogeton, Ranunculi atque id genus aliæ stir-  
pes *aquatice*, quarum pars saltem major radices fundo infixas obtinet,  
extremis per aquæ superficiem natantibus foliis: ita dari etiam plantas  
*subterrestres*, & superficietenus solummodò minimâ sui parte eminen-  
tes, haut est absurdum. Ne quid de metallorum, mineralium, gem-  
marum, lapidum & lapidescentium, imò lignorum, ossium, cornu-  
um, concharum, fossiliumque aliorum in terræ gremio multiplici adeò  
proventu, hîc locò dicamus: cum ea sola animo perpensa, de  
stirpium quoque intra terram ortu admirationem facilè tollant o-  
mnem.

Dum hæc commentamur, in mentem veniunt Autores nuperi,  
qui de rebus subterraneis scripserunt: Speciatim inclytæ famæ *Atha-*  
*nasius Kircherus* opere incomparabili, quod *mundum subterraneum*  
nuncupavit, itemque *Johan. Joachimus Becherus in Physica* sua cognomi-  
ne: at evolventi illos, non sunt visi de equiviso jam descripto, nec de  
hujus generis stirpibus aliis quicquam adnotasse.



OBSERVATIO XVIII.  
D. JOHANNIS SIGISMUNDI ELSHOLTII

DE

SALE EX AERE, ET SULPHURE EX SOLE  
COLLIGENDO.

**A**bstracto vitrioli spiritu, quæ restat materia, vulgò *colchotar*, sive caput mortuum nominatur, & aëri libero exposita, salem vi quasi magneticâ (quem *Magnetismum* hodiè nonnulli vocant) attrahit pro novo & adhuc præstantiore stillando spiritu: quæ methodus jam sic fatis innotuit. Idem perfici potest *calcinationis silicibus*, quî noctu per æstivos menses sub tecto expositi, salino liquore humectantur: Continet enim athmosphæra sive circulus aëris circa terræ globum motu perpetuo delatus, exhalationes varias quæ terrâ, quæ mari ascendentes: inter quas tamen *nitrosas* ob copiam prævalere verosimile est, utut vitriolacæ, salarmoniacæ, sulphuræ & congenere non sint excludendæ.

At verò, ex ipsius *solis* radiis, *sulphur* legere, id demum mysterium est prioribus seculis, excepto fortè ignem coelitus rapiente Prometheo, ignotum. Vasorum vitreorum peculiari quodam modo factorum & artificiosè dispositorum ope, collectos solis radios in *pulverem fasci coloris*, aut purpurei in rubrum vergentis, præcipitados fuisse, testatur *Kenelmus Digbæus Demonstr. immortal. anim. rational. Cap. VII.* hoc insuper subjiciendo, quod istac operatione per calidiorem anni tempestatem aliquibus diebus duæ ferè unicæ illius pulveris purpurei colligi potuerint. *Subjicimus nos*: Quod si duo hæc principia (sal nimirum æreus, quo de sub initium, & sulphur hoc solare) secundum artem conjungerentur, nisi *Lapis* ille *Magnus* atq; adeò expetitus felici hoc connubio nascatur, egregiam tamen quandam Panaceam inde proveniaturam valdè est probabile. Lectu certè oppido jucunda circa hoc argumentum complectitur *Auctoris incerti* libellus recentissimus, qui nuncupatur *AURUM AURÆ vi Magnetismi universalis attractum*. Magnetismum autem suum artifex ille non per vasa vitrea Digbæi, sed ope *nitri fixi* conficit, utiturque istoc Magnetismo promiscuè tam ad attrahendum salem aëris, quàm solis sulphur. Utrumque enim æquè benè præstare, protestatur.

(In







Ad OBS ANN.  
VI. N. F.





(In literis ad Coll. Ephem. d. 21. Aug. Ann. 1674. Berolino  
Vratislaviam.)

## OBSERVATIO XIX.

D. GODOFREDI SCHUBARTI,

DE

NATTA.

**P**raeterito die 13. Septembr. 4. hora 9. matutina, praemissis universalibus, foeminae 27. annorum cum marito septuagenario, ad 6. annum in sterili matrimonio viventi, assistente chirurgo solertissimo, delineatam hanc Nattam ab uteri sinistro labio, pediculo luto pendente, excidi, qua peracta sectione pependit 3xivß pond. civ. Caro praecisa erat alba, pinguis, spongiosa, sero citrino repleta, a quo forte enata, accreta, & haecenus sustentata, nam in dissectione, praeter venulas dicta lympham plenas, nec venula, nec arteriola, & hinc ne guttula sanguinis apparuit. Serum autem quoque nutrire, ad motum igni concrecere, agglutinari, membraneumque fieri, sat notum, unde non impossibile ex sero superabundanti ejusmodi tumores produci. Sedulo inquisivi in arteriam illam a *Clariss. Hornio in Microtechn. §. 33. p. 90.* tumoris nutriculam, ac in fundo firam, sed frustra. An etiam nervis, praeter vasa lymphatica, ad mentem *Varthouii adenograph. c. 37. p. 245.* aliquid concedendum, haereo, nam subinde acutissimum dolorem afflicti patiuntur, ut haec nostra foemina attestatur, cui praeterea dicta Natta singulis mensibus instante menstruo fluxu cum dolore intumuit, fluentibus vero modice mensibus detumuit. Intumuit autem cum dolore ob copiam & affluxum feri & distensionem tuberum appictorum, qua de causa tunc temporis se vix loco movere, scalas vero ascendere nullo modo potuit.

(In literis ad Collect. Ephemerid. Breg. Vratislaviam.)

## OBSERVATIO XX.

D. JOELIS LANGELOTTI

RARAE CITRA SUFFOCATIONEM SUBMERSORUM  
HISTORIAE.

**T**Ronningholmiae Suecorum, ubi splendidissimum vereque regium Reginae est palatium, vidi senem hortulanum 65. anno-



rum, valentem adhuc satis benè; qui cum ante 18. annos alii submerso opem laturus paulò incautius per glaciem progrediretur, & ipse in aquas 18. ulnas profundas decidit, perque 16. integras horas erecto corpore stetit, antequam rescitum, ubi extrahendus esset. Dixit verò mihi, se statim toto corpore obriguisset, omnemque sensum amisisset, usque dum caput suum conto paulò durius peterent: ex ore vero bullam satis amplam, quamprimum demergeretur, prorupisset, quæ immune id ab aquarum irruptione servavit, auribus iisdem planè repletis. Extractum statim pannis arctissime obvolverunt, & sic ad lenem ignem sensim sensimque refocillarunt. Longâ nempe experienciâ Sveci compertum habent, nullum submersorum servari, qui statim libero aëri exponitur.

Aliud mihi, longeque rarius exemplum, in schedâ his inclusâ, manu suâ consignatum communicavit *Clariss. Dominus Tilasius*, Regiæ Bibliothecæ Holmiensis præfectus, de muliere sibi notissimâ per tres dies sub aquis demersâ, retulitque eam consimili modo liberatam fuisse.

Omnem verò fidem excedit, quod Nobilissimus *Burmännus*, nuper è Gothiâ occidentali Holmiam redux, non mihi solum retulit; sed postea quoque coram *Illustri Domino Præside Kielmanno à Kielmans-Eck* firmissimè asseveravit, se in pago Bonæ paræciæ Pithoviæ concioni funebri senis cujusdam septuagenarii, *Laurentii Jone*, interfuisse, quâ Parochus in personalibus, ut vocant, retulit, eum adolescentem septendecim annorum, aquis submersum, septimâ demùm septimanâ repertum, consimili modo, uti superius enarravi, ad vitam revocatum fuisse.

Quâ verò fieri poterit, ut homo sine aeris beneficio tam diu ignem vitalem in aquis gelidissimis, multoque nitro refertis, quales in Svecia observavi, conservare possit? Hæreo utique, nec mihi, etsi volatilium quorundam & insectorum exempla occurrant, plenè satisfacere possum. Merito ergò ad perspicacissimos Naturæ Curiosos confugio, eos obnixè rogans, velint aliquando super his sententiam suam exponere, quæ forsân multorum in salutem cedere poterit.

*Scheda Clarissimi Domini TILASII, Bibliothecarii Holmiensis Regii, hæc habet:*

In provincia Dalia, quæ Wermslandorum vulgo dicitur, mulier quædam Margaritha Larsdotter nomine, ter aquis submersa fuerat, & quidem primâ vice adolescentula triduum integrum sub aquis duravit,  
reli-



reliquis duabus vicibus citius è periculo liberata. Mortua est Ann. 1672. nata septuaginta quinque annos.

(In literis ad Collectores Ephemerid. d. 26. Novembr. Ann. 1674.)

*Judicia & conjecturas rogatu & suasu Magnif. Dn. D. Langelotti, à viris quibusdam eruditis conscriptas B. L. infra suis locis inserta inveniet.*

## OBSERVATIO XXI.

## D. BERNHARDI BELOVV.

DE

PRÆPARANDI SALEM VOLATILEM NASTURTI  
AQUATICI MODO.

Ad

DN. D. JOELEM LANGELOTTUM.

Cum non ita pridem de variis rebus, & inter alia de sale quoque vegetabilium volatili, sermones misceremus, Vir Excellentissime, & me, ante viginti octo annos, fermentationis beneficio, ex aquatico nasturtio id obtinuisse, perciperes, non suadebas solum, sed urgebas etiam, ut præparandi modum cum curiosis secretiorum medicaminum indagatoribus communicarem.

Etiam si verò silentii sipario eum involvere, quàm propalare, ob certas causas, maluissem, cum è tam levidensi experimento, emolumenti parum orbi literato accessurum sciam, eo præsertim tempore, quo tot illustria ingenia in naturæ arcanis eruendistantoperè defudant, mutare tamen sententiam hac vice volui, non gloriosæ aucupandæ studio (à cujus affectatione omnes, quibus hætenus familiariter usus sum, alienum me semper fuisse norunt) sed ut tibi morem gererem, & noviter contractæ amicitiae pignus apud te deponerem.

Hac verò methodo anno MDCXLVI. è bello Danico (ad quod à Clementissima Regina mea, in ægrotantium quorundam Magnatuum gratiam, missus eram) redux, Halmsstadii Hallandorum, regio indultu, aliquantisper subsistens, &, ne tempus inutiliter deflueret, herbarum aliquot antiscorbuticarum analysi incumbens, illud consequabar: Jubebam dictum nasturtium, abundanter ibi crescens, contundi, exprimi, expressam, affusâ aquâ puteali, donec inspissaretur, coqui, iterum exprimi, priori succo, cum siccati & combusti magmatis cineribus,



ribus, misceri, in lagenam stanneam, ejus capacitatis, ut quarta pars vacua remaneret, infundi, orificium operculo ligneo, & triplici madefactâ vesicâ, curiosè, ne quicquam expirare posset, claudi, ac in fimo equino per mensem fermentari.

Eo exacto, fermentatum succum, cucurbitæ vitreæ inditum, juncturis bene oblitis, in furno collocabam, & mediocri calore, in primâ statim destillatione, sal volatile elegans, & planè crystallinum, ascendere, & alembici lateribus adhærere, conspiciabar, quod, ut melius aservari posset, à subsequente spiritu urinoso solvi, & elui, permittebam, quamdiu venulæ in alembico descendebant.

Hic est genuinus sal illud volatile proliciendi modus, de quo, nullum à scopo aberraturum, sed omnes, vestigiis his insistentes, non solum ex isto, verum reliquis etiam Nasturtiis, Cochlearia, & aliis, sale volatili prægnantibus herbis, idem consecuturos, polliceor.

Mihi quidem deinceps id experiri non licuit, cum Nasturtium aquaticum tam copiosè in viciniâ nostra non proveniat, ut quantitas succi ejus haberi queat.

Cochleariam autem bis examini subjeci, sed cum fermentatio in loco, longè ab ædibus meis remoto, instituenda esset, & ipse, praxi præpeditus, curam ejus habere non possem, verum amici cujusdam stabulario concedere illam cogerer, isque in deferventis fimi locum recentem substituere neglexisset, utraque vice frustratus, non decenter fermentatum, sed omninò corruptum, & situ obductum succum reperi, tandemque affectus, labores istos deserui.

In ligneis forsan vasculis operatio non minùs succederet, si modò subtilissimo spiritui, summo, inter fermentandum, conamine exitum quærenti, ne evolare posset, exactè via præcluderetur.

Vitrea autem organa impetum ejus sustinere non poterunt, cum stannea lagena, è crassioribus laminis confecta, ante usum quadrata per fermentationem subrotunda evaserit.

## OBSERVATIO XXII.

D. BERNHARDI BELOVV

DE

VERMICULARIS HERBÆ VIRIBUS ET  
PRÆCELLENTIA.

Vermi-







*In huius latitudinis orbibus digitum crassis omnes istae Icones expressae sunt.*

*Ad Ann. VI Obs.  
N.C.*



*Anno 1628.*



*Icones in ramo Mali prope Bloemental repertae.*



**V**ermicularis herbæ in scorbuto virtutes, de quibus simul loquebamur, tam insignes in præmemorato bello deprehendi, ut illam, si non omnibus, nonnullis saltem adeò decantatis antiscorbuticis palmam præripere, certus sim, dummodò ab usu ejus vomitus, quem excitare in dispositis solet, sequatur. Magnum enim morbo isto laborantium, & diversorum gravissimorum symptomatum syndrome ferè pessundatorum militum numerum, per DEI gratiam, feliciter restitui, paucis admodum, quos, ante meum adventum, per totam hyemem miserè afflictos, morti vicinos, ipsa salus, ut Comici verbis utar, quamvis maximè voluisset, servare non potuisset, amissis.

Curabam autem herbæ ejus, mundatæ & lotæ manipulos octo in cerevisiæ veteris libris octo, vase tecto, ad medietatis consumptionem, ebullire, & singulis, vel, si vires id non ferrent, alternis diebus, jejuno ventriculo, decocti ejus tepidi haustum, (trium quatuorve unciarum) exhiberi, ac optatum semper eventum deprehendebam, hoc saltem observato discrimine, quod facilius & copiosius vomentes reliquis citius sanitatem recuperarent.

Quibus gingivæ corruptæ erant, aut dentes vacillabant, quod omnibus adeò erat commune, ut nonnullis septem, novem, imò undecim dentes, decidissent, decocto hoc calido, in quo alumen crudum, & mel rosatum, arbitraria quantitate, & pro affectus exigentia, soluta erant, sæpe in die os collui jucebam.

Quinquaginta, & plures, contracturas genuum fortissimas, & talorum ad poplitem retractiones, passi, decocto hoc simplici, aliquoties propinato, & herbâ coctâ, ac expressâ, rigidis in poplite nervis calidè sæpius applicata, fasciisque, ne decidere posset, alligata, DEO benedicente, brevi convalescebant.

Ulcera tibiæ sicca, difficulter aliàs curabilia, post usum ejus internum, simplici decocto elota, iteratâ herbæ, in cerevisiâ coctæ, applicatione, nullo negotio sanabantur.

Reliqua etiam accidentia, præmissa  $\rho\iota\zeta\omicron\rho\omicron\mu\varsigma$  hujus exhibitione, convenientibus remediis faciliè cedebant.



## OBSERVATIO XXIII.

D. BERNHARDI BELOW

DE

*MIRA OMNIUM MEMBRORUM CIRCUM-  
GYRATIONE.*

**A**Nno  $\infty$  1304. Pastor quidam Parœciæ Ringerum / in Ostrogothiâ, duobus milliaribus Sudercopiâ distantis, opem meam implorabat, quem miris convulsionibus, per sesquiannum, adeo divexatum, ut toto illo tempore vix dormire, aut cibum capere, potuisset, domestici referebant.

Ad agrum verò accedens, inveniebam eum dextri lateris paralyti affectum, resupinum, seminudum, (infimum enim ventrem lodi-  
ce saltim texerat) pedibus elevatis, & lecti assamenti firmiter applicitis, sine intermissione ferè, & tam miserabiliter, afflictum, ut cœnare in ejus præsentia, nam è regione cubilis mensam straverant, prorsus nequirem. Tantâ enim vehementiâ omnes articuli successivè, ter dextrorsum, totiesque inde sinistrorsum, circumgyrabantur, ut sani brachii fragorem in proximo conclavi, ante cubiculi januam, decem ad minimum pedes ab agro remotus, non obscure interdum perciperem.

Imminentis paroxysmi prænuncius erat sanæ manus index, is enim, elevato brachio, convellendam sinistri hypochondrii partem, inter superius ventriculi orificium & lienem, bistribus vicibus apice suo fortiter pulsando, luctæ locum designabat, ac sine morâ subiecta viscera ter dextram, totiesque sinistram versùs, reciprocè circumagi, illisque liberatis, quantocyùs se in thorace similiter inquietari, licet astantium visum hæc fugerent, patiens referebat. Postea omnes brachii articuli, ab humero, ad ultimum usque indicis condylum: deinceps cervix, & oculi, eodem modo rotabantur. Imò circa verticem quoque ac in resoluti lateris partibus omnibus, ab humero, ad pedis usque pollicem, similem prorsus motum, quamvis à nobis observari id nequiret, se sentire asseverabat.

Eo verò cessante, alter pollex omnesque consequenter sani pedis & lateris articuli, idem patiebantur, donec in loco, ab indice prænotato, desineret, &, furis his agitato, delassatoque  
agro



ægro aliqualis redderetur quies, quæ tamen levis admodum erat, & adeò brevis, ut vix centum verba inter hanc, & novam similis mali invasionem, profari quis potuisset.

Sciscitanti, quamdiu hanc sustinisset pugnam, & quænam ejus fuissent præludia, narrabat, se ante biennium è pago vicino, ubi infantem sacro baptismatis fonte abluerat, equo domum reductum, non procul ab ædibus suis, hemiplexiâ, in dextri lateris paralyân postea definente, correptum, &, a suis cubiculo illatum, ab usu calidiorum aliquot antapoplecticorum medicaminum, à Sacerdote vicino, & Gallico Chirurgo, subministratorum, in ingentem ventris tumorem repente incidisse, & instar pilæ majoris, aëre distentæ, inflatum esse, nec ullo artificio, nisi sæpius & fortiter contentum in eo spiritum efflando, alleviari potuisse, semper tamen, aliquoties labore isto repetito, ventrem subsedisse, & ad naturalem statum rediisse.

Tandem verò, crebro ab empiricis illis, exhibitis oleis carminantibus, tumorem quidem omnino desisse, sed motum hunc convulsivum, & membrorum agitationem, eidem successisse.

Rogabant amici, ut auxiliares ipsi manus porrigerem, cum autem, omnibus rationis trutinâ exactè ponderatis, morbum ejus non ex causis merè naturalibus, sed magicâ sagæ cujusdam incantatione, potissimum oriundum, me statuere, sicque naturalibus mediis non cessurum, regerem, facile quidem assentiebatur æger, ante biennium æditui sui, veneficii insinuatam, & baculo à se percussam uxorem, se non inultam id laturam, interminatam sibi esse, recordando, instabant tamen, ut, flebilis ejus conditionis misertus, appropriata nihilominus quædam remedia præscriberem, fore dicentes, ut, si non omnino virute eorum convalesceret, mitius tamen forsan deinceps affligeretur.

Quod cum denegare illis nequirem, generosa & selecta nonnulla medicamina hic fieri jubebam, atque quæ modum & seriem astantes docebam. A quorum usu etiam si indomitus affectus non in totum cederet, multum tamen à ferociâ sua illum remisisse & longiores inducias concessisse, ipse æger lætabundus fatebatur.

Cum verò remedia ista munificentia viri cujusdam primarii nactus esset, & deinceps, ipse pauper & inops, plura id ge-



nus obtinere non posset, reliquam spem, morbo recrudescente, majoresque vires acquirente in sola Numinis misericordia, collocans, & per dimidium ferme annum supplicationibus & precibus publicis in omnibus provinciæ istius templis, pro benigna ejus dimissione, ad DEUM fufis, placidè expirans, miseram hanc cum feliciore vitâ commutabat.

Et hæc est, Vir Excellentissime, quam in chartam conjicere me volebas, de mirâ illâ membrorum omnium circumgyratione, incultiore quidem stylo exarata observatio, quam pro accuratissimo tuo iudicio lucem videre publicam, vel oblivione obliterari sinas.

( In literis ad supra laudatum Dn. D. Langelottum Stokholmia mensis Septembris 12. Anno 1674. & deinceps mense Novembri Vratislaviam missis. )

## OBSERVATIO XXIV. D. PETRI SPECHT

DE

### QVIBUSDAM EXPERIMENTIS CHYMICIS.

**P**Lacebat in claves naturæ & artis celebratos solventia illa Helmontii famosa, tartari salis spiritum liquoremque Alkahest inquirere. Variè primo salis sub tartari volatilizatione occupatus, & eam, 20. retro annis per fermentationem cum tartaro crudo successivè lixivio salis tartari insperso, tentavi, at sine successu, quam tamen tibi feliciter cessisse intellexi, ex vitro in arena distillabam, sed blandiore calore non nisi phlegma stillabat, fortiori, fermentatione alembicum petebat materia: sic at eum ego obtinui. Tartarum calcinavi ad nigredinem, ita ut nullum in igne amplius emitteret fenum, nec foetorem, adstabat in alio furno collocata in arena cucurbita, aquæ cum quantitate indeterminata communis, huic aquæ injiciebam per vices, sed tamen sine magno temporis interstitio candentem, ut eum igne eximebam, tartarum calcinatum, aptabamque statim alembicum, & distillationi subtilissimum, nec insuavis odoris obtinui salis tartari spiritum, quem à sale novo tartari rectificabam ad phlegmatis separationem: Hunc & laborem cum spiritu vini, loco aquæ experiebar simili modo ascendebatque in principio subtilissimus salis tartari spiritus,



Spiritus, cum vini spiritu. Spiritum ex tartaro, facibusque vini distillatum, & ab oleo graveolenti accuratè, separatum, rectificatumque ad phlegmatis separationem, æqvè purum obtinui ac ille erat ex sale tartari nec gustu, odore, & virtutibus, ullam observare potui differentiam.

Distillabam semel ex vini facibus spiritum, capiti mortuo affundebam aquam communem, quo salem fixum extraherem, erat aquæ quantitas librarum ultra 20. Lixivium verò ita debile reperi, ut evaporationis laborem non mereri mihi videretur, decantatam itaque aquam effudi, in magnæ vitreæ cucurbitæ inferiorem partem, quæ fortè ex fractura ad usum conservata mihi erat. Seponebam in locum, tectum quidem, sed aëre pervium; stabat sic neglectum à me lixivium, per annum circiter, cum occasione aliquâ vitro uti vellem, in quo lixivium asservaveram, reperi cum admiratione totum illud lixivium quantitate ea ferè, quæ initio ipsi fuerat, in solidissimum salem, glaciei ad instar, constrictum.

Junxi & salem tartari cum Mercurio sublimato communi, partibus anaticis, & distillando ex arenâ, in retortæ collum sublimabatur sal aurei coloris.

Ex terræ gleba cremabili, quæ conflagrata albicantes dabat cines, quibus in Hollandia ignes suos faciunt, salem per aquam pluviam extraxi, coagulavi, phialæ indidi, clausi, & cineribus lento calore digerendum posui; fluebat sal leni calore instar ceræ, ubi phialam aperui, in momento totum vitrum replebatur candidissimo sale nitroso ex aere attracto. Liquorem Alkahest, salinum esse & anomalum, ut judicavi, ex variorum & naturâ pugnantium spirituum connubio illum credidi exsurgere. Confeci ergò quantitatem satis amplam summè volatilis & fusilis illius salis ex urinæ & vini spiritibus rectificatissimis, invicem mixtis, hunc salem à Mercurio sublimato toties sublimabam, quoad ille nullum amplius penes se retineret, tum ab illo rectificatissimum tartari spiritum aliquoties cohobavi - - - tandem vini spiritum alcoholizatum de eo ter vel quater sevocavi, fundebatur sublimatus ille leni calore, instar ceræ, & à metallis sublimatus illa penetrabat, ut disfluere in cellâ in liqvores.

Vitriolum ad rubedinem calcinatum simili planè modo tractabam; cum spiritum vini ab illo sevocabam, adscendebat una cum illo



in alembicum Mercurius currens, vitriolo sic preparato per retortam in arenâ igne satis moderato destillabatur spiritus smaragdini coloris, aciditatis gratissimæ, unaqve in retortæ collum sublimabatur sal viride; indeque nec spiritus nec sal ullum cupri saporem referebat, caput mortuum verò cineritii erat coloris, in toto omnis rubedinis expers.

Mercurium sublimatum ante sic tractatum miscui cum hæmatite pulverisato, & ex igne aperto spiritum inde destillare volebam, sed igne adeò intenso, ut retorta liqvaretur, nec spiritus, nec Mercurius produit, sed fixus remansit cum hæmatite.

## OBSERVATIO XXV.

## D. PETRI SPECHT

DE

## RARA REPENTINÆ MORTIS CAUSA.

**G**Allus quidam, quadragenarius circiter, nomine Paris, sigillorum sculptor sine pari, dissolutam diu vitam vixerat; sanus hic sibi & aliis visus, festo Nativitatis Christi, cum amicis quibusdam lætus, ad multam noctem bibens & saltans, malè se habere cœpit, & cubiculum petens in lectum se conjecit; famulus dormire eum ratus, in quiete eum reliquit, at mane mortuum reperit. Contigit hic casus in Westrogotiâ in arce Leckoe Illustrissimi Dni. Magni Gabrielis de la Garde, Magni Regni Sveciæ Cancellarii, Domini mei clementissimi, qui attonitus ob tam improvisam rem, jussit, ut causam repentinæ istius mortis perquirerem. Dissecto cadavere, infimi ventris viscera omnia sana reperta; thorace resecato, apparebat massa quædam nigra, sacci ad instar in medio pendens, quæ pericardium erat, continens membranam cordis, parenchymatis penitus consumpti loco, sanguine nigrante repletam. Pulmo dextrâ parte totus consumptus; sinister integer quidem, sed fuscis plenus maculis.

(In literis ad Dn. D. Langelottum, & mense Novembri Vratislaviæ ad Coll. Ephem. transmissis.)

## OBSERVATIO XXVI.

## D. JOHANNIS MICHAELIS FEHRI

DE

## ANEURISMATE ET VARICIBUS.

**I**n gratiam alicujus hæmoptyici, de nobilitate sanguinis humani lufimus aliquando ita :  
Pur-



Purpureus cruor est, quò vivimus atque movemur  
 excellens animæ vis hominisque salus :  
 Alveolis naturâ suis hunc fundit in artus  
 corporis, & dulci membra liqvore rigat ;  
 Fervet opus, ratioque valet. pollentque lacerti,  
 cumque novis certat forma serena rosis :  
 At si vi morbi aut fortunæ lædimur ictu,  
 liberaque alveolis purpura dicta fluit.  
 Exanimes subito tetricus color occupat artus,  
 oraque sunt cerâ pallidiora novâ.  
 Languet opus, ratioque stupet, torpentque lacerti,  
 omnis & à fuso sanguine vita fugit :  
 Discite morrales pretioso parcere succo,  
 tam vitæ fons est, quàm necis author idem.

Gratiosus scilicet ille naturæ filius, *sanguis*, tam sacrorum, quàm profanorum oraculorum unanimi suffragio nobilissimum animæ domicilium perhibetur, & ipsissimum est calidum nativum, suis undique spiritibus & humido radicali seu balsamo vitæ perfusum ; Quò clariùs autem ejusdem excellit nobilitas, eò gravius quoque homini ex ejusdem profusione imminet periculum : Quapropter summâ ope niti decet, omnes eos, qui Medicinæ sacris initiati sunt, ut pretiosissimus hic thesaurus ac *κεφάλιον*, omnibz gazis anteferendum, sartum tectum in humano corpore conservetur, nec temerè aut frivole profundatur, quod quibusdam sanguisugis, tonsoribus & balneatoribus cum imperito vulgo, qui omnem malitiam unâ cum sanguine eliminari & extirpari posse autumant, frequens est : aut ex errore arteria tundatur, unde *aneurismata*.

In illustri loco hujus vicinîæ, Anno 1655. tonsor quidam scemina jam sexagenariæ arteriam pro venâ hepaticâ in dextro brachio secat, statim sanguis profluit cum saltu floridus, brachiumque intumescit cum quâdam renitentiâ, empiricus hic sanguinis copiâ sat largâ, pro more, emissâ, quasi re benè gestâ vulnusculum deligat : Interea tumor ob sanguinis per arteriæ ostiolum in musculorum spatia effusi copiâ indices attollitur, nec ullis fomentis discuti potest ; Ipso tandem medicastro  
 ex



ex desperatione fugiente: Menstruô post spatio alius adsciscitur chirurgus cum Medico, qui periculi magnitudinem attendentes, statim adstringentibus & arctâ ligaturâ tanto malo obviam decenter eunt, sed post festum & casso effectû, vesiculæ enim plures & tubercula quasi anevrismatica circa medianam & cephalicam hinc inde oriuntur, quæ tractu temporis sponte rupta tantam sanguinis effundunt copiam, ut selectissimis remediis sisti non posset fluxus iste per 4. septimanas; eò quod ob ingentem tumorem arteriæ orificium etiam sagacissimis oculis non pateret, donec in putredinem gangrænosam abeunte toto brachio sanguis grumosus, ovorum gallinarum magnitudine frustillatim ac insigni cum foetore exiret, ac omnis caro musculosa, quæ interim omnimodè computruerat (præter tendines nervôlas arteriasque, ossa ac periochia) diffunderet ad humerum usque. Tum demum in conspectum veniens arteriæ osculum convenienter obturatum, & caro ablata sarcoticis, probaque dîcta spatio bimestri integrè restituta fuit ad miraculum usque: Constitit autem hæc venæ sectio plus minus centum imperialibus. Ist eine theuere Alderlaß. Similem, sed funestam arteriæ, pro venâ, sectionem peregit in quodam Nobili quidam tonsor Bambergensis, qui ideò à defuncti propinquis in jus vocatus, sed intercessione Medici Ordinarii in tantum absolutus est à pœna, (non à culpâ) ex imprudentia (dicentis) peccavit, non datâ operâ *cist. med. p. 75*. Horstius ejusmodi errorem feliciter correxit, laudanô opiatô, superimposito emplastro stictico Crollii *post. Observ. p. 350*. Eodem ferè modo curatum est hic aneurisma non minus periculosum, quod fœmina quædam filium proprium, jam septem annos natum baculo ad sinistram capitis partem capillatam, quâ carotidum transitus est, graviter percutiens, excitaverat, unde tumor pulsatilis, avellanæ primò magnitudine, nigricans, mollis & digitis cedens statim oboritur, & octidui spatio in tantum augetur, ut dimidiam capitis partem à sutura sagittali per tempora & frontem ad oculum usque sinistrum occuparet. Consulti Medici anceps remedium certissimo vitæ periculo præferendum censescentes, matre simul & chirurgo tumoris apertionem urgentibus, scalpello vulnusculum infligunt, floridique sanguinis parte quædam emissâ, quædam verò arctissimâ ligaturâ & stypticis cohibetâ, dum crebrò id agunt, brevi restitunt & sollicitæ matri sanum per D. G. reddunt filium hunc unicum, idque eò quod in teneris adhuc omnia tenera & coalitu facilia, vel quod arteria

laxa



læsa os subjectum habuerit durius, ut arctissime potuerit constringi, hinc arterias temporum & frontis feliciter aperiri posse asseverat *Riolanus in Enchirid. Anat. pag. 332. Videatur Schenck. lib. 5. Observat. Fabric. Hildannus aliique.*

Super his quæsitus *Clarissimus Bartholinus, P.P. Hafniensis & Archiater Regius* die 27. Octobris Anno 1662. Anevrysmatis (respondet) lætum exitum viderunt pauci, adeò ægrè ferunt arteriæ habenas sibi laxari. Nonnunquam tamen naturæ robur vitium superat, medicique manibus auxiliatur: Arcta ligatura miraculi instar subinde patentem hiantemque arteriam constringit, sed operæ eventum in minoribus tantum experimur. In majoribus enim, quia tunicæ crassæ, facilè, nec rumpuntur, nisi à vehemente causâ, nec ruptæ consolidantur, propter perpetuum spirituosæ sanguinis affluxum quotidie increscit anevryisma: Facilius quoque in arteriæ tunicâ dilatatâ, quàm prorsus ruptâ sperata consolidatio succedet. Denique à sanguine quoque, seu calidiore, adeoque ad impetum promptiore, seu frigidiore & crassiore, ad motum segni pars curationis dependet vel interitus: Nos hîc nuper lethale anevryisma vidimus in juvene nobili ex læso femore, nec mirabamur, quia arteriam magnam cruralem ruptam in apertione vidimus, unde in tantum tumorem femur excreverat prorsus quasi scirrhosum, ut non tantum ea copia sangvis ex aperto post mortem femore effunderetur, quæ tres mensuras nostras impleret, sed ex sinubus inter musculos vastos efformatis sanguinem grumosum parenchyma hepatis maximi fermâ & magnitudine referentem extraheremus. In isto vivo nec sectio tuta erat aut possibilis propter magnæ arteriæ & inter musculos delitescentis ingentem rupturam, nec ligatura sufficiens. Certè DEUM precari soleo, ut hujusmodi casûs vel avertat, vel mæcuræ subtrahat, de quibus *Patroclis* illud ex *Stobæo sermone CX.* usurpârim: Collegisse, nempe, ista tam gravia, multaqué non verba, sed mala in adeò breve vas fortunam. *Hactenus Bartholinus.*

Sed quod arteriis anevrysmata, id venis sunt *varices*, nodosæ scil. venarum dilatationes, à stagnante ad valvulas & detenta ibi sanguinis crassiore parte oriundæ, hinc melancholicis sunt familiares & salutare, quos ab insaniâ liberant: *Hipp. 6. aph. 21. & po-*



tissimum in cruribus parte corporis decliviori hospitantur, quandoque etiam in temporibus, ventre & scroto, unde hernia varicosa. Plinius quidem mares tantum hoc malo affici credidit, sed is ridetur à mulierculis præsertim gravidis aut aliàs succiplenis, quibus in femore & cruribus illæ sæpius in ultimis mensibus admodum molestæ sunt, quas ideò vocant die Rinds Aldern / adduntque, si in sinistro ex appareant femore, foemellas, in dextro autem masculos promittere, quod tamen experientiæ non respondet: post partum prodeuntibus ritè lochiis sponte oblitterantur: *Hartmannus in Praxi* unguentum è butyro majali vel oleo rosaceo c. succo cancerorum commendat, quod profuit cuidam matronæ à septimo mense cum ejusmodi malo conflictanti; sudore nonnunquam minuuntur tempestivo; confert quoque arcta ligatura & venarum compunctio. *Riol. Enchir. Anat. pag. 408.* Sectio periculosa esse fertur, quin & ruptio quandoque lethalis, quod illa septem menses gravida *Anni Ephemerid. nostrar. III. pag. 380.* experta est. Ex venæ cruralis sectione quidam solatium quærunt, quod hîc in melancholico quodam observavi, qui crebrâ ejus sectione diu se à tantâ molestiâ immunem præstitit, sed is Anno 59. ob nimios in vindemiâ exantlatos labores phlebotomiâ cruris neglectâ plurimum sanguinis grumosi ἀνω καὶ κάτω rejecit, placidâ morte paulò post subsequente, nulloque extrinsecus vestigio rupti varicis apparente; Internas ergò, quas omnibus venis ob valvularum præsentiam communes esse volunt, ruptas tantæ sanguinis profusioni authores exstitisse, quis est, qui dubitare ausit?



Vidi quoque in non gravidis, sed sanguineis eas ruptas esse cum euphoria, vel tenuissimo potius ac impervestigabili osculo per anastomosisin apertas ex consternatione ob incendium vicinum oborta, metuque excusso sponte iterum coaluisse, quod & noster *Jason, Johen. Laur. Bauschius, ὁ μακροπρηνς*, in suo *hematite* confirmat pag. 26. & similem historiam narrat *Panarol. pentecost. pag. 35.* Venæ saphenæ quoque sectionem profuisse testantur *nostra Ephemerid. A. III. pag. 91.* Sed cavendum, ne in ulcus diuturnum degeneret ejusmodi vulnusculum, quale notavit *Horst. Observat. post. pag. 360. & Fabric. Hildan. Cent. Observat. quarta.* Antiqui excisione ac unctione varices tollere ausi sunt, sed satis cum periculo. Videatur *Sennert, Instit. p. m. 1008.*







Ad Ann. VI N<sup>o</sup> e.





[In literis Swinfurto Vratislaviam 11. Decembr.

Anno 1674.)

## OBSERVATIO XXVII.

D. JOHANNIS MATTHIÆ NESTERI

DE

FOETU MONSTROSO.

**P**aterlapso anno rustici & fabri ferrarii cujusdam uxor in pago Coln prope Misniam, puellam peperit, unico equidem capite vittâ muliebri quasi adornato, at cum quatuor pedibus, brachiis & manibus duabus, ventribus verò ac thoracibus ad umbilicum usq; tam arctè in unum conglutinatis, ut ne lynceis oculis ullum in illis observari potuisset discrimen, uti schema hoc transmissum, à Dn. Fratre meo Philippo Erhardo Nestero, Sereniss. Sax. Elect. ad Albim scholæ Oecono, mihi communicatum, abundè satis demonstrat. Deforme profectò est spectaculum. Simile monstrum, ni fallor, à *Valleriolaria* & *Cardano* etiam describitur. Ita ludit interdum natura nostra, & tales aliique errores circa conformationem fetus accidunt. Sic nuper monstrosus infans, posthumus quidem, natus est in pago quodam sesquihorâ Barutho distante, qui præterquam quod admodum gibbosus erat, antrorsum etiam valde elevatum & exporrectum habebat pectus. Vidi etiam nuperrimè virum quendam, qui à pueritiâ totus incurvabatur, ut brutorum instar vultu prono incederet, duobus scipionibus innixus, nec oculos sursum extollere posset.

(In literis ad L. Christianum Fridericum Garmannum, Barutho Chemnitium, d. 13. Decembr. Ann. 1675.)

## OBSERVATIO XXVIII.

D. DANIELIS WINCLERI

DE

MORBO A SPECTRO.

**N**obilis quidam Silesius, sine omni diatâ vivens, crapulæ indulgens, diei maximam partem dormiens, noctem verò totam edendo potandoque consumens, ex ipsâ faciei inspectione videbatur cachecticus. Perpetraverat ante aliquot annos homicidium, noctu ebrius oberrando, strictoque gladio quemvis obvium petendo. Tandem contigit, ut anno vi-



cesimo quarto supra millésimum sexcentésimum Nobilis audiret mediâ quadam nocte curruum equorumque strepitus; aperiri videntur portæ domus, creduntur advenire non infrequentes ibi alias hospites. Ideo surgit de lecto ille, de fenestrâ prospicit, opinatus adequitare hospitem non minorem equo, cui insidebat, procero, & caput suum tangere. Exhorrescit hinc homo toto corpore. Manè immensum tumorem capitis & sentit ipse, & mirantur astantes. Accersitur pagi vicini balneator, applicat cataplasma ex emollientibus: erumpit tandem materia per nares, per aures, per duo in malâ sinistrâ foramina, in ipsum quoque palatum & pulmones. Vocor tandem & ego, summam virium offendo imbecillitatem, video materiæ purulentæ exitum non esse in inferiore, sed in superiore malâ, musculos ipsos albos & quasi excoctos, totam cutem verò quasi separatam; sequenti nocte materia summo impetu in tracheam irruens hominem suffocavit.

(*Ex communicatione Dn. D. Gottofredi Wincleri,  
Danielis filii.*)

## SCHOLIUM.

Theodorus Byzantinus, referente *Wiero de Præst. Dam. l. 2. c. 25. p. m. 232.* in eâ fuit sententiâ: Viros fortes rarò vel nunquam spectra videre, & hoc ideò, quod ipsi ob innatam constantiam hæc minimè imaginentur. Sed hoc intelligendum esse de spectris falsis, quæ in imaginatione à timore impressâ consistunt; reverâ autem non sunt, puto. Diabolum verò modò hanc, modò aliam speciem, imò Angeli lucis, assumere, & sic spectrum verum exhibere posse, notum & experientiâ multiplici confirmatum est. Itaque & hoc spectrum pro vero & non imaginario habeo; strepitus enim curruum equorumque, quo somno obrutus ebrius expergefactus, imaginarium quid haud esse potuit. An verò Diabolus etiam virtute naturali ejusmodi tumorem capitis producere potuerit, videndum? *Wierus loc. cit.* putat: Dæmones humores & spiritus interiorum & exteriorum sensuum movere posse. Imò Sennertus scribit: Diabolum humores parvos in corpore latentes agitare, vel etiam bonos corrumpere, in varias partes immittere, atque ita naturalem earum constitutionem mutare, imò violenter quædam, permissu DEI, in corpore humano pervertere; præterea affectus varios, spiritibus & humoribus motis excitare &

hoc



hoc modò varios morbos inducere posse. Videatur *Praxis ipsius l. 6. P. 9. c. 5. p. m. 408.* Cum itaque Nobilis hic cachecticus fuerit, Diabolus virtute naturali, vel saltem mediante terrore materiam eccantem & humores vitiosos facile agitare, agitadosque in caput immittere potuit. Ubi ad maiorem corruptionem haud parùm contribuit, & tandem materiam fluidam reddens, eamque exagitans tracheæ influere fecit, & sic hominem suffocavit. Terror quid efficere possit, notum est, ita ut etiam à spectrorum terrore pestis observata, ut testatur *Ingolsterterus in Cist. med. p. m. 414.*

(D. Gottofredus Christianus Vinclerus, Danielis F.)

OBSERVATIO XXIX.

D. DANIELIS WINCLERI

DE

HÆMORRHAGIA INGENTI VI VEL VII DIE POST  
ACCEPTUM VULNUS.

**I**N conflictu exercitus Electoris Saxonix cum Cæsareo propè Lignitium, Nobilis quidam Misnensis, supremus excubiarum Præfectus in quadam legione militum pedestrium, vulnus sclopeti acceperat in sinistro crure. Ecce autem post 6. vel 7. diem media nocte subito copiosus supervenit ex vulnere sanguinis fluxus; quâ novitate ille perterritus media nocte me ad se vocat, de vitâ suâ anxius. Ego verò illum bono animo esse iussi, id enim crebrò accidere in vulneribus sclopetorum, & provenire, quia sedatâ jam inflammatione, vasorum ora dilatantur, & hinc sanguis, qui prius inflammatâ parte & condensatis vasis retentus fuit, effluit liberius. Quo de eventu etiam Glandorpius in Speculo chirurgico. Et ita etiam docuit eventus, facile enim sedatus est iste fluxus sanguinis, ægerque idoneis remediis convaluit.

### SCHOLIUM.

Chirurgi inter se digladiantur, num combustio sit vulneribus sclopetorum conjuncta, vel non? Paræus combustionem satis firmis confutat argumentis, & demonstrat: Glandem non posse ustione escharam inducere. Concedit id quidem Quercetanus, quoad glandem, non verò quoad pulverem pyrium; & distinguit distantiam loci, à quo provenit & exploditur glans, & simul an obstacula firma vel infirma adsint: idcirco dicit: Vulnera sclopetorum aliquando (si sc. è pro-



pinquo loco explodatur glans) cum, aliquandò (si distantiori loco) sine unctione esse. Et huic opinioni calculum meum adjicere non dubito. Etsi enim Paræus contra rationes à Quercetano allatas opponere possit, sc. incendium vestis & barbæ fieri scruti seu veteramenti glandibus alligati ratione; tamen cum idem incendium fieri videamus à glandibus, iis rebus carentibus, si modo è propinquo explodantur, meritò sententiam Quercetani approbamus. Si itaque hoc vulnus è propinquo illatum fuisset, dicerem post escharam remotam hanc hæmorrhagiam secutam, & saltem è venis, non verò arteriis (ubi periculo non caruisset) provenisse, & inflammationem per istam sedatam fuisse.

(D. Gott. Chr. Winclerus, Dan. F.)

## OBSERVATIO XXX.

DE

## CARNIS VOMITU CUM SANGUINE.

**M**ulieri cuidam nobili cachecticæ de compressione ventriculi, nausæa & appetitu prostrato diu conquestæ, remedium à me petenti, præscripsi purgans satis lene. Purgata est ferè sine torminibus; sedatâ nihilominus purgatione vomendiconatus maximus supervenit, evomitque sanguinis immensi copiam, & cum sanguine frustra duo carnis, quorum unum colore & figurâ, non substantiâ, epar magni lucii repræsentabat; alterum erat fibrosum & quadantenus ad pulmonum substantiam accedens, sed tam grande, ut mirum videretur, quomodo per œsophagum transire potuerit. Delatas ad me cum sanguine carnes, quia primò pro sanguine concreto habebam, sanguine omni effuso, aquâ diligenter ablui, figuram tamen, & substantiam modo indigitatam servabant. Easdem postea ægra exsiccat & exsiccata adhuc asservat. Quia verò propter immensam copiam sanguinis epar nimis refrigeratum fuit, postea pedes & venter intumescere, sed per idonea medicamenta his quoque vitiis correctis, nunc, DEI gratiâ, matrona vivit sana & incolumis.

## SCHOLION.

Hujusmodi exemplum refert *Forrestus* l. 18. Obs. 19. in Schol. sed frustum illud carneum exstitit colore album & sine sanguinis profusione fuit rejectum. *Thom. Rodericus à Vegâ* ad l. 1. c. 5. de loc. aff. Gal. annotavit profluvia frustorum carneorum fibroforum à viâ hujusmodi facta esse. Sed in causis rimandis, vel unde ista caro, uterque pisce mutior,

Vegâ



Vegâ saltem exclamante : *sed rara hæc faciliorem habent, quam causam, admirationem.* Viscerum particulas non fuisse, testatur ægrorum convalescentia iis rejectis. *Amat. Lusitanus c. 7. cur. 23.* enarrat observationem : Excrescentiam carneam ab ore ventriculi pependisse. Quid si ejusmodi polypis similes excrescentiæ sive sarcomata & hæ fuissent ? Et nisi quis ad incantationem confugere velit, aliam rationem & causam vix inveniet ; præcedente enim exulceratione id fieri posse, negari non potest.

(D. Gott. Chr. Winclerus, Dan. F.)

## OBSERVATIO XXXI.

DE

STRAMINE ἀντὶ κατὰ EXPURGATO.

**S** Artoris Bregensis filius, puer annorum circiter duodecim, mirabili correptus morbo. Subitò enim convellebatur, nunc brachiis, nunc pedibus, nunc utrisque, salvo tamen capite aut certè parùm læso. Multa contra convulsionem adhibita, contra vermes, & quicquid in causam venire posse arbitratum. Tandem præscripsi purgans ad humorem melancholicum potissimum expurgandum ; Ecce magna circa orificium ventriculi sentitur angustia, lipothymia, nausea, sudor frigidus Tandem per os egreditur straminis culmus integer adhuc longior 4. ulnæ parte. Hinc sedatur anxietas, incepit purgatio, dejecit per alvum stramen corruptum & semiputridum, idque per unum & alterum diem, hinc nullis aliis medicamentis adhibitis convaleuit. Puto fuisse incantamentum.

## SCHOLION.

Cum *Wiero* hîc sentio, sc. meras has fuisse illusiones & præstigia Dæmonis. An enim revera ejusmodi res corpori insint & inde rejiciantur, satis longâ oratione prosecutus est *Sennertus l. 6. P. 9. c. 5. pag. 413. & seq. Prax.* Itaque crambem bis costam afferre nolo. Neganti quidem obstat exemplum, à *Langio Epist. 38. l. 1.* prolatum, scil. in rustici cujusdam, qui sibi ipsi violentas manus intulit, ventriculo lignum teres & oblongum, & quatuor ex chalybè cultros, ac duo ferramenta aspera post apertionem reperta fuisse. Sed si præstigiatores manuum agilitate hominum oculos fallere possunt, (sunt verba Sennerti) quidni mille fraudum artifex ? Itaque puto post apertionem demùm à Diabolo



lo istas res ventriculo intrusas esse. An verò purgans exhibitum ad sanitatis recuperationem quid fecerit, non dubitandum; materiâ enim corruptâ & semiputridâ ejectâ, cujus commotionis & evaporationis causâ convulsionem ortâ, istæ cessârunt. Glaucoma saltem oculis astantium à Dæmone objectum, ut materiam istam pro stramine agnoverint.

(D. G. Ch. Vinclerus, Dan. F.)

## OBSERVATIO XXXII.

D. DANIELIS WINCLERI

DE

EPILEPTICA A SPECTRO.

**H**onestâ quædam fœmina, morbo satis gravi vix liberata, & adhuc fistula in brachio iterum apertâ molestata, post nuptias peractas vix duas vel tres septimanas meliusculè sese habere visa est. Accidit ex improvviso, ut in viciniâ Musica audiretur, juven- culis ejusmodi acceptissima, illa de lecto surgens, fenestram aperit, at mox miseræ ex ipso tecto nigrum quippiam ante oculos pedesque videntur decidere, cum tremore & dentium stridore illa sese ad maritum in lectum confert, statimque de horrore febrili conqueritur. Ego adveniens manè bezoardicum propino, sudorem provoco, cordialia præscribo. Sed illa crebrò in lecto exhorrescit tota, clauditur os, ut ne specillum quidem admitteret, tandem accedit epilepsia ipsa, miseramque post unum atque alterum paroxysmum è medio vivorum summo cum mariti mœrore eripit.

## SCHOLIUM.

*Matthias Untzerus l. I. de Epileps. c. 16. §. II. inter causas epilepsiae externas dæmonem seu spiritum malignum, qui corpus exagitat & materiam ad cerebrum defert, recenset. Et certè Diabolum esse spiritum malignum notum evadit è Scholio Obs. 28. ubi è cistâ medica Hornungi attuli, etiam pestem à terrore ortam. Si itaque pestem Diabolus per terrorem potuit inducere, quidni epilepsiam? Huc accedit, quod epilepsia vocetur morbus dæmoniacus, imò Theologus Anglicus, referente Thom. Willis in Pathologiâ cerebri c. 2. audeat affirmare: plures dæmoniacos in Novo Testamento tantum epilepticos fuisse. Puto itaque materiam acrem & malignam à præterito morbo adhuc*



adhuc in capite vel ipso cerebro superstitem latuisse, (residuum aliquid materiæ peccantis adfuisse; fistula in brachio testimonium exhibet,) illam verò Diabolum per terrorem spectri agitasse, & malignâ qualitate imbuisse, (malignitatem spectris induci testantur oris & nasi exulcerationes eorum, qui ea viderunt) & sic per irritationem epilepsiam & per illius atrocitatem mortem induxisse.

[ D. G. Ch. Winclerus, Dan. F. ]

## OBSERVATIO XXXIII.

D. DANIELIS WINCLERI

DE

## STEATOMATE SUB MENTO.

**I**llustris quædam Domina sub mento tumorem gerebat mobilem instar nucis avellanæ, nolebat admittere sectionem, quapropter discutientia adhibui, primò minor factus tumor, sed mox priorem recepit magnitudinem; applicui hinc fortia maturantia, quorum continuo usu tandem aperta cutis exiguo foramine, dilatavimus vulnus cum radice Gentianæ; deinde tumorem (quâ nec dum dilatari vulnus ferro patiebatur, ita enim materia tota cum vesica, in quâ conclusa erat, potuisset eximi) se prodentem aperuimus, nihil egressum est materiæ, sed compressione tandem factâ fortiori, egrediebantur filamenta quædam, qualia in caudâ cancrorum mediâ inveniuntur, & ipsa vesica apparebat flaccida; quia ergo ex ejus retentione metuebamus novæ materiæ generationem, factâ compressione forti partium circumjacentium, eandem quadantenus extrapropulimus, propulsam filo serico ligavimus, vulneri unguentum maturativum infundimus, ita tandem filo extra vulnus pendente ipsa vesica separata, extracta est. Quia verò caro, quasi verrucosa videbatur fundamentum vesicæ fuisse, hanc caustico potentiâ cum unguento Ægypt. mixto extirpavimus, hinc vulnus consueto modo consolidavimus. Tumor ab eo tempore non rediit, cicatrix etiam vix videtur vulneris.

## SCHOLIUM.

Causam steatomatis non succum excrementitium, sed planè nutritium & à nutritione totius vel ejus partis, ubi nascitur superflu-



um cum *Platero Tr. 3. c. 3. in Tit. de Causis*, statuo; cui sententiæ etiam adstipulatur *Marc. Aurelius Severinus de Abscess. anom. c. 13.* Est verò humor jam assimilatione aptus & saltem crassitie & abundantia peccans, ut innuunt citati Authores. Si enim solâ crassitie peccaret & non simul abundantia, hunc tumorem non procrearet, sed eò facilius assimilaretur & agglutineretur, humor enim crassior parte illâ, cui agglutinatur, esse non potest. Si quis accuratior inquirere velit, quinam humor ex 4. secundariis hîc in causâ sit? Cambium eligerem; sed cum isti humores saltem imaginarii sint, plura non addo. De steatmate miro & magno videatur *Hechstetterus Part. 2. Dec. 6. p. 472.* Inerat verò materia sebum referens, non verò ut in nostro filamenta, quod sanè mirum est, sed videtur viam fuisse angustam, per quam materia influxit, etsi materia non valdè differens & saltem fibrosior fuerit. Vidi sectionem steatomatum binis vicibus, sc. unius in brachio, alterius in humero, materia in ambobus erat instar adipis fibrosi. Ad curam quod attinet, satis artificiosè peracta est, & difficultate non caruit, quia ad placitum & nûtum Illustris hujus personæ absolvi debuit, quæ aliàs in rustico longè minori negotio perfici potuisset.

(D. G. Ch. *Winclerus, Dan. F.*)

#### OBSERVATIO XXXIV.

D. DANIELIS WINCLERI

DE

CALCULO EX PENE EXSECTO.

**N**obilis quidam vir sexagenarius, sed robustis viribus, secundis peractis nuptiis villam petens, redux in itinere summum circa pubem sentit dolorem, urinam emingens cruentam mox omnimodâ urinæ obstructione laborans, dolor nullus ferè nisi angustia quædam, summum hibendi desiderium. Intumuit genitale in tantum, ut nullus asinus tantâ conspiciatur mentulâ. Ex fascino illi accidere suspicati sunt multi, cum viri officium nondum rectè se fecisse fateatur ipse; verùm quia de calculo suspicio erat, his nihil commotus. Injecta enemata, potiones propinatae cum vias dilatantes, tum urinam promoventes, nihil effectum. Applicata fomenta supra pubem, adhibita balnea, aquæ dulcis cum herbis convenientibus, frustra omnia. Adhi-



Adhibiti cerei & in penem intrusi; nihil observari potuit, nec guttula urinæ exiit. Caput ex nimio potu nihilominus magis magisque intumescit, æger ex diuturnis vigiliis & angustia summâ defatigatus, suprema expectat. Tandem stylo ferreo tentamus canalem penis, qui summè tumidus & protractus extra corpus. Invenimus duram materiam, conjicimus esse lapidem, eoque magis, quia motu aliquatenus vehementiore nonnihil urinæ egredi vidimus. Tentamus omnia, adhibemus peni eadem emollientia, infundimus in ipsum canalem lubricantia, & dilatantia, inflare conamur; nihil efficimus. Ultimum restat: Sectio. Obstat ætas, repugnant vires quodammodò attritæ. At æger orat per DEUM sectionem sive moriendum sive vivendum institui. In nomine igitur DEI supra duritiem, penem ligamus, ne retrocedere possit lapis, deinde in superiore parte penem scalpello incidimus, mox in conspectu n venit lapis, sed tam arctè conclusus, ut ne instrumento quidem moveri posset. Hæmorrhagia magna non est, sed mox sistitur. Comprimimus inferiorem penis partem, in supernâ cum stylo ferreo movemus lapidem, profilit cum saltu super lectum, & hinc magna urinæ copia, statimque levamen morbi, penis inflammatio idoneis medicamentis sedatur. Per urinam verò tempore satis longo materia purulenta in maximâ copiâ emingitur, signum cum abscessu quodam egressum esse hunc lapidem ex vesicâ, qui quantitatis erat zingiberis radicis. Propter senium tamen non planè ocludi vulnus potuit, sed remansit in superiore parte foraminulum, quod in excernenda urinâ & semine ipsi incommodum facit, quia & per foramen consuetum & per hoc cum urinâ, tum semen effunditur: Alioquin benè sanus & omnia ritè peragebat.

### S C H O L I O N.

Notus mihi fuit iste vir, qui 80. supervixit annum. Sectio ista in pene tantum periculi non portendit, quàm in perinæo, modo chirurgus sit circumspectus, ne venam vel arteriam lædat. Vocatus sum aliquando ad filium honesti alicujus viri, annorum circiter duodecim, qui per dies novem retentione urinæ cum doloribus exquisitis laborabat, & ab insulso quodam chirurgo ut herniosus tractatus erat propter scroti tumorem. Adveniens, statim suspicor de calculo, aliumque chirurgum accerso, mox stylo argenteo exploravimus canalem, calculum durissimum opinione chirurgi magnitudine castaneæ statim animadvertimus; qui firmiter impactus & nullo modo mobilis erat.



Cum extrema adessent, sectionem libenter instituissemus, sed vires erant admodum attritæ, & principium convulsionum conspicuum, itaque Prognostico relictus eâ ipsa sequente nocte convulsus moritur.

(D. G. Chr. Winclerus.)

## OBSERVATIO XXXV.

D. DANIELIS WINCLERI

DE

## TUMORE CIRCA LUMBOS A TERRORRE.

**H**Onesta quædam fœmina, agnata mea, Pastoris in oppido quodam Silesiæ uxor, de noctu surgit, alvum exoneratura, nesciens surrexisse etiam ancillæ matrem rusticam, sedentem in camerâ alterâ solo indusio indutam, crinibus canis & dispersis. Hanc dicta Pastoris uxor, spectrum credit, horrescit, contremiscit, febre corripitur; manè rem audiens ipsam, animum quidem recipit, sed tumorem circa lumbos animadvertit, qui cum dolore crescit, donec tandem adhibitis maturantibus purulenta materia exitum nanciscitur, ipsaque debitis remediis sanatur.

## SCHOLION.

Materiam peccantem antea adfuisse, & per terrorem agitatam, robore verò naturæ expulsam esse, puto. Per terrorem humores agitari, nemo est qui dubitat. Per agitationem verò humorum & spirituum varios produci morbos, imò & apostemata interna, tradit Thom. Fienus de Vir. Imag. Quest. 10. p. 180. Si autem apostemata interna producat, quidni, si natura robusta, externa? Cum verò in Scholio ad Obsery. 28. & 32. de hâc materiâ actum, plura proferre nolo.

(D. G. Chr. Winclerus.)

## OBSERVATIO XXXVI.

D. DANIELIS WINCLERI

DE

CALCHLO IN ORIFICIO PENIS URINAM  
REPRIMENTE.

Labora-



**L**Aborabat boni parentis filiulus, 8. circiter annorum, variolis, conquerebatur de obstructione urinæ, de causâ eramus solliciti; Puer ejulare, de dolore ex retentione conqueri: videmus in extremâ parte penis variolam, de internâ idem cogitamus. Nihilominus quæ ad urinæ promotionem facere videntur internè, non negligimus, à balneo & fomentis propter variolas prohibemur. Nihil efficientes; ego tandem ipsum penem inspicio, particulam salis injicere volui, & expultricem stimulare. Video quid albi in orificio, existimo esse variolam pure plenam, acum accipio, tentaturus quid sit? durum offendo, moveo, motumque eximo, lapillus est. Exempto lapillo profluit urina. Æger puer recuperatis viribus sanus evadit.

### SCHOLIION.

Similem casum refert *Amat. Lusitanus c. 6. Cur. 91.* qui saltem herbam asplenium dictam incisam & butyro exceptam calidè loco affecto apposuit, & horæ spatio æger liberatus est. Calculus vesicæ procul dubio fuit, & non renum, pueri enim rarissimè hoc calculo laborant, & *Cardanus in Comment. Aph. 26. S. 3.* semel tantum vidit. Cum verò in variolis emulsionem expellentes exhiberi soleant, illæ autem simul sint diureticæ, illas simul calculum è vesicâ pepellisse & meatui penis intrusisse, existimo.

(D. G. Chr. Winclerus.)

### OBSERVATIO XXXVII.

D. DANIELIS WINCLERI

DE

### EXCRESCENTIA IN LABIO SUPERIORE.

**V**enit ad me ex pago Lossen paupercula anus, inspiciendum præbet labium, quod mirum in modum excreverat, in medio labio ulcus fuerat, ex eo principio caro ista fungosa suum ortum habuit. Nullam aliam spem eam habere, quàm sectionem ostendo. At illa paupertatem obtendit, aliud consilium expetit. Consulo ergo, ut tumorem cum setis equinis fortiter apprehendat, & indies arctius astringat. Fecit hoc, licet, ut ipsa postea dicebat, magno dolore, multis noctibus insomnibus, tandem tamen decidit caro ista superflua. Venit ad me latior, ego unguenta consolidantia illi



præscribo, quibus adhibitis in totum convaluit, Deoque gratias egit; Quia enim paupercula erat, & lino in fila ducendo se sustentabat, labium ad hunc laborem obeundum maximo erat impedimento.

### SCHOLIION.

De excrescentiâ ejusmodi carneâ in supremo vulvæ labro orta, exemplum refert *Marc. Donatus Hist. Med. Mirab. l. 5. c. 3.* Curatio cum fetis equinis est egregia & admodum conveniens, constrictâ enim arteriâ nutrimentum afferente, ut tumor tabescat necessum est. Unde verò ista arteria originem trahat, quaestio movenda. Arteria enim est pars spermatica, & non generatur extra uterum. *Marc. Aurelius Severus de Absc. anomal. c. 13.* pro veris arteriis habere non vult, sed putat illas saltem aliquid simile esse, ut venulæ illæ in affectu, qui Arabibus zebel vel sebel vocatur, ubi textura rubra venularum in annatâ oculi tunica sive albo oculi videtur. Quod verò ad illum affectum attinet, cum *Sennerto l. 1. P. 3. S. 2. c. 15.* sentio: venulas illas reverâ existere, visum verò effugere, nisi sanguine valdè turgeant. Itaque, salvis aliorum judiciis, putarem: quod crescente istâ hyperfarcosâ adjacentes arteriæ & venæ simul crescant, ut in pueris & nondum adultis fieri videmus, ubi arterias & venas cum aliis partibus augmentum acquirere nemo negare potest. Hoc quidem secundum naturam fit, sed quid naturam per errorem idem facere prohibeat, non video. Vocatur verò iste tumor encanthis sive hyperfarcosis, & oritur ex ulceratâ parte è materiâ affluente nutritiâ & ad glutinationem superflua,  
(D. G. Chr. Winclerus.)

### OBSERVATIO XXXVIII.

#### D. DANIELIS WINCLERI

DE

#### PARALYTICO MUTO EX APOPLEXIA CUM FEBRE MALIGNA.

**G**enerosus quidam Dominus febre malignâ laborans, stuporem in dextro sentiebat brachio, post biduum supervenit sensuum omnium stupor, qui tamen mox retrocessit, at stupor non tantum occupavit brachium, sed dimidiam partem malæ, ut oris tortura quodammodo appareret, &, quod miserum, lingua dimidia simul paralytica,



lytica, unde ne verbum quidem proferre ad mortem usque, quæ tri-  
duo vel quatrduo post sequebatur, potuit, sensus tamen compos &  
mentis.

## SCHOLION.

Materiam pituitosam hæsisse in cerebro vel circa illud, quæ liqua-  
ta à calore febrili sensim principio nervorum influxit, & ipsius obstru-  
ctionem causavit, posset quis inferre cum *Horstio Observ. 16. de febr.* Cum  
verò hîc saltem stupor fuerit, à principio retrocedens & non permanens,  
quod materiæ proprium, existimo saltem vaporem narcoticum mali-  
gnum huic malo causam præbuisse; Ægrotum verò potius vi febris ma-  
lignæ, quàm apoplexiæ ad plures detrusum esse.

(D. G. Chr. V. Vinclerus.)

## OBSERVATIO XXXIX.

D. DANIELIS WINCLERI

DE

URINA CRUENTA, HINC PURULENTA.

**H**onestus quidam vir, ex aulæ Bregensis Ministris, diu dolore  
sinistri hypochondrii laboravit, curatas à quibusdam pro sple-  
netico, excreto verò postmodum calculo, magnitudine nuclei  
persici, aliter rem se habere comperit. Post annos aliquot redie-  
runt iidem dolores, suspicio iterum erat de calculo, ideò ad hunc directa  
medicamenta. Verum cum urinâ demum magna prodibat sanguinis  
satis floridi copia, ob quam evacuationem æger debilis redditus in li-  
pothymiam semel atque iterum incidit, de nullo alio conquestus est do-  
lore, nisi de imbecillitate omnium virium. Ad fluxum hunc nimium  
multa adhibita, tandem loco sanguinis effluxit purulenta quædam ma-  
teria, quæ indies aucta, donec tota egrederetur alba, nullo amplius ap-  
parente sanguine. Et tum æger cum talibus urinis etiam supervixit bi-  
ennium. Postea redeuntibus iisdem doloribus apostema in dorso è  
regione renum exortum est, quod licet apertum & consolidatum fuerit,  
æger nihilominus tabefactus interiit.

## SCHOLION.

Si post mortem apertio corporis licita fuisset, non opus esset con-  
jectu



je&uris. Videtur verò per calculum adhuc latentem renem vulneratum & excoriatum, unde à venulâ simul læsâ fluxus sanguinis, quo extravasato & non in totum excreto, imò in grumos redactò & tandem in pus converso, apostema in renis substantiâ exortum; materia copiosè affluxa tandem in musculis adjacentibus fistulam excitavit, unde apostema externum in dorso; ut exemplum invenimus in *Forestol. 24. Obs. 37. in fine Scholii* de Hadriano Junio Medico. Ægrotus verò consumptionis renis causâ mortuus est, ut similem ferè casum recenset *River. in Obs. commun. à Formio Obs. 27.* Unde verò tabes à renum abscessibus & ulceribus? sciendum, æquè ac in pulmonibus putrescentibus febrim lentam ac putridam, & tandem hecticam à vaporibus putridis per venas & arterias, cordi communicatis excitari in isto affectu; ita ut ab illâ tandem humidum radicale exhauriatur, & homo consumptus fatis cedere cogatur,

(*D. G. Chr. Winclerus.*)

## OBSERVATIO XL.

D. DANIELIS WINCLERI.

DE

## DEGLUTITIONE ABLATA IN APOPLECTICO.

**S**enator quidam Bregensis apoplexiâ subitâ corruit, rediens ad se, omnes quidem sensus recuperavit. iudicium erat accuratum, memoria integra, paralyxis in brachio non usque adeò insignis. At musculi deglutitioni inservientes resoluti, adeò ut nihil ferè deglutire posset, imò ne guttam quidem bibere sine metu suffocationis præsentissimæ, in quo statu permansit, donec labascentibus de die in diem viribus exstingueretur.

## SCHOLION.

*Platerus l. 1. Obs. p. 208.* casum ejusmodi, sed cum loquelæ amissione, recenset, ubi ægrotâ saltem collutionibus oris sanitatem recuperavit; & putat id vitio 6. vel 7. conjugationis nervorum accidisse. Contra *Riverius in Obs. commun. à Pacheco Obs. 26. p. 335.* deglutitionem ablatam pro lethali signo habet, & à resolutis œsophagi musculis procedere putat. Fortassis *Plateri* casus saltem à vapore stupefaciente inductus, *Riverii* verò à materiâ. Quod ad partem affectum attinet, unum & idem dicunt, cum 6. nervorum conjugatio ramulos suos in œsophagi musculos immittat. Tristissimum ejusmodi casum



sum in matre propriâ summo cum mœrore videre contigit, subito enim apoplexiâ tacta, cum dextri lateris paralyfi, sensibus omnibus ablati, & resolutis musculis istis, ita ut sine suffocationis periculo ne guttulam quidem assumere potuerit, secundâ die è vivis sublata.

( D. G. Chr. Winclerus. )

## OBSERVATIO XLI.

D. DANIELIS WINCLERI

DE

## VULNERE PECTORIS.

**M**iles quidam praefidiarius Bregensis, ab altero vulneratur gladio acuto, vulnere penetrante per veras costas in cavitatem pectoris, non effluit sanguis multus, vulnus à chirurgo consolidatur brevi tempore. Consolidato vulnere æger incidit in febrem cum summâ respirandi difficultate; in consilium vocor, de vulnere certus fio, sanguinem in cavitatem pectoris confluxisse suspicor, V. S. primò omnium injungo, mitigatus calor, melior respiratio. Adjungo roborantia, refrigerantia, pectoralia. Lateri dextro emplastrum maturativum applico, per noctem augetur tussis, expectoratur dimidiam pelvim plenam materiæ purulentæ, sanum se affirmat dextro latere, de sinistro conqueritur; inspicio vulnus, tumorem animadverto, locum tenui quasi membranâ clausam, aperiendum iterum vulnus svadeo, renuit chirurgus, tandem assentit, aperit, exsilit tanquam à venâ sectâ purulenta materia, eaque inclinato agro terram versus bene multa, servatur apertum vulnus, æger super latere affecto jacere cogitur, singulis diebus inclinato corpore egreditur materia, corpus purgatur, injiciuntur abstergentia, adduntur potiones vulnerariæ; æger sanitati pristinae restituitur.

## S C H O L I O N.

Chirurgus iste admodum ineptus fuit, cum de sanguine extravasato & in pectoris cavitatem influxo minimè sollicitus esset. Si enim vulnus dilataffet & corpus debito modo movisset, procul dubio sanguine effluxo febris & alia symptomata præcauta essent. Curationis methodus est accuratissima. Febris enim ratione V. S. optimè instituta, unde etiam symptomatum mitigatio secuta. Emplastrum

H

quoque



quoque maturativum summoperè conduxit, quia materiam ad exitum aptam reddidit. Apertio vulneris rectè instituta & materia evacuatā, quæ aliàs tetrīs exhalationibus pulmonem putredine inficere, vel contactu diaphragma lædere potuisset. Corpus purgatum, ne humores peccantes affluerent. Abstergentibus locus affectus mundificatus, & potionibus vulnerariis illi pristinus vigor restitutus est. Cum verò materia expectorata in cavitate pectoris hæserit, per quas vias expectoratio materiæ facta sit? inquisitione dignum esset. Torsit hæc quæstio multos ex eruditīs viris, præcipuè cum non saltem materiam purulentam, sed & turundam, referente *Tulpio lib. 2. Observ. 15.* è cavitate pectoris rejectam esse certum sit. *Marc. Aurelius Severinus in opere de Abscess. in Consultat. singul.* diligentissimè in has vias inquisivit; idemque prosecutus est in *Epist. Bartholin. Cent. 1. Epist. 68.* ubi illi placuit, hoc tum ad motus perennis vim, tum ad pulmonis luperni, tum diaphragmatis inferni complosum referre. Sed hæc, quod ingenuè fateor, captum meum superant. Quæ verò de amaritiei sensu in ore ab injectione amarâ percepto ex *Paræo* affert, saltem à vaporibus, quibus pervia sunt omnia, provenisse, quis affirmare posset. In luto itaque ignorantie tantoperè hærentibus auxiliares manus nobis porrigit clarissimus & ingeniosissimus *Harveus lib. de Gener. Animal. Exercit. 3. p. m. 43.* his verbis: *Perforatio pulmonum, à me inventa (cujus modo memini) haud obscura & cæca est; sed in pennatis præsertim, patula admodum; adeo ut in struthiocamelomeatus plurimos repererim, qui digitorum meorum apices faciliè exciperent. Et paulò post: Imò vero dubitare liceat, an non in homine etiam dum vivit, aer per dictos meatus in thoracis cavitatem penetret. Quomodo enim aliter empyicorum pus, & pleuriticorum extravenuus sanguis, illac effluant? In vulneribus pectoris (illæsis etiam pulmonibus) aer per vulnus foras erumpat? aut liquores in cavitate pectoris injecti, cum sputo redantur? Hactenus Harveus. Cui adstipulatur Clariss. Bartholinus, Anat. reform. lib. 2. cap. 9. Membranâ cingitur pulmo tenui, levi, poris multis insignitâ, qui pori inflato pulmone, folliis, satis conspicui. Quos aliquoties Johann. Walæus pisi majusculi magnitudine in vivorum dissectionibus observavit. Hinc sanies thoracis penetrare potest, & per tussim exire. Huic sententiæ calculum suum adjicit Clar. Lindenius*

*Med.*



*Med. Phys. lib. 2. cap. 6. §. 185. Perforationem talem membrana pulmonaria peculiare quid esse & eâ cognitâ nulli jam mirum videri debere posse, quæ præter naturam collectæ sunt, in cavitate thoracis inde absorberi, & per arteriam asperam expui, esse tamen istum abusum potius dictorum meatuum, & in casu extrema necessitatis tantum; usum vero esse perspirandi aerem in eandem cavitationem, quo circumfusus pulmonibus, hos refrigeret. Et ita lux tenebris nostris tandem affulsit; Etsi enim in mortuis (subidentibus omnibus) pori isti non admodum sint conspicui, tamen cum alibi, (ut in pennatis certò constat) oculis pateant, non video, quâ causâ commotus, quis dubitare velit eosdem in homine existere, & naturam in extremis iis uti posse; cum sæpe meatus obscuriores necessitate adaucta sibi inquirat, ut è doctrinâ de abscessibus luculentum evadit, ubi natura oppressa sæpius vias planè invias invenit, per quas materiam ceu sarcinam deponit. Ita ut Marc. Aur. Severinus de abscessu c. 7. p. m. 9. scribere haut vereatur: Vias per quas humor deponitur, non æque pernoscamus, sed ignorantiam nostram ingenuè fatemur. Illud afferentes ex Hipp. quod confluxus unus, conspiratio una, consentientia omnia, &c,*

(D. G. Ch. Winclerus.)

## OBSERVATIO XLII.

D. DANIELIS WINCLERI

DE

ANGINA IN MORBILLIS IGNEIS.

**M**orbilli ignei admodum maligni apud nos grassantes, invasere honesti viri filium natu minimum, eo per aliquot dies morbo onerato, & alter in eundem morbum incidit, sed mox de summa deglutiendi difficultate conqueritur, nihil tumoris intra vel extra conspicitur. Triduo vix exacto ante juniorem suffocatur, quem tamen & idem, sed longiore spatio secutus est.

## SCHOLIUM.

Morbilli ignei sunt tumores corporis in cute potissimum conspiciendi, omnium minimi, cum febre continuâ, putridâ, malignâ, & ruboribus totius corporis pruriginosis conjuncti, à sero bilioso, mali-



gno & specificè corrupto, orti. Quam definitionem tradidi in Disputatione meâ inaugurali Thes. 2da. Et hi morbilli apparuere primùm apud nos Anno 1642. post obsidionem Bregensem; Lipsiæ verò paulò post, & quod nos in pueris, ipsi in puerperis annotarunt, ut testatur Disputatio ibi habita Anno 1655. à Dn. D. *Welsch*io, vocant verò den *Griesel* à panni *Gries* similitudine. Nomen quidem est diversum, res verò eadem, ut ex definitione ipsorum c. 3. Th. 5. unusquisque videre potest. Symptomata autem ista periculosa, ut angina, parotides &c. apud illos abfuerunt. Hæc verò angina vocatur latens, & à Græcis *κρυάγχη*, ubi muscoli interni laryngis inflammantur, & pro lethali habetur ab *Hipp. 1. aph. 34.*

( D. G. Chr. *Winclerus*. )

## OBSERVATIO XLIII.

D. DANIELIS WINCLERI

DE

### HÆMOPTOICA PASSIONE.

**T**Ornatoris cujusdam uxor ad phthisin prona, per os magnam sinceri sanguinis copiam rejecit, adhibitis astringentibus tam internis, quàm externis, aliquoties sedatu n est malum. Cum verò sæpiùs e liret, viresque decrescerent, tandem tussi sanguinem expuendo semper fluidum, extincta est. Suspicio erat de ruptâ venâ.

### SCHOLION.

Hippocrates 4. Aph. 25. dicit: Si cui sanguis per superiora erumpat, calamitosum. Id sanè verissimum deprehendet unusquisque in praxi, & præcipuè si vena rupta; difficulter enim sanatur & conglutinatur, & hoc ideo, quia medicamenta viribus integris ad locum affectum pervenire non possunt, nisi quis evaporationes à *Benedicto in Theatr. Tabid.* p. 94. 143. 181. commemoratas excipere velit. Quæ certè, si rectâ methodo usurpentur, in morbis pectoralibus multùm conferunt, ut experientiâ edoctus sum. Curati hæmoptysi sæpissimè in phthisin incidunt, propterea quod sanguis extravasatus & non totus rejectus



rejectus in pus vertatur, & pulmonum putredinis & exulcerationis causa existat, ut vidi Anno 1670. die 24. Decembr, ubi fœmina ad phthisin prona maximam copiam sanguinis, ita ut pelvim satis capacem ad medietatem impleret, rejecit tussiendo; sanguis erat egregii coloris & spumofus. IV. S. mox institui in brachio, & astringenti sequenti fluxum cohibui: Rec. ▽burs. past. plantag. portulac. āā ʒj. tussilag. ʒß. boli arm. præparat. lap. hæmat. præparat, corall. rubr. ppt. āā. ʒj. sangu. drac. ʒß. syr. de symph. myrtill. āā. ʒß. sp. ʘl. g. vij. M. Deinde cum humores acres & biliosi adessent, & ab erosione hoc malum exortum cognoscerem, sequens purgans præscripsi: Rec. Rhab. fol. sen. ʃ ʃ. āā ʒj. Myrobal. citr. ʒß. Infunde in decocti Tamarind. ʃ q. p. n. in express. dissolv. syr. de ros. ficc. ʒj. pulv. galap. gr. vij. sp. ʘl. g. iij. M. Dejecit aliquoties, & remisit malum, ita ut non haberet, de quo conquereretur. Interim tamen potiones ex herbis & radicibus pectoralibus recentibus ad expectorationem & conglutinationem præscripsi, ita ut nihil neglectum. Sed tamen postquam per annum & eo diutiùs vixisset, phthisica obiit.

( D. Gott. Chr. Winclerus, )

## OBSERVATIO XLIV. D. DANIELIS WINCLERI

### DE COLICA CUM VOMITU ET LIPOTHYMIA OB HERNIAM.

**V**erbi quidam divini minister à juventute herniâ insigni laborans, subito incidit in colicum seu rectiùs iliacum dolorem, cum vomitu crebraque lipothymia conjunctum. Advocor summo manè, de compescendo vomitu & lipothymiâ, quod ante omnia sim sollicitus, rogor. Applicata fuere ventriculo pro compescendo vomitu multa. Ego herniæ memor, de eâ quæro, at æger valdè intumuisse scrotum, summumque dolorem conjunctum esse fateatur. Ego itaque clysterem præscribo, fomenta scroto admoveo: mox divinâ gratiâ aperitur alvus, cessat vomitus & lipothymia, tumor discessit, ægerque præter opinionem cito, tuto & jucunde restitutus.

### SCHOLION.

Rectè Hipp. l. de art. dicit: Medicus sufficiens ad morbum cognoscen-



gnosendum, sufficit etiam ad curandum. Nemo hîc de herniâ sollicitus fuisset, nisi Medicus tam circumspectus fuisset. Fuit verò colica ab obstructione ab herniâ ortâ proveniens, quâ causâ per enema sublâtâ necessariò & effectus cessabat. Mulierem quandam annosam ileo laborantem vidi, quæ ossicula parva de gallinis, earum pullis, & avibus amabat comedere, unde obstructio alvi & ab illâ ileus; omnibus methodicè, sed incassum adhibitis die quinto feces alvi cum lipothy-miis crebris evomit & mortua. Puto valvulam Bauhinianam in principio intestini cœci sitam ab ossiculis obstructam fuisse.

(D. G. Chr. Winclerus.)

## OBSERVATIO XLV.

D. DANIELIS WINCLERI.

DE

## FALSO GRAVIDA.

**F**OEmina quædam honesta juvenis post diuturnam menstruorum emanationem, iterum eadem sentit & quidem rubra; apparuerunt signa nonnulla, quæ primis mensibus in gravidis solent apparere. Putat se esse gravidam, quicquid dicatur contra de motu infantis. Ventre enim intumuerat & motum aliquem perceperat. Ita nonus mensis & dies expectabatur. Consulebantur obstetrices tam Bregenses, quàm Wratislavienses; consenserunt omnes. Ego contrarium sentiens expectavi tempus partus. At cum transiit nonus, transiit decimus mensis, venter iterum suâ sponte subsedit, spesque cum prole nulla fuit.

## S C H O L I O N.

Falsa ingravidatio fit; vel à molâ, vel à monstro, vel ab aqua, vel à flatu. A tribus prius enarratis non provenisse hanc falsam ingravidationem satis superque constat ex eventu, cum nihil ejusmodi excrementum sit. A flatibus itaque gravidam hanc foeminam asserere non dubito. Sunt quidem qui negant: flatus tanto temporis spatio in utero contineri posse, & inter illos *Platerus*, cui adstipulatur ferè *Riverius C. 2. Obs. 100.* ubi quidem concedit: Flatus in utero concludi posse, sed non longo temporis intervallo, quin excludantur & dissipentur. Sed *Sennertus l. 4. P. 1. S. 2. C. 10. p. 65. Prax.* omnes has cogitationes tam rationibus, quàm exemplis & Hippocratis autoritate ita refellit, ut nihil restitet, ne illi calculum adjiciamus.

(D. G.



(D. G. Chr. Winclerus.)

## OBSERVATIO XLVI.

DE

## TUMORE IN SCROTO.

**C**onsul in urbe quadam, jam senex, alterum inchoarat conjugium, peractis nuptiis in scroto ingentem sensit dolorem cum magno tumore. Per literas expetit meum consilium, se herniosum factum scribens. At ego herniam cum summo dolore conjunctam esse nego, tam subito & vix fieri, nisi à violentissimâ causâ; quam cum ille negaret, me alterius esse sententiæ, nimirum apostema aliquod adesse vel in teste ipso vel in scroto; rem ergo tentandam potius per fomenta, & videndum, an quid possit intrudi in ventrem, si nihil horum fuerit, dolor autem & tumor crescant, locus rubeat, ad maturationem accedendum esse, quem in finem annotavi medicamenta idonea. Quæ adhibita tumorem ad suppurationem tandem perduxerunt, sanitatemque amissam ægro reduxerunt.

## SCHOLION.

Turpis senex miles, turpis senilis amor.

Et si enim violentia nulla hic locum habeat, tamen ab agitatione & motu humorum peccantium, quibus iste scatuit, à coitu factio, hoc malum ortum esse, nullus dubito. Nam senes plerumque in hoc bello se strenuos præstare milites satagunt, & plus faciunt, quam vires ipsorum permittunt. Itaque, ut turdus, sibi ipsis malum cacant. Casum ægrotantis post nimium coitum refert, *Borellus. c. 4. observ. 87.* Imò quosdam coitu extinctos videmus in *Hist. mirab. Marc. Douai l. 4. c. 17.* Et sunt, qui coitum parvam epilepsiam dicere non erubescunt. Ex quibus liquet, quæ commotio humorum corpori exinde accidat. Motus verò & agitatibus humoribus natura insurgens, si fortis, sarcinam in partem ignobilem & ad receptionem aptam deponit, ut hoc exemplo manifestum evadit.

(D. G. Chr. Winclerus.)

## OBSERVATIO XLVII.

D. DANIELIS WINCLERI

DE

TUMORIS IN SCROTO TEMERARIA CURATIONE.

Miles



**M**iles quidam, natione Italus, infiliens equum, testem alterutrum magnâ vehementiâ ephippio attrivit, subsecutus hinc dolor ingens & propter dolorem affluxus humorum, & hinc apostema; quia vero ille sine intermissione iter suum continuare cogebatur, summum quidem per aliquot dies sentit dolorem, tandem doloris impatiens ipse sibi cum cultro suo scrotum aperuit. Egressa est, ut ille retulit, materia purulenta cum sanguine mista. Bregam veniens me vocat, ego videns materiam esse optimè evacuatam, nihilque amplius desiderari, quàm vulneris consolidationem, unguentum mundificans præscribo, emplastrum consolidans superpono. Convaluit ille paucis diebus.

### SCHOLIUM.

Vidit fortassis iste miles aliquando in Italiâ operationem ejusmodi à Chirurgis peragi eoque cordatior rem aggressus est. Etsi doloris etiam atrocitas aliquem eò adigere possit. Causa hujus abscessus manifesta est & procatarctica, sc. attritio sive contusio, quam inflammatio secuta, quæ neglecta affluxâ materiâ necessariò suppurata est. Fortunâ admodum secundâ usus est iste homo, ut eo tempore tumorem aperuerit, cum pus jam confectum & ad exitum aptum erat. Itaque cura subsequens nihil difficultatis habuit.

(D. Gott. Chr. Winclerus,)

### OBSERVATIO XLVIII.

D. DANIELIS WINCLERI

DE

### VOMITU SANGUINIS.

**N**obilis quædam Vidua annosa, macro corporis habitu, sanguinem cum vomitu rejecit aliquoties, at in minore copiâ, de sinistro hypochondrio conqueritur. Ego primò, cum copia magna non esset, nihil molior, roborantia præscribo; sed cum postea sanguis non grumofus, sed floridus aliquoties magnâ copiâ rejiceretur, cum summâ virium debilitate, ad astringendum hunc fluxum me convertò, hypochondrio sinistro unguentum præscribo & emplastra, interna astringentia non negligo, roborantia cardiaca simul astringentia exhibeo. Et præter omnium opinionem ægram DEI benedictione in integrum restituo.

SCHO-



## SCHOLIUM.

Anno tertio Ephemeridum Obs. 314. Dn. Avi mei in Scholio hoc de morbo mentio facta, ubi consideravi & locum affectum, unde tanta sanguinis copia proveniat, & vias, per quas ejiciatur. Quoad primum lienem indigitavi, & hoc verum esse, luculentum evadit ex hac observatione, ubi dolor in hypochondrio sinistro notatur, ubi lienis regio. Ad secundum quod attinet, sunt qui dubitant per vas breve quicquam injici posse ventriculo, & quidem hac ratione, quod cavitatem ventriculi non ingrediatur, sed saltem in tunicas ejus inferatur. Sed ut hoc in integræ sanitatis statu verum sit, ita in morbofo locum habere non potest. Cur enim tam venæ, quàm arteriæ (quibus vas breve constat) non tam hîc, quàm alibi locorum per anastomofin vel diæresin aperiri & per tantam ebullitionem sanguis in ventriculum effundi posset, nil obstare video. In quâ sententiâ confirmor à Thonero l. 2. Obs. p. 140. ubi exemplum refert è Valverdâ desumptum de Cardinale Cibone, qui vomitu sanguinis extinctus & apertus, in cujus abdomine videre licuit: Ventriculo compresso lienem turgescens, è contrarioliene compresso copiosum sanguinem per vas breve in ventriculum restagnare. Quod meâ quidem sententiâ omne dubium diluit.

(D. G. Ch. Winclerus.)

## OBSERVATIO XLIX.

## D. DANIELIS WINCLERI

DE

## VOMITU SANGUINIS A MENSTRUUI RETENTIONE.

**V**Idua juvencula, constitutionis macilentæ, retentione menstruum laboraverat quam cum illa celavit, & tantum de ventriculo conqueritur, per noctem incidit in nauseam, & per vomitum magnam partem sanguinis floridi evomit in ipsam cameram. Ego manè sanguinem respiciens, & de omnibus diligenter inquirens, menstruum retentum in causa fuisse animadverto, dirigo huc igitur curam, nec infeliciter. Menstruis enim rursus apparentibus, non amplius visus est hic vomitus. Illa interim nupsit iterum & aliquoties peperit.

## SCHOLIUM.

Optimè divinus senex aph. 32. l. 5. dicit: Mulieri sanguinem evomenti,



menti, menstruis erumpentibus, vomendi finis. Cujus oraculi veritas vel ex hac observatione elucescit. Sed per quas vias id fiat, non unicuique liquet, cum ab utero ad ventriculum nulla sit via. Cum verò sanguis superfluous in venis retineatur, & ipsi exitus consuetus denegetur, necessum est ut ebulliendo regurgitet ad superiora, & nunc per hanc, nunc per aliam viam à naturâ oneratâ expellatur. An verò è venis mesaraicis in intestina, & per illa in ventriculum, vel per vas breve, ut præcedente scholio dictum, in ventriculum influat, non facile affirmare audeo, donec per autopsiam, sc. sectâ & apertâ personâ tali malo sublatâ, hujus rei certior evadam.

( D. G. Chr. Winclerus. )

OBSERVATIO L.

D. DANIELIS WINCLERI

DE

EPILEPSIA COECITATE SOLUTA.

**C**ivis quidam honestus, constitutione melancholicus, subito in epilepsiam incidit, eâ recedente cæcus remanet per dies aliquot. Ego in consilium vocatus, scorbuticam dispositionem animadverto. Quapropter per clysteres materiam à capite revellere audeo, humorem melancholicum expurgo, antiscorbutica exhibeo; post aliquot dies visum integrum cum sanitate integrâ recipit patiens.

SCHOLIUM.

Crisis fuit, etsi perfecta, tamen admodum molesta. Epilepsia orta ex humoribus acris scorbuticâ malignitate infectis, quibus in nervos opticos protrusis, epilepsiâ cedebat. Deinde materia peccans revellentibus magis magisque retracta, cum nondum fixam sedem habuerit, & tandem antiscorbuticis sale volatili gaudentibus discussa est. *Fabrit. Hildanus c. 5. Obs. 5.* duos ejusmodi casus refert, sc. ab epilepsiâ curatâ cœcitatem obortam, sed ab empiricis medicamentis fortioribus causatam. Etsi non videam, quomodo crisis etiam hoc loco excludenda, cum natura onere levata insurgere & reliquias molestas è corpore propellere soleat, etsi per errorem aliquando in partem nobilem sarcinam deponat. Interim tamen cum hæc cœcitas & prægressa epilepsia à scorbutico originem non traxerint, & fortassis à principio neglecta ad impactionem usque materiæ incurabilem eam fuisse dubitare nolo.

( D. G. )



(D. G. Chr. Winclerus.)

## OBSERVATIO LI.

D. DANIELIS WINCLERI

DE

## HERPETE BRACHII LETHALI.

**N**obilis quidam senex conquestus est aliquoties de pruritu in summo capitis vertice molestissimo. Incidit in febrim malignam cum horrore maximo. Propinantur bezoardica, intumescit collum, erysipelatode tumore descendente ad brachium cum vehementissimo calore & dolore, apparentibus vesicis ichore mordacissimo plenissimis. Pergimus in usu roborantium & bezoardicorum; Brachio repellentia nulla, sed extrahentia apponimus. At vires sensim decrescunt, ægerq; post aliquot dies & ætate & morbo fractus & devictus ad alteram beatam vitam avocatur.

## SCHOLION.

Crisis fuit imperfecta, etsi enim pars aliqua malignæ & corruptæ materiæ per herpetis excitationem excreta, tamen reliquiæ adhuc sufficientes fuere ad suffocandos & extinguendos ætate exhaustos spiritus vitales. Calido enim nativo exhausto naturæ quoque vires languent, ita ut in expellendo, etsi excitata & stimolata, tamen segnis evadat. De crisis & earum causis hinc agendum esset, sed cum ipse *Galenus* l. 3. c. 10. Deos immortales invocet, se invitum de iis scripsisse, & in hisce propositis angustiis quoque impossibile sit, aliquid lectione dignum proferre, de iis hoc loco scribere supersedeo.

(D. G. Chr. Winclerus.)

## OBSERVATIO LII.

D. DANIELIS WINCLERI

DE

## HYDROPE POST TERTIANAM.

**J**uvenis quidam tertianâ laborans, messis tempore in agro nimio æstu sitibundus aquam frigidam copiosè hausit, hinc epate refrigerato in hydropem incidit. Totum abdomen in immensum intumuit, adhibita aperientia & evacuantia hydragoga alternatim, sudorifera itidem non neglecta, tandem ad diuretica animum appulimus;



mus; multum per urinam evacuarunt materiæ aquosæ, in femore propè inguina prorupit materia serosa, fluxitque benè multa, detumuit, roborantibusque exhibitis integram adeptus est præter omnium opinionem sanitatem hic ægrotus.

## S C H O L I O N.

Quantum nocet aqua frigida ex ipso Hippocrate de rat. vict. in acut. p. m. 379. patet. Vidus Vidius quidem Volum. 2. p. 219. hæc protulit verba: Præter victum plurimum valent ad refrigerandos & madefaciendos febricitantes medicamenta frigida & humida, sive intus dentur, sive extrinsecus impanantur: proximè autem & nullo interjecto medio opus suum efficiunt sive tactu sentiantur frigida & humida, sive facultate duntaxat talia sint; ex internis medicamentis, quæ tactu frigida & humida sunt, efficacissima est aqua frigida, secundum Gal. l. 11. Meth. cap. 9. quæ ubi largè & præter consuetudinem bibatur, vim habet medicamenti, convenitq; febricitantibus omnibus, nisi cum febre jungatur alius affectus ipsam rejiciens, ut ventriculi imbecillitas, humorum cruditas, obstructio ac tumor aliquis viscerum. Haftenus Vidius. Quam cautè & circumspicte aquam frigidam commendet, ultima denotant verba, & quam rarò, præsertim apud nos, illam exhibere liceat. Nam quis ægrotans non de quatuor istis cautelis vel unicæ saltem subscriberet? Itaque vel hoc exemplo liquet, quantum ingurgitatio aquæ frigidæ noceat. Clima quidem aliquid dandum, & quod in Italiâ & Galliâ licet, certè apud nos non semper in usum trahendum. Historiam eorum, qui aquæ potu frigidò perièrè, videre licet apud Marc. Donatum Hist. mirab. l. 4. c. 6. Et Gal. de consuet. c. 1. recenset historiam de Arione, qui frigidæ inasfvetus, ad eam coactus, spasmo correptus, obiit.

Felix quem faciunt aliena pericula cautum.

(D. G. Chr. Winclerus.)

## OBSERVATIO LIII.

## D. DANIELIS WINCLERI

DE

## VARIOLIS CUM PETECHIIS NIGRIS.

**V**ariolis epidemicè grassantibus etiam hisce correptus est puer 7. circiter annorum, ad quem vocatus circa septimum, vidi variolas paucas, petechias autem nigras innumeras, foedum præbentes aspectum. Prognosticon de futurâ morte dedi, secuta est die sequente.

SCHO-



## SCHOLION.

Nostrates solent has petechias maculas mortis appellare, nec sine causâ, iis enim apparentibus plerumque eventus tristis sequitur. Sed interdum decipiuntur à maculis scorbuticis, ita ut sæpius viderim à plebe hâc de causâ pro conclamatis habitos feliciter evasisse. Sed aliquando petechias ejusmodi nigras cum totius cutis asperitate post variolas neglectas, & medicamenta spreta etsi ferè per mensem post illas sana videbatur, exortas in honesti viri filia vidi, quæ etiam cum prognostico, mortis alumna facta. Putavi materiam à variolis relictam magis magisque corruptam esse, donec ad tantum malignitatis gradum perveniret.

(D. G. Chr. V. Vinclerus.)

## OBSERVATIO LIV.

## D. DANIELIS WINCLERI

DE

## PHRENITIDE APHRODISIA.

Juvenis quidam amore puellæ cujusdam ardens, cum spe exciderat, in gravissimum morbum incidebat, febrem nimirum cum vehementi delirio, quo nunc se Cæsarem, nunc DEI Filium esse somniabatur, aciem instruebat, nunc remeabat, nunc vincebatur, nunc resistebat, nunc ad judicium perveniebat. Tandem ad se rediens adhuc vibices monstrabat, quas accepisse à latronibus se dicebat. Balneum exposcens, quo concesso indies ad saniolem mentem rediit.

## SCHOLION.

Improbe amor, quid non mortalia pectora cogis?

Amor etsi à principio nec delirium nec melancholia sit, tamen, si id, quod amat, nancisci non potest, multis sollicitudinibus & mentis perturbationibus, in delirium & melancholiam degenerare potest. Mœrore enim & curis melancholicos humores gigni & coacervari, neminem latet. Accedunt vigiliæ & imaginationes variæ ineptæ, ita ut vel mediantibus hisce solis homo ad mentis vacillationem pervenire possit. Balneum verò haud sine ratione concessum, exsiccatum enim corpus humectare, humores fervidos attemperare in hoc malo multum ad rem facit. Quapropter etiam balnea à Paulo l. 3. c. 17. commendantur in hoc affecto.



(D. Gott. Chr. Winclerus,)

OBSERVATIO LV.  
D. DANIELIS WINCLERI

DE

## HÆMORRHAGIA NARIIUM.

**I**dem post biennium in febrem incidit, supervenit hæmorrhagia narium immodica, fluxit sanguis indefinenter, adeò ut æger ad summam virium debilitatem & mortis periculum devenerit, vocor in consilium, genitalibus epithema, internè corroborans & astringens præscribo; sistitur mox fluxus hic sanguinis.

## SCHOLION.

Hæmorrhagia fuit critica & febrim procul dubio solvit, cum verò natura in excretionis quantitate exorbitaret, illam inter limites retrahere, necessum erat. Genitalibus refrigerantia applicavit, ideo quod morbi prægressi memor, seminis retentionem & fervorem haud parum ad fervorem sanguini conciliandum facere putaret. Civis fuit Bregæ, qui à retentione seminis fatuus erat, durante viduitate, uxorem nactus statim ad mentem saniolem redibat.

(D. Gott. Chr. Winclerus,)

## OBSERVATIO LVI.

## D. DANIELIS WINCLERI

DE

SANGVINE VERMIFORMI CUM URINA  
EXCRETO.

**N**obilis quidam vir calculosus alias misit ad me, adventum meum expectans anxie. Venio, monstrat mihi sanguinolentum quiddam, digiti medii longitudinis, vermem repræsentans ad unguem; ipse etiam vermem per urinam se ejecisse existimabat. Ego primo aspectu ejusdem tui sententiæ, tandem patinam aquâ calidâ plenam adferre jubeo, ita enim sanguine absterfo rectius quid rejectum me aspicere posse autumabam. Allatâ aquâ vidimus falsum illum vermem nihil aliud esse, quàm sanguinem multo mucosissimo mixtum.

SCHOLION.



## SCHOLION.

Etſi medicus ut Argus centum gauderet oculis, tamen vix ſatis circumſpectus eſſe poſſet, ne ipſi aliquid ab ægrotis imponatur, vel glaucoma oculis ipſius obſiciatur. Egregium exemplum extat in vitâ Heurnii, ubi Lipſius rejecta viſcidâ pituitâ formam inteſtinorum repræſentante, putavit ſe omnia inteſtina effuſiſſe. Quem Heurnius poſt inſpectionem bono animo eſſe juſſit, & trophæa de morbo ipſius appellavit.

(D. G. Chr. Winclerus.)

## OBSERVATIO LVII.

## D. DANIELIS WINCLERI

DE

## UTERI PROLAPSU.

**H**Oneſta quædam fœmina primum poſt partum uteri laxatione vel prolapſu laborabat, ego quietem illi imperavi, uterum ſenſim retrudi jubeo, emplaſtrum adhibeo, balnea aſtringentia commendo, internè aſtringentia non negligo. Brevi convaluit, nihil de utero conqueſta hæcenus.

## SCHOLION.

Rectè hic affectus laxatio uteri indigitatur. Uteri enim ligamenta tam facilè non rumpuntur, ut uterus totus prolabi poſſit. Fundus verò uteri relaxatur, ut inverſus quaſi ſaccus propendeat. Ex abortu repentino miram obſervavi uteri relaxationem ſive prolapſum in illuſtriſſimâ Comitiffa quâdam, ubi non ſaltem uterus inverſus propendebat, ſed etiam ſimul inteſtinum rectum detrudebat exterius, ut duplex videretur proſidentia. Obſetricem accerſo, & malo optimè explorato ut circulum cerâ obductum utero intrudat jubeo, quo factò ſtatim & uterus & inteſtinum rectum ſuo loco continebantur. Ablegavi ipſam deinde ad thermas. Dedi verò, ad corpus præparandum ad eas ipſi prius nodulum epotandum, in balneo autem ſequens electuarium quotidie uſurpandum. Rec. conf. roſ. antiq. torment, āā ʒjß. diacyd. ſ. ſp. ʒß. corall. rubr. ppt. ʒß. troch. de carab. Terr. ſig. ſpod āā ʒj. raf. ebor. priap. taur. āā ʒjß. conf. Alkerm. ſ. m. ʒj. cum ſyr. cydon. M. F. elect. Exterius præſcripſi ungv. Comitiff. pro inunctione ventris & dorſi poſt balneum. Ne vero obſtructiones hæc aſtringentia cauſarent, quod in thermis nocivum, addidi electuarium laxativum ſequens

Rec.



Rec. pulp. tamarind. passul. āā. ʒvi. pulv. chalap. ʒj. M. de quo sa-  
pius aliquid sumsit, cum necessitas requireret. Et hisce eam optimè re-  
stitutam deinde audiui.

(D. G. Chr. Winclerus.)

## OBSERVATIO LVIII.

D. JOHANNIS DOLÆI

DE

PODAGRA LACTE CURATA.

**L**Imburgi ad Lhanam degit Dominus de Wallendorff, jam diu  
atrocissimis doloribus podagricis excruciat, qui tandem cu-  
râ lactis, & optimâ observatâ diætâ pristinam recuperavit sa-  
nitatem.

## OBSERVATIO LIX.

D. JOHANNIS DOLÆI

DE

CUTIS TIGRIS USU IN PARTU  
DIFFICILI.

**P**incipissa Nassov. Hadamarensis, Domina mea clementissima,  
pro arcano in partu difficili sibi servat frustulum cutis tigris, fe-  
mori sinistro alligandum, quod ipsemet aliquando tentans, cer-  
tum expertus sum.

## OBSERVATIO LX.

D. JOHANNIS DOLÆI

DE

ARTERIOTOMIA.

**M**ulti medici adeò abhorrent arteriotomiam, ut nec de ea ali-  
quid audire, multò minus eam celebrare velint; Ego possum  
testari, quod intra unius anni spatium plus decies tundi cura-  
vi arteriam temporalem felici cum successu, in phrenitide, vertigine, ca-  
pitis dolore contumaci, in melancholiâ hypochondriacâ, &c.

## OBSERVATIO LXI.

D. JOHANNIS DOLÆI

DE

VULNERUM A SAGIS ILLATORUM MIRA CURATIONE.

Decus



**D**Ecus illud medicinæ, *Dn. Geilfusius*, dum in aulâ Sereniss. Principissæ Nassov. Dizensis, Dominae meæ clementissimæ, essem, mihi narravit, se nôsse quendam diu jam fistulâ in femore laborantem, ex quâ omnivariæ res, linteamina, frustula chartæ, pili &c. prodibant, multis frustra remediis adhibitis, tandem accessisse quendam, qui pro mago à vulgo habebatur, statim sanitatem promittentem. Ipse magus pulverem cineritio colore tinctum vulnere insperfit & paucos intra dies ægrum hoc pulvere sanavit. Pulvis erat, uti retulit prædictus *Clar. Dn. D. Geilfus*, cinis sagæ igne combustæ.

## OBSERVATIO LXII.

D. JOHANNIS DOLÆI

DE

*LAPIDIS HÆMATITÆ VIRIBUS.*

**F**œmina Limburgi ad Lhanam nimio lochiorum fluxu laborans, multa nec non optima remedia frustra adhibuit, tandem ex consilio fœminæ cujusdam lapidem hæmatitem manu tenebat. Quid sit? Illicò fluxus sistitur.

## OBSERVATIO LXIII.

D. JOHANNIS DOLÆI

DE

*PRÆCOCI MENSIIUM FLUXU.*

**H**Ac in viciniâ degit matrona valdè plethorica, quæ jam patitur fluxum hæmorrhoidum unâ cum menstruo, quamvis gravida duorum mensium. Eadem annum nondum egressa quintum, passa est menstruum fluxum, & est mater fœcunda trium filiorum.

## OBSERVATIO LXIV.

D. JOHANNIS DOLÆI

DE

*MAIRE FœCUNDA NUNQUAM MENSES PASSA.*

**H**Ac in regione vivit rustica temperamenti melancholici, quæ affirmabat, se nunquam menses passam esse, singulis tamen annis se gravidam fieri.

K

OBSER-



## D. JOHANNIS DOLÆI

DE

## PUELLA ASCITICA CURATA.

**P**uellula quædam annum secundum ingressa, hic Diciis ascite laborare videbatur. Parentes de salute filiolæ solliciti opem implorabant meam. Propinabam ea, quæ alias cum successu, in hoc affectu adhiberi sciebam; tandem etiam sirup. de cichor. cum rhab. tartarum vitriolatum & spiritum vitrioli. Ab assumtis medicamentis hisce ægra deiecit animalculum vivum serpenti simillimum, capite nigro præditum: sicque pristinae sanitati reddita fuit.

## OBSERVATIO LXVI.

## D. JOHANNIS DOLÆI

DE

LAPIDIBUS VARIAS TUM ARBORUM, TUM  
FRUTICUM, TUM ANIMALIUM FIGU-  
RAS EXPERIMENTIBUS.

**S**erenissimus Princeps Adolphus Schaumburgi ad Lhanam, quod est sedes ipsius, puteum fodi curavit, in quo magna lapidum scissilium copia, varias tum animalium, tum fruticum figuras exprimentium inveniebatur, minimusque eorum vel arborem, vel plantam, vel animal exhibet, reservo mihi plures varios naturæ lusus exprimentes.

*De hisce lapidibus sequentia Dn. D. Reiselinus in literis ad  
Collectores Ephemerid.*

Misit mihi Dn. D. Dolæus lapidis frustulum frutices nigellos in area lutea præsentantis, scissile, fragilius & mollius Italicis illis, nec minus pulcrum, distinctum tamen laminis illis figuris aliâque opaciore intermediâ materiâ, cum Florentinæ aliæque per totam suam substantiam sint figuratæ, promisitque meliora majoraque.

## OBSERVATIO LXVII.

## D. JOHANNIS DOLÆI

DE

## SUDORE CÆRULEO DEXTRI HYPOCHONDRII.

Multi



**M**ulti sudorem pinguem, alii oleosum, pars arenosum, quidam sanguineum & vini rubri &c. observarunt. Cæruleum verò à nemine hætenus annotatum credo, quem tamen Francothallii, in Palatinatu inferiore in fabro lignario melancholico, præter propter triginta annorum (una cum Expertissimo Dn. D. Mogio, piæ memoriæ) observavi, qui æger, quoties morbo, epileptico simillimo corripiebatur, prægressa vertigine cum anxietate cordis, toties in terram corruit, sudor que cæruleus amyli cærulei (wie blaue Stenche / ) colorem mentiens solum in dextro hypochondrio, ubi hepatis sedes est, erupit, quem sudorem linteis sæpius detersum uxor non mihi solum, sed & aliis spectandum exhibuit, color ex linteis haut facile elui potuit. Paroxysmus bis vel ter per annum invasit ægrum, sudore profuso melius habere cæpit & exinde conclusit paroxysmum remissurum. Unde hic sudor & ex quâ materia, aliorum non minus Doctorum, quam curiosorum relinquam iudicio. Fateor in hisce ignorantiam meam, aut si conjecturari liceat, à bile æruginosa deducendum putarem.

## S C H O L I O N.

In operario artis vitrariæ Nassovico (im Creuzthalbe / ) vidi sudorem in indusio ita copiosè crySTALLISATUM & coagulatum, sive velis sublimatum, ut cultro posset abradi. Colorem verò cæruleum nuper observavi in fomina, quæ sæpè vomebat & tussiebat cum magna extenuatione, sputo spumoso quidem, sed & viscido, ita ut quasi succo cyani seu indigo esset tinctus. In alio autem, vomitum copiosissimum lasurei ipsius lapidis colore infectum. Cujus causam an ab æruginosa bile, an à succo pancreatico, an alius ejusdam humoris peculiari corruptione proficiscatur, mereatur meditationem.

( D. Salomon Reiselius. )

OBSERVATIO LXVIII.

D. JOHANNIS DOLÆI

DE

ASCITICI EXENTERATIONE.

**J**uvenis, annorum 18. rem murariam exercens; in arce Schamburgensi jam diu siti prægrandi imbecillitateque ventriculi laborans ascite corripiebatur, alvi fluxu superveniente, ad plures abiit.



In cadavere à me exenterato mense Febr. 1675. magnam aquæ limpida, nec non croceo tinctæ colore, quantitatem reperi, sic & intestinum re-  
ctum corrosum, glandulas mesenterii valde turgidas, & lapideam na-  
turam induentes, jecur flavo tinctum colore, bilem in folliculo suo ni-  
gerrimam spissamque, amurcæ similem, ventriculum quoque pituitâ te-  
nacissimâ repletum, pancreasque induratum offendi. Reliqua perscru-  
tari nec foetor nec tempus permittebat.

(Dn. D. Dolans per literas ad Dn. D. Reiselium, 17. Jan. An. 1675.)

## OBSERVATIO LXIX.

## D. SALOMONIS REISELII

DE

NAUSEÆ ET MITIONIS CRUENTÆ  
CAUSA ABDITA.

**C**anis erat ejus habitus, qualis ad capiendos lepores adsuescit,  
sed multo minoris, ut ideo in gynæceo aleretur; is sæpissimè  
& ad quemvis motum vomituriebat, sed nil nisi mucum quan-  
doque expuebat, crebroque cruenta mingebat, collo insuper  
tumefacto & strumoso apparente. Fastidia hæc cum ferre amplius  
tæderet, immo & in causas istorum symptomatum inquirere luberet, a-  
nimal vivum dissecebatur, ubi posticæ arteriæ asperæ utrinque duæ  
glandulæ, ovi gallinacei minoris magnitudine adnatæ comparebant,  
in vesicæ autem orificio, ipsâque interiore cavitate tales quoque glan-  
dulæ accreverunt, quæ omnes cruento & sæculento quodam succo re-  
fertæ erant, quod profectò nemo vivente adhuc animali conjecisset. Li-  
en quoque tuberculis quibusdam cruentis intus aspersus erat, & renes  
paucis pustulis, unde nutritionis errorem præsumo.

## OBSERVATIO LXX.

## D. LUDOVICI HANNEMANNI

DE

## INSOLITA LACTIS ABUNDANTIA.

**M**ulier pauperula, pane atro vescens, undam bibens gravida;  
duodecim septimanis ante partum tantam lactis copiam ha-  
buit in mammis, ut coacta fuerit id evacuare, quæ statò  
dein



dein & iusto tempore sanum & benè formatum foetum enixa fuit.  
*Buxtehude 19. Novemb. An. 74.*

### SCHOLION.

De generatione lactis diversæ plurium & doctissimorum virorum quondam fuere opiniones, ut quidam ex sanguine lac fieri penitus sibi habuerint persuasum. Contra eos primum ingeniosissimus *Prosper Martinus* doctissime disputavit, quem sequutus *Marquardus Schlegelius* in disputatione, *Deusingsius*, & alii hæctenus multi.

Alii propius scopo huic naturæ appropinquantes, chylum in stomacho elaborari autumant, cui natales suos debeat sanguis : hinc tot virorum clarissimorum de materia locoque fermenti illius in & extra stomachum generati, asserta passim ambulant, ut saltem eidem ventriculo virtutem concoquendi & fermentandi integram conferrent. Sed quo id confirmant fundamento, videant illi, qui etiam post obitum inanem saltem stomachum membranaceum, sine qualicunque fermenti officinâ aut scaturigine invenerunt. Cum verò præter qualemcunque digestionem assumptæ in stomacho massæ nil fieri possit, qui deinceps se paulatim contrahens, eandem per pylorum excludat hinc post reflexum ad orificium ventriculi inferius intestinum duodenum statim individuum per cholidochi & ductûs pancreatici conjugium in oculos venit. Unde effluentes paulatim ex utroque diversi saporis & naturæ succi materiam fermenti suppeditant, bolumque ex ventriculo cibi benè digesti egredientem fermentant, qui deinde per miros tenuium intestinorum anfractus variè actus, secundum meliorem sui partem virtute effervescente peculiari separatus in chylum facessit & per mesenterium in receptaculum *Pecquetianum* se recipit : inde assurgens ille pectus permeat, donec in ramos axillares se insinuat, unde rursus delabitur in cor cum refluxo ex hepate sibi occurrente sanguine se sociaturus. Ante vero, quam thalamum cordis subintrat, descendens ex axillari ramus, evidenti factis itinere, in cisternam mammariam chylum mittit, unde pro ubertate illius major lactis copia provenit. Videatur præter alios *Excell. Dn. Hertodius* in primo *Miscellaneorum curiosorum volumine obs. VI. fol. 25.* Suprà dicta paupercula, quamvis atro saltem pane, undâque simplici corpus suum foetu jam auctum reficere fuerit contenta, vegeto tamen inter labores spiritu vitali existente ex filigineo isto pane



bene fermentato, & in stomacho suo cum aquâ benè impastato, lactei hujus cremoris prodromum in tenuibus intestinis in chylum vertere potuit, qui ex subclaviis tandem deorsum in mammas abundè affluxit: ut *Borellus* etiam testatur in suis observationibus, *Cent. 3. Obs. 82.* Quibus autem gravidis è mammis lac effluere solet, teste ipso *Hippocrate* *sc. V. aph. 52.* foetum illæ gestare imbecillem creduntur, ni solidiores haberint mammas. Hoc in subjecto, ubi rite se habuere omnia, perfectus omnibus numeris infans, & incolumis tandem prodiit in lucem, in hunc usque diem vegetus & sanus.

(*D. Joh. Georg. Volkamerus, mense Febr. Ann. 1675.*)

## OBSERVATIO LXXI.

D. JOHANNIS GEORGII VOLKAMERI  
 CAD AVERIS VIRILIS DISSECTI  
 HISTORIA.

**V** Ir quidam illustris, sexagesimum ingressus ætatis annum conqueri cœpit de insigni totius corporis debilitate, appetitu penitus prostrato, & nocturna turbatâ quiete: pulsus erat durus, celer, urina turbida, cruda, cum sabulo rubro. Hunc Medici quidam, quòd habitus fuerat pinguioris, rubrâ facie & hypochondriacus pro calculoso & scorbutico curarunt. Tertiâ vocatus septimanâ, Medicorum tam præsentis, quàm absentis judicium, visâ prius urinâ, explorato pulsu cæterisque, quæ Illustrissimum affecere patientem, accidentibus observatis, expendere satégi; nec propter rubram istam in urinâ arenam calculosum, nec propter sequiorem totius habitum digestionemque vitiatam, scorbuticum, quin hypochondriacum potius & hecticum eundem declaravi. Consuetâ in eo potus glacie refrigerati ratio, ventriculum non saltem debiliorem reddidit, omnemque abstulit appetitum, sed & propinque incumbentem in vesiculâ fœllis bilem, lienem, non procul dissitum, pancreas, cæteraque vicina viscera mirè labefactavit; hinc licet exiguum saltem cibi assumeret, circa præcordia gravitatem, vespere virium imbecillitatem & calorem cum oris siccitate, noctu verò symptomaticum sæpè sudorem, de quibus frequenter conquestus fuit, expertus est. Squalebatur præ ariditate inferius labium, ut tunicas inde frequenter detraxerit. Utrique igitur, tam hectico, quam hypochondriaco malo, ut commodè



modè subvenirem, unâ fideiâ duos dealbaturus parietes, suâsu Gale-  
ni, balneum aquæ dulcis proposui cum optato, qui inde secutus fuit,  
successu. Quanquam enim tum in lecto vix se movere poterat, quarto  
post lotionem die iterum solus in hypocausto obambulavit. Me per  
aliquot dies absente, nescio cujus suâsu, Illustrissimus à balneo fastidio  
& satietate abalienari cœpit, & internis saltem uti medicamentis dein-  
ceps decrevit. Nil ad votum fuit effectum, appetitus redire subinde ces-  
savit, somni non caruere labore, decumbere gravius cœpit, nullo post-  
hac ad resurgendum nisu: Alvi excreta biliosa, urina continuò cruda,  
crassa, interdum albidior, absque omni tincturâ comparuit: Sic paulatim  
ad extremum se composuit diem. Sectum per me cadaver in frequenti  
Illustrium virorum conspectu, sequentia notanda nobis obtulit:

Abdomine aperto lien prorsus marcidus fuit unciarum XV.

Hepar librarum civilium trium cum dimidiâ satis saluum, subtus li-  
vido colore apparuit.

Fellis vesicula omni exinanita bile fuit, lapillis filiceis diversæ  
magnitudinis referta, quorum major cicorem exsuperans, poro choli-  
docho inhæsit.

Stomachus, qualem ante excreverat, materiam mucosam, biliosam  
foetentem, in exiguâ saltem quantitate continuit.

In renibus arenulæ rubræ fuerunt repertæ.

Intestinum cœcum lumbricum non male referens, quartamque ul-  
næ partem longitudine suâ adæquans, invenimus.

Cor unciarum IX. sub pinguedine satis copiosâ in sicco prorsus  
& exsucco pericardio reperimus.

Pulmones parùm livebant.

Costæ sternum cinxere prorsus ossæ, nullâque cartilagine septæ.

Cranio dissecto cerebrum trium librarum & septem unciarum be-  
nè alioquin constitutum vidimus.

Processus falciformis antrorum cranio arctè adhæsit, ad dimidiam  
sui longitudinem penitus osseus.

## SCHOLION.

Quod contra aliorum de urinâ mentem, cui rubrum inerat sa-  
bulum judicari, illud mali esse hypochondriaci indicium, eventus  
tandem docuit; dum renes post obitum Illustrissimi Dni ab omni cal-  
culo



culo liberi apparuere, & præter exiguas, quæ jam cum sero renes intraverant, arenulas nil prorsus notare licuit. Et cum calculum in renibus illicò morbum indigitemus, cum sæpè citra omnem in suo moretur hospitio molestiam, tum demum se prodentem, quando catarrhi delabuntur. Multos solis ad renes destillationibus miserè tortos vidi, ut nil nisi lapidem renum accusarent, dum vixerant, quorum tandem demortuorum cadavera cum cultro examinarentur anatomico, ne vestigium calculi ostenderunt. Econtra tot alios fuisse dissectos experientia docuit, quibus & renes & vesica lapillis onerati fuere frequentibus, per omnem tamen vitam nunquam de nephritico dolore conquestis, quod si proinde levis infestat lumbos molestia, potior cura destillationum eò delabentium, quam calculorum habenda erit, ut aliorum raptò vi purgantis medicamenti defluvio ab ejusmodi æger sublevetur torminibus. Quantum enim multis aggravatum humiditatibus valeat caput, si imprimis excretiones per nares solitæ, aut circa os sphenoidæum impeditæ cohibentur, quæ deinceps per nucham deorsum affatim ruunt, pectus & dorsum, subjectaque viscera diversimodè incommodant, & ad extremos usque articulos decurrunt, cui vis conjicere facillè licebit.

Bilem antiqui excrementitiis accensuere humoribus: hos secuta recentior ætas, eandem sæpenumerò ex corpore tanquam quid bonæ valetudini incongruum penitus ejicere tentavit, ac si pro diversâ coctione nunc vitellina aut porracea, glastea, nigra & æruginosa efficeretur. Si verò sanguis humorum nobilissimus vel tota peccat substantia, vel quantitate, vel qualitate, cur non ipsa quoque bilis, quæ non minus necessarius in corpore nostro humor est, iisdem delinquere potuerit conditionibus. Ejus enim, si abundat, quantitatem adimere nimiam purgantibus; deficientem amarulentis juvare vel aliquantum restituere poterimus. In qualitate nocet, si nimis tenuis aut calida, vel si frigidior justo & vitelli instar condensata, si acris nimium & siccior, aut in lapides coagulatur, suæque in urinâ coagulationis indicia cum sabulo fecerit rubescere: vel si insipida prorsus humidaque fuerit & putrescens, quale quid in hydropicorum urinis observatur albicantibus: vel tandem, si penitus corrupta & æruginosa evadit, quam corrigere vix amplius medicamenta possunt. Bilem autem qui in corpore dixerit correspondere elemento ignis, quemadmodum calidum in corde nativum soli, ante is à veritate deviaabit? Absque bile neminem vivere



vere posse, vel ipsa dicat natura. Mori illum fuit necesse, qui per crebras eam ex corpore ejecit vomitiones, adeoque illâ omnino caruit, ut ostensum fuit in *Ephemeridum Tom. 2. Observ. 224. fol. 325. 326.* Sic multos in hydropem incidisse observavimus, qui cholagogis imprudenter usurpatis bilem nimis expurgârunt, adempto scilicet elementari illo calido jecinori, quo sine collabatur & flaccescit viscus hoc atque induratur, nec vasis amplius lymphaticis, quæ Authorem suum, Magnum sine exemplo Bartholinum agnoscunt, inibi que satis copiose à dissecantibus conspiciuntur, transitus patet, unde scaturigo humidi primigenii obturatur, heparque penitus indurescit.

Calculos in vesicâ fellis toties generari, generatosque oculis anatomicorum fuisse objectos, infinita penè exempla docent, ut non amplius pro miraculo, sed morbo sint habendi. Si quis verò accuratius in eorundem ortum, causas atque symptomata inquireret, non parum lucis rei adferret medicæ. Quid enim aëris, aquarum locorumque occasio, quid frigidiorum nimis aut calidorum assumptio, dum vesiculæ bilis, immediate stomacho incumbens, prope pylorum sit legio; quid motus animi, qui hanc concitare valent, ad generationem talium calculorum faciant, facile colligere licet: quos præsentibus sæpè obscurus in dextro latere sub præcordiis dolor, appetitus prostratus, frequentes nonnunquam, statis etiam temporibus vomitiones, crassiores & liquidiores, felle permixtæ dejectiones, urina malè colorata & alia haut levia produnt indicia. His, aliisque ad examen revocatis signis, tandem etiam de calculi hujus curatione foret cogitandum: sed talia virorum in Universitatibus illustrium, quibus, quàm Practicis, plus ad demordendos ungues otii nonnunquam superest, defecationis ingenii acumini pensitanda committuntur. Ad dispositionem quandam scorbuticam, dum vir Illustrissimus vixit, inclinasse eundem, non negâim: hujus verò decubitus causam extitisse primariam, admittere non potui. Candida majorum simplicitas multum solatii posuit in obstructione venarum mesaraicarum, quæ toties, cum veram morbi causam indagare nequiere, ipsis pro clypeo intervenit. Nostri seculi homines cum obstructionem istam vidissent carere suo fundamento, quæ ferè nunquam in dissecis comparuit cadaveribus, nunc ad scorbutum, sacram quasi anchoram, confugiunt, qui, quoties ex voto non succedit curatio, non saltem in abstracto, sed & in concreto morborum tinctura satis



tis speciosa existit. Hinc illum scorbuto, hunc febre scorbuticâ, gangrænâ scorbuticâ, & vel denium scorbuto, podagram alius nuncupare maluit, extinctum vociferantur, seque ab ignoratâ morbi causâ immunes reddere conantur. dubii rerum suarum, nec non vitæ necisque nostræ arbitri. Adeo etiamnum *ἡ κρείσσις χαλεπή*, & scorbuto plena sunt omnia.

Hæcticæ, quæ adfuit, indubium fuit argumentum, præter enumerata superius symptomata, consumpta omnis in pericardio humiditas, cujus in dissectione nec unius guttulæ vestigium superfuit. Huius in febre hæcticâ defunctis lymphæ absentiam sæpissimè deprehendi, cum penitus absumpti, antequam emigrarent, si quandoque plorare vellent, nullas amplius lachrymas, ceu rivulos fontis cor ambientis effundere potuerint, sed siccis saltem genis & diductis labiis, miserabilem efformârunt faciem Hippocraticam. Laticis huius in pericardio existentis libertas universo sufficit corpori pro humido isto primigenio, calidum in corde nativum circumfluente: quod, si deficere inceperit, tabidum reddi hominem necesse est. Hoc sine antiqui balneis aquæ dulcis tepidioribus, æstamque cordis attemperantibus usos fuisse credendum est, ut, quod in centro præstare nequiverit, in circumferentiâ, humectando universum corporis ambitum, præstarent,

## OBSERVATIO LXXII.

D. JOHANNIS GEORGII VOLKAMERI

*DIFFICILEM PARTUM FACILITARE.*

**I**nter complures sterilitatis causas nulla erit potior, aut sævior, quam dum generosa in suos ortus semina exurgere, inque lucem prodire publicam nituntur, languentis interea naturæ vitio vanum suū desiderium relinquunt in mentibus parentum, suffocata quasi vitæ liquæ aurâ orbata. Primiparæ huic potissimum periculo objiciuntur, dum vagis partus doloribus deceptæ, ad conatus pariendi præmaturo sæpè ausu satis masculè se accingunt, contra licet strepente viarum angustia, nondum, ad enitendum foetum satis matura. Multæ nationes gravidas suas balneis aquæ dulcis, antequam partus instat, immergunt, ut membra prius mollescant, & facilius relaxata diducantur, inunctis

infu-



insuper cum unguento althææ, oleoque lil. alb. talibusque, ipsis naturalibus. Pleræque verò fœminæ ob insignem ventris molem cucuphas ingredi commodè nequeunt, quibus humiliori in sedili locatis sacculus herbis emollientibus, aut floribus fœni farctus, & per calidam tractus aquam subjicitur bis in die, subsequente partium illarum inunctione.

His aliisque compluribus ad facilitandum fœtus exitum, in vanum sæpiùs admissis, quid mihi eâ de re olim cogitantî acciderit, in sexûs hujus debilioris gratiam patefacere non gravabor. Fructum balsaminæ rotundifoliæ repentis, sive maris, Bauhini primæ, *Momordica* vulgi, jam maturum, coccineo præditum colore, & spinis quasi asperum, diu multumque contemplatus, cum in manûs volâ arctè tenerem, ille suâ sponte dissiliit, seminaque sua foràs protrusit, ut aperta rursus manu illâ seorsim projecta elaborerentur. Haud inanem huic fructui inesse signaturam subinde suspicari cœpi, quæ utero materno ad pariendum jam proclvi ob quasdam tamen injurias sufflaminato divinæ instar virgulæ contingeret. Oleo proinde olivarum carnem fructus illius *Momordicæ* immisi, folique id expositum, virtuteque ejus satis imprægnatum, clysteriis ad unius unicæ pondus admiscui, non vano inde subsequente successu.

Id præcipuè commodi mecum exinde puerpera sensit, ut inani- bus istis, vel etiam colicis doloribus discussis legitimum partûs tempus attingeret, aut verò si terminus pariendi instaret, illa fortiore nisu ad excludendum aptè fœtum feliciore infantem exitu beârît, seque à tam laborioso expeditam conatu immunem asseruerit à majoribus periculis. Fructûs *momordicæ* pulpam cum butyro benè mistam obstetrices aliis pingue dinibus huic fini inservientibus commodè applicabunt. Quid fructus cucumeris asirini, quid persicariæ siliquosæ, noli me tangere dictæ, levi attactu dissilientes &c. in his difficultatibus, vel etiam promovendis secundinis possint, curioso naturæ scrutatori censendum & pensandum relinquo.

## OBSERVATIO LXXIII.

D. JOHANNIS GEORGII VOLKAMERI  
HISTORIA UTERI EX VIRGINE RESECTI.

**I**N secundo Ephemeridum Tomo. Observ. 226. f. 328. mentio fuit facta virginis, cui testes per hymenem propendentes ablati fuere. Dum



vero tunc uterus valdè tumens vi egredi cum summis circa inguina doloribus conaretur, chirurgus ad id accito author fui, ut immisso per myrtifoliarum caruncularum circulum specillo antrosum secundum longitudinem incisionem pararet, zonamque virgineam solveret, ut via prorumpenti isti moli pateret. Ille verò me absente, ignarus talis ἐγχαίρειας, cum ullius virginis claustra nunquam aspexisset, speculo matricis violentam tentavit divulsionem, quæ etiam non sine dolore & quâcunque hæcorrhagiâ fuit secuta, remanente interim, suumque in locum se recipiente utero. Ad quinquennium virgo illa ab omni incommodo libera vixit, quo exacto tempore denuò graviter decumbere cepit, & tensivo circa pudoris sinum dolore, miserè afflicta, chirurgus prædicto jam satis sublato, virum alium ad curationem admittere noluit, seque juratæ cuidam fœminæ commisit: quæ ductui nostro parens felicem ipsi opem attulit. Prominebat tandem pugni minoris magnitudine uterus admodum inflatus, in sinistrâ regione introsum vaginæ arctè adhærens. Fœmina assistens digito paulatim per aliquot dies separare eundem studuit, cui tunc à latere vaginæ divulso funem injecit, & propè cervicem ligavit, indiesque lericum fortius constringens, paulatim tumorem istum diminuit, post quatuor septimanas corrugatam quasi & demortuam istam massam, quæ ficus instar compressæ apparuit, deciduam effecit. Formam uteri nondum defloratæ omninò referebat, sed cavitate carebat, quæ suspensum, utrum id corpus verus uterus esset, me tenuit. Cum verò & loci, unde propendebat, conditio, & præcedens utriusque testiculi amissio, & liber circa tumorem eminentem ambitus, mirusque qui ante prægressus fuit cum collo uteri malè affecti consensus, siquidem circa laryngem consimile denuò ulcus æquè fœtens hoc morbi tempore adfuit, in unum conspirârunt, tantò confirmationem me reddidère, naturam sarcinam matricis inutilem, maleque conformatam foràs voluisse protrusam, quæ nihil unquam frustra fecisse voluit. Tamdiu stabit hæc ipsa sententia, donec tandem è vivis abierit, quæ tunc dissecta contrarium docere poterit. Longæviores autem alias utero privatas sæpè observavi fœminas; hæc ipsa, post amissum sexus fœminini characterem, ab anno hæcenus vegeta & incolumis vivit, quæ citra culpam suam non amplius virgo, nec mulier, nec deflorata audit, sexum alioquin meliorem semper averſata.







\* AD OBS. VI  
N<sup>o</sup>. a .



ILf



## OBSERVATIO LXXIV.

D. CHRISTOPHORI LIPSTORPII

DE

VITULA BICIPITE, ANNO LXXIII. STADÆ  
NATA.

**P**erpulchræ monstrosæ vitulæ bicipitis iconem transmittō, cujus skeleton asservatur in museo nostro. In occipitio unicum solummodò observavi cerebellum, huic imposita erant duo cerebrameninge intersepta & distincta, quatuor habebat nervos opticos, quatuor oculos, quorum bini in fronte coaliti in una orbita perpulchrè & distinctè erant positi, una ipsi erat trachæa aspera, item gula, lingua circa palatum erat una, postmodum bifida, ad utramque oris partem excurrerat.

(Eliteris ad D. Ladovicum Hannemannum datis, & inde ad  
Dn. D. Volkamerum transcriptis.)

## OBSERVATIO LXXV.

D. GODOFREDI SCHUBARTI

DE

AQUA SUBMERSIS. RESPONSUM

ad Obs. 20.

**A**Rduum sanè & audax opus est, animi sensibus abyssum maris pervestigare, & mente concipere, quid ibi agatur? Imò ut planius dicam, quomodo hominis mari submersi vita conservetur, ut sospes extractus reviviscat. Id ipsum nobiliss. & precellentissimum Dn. D. Langelottum permovit, cum relatione aliorum quendam in aqua per sedecim integras horas, erecto & rigido corpore, exortâ bullâ amplâ præ ore, stetisse, tandem extractum revixisse, adhibitis convenientibus: Nec non mulierem per triduum aquæ submersam à morte simili modo liberatam; Itidem juvenem septendecim annorum sub aquâ demersum septimâ demum septimanâ sine vitâ reperi- tum, & in vitam revocatum fuisse, percepisset. ut per literas supra modum humanas quaesierit; Qui fieri possit, ut homo sine aeris beneficio tam- diu ignem vitalem in aquis gelidissimis & multo nitro refertis, servare possit.



Notum autem est tritum illud : Cor est primum vivens & ultimum moriens ; scilicet à quo omnes nobiles facultates & functiones vitæ humanæ dependent, sustentur & destruuntur, unde *Piccolominius* inquit : *Cor primo vivit, vivens semper servet, fervens agitatur.* Quibus innuere videtur, cor naturaliter à se moveri ; cum autem nihil moveatur, nisi etiam quiescat, hinc cordis naturales & nobiles functiones resultant, nimirum *Systole*, seu motus proprius & naturalis cordis, quo ventriculus dexter, repletus & dilatatus, se contrahendo in pulmones per venam arterialem sanguinem effundit, & *expirationem* efficit ; postquam verò sanguinem cor ita ultrò deposuit, & ad pristinum naturalem statum rediit, quiescit per momentum vix sensibile, interim descendens diaphragma detrahit tensione quâdam nexuum pulmones, tunc disjunctis annulis trachæa dilatatur, & inspirando aëre impletur ; interim dum *inspiratio* fit, vasa pulmonalia constringuntur, & sanguinem, qui retrò in ventriculum dextrum remeare non potest, in sinistrum impellant, unde *Diaстole*, & sic vicissim : adeò ut cordis restrictio sit causa inspirationis. Hinc *Aristoteles* ; Pulmonum motus principium à corde esse ; & *Hoffmannus in Galen. lib. 6. de usu part.* *Cor est causa princeps motus, pulmo sequitur motum cordis, thorax motum pulmonum* ; nec non *Cæsalpinus lib. 5. qu. Peripat. 5.* respirationem à corde fieri ostendit. His ita prælibatis, patet, quoties cor movetur, toties pulmones etiam moveri, ita, ut quot fiant systolæ, tot expirationes, & quot diaстolæ, tot inspirationes, quamvis isti motus nonnunquam à quavis interna, vel externâ causâ augeri, imminui, vel totaliter inhiberi possint, unde respiratio vel sensibilis, id est, quæ copioso aëre indiget ; vel insensibilis, cui sufficit aër, qui intra os & fauces reperitur, oritur. Sensibilis sæpè clausis ore & naribus sine noxa impeditur, sed non insensibilis, quæ tandem diu retentâ respiratione cessat, ut mors illicò sequatur. Itaque tot sunt respirationes insensibiles, quot motus cordis. Hinc *Scherbius apud Hoffmann. l. c. C. 7.* Vivunt, inquit, quidam sine respiratione, id est, motu illo thoracis visibili, sed non sine usu respirationis, qui nihil aliud nisi insensibilis respiratio, quæ insensibili & ferè imperceptibili cordis arteriarumque motu conservatur, à nonnullis transpiratio dicta, sine quâ nemo sec. *Galen. lib. 6. d. loc. aff. C. 5.* ne per momentum vivere potest ; sine illâ verò, scilicet sensibili aliquis non ad horas saltem, sed & ad plures dies vitam protrahere



trahere potest. *Eodem l. c. teste : & Avicenn. i. Text. 2. Tr. 5. C. 12.* Quia ignis vitalis, ob alicujus morbi, seu alterius causæ violentiam, ad extremam debilitatem deveniens, non indiget tantâ refrigeratione, ut necesse habeat pulmonum, aliorumque ad respirationem concurrentium instrumentorum motu, vel officio refrigerari, idcò hujus respirationis privatione, vel insensibilitate mortuus à vivente vix distinguipotest. Etenim, qui ex terrore in syncopen labuntur, pulsu & respiratione plerumque privantur, teste *Gal. lib. 2. d. Symptom. Causis c. 2. & lib. de Tremore C. 3.* ut attoniti evadant, quod *idem in l. 7. Aph. 14.* congruè expressit; quippe hoc *Platero* confirmante *l. 1. Obs.* qui foeminam, præter alios *l. c.* commemoratos, aquis per horæ quadrantem submersam, frigore penè enectam, tandem deprehendit, ob terrorem mortis animo defecisse, tamdiu deliquio durante, donec è flumine extracta, refocillata fuerit.

In syncope autem cordis motum imminui, & subsequenter respirationem sensibilem, non verò insensibilem, abesse, donec cordis motus vel per se, vel adhibitis convenientibus, augeatur, & iterum vita illæsa redeat, per se manifestum est, ut nulla probatione egeat. Porro se sæpè in syncopiticis & hysteriis observasse *idem* ait, quod per integram horam, nec pulsus, nec respirationis sensibilis vel minima indicia apparuerint, quæ tamen postea sine vitæ jacturâ redierint. Fiuntque sic affecti, etiam dum insensibiliter vivant, tam frigidi, *auctore Galen. l. 1. d. præfag. ex Puls. 4.* ut intensissimè rigeant, accedente præprimis causâ aliquâ externâ, ita ut, (velut *Plutarchus* docet) novacularum aciem hebetare soleant. Itaque non exigui momenti est terror ipse, qui ejusmodi homines in præcipitio constitutos corripit, quippe nonnullos & ex hoc solo extinctos, & subito suffocatos esse, patet in iis, qui à fulmine tanguntur, ii enim multo antè ex terrore, quam fulminis vi intereunt. Sic terrore interdum afficimur, ut non recordemur horum, quæ in ipso terrore gesserimus, quia extra sensus præ terrore trahimur, docente *Galen. l. 2. de Motu Muscul. C. 6.* Quandoque etiam contingit, homines ex violentia animi passionum extra omnem vitæ sensum rapi, ut ne minimum vitæ superstitis signum præ se ferant, ex quo pro vivis æstimari possint, hinc factum est aliquando, ut vivi pro mortuis elati fuerint, annotante *Schenckio l. 1. Obs. 8.* aliisque.

Cognita



Cognita igitur respirationis causâ principali, & modo, restat, ut quæstionem supra propositam excutiamus; Igitur, etsi sanguinea & perfecta animalia, ex his autem homo præcipuè, commodius aërem aquâ inspiret, quâ scilicet sola aquatilia & frigidiora gaudent, fruuntur, & se tuentur: Attamen, ut supra dixi, cum ignis vitalis à causâ violentâ quâcunque oppressus, & ad extremum ferè debilitatus, tantâ refrigeratione non indigeat, ut necesse habeat pulmonum officio refrigerari, hinc firmiter mihi persuadeo, homini, aquis submerso, nondum verò suffocato, sed ex terrore in syncopen lapsus, vel apopleptico vel hystericæ non dissimili, insensibiliter tamen spiranti, & extra vitæ sensum raptus, per totum rigidus, aquæ vapores & halitus Otrosos pro caloris tam exigui, aliàs sec. nat. fortis, nunc saltem oppressi, spiritumque pabulo sufficere, eumque sat commodè saltem aquæ attactu apulsoque, Otrosæ seu balsamo naturæ refertæ sustentari, ut eò magis resistere, & insensibiliter vivere possit, accedente præprimis corporis habitu firmo, pectoris latitudine, juventute & virilitate, quâ spiritus & calor adhuc superabundant, vel cui fortè natura benignior anastomoses in corde pervias formavit, ob quas, ut in utero, liberè sine motu pulmonum sensibili sanguis moveatur, ita ut non aliquot horas tantum, sed integros dies, imò post triduum aquis immorari possit. Hoc artificio naturali urinator Siciliensis, annotante *Cardano lib. 2. de Subtilit.* ternis ac quaternis horis sub aqua latitavit, & in India occidentali urinatores margaritarum ostreis venandis avidi, passim per integram horam sub aqua commorantur, imò Ægyptii non minus perfectissimi, urinando per aliquot horas deprædantur, teste *Nicol. Christoph. Radziwil. descript. Peregrinat. Hierosolym.* Non absimili modo aquæ submersi vitam sub aquis conservant, ut salvi pro mortuis extracti, & refocillati, reviviscant, attestante insuper *Zachia quæst. Med. legal. C. 79. l. 4.* qui juvenem flumine per horam submersum, deinde extractum, aquæ copiam emisisse & revixisse; & *Alexand. Bened. lib. 10. c. 9. de curat. morb.* in undis submersum, post 48. horas recreatum, itidem revixisse, observarunt: ejusmodi plures casus qui desiderat, videat *Borell. Cent. 2. Obs. 12. Barthol. Cent. VI. H. A. 68. Schenk. lib. 2. Obs. 1. Camerar. Syllog. memor. cent. 13. p. 1. nec non Sachsii Ampelograph. lib. 2. sect. 6. m. 1. c. 1. ex à Castro MSS. Obs. de resuscit. in aquam delaps. §. 30. &c.*



Aqua gelidissima nitroſa, cujus in propoſitâ quæſtione mentione fit, conſideratis ſupra dictis, nil prætereâ ferme contulit, niſi quod rigiditatem, ob quam & erectus ſubſtitit, oppreſſione ignis vitalis, extremorum & totius ſtuporem induxerit. Mora autem diuturnior ſuperſtite vitâ, robur ignis vitalis, habitum corporis robuſtum, juventutem ſeu virilitatem &c. In quibusdam fortè, licet rarò, ut ſupra dictum, anastoſes in corde pervias, quibus, ut in utero, liberè, ſine motu pulmonum ſanguis moveatur, arguit. Et cum plerique ob cohibitam potius reſpirationem inſenſibilem, quàm ob ingeſtæ aquæ copiam ſuffocentur, bulla ori adhærens, imò aër in eo contentus, reſpirationem dictam fovere, vitamque tueri & conſervare potuit.

(*Ad Collectores Ephemer. 15. Martii 1675.*)

## OBSERVATIO LXXVI.

A N O N Y M I

DE

SUBMERSIS SVECICIS.

*Reſponſio ad Præcellentiſſimi Dn. D. J. Langelotti**Obſ. 20.*

**D**E ſubmerſis & ab aquarum ſuffocatione præſervatis liberatiſque, quod Magnif. Tua meam ſententiam requirit, id potius benevolentia erga me ſummæ acceptum refero, quàm, ut ideò mei judicii acumini quicquam tribuam. Id enim, quo magis imbecille ſentio, eò magis arduum & abſtruſum reſolutionis argumentum deprehendo. Juſſu tamen Tuo, teſtandi ſolùm obſequium & obſervantiam, pauciſſimis expedire conabor conjecturam meam, cenſurâ Tuâ fretus, & exquisitiorem enodationem abſolutamque deciſionem ingenii ſagacitate felicitateque præſtantioribus meritò relinquens.

Quemadmodum verò totum negotium minorem difficultatem ſine dubio pateretur, ſi inter Anatomicos certiùs de iis controverſiis, quas hodiernum de naturâ, cauſis, inſtrumentis & modo reſpirationis foverunt, conveniret; quas *Bartholini*, *Malpighii*, *Græſii*, *Swammerdamii*, *Majowii*, quivè hos proximè accedunt, exercent atque componant: Ita pariter propoſitorum trium caſuum

M

decla-



declarationi multum lucis conferretur, si specialiores circumstantiæ inprimis in secundo & tertio submersorum exemplo, annotatæ fuissent aut annotari potuissent. Hæc ideò cum tantò majori difficultate involvantur, imò ibi aliquod naturæ vires superans adminiculum intercedere videatur, in medio nunc relinquam, atque de priore submerso solummodò agam.

Quò verò breviori viâ ad scopum tendam, præsupponere libet:

1. Cohibitâ respiratione aliquem vivere ad tempus, benè etiam longum, posse, modò sanguinis motus & circulatio, saltem particularis, in vasis, inquam, majoribus & vitalibus non supprimatur, etiam si valdoperè langueat, exemplo nimirum eorum, qui ab affectione hypochondriacâ & uterinâ suffocari dicuntur; aut etiam, cæteris paribus, ab embryo & pullo in ovo.

2. Abolitâ omni circulatione sanguinis nec respirare ullo modo, nec vivere posse hominem.

3. Respirare aliquem satis diu posse, prout quisque ampla & robusta organa obtinet, atque insuper assuetudine habitum, retinendi spiritum, sibi conciliaverit, nullo quamvis sensibilibus attracto aëre, hoc est, ore clauso, vel etiam naribus: Tunc enim aëris in ultima inspiratione attracti, admodum probabilem, & vel maximè insensibilem in pulmonibus circulationem celebrari crediderim, uno saltem lobo sese aliquomodo constringente, altero solo semet sublevante, & interea aerem expirandum, recipiente, iterum iterumque vice inspirandi aliàs subministrandum. Ut hinc quoque sapientissima Creatoris providentia celebranda veniat, quæ utrivis pulmoni binos in homine lobos esse voluit, sine dubio, ut aerem respiratione necessarium, aliquando sine respiratione, intra se conservare, sicque se ab injuriis cum aere recipiendo illapsuris, vitæque noxam illaturis tueri queat: immò etiam ut homo cursum similemve laborem alium tantò pertinaciùs perferre possit. Eademmet causa videtur, quod animalia bruta ternis prædita sunt lobis, quippe ad duriores labores, concitatiorem cursum &c. apta nata. Hinc cursores ut pernecitate valeant, os strophilo obturant, ut circulationi aeris spatium in ore faciant, pulmonum capacitate solâ ad emetiendum suum terminum non suffecturâ. Non allegabo rubicines, qui semel haustum largiùs aerem ita intra pulmones condere as-

sueve-



ſveverunt, ut idem ſatis diutinæ ſonituum protrufioni ſufficiat. Eodem beneficio uti ſvevere, qui cantuum longiſſima modulamina inter multivarias vocis intenſiones remiſſionesque ducendi artificio ſunt celebres.

His præſuppoſitis, ſi quicquam ponderis inefſe poteſt, conſicio in ſene illo 16. horas infra aquas detento, ut viveret.

1. circulationem ſanguinis non fuiſſe deſtructam, licet in extremis & externo corporis ambitu totus obriguerit; quin potius idem ipſi accidiſſe, vero ſimile, quod vino ſolet meraciori, intenſiori gelu expoſito, ubi melior pars in medullis concentratur nec congelari ſolet. Cum igitur ſenex ſexageſimo quinto anno adhuc bene valeat, octodecim retrò annis (quando demergebatur) tanto vegetiorem fuiſſe, adeoque ſui encraſiæ ſanguinis beneficium gelidiſſimis in aquis vel maximè expertum eſſe probabile ſanè eſt.

2. Eidem ſeni nec reſpirationem fuiſſe planè prohibitam, ex conſervatâ ſub undis vita, nec non iis, quæ ſuprà innui, ſubſumptu facile eſt.

Accedit, quod bulla os obſidens, tum obſtitit ne aquæ in os, vel ipſos etiam pulmones irruerent, ſpiritumque vel protruderent, vel ſaltem intercluderent; tum juvit, ut pulmones intra ſe conſervatum aerem tutò & continuo reciprocare poſſent; nec non quò ventilatione eâ, utut debili & imperceptibili, ſanguinis concentrati calor & motus conſervaretur, ſenſu inſuper non omni deperdito.

3. Omnium certiſſima conſervationis tam diutinæ cauſa, ex conſtitutione, præcipuè conformatione pulmonum, nec non ipſius cordis deſumi poſſet, ſi tam acuti eſſemus oculis, ut vivi hominis exta, intra corpus contenta, luſtrare liceret, quod ſæpius quidem Medico optandum eſſet, Zoili tamen deſtatâ dementiâ. Opera itaque pretium fieret, ut vel magiſtratus mandato, poſt ſolutum naturæ debitum, hominis iſtius cadaver anatomicorum permetteretur inquisitioni, qua dubito procul maniſeſtiores cauſæ oculorum manuumque fide confirmatæ venirent, & inprimis numnè cordis foramen ovale adhuc pervium, quod, annotante anatomico, non minus ob ætatis ſenium, quàm eruditionis expertiſſimæ ac incomparabilis, jugiter venerando, magno Bartholino in *Anatome noviſſimè renovata* p. 410. ad 30. uſque annum aliquando in homine patens repertum eſt, & in ſene Patavino ſemet



illi vidisse testatur; quodque in brutis præter quædam alia præcipuè amphibiiis, ut castore & avibus aquas amantibus, anate. buteone, cygno &c. semper patere solet: aut saltem membranulâ connivente obductum fuerit. Interea hujus rei certitudo fortasse eò major deprehendi potuisset, quo enormiora exempla mulier tribus diebus & senex septem septimanis demersi extiterunt, quorum jam tum vitâ defunctorum cadavera meritissimo, curiosâ sectione pervestigari debuissent.

De modo, quo bulla ori adnata fuit, si sollicitis esse lubeat, existimem, 1. aquam, tum nitro foetam, adeoque suo modo pinguem lentamve, tum frigore densam materiam, halitum expiratione demersi protrusum formam suppeditasse; quod probatione adeò non indigere videtur, cum puerorum experimentum, ex aqua lixiviosa bullas fingentium, analogiam aliquam suppeditet. 2. Positum demergentis corporis occasionem præbuisse. Nisi enim perpendiculariter homo descendisset, eundemque h. e. erectum positum servasset, bulla vel non nasci vel saltem non ita pertinaciter adhærere potuisset. Simile quid aliquando contigisse mihi memini (& fortasse cuivis cæteris paribus id tentanti continget) ut dum vasculum vitreum strictioris longiorisque colli (ein Nonnen Glas) in aliud vas altum aquâ plenum rectâ (i. e. sursum verso orificio) detruderem, subito orificium bulla occupavit, nec guttulam aquæ admisit, quamdiu perpendiculari hoc posito vitrum detinebam; quamprimum verò vitrum paulisper inclinarem, bulla extemplo recessit, atque aquam protinus admisit.

Quæri insuper hîc posset, quâ factum, quo minus aqua per nares se insinuârit, & sensim sensimque tot horarum spatîo confluens, hominem suffocârit? at probabile videtur maximè, nares à frigore mox contractas & congelatas fuisse, ut aquam deinde non admitterent.

Cæterum, quoad conservationem respirationis & motus in sanguine, peculiare quid ipsius aquæ nitrositatem contulisse, non adeò absurdum videri potest, si ingeniosissimi Mayovii mentem, quam *traktatu de nitro & spir. nitri aereo* fusè satis & doctè exposuit, sobriè huc referamus; nec non quæ *Tr. de Respiratione* p. m. 300. 301. & imprimis 305. §. itaque existimare &c. & quapropter &c. subministrat, ubi *saltem aëreum nitrosum respiratione attractum, autorem & restauratorem motus in sanguine constituit, atque tam diu hominem sine respiratione vivere posse,*



Posse, quam diu particula hæ salina à sulphureis in sanguine non subiguntur & assumuntur, statuit. Immo superpondii loco adscribere juvat verba laudatissimi Autoris è *Tr. de respiratione fœtus in utero & ovo* p. 323. Prout quisque magis aut minus se exercuerit, ita respiratione intensiore, aut non nisi remissiore opus habet. Et utique in affectibus soporosis, in quibus functiones animales penè cessant, respiratio tantum non suppressa esse videtur.

Quocirca cum fœtus in utero & ovo, ab omni ferè motu præter unicuique illi cordis, ferietur, particularum nitro-ærearum penus minutior, à materno sanguine arterioso, aut ab ovi liquoribus (quidni & in aquâ tali nitrosâ submersis) suppeditatus, eidem pro modulo suo abundè (ali-quandiu) sufficit.

Denique ab ejusmodi insolentibus exemplis, naturam superans facultas, i. e. omnipotentis Dei providentia, (nam præstigias & illusiones Demonis, quicquid valeant, ne nominare quidem volumus) minimè excludenda, quam apud *Esaiam Prophetam* c. 43. ipse Deus celebrat atque commendat: *Ne timeas, inquiens, cum transieris per aquas, tecum ero, & flumina non operient* (vel juxta Germ. Interpr. non suffocabunt) te.

(In literis ad D. Langelottum mense Mart. Ann. 1675.)

## OBSERVATIO LXXVII.

D. GEORGII ABRAHAM MERCLINI

DE

EPILEPSIA RECURRENTE, A SINISTRI PEDIS  
POLLICIS LÆSIONE ORTA.

JUVENIS erat opificis discipulus, nomine Magnus Carol. Wiffendi XVIII. circiter annorum, sani aliàs corporis & optimi temperamenti. Is in sinistri pedis pollice dolorem sensit ex reflexi unguis compressione, indeque prognato in circumsitâ carne tumore ortum. Hinc chirurgum accersit, qui, postquam varia remedia incassum adhibuit, tandem d. 15. Januar. anni hujus 1675. ad lectonem devenit; quâ factâ animo ætutum linquitur patiens & paulò post, cum interea chirurgus vultui ejus frigidam reficiendi causâ aspersisset, convulsivis motibus, abominabili spectaculo concuti incipit, qui eum ab illo tempore usque in hunc diem quotidie se-



mel, bis, ter, sæpiusvé immaniter etiamnum exagitant, dum artûs suos nunc flectere, nunc extendere, nunc antrorsum, nunc retrorsum, nunc sursum velocissimo jactu se projicere, nunc corpus in gyrum movere, nunc affectam partem ori admotam exosculari, nunc eam velut inde per furas ascendentem auram cohibiturus levi manu tractare ac demulcere, nunc alios varios mirabiles gestus pantomimi ad instar formare cogitur. Sentit enim misellus ab affectâ parte auram quasi quandam velut futuri paroxysmi præconem per totum pedem in abdomen perreptare indeque porrò per spinalem medullam, in caput ascendere factâque in eâ multâ rotatione frontem occupare, ad quod ipse primum antrorsum præceps ingenti saltu ruit & deinde ipsâ hâc epilepsiâ miserabilem in modum corripitur, continuo interim seroso quodam ichore ex affecto pollice exstillante, frustra que hætenus tentatis probatissimis etiam aliàs remediis. Rarum profectò exemplum! illicque non adeò abfimile, quod *Galen. l. 3. de loc. aff. c. 7.* de puero XIII. annorum; vel *Heurn. Comment. ad Aph. 7. sect. 5.* de juvene quodam annotavit, quibus *Willisii* sententia de particulis elasticis non malè roborari posse videtur.

( In literis 17. Martii Vratislaviam 1675. )

## OBSERVATIO LXXIIX.

D. CHRISTIANI MENZELII

DE

SUDORE LUTEO AB ASSUMPTO  
RHABARBARO.

**A**Nno 1649, cum ex Borussix Academiâ Electorali Regiomontana me contulisset Dantiscum medicinæ Candidatus, primo statim die, cum eò venissem, horâ quartâ pomeridianâ, febrili horrore obrutus decumbere coactus fui. Cumque incertus adhuc essem de natura febris, nihil quicquam medicaminis sumpsi; sed noctem subsequentem calore satis acri ad usque sudorem paroxysmum finientem peregi. Manè ἀπὸ τοῦ relurgens obivi munera mea. Tertia die, cum febris eâdem horâ pomeridiæ me invasisset, cum calore p. n. noctu in sudorem determinante, iterumque subsequentem diem sine ulla febre transgissem, judicavi me tertianâ intermittente



tente laborare. Postero die manè hora 5. adhuc in lecto jacens ipsemet mihi medicus sumpsi pulv. *rhabarbari opt.* 3j. cum pauxillo vini, nullo admixto alio ingrediente, quo bilem, tertianæ vulgò causam, per alvum deturbarem, brevi post subitò mador aliquis toto corpore erumpebat. Ego omnibus lecti integumentis à corpore devolutis, ex lecto ocysus exsilebam, ne sudor aliquis subsequeretur. Fore enim judicavi tunc, tantum abesse, ut purgaret rhabarbarum bilem, ut potius sudore isthoc medicamenti virtus impediretur. Verùm licet ego indusio interiore saltem tunc vestitus essem, illudque ventilationis causa quoque exuissem, sudor nihilominus universalis ex toto corpore adeò copiosè promanabat, ut diffluere totus sudore viderer: nec erat medium declinandi istum. Cogebat itaque relinqui naturæ conamen, eodemque indusio sudorem abstergere, penitus rhabarbari (quod notandum) odorem subluteumque colorem referentem. Hoc sudore post integram horam finito, nullum posthac paroxysmum febrilem persenssi, sed à tertiana mea liberatus, vegetus ad negotia mea accessi. Etsi autem quivis forsan diaphoresin hanc primo intuitu rhabarbaro adscribere vellet; ambigere tamen non nemo posset, utrum sudor ille non primario acciderit ob naturæ motum vitiosos humores febrisque causam crisi quadam ad ambitum corporis foràs eliminantem, vel ex alia quapiam causa. Qua de re judicium cuilibet integrum relinquo.

(In literis 7. Aprilis Vratislaviam 1675.)

## OBSERVATIO LXXIX.

D. JOHANNIS - SIGISMUNDI ELSHOLTII

DE

## BADIANI MOSCOVITICO.

Ingens anisi genus in Insulis Philippinis nasci, traditum jam literis est à *Carolo Clusio lib. VI. Histor. plantar. rarior. c. 25.* addita etiam stirpis icone. Insulani illis *Damor* nuncupatur, *anisum peregrinum C. B. exoticum, Parkio.* Atque ejus quidem fructus angulosus cum inclusis granis singulis, valdeque levibus ac splendentibus ante hos XV. annos nomine anisi Canadensis mihi à rei herbariæ indefesso, dum viveret, cultore & Professore Lipsiensi Exc. Dn. D. *Leonhardo Urfino* communicatus fuit. Plura hætenus super hac planta, ejus diversa patria aut usu resciscere non licuit,

Postea.



Posteaquam verò ex legatione sua Moscoviticâ anno 1674. in aulam nostram Nob. atque Ampliss. Vir. D. *Jochimus Schultetus*, Sereniss. Elect. Brandenburg. Consiliarius & Camerae Neomarchicae Administrator, reverteretur, afferebat is secum seminis illius satis magnam vim, titulo *confecti Badiani ex Siberiâ*. Admodum autem familiarem ejus usum hodiè esse in aulâ illâ Rhoxolanâ, atque usurpari non tantùm à magnatibus cunctis, sed ab ipso etiam Czar, sive Magno Duce, affirmabat. Mastlicant scilicet mane jejuni unum vel alterum pericarpium, sugendo inde essentiam tantummodò sive substantiam succosam; quod restat, aut exspuunt, aut deglutiunt. Mirè hoc pacto roborari caput asserunt, & vertiginem præcaveri. Porrò verò ex semine eodem *spiritum* molchi eliciunt, qui ad nostram *aquam vitæ anisatam*, ut vocant, proximè accedit. Sorbent hunc ad dictos usus non tantùm, sed prætereà ad expurgandum pectus à pituita & ventriculi promovendam coctionem. Quin & contra vertiginem temporibus illinunt.

Insuper, ne hoc obiter reticeam, *Rubi Idæi* tam uber ibi proventus est, ut *Rob* inde Russi conficiant, quemadmodum nos ex cerasis. Ejus scatulas aliquot insimul apportaverat idem Dn. Legatus: sicut & semina *malorum* ibi nascentium, quæ cum inter bellaria frequenter sibi apponentur, carnem ipsorum *pellucidam* prorsus esse, non sine admiratione observavit.

## OBSERVATIO LXXX.

## D. JOHANNIS SIGISMUNDI ELSHOLTII

DE

## OVO PRÆGNANTE,

**L**imonem citratum gravidum pinxit & descripsit Floræ Pomonæq; delictum *Jo. Bapt. Ferrarius l. 3. Hesperid. c. XIX.* itemq; malum aurantium foetiferum *l. IV. c. VIII.* neque error hic subest naturæ aut lusus: sed constantia, etiam speciem servans. In lapidum genere prægnans quoq; ætites est, & nuper admodum analogum quid in regno itidem animali mihi observare contigit, dum Generos. atque Consultissimus Vir, Dn. *Carolus Mieg*, Elect. Aulæ, & judicii Cameralis per Marchiam Brandenb. & Comitatum Ravensbergensem Consiliarius Ampliss. ad me *ovulum* nucem avellanam æquans, & in ovo alio majore inventum mitteret. Nimirum in ædibus ipsius, cum pro usu culinario ova aliquot galli-



gallinacea rumperentur in albumine unius prope vitellum, ovum aliud parvum jacebat *μαλακόδερμον*, sive molli cute aut membrana tectū. Erat ea similis prorsus & colore & teneritate pelliculæ ovorum interiori, qua ipsa antea, quam putamen testaceum acquirunt, obvelantur, & quæ deinceps sub isto putamine perdurat. Postquam cuticulam hanc per latus unum dissecuissē, reperi intus albuginem debiti coloris & consistentiæ: nec minus ad cuspidem alteram punctum illud candidum, quod *semen galli* vulgus nuncupat. Vitelli verò vestigium apparuit nullum.

Ejusmodi quidem, ut ita dicam, *pregnationis*, qua ovum unum alteri includitur, mentio jam facta est *Ephemer. Curios. anni 1. Obs. 36. & Anni II. Obs. 250.* Nobis autem, ut ingenuè fatear, prima vice tum visa est. Meretur verò examen ea Observatio hoc tempore inprimis, ubi post *Theodori Kerckringii* editam Anno 1671. Anthropogeniam de ovario humano per totam penè Europam illustris jam viget controversia. Siquid conjecturæ valent, varii facile modi possent excogitari, quibus ovum ovo, dum in ovario gallinaceo ipsa concipiuntur aut latent, includi contingat. Plerique tamen nimis violenti aut difficiles aut absurdi videntur: & recurrendum hic quoque tutissimè erit aut ad errorem plastices, primo statim conceptionis momento commissum: aut ad seminalis cujuscunque virtutis abundantiam, atque lasciviens robur. Ab extra certè ovum ovo intrudi nequit, sed ab interno fieri principio istiusmodi generationes duplicatas, per analogiam vero similem, citata superius prægnantium malorum, lapidumque exempla vincunt.

(In literis 7. April. Vratislav. missis 1675.

OBSERVATIO LXXXI.

L. CHRISTIANI FRIDERICI GARMANNI

DE

MICTU FUNGORUM.

**C**ivis quidam Chemnicensis annos multos podagricis juxtim ac nephriticis doloribus cruciatus, ante annos si rectè memini octo aut novem, comprimis equo aut curru vectus, aut post alium concitatiores corporis motum, in cruentam incidit mictionem, quæ primò quidem aliquot dies, post aliquot hebdomadas, jam verò anni quadrantem & ultra duravit. Urina loturam carnis refert.

N

grumos-



grumosque sanguinis, sub quibus calculi non rarò delitescunt, admixtos habet plurimos. Dolores sentit circa regionem renum & diaphragmatis per intervalla adeò graves, ut in nullo loco quiescere possit, continuò exclamans: *Der Leib sey ihm inwendig ganz rohe/ es schneide wie Messer drinne.* Unde dolores isti & constans cruenta mictio, absque singulari virium jacturâ sæpius miratus, tandem in urinâ fungos cerasa cum pediculis referentes deprehendi, quos exsiccatos apud me servo. Renes igitur aut fungosos esse pronunciandum, aut fungos in cavitatibus alere. A calculis namque, quos magno numero egressit, potuerunt vulnerari & lædi papillares eorundem carunculæ, & ab urinæ acrimoniâ exulceratæ, in ejusmodi fungosam transire substantiam. Quod verò fungi sanguineo sudore continuò madescant, nemo nescit, nisi qui fungos non vidit. Dolores autem ad diaphragmatis regionem usque adscendunt, quod per externam membranam à peritonæo ortam cum lumbis & diaphragmate renes communicant. An curam recipiat morbus dubito, eundem verò ulteriori disquisitione dignum existimo.

(*In literis Chemnicio Vratislaviæ 14. Maj. 1675.*)

## OBSERVATIO LXXXII.

DN. | ANDREÆ CNOEFFELII

DE

MISERANDO ET INEXPLICABILI AURIUM  
DOLORE.*Tres singulares casus.*

**N**Otarius Proventuum Oeconomix Regiæ nomine Michael Dam, inexplicabili dolore auris dextræ affligebatur, noctes diesque ducebat insomnes, ac vix delirium effugit. Humor quidam primò fluebat ex aure, sed postquam chirurgus hujus loci emplastrum applicasset, & simul linteaminibus aurem benè munisset, desit fluxus, continuatis interim & simul ex parte auctis doloribus. Medicus quidam accersitus opii usum pro sedandis doloribus suadet, sed absque penitiori effectu, nisi quod ex memorati opii usu ægrotus dormire insequentibus insomniis horis duabus poterat, recedunte mox dolore. Tandem ex suasu alterius amici, qui me consulue at, assumpsit pilulas ex *M.P. Ruff. & extr. Rhabarbari*, continuis quatuor diebus, manè & vesperi, cum euphoriâ remotis omnibus emplastris & linteaminibus.

Pus



Pus incipiebat fluere copiosè, successit levis purgatio ex *pulv. rad. galap.* -)j. cum *resina galap.* gr. v. acuato, & sic post tres septimanas restitutus est æger.

## ALTER CASUS.

Vir magni nominis apud nos æquè tali dolore gravi aurium infestabatur, unica nocte cum horrendissimo dolore capitis noctem totam insomnem, sed miserandam consumebat, quid ageret, vix sciebat, nam dolor videbatur modum excedere. Hic sepositis omnibus externis, quæ suadebantur (exemplo enim erat affinis prædictus) statim consilio meo confugit ad pilul. quarum sequens est formula;

Rec. *extr. belleb. nigr. c. sp. V. facti* ʒj.

*Mass. pil. Ruff.* ʒß. *resin. galap.* gr. vj.

M. F. l. a. pil. divid. in p. ij. æqual.

Manè primâ parte Pilul. usus est, sedibus quatuor motis, cum allevatione doloris; alterâ die secundam partem iterum priori similem assumpsit, sequentibus sex sedibus. A meridie incipiebat pus fluere ex aure, quæ deinde tantum externo leni linteamine muniebatur, fluxus autem cum euphoria 14. diebus continuavit, & æger restitutus est.

## TERTIUS CASUS OBSERVATIONE DIGNUS.

Vir quidam nomine Johann Lonhert, civis Risenburgensis in Prussia Ducali, dolorem auris gravissimum sentit dextræ: quinque, vcl sex diebus continuavit dolor, & parùm abfuit, quin sibi ipsi mortem conscivisset æger. Confugit ad Mariæ-Insulanum ibidem medicum, qui omnem etiam cum pharmacopola ejus loci dant operam, ut restituant ægrum. Emplastra, linteamenta externa, sotos, & quæ necessaria videbantur, applicant, sed absque fructu; dolore quidem non aucto, interim tamen permanente in eodem, itaque tandem quærens auxilium tendit Mariæburgum. Chirurgus hujus loci omnem movet lapidem, quo possit dolorem hunc blandè sopire, propinat *laudan.* *Opiat.* gr. iij. omni vespere, unde dormit quidem cum allevatione patiens, nihilominus effectum hujus expirante, denuò uti prius dolor urget, donec post aliquot dies tandem tumor ponè aurem exurgeret, qui scarificatus, naturalem locum doloris mutat. Ab aure enim divertit ad lumbos, & rependo quasi ibi constrictionem causat, emplastris applicatis



plicatis tendit deorsum in spinam dorsi, circa regionem renum, deinde eo de loco expulsus in sinistro genu se figit. Sudoriferis autem attenuatus non quidem ad natale solum, sed ad aurem ipsam, & quidem carneam ejus substantiam redit, ibique rependo ac constringendo non quidem insignes dolores, sed tamen molestiam pariebat, ab aure autem iterum pugnae magnitudine usque ad gulam ingens tumor se predebat, ita ut suffocationem quasi minitaretur. Interea fuit pus ex aure, & quidem satis copiosè, patiens se domum confert. Sequuntur domi continuatae lipothymia, nemo praesens potest ferre auxilium: Moritur in Domino.

Ex his itaque recensitis casibus, facili negotio quilibet medicus & chirurgus colliget, externa applicata circa hunc affectum potius damnum inferre, quam prodesse, & tutius esse, sequi naturae ductum, secundum Hippocratem, & quo vergat ducere, quam topicis figere, quod ad volatilitatem videtur esse progeneratum. Experientia etiam testatur, plus posse unicâ die in talibus casibus medicum perficere internis, specificis materiam discutientibus & ad expulsionem praeparantibus, quam topicis repellentibus, quae plus ab extra impediunt, quo minus materia peccans ad effluxum disposita suo fini potiri queat.

## OBSERVATIO LXXXIII.

DN. ANDREAE CNOEFFELII

DE

*ARTHRITIDE VAGA, MIRABILI ET EXITIOSA.*

**V**ir Nobilis, Colonellus de Görsdorff, alias bonae conditionis & temperatissimus homo, arthriticis doloribus manus, pedes & dorsum per vices occupantibus succedente tempore in nucha & tandem in linguâ sentit mortis praesagia, nam collum quasi filo constrictum, anhelitus & respirandi libertatem, simulque linguae motum & loquelam praepediebat, ipsam tandem ex ore protrudens ut ad duorum triumve digitorum latitudinem exstaret, miserrimae quidem non tamen statim insequentis mortis prodromus. Hic enim paroxysmus sex vicibus rediit, remittente toties dolore, antequam Nobilis diem suum obiret. Hic vel maximè notandum musculos colli ita fuisse constrictos, ut ne guttulae quidem ad ventriculum pateret transitus, quod



quodque maximam æger allevationem ex applicatione spiritûs salis ammoniaci cum aqua diluti persenserit,

OBSERVATIO LXXXIV.  
DN. ANDREÆ CNOEFFELII

DE

AFFECTU SCORBUTICO, ARTHRITIDEM FIXAM  
MENTIENTE, IN VAGAM DESINENTE.

**S**utoris civitatis nostræ uxor, conquerens de omnium membro-  
rum lassitudine & frigiditate, quam senserat cum dolore interce-  
dente punctorio exquisito sed fixo, & in suris & in dorso, supervē-  
niente etiam hemicrania sinistri lateris, quam apprimè gravem,  
aliquando sentiebat, quibusvis amicis commendata medicamenta ap-  
plicavit, morbo tamen uti inceperat perseverante. Sæpiùs mihi me-  
ditanti, quid in talibus morbis commodissimum & pro conservatione  
ægri & curatione convenientissimum, non potui tamen desiderio satis-  
facere, dum vel Paracelsi ♂ è venis & arteriis tenuibus coagulatum,  
vel Helmontii laticem ad sordes depellendas destinatum, jam coagu-  
latum (quem equidēmodō nominatum Paracelsi ♀ modestè puto)  
resolvere & expellere conarer, specificis sic nominatis vel ♂ vitriolato  
vel bezoardico minerali, aliquando quidem, sed parum voto respon-  
dentibus; propterea ad specifica acidum ex parte repellentia præcipi-  
tantia, bilemque alterantia confugi. Igitur ægrotam fœminam reci-  
pere *herb. centaur. mīj. absinthii m. j.* horum benè incisorum manipulum  
dimidium coquere cum lacte, & infusâ cerevisiâ lactis coagulum face-  
re, deque sero percolato, manè & vesp̄i haustum unum ebibere jussi.  
Continuatum tribus septimanis, potum varia symptomata subseque-  
bantur; videlicet per totum corpus vagans dolor, brachia, pedes, la-  
tera, dorsum tandemque caput enormiter cum vertigine occupans.  
Præscriptis pilulis evacuantibus, quæ

Rec. *Maß. pilul. Aloephang. ʒß.*

*Rhabarb. gr. xij. res. galap. gr. iiij.*

Sex vicibus alvus est soluta, cum euphoria cessavit dolor: Deinde  
continuans ægra superscriptam potionem, 14. diebus denuo purgata, &  
Deigratiâ sanitati restituta est. Certò certius possum affirmare, me iis



medicamentis plus opinione profecisse apud agros. Hoc tamen hic loci annectere placet, quod talia medicamenta, si jungantur acidis, virtutem suam medicamentosam facile perdant, quâ ratione absinthium vino mixtum non respondet ita voto medentis, quam si vel extractum per se cum cerevisiâ tepidâ, vel cum lacte patienti propinetur. Effectum enim tali modo usurpati absinthii absque vino, etiam febres intermittentes absorbentis, felicem sæpius sum expertus. Hæc paucula propter incipientes Medicinæ Practicos communicare placuit, ne intentione medicationis statim ab initio specificis aggrediendæ, frustrentur. Qui majoris momenti medicamenta desiderat, inveniet in hujusmodi casibus non leve subsidium ex sequenti,

Rec. cinab. nativ. ℥ss. pulv. oculor. cancr. conchar. āā gr. xv.  
 laudan. opiat. gr. iij.

M. F. pulv. pro unâ dosi, qui aliquot vicibus propinatus, ægrum maximè allevabit.

## OBSERVATIO LXXXV.

## DN. ANDREÆ CNOEFFELII

DE

AERIS INSPIRATI, PER AUREM SINISTRAM  
 EMISSIONE.

**G**enerosus ac Nobilis Dominus Bogislaus Radziensky, Illustrissimi Supremi Mareschalli Regni ac supremi exercituum Ducis, modò Serenissimi Potentissimique Regis Clementissimi nostri Aulicus, vir magni judicii & æstimationis, insignes aliquando patiebatur dolores capitis, qui pus congestum indicabant, quod etiam largè fluere cœpit. Intermittit sæpius, & quando diatam servat, ne vestigium quidem puris apparet, sed quod observatu dignum, si aërem ore haurit, & os & nares comprimit, tam fortiter aer per aurem sinistram, ita ut candelam etiam posset extinguere, erumpit. Parum audit, sed si jejunis est, sonum & figurationem vocis, compressa altera aure percipit, & tamen etiam, si vult, aerem ex aure absque molestia propellit.

OBSER-



## OBSERVATIO LXXXVI.

DN. ANDREÆ CNOEFFELII

DE

SINGULARI ET RARA FEBRIS CONTINUÆ  
CURATIONE.

**I**dem iste Nobilis multorum adstantium titillanti admiratione ipsius etiam Illustrissimi ac Excellentissimi Domini, recensuit, quod febre continuâ laborans tribus diebus ita viribus exhaustus sit, ut vitæ simul cum anima exhalationem timuerit, nesciebat ipse præsentī aliquo remedio comitantem inextinguibilem sitim compescere, ardoremque febris mitigare. Erat etenim in castris, ubi ordinaria quies & cura deficiebant: Sibi ipsi itaque procuravit remedium. Jussit bonam quantitatem favi mellis virginei adferri, & sex stoffos aquæ; quæ invicē mixta uno haustu (utor verbis propriis ipsius Generosi Domini) absque intermissione ebibi, dormivi, maximè sudavi & convalui.

(*E literis ad Collectores Ephemerid. d. 13. Jul. Ann. 1675.  
Vratislaviam.*)

## OBSERVATIO LXXXVII.

D. JOHANN. SIGISMUNDI ELSHOLTII.

DE

SULPHURE PUTATIO, CUM PLUVIA DE-  
SCENDENTE.

**Æ**stivis mensibus haut infrequētes nobis esse solent imbres, qui delapsi relinquunt post se materiam flavam, platearum canalibus innatantem. Vulgus pro *genuino sulphure*, cum vaporibus à sole attracto habet: neque desunt, qui nescio quod malum omnino præsagium ex sulphureis ejusmodi pluviis ducant, iratumque mortalibus cœlum inde ominentur. Facere igitur haud potui, quin collectam materiæ illius portionem examini aliquando subjicerem. Posteaquam ergo colando depurassem, & in charta expansam persiccassem, particulam cultro impositam candelæ admovi, advertendo fumum quidem inde ascendere, flammam neutiquam: quin præter naturam sulphuris gliscere potius carbonum instar, fumumque emissum sulphuris, illum gravem foetorem, minimè præ se ferre.

Porro



Porro verò tantillum hujus materiæ calamo sive canaliculo exceptum, per candelæ flammam exsufflavimus, tentaturi hæc quoque viâ ipsius inflammabilitatem: & comperimus, accendi ipsum pari ratione, quâ solet pulvisculus flavus *musci terrestris clavati*, quem cingulariam nonnulli nuncupant. Mentionem hujus abundè fecimus in *Flora nostra Marchica*, adjungendo usum Moschis frequentatum ad ignes ludicros noctu exhibendos, quemadmodum *Adamus Olearius Itinerar. Persic. part. II pag. 331.* adnotavit. Profectò sylvæ nostræ abundant hoc musco, ex cujus clavis per maturitatem hiscentibus pulvis iste decedit, & per humum copiose spargitur. Inde à solaribus radiis in altum ferri cum vaporibus, vero perquam simile est, & cum pluviis relabi. Cessent itaque mala omnia, nec imbres istos nominare sulphureos amplius fas sit.

### SCHOLION.

Imò, præter hanc antheram musci terrestris clavati, propinquius arborum ipsarum, coryli, pini, ut taceam secale ipsum plurimasque alias herbas, consimile & copiosum alcohol vegetabile sulphureum abunde sufficere potest, unde quoque sylvosa loca accolentes id *Φαγέμεν* frequentius observant. D. W.

(In literis ad Collectores Ephemerid. mense Augusto  
Ann. 1675.)

### OBSERVATIO LXXXVIII. D. JOHANNIS MICHAELIS FEHRI DE URINÆ INCONTINENTIA.

Quondam etiam nimio præceps urina fluente  
Irrigat exuvias, obscænoque inficit imbri,  
Ergo cinis cornu cervini proderit haustus,  
Vel nepetæ ex vine tritum vel lacte capellæ.

**I**Ta quidem *Serenus Sam. cap. de vesica & urine vitis*; Sed Polyhistor *Plinius* aliud huic malo remedium opponit: Urina infantium (inquit *lib. 30. Nat. hist. cap. 13.*) cohibetur muribus elixis in cibo datis: Sed alter noster & Germaniæ *Plinius*, *Conrad Gesnerus* ex nescio qua *Sereni* editione in *hist. anim. vivipar. cap. de mure*, p. m. 721. paulò



paulò aliter licet in eundem finem subscribit, si urina præter voluntatem vel nimium fluat, cinis prodest (hausto nepetæ succo)

Ex vino muris tritus, vel lacte capellæ.

Quot aliàs passim præstent ad ejusmodi malum tollendum specifica remedia, jam inter omnes constat, & vel unica illa Nobilissimi nostri *Pegasii* observatio, *Anno Ephemerid. secundo* inserta, hujus rei testis, sat locuples. Ego ex antiquatis unum proferam novo schemate vestitum. Virgo quædam nubilis, constitutionis phlegmaticæ & vitæ sedentariæ ac diætæ minus convenienti dedita, ab ineunte ætate & jam adultior, urinæ incontinentiâ diu noctuque gravissimè affligitur, & licet variis remediorum generibus & inter illa suillo quoque pudendo variè præparato sæpè multumque uteretur, eoque nomine non tam ex mali contumaciâ, quàm florentis ætatis reverentiâ, pudore non levi suffusa, omnium mortalium opem imploraret, nullo tamen vel ex ipsa Epidaurò adscito medicamento citius & felicius convalescere potuit, quàm quod suggessit qñ. *ἄπο μηχανῆς* interveniens plebeia quædam, tædiosi affectus pertinacia & juvenulæ *ὑπερπερία* commota; En, inquit, faciliè te salvam dabo, sanamque, si obtemperaveris. Filius mihi erat, pergit *Thestylis*, 15. circiter annorum, quem cum fabro ferrario in disciplinam tradere vellem, sed incontinentiâ urinæ à puero ad illum usque diem efflictim laborantem, idque malum fabro indicarem, esto bono animo, inquit, facilius hunc tibi puerum curabo, quàm vulpes pyrum comest. Domi mihi nascitur præsentissimum remedium, musculis aliquot devoratis, immunis erit ab omni hâc spurcitie filius tuus. Dictum, factum. Virgo sanitatis cupidissima, omnes statim angulos perquirat, & inventis aliquot musculis eos in clibano prius exsiccatos ac pulverisatos audacter devorat ovo frixo inditos, & statim à gravissimo hoc malo liberatur, mensibusque qui in 18. ætatis annum usque substituerant, prorumpentibus inculpatâ postea fruitur valetudine, redeunte sensim faciei colore, qui antea pallidus fuerat vel luridus potius, florido vividoque.

Ex hâc historia noto

I. Plebeiorum remedia non semper esse contemnenda: *ἡ δὲ ἰδιωτέων ἰσογέειν, ἥντι δονέει ζυμώεσθιν*, præcipit *Cous*, noster inter  
O alia



alia Medico necessaria, quod eleganter reddidit Clarissimus *Hofferus* in *suo Hercule Medico* p. m. 77. Neminem pudeat, inquit, quantumvis literatum aliquid addiscere, quod ad artis suæ perfectionem & ornamentum spectat, sive illud ab anu septuagenaria, sive ab eruditissimo quoque suggestum, modò non sit superstitiosum, lege divina prohibitum, aut alia ratione insanum &c. Quale quid & hujus aniculæ erat, quæ pro qualibet dosi musculos num 3. sumere, idque ternâ vice certaque die repetere jubebat, quod tamen ægra una dosi malo hoc defuncta, neglexit.

Noto 2. Mures domesticos in statu adversæ valetudinis citra noxam assumi posse, cum panis, caseus, lardum & frumenta, ex iisque ferè optimum quodque ipsorum sint deliciæ; hinc de caseo fertur proverbium, omnium optimum esse, quem mus arrosarit & pinguescunt inde, ut nonnullis populis (ut incolis in Calecut) in cibum veniant, à felibus expetantur & felinam quoque carnem vescam reddant, quâ itidem avidè vescuntur Liburni, Hispani & Galli Narbonenses.

Noto 3. Mictionem plurimam parvæ quidem dejectionis causam esse, ex *Aphor. Hipp.* 83. §. 4. sed & tardantium mensium obicem non levem, ob crassitiem sanguinis vasorumque angustiam, humore seroso sanguinis vehiculo ad renes potissimum derivato, quod medicorum nostri seculi Corypheus *Sennertus* quoque inculcat l. 4. pr. p. m. 151. Cavendum (inquit) ne menses moventia in horum suppressione indiscriminatim usurpentur, nam cum multa ex iis sint, quæ urinam simul movent, exhibita intempestivè potiùs nocent.

(*Eliteris ad Collectores Ephem. d. 29. Septembr. Anno 1675. Vratislaviæ.*)

## OBSERVATIO LXXXIX.

L. CHRISTIANI FRIDERICI GARMANNI

RESPONSIO DE AQUA SUBMERSIS

Ad Præcel. Dn. D. Joelis Langelotti

Observationem 20.



Observationes à magnifico Dno Langelotto communicatæ, ut raræ sunt, ita illi soli, quos æquus amavit Jupiter, causas eruunt & dicent, non ego, meique similes, quibus ut circa ima subsista-



subsistamus subsellia, genius aures vellicat. Revocant namque nobis in memoriam, diu ventilatas quæstiones, an, & quàm diu homo sub aquis vivere possit? Quod ad primam, nemini ignotum est, quàm necessaria ad vitam tuendam sit respiratio, adeò ut *ἄλυστον* vitæ σημεῖον, vulgo reputetur, & ille apud *Plautum* (*Mil. glor. Act. 4. sc. 8.*) an viveret alter periculum facturus

Tentabat spiraret an non.

Cum autem commodum objectum & medium, quo reciprocantes respirationis motus, in-& exspiratio, contingant, sit aër, ob tenuitatem partim, partim ob occultum vitæ cibum, aut materiam subtilem Cartesianam, aut spiritum mundi decantatum, cujus vehiculum modernis Philosophis audit, quid ab aquâ sit expectandum in hoc negotio, cum primis si ad computum res deferatur, ubi proportio aëris ad aquam à *Boyleo* (*de vi aeris elast. Exp. 36. p. 255.*) qualis grani unius ad libram, seu unius ad 7500. & ultra, inventa, in proclivi erit colligere. Et quamvis aer & aqua quibusdam sint elementa symbolica, adeoque in se invicem transmutabilia, & aer sit aqua subtilis, si *Drebbelio* (*de nat. Elem. c. 9. p. 87.*) auscultemus, aut ex hypothesi Cartesianâ aer ex terrenis quibusvis & aquosis corporibus constare possit, aer etiam fit in & sub aquâ, & aqua in aere, prout experimento probavit *Barrrhus apud Tackium*, (*Phac. Phil. II. p. 236.*) aerque respiratione attractus, non ut elementum, sed elementatum, considerandus veniat; non tamen præcaveri potest, quin attractum in aquâ contentum aerem comitetur ipsa aqua, quæ in pulmonum cuniculatis partibus hærens motum earundem inhibeat gravitate, & tandem penitus cessare faciat. Quam ob causam si, necessitate adacti milites, in medias undas descendere, & ab uno fluminis latere ad aliud tendere conantur, cacabis aut loricis aquaticis, quales descriptas ac depictas dedit *Schottus* (*lib. 6. Techn. curios. c. 9. p. 393.*) se muniunt, in quibus aerem reconditum secum deferunt. Alium modum habet *Fluddus* (*utriusq. cosmi Hist. tr. 2. p. 6. l. 1. p. 419.*) quando per canalem aquæ innatantem purum aerem in undis ambulanti inspirare docuit. Non possum me continere, quin addam quædam de stupendâ illâ navi *Cornelii Drebbelii*, quâ *Jacobum Angliæ Regem* sub Thamesis undis in navi undique coopertâ convivio excepit. Navigium illud duodecim remiges, præter transfretandos, tulit. Per longum canalem, supra aquarum su-

O 2

perfici.



perficiem emergentem, aerem hausisse navis incolas suspicatur quidem *Harsdorfferus*; (*Tom. 2. Delic. Philos. Mathem. part. 13. propos. 8. p. 493.*) aliam tamen rationem ex *Digbeo* (*orat. de plant. veget.*) & *Boyleo* (*c. l. Ex- perim. 41. p. 320*) recitat *Exc. Tackius* (*Phas. Philos. III. p. 33.*) *Drebbeli- um* nempe, præter mechanicum navigii inventum, chymicum habuif- se liquorem, quem præcipuum inter submarinæ navigationis arcana duxit. Quotiescunque enim, pergit, puriorem aeris partem consum- tam, vel nimium respiratione depravatam, & eorum effluviis, qui na- vigarunt, saturatam animadvertit, recluso vase, illo liquore completo, derepente turbato aeri talem vitalium proportionem restituit, qualis efficere potuit, ut respirationi aliquandiu inserviret, an dissipando vel præcipitando crassas exhalationes, aliove intelligibili modo, jam non vacat in examen præferre.

Nec sub aquis diu & commodè nos respirare posse ipsa orga- norum respirationi, consecratorum diversa inculcat structura, ab eâ quæ piscium, & ἀμφότες ζῴων contigit machinis, unico namque cordis gaudent thalamo, pulmonibus omnimodè, aut veris sal- tem, destituta. Et si aer fumis & exhalationibus vini & cerevisiæ sa- turatus in momento strangulat pulmones, quid non aqua ipsa præ- stabit? Non negandum interim, quosdam per aliquod temporis spatium sub aquis vivos delituisse. Urinatores vocant, quorum hi- storix passim commemorantur. Ichthyophagos non secus ac marinas beluas nando in mari valere scripsit *Solin.* (*Polyhistor. c. 58.*) *Situ- ardu* è proceribus Norwegiæ natando sub aquis loricam. exuebat, deinde totus submersus, vestimentis etiam omnibus, ac tandem adhuc sub aquis degens, subuculâ, quæ extremum inter vestes lo- cum habet, teste *Kranzio* (*l. 5. Norvveg. c. 8.*) sese nudabat. De *Colano Alex. ab Alex.* (*lib. 2. Dier. Genial. c. 21. f. 91. a.*) & *Cardanus* (*l. II. de subtil. p. 635.*) Hos sub aquâ durare vel à peculiariter aptâ corporis fabricâ, vel exercitio, graduâli, benè monet *Boyle* (*defens. contra Fr. Lin. p. 147.*) Cælum hic quidam in scenam vo- cant, dum eos, qui sub piscis astro certo cursu stationibusque si- deribus constitutis editi essent, nando plurimum valuisse, & præ- cipuos natatu nonnulli tradunt. (*Alex. ab Alex. c. l. f. 90. b.*) Pul- monis amplitudinem allegat *Lemnius* (*lib. 2. de occ. nat. mir. c. 6. p. m. 260.*) & quo quisque hoc viscus habet amplissimum, multis- que



que foraminibus pervium, eo diutius anhelitum cohibere potest, fundoque longiori spatio inhærere. Sic enarrantem audiavi,; subjungit *Vesalium*, Maurum quendam urinatorem Ferrariam ex triremi adductum, qui unus longius producebat vocem, & continuo clamore absque respiratione insistebat diutius, quam quatuor robustissimi pugiles, idem rursus cohibito suppressoque spiritu ac naribus oreque occluso absque ullâ halitus animæque reductione cum illis certabat. Quo naturæ munere hoc erat consecutus, ut, semel atque iterum captus, elapsus sit, mergoque similis avi intima maris per semihoræ spatium penetrans, captivitatis jugum, morte acerbius, excusit.

Foramen ovale in fœtu in considerationem hic ut veniat meretur. Hoc aperto non opus est, ut sanguis per pulmones à dextro in sinistrum cordis circuletur ventriculum, tamque validus pulmonum ad respirationem motus non requiritur; sed nullus fere, & talis, quali fœtus utero adhuc conclusus debiliter, (liberè namque respiratio fieri, censente *Lowero tr. de corde c. 1. p. 54.* non potest) respirat (*Vid. Harv. de motu cord. Exerc. Anat. 1. c. 17. p. 153. & Exerc. 3. p. 272.*) Et quamvis tractu temporis foramen illud à propriâ valvulâ homine nato & liberius respirante (quod observavit *Kerkring spicil. Obs. anat. 94. p. 187.*) claudatur, & tandem obturetur; non incongruè tamen judicat *Thruston* (*Diatrib. de Respiratione §. 22. p. 91.*) dum inquit: An usu & consuetudine à teneris susceptâ fieri possit ut sanguis pro re natâ antiquas illas semitas repetat, mihi nondum compertum est. Quamvis illud fieri (sed rarissimè; *Pineus* ter observavit, semel *Riolanus*, non simplici vice *Bartholinus lib. 2. Anat. Reform. c. 8. p. m. 275.*) posse, urinatores & animalia quædam alia non contemnendo prorsus argumento sint. Aves proinde, quæ diu sub aquis morantur, per omnem vitari anastomoses vasorum cordis superstites habere testis est *Slegelius*, (*de motu sanguinis cap. 7. pag. 61.*) Accedunt porò in septo cordis observati (*Th. Bartholin. c. 2. H. 67. pag. 292. & Cent. 4. hist. 20. p. 166. Sachs. Olean. Macro-micr. §. 60. pag. 59.*) Hac solâ viâ, cordatè asserit iterum laudatus *Bartholinus* (*lib. 2. Anat. Ref. c. 7. p. m. 267.*) urinatores & suspensi aliquandiu vivunt & reviviscunt, motu pulmonum cessante. His quoque defectus lienis, docet *Alex. ab Alex. (c. l.)* multum profuisse creditur, nam quibus deesset lien, natatu plurimum valere contendunt.



dunt. Quod ad exercitium, si à primis annis urinandi tentetur & exerceatur studium, consuetudinem magni momenti futuram puto, quamvis & urinatores isti machinulas, aërem inclusum continentes secum portent, & spongas aliquas parvas oleo imbutas ore manducent. (*Conf. Boyle de vi aeris elast. Exper. 41. p. 326.*)

Quamdiu vero sub aquis vivi degere valeant, exactè definiri nequit. Quidam priusquam urinationi advesceret, absque respiratione spongiæque usu, vix per duo aut tria minuta circiter subsistere potuit, quod ex propria confessione annotat *Boylus Defens, contra Fr. Linum p. 146.*) In Indiâ urinatores margaritarum ostreis venandis intenti, per horam integram sub aquâ latitant. *Colanus* ille, cujus nuper mentionem feci, ternis aut quaternis horis teste *Cardano* (c. l. nisi erret vel imponat nobis *Cardanus*, addit, dum hæc allegat, *Boylus de vi aeris elastica Exper. 41. p. 331.* velut piscis sub aquis versabatur. Quod verò semimortui diuturniorem sub aquis moram trahere possint, ex transmissis *Nobiliss. Dn. Langelotti* observationibus patet, de hortulano, qui sedecim horas, & muliere, quæ tres dies sub aqua delituit, & tamen servata fuit. In undis submersi post octo & quadraginta horas revixere, retulit *Alex. Benedictus* (l. 10. de cur. morb. c. 9. p. 396.) Causas è suprà dictis quasdam hûc accommodari posse ut confido, ita conjecturâ rem breviter adhuc explicare tentabo. Qui improvise casu fluctibus merguntur, per terrefacti animi eclipsin incurrere possunt; inde sublata maximam partem respiratione, nec aqua in pulmones illabitur, & ita à suffocatione ad tempus præservantur. Probat id comprimis hortulani historia, qui à terrore & frigore ambiente rigidus, erecto stans corpore, fuit inventus. Nolim tamen ultra duos aut tres ad summum dies extendatur illa in aquis mora, cum facile spirituum totalis extinctio, & circulatorii sanguinis motus sublatio (quam nemo per naturam restituere valebit, *Thruston, c. l. f. 4. pag. 11.* subsequantur. Non igitur sine causâ fidem excedere scribis postremam illam de juvene, septimâ demum septimanâ, postquam submersus fuerat, invento & restituto narrationem. Rectè interim ex aquis extracti, pannis involuti, ad lentum ignem sensim refocillantur. Cum enim in his saltem tactu (tanquam reliquorum sensuum fundamento, sine quo vita constare, teste *Themistio* in l. 3. de anim. *Arist.* nequit) obscurè quamvis, vita persistat, ut exclamare cum Poëta liceat :

Tactus



Tactus enim tactus, proh divûm numina sancta,  
Corporis est sensus.

Quocirca ut ille restituatur, omnibus annitendum erit viribus. Calidâ proinde abluebant veteres cadavera, ut si forte spiritus vitales his inessent, caliditate animati in vitam redirent. Ferrum etiam adhibendum, erit candens, quo callidus ille Cyrenæorum Tyrannus, *Nicocrates*, quæ per portas cadavera efferebantur, cauterisare jussit, ne quis vivus elaboretur. Apoplecticorum vertici id etiam applicare svadet *Willis* (*Tr. de anim. brut. part. 2. c. 8. p. 372.*) & Hermetem ferro candente mortuum suscitasse, apud *Borrichium* legimus (*l. c. Hermet. c. 2, p. 29.*)

(*Per literas ad Collectores Ephem. mense Octobri  
Ann. 1675.*)

## OBSERVATIO XC. D. GOTTFREDI CHRISTIANI WINCLERI

### DE HÆMORRHAGIA NARIUM.

**D**Ecus illud Anglicum, inventionibus egregiis & scrutiniis naturæ latebrarum pollens *Cl. Harvey* in *Tr. de motu Cord. p. m. 48.* ita exclamat: *Ecce jam duo sunt genera mortis, extinctio ob defectum, & suffocatio ob copiam (scil. sanguinis in corde.)* Hujus defectus causa sæpissime existit hæmorrhagia enormis à quacunque parte proveniens. Quantum negotii frequentissimè Medicis in praxi faceffat hæmorrhagia narium, unicuique patet. Itaque medicinæ proceres egregiè defudant, remediis approbatissimis congruè huic resistere, & thesaurum vitæ sartum tectum conservare; & hoc non tantum seculis præteritis, sed & hoc nostro, & præcipuè in Collegio nostro Curiosorum. Videatur in *Anno I. Ephemerid. pulvis egregius Dn. D. Hertodii Obs. 24.* Inspiciatur decoctum præsentaneum in anno secundo *Dn. D. Volkameri Obs. 223.* considerentur experimenta ad astra ferenda *Dn. D. Bernhardi à Bernitz. Ann. secundo Obs. 52. & sequ. revolvantur, quæ Dn. D. Wedelius Anno II. Obs. 106. protulit; nec vitio vertetur, quòd meam hic spartam condecorando, ipsorum vestigia sequi & quicquid mihi in praxi meâ hoc in malo experiri contigerit, annexere hand pigeat.*

Domina quædam generoso stemmate nata, vidua, annorum



59. intermissa ætatis decrescens ratione, quâ assueta erat, venæ sectione, subito enormi sanguinis fluxu è naribus infestabatur. Sanguis non guttatim, sed quasi venâ tusâ confertim emanabat. Auxilium à me efflagitanti, à mitioribus incipiens, saltem ad inhibendum aliquo modo fluxum, præscripsi epithemata refrigerantia & repellentia pro fronte & collo, veruntamen fluxus concitator factus, ut priusquam redire potuerim, sanguis ad lb. vj. effluxerit. Chirurgus in propinquo habitans interim accersitus turundis, pulveribus sanguinem sistentibus imprægnatis, nares implevit. Me supervenientem ægrota anxie rogabat, ut removerentur, alias sibi suffocationis periculum imminere. Removi, actutum sanguis effluxit enormiter. Deliquia animi venæ sectionem dissuadebant. Itaque ventosam magnam prius hepatis regioni, mox & alteram nuchæ adhibeo, & confestim fluxus retractus & sublatus est. Non satis laudari potest harum usus, non enim saltem in hac dominâ id remedii genus proficuum expertus sum, sed etiam aliâ vice in fœmina, ubi nec V. S. sæpius iterata, nec sexcenta alia ab alio Medico adhibita, quicquam emolumenti adferrent, & omnia desperata & conclamata erant, quæ tamen ventosâ unica nuchæ apposita sanata est. Non ignoro, huic experimento opponi posse *Fabrit. Hildani Obs. 47. C. 2.* ubi inflammatio hepatis à ventosa ejus regioni apposita secuta. Sed ut in principio hæmorrhagiæ periculosum, ita in progressu, ubi magna sanguinis quantitas effluxerit, vel corpori venæ sectione prospectum sit, haud inflammatio metuenda, satis superque refrigerato hepate.

## OBSERVATIO XCI.

D. GOTTOFREDI CHRISTIANI WINCLERI

DE

VENÆ SUB LINGVA SECTIONE  
FVNESTA.

**C**elsus l. 2. c. 10. venæ sectionem æquâ lance pensitans, in hæc verba erumpit: *Sanguinem incisæ venæ mitti, novum non est, sed nullum penè morbum esse, in quo non mittatur, novum est.*

Aureum hoc dictum utinam in omnium medicorum museis & chirurgorum officinis seu potius ipsorum animis aureis & quidem majusculis literis inscriptum esset; Nullâ verò venæ sectione plus ac sæpius



sæpius peccatur, quàm eâ, quæ sub linguâ instituitur, ubi sæpè inconsulto Medico chirurgi solent revulsionem præpostero ordine parare à parte ignobili ad partem nobilem; ut sequenti observatione planum evadet.

Civis quidam Bregensis cum nuptiis privigni interesset, post horrorem febrilem erisypelate circa carpum manus dextræ affligebatur, quod susque deque habens potui cerevisiæ strenuè indulgit; inflammatur magis magisque brachium, imponunt repellentia & venæ sectionem sub linguâ instituunt. Delirium statim obortum, tandem Medicum requirunt, præscribuntur varia bezoardica, imponuntur evocantia & attemperantia, sed vires jam erant prostratæ, insaniebat semper, usque dum vitam cum morte commutaret.

## OBSERVATIO XCII.

D. GOTTOFREDI CHRISTIANI WINCLERI

DE

LINGVÆ SEMI-PARALYSI.

Jacobus Rolandus de Belebad, in *agglossographiâ*, optimè inter ea, quæ ad vocem & verba formanda requiruntur, recenset: Linguam integram, seque libere debitâ cum promptitudine & agilitate moventem ab unâ parte ad alteram. Quod videre licet in *Ann. 3. Ephem. p. 587*. Et sanè hæc frequentissima causa est imperfectæ sermonis pronuntiationis, quæ nisi nativa sit, interdum arte nostra corrigi potest, ut sequens exemplum demonstrabit.

Verbi divini Minister concionari amplius non potuit propter linguæ laxitatem seu semi-paralysin. Varia tam interna, quam externa in usum tracta, omnia incassum. Tandem hæc mixtura utramque paginam perfecit: Rec. *mithrid. 3j. extr. acor. ʒj. rad. aron. pulveris. ʒjj. esf. castor. g. vj. ol. carfune g. iiij. M.* Semper paratam habebat hanc mixturam & quando in concionando hæsitaret, & lingua non amplius verba justè exprimeret, ad mixturam confugiens illinebat citò in suggestu linguam & statim melius habebat, sermonemque sic absolvere poterat. Tandem à diuturno medicamenti usu lingua in totum restituta est, ut illo amplius non opus haberet. Prodromi erant apoplexiæ, quâ post annos aliquot tactus obiit.



## D. GOTTOFREDI CHRISTIANI WINCLERI

DE

## MANIA POST VARIOLAS.

**F** Abrit. Hildanus c. 6. Obs. 82. gravissima & horrenda recenset symptomata relicta post variolas, & præcipuè illos affligentia, qui non secundum artis methodum curati erant. Quod non mirum videtur; Si enim variolæ sint malignæ, natura vero in ejusmodi tenellis non robusta sit, & illa in expellendo medicamentis convenienter adjuvantibus destituatur, necessum est, ut crisis fiat imperfecta, & aliquid vitiosi remaneat. Quod si in partem nobilem feratur, gravia inducit symptomata & sæpius mortem ipsam, ut ex hac meâ observatione videre licet.

Lanii cujusdam filia, 3. annorum post variolas valdè malignas (etsi, nulla adhibita medicamenta) superatas in maniam incidebat, mordebat quando potuit, parentes & astantes, diris illos devovebat, in faciem expuebat, & ita furebat, ut vix in lecto detineri potuerit. Durabat id malum ad finem tertiæ septimanz, nihil interim de cibo aut medicamentis assumebat, præter unicum, quo delectabatur, julapium. Et in hoc statu mortua est.

## OBSERVATIO XCIV.

D. GOTTOFREDI CHRISTIANI  
WINCLERI

DE

## DOLORE BRACHII INTOLERABILI.

**S** nullus dolor molestus est certè scorbuticus superlativum gradum meretur; & id ratione salis scorbuticæ malignitate infecti & sæpè ad corrosivam qualitatem acrimoniâ suâ accedentis; quod interdum dolores ostocopos ferè venereis atrociores excitare solet. Cujus exemplum jam memoriam mihi refricat, quod tale est,

Aurifaber Bregensis scorbuticus in brachio dextro summo & lancinante afficiebatur dolore, qui totum occupabat brachium, ita ut illud ne minimâ quidem parte à corpore sine atrocissimo dolore dimovere, nec cibum capere, nec somno frui ullo momento posuerit.

Præscripti



Præscripsi varia purgantia, sudoriterà, epithemata quoque, nullo emolumento, tandem sequens sacculus adhibitus dolorem omnem sustulit. Rec. *milii non excort.* m. iij. *sal. comm.* mj. *fl. chamom.* herb. *absinth.* āā. *maj. furs.* trit. mij. calefiant in tigillo, indantur sacculo & imponantur calidè.

## OBSERVATIO XCV.

D. GOTTOFREDI CHRISTIANI  
WINCLERI

DE

## PHTHISIS CURATIONE.

**P**hthisis vocabulum etsi omni corporis consumptioni attribuatur, tamen in medicinæ castris in consuetudinem abiit, phthisin propriè appellari eam corporis extenuationem, quæ ab ulcere pulmonum originem trahit. Morbus sanè periculosus, non saltem quod medicamenta integris viribus ad partem affectam (nisi evaporationem excipias) non perveniant, sed etiam propter substantiam pulmonum ipsam. Cum enim ex Cl. Virorum, *Malpighii epistolis*, & eisdem præmissâ *Bartholini de pulmonum substantiâ & motu Diatribe* certò constet, substantiam pulmonum neutiquam esse carnosam, sed omnino membraneis constare vesiculis: membrana verò sit corpus spermaticum, quod absumptum non regeneratur, non mirum est, si id exulceratum & ab acrimoniâ puris erosum, haud facilè coalescat, præcipuè cum nulla fieri possit, ut in externis ulceribus, mundificatio & deligatio. Huc accedit consumptio totius corporis, quæ (si *Malpighio* credimus) inde proveniret, quod miscela sanguinis & chyli in pulmonum vesicularum cavernis (quem usum pulmonibus tribuit) turbetur, & sic corpus suo defraudetur alimento necessario. Etsi verò malum admodum periculosum sit, tamen si, ut puto, superficialiter & in parte superiore pulmonum læsio existat, interdum curationem recipit, ut sequenti observatione demonstrare lubet.

In præcedente observatione memorati viri uxor post hæmoptysin sæpius molestam, in phthisin incidebat adjunctâ hæctica. Expuebat tussiendo purulenta cruore tincta, aderat sudor colliquativus, respiratioque valde difficilis. Tamen unico hoc medicamento præter



spem & opinionem omnium DEO benedicente evasit. Rec. *rad. symph. maj. tussil. enul. mundat.* āā *ziiiij.* coq. in aq. f. f. q. ad mollit. Tunde & trajice per setaceum. Rec. *Passul. major. minor.* āā *℥ss.* coq. in brodio reliquo à radicibus & extrahatur pulpa eodem modo. Rec. *salv. acut. beton. hyssop. veron. heder. terr. pulmonar. macul.* āā. *mj.* coq. ad mollit. in brodio à passulis relicto. Rec. *decoct. colat. sach. canar.* ℥j. coq. ad consist. coletur. Add. *pulp. radicum & passul. amygd. d. exc. pinear. rec. probè pistar.* a. *ziiiij. cinam. zij. croc.* ʒj. M. F. l. a. elect. Eodem medicamento paucis mutatis filium meum 3. annorum, cui post petechias superatas vomicae in pulmonibus, quatuor vicibus collectae & ruptae, ita ut pus in magnâ copiâ, expectoraret, macie valdè confectum & calor ehectico consumtum, DEO sic annuente, feliciter restitui.

## OBSERVATIO XCVI.

D. GOTTOFREDI CHRISTIANI  
WINCLERI

DE

EPILEPSIA ET INSANIA AVENÆ SECTIONE  
SUB LINGUA.

**H**Aud incongrue loquitur Rozæ à Prachien in *Fragm. Spagyr. de Phleb. c. 2. p. 25.* Sanguis in venis & arteriis contentus, sive illic paucus sit sive multus, thesaurus tamen est tum vitæ tum mortis, & complectitur seminaria sanitatis & morborum. Ideo non potest vel debet à quolibet impune effundi, nec etiam ab aliis suaderi, quam qui seminaria & matrices morborum à nutritivis principiis discernere & separare sciverint, cum aque multa incommoda ac commoda derivari possint in hominem sine ratione ad phlebotomiam suadendam vel admittendam prorum. Ergo & Galenus & Avicenna quanto magis medendi artem exercuere, tanto semper timidiores erga phlebotomiam facti sunt, eò quod plus trahat phlebotomia ex naturali & bono & ex spiritibus, quam ipsa pharmaca; ut verbis utar Seileri l. de catarrh. Prima igitur in morbis curandis sit cautela: an vena secanda? sed cum hæc non sufficiat, altera adjungenda: quamnam vena eligenda? ubi multi perperam accipiunt sententiam Walæi, qui circulationi sanguinis



guinis insistens dicit: *nihil referre, quæ vena secetur, modo in superioribus superior, in inferioribus verò morbis inferior vena eligatur*, adeoque putant nihil discriminis esse in eligenda venâ. Sed Clariss. ille Vir hîc loquitur de venis communibus & usitatis, sc. in brachiis & pedibus, & tamen secundum morbi sedem venam eligit. Revulsionis enim omninò ratio habenda, cujus proprium in contrarium avertere, & à parte nobili in ignobilem, minimè verò contra. In observatione meâ superiori enarravi infelicem venæ sectionis sub linguâ eventum, ubi sc. ægrotus, mortis alumnus factus; Alteram de eadem materiâ proferre animus est, ubi quidam per venæ sectionem sub linguâ in fauces mortis quidem detrusus, sed tamen ex illis ereptus est. Civis quidam Bregensis pleuritide spuria cum febre malignâ laborans chirurgi opem implorat, qui nescio quale julapium ipsi præbet ac simul venas sub linguâ aperit. Ægrotus circa vesperam saltare prius, deinde irasci, omnia frangere & præsentem verberare incipit, ira percitus in epilepsiam satis gravem incidit, ita ut furor epilepsiam præcederet, & illius remissionem insania sequeretur. Accersitus invenio ipsum sub manibus duorum virorum robustorum, quorum tamen robur non sufficiens erat ad eum detinendum; truculentus erat, omnibus mortem minabatur: nihil de medicamentis assumebat, omnia respuebat. Adhuc duos (ut quatuor essent) viros robore pollentes nactus, ut in lecto prostratus jaceret, curavi. Præscripsi bezoardica cum antiepilepticis mixta, occasione invigilans, quando epilepsia remitteret, tunc enim os apertum manebat, ubi quantum cochlear unicum medicamenti caperet, saltem infundere potui. Cum parum in tam paucâ quantitate exhibitis hisce proficerem, sequens unicâ vice infundebam: *Rec. aqu. ceras. n. ziii. lap. bez. or. ver. ʒss. M.* Horis duabus elapsis remisit epilepsia cum furore, sed tamen inconvenientia loquebatur, delirio adhuc durante, neque vel preces vel pastorem vel me ferre potuit. De V. S. cogitavi, sed impossibile erat propter inquietudinem. Medicamenta tamen tandem admittebat, paululùm mansuetior factus, & post horam 10. vespertinam ad sanam rediit mentem. Dedi deinde antipleuritica, & paucis diebus ipsum annuente Divinâ gratiâ integræ sanitati restitui.



## OBSERVATIO XCVII.

D. GOTTOFREDI CHRISTIANI  
WINCLERI

DE

## OBSTRUCTIONIS ALVI CAUSA MIRA.

**M** Arcellus Donatus de med. hist. mirab. l. 5. c. 3. de mirabilibus carneis excrescentiis inquit: Non solum hujusmodi carnea excrescentia in partibus corporis nostri externis, verum etiam internis gigni posse, experimentum comprobatum est. Et exemplum refert ex Albucasi de excrescentiâ carneâ in cordis ventriculo sinistro; item ex Vesalio & Benivenio, & ex Fernelio in orificio ventriculi, In Anno secundo Ephem. Curios. Dn. D. Segerius attulit observationem de excrescentiâ ejusmodi in collo uteri. Dn. D. Kerkringius Observ. 56. meminit corporis glandulosi à foemina κατω rejecti, tres palmos longitudine, latitudine binos adæquans digitos, quod 7. pendebat uncias. Placet igitur his annectere historiam de ejusmodi excrescentiâ intestinis adnatâ: Mercatoris cujusdam filiulus annum agens secundum ab initio vitæ semper obstructionibus erat obnoxius, omnibus consuetis absque emolumento adhibitis. Tandem ex improvviso per secessum excrevit massam carneam instar renis vervecis, in cujus medio conspicuus erat locus, ubi intestinis adhæsit; quo loco autem, incognitum. Obstructionibus verò alvi amplius non infestabatur, quod manifestum reddebat, hanc excrescentiam carneam tantummodò illis causam præbuisse,

## OBSERVATIO XCVIII.

D. GOTTOFREDI CHRISTIANI  
WINCLERI

DE

## ULCERE IN MAXILLA.

**A** Ngelus Sala Anat. 8. P. 2. C. 4. p. 353. hæc de cerussa 8ij verba habet: Hoc pulvere non solum uti possumus extrinsecus in affectionibus nempe humani corporis externis, quarum curationes ad



ad chirurgiam pertinent, in quibus cerussa maximum usum habere consuevit: sed quod plus est, etiam intro assumi innoxie, imo cum maximâ utilitate potest: præsertim in curatione inveteratorum ulcerum, scabierum aut pustularum pertinacium, quæ ob maximam in corpore humano humiditatis copiam sanari non potuerunt. &c. Quantum cerussæ hujus usus extrinsecus emolumenti attulit, in Obs. 132. *Anni secundi Ephem. Curios.* mentionem feci; nunc verò quod etiam intrinsecus, & quidem secundum veritatem verborum authoris, egregium sit medicamentum, observatione sequenti demonstrabo.

Lanii cujusdam vidua Ulcus in maxillâ inferiore dextrâ exterius non procul à mento multis annis apertum habebat, quod etsi chirurgi varia adhibuerint remedia, tamen sanari non potuit. Dedi purgans & cerussam ꝑij cum conservis cephalicis in formâ electuarii exhibui, & brevi tempore ulcus absque externis medicamentis exsiccatum & perfanatum est.

## OBSERVATIO XCIX.

D. GOTTOFREDI CHRISTIANI  
WINCLERI

DE

DOLORE BRACHIORUM ET CRURUM CUM  
IMMOBILITATE.

**C**larissimus Mollenbroccius in præloquio Tractatus egregii de *Arthrit. vag. scorv.* dicit: *Eorum, qui scorbutum e numero morborum planè tollere & inter non-entia referre non erubescunt, contumaciam mirari nequeo.* Et hoc quidem haud sine causa, hoc enim malum tam familiare est, ut ille Medici nomen non mereatur, cui in praxi suâ negotium non fecerit. Etsi verò Protei instar mox hanc mox aliam figuram mentiatur, tamen ab exercitatis & diligentibus scrutatoribus agnoscitur, & idoneis remediis prosternitur. In nullis verò subjectis, ut in aliis, sic etiam in hoc morbo difficilior existit curatio, quàm in prægnantibus, de quâ religiosè institutâ sequens observatio testimonium exhibebit.

Tubicinis uxor gravida repente dolore brachiorum & crurum afficiebatur, non potuit se movere, sed quasi rigida fuit; Cum adhuc  
in pri-



in primis ingravidationis mensibus versaretur, non ausus sum venam tundere vel purgationem instituere, sed sudoriferis & antiscorbuticis appropriatis rem peregi. Cum verò sibi restituta videretur ex improvviso magnum sanguinis profluvium ex utero sive ipsius vaginâ potius obortum, ita ut abortus expectaretur; adhibui tam interna quàm externa corroborantia & astringentia. Inhibitus primo est fluxus ex parte, mox ex toto, ita ut justo tempore infans deinde natus sit. An ab antiscorbuticis, cum aperientia sint, apertio hæc venarum circa uterum ortum habuerit, dubius fui.

## OBSERVATIO C.

D. GOTTFREDI CHRISTIANI  
WINCLERI

DE

ΠΑΙΔΑΡΘΡΟΚΑΚΗ.

**D**iogenianus, octavi apud *Plutarchum* symposii conviva, ait: *Aliqui naturam parere morbos novos aque ac monstra censent. Monstra vero monstrant, inquit Weinrichius de monstr. c. 3. p. 18.* Morbi autem novi monstrant, se peccatorum novorum nova esse flagella. *Corn. Celsus in Præfat. post med.* morbum novum affert, sc. ubi carne ex partibus naturalibus prolapsa, æger paucarum horarum spatio è vivis sublatus sit. Videatur Paraphrasis super hunc locum *Zac. Lusit. Hist. Princ. Med. L. 6. p. 919.* Placet novum hoc seculo exortum & à magno illo Neapolitano Chirurgo & Medico, *Marco Aurelio Severino* primo delineatum morbum & quidem à me, divina annuente gratiâ, feliciter curatum, theatro Curiosorum sistere, qui satis congruè à prædicto Authore *παρδαρθεγνάκη* appellatur, & non saltem carnem, sed & ipsa ossa exedere solet.

Puella quædam 10. annorum post variolas tam in brachiis & manibus, quàm pedibus circa articulos tumoribus infestabatur duris, ægrè ad suppurationem pervenientibus, alii aperti erant, alii non, ex apertis ichor saltem effluebat tenuis, rariùs aliquid puris. Dedi decoctum ex *rad. chinæ & sarsaparillæ*, admistis herbis spleneticis & hepaticis, imò & purgantibus, mihi ad mundificationem sanguinis familiare. Jussi, ut ulcera *aqua c alc. viv.* eluerentur & turundæ illinerentur sequenti unguen-



unguento: Rec. *unguent. diapomphol.* ʒʒ. *sach. saturn.* ʒj. M. tegerentur  
deinde *emplastro gryseo.* Ad tumores duros relictos tandem præscripti  
*empl. diaphoret. Mynsicht.* Ita in integrum restituta est.

## OBSERVATIO CI.

D. GOTTOFREDI CHRISTIANI  
WINCLERI

DE

## NODO CALLOSO.

**I**N observationis 326. *Scholio Ann. 3. Ephemer. Curiosar.* egi de gangli-  
is, illa distinguendo ab exostosi & nodis callofis, experimentum ad-  
didi ad ganglia, nunc aliud communicabo ad nodos callosos à cau-  
sâ externâ ortos, quorum etiam mentionem facit *M. Aurel. Severinus*  
*de Abscess. anomal. c. 18.* Illustris quidam Baro equos suos in stabula la-  
pillis strato visitans cecidit, genu allidens, dolorem sensit sub patellâ,  
paulò post verò excrescentiam quandam callosam. Chirurgorum o-  
perâ ususe est per aliquod temporis spatium. Cum tumor nihil immi-  
nueretur, ad me confugientem sequenti emplastro brevî temporis spa-  
tio persanavi. Rec. *empl. diaphor. Myns. de ammon. For. āā. ʒj. ol. ʒ. Qt.*  
*nigr. ʒj. M.* Sæpius tumores duros ad maturationem non aptos hoc em-  
plastro discussi.

## OBSERVATIO CII.

D. GOTTOFREDI CHRISTIANI  
VWINCLERI

DE

## CALCULO VESICÆ.

**C**hristophorus Guarinonius *cons. 300. p. 311. ait: Medicamentis vix*  
*visum est lapidem (de vesicæ calculo ipsi sermo est) solidum*  
*disruptum.* Etsi vero cum illo quamplurimi de curatione de-  
sperant, ideo quod via ad vesicam sit longinqua, & interna me-  
dicamenta plerumque vires perdant, priusquam ad vesicam perveni-  
ant, tamen cum exempla non desint eorum, qui feliciter absque se-  
ctione curati, si morbus det inducias, experimenta approbata o-  
mninò in usum trahenda existimo. Videatur in *Ann. 2. Ephemer. Cu-*

Q

riosar.



*riosar. Obs. 124. Dn. D. Clozii & 220. Dn. D. Reiseli*, qui pulveris seminis alicujus mentionem facit, qui in deplorato & jamjam sectioni destinato calculum comminuit & expulit. Hoc in memoriam mihi revocavit, me aliquando mensæ Principis assidentem ab Illustrissimo Comite quodam audivisse, parentem ipsius à calculo renum, aliis incassum exhibitis, pulvere *sem. Bardane* liberatum esse. Qui procul dubio in calculo vesicæ etiam conduceret. Pulvis compositus feliciter exhibitus annotatus est in *cista medicâ Hornungi Ep. 273. p. 484.* Ad dam itaque experimentum proprium.

Ipse enim puero duodecim annorum calculum vesicæ comminui & frustulatim expuli unico hoc medicamento: Rec. *sem. viol. purp.* ʒʒ.  $\Delta$ . *fragar. ononid. alkekeng. ãã* q. s. F. l. a. Emuls. add. *asell. ppt.* ʒj. *sangu. hirc. ppt.* ʒʒ. *sp. lithontrib.* ʒj. *sp. terebinth.* ʒʒ. M. Dentur sæpius cochlearia duo. Frustula excrevit satis magna & ad nigredinem vergentia, ita ut cortex unus alteri superductus videretur.

## OBSERVATIO CIII.

D. GOTTFREDI CHRISTIANI WINCLERI

DE

PHTHISI EX FLUORE ALBO LETHALI.

**I**N Anno secundo *Ephemeridum Curiosarum* in Scholio *Obs. 26.* mentio facta est illustrissimæ personæ, quæ phthisi mortua est: cum verò brevibus id saltem factum, ego autem ipsius curæ à principio ad finem usque præfuerim, & omnia symptomata accuratè annotaverim, paullo prolixius morbum istum describam.

Persona ista erat ætatis XXV. annorum, constitutionis calidæ & siccæ, dum virgo adhuc esset, sæpius & singulis, dum haberentur, diebus comedere solebat fructus 4. melonum integros, superbibens aquam fontanam frigidam, balnea in aquâ frigidâ nocturno tempore instituit & sic per pravam diætam humores peccantes cumulavit; unde post matrimonium contractum, mutato aere & vitâ coelibe abscessus sub axillâ dextrâ prodiit, qui apertus, mundificatus & sanatus est. Postmodum scabie sicca laborare cœpit, adjuncto fluore muliebri, sive fluxu albo. Cum itaque horum malorum pertæsa, & simul prolis habenda amore arderet, nescio an pudoris causa quod Medicis ea revelare noluerit,



noluerit, vel potius ab aliis persuasa, curæ medicastræ nefandæ se concedidit. Quæ adhibitis balneis astringentibus è vitriolo, alumine &c. repulit humores peccantes per fluxum album & scabiem excretos, qui regurgitantes ad superiora tertio statim die scrophulas in collo ab utroque latere magnas parvis subsequenter produxerunt. Hinc tussis valida oborta, materiâ sc. acri & crassa ad pulmones delatâ, qui illâ infarcti tandem putredine affecti & exulcerati, unde febris putrida cum hecticâ accessit, viresque magis magisque deiecit. Expectorationes erant purulentæ cum sanguine mixtæ, ita ut consummata inde phthisis, quicquid de pretiosissimis medicamentis ex consiliis præcipuorum Medicorum adhibitum, sequeretur, cui propter nimium potum (propter calorem p. n.) etiam hydrops conjungebatur, & tandem mors placida sequebatur; cum per sesquiannum cum hisce malis conflictata esset. Ubi & hoc notandum duxi, quod *Hipp. l. 5. aph. 12.* dicat: *Quibuscunq; tabidis è capite unâ capilli defluunt, ii diarrhœ à superveniente moriuntur.* Hæc vero persona illustris præsentis capillorum defluvio sæpius vexabatur diarrhœâ & quidem satis enormi, dejiciens semper serum multa bile tinctum, ita ut prima vice terrorem omnibus incuteret, & mors, propter vires debilitatas, expectaretur. Sed exhibitis remediis confortantibus pretiosissimis & hæc & aliis vicibus ab eâ evasit, ita ut recuperatis viribus eam ipsi emolumento fuisse animadvertere licuerit. Itaque oraculum Hippocratis intelligendum est de ea diarrhœâ, quæ è summâ naturæ debilitate & retentricis relaxatione, non verò ab expultricis robore originem ducit.

## OBSERVATIO CIV.

D. GOTTOFREDI CHRISTIANI WINCLERI

DE

LUMBRICO LATO.

**I**N Annum 3. *Ephemerid. Observ. 229.* Dn. D. Scholtzius inseruit exemplum egregium de lumbricis latis, non unicuique in praxi obvium. Præter Authores, quos ille introducit de hæc materia scribentes, invenio *Drawitzius*, qui p. 126. chalapium pro peculiari



culiari antidoto summopere commendat. Quid mihi acciderit, & quidem ex improvise, enarrare animus est.

Puella 15. circiter annorum laboravit duplici tertiana, quæ ipsius vires valde deiciebat. Dedi purgans: *Rec. spec. diaturb. c. rh. 3ß. cryst. ꝑ. gr. vij. pulv. chalap. 3ß. M. F. pul.* Dejecit sæpius & tandem cum fæcibus lumbricos latos ad 9. ulnas cohærentes. Febris statim cessabat. Dedi, si quid reliquum, sequentem pulverem, quotidie ad 3ß. *Rec. Sem. sant. 3j. hyper. citr. āā. 3j. rad. filic. Fl. tanac. āā. 3j. ꝑ. l. calc. C. C. ust. preparat. āā. 3ß. M. F. pulv.* Et in integrum restituta est. Alia vice Pastor quidam exul attulit mihi in vitro ejusmodi lumbricum ulnas circiter 6. longum, quem uxor ipsius excrevit. Sed cum malè se non haberet, ordinavi, si quid superesset, allium in lacte coctum. Et amplius nihil animadvertibat.

## OBSERVATIO C V.

D. GOTTOFREDI CHRISTIANI WINCLERI

DE

## SPASMI CURATIONE.

**V**eteres duas saltè admiserunt spasmi causas, sc. repletionem, & inanitionem, & quidem authoritate *Hippocratis l. 6. Aph. 39.* Sed ipse *Sennertus l. 1. p. 2. c. 28. quæst. 1. Prax. p. 586.* tertiam addere haud dubitat, scil. irritationem, adducens authoritatem *Hippocratis Aphor. 1. L. 5.* Impugnat hanc doctrinam de repletionem & inanitione *Clariss. Willis, Pathol. Cerebr. p. 6. & seq.* & quia in anasarca & tabe convulsiones non excitantur, rejicere conatur hasce causas; nec irritatione contentus altiores causas indagare satagit. Spasmi sequentis causam ad inanitionem referri posse, facile concedo. Si verò alicui placuerit eam ad irritationem ab acredine & falsedine feri reducere, nec cum illo litigabo. Observatio verò talis est.

Anno 1667. vocatus sum ad acicularum fabricatorem, adveniens inveni hominè ambulanti celeri gradu per hypocaustum, spasmo pedes, manus imò cervicem convellente, ita ut propter doloris acerbicem jacere vel sedere non potuerit, nervi in cruribus retrahebantur, ut foreæ fierent pugni profunditate. De causâ sollicitus, inquirenti dixit: se diarrhœa laborare & sæpius alvum exonerasse, materia excreta erat



ta erat serum biliosum, ultimò sanguine tinctum. Ego *Aph. 4. S. 5.* considerans & epilepsiam metuens, cum periculum in morâ erat, neglectis abstergentibus ad constipantia & confortantia properans, sequens præscripsi. Rec. *conf. ros. antiq. ʒj. torment. ʒß. primul. ver. lil. conv. āā. ʒij. cort. aur. citr. cond. āā. ʒj. nuc. mosch. cond. ʒß. carn. cydon. cond. ʒij. decoct. ras. C. C. q. s. F. l. a. contusum. col. add. conf. Alkerm. de byacinth. āā. ʒj. corall. r. ppt. ʒß. terr. sig. bol. armen. ppt. āā. ʒj. sir. mastich. menth. corall. āā. ʒß. M. dos. ʒij. & quidem sæpius.* Hisce usurpatis hâc ipsa die à spasmo immunis evadebat. Sed vires valde labefactatæ erant, cum diarrhœa non totaliter sublata esset. Itaque sequens ordinavi. Rec. *conf. ros. antiq. torment. āā. ʒj. rad. symphyt. maj. cond. cort. aur. citr. cond. āā. ʒiij. terr. sig. ppt. corall. r. ppt. bol. arm. ppt. āā. ʒj. Cum sir. cydon. q. s. F. l. a. elect. Cum verò artus valdè dolerent, nervis scil. à spasmo distensis, hoc oleum ordinavi. Rec. ol. lumbr. terr. vulpin. lil. alb. āā. ʒß. castor. ʒß. M. Illinantur nervi ubique. Pro viribus refocillandis dedi sæpius cochlear unum vel alterum sequentis aquæ. Rec. *aq. cord. citr. cord. cerv. fr. āā ʒij. cinam. cyd. ʒß. spir. ceras. n. ʒiij. M. Cum tandem attritione ventriculi laboraret, hæc mistura profuit. Rec. ∇. menth. ʒiij. zedoar. ʒß. galang. cubeb. āā ʒij. sp. absinth. ʒj. mist. s. ʒß. eleosach. anis. fenic. āā ʒj. M. Et sequenti oleo ventriculi regio inuncta. Rec. ol. nardin. ʒj. mastich. menth. āā ʒß. absinth. dest. g. v. M. Et sic præter spem multorum convaluit.**

## OBSERVATIO CVI.

D. GOTTOFREDI CHRISTIANI WINCLERI

DE

HYDROPE A VULNERE EPATIS EJUSQUE

CURATIONE.

**E**Gregiam observationem annotavit Exc. Bartholinus c. 2. Ep. 73. de hepate suppurato; ubi à stylo profundius in ulcus demisso, multum aquæ citrinæ effluxit certo signo incipientis hydropis. Hepate enim læso plerumque hydrops subsequitur, & quidem propterea, quod hepar quasi sanguinis colatorium, quo obstructo vel debilitato necessum est, ut segreganda à massâ sanguinea remaneant in corpore. Audiatur hujus exemplum haud contemnendum.



Fuit apud nos locumtenens, qui sclopeto vulneratus erat glan-  
de in ipsa hepatis substantia delitescente, cum foramine parvo, è quo  
sæpè parum puris effluebat, exterius relicto. Ille ne emplastro qui-  
dem locum munivit, ideo sæpius cuticula oblitterabatur foramen.  
Quod cum factum esset aliquo temporis spatio præterlapso materiâ  
purulentâ coacervatâ dolorem sensit, sed acu saltem apprehensâ, ut  
ipse vidi, cuticulam aperuit, ubi pure evacuato, dolor extemplò eva-  
nuit. Consului, ut instrumentum sive canalem aureum sibi compa-  
raret, quo foramen apertum servaretur, sed ille hoc contemnens ob-  
temperare noluit. Accessit verò hydrops ascites, quo totum corpus  
valde intumuit. Præscripsi hunc nodulum. Rec. rad. ireos nostr. ʒij. fœn.  
cich. āā ʒj. herb. chamædr. fumar. agrimon. capill. ♀. hepat. āā Mß. Fl.  
acac. persic. āā ʒij. sp. aperit. fol. sen. s. s. āā ʒvj. rhabarb. ʒij. turp. alb.  
gumm. ʒvj. rad. mechoac. chalap. āā ʒij. sem. cartham. cont. ʒij. anis. ʒj.  
galang. ʒij. cort. aur. ʒß. ☉. ♀. ʒj. incis. contus. commixt. lig. in no-  
dulo. De quo vinum infusum bibens quotidie, optimæ sanitati resti-  
tutus est.

## OBSERVATIO CVII.

## D. GOTTFREDI CHRISTIANI WINCLERI

DE

## EPILEPSIA A LAPSU CURATA.

**A** Casu epilepsiam ortam cum rarioribus symptomatibus referet  
Dn. D. Schubart, Collega charissimus. Sed unde hæc orta sint  
symptomata, tam principium, quam solutio morbi ostendunt.

Nam V. S. à principio intermissa, & sanguini affluxus liber ita  
permisus; in fine & solutione morbi videmus materiam peccantem,  
à sanguine concreto collectam, rejectam esse. Et ita sæpius errores  
committuntur, ob non accersitum à principio medicum. Afferam si-  
mile exemplum, ubi à principio rectâ methodo curâ institutâ, pessima  
symptomata facile manus victas præbuere.

Ancilla quædam spiritu vini onusta cecidit in glacie alliso admo-  
dum capite, attonita jacebat cum obmutescentiâ, usu oculorum & au-  
rium privata, ita ut quasi mortua domum portaretur. Cum chirurgo  
adveniens, exploravimus, an aliquid fractum esset vel in capite vel a-  
liis partibus, at nihil animadvertere potuimus. Mox nobis præsentibus

epile-



epilepsiâ corripitur, præcedente anxietate & angustia pectoris. A paroxysmo liberata, V. S. instituo in brachio dextro, & rediit ad se, remittente simul pectoris angustia. Dedi duabus vicibus pulverem contra casum, & capiti dolenti fotum è cephalicis adhibui, sic paucis diebus convaluit.

## OBSERVATIO CVIII.

D. GOTTOFREDI CHRISTIANI WINCLERI

DE

RATIOCINATIONIS DEPRAVATIONE A VARIOLIS,

SUBSEQUENTE παλαεθρεγκάνη.

**A**mplissimus Academiae nostræ Præses, Anno 3. Ephem. Obs. 51. p. 86. egregiam historiam tradidit, de puero post febrim malignam & bulimiam superatam delirio affecto, & verba quærentis semper repetente, quod sanè ut rarum, sic quodammodo ridiculum. Ejusmodi cura etiam mihi contigit, in puero ejusdem ætatis, ubi tamen morbus in pædarthrocacen convertebatur, quam mors excipiebat. Ita ut recte Hippocrates: nil parvum, nil contemnias. Ita verò habet.

Civis cujusdam Bregensis filius variolis nigredine tinctis periculosissimis laborabat, cum vita vix servata & variolæ jam perfanatæ essent, non potuit ad quæsitæ respondere, repetebat enim semper quæstionem iisdem verbis. Dixi id à reliquiis malignitatis & fermentatione humorum inde excitata provenire, & naturam jam viribus restitutis malum ad articulos & juncturas propulsuram prædixi. Instituta itaque purgatione præscripsi  $\Theta$  c. c. vol. sæpius cum aq. card. ben. usurpandum, ad materiæ peccantis dissectionem. Sed pater ipsius, ut est vir morosus, obtemperare noluit & neglexit omnia. Brevi post sublato delirio materia, ut prædixeram, ad articulos delata παλαεθρεγκάνη procreavit, quæ non saltem manus & pedes, sed etiam spinam dorsi invasit, ita ut post multos & diuturnos dolores defatigatus fatis cedere coactus fuerit.

## OBSERVATIO CIX.

D. GOTTOFREDI CHRISTIANI WINCLERI

DE

CALCULO RENUM,

Ferne



**F**Ernelius l. 6. c. 13. de part. morb. & sympt. gloriatur, se novam comperisse causam vesicæ calculi, scil. unumquemque calculum vesicæ trahere rudimentum è renibus, quod in vesicâ persistens allatarum sordium adhæsu coagmentetur, dum verus, confirmatusque lapis fiat. Quod probare conatur, quia in omnibus vesicæ calculis in medio nucleum quasi invenerit. Hoc universaliter à veritatis semitâ quidem abhorret, cum etiam pueri, qui rarissimè calculo renum laborant, vesicas habeant sabulo & calculis scatentes, sed tamen in adultis si non semper, tamen plerumque vel ad minimum aliquando hoc accidere, sequenti observatione demonstrabo.

Civis Bregensis conquerebatur de dolore dorsi è regione renum, vomuit, urinæ retentio aderat, & difficulter nec sine dolore aliquid ejus excernere potuit. Adhibui enemata, dedi lithontriptica varia, balnea & fomentationes institui. Dolorum quidem acerbitas mitigabatur, & sentiebat calculum magis magisque descendere, permansit tamen in uretere per octiduum & eò diutius. Deinde ex improvviso omnes dolores evanescere, urina liberè fluebat, appetitus rediit, sed nullus excernebatur calculus, ita ut dubium nobis esset, an unquam calculus adfuisset, sed signorum syndromen animi trutinâ ponderans, & quod ante aliquot annos etiam calculum excrevisset, calculum adhuc latere firmiter persuasus sum. Quid sit, per 10. dies integrâ fruitur sanitate, deinde subito recrudescit dolor cum ischuriâ, dedi diureticum cum lithontripticis, & excrevit tum demum calculum magnitudine fabæ. Qui procul dubio tam diu hospes fuit in vesicâ. Idem ante biennium dolore nephritico affligebatur, descendebat calculus in vesicam, ubi adhuc latet, & interdum liberum transitum urinæ impedit; cum verò id sine dolore fiat, medicinam non admittit, etsi ipsi prædixerim, calculum quotidie augmentum capturum & olim ipsi mortis causam præbiturum.

## OBSERVATIO CX.

D. GOTTOFREDI CHRISTIANI WINCLERI

DE

SURDITATE POST FEBREM MALIGNAM.



**T** *Honnerus p. 117. Obs.* gloriatur, se Ecclesiasten ex febre continuâ per metastasin materiæ, auditus difficultate laborantem sola *∇. Anhaltinâ* cum bombace auribus immisâ, curasse. De successu etiam haud dubito, si materia non sit copiosa & potius vaporosa, quam insigni tenacitate & crassitie pollens. Si enim hâc consistentia prædita nervum auditorium occupet & a calore p. n. induretur, haud ita facile tollitur, sed Medico multum negotii facit, ut sequenti observatione patebit.

Præfectus quidam aliquot pagorum laborabat febre continua malignâ cum pleuritide spuria, quibus idoneis remediis sublati, febris lenta cum totali auditus abolitione sequebatur, ita ut maximos clamores & penetrantissimos sonitus ne minimâ quidem parte perciperet. Crisin hanc esse imperfectam sive metastasin materiæ, nullus dubitavi. Cum vero de cephalalgia & dolore aurium simul conquereretur, abscessus futuros existimavi & discutientia dolores mitigantibus additis applicavi. Quibus quidem dolores evanescere, sed surditas perseverabat cum febricula lentâ. Corpus purgavi decenter alterantibus subsequenter. Febris cessabat, omnia munia exequi potuit, sanus alioqui præter auditum. Fetus applicavimus, cucurbitulas dorso & brachiis affiximus, caput decoctis herbarum lavavimus; aurium cavitati aquam Anhaltinam & alia discutientia indidimus, & sexcenta alia tentavimus omnia sine levamine.

Tandem fumum tabaci ordinavimus & cucurbitulas post aures affiximus, quibus tandem perfectæ sanitati restitutus est.

## OBSERVATIO CXI.

D. GOTTOFREDI CHRISTIANI WINCLERI

DE

PETECHIIS CUM MACULIS VELUTI INUSTIS.

**A**lbertus Magnus de animal. l. 7. c. 5. ait: Venenum aliud est calidum, aliud frigidum: calidum quasi comburendo interficit. & cito quasi adustum reddit locum morsus &c. Quod ut verum, sic non mirum a venenis, extrinsecus advenientibus id fieri, sed ejusmodi humores cauterizantes etiam in corpore humano generari vel ita corrumpi posse, ut in vim causticam abeant,

R

miratus



miratu dignum mihi videtur. Interim tamen hoc à semitâ veritatis non alienum esse, testis est *Hippocrates l. 1. Epid. s. 3. agr. 9.* ubi Critoni pustulæ nigræ ante obitum obortæ, quod & sequens observatio in apri- cum deducet.

Scriba ministri aulici petechiis laborabat satis periculosè. Con- traxit malum per contagium à milite in eadem domo petechiis sublato. Petechiis verò medicamentis appropriatis expulsis apparuere simul paulò supra anum maculæ duæ nigerrimæ, quasi cauterio inustæ essent, & eschara relictæ, magnitudine grossi argentei magni. Et tamen e- vasit. Humores cauterizantes in illum locum expulsos fuisse neces- sum existimo.

## OBSERVATIO CXII.

D. GOTTOFREDI CHRISTIANI  
WINCLERI

DE

## ISCHURIA UNDECIM DIERUM CURATA.

**N**ulla est regula, quæ non patiatur exceptionem. *Salinus* enim putat, si ischuriâ laborantes intra septem dies non mingant, eos inevitabiliter perire, nec posse evitare mortem, etiam remotâ causâ & lotio provocato, ob accensam febrim. Cui consentit *Sennertus l. 3. p. 8. s. 2. c. 2.* inquiens: interdum quoque sanguis corrumpitur, & humores putrescunt, unde febres accenduntur, & nisi ante septimum diem mingant, pereunt. *Etsi enim postea urina profluat, tamen ob febrim moriuntur.* *Forestus* verò *l. 24. Obs. 29. in scholio* hoc falsum esse dicit, & *Jachini* testimonium adducit eorum, qui ad 17. pervenerunt, & sani evaserunt. *Hæchstetterus* quidem *p. 2. dec. 5. cas. 10. in schol. p. 431.* distinguunt inter ischuriam veram, quæ fit vesicâ repletâ, & spuriam, quæ ipsâ vacuâ existit. *In Anno secundo Ephem.* tria de hâc materiâ commu- nicatâ sunt exempla, quorum primum *in observatione 23. p. 39.* exstat, ubi ischuria spuria affectus 15. diem supervixit & tandem mortuus est. *Secundum observ. 30. p. 57.* inveniendum; ubi die 12. cum omnia despe- rata essent, calculo excreto urina profluxit & ægra sanata est. *Terti- um observ. 176. annotatum,* quæ ischuria fuit vera, & æger 22. diem su- pervixit & sanatus est. Impossibile esse puto ægrum tanto temporis spa-  
tio



tio vitam producere posse, nisi materia serosa aliorum convertatur & quoad partem excernatur; ut etiam eruditè à Clar. Dn. D. Camerario in ultimâ citatâ observatione annotatum est, quod pars feri per unam atque alteram sedem quotidie abierit. Labet casum annectere, quem mihi videre contigit.

Anno 1672. die 20. Martii misit ad me vir, officio aulico fungens, conquerens se præcedente die vesperi nauseam & vomitum passum, dolorem in dorso sensisse, urinam emisisse, sed post illam nihil ejus amplius excernere posse. Præscripsi ipsi potiunculam lithontripticam, sed nihil levaminis sentiens, me accersivit. Adveniens invenio ipsum absque doloribus, sine nausæa, saltem de urinae retentione conquerentem. Nihilominus de calculo mihi erat suspicio, cum è regione, renum gravitatem quandam sentiret. Enema præscripsi & lithontripticis perseveravi. Die 22. dicti mensis fortioribus calculum aggressus sum & unguentum pro dorso ordinavi. Cum etiam sitis molesta esset, & febris jam accenderetur, julapium ambabus satisfaciens indicationibus, scil. calculum propellendo & febre resistendo, dedi; sed sine effectu. Die 23. *terebinth.* ʒiij exhibui, à quâ alvus aliquoties soluta, sed urinae vix cochlear unum effluxit. Etsi vero vesicam vacuum esse tactu percipere potuerim, tamen ne quid intentatum relinquerem chirurgum accersivi & primo cereo, deinde cathetere vesicam exploravi; nihil vero effluxit præter parum sanguinis. Die sequente, qui erat 24. d. m. cum febris augetur, vena in brachio secta, emulsio diuretica, cataplasma & unguentum tum pro dorso, tum lateribus & pube præscriptum. Die 25. 26. 27. varia diuretica & lithontriptica usurpata, & cum calculus in dubium ab ipsis Collegis vocaretur, & de renum inflammatione suspicio haud parva adesset, etiam venas in pedibus circa talos aperuimus. Exhibita itidem sunt diebus sequentibus alia, quibus affectus hic alias feliciter superatur; sed frustra. Tandem die 30. qui erat morbi undecimus, subito æger calculos duos semine ricini, quod referebant, paullo minores cum urinae mensuris circiter octo excrevit; remittente febre, sanitateque optatâ redeunte.

Quem vero casus sæpè transit, tandem aliquando invenit. Vix enim annus elapsus est integer, cum in eosdem vir hicce scopulos impingens, ischuriâ denuò correptus est, quâ etiam die 13. frustra adhibitis quibuscunque artis remediis è vivis sublatus &c.



OBSERVATIO CXIII.  
D. GOTTOFREDI CHRISTIANI  
WINCLERI

DE  
VOMITU SANGUINIS ENORMI.

**A** Vicenna fen. 10. l. 3. tr. 3. c. 4. non omne sanguinis sputum timorofum esse dicit, cum aliquod sit causa sanitatis apostematis in splene, quum videlicet natura se se deonerante expellitur. Et Rhafis l. 9. tr. 2. c. 2. refert exemplum mulieris spleneticae, quae sanguinis vomitu à morbo liberabatur. Cum verò sanguis sit vitae thesaurus, ut vocatur à Mesue l. 1. de remed. theorem. 1. c. 2. ex quacunque parte nimis copiosè effundatur, periculo haud vacat. Videantur exempla mortuorum hanc de causâ in Obs. 314. Anni 3. Ephem. & in scholio ejusdem. De successu curæ felicioris hanc observationem accipite. Anno 1672. mense Majo ancilla viri alicujus è ministris aulicis, annorum viginti & aliquot, coepit sentire inflationes & punctiones in hypochondrio sinistro. Illa V. S. assueta Medico inconsulto sibi venam in brachio sinistro tundi curavit; sed nihil alleviationis exinde percepit. Die 12. dicti mensis malum valdè ingravescebat majores & acutiores dolores & angustias excitabat. Die sequente sc. 13. natura irritata coepit per vomitum ejicere sanguinis nigri & maximâ parte grumosi, floridi tamen admisti ad lb̄ v. Ne itaque natura admodum irritata in excernendo nimium faceret, illam paulatim retrahere, ebullitionem compescere, & motum hunc aliqua ex parte sistere, necessarium duxi; memor Aphorismi Hipp. 37. l. 7. eos frigidis & adstringentibus curari debere. Præscripsi sequens: Rec. ▽ burs. past. plantag. āā. ℥ij. oxymell. scyll. ℥ij. sp. Ⓞl. g. vj. M. detur cochlear unum atque alterum per intervalla. Remisit vomitus. Sequenti die sc. 14. d. m. ad aperiendas obstructions lienis & sanguinis ab acrimoniâ mundificationem purgans exhibui. Rec. rhab. opt. fol. sen. s. s. āā. ℥ij. Infund. in decoct. tamar. ℥ij. col. expr. fortit. add. sir. ros. sol. ℥ij. pulv. chalap. ℥ij. M. movit sedes ii. cum euphoriâ. Sed tamen die sequenti sc. 15. iterum rejecit αἷμα κατὰ sanguinem valdè foetentem cum summâ debilitate & lipothymis crebris. Præscripsi sequens Rec. v. scolopendr.



*veron. agrimon. āā ʒij. conf. ros. veron. fumar. āā ʒij. ebull. parūm col. add. ∇. aperit. ʒij. cord. citr. cinam. āā ʒʒ. sir. corall. ʒij. sp. Ol. g. iv. citr. ʒʒ. M. Detur sæpius per cochlearia. Rec. Unguent. deopil. ʒij. dialth. empl. diach. āā ʒij. troch. de cappar. ʒʒ. absinth. ʒj. ol. aneth. verbasc. āā ʒij. cer. parūm. M. F. ungu. pro regione lienis. Enema quoque hāc die injectum, quod etiam sanguinem grumofum eduxit, Nihilominus die 16. revertebatur malum, & rejecit frustra satis magna & multa sanguinis coagulati. Dedi sequens pro duabus dosibus : Rec. herb. veron. scabios. scolopendr. āā mj. adianth. fl. chamom. āā Pij. viol. buglos. āā Pij. rad. gramin. asparag. āā ʒvj. jujub. sebest. āā no. viij. coq. in f. q. ∇. f. col. lb. ʒ. add. conf. ros. Ol. meliss. āā ʒij. citr. scabios. āā ʒij. Parūm ebulliant & col. D. Prima dosis circa vesperam, secunda sequenti die manē exhibita. Inde alleviatio secuta, ita ut nihil sanguinis nec per superiora, nec per inferiora rejiceret, nec gravitatem ullam in hypochondriis perciperet. Ad sistendum malum & venarum apertarum orificia conglutinanda consultum existimavi remedium sequens. Rec. conf. ros. Ol. ʒj. fl. borrag. fumar. veron. citr. āā ʒʒ. rad. symph. maj. cond. cich. cond. āā ʒʒ. cort. aur. cond. ʒiij. corall. r. preparat. lap. hemat. preparat. hol. arm. preparat. āā ʒi. Cum sir. rib. q. f. M. F. elect. Sæpius de illo degustavit cum optimo emolumento, ita ut die 17. & 18. nihil amplius rejectum, nec nausea percepta fuerit. Die verò 19. ex improvviso per vomitum rejecit frustra admodum magna sanguinis coagulati, ut portiones visceris aliqujus referrent, inde febris excitabatur, lipothymia crebrò infestabant, omnium sensuum consternatio secuta, facies Hippocratica, labia pallida, pulsus debilis, inquietudines aderant, ita ut mortem instare nemo non putaret. Reiteratum electuarium, sed non potuit hāc formā assumere, itaque cum aq. carosol. & veron. factum est ex illo confusum, quod assumpsit & vomitum compe- scuit, tamen in istā consternatione permansit ad d. 21. deinde intumuit tam in facie, quam in manibus & flavescebat cutis, sed paulò meliùs se habuit usque ad 24. ubi tanta virium imbecillitas sine vomitu oborta, ut neminem amplius agnosceret, & animam agere videretur. Nihilominus confortantibus exhibitis vires recuperabat & diebus sequentibus usque ad finem mensis magis magisque convalescebat. Continuatus est usus confusi & simul herbarum recentes pro iusculis ordinatæ, ut veron. scolopendr. meliss. agrim. fumar. Quibus diligenter usurpatis*



convaleuit. Cum verò pedes intumescerent, & propter tantam sanguinis profusionem hydrops metuendus esset, *elix. propr. cum succ.* quotidie in iusculo exhibui; quo etiam ab hydrope præservata & sana omnia munia domestica obibat, usque ad diem 30. Octobr. ubi eandem inflationem & punctiorem, ut à principio è regione lienis sentiebat, quibus perterrita statim consilium meum petiit; *Rec. el. propr. c. succ. ess. absinth. comp.* āā ℥j. mane & vesp̄i mediante iusculo assu-  
mebat g. xv. & hoc solo iterum convaleuit. Anno verò 1673. d. 23. Octobr. iterum sanguinem coagulatum vomere incipiebat, præcedentibus iisdem symptomatibus: anxia itaque me absentem expectavit, rediens, dedi statim purgans: *Rec. sir. de irib. de cick. c. rh. āā ʒʒ. cr. ♀ ℥j. pulv. chalap. ʒʒ. ꝑ. ʒiis g. ij. ʒ. cinam. ʒʒ.* M deiecit aliquoties materiam adustam sanguine permistam. Vomitus remisit statim. Præscripsi nodulum, quo in vino infuso quotidie usa est, & deinde matrimonium iniit, adhuc sana degit.

## OBSERVATIO CXIV.

D. GOTTOFREDI CHRISTIANI  
WINCLERI

DE

## SINGULARI ILEI CURATIONE.

**B**Arbari haud barbarè nec sine rationis æquilibrio ileum appellavêre, miserere mei. Et id non saltem propter acutissimi doloris ad desperationem usque excruciantis atrocitatem, sed etiam propter excrementorum alvi in verso motu & ordine per os rejectionis foeditatem. Talem ego fæcum alvi rejectionem absque tamen atroci dolore aliquando vidi, cuius historiæ seriem proferre haud piget. Mulier quædam paupercula à prava victus ratione incidebat in pertinacem alvi obstructionem in tertiam septimanam durantem, ita ut fæces alvi, ut in ileo, per os rejiceret, & quidem cum tantâ anxietatis molestiâ, ut me rogatum mitteret, quo consentirem in adhuc viventis apertionem ventris. Usurpata varia euporista & alia consueta, quæ sumtus ipsius ferre potnêre, Enemata satis acria sæpius injecta, omnia sine emolumento. Tandem succum expressum è pomis Borsdorffiensibus putridis sæpius bibit, & postquam ejus ad lb̄ vj. quantitatem ebibisset, alvus soluta & ipsa sepulchro jam destinata præter omnium spem







Nº I.



Nº K.





spem & opinionem è mortis faucibus erepta est. Contractura membrorum quidem deinde per hebdomadas 18. laboravit, attamen & ab hac evasit, & adhuc sana vivit.

## OBSERVATIO CXV.

D. GOTTOFREDI CHRISTIANI  
WINCLERI

DE

## SPICA SECALIS MIRABILI.

**A** Nno secundo Ephemerid. Curiosar. obs. 112. spica hordei singularis depicta est, quæ in Silesiâ in Comitatu Glacensi visa est. Spicam aliam secalis æque ac illa mirabilem appingere lubet, quæ Anno 1634. prope suburbia Strelæ non procul ab horreo quodam crevit. Animadversa à præfecto pagorum cameralium Sereniss. Principum Ligio-Bregensium custodiâ, ne ante maturitatem ab inscio abrumperetur, munita & 25. Augusti messâ, Sereniss. Principibus transmissa & depicta est. Hæc spicis majoribus 18. uno culmo conspicua, & boni ominis causa grata fuit. Pestis enim anno præterito in Silesia grassata est, & multa millia hominum ad plures detrusit, ita ut ducentesima saltem pars vitam servaverit. Iram igitur divinam placatam & Deum superstites paucos multiplicaturum & nutriturum ex hujus spicæ ubertate concluderunt. Nam interdum hæc aliquid ominis habere, altera duplex spica secalis demonstrat, quam Cl. D. Wenceslaus Scherfer à Scherffenstein, Poëta Cæsareus Laureatus Anno 1647. die 23. Julii in deambulatione ex improvise invenit in agro non procul à Brega, & uxori gravidæ & partui vicinæ apportavit, quæ inde territa, pro omine tacens id habuit, & subsecuta nocte filios gemellos enixa est.

## OBSERVATIO CXVI.

D. GOTTOFREDI CHRISTIANI  
WINCLERI

DE

## SCROPHA TRIPEDA.

**E** T si rationis rationalis animæ nativæ, seu intellectus agentis, ne quidem vestigium obtineant animalia bruta; attamen rationis per participationem communicatæ ipsi facultati sensitivæ, seu intel-



intellectus patientis simulachrum quodcunque gerunt, unde per analogiam quandam rationem obtinere dicuntur, ut loquitur *Deusfingius de rat. & loq. brut. anim. p. 214. §. 92.* Quod etiam ex vi imaginationis, ab ipsis haud aliena, patet. Quæ, quod etiam in brutis locum habeat, testimonium satis luculentum exhibet exemplum Jacobi Patriarchæ, qui virgas virides decorticatas ovibus in canales & alveos aquarum præposuit. Etsi enim variæ & multæ causæ monstrorum recenseantur, tamen ut plurimum phantasia in culpa est, & quidem etiam in brutis, ubi sc. facilius à scopo suo, absente animâ rationali, aberrare potest, ejus rei exemplum referam de scropha sylvestri tripede, quæ in Ducatu nostro capta & hîc depicta est; ubi tamen cum nemine litem instituam, num ex phantasiâ & imaginatione matris, vel aliis causis ita genita sit. Factum illud est Anno 1647. die 20. Januarii in districtu Bregensi, prope pagum Tscheplovvitz hora 8. matutinâ. Longitudo erat ulnarum duarum cum dimidiâ propemodum; Altitudo ulna una & dimidia. Scapula sinistra saltem erat conspicua, pedis & scapulæ dextræ nullum indicium. Pes unicus glande plumbeâ trajectus, ita ut viva capta sit. Fissura ungulæ valdè elongata fuit, quia moles totius corporis isti pedi soli incumbibat, à dextra parte pili erant detriti, quod eâ fortassis arborum stipitibus, quietem captura acclinare se solita fuerit.

## OBSERVATIO CXVII.

D. GOTTOFREDI CHRISTIANI  
WINCLERI

DE

ROSIS SALIGNIS,

**M**Arte triginta annorum spatio Germaniam depopulante, proverbium multis in locis increbuit: *pacem tum futuram, quando in salicibus rosæ effloruissent.* Anno vero 1648. id reverà contigit; cujus rei in memoriam ramus à viro fide digno, ceu teste oculato, tunc temporis depictus est, quem postmodum dono accepi, hic verò cupro incisum exhibeo. Folia florum rosarum exteriora, fuerunt quidem viridia, interiora verò alba & rubicunda, in medio flavedinis aliquid, ut rosæ solent, habebant.

Con-





AD ANN. VI. GREG. N.º I.







Constat ergò hinc, flores hosce salignos rosas illas esse, de quibus vaticinium vulgi omen captavit, non verò efflorescentias illas muscosas, de quibus *Dn. Sigismundus Grassius in Anno III. Ephemerid. Curios. Obs.* 64. egerat.

## OBSERVATIO CXVIII.

D. GOTTOFREDI CHRISTIANI  
WINCLERI

DE

PUERO CUM SEX DIGITIS IN UTRAQUE MANU ET  
DEXTRO PEDE NATO.

**Q**uamvis imaginis valeat in pręgnantibus, vix verbis exprimi potest; & quidem nostro ævo tanta est frequentia exemplorum, ut non tam mirum sit, vi imaginationis foetum à matre aliquando signari; quam potius quod non semper id faciat. Circumscripta tamen sunt tempora, quod enim natura primo gestationis tempore facit, medio haud perficiet, multo minus ultimo. Egregiè *Thomas Fieus de vir imag. quest. 21. p. 340.* de iis, quę ultimo tempore fieri possunt, differit: *In fine pręgnationis possunt induci notę in colore, in pilis: ut macule rubrę aut lividę, aut pilis consue.* Possunt etiam produci carnes aliquę adnascentię & tubercula &c. Et paulò post: *Et sic mulier quinto aut sexto mense deterrita à pictura vel homine enorme caput vel pedem habente, posset adhuc producere foetum, similem earundem partium magnitudinem habentem.* Exemplum adducam de foemina honesta, quę quinto mense ingravidationis foetum signavit.

Viri cujusdam honesti uxor pręgnans quinto mense accepit dono cancos egregiã magnitudine, illos admirantis & manu contrectantis digitum minimum unus chelã comprimit, ita ut manui adhereret. Illa perterrita quidem, cancrum tamen manu excussit, nil amplius de illo sollicita. Anno 1675. die 12. Junii justo tempore filium parit, qui in utraque manu digitum minimum habebat duplicem, unum debito loco positum, alterum ab illius articulo infimo dependentem, in sinistra quidem manu magis adhaerentem, in dextrã verò plane pendulum. In pede autem dextra digitus minimus uterque articulo suo inserti, sed car-



ne & cute ad supremum apicem usque sibi adhærebant, ut ferè chelyn cancrinam formarent. Cum tertiam septimanam infans complevisset, ligatura prius institutâ digitum firmitus adhærentem novâ aculâ abscindere curavi, mox alterâ die absque ligaturâ alterum. Quod sine magno dolore & profusione sanguinis factum, & vulnera haud difficulter sanata sunt, ita ut vix vestigium conspicuum sit.

(*Mense Septembr. Ann. 1675.*)

## OBSERVATIO CXIX.

## D. GEORGI WOLFFGANGI WEDELII

*FOLIA QUERCUS IN ÆS MUTATA.*

**M**iserat ad me Dn. D. Esaias Waldmann, aliàs Geyger, aliquot folia quoad externam faciem, quercûs foliis ut ovo ovum similibus, partim complicata, partim expansa, fibrulis, nervisque tam affabrè expressis, ut naturæ artificium vix satis mirari possit. Color æris instar dilutior, subrubellus, pondus metallo conforme, sonus leviter percussorum tinniens, ex quibus, ut & aliis natura & ea satis emicat, licet non purum æs, sed immersum particulis aliis esse perspicuum sit. De origine verò horum quasitus vir laudatissimus, uti ex patriâ, Hungariâ, ea attulit, eorumque & naturæ arcanorum aliorum optimè gnarus est, sequentem in modum Schmalcaldiâ respondit:

Ærea transmissa quercûs folia natales debent Hungariæ, & in eâ rivulo percelebri ad oppidum Smolnicium in provinciâ Zepusiensi, non procul à monte Carpatho sito, qui quod ferrum corrodat, ejusque loco cuprum substituat, satis ubique notus est. Sic Florentiæ quoque apud Clar. Stenonem me soleam equi cupream vidisse memini, quæ ferrea fuit. Juxta hanc aquam sitæ sunt quædam quercus, quarum foliis autumnî tempore forte fortuna in rivum hunc elapsis particulæ & æ, quibus totus scatet, sese mox agglomerant, instarque limi adhærent; hæ parvo temporis spatio tenuem foliorum substantiam rodendo conlumunt, ipsa verò massa ex nimîâ atomorum aggregatione densata, si aeri sicco vel soli exponatur, durefcit, remanente formâ delapsi folii, & sic metamorphosis hæc accidit. Creditur hujus aris centenarius auri 3xij. continere, an verò eventus voto respondeat, mihi nondum constat. Vi-

deri



deri pluribus hanc in rem potest *Kircher. mund. subterr. Vvehrner epist. de admir. aquis Hungar. Thurnheiser. de aq. miner. & alii.*

## OBSERVATIO CXX.

## D. GEORGII WOLFFGANGI WEDELII

## MUTATIO ♂ IN ♀ SEU FERRI IN CUPRUM.

**A**ffinia his sunt, quæ de mutatione ♂ in ♀ tum nativâ tum artificiali inter chimicos agitantur. Hinc, cum id in Hungariâ fieri non solum fama constans, sed & autorum diversorum scripta assererent, inductus sciendi desiderio rei veritatem Serenissimus Princeps ac Dominus, *Dñ ERNESTUS, Dux Saxonie &c. &c.* gloriosissimæ memoriæ, ad Comitem Thökely literas anni 1664. misit, ut, quidnam de hac mutatione constaret in Hungariâ, rescisceret indubiè. Respondit 1665. d. 30. Jan. Comes Stephanus Theökeoly, fieri transmutationem ejusmodi non in montanis Sacr. Cæs. Majest. ditionibus, sed in bonis Dominorum Chaky, Somolnock dictis, missâ unâ aquæ ipsius transmutantis & cupri ex ferro facti particulâ insigni, & additâ hac schedulâ:

Descriptio, qualiter ferrum mutetur in cuprum  
in Smolnick:

1. Ferrum, quaecunque sit, novum vel antiquum, artificialiter immittitur in profunditatem viscerum terræ ad centum ulnas, & ibi maceratur in aquâ tamdiu, donec resolvitur in lutum, quod coagulatur instar argillæ, posthac in igne destillatur, & fit purum cuprum.

2. Quod est crassum ferrum instar cultri, sicut solet fieri in fine massæ ferri, illud intra spatium 24. horarum liquefit, quod autem crassius instar unius digiti, vel duorum, illud intra spatium unius mensis & quodocunque unius cum dimidio.

3. Diminutio non una observatur, aliquando ex C. centenariis is ferri fiunt XC. cupri, quandoque 84. 86. 87.

Extant hæc literæ & specimen transmutati ferri in rarithecio Saxo-Gothano, unde speciali gratiâ Celsissimi, nunc beatissimi Principis ante aliquot annos hæc ibidem excerptimus.

Dubium verò inter chimicos agitur, sit ne hæc transmutatio vera, an saltem separatio & collectio particularum venerearum beneficio ferri præ-



ri præstita. Prius statuunt plurimi, &, ut paucos solum nominemus, *Crusius physic. Hermet. p. 110. Majer. de sept. montib. planet. p. 122.* qui idem Goslariæ quoque fieri scribit; Præcipue verò legi hanc in rem merentur duo autores eximii, *Matthesius in Sarept. conc. 8. pag. 360. & Raccius l. 5. de therm. c. 12. p. 311.* qui allegat ex *Georg. Wehrner. l. de reb. Pannon. sequentia: Ad Zepusium in Smolnicio sunt aquæ, quæ & ferrum erodunt, & lapidescunt: animantes verò epotæ enecant. Eruuntur autem ex his montanis metalla ferrum præcipue atque æs, injectæque in eas aquas equi solea ferrea, seu frustum ex montis ipsius ferrariis erutum, viginti quatuor horarum spatio exeditur; cæmenti que specie liquatum excoquitur in fornace, fitque id ipsum cuprum nobilissimi generis.*

Nos ergo utrumque observantes in hoc ipso processu, ferrum nempe erodi, liquefieri quasi & naturam suam perdere, aquas verò ipsas  $\Theta$ tas id præstare & unâ communicare atomos  $\Phi$ as, hinc prædominantes, dicimus, ut ferrum mediantibus acidis spiritibus vitriolescit, ita etiam non improbabile esse, id ipsum in cuprum symbolicum metallum posse abire, accessione nempe aliorum, quæ ejusdem particulas immutant. Hinc ubicunque fit destructio prioris formæ & productio novæ, ibi transmutatio est, licet non æquæ atque penitus essentialis. Pertinet huc quoque, quod *Olaus Wormius musæi c. 10. p. 25.* spiritum  $\Theta$ li scribit mutare ferrum in cuprum, quod quidem hoc loco latius diducere non attinet.

## OBSERVATIO CXXI.

D. GOTTOFREDI CHRISTIANI WINCLERI

DE

## VERTIGINE COECORUM.

**S**unt ex Recentioribus, inprimis *Faber* & illum sequentes, qui circumrotationem hanc apparentem, seu vertiginem, primariò & proximè oculis & visus œconomix turbata adscribendam statuunt, secundariò verò pati phantasiam, adeoque principaliter oculos, adæquatè cerebrum affici. Ratio eorum est, quod credant certissimum esse, utroque oculo cæcos vertiginem non affligi, & distinguunt inter nutationem & circumgyrationem, illam quidem cæcis convenire posse, hanc verò neutiquam putant. Juxta hanc hypothe-

fin



fin causa vertiginis est tumultuosus & confusus spiritus optici & vaporis excrementitii in oculi adyta influxus.

Verum difficili nituntur fundamento, seu rationem spectes, seu experientiam. Turbantur enim in vertiginoso nutu non solum sensus externi, hebetior fit visus, auditus obtusior, sed & interni. Quid ergo opus est, ut statuamus, primo spiritus animales tumultuosè & confusè irruere in nervos opticos, hinc demum ad cerebrum horum vitium redundare & tunc fieri vertiginem? Experientia quoque testatur, coecos non mutatione solum, sed & circumgyratione tali vitiosa & turbine laborare.

Exemplum hujus rei & exceptione majus testimonium notavi in coeco h. l. notissimo, viro doctissimo *Dn. M. Schmidio*, qui & per integrum annum gravissimâ & verâ laboravit vertigine, & nisi prospiciat sibi medicamentis aptis, autumnali vernoque tempore, facile hujus affectus reliquias repullulascere sentit. De hoc ipso verò & causis vertiginis in genere latius in *Exercit. nostris Pathologicis* aucturi sumus.

## OBSERVATIO CXXII.

## D. GEORGII VVOLFFGANGI VVEDELII

DE

## CANCRO IN CANCRO.

**L**Ufus naturæ foecundantis circa ovum in ovo, citrum in citro & alia hæcenus inter scrinia quoque rariorum repositos & annotatos, legimus, quale ovulum inter alia, in alio Göttingæ repertum, cum plura pro oleo ovorum parando confringerentur, *Dn. D. Trumphius*, Physicus t. t. Göttingensis ordinarius, dono mihi misit; Ast cancrum in cancro repertum & quidem in masculo, omninò rarum esse duco, præcipuè cum ex oviparorum genere & foemellas esse constet. Tale verò videndum se obtulit viro integerrimo *Dn. Christophoro Zillingio*, J. U. D. & Practico Lipsiensi, amico meo honoratissimo, cujus relationem, pace ipsius, è literis ad me d. 5. Sept. 1674. hîc adducam: Emerat, scribebat, conjux mea canculos, quorum unus major reliquis isque masculis alium quadruplo minorem intus continebat. Hic ob loci angustiam ventrem versus utramque chelyn & caudam ita tamen compressam vertebat, ut fracta quasi videretur. Stomachus majoris vacuus erat, & in medio cancri ad caudam mi-



noris situs. Minor intus recens quidem, sed carnis ferè expers præter caudam erat. Cauda ipsa in medio paulisper contusa, de cætero verò cancer ipse totus atque perfectus erat, & quoad magnitudinem, digitum minorem æquabat. Omnibus, quibus huc usque retuli, res insolens videtur, nec me iudice aliam quis afferet rationem, quàm si cancrum minorem vix ovo exclusum à majore devoratum dixerit: eum verò deglutitum fuisse vix credibile est.

Sive ergò hunc insolitum embryonem in altero genitum dicamus, sive ab altero captum & deglutitum, seu denique læsione fortuitâ majoris præviâ factum esse, ut chelys ceu operculum & integumentum commune paulisper hians minori quasi latibulum quærenti hospitium concesserit, hicque ex hospite incola factus sit, quod videtur verosimilius, non tamen res caret difficultatibus, præcipuè quoad hujus nutrimentum, vestis extimæ mutationem aliaque, adeoque hoc ipsum disquisitione ulteriori non indignum est.

## OBSERVATIO CXXIII.

D. GEORGII VVOLFFGANGI VVEDELII

DE

## SPIRITU OLI REGENERATO.

**N**on nescio, quæ de spiritu Oli regenerato solent agitari hypotheser, quas adducere foret superfluum. Ausim dicere, pace doctissimorum virorum, qui secus sentiunt, non arcessendum eum esse ab aere, & inde in ☉ derivandum, sed aliunde & longè alia ratione, ut experimentis abundè demonstrari potest. Si enim noverimus, igne mediante concidere & concentrari vitriolatas salinas partes, in Stione; si noverimus, spiritum Oli nil aliud esse, quàm sal acidum fluorem adeptum, mediante phlegmate quantillo etiam protrusum, & tamdiu prodire spiritum, quamdiu vel atomus humoris tanquam vehiculum in eo extat, ut tandem etiam acerrimum oleum prodeat, facile est colligere, spiritum regeneratum Oli non ex aere instar phœnicis cujusdam revixisse, sed ipsum in ipsissimo ☉ latitasse, quod ideò prius, quàm edulcetur, acrimoniâ non levè adhuc pollet, aerem verò laxiores solum poros reddere, & atomis aqueis junctis ac communicatis, ipsas partes salinas residuas, quæ  
cum



cum terreis intimè sunt compactæ, aptas denuò reddere, ut igne subdito, si quod reliquum est, possit sub formâ spiritus elici.

## OBSERVATIO CXXIV.

D. GEORGII WOLFFGANGI WEDELII

DE

## SUFFUSIONE TUNICÆ ADNATÆ.

**P**atiuntur diversos affectus quælibet machinæ oculi partes, non solum interiori concamerationi inservientes, verum etiam externæ. Adnatam in ophthalmiâ inflammari sæpius experimur, aut eandem suffundi humore paulò rarius est. Pastor quidam in viciniâ primum in malâ propè oculum dextrum tuberculum quoddam passus, me consulebat, quod illo evanescente oculus ille ruberet, & tunicæ adnatæ cuticula tota circumcirca pupillam manifeste elevata serourgeret fluxili, & hinc inde pro ipsius oculi motu mobili & tremulo, adeò ut pupilla & iris depressa subsidere in profundo viderentur. Aperire sanè non consultum duxi, sed dissipationem meditatus exhibui sudoriferum liquidum cum essentiâ succini alcalinâ, exterius verò præter vesicatorium nuchæ applicatum, balsamum ophthalmicum ex pinguedine viperinâ, & collyrium ex *croco metallorum* cum *aq. chelid. maj.* &c. ex voto sanitatem & vigorem pristinum brevi restituit.

## OBSERVATIO CXXV.

D. MARTINI FOGELII

AD

## HISTORIAS SUBMERSORUM OBS. XX.

## RESPONSIO.

**F**Oramen ovale iis, qui sub aquâ vivunt, hæc ratione existimo conferre: sanguis qui è dextro cordis ventriculo in pulmones per arteriam pulmonariam propellitur, nequit in sinistrum ventriculum permanere, nisi aër arteriæ asperæ surculos inflet atque distendat. Hinc enim arteriæ pulmonariæ ramuli comprimuntur, & conclusus in his sanguis protruditur in surculos venæ pulmonariæ. Ubi vero aër non potest distendere arteriæ asperæ surculos, sanguis per alios ductus ex dextro ventriculo in aortam, & ex venâ



venâ cavâ in sinistrum cordis ventriculum non trajecto pulmone perlabi debet. Jam cum in infantibus recens natis & fœtibus tales ductus peculiare observemus, qui pulmonum vices supplent, quàm diu in utero hærent, in submersis verò aer minimè pulmones subire valeat, ideoque ut in animalibus utero conclusis, ita in his à suo munere pulmones vacent, admodum mihi vero simile fit, per eosdem ductus, vel non satis coalitos, vel patulos, (quales in quadrimulis & quinquenniis, immò grandioribus natu pueris observarunt anatomici,) motum istum sanguinis absolvi.

(*In literis ad Dn. D. Langelottum.*)

## OBSERVATIO CXXVI.

D. JOHANNIS SIGISMUNDI ELSHOLTII

DE

*ARTIFICII, QUO OCULORUM HUMORES RESTITUUNTUR,  
VESTIGII APUD VETERES.*

**I**Nter seculi nostri inventa refertur etiam enchîresis illa, qua oculorum humores sectione factâ expressi restituntur. Eam hoc ævo, quantum ex epistolis *Franc. Joseph. Burrhi ad Thomam Bartholinum Hassniæ 1669.* editis constat, primus exercuit Romæ Eques aliquis Neapolitanus, ob tumultus bellorum civilium exul, qui artem hanc Cels. Principi Joanni Paulo Jordano Ursino ibidem monstravit: & paulò post Florentiam profectus, Robertum Sothuel Equitem Anglicanum eandem docuit. Is porrò Robertus Sothuel cum Burrhum Amstelodami inveniret, ipsi arcanum ostendit, atque ita circa annum 1666. apud Batavos artificium hoc inclarescere cœpit, æmulatore mox etiam felici *Theodoro Kerckringio*, quemadmodum patet ex ipsius spicilegii *Anatomici Observ. 100.*

Hæc fama cum ad aures nostras perveniret, tentavimus anno 1670. artificium hoc in pullis, anseribus, vervecibus, canibusque exercere, non irritò prorsus successu: quamvis minore apparatu, neque tam artificiosè compositis liquoribus opus esse, quam Burrhus prodidit, re ipsa expertus sum. Quinimo si nihil prorsus instilles, tardius quidem redit perdita oculi globositas, atque iridis pupilla que nitor: redit tamen tandem, naturâ humores surrogante. Quod si verò facta in-

cisis.



cissione & expressione liquorem per siphunculum mox immittas, mox etiam oculus & globositatem suam recuperat, & sive iridem sive pupillam spectes, alteri socio atque integro oculo similis evadit: remanente solo vulnere in cornea, id quod sequentibus diebus tam in longitudine, quàm in latitudine paulatim etiam imminuitur. Unde patet, promptius omnia redintegrari, si liquor instilletur, quàm si omittatur: quamvis vero consonum videatur, liquorem illum instillatum, à subrogatis sive succedentibus denuò humoribus naturalibus, iterum per vulnus corneæ totum extrudi. Profectò cum inter alias aves anseris horni dextrum oculum summo mane tunc incidissem, humoresque adeò, ut bulbus in se penitus collaberetur, expressissem, anseremque absque instillatione dimissem: sub vesperam ejusdem diei, bulbum suam globositatem jamtum ferè recuperasse adverti. Sequenti die globositati quidem nihil amplius deerat, itemque pupilla alteri similis conspiciebatur: Sed iris adhuc erat obscurior & minus vivida: cui etiam tertio vix die nitor suus redibat. Quamobrem omninò, ut superius dicebamus, præstat, operationem hanc adhibita instillatione perficere, quàm ipsam intermittere.

Dum verò isthæc experimenta illo tempore facerem, dubium mihi arduum de humore vitreo oboriebatur, an scilicet is, ob situm, adeò profundum, totus ulla ratione exprimi per vulnus corneæ posset. Quare ad indagandam rei veritatem pullo gallinaceo sinistrum oculum discidi, & post effluxum aquei spontaneum, expressi crystallinum totum, & vitrei tantum, quantum fieri mulgendo poterat. Ulterius collum pullo abscidi, & oculum dissectum planè erui, quo explorarem, num adhuc aliquid humorum intus remansisset. Inveni autem post expressionem satis violentam, restitisse nihilo minus aliquid de vitreo: attantillum, ut pars ejus tertia circiter videretur. Mox etiam dextrum oculum in illo detruncati pulli capite, discidi, & cum vehementiâ expressionem perfeci: deinde erutum oculum dissecai per medium, & adeò vacuum reperi, ut tunicæ interius tantum maderent. Hinc manifestum evadit, *in vivente humorem aqueum sponte effluere, crystallinum à peritâ manu totum vitrum maximâ ex parte posse auferri: & quanquam portiuncula quidam vitrei altius aut retrò latens restet, tamen oculi œconomia priorum*

T

duorum



duorum expressione satisturbatur: imò adeò ut de cœcitate irreparabili inducta olim nemo dubitavisset. Id verò adnotatione dignum hic circa expressionem in mentem venit, quod, ubi vitreus humor inter exprimendum egredi incipit, appareant quidem in isto vestigia *ligamenti ciliaris* nigricantia: ipsum verò ligamentum ciliare, quoniam in circumferentia corneæ, firmiter oris duræ membranæ conjungitur, nunquam, nisi violentissima & cœcitatem perpetuam illatura expressio accedat, elabitur. Salvis itaque nervis & membranis humores natura universos in oculis reparat: illis vero læsis, etsi humores natura surrogaret, omnis tamen peribit visio. *Cl. Galenus* certè *lib. de oculo cap. 1.* atque alibi passim, jam statuebat, humorem crySTALLINUM à vitreo, & hunc à cerebro nutriri: nutritio autem fit per surrogationem nutrimenti: igitur hæc quoque surrogatio humorum ablatorum ab intra non erit ad mentem etiam *Galeni* adeò absurda. Ratio itidem inde patet, quare *vulnera oculorum casu facta*, adeò frequenter cœcitatem inducant: læduntur etenim per illa plerumque non humores solum, sed simul etiam membranæ, aut etiam nervi. Hæc autem vulnera non casu, sed peritâ manu inflictâ, solos educunt leniter humores.

Alia etiam sub primordiis addiscendi hujus artificii difficultas mihi nascebatur, de explorando nimirum redeuntis visus tempore, præsertim in illis gallinis, quibus unum duntaxat oculum incidebam, altero servato, ut cibum miseræ capere possent. Itaque excogitabam pileolum five vittam, ex panno xylyno confectam, quæ capiti imposita, oculum integrum five sanum prorsus contegeret, relicto foramine pro oculo inciso. Septimo aut octavo ab incisione die examen ordiebar, & accommodatâ capiti vittâ atque alligata adverti, grana hordei à gallinâ cum quadam quasi præmeditatione & ad latus inclinato capite quidem colligi: rostrum tamen ad singula grana exactè dirigi, ipsamque nunquam hallucinari, argumento haud obscuro, aut ipsam perfectè oculo secto iterum cernere, aut certè à perfectione parum, & fortassis tantum, quantum à relicta adhuc cicatrice impediretur, abesse. Cicatrix enim ut penitus evanescat, vix septem menses sufficiunt.

Atqui, ne nimis diu recensendis his experimentis nostris, aut argumento jam tum satis per orbem literatum cognito inhaerere videamur,



deamur: placet stylum vertere, & ad antiquitatem respicere, inquirendo, num *Artificii hujus vestigia apud veteres extent.*

*Galenus* sanè, cujus auctoritatem de humorum in oculis nutritione paullo ante quoque citabamus, humorem aqueum puncto oculo effluere, & in pueris etiam regenerari, jam olim vidit: verum hæ puncturæ *Galeno* visæ, casu saltem inflictæ sine dubio fuerunt, non arte, neque ultra aqueum progressæ. Verum enimverò apud *C. Plinium lib. XXIX. Hister. natur. cap. 6.* extat insignis locus, & in quo operationis hujus non obscura facilè indicia agnoscas. *Alii, inquit, terram substernunt lacertæ viridi excœcate, & una in vitreo vase annulos includunt è ferro solido vel auro; cum recepisse visum lacertam apparuerit per vitrum, emissa ea, annulis contra lippitudinem utuntur.* Et paulo post: *Mustela etiam oculis punctu erutis, ajunt visum reverti, eademque quæ in lacertis & annulis faciunt.* Tria autem hinc porismata deduci possunt: 1. Veteres lacertas virides & mustelas excœcasse, & quidem oculis punctu erutis. 2. Ab iisdem illa animalcula in vitris unâ cum annulis tamdiu fuisse reposita, donec visum reciperent, atque ipso recepto fuisse dimissas. 3. Annulos istos tanquam virtute ophthalmica imbutos, postea contra lippitudinem fuisse gestatos,

Ad primum quod attinet, *Plinius* disertè lacertas excœcatas nominat, non cœcas per naturam aut morbum: imò de mustelis afferit, oculos ipsos punctu erutos fuisse, atque ita manualis necessariò intercessit operatio: non, quæ totos oculi globos evelleret, quippe visum hoc pacto nunquam recepissent: sed quæ punctura aut sectione, scalpelli humores evocaret, atque hæc ratione temporariam inferret cœcitatem. Ex altero membro constat, lacertas, mustelasque ista hac ratione visu orbatas, absque ullo adhibito remedio, sola paulatim reparante humores natura, ipsum recuperasse: id quod in galinis & anseribus pari prorsus modo nobis tentantibus evenisse, supra retulimus. In tertio effectus annulorum istorum contra lippitudinem continetur, quem quidem suo relinquam auctori, atque illis, qui transfusioni virtutum ab una re in aliam multum tribuunt: inter quos eminet *Henr. Cornel. Agrippa*, qui propterea hunc *Plinii* textum ferè integrum in *Philosophiæ suæ occultæ lib. 1. cap. 16.* transtulit. Cæterum plura ex antiquitate loco jam non succurrunt, extare ta-



men non dubitamus; & quamvis plura haud extarent, ad ostendendam nihilominus analogiam ille Plinii secundi tantisper sufficeret.

(Referri huc meretur insigne experimentum restituendi humores oculorum cum succo vesicularum ulmis quod refert *Heerius obs.* 4. p. 71. seq.)

## OBSERVATIO CXXVII.

D. JOHANNIS SIGISMUNDI ELSHOLTII

SEMEN ZINÆ OFFICINARUM AN  
SIT GENUINUM?

**D**Ubitandi ansa nonnullis fuit præbita, quod 1. semen illud multoties satum in Germaniâ non prodiret. 2. Quod sato eodem alia stirps, Tanacetum scilicet vulgare, aliquando creverit. 3. Quod tam copiosè proffert, cum tamen sit exoticum. 4. Quod tam vili vendatur pretio. Quibus ducti rationibus nonnulli, semen Zinæ in officinis venale, ex Tanaceto colligi, aut ejus semine adulterari arbitrantur.

Ad I. igitur quod attinet, clima nostrum sic satis felix, temperatumque esse statuo, ut semen quodcunque vel ex ipsis Indiis allatum, modo vegetum & sationi aptum id sit, in terrâ ritè præparatâ, apud nos non pereat, sed plantam suam dubio procul prodat. De foliis autem intellectum hoc volo: siquidem quod ad floris fructusque productionem spectat, ad illum perfectionis gradum omnes promiscuè stirpes apud nos haut perveniunt. Exempli loco sit palma dactylifera, cujus semen satum folia protrudit, aucto etiam annuatim numero: cæterum ad florem aut fructum in Germania pervenire, nondum visa est. Quicumque igitur è loco natali semen sementinæ prolificum adeptus fuerit, & apud nos commodo tempore & solo severtit: plantam absinthii santonici haut difficulter obtinebit. Neque opus adeò est, stabilire hoc auctoritate *Mathæi Lobelii*, quamvis *Adversar.* pag. 337. disertis verbis dicat: *Satum nonnullis in locis vidimus semen Zedoaria peregrinum illud, ex quo fruticulus surculosus enatus fuit, undiquaque seminibus gliscens, pluribus ferme quàm foliis: quodque semen nondum viatum, sed plenum & recens qui sit nactus, si serat variis locis, facile plantam assequetur.* Neque me movet adeò auctori-



auctoritas *Jac. Theod. Tabernamontani*, qui *san tonicum* suum vulgare apud nos in hortis ex semine recenti facile propagari, *part. i. herbar. lib. i. c. 5.* adserit. Quin potius nitimur canone generali paullò ante allato, ut experimentis pluribus firmato: *Non mori apud nos in terra commoda semen ullum fœcundum.* Quod verò *Joanni Bauhino*, *Ludovico Jungermanno*, atque aliis, ex semine sancto, terræ vel pluries mandato, nihil prodierit: nisi vetustati seminis vel corruptioni tribuendum id sit, profectò immaturitatem ipsius accusarem. Tere digitis sementinam officinalem, & comperies, comas esse sive summitates plantæ florentis, abscissas antea, quam semina planè maturuerint. Abscedunt enim fricando primum foliola floris exteriora: mox, si instes, etiam interiora & arctius complectentia sive stipantia semen, quod figurâ oblongulum apparet, strigosum & vietum sive flaccidum, vigoremque præ se ferens nullum. Oritur inde, dum saccharo obducere tentant, tanta pharmacopœis difficultas in hoc semine, quanta in nullo alio, nimirum ob foliacea illa integumenta, frictione & oris halitu auferenda prius, quam sacchari liquamen hæere velit. Neque tamen illa foliola cuncta inter conficiendum auferre decet, sed semini propinqua plusculâ relinquare, quæ unâ cum semine contento globulos quasi parvos junctim constituent: cum nuda semina ob exilitatem hætenus apud nos confecerit nemo. Manifestum, inde evadit, confectionem sementinæ in officinis non tam semine, quam floribus, aut certe maximam partem floribus constare, nec mirum amplius, si lata quibusdam multoties tam imperfecta semina non creverint.

II. Neque majoris momenti est experimentum *Joan. Bodei Stapelii* *comment. super Theophrast. Histor. Plantar. pag. 1151.* quod his verbis exprimit: *Bis semen terræ commisi, quod in officinis seminis sancti nomine venditur, bis ex eo natum nobis Tanacetogenus est.* Curavit etiam illius Tanacetî effigiem adsculpi ibidem *Bodeus*, quæ Tanacetum vulgare prorsus refert. Atqui idem ipsi, quod *Joan. Bauhino* & *Lud. Jungermanno* contigisse censendum: comas puta florum, cum seminibus nondum maturis, quales in tabernis prostant, etiam à *Bodæo* fuisse datas, quæ in terra computruerunt; his interim immissa simul fuisse aliquot semina Tanacetî vegeta, quæ creverunt. Neque mixtura illa, seminum est tam infrequens, cum nobis inter semen Zinæ non raro



semina cumini, thlaspi, & similia quædam occurrerint: absit tamen ut statim inde fraudem aut adulterationem universalem inferre velimus.

III. Argumentum etiam à copia sumtum parum concludit, cum stirps isthæc ex earum numero sit, quæ semine abundant, sive quemadmodum *Matt. Lobelius* loco citato loquitur, *seminibus gliscunt*. Vero simile autem est, colligi illas florum cimas eadem ratione, quâ nos solemus uti in similibus stirpibus, ex quibus strictis manibus folia aut flores aut semina celeriter & nullo negotio detrahimus, id quod Germani proprio verbo *abstreiffen* nominant.

IV. Idem quoque de pretio sentiendum, quod non valet esse ingens tum ob abundantiam in patrio solo, tum ob naturalem levitatem, qua naves gravare onerarias ista merx non potest. Et quamvis *Caspar. Bauhinus Pinac. botan. lib. IV. sect. 2.* absinthii santonici quatuor species, Iudaicum videlicet, Alexandrinum, Ægyptiacum atque Gallicum afferat, & inter hæc Alexandrino, ut ex synonymis additis patefit, primas tribuat: credibile tamen est, à mercatoribus Batavis ob viciniam loci, ex Santonia, Galliæ Aquitanicæ provincia, hanc mercem hodiè majori ex parte Amstelodamum, unde nos accipimus, asportari. Vectura autem è regione tam propinqua, & itinere in super maritimo, non potest magni constare: neque omnino præsumuntur mangones in tam vilibus rebus studium suum locare aut lucrum quærere, cum non desint ipsis in pretiosioribus & nequitia sua mage dignis, mangonia.

Ut igitur, quæ dicta sunt hæcenus, in summam contrahamus; semine Zinzæ genuino, saltem Gallicano, officinas non destitui, concludimus: quin pro certo etiam habemus, ex semine fœcundo posse illud sub nostro climate nasci. Ad semen autem Tanacetum quod attinet, illud interveniente accuratâ inspectione ab altero non parum differre deprehenditur: & licet adulterari semen sanctum cum isthoc exigua quantitate admisto forte non nequeat, operæ tamen vix pretium esse mangones experientur.

## OBSERVATIO CXXIIIX.

D. GEORGII SEGERI

DE

CAPRÆ MOSCHIFERÆ EXUVIIS.

**H**oc Anno 1675. mense Junio, obtinuit Nobilissimus *Dn. Jac. Breynius* à patruele suo *Joh. Breynio*, mercatore Amstelreda-



redamensi, exuvias capræ moschiferæ, quo toto corpore suo, foliis dentibus prominentibus exceptis, capræ seu Dorcadis nostratis mediocris magnitudinis figuram refert. Exuviarum harum moschi odore fragrantium, longitudo, excluso capite, sex sunt quadrantes una cum semisse ulnæ nostratis. Latitudo verò maxima, quæ imprimis est circa clunes, integram ulnam vix superat. Caudæ vestigia apparent nulla. Pilorum color in dorso præsertim & lateribus circa extremitates suas variegatus est, & in quibusdam ex luteo castaneus, in aliis contra ex castaneo luteus. Unde maculis ad instar juniorum nostrarum caprearum, egregiè superbit. In abdomine cinerei magis sunt, in capite verò ex albo & cinereo castanei, ut & in collo, ubi insuper ex collectione alborum ad latitudinem digiti intortas efformant lineas. Longissimi porrò pili sunt illi, qui circa clunes & in abdomine juxta pedes posteriores radican- tur, ubi digitum medium longitudine æquant. Hinc col- lum versus sensim abbreviantur, ita tamen, ut eousque auricularis longitudinem servant. In collo autem ipso breviores sunt. Qui ve- rò caput & pedes investiunt, omnium sunt brevissimi. Crassissimi præterea & durissimi sunt circa clunes & lumbos, subtilissimi & mol- lissimi in iliis, capite & pedibus. Omnes denique id habent com- mune, quod circa radicem præsertim sinuosis flexibus oblongè ali- quantulum intorqueantur; & præterea adeò sunt fragiles, ut vel ad levissimam etiam extensionem dissiliant. Cava verò eos esse, pro- ut nonnulli de cervinis referunt, ne quidem per microscopium ob- servare licuit. Sunt tamen qua medullam suam fungosi. Cæterum in abdomine non longè à posterioribus pedibus, eminet tumor ro- tundus & durus, ovi gallinacei mediocris magnitudine, pilis albis, iisque non flexuosis, sed rectis, & ad folliculi fastigium porrectis ob- situs. Circa cujus partem inferiorem unica utrinque caruncula ap- paret. Qualis etiam, licet paulò major non longè ab istis in sinistro conspicitur latere. Is autem tumor nihil aliud est, nisi folliculus il- le, in quo colligitur moschus. Cujus interiorem faciem scrutari non permittebatur, ob metum, ne pretiosis hisce exuviis de splendore suo quidquam decedat. Maxilla præterea superior pollice transverso excedit inferiorem. In superioris medietate utrinque dens unicus eminet, retrorsum versus nonnihil incurvatus, acuminatus, & ad la-  
tera



tera aliquantulum compressus, duos pollices transversos longitudine suâ æquans. Præter hos binos autem nulla aliorum dentium apparent vestigia. In maxillâ inferioris parte anteriore quinque videntur dentes, & tres alveoli, è quibus dentes exciderunt. Octo igitur dentes anteriores in inferiori maxillâ habet hoc animal, qui omnes ut ex residuis optimè colligere licet, sunt incisores. Quorum duo, medium occupantes locum, nimirum quartus & quintus, reliquis sunt prominentiores, acutiores & latiores. Verùm, præter dentes hos anteriores aliis adhuc in inferiori maxillâ præditum esse dentibus hoc animal, inde patet, quia in faucibus frustulum dictæ maxillæ repertum est, cui duo inhæserent dentes, caninus scil. & molaris. Auris dextra, quæ quinque pollices transversos longa, & duos cum semisse lata, sinistram suâ excedit longitudine, Illi enim cartilago adhuc inest, quæ huic exempta, unde istius cutis exsiccata brevior evasit. Cornua adsunt nulla, imò ne quidem eorum vestigia. Pedes anteriores breviores sunt posterioribus, & à nostrarum caprearum pedibus nullo modo differunt. Meritò igitur quadrupedibus adnumeratur bisulcis. Iconem illius ex liberalitate Nobilissimi Breynii adjacens monstrat tabula. In qua *Figura I.* ipsas exhibet exuvias ad vivum planè expressas. Ubi tamen oculos, linguam & dentes in maxilla inferiori posteriores de suo addidit Pictor. *Figura II.* repræsentat exteriorem folliculi faciem graphice depictam, ubi locus superior, asterisco notatus, est ejus fastigium moscho in illo collecto, dum animal vivit, exitum præbens. Et sic quidem ex supra relatis patet, in quantum aliorum icones admitti possint. Illa nimirum, quam *Gesnerus lib. 1. de quadrup. vivip. pag. 696.* tradit, atque ab *Ant. Musa Brasavolo* se accepisse meminit, ideò vitiosa, quia in ea defunt dentes illi duo, è superiori maxillâ prominentes; & quia in fronte pilos repræsentat, instar antiarum elatos. Icon, quam proponit *P. Boymus, in Flora Sinensi sub. Lit. Z.* satis est laudabilis, nisi quod in ea aures & ungulæ pedum sunt justo acuminatiores, folliculusque nimium exstet. *P. Kircheri* icon, quam exhibet in *China Illustrata Part. 4. cap. 7.* in omnibus convenit, nisi quod loco bisulcorum pedes pingat digitatos, *Calceolarii figuram*, quam ex ejus *Musei Veronensis pag. 666.* in eruditissimam suam de moscho disputationem. Anno 1667. Jenæ habitam *Dn. D. Lucas Schroccius* transtulit, si talis est in ipso Calceolarii museo (neque enim istud exolvere licuit) qualem proponit ille,





Ad Ann. VI. Obs. N.º 10.

Fig. I.







Fig. II.



NUX INDICA Sive COCCUS MINIMA

CER.

COPL=THECI FACIEM REPRESENTANS. ex Museo Jacobi Br.







in plurimis est vitiosa. Aures enim pingit obtusas, cum sint subrotundæ: addit etiam caudam, quæ tamen naturaliter deest: folliculum quoque nimis exstantem exprimit: & denique pilos ita intortos refert, ac animal hoc esset villosum, quod tamen falsum.

## OBSERVATIO CXXIX.

D. GEORGII SEGERI

DE

NUCE INDICA SIVE COCCO MINIMA CERCOPITHECI  
FACIEM REPRÆSENTANTE.

**C**Um non ita pridem Nobilissimum Dn. Breynium inviserem, isque inter alia rara, illa præsertim, quorum descriptiones dedit in *Miscellaneorum vestrorum Curiosorum Anno Tertio* (nimirum: *Amomi Arabici ramulos, cum sfofculis exsicatis; Amygdalum holsericum Capitis Bonæ Spei; Lignum Gvianense ex Citri & Coriandri misto odore & sapore; Radicem arboris Jacæ; Radicem Tauxarghanta, Tacambacam liquidam; Resinam Ambre facie Gvianicam & Terram Gvianensem foetidam*) meis sisteret tum oculis tum examini: remotis istis fructum mihi quoque ostendit exoticum, quem nucem Indicam, sive Coccum minimam Cercopithecii faciem repræsentantem nominavit. Convenit hæc nux cum fructu exotico 2. *Clatui, à Clusio Exoticorum Lib. 2. cap. 23. pag. 50. descripto, qui à Joh. Bauhino Hist. plant. univ. lib. 3. cap. 192. tom. 1. pag. 393. a. retenta Clusii descriptione Faufel accedens nux; & à Casp. Bauhino Pinac. lib. 12. sect. 6 pag. 510. b. Palma nucem ferens decima quarta, seu fructus exotici Faufel affinis, vocatur, integer hic fructus rectè à Clusio dicitur esse sesuncialis longitudinis: est tamen paulò majoris, quam uncialis crassitudinis. Cutaceum putamen, quod cultri mediocris dorsum crassitie non superat, non est foris cinerei coloris tantum, sed potius cinerei cum fusco misti, ita tamen, ut in unâ medietate cinereus, in alterâ fuscus prævaleat. Internè putamen hoc rectè dicitur à Clusio multis constare fibris, quæ tamen similes potius sunt fibris involucri coccorum, quam nucis Faufel, quam itidem involucre suo inhærentem mihi tum monstravit Breynius noster. Quod autem dictum putamen internâ parte gemino & duplicato calice munitum sit, supremâ mucronatâ existente, optime monuit Clusius. Ubi tamen circa*

U

super-



supernam partem notandum, quod putamen illud non ita desinat in mucronem, prout quidem *Clusii* figura id indicare videtur; sed quod tenuior quidam stylus, ex supernæ partis medietate singulari modo egrediatur. Cæterum cutaceo illo putamine remoto, in conspectum venit nux lignea, dura, superficietenus rugosa, oblonga & coloris ex flavo castanei. Huius extremitas anterior rotunda est, posterior ob concursum triplicis processus acuminata. Tres autem isti processus ita formati sunt, ut medius duobus lateralibus incumbat, & ille quidem nasum, hi verò labia repræsentent compressa. Non longè etiam ab eadem extremitate tres conspiciuntur impressi, non tamen planè pertusi scrobiculi, pisi minoris magnitudine, circumcirca villis quibusdam nigris, instar ciliorum aut superciliorum, ornati. Quorum bini illi, ad nasi latera conspici, unà cum naso larvam cercopitheci aut etiam leporis haud absurdè æmulantur. Et hanc quidem nucem ad *Faufel* non ineptè referri posse, monet *Clusius*. Nobilissimus verò *Breynius* non *Faufel*, sed nucis Indicæ, *Coccus* dictæ, veram speciem esse contendit. Et meritò quidem, cum & fibræ putaminis interiores, & tres illi scrobiculi, ei cum *Coccis* sint communes. Laudatus etiam *Breynius* nucem hanc, nec cum nuce Indicâ primâ larvam ostendente, nec cum aliâ ei simili, quas ambas *Joh. Bauhinus L. cit. cap. 183. pag. 378. a.* describit & depingit, convenire, facile mihi persuasit, cum ut utramque conferrem humanissimè mihi concesserit. Adjacens tabula nucem à nobis descriptam, qua quantitatem & formam externam, exactè repræsentat. Ita quidem, ut *Figura I. & II.* eam cutaceo suo putamini adhuc inclusam, *reliquæ verò figure* eam à putamine liberatam exhibeant.

OBSERVATIO CXXX.  
D. GEORGII SEGERI

DE  
HISTORIIS SUBMERSORUM OBS. XX.  
JUDICIUM.

**S**anctè affirmo, me quid in universum de tribus illis ultra justum tempus aquâ submersis, nec tamen suffocatis, scribere debeam, omnino ambigere. Duæ namque posteriores, & inprimis ultima relatio, captum meum planè excedunt. Neque enim quomodo vel



vel per solum triduum homo aquis submersus naturaliter supervivere queat, capere possum. Notanter dico, *Homo*. Nam quæ de hirundinibus, intra aquam per hyemem latentibus, vulgò referuntur, qualia etiam ciconiis accidere meminit *Kircherus Mund. Subt. Lib. 8. Sect. 4. cap. 1. Tom. 2. pag. 89. b.* ea homini applicari non possunt, quippe cujus respiratio liberum semper requirit aërem. Notanter etiam addo; *aquis submersus*. Neque enim me latent exempla, tam eorum, qui tempore pestis pro mortuis habiti, quam mulierum, quæ hysteriis insultibus suffocata quasi, (quale exemplum *Paravi Lib. 24. c. 19.* refert) vixerunt. Quæ tamen cuncta nihil hic probant, cum non in aquis, sed in libero potius aëre decubuerint. Notanter denique subjungo; *naturaliter*. Hominis namque naturam, diutinam sub aquis moram, naturaliter ferre non posse, vel lippis ac tonsoribus notum. Unde quæ de famoso illo quondam in Sicilia urinatore Nicolao, ex Archivo Regio recenset *Kircherus Mund. Subt. Lib. 2. cap. 15. pag. 98.* si quidem vera sunt, huc quoque non faciunt. Siculum namque illum singulari planè constitutione partium, etiam internarum, præditum fuisse vel ex ipsâ manuum (quidni & pedum?) deformitate monstrosâ colligere licet; cum inter digitos ejus, in formam pedum anseris, cartilago ad natandum necessaria excreverit.

Missis igitur binis historiis posterioribus, primam ita breviter expedio. Hortulanum illum quadragesimo septimo ætatis anno in aquis submersum, duplici de causâ per sedecim horas suffocatum non fuisse conjicio. *Primo*, quia statim toto corpore obriguit, omnemque sensum ac motum amisit. Et *secundo*, quia ipso monento, quo demergebatur, bulla satis ampla ex ore ejus prorupit. Si igitur subitaneus ille atque universalis rigor necessitatem debitæ & solitæ respirationis sustulit, relictâ solum insensili, ac ad vitam adeò languidam conservandam satis idoneâ, cui aër in bullâ, aquam arcente, sufficienter inserviebat. Cum enim bulla illa, non tam ex ore submersi proruperit, quam ab erumpente illius anhelitu, in aquâ os ambiente, excitata sit; aquæ autem Svecicæ, referente *Cl. Langelotto*, multo nitro abundant, ad tam languidâ respirationem conservandam sufficientem in bullâ materiam fuisse, facile exinde liquet, quia respirationis materia non est purus aër, sed aër aqueis atomis, aut si cum recentioribus, & imprimis *Thrustono* ac *Mojawio* loqui velimus, tenuioribus & nitrosis particulis debite refectus.



Cæterum dum in causis naturalibus explicandis occupatus sum supranaturales, & imprimis divinam providentiam ac misericordiam, homines in gravissimis periculis mirè conservantem, nullo modo excludo, immò eidem in hisce casibus primas tribuo, memor illius Davidici ex *Psalms*. 66. v. 12. transivimus per ignem & aquam, & adduxisti nos in refrigerium.

(*Ad Collectores Ephemeridum d. 18. Octob. Ann. 1675.*)

OBSERVATIO CXXXI.  
D. JOHANNIS DOLÆI.

DE  
OVARIO MULIEBRI.

**C**L. Dn. Kerckringium aliosque præclaros viros ovarium muliebri descripsisse, atque demonstrasse, *hominem ex ovo esse*, luculenter constat ex eorum scriptis. Hæc ipsa ova, quæ tamen mallem vesiculas cum expertissimo Fallopio nuncupare, jam diu Lugduni Batavorum vidi, nec non jam pridem ad ova hæc demonstranda, præsentem expertum chirurgum Joh. Wilhelmo Birkenbühl Limburgensi, uterum vaccæ aperui, in testiculis vesiculas plures inveni, quæ tamen cuspidē cultri leviter solummodo tactæ humorem intus contentum in faciem explosere (quem humorem pro semine muliebri veterum reputo.) Ea propter vix credere possum, cum quibusdam ova sive vesiculas tales integras pervenire posse usque in uterum, & exinde fieri conceptum, sed in eam inclino sententiam, (salvis aliorum opinionibus) quod ab ejaculatione seminis virilis, quod per ductum Fallopiæ pertingit usque ad istas vesiculas, facile illi seminis virilis, vesiculæ tales rumpantur, & isti duo humores refluentes in uterum jungantur, fermentationemque excitent. Quod tamen aliis, acutiore ingenio præditis discutendum relinquo.

(*In literis ad D. Salomonem Reiseliū, Ditzii Wormatiæ*)

**Q**Uæ de ovario muliebri optimè mones, alios sectionibus persuadendos esse; ecce præstiti. Decimus nondum excurrit dies, quo anatomico cultro foeminam 30. annorum hydrope ascite defunctam, subjeci, ad confirmandam & magis illustrandam hanc opinionem. Solum uterum aperui, præsentem industrio chirurgum Joh. Wilh. Birkenbühl, & ductui Fallopiano Siphonem lacte repletum intrusi, effusum

lac



lac. pervenisse ad ovarium seu testes usque jucundo spectaculo vidi-  
mus. Cum repetiissem hunc laborem, omnes vesiculæ, quæ antea  
erant integræ, evanuerunt, & lac cum humore in istis vesiculis con-  
tento in uterum refluxit.

(Idem Dn. D. Dolæus ad eundem Dn. D. Reiseliū in literis.)

## OBSERVATIO CXXXII. D. MATTHIÆ TILINGII

DE

### PULMONUM CALCULO TUSSI PROIECTO.

**F**aber lignarius quidam Embdanus cum assiduis destillationibus  
à capite in pulmonem esset obnoxius, cogereturque hac de cau-  
sa orthopnoeâ laborans plurimas noctes insomnes ducere: Ecce  
quatuor mensium spatio difficultate spirandi ita premebatur,  
ut veluti suffocari videretur. Ego in auxilium vocatus, statim præ-  
scripsi medicamenta expurgantia, expectorantia; inter quæ præci-  
pua erant *Elixir sulphuris* & *species diasulphuris Mynsichti*; quæ aliàs  
ad extergendos lentos humores in cavitatibus pulmonum infarctos à  
me usurpari solent. Cumque tussî siccâ oppressus anxietudine sum-  
mâ & animi deliquiō premeretur, excretâ primò tenacis viscidæque  
pituitæ copiâ, eructavit innumeros ferè calculos duros, oblongos &  
asperos, quibus projectis, ad pristinam sanitatem adhibitis aliis reme-  
diis commodis, hac vice redactus est; quantumvis postea tabe con-  
sumptus tandem mortuus sit.

### SCHOLIUM.

**Q**uemadmodum quotidie calculos in renibus & vesica generari vi-  
demus; ita in singulis propemodum corporis nostri partibus  
eos gigni experientia docuit. Exempla collecta videmus apud *Mar-  
cellum Donatum lib. 4. de Medic. histor. mirabil. cap. 30. Sennertum lib.  
2. part. 2. cap. 9. Institut. Gregorium Horstium lib. 4. obs. 4. Gothofredum  
Mæbium lib. 2. part. 2. cap. 13. Institut. & alios.* In pulmonibus ægroti  
nostri calculi generabantur ex humore pituitoso in bronchia pulmo-  
num destillante; qui nimis diu ibi hærens accedente spiritu lapidificô  
ac ipsorum calore pulmonum in calculos concrevit. Sententiæ huic  
non refragatur *Casparus Hoffmannus* apud *Cratonem Consil. 91. pag. 145.*



Quin, inquit, aliquando pituita vetustate concrefcit in grandinem atque etiam interdum in veros calculos: observatumque est à quibusdam, in valida tussi, calculos, hordei aut pisi magnitudine, rejectos esse. Nonnunquam etiam ex grumo sanguinis aut reliquiis paris eos generari exempla testantur.

Non mirandum autem est, quod calculi & lapilli in pulmonibus nascantur; nam ossa vidit *Columbus* in pulmonibus *Francisci Capelli* non parva, lib. 1. de iis, quæ raro in anatome fiunt. Et *Senex* quidam apud *Zacutum Lusitanum Medicor. princip. Histor. 37. obs. 8.* cum laborasset, multo antea tempore importuna tussi, è catarrhosa defluxione originem ducente, & plurima diu tentasset auxilia, quibus tussis non quietior, verum vehementior redderetur, tandem uno die cum suffocationis discrimine globulum crystalliformem avellanæ parvæ magnitudine molestissima tussi excrevit, durum & compactum, quò ejectò, convaluit. Quid plura? Nonne in pulmonibus, aspera arteria, vitalium instrumentorum capacitate, animalcula muscis, strobylis, nucleis, cimicibus, vermiculis similia generantur, quæ tussi tandem rejiciuntur? Hæc omnia per tussim excerni è pectore, testes sunt fidelissimi *Autores Medici, Avenzoar. lib. 1. tr. 11. cap. 3. Alabaravius tr. 13. pract. cap. 1. de tussi, Ant. Musa Brassavola comm. ad aph. 79. sect. 4. Hipp. Th. à Vega comm. ad cap. 5. lib. 1. Galeni de loc. affect. Joh. Schenkii lib. 2. observat. Medicinal. & Camerarius in obs.* Ita & vermes in pulmone genitos tussis causam esse, testis est *Aloysius Mundella* non contemnendæ authoritatis Medicus dialog. 4. num. 42. *Antonius Benivenius de abdit. morbor. caus. & sanat. cap. 77.* scribit, *Antonium Siculum*, qui molestâ quâdam tussiculâ laborabat, multos consuluisse Medicos, ac tandem marrubii succo cum melle devorato, interjectisque temporibus scyllam lambendo, verme ex ejus pectore unâ cum tussi propulso, sanitati restitutum. Vermium ex pulmonibus excretorum meminit *Fernelius lib. 6. pathol. cap. 10.* quòd fieri posse non negat *Galenus in calc. lib. 4. de loc. affect.*

Quare, si hæc in iis reperiuntur, quantò magis lapilli & calculi, quos natos in pulmonibus apud *Scriptores Medicos* legimus. *Galenus lib. 4. cap. 8. de loc. affect.* historiam describit cujusdam viri, diuturnâ tussi vexati, qui frustulum quoddam grandini simillimum excrevit. Notus certè fuit quidam *Paulo Æginetæ* ex iis, qui sanguinem è pulmone rejiciebant, qui temporis processu maximâ cum tussi & sanguinis copiâ, calcu-



calculos quatuor aut quinque expuebat, asperos, tribulorum modò, ad magnitudinem filiquarum trium aut quatuor, ac deinde dolore levatus est, *lib. 3. cap. 31. Alexander Trallianus lib. 5. cap. 3.* virum quendam calculum exquisitè figuratum expuere observavit, non crassum humorem & viscosum, sed revera calculum, non asperum, sed eum valdè lævem, durum & renitentem, ut in terram quoque projectus sonum ederet. Hic vir longò tempore tusi vexatus, non potuit, ne valdè tussiret, liberari, quousque calculum expuisset. Idem voluisse *Aretæus lib. 1. cap. 12.* videtur, ubi de pulmonariis verba faciens inquit: *Tametsi his pulmo non suppuret, humorum tamen veluti concretorum plenus est.* Refert *Gentilis*, quod vidit mulierem ferè suffocatam, quæ tandem exspuit quoddam frustum in quantitate ossis dactyli, solidum, conglobatum & lapidosum è pulmone, subditque & dixit *Alkindus*, vidi patientem spuerè per os, post sputum sanguinis lapides parvos cum tusi vehementi. Tradit *Anton. Benivenius de abdit. morb. caus. & sanat. cap. 24.* quendam *Henricum Alemannum* lateris dolore cum tussicula sicca per triennium vexatum, tandem calculum ad avellanæ magnitudinem exspuisse, ac sanitati fuisse restitutum. Refert *Jul. Cesar. Scalliger ad Cardan. exercitat. 108. num. 3.* se vidisse in pulmonibus *Alberici* quæstoris aliquot calculos, æquabili superficie, durissimos, colore argillaceò. Calculi ex pulmonum arteriis excreti meminit *Remb. Dodonæus cap. 23. obs. medicinal.* Scribit *Fernelius lib. 5. patholog. cap. 10.* se vidisse virum quendam, quoties exercitatione incalescebat, concitata tusi calculos è pulmonibus edidisse præduros, eosque modò hordei, modò pisi magnitudine. In nonnullis etiam ex orthopnoëa extinctis & dissectis, in pulmonibus veros calculos se deprehendisse refert *Victor Trincavellius lib. 10. de curand. part. affect. cap. 6.* Vidit eosdem calculos in pulmonibus, & manibus propriis extraxit *Columbus lib. 15. de iis, quæ raro in anatome fiunt.* Eosdem reperit *Joh. Kentmannus libro proprio de lapid. in humano corpore repert.* *Steph. Rodericus Castrensis lib. de meteor. microcosm. cap. 15.* se vidisse scribit in matrona quadam, quæ dissecta fuit, pulmones universos quasi grandine resperfos, & monialem se curasse refert, quæ granulosa quædam grandinis instar excernebat. *Zacutus Lusitanus prax. Medic. admirand. lib. 1. obs. 103.* se vidisse virum quadragenarium scribit, qui, orthopnoëa ex destillationibus à capite in pulmonem propagatâ, cum tusi sicca afflictus, nec



nec non anxietudine summâ & animi deliquio pressus, excreta primò tenacis viscidæque pituitæ copiâ, eructavit calculum, durum, oblongum, asperum ossis dactyli instar, & ita gravem, ut granorum 20. cum dimidio pondus æquaret; quò projectò, ad pristinam sanitatem, facili aliis præliis commodis, reductus est. Et *obs.* 104. Generosus quidam vir, trienniò, ex intervallis, quotidie septies, aut pluries, cum sicca tussi excrevit tres quatuorve calculos, non magnos, sed qui granula sinapi æquarent, colore candidos, duros, minutissimæ grandini similimos. *Joh. Wierus lib. 3. cap. 2. de prestig. demon.* refert, collegam suum lapillum fabæ magnitudinis habuisse, annò 1553. à se exemptum in Hospitali *Pisano* ex sinistro pulmone cujusdam adolescentis, phthisi demortui, qui jam diu tussi vexatus propè annos tres inceperat tabe marcescere, quâ tandem interiit. Lapillus fuit inæqualis, asper, non admodum gravis; pallescens atque ovalis. Et *lib. 4. cap. 17. in eodem opere* dicit, filium suum *Galenum, Medicinarum Doctorem* vidisse *Patauii* Nobilem *Germanum*, qui ab exercitio plures tussiendo rejecerit calculos, instar pisi, molles adhuc & friabiles. Virum *Briliensem* tabe affectum & tussi validâ in cura habuit *Petrus Forestus lib. 14. observ. 16. in Schol.* qui calculos gypseos (qui intra digitorum articulos, chira-grâ laborantibus, accrescere ex pituita solent) rejecerit: quamvis & hic tabe & phthisi consumptus obierit. Lapillos in pulmonibus Studiosi cujusdam rotundos, albos, tophaceos, uti & in testibus sectione se invenisse testatur *Felix Platerus in obs. propr.* E pulmone lapidem vidit magnitudine grani *Maici Cardanus comm. ad aph. 79. sect. 4. Hipp.* In pulmonibus generatos atque per os excretos observavit lapides parvos, albicantes, duros supra modum *Cornelius Gemma lib. 1. cap. 6. Cosmocrut. & lib. 2. Cyclognom. pag. 76.* Vidit & sub curatione sua habuit quendam *Gerardus Bergensis lib. de calculo & arthritide pag. 90.* qui per tussim plures excreverit lapides. *Cl. Daniel Sennertus Med. pract. lib. 2. part. 2. cap. 7.* idem in viro quodam docto & olim Professore Academiae *Wittebergensis* observavit, qui grandines colore albo & duros è pulmone ejecerit, & tandem phthisi correptus ac mortuus sit. Calculos pulmonum friabiles complures annotavit *Phil. Salmuth. cent. 1. obs. 7.* Exemplum etiam vidit *Cl. Wolfgangus Hoefer. in Hercul. Medic. lib. 2. cap. 2.* in primarii cujusdam civis uxore, *Waidhovii* ad *Ipsam*, quæ annis quatuor integris per vomitum quotidie bilem copiosam, per tussim



tussim pituitam, & nonnunquam calculos justè concretos rejecit: postea mense Martio annò 1655. tabe consumpta. Ab internis quoque causis, potissimum verò à pulvere calcis in asperam arteriam & pulmones immisso posse generari ibidem calculos historiæ testantur. De quibus aliisque videatur *Gesnerus part. 1. cap. 12. de fossi lib. Ferdinandus Senior lib. de nephritid. Gordonius part. 5. cap. 18. Lilii. Gilbertus Anglicus lib. 6. compend. cap. de lapid. ren. Arculanus in comm. ad cap. de lapid. vesic. Rhasis, Hollerius in comm. ad cap. 48. lib. 12. de morb. intern. Jacotius comm. in aph. 67. sect. 2. lib. 5. coac. Hipp. Sebast. Roth in Disp. Medic. Joh. Schenckius lib. 2. obs. Medicinal. Thom. Bartholinus cent. 1. histor. 33. Act. Medic. & Philosophic. Hafniens. volum 1. obs. 99. Hornungius cist. Medic. Epist. 244. Fabric. Bartholetus de Respirat. lib. 4. cap. 3. Petr. Pawius obs. anat. 9. & præter alios Dn. D. Velsch. in Ephem. Curiosar. Physico-Medicar. Ann. I. obs. 158. p. 337. Dn. D. Dobrzensk. Ann. II. Eph. Cur. obs. 181. p. 278. Dn. D. Wedel, Ann. III. earundem Ephem. Obs. 16. p. 21.*

## OBSERVATIO CXXXIII. D. MATTHIÆ TILINGII

DE

LIENE INDURATO, SCIARRHOSO ET FERE LAPIDOSO.

**S**erenissimi ac Celsissimi Principis ac Domini, Domini *Ferdinandi Alberti*, Ducis *Bransvicensis & Luneburgensis*, Domini mei *Clementissimi*, Filiolus unius anni, convulsionibus epilepticis admodum erat obnoxius; cum his ita graviter affligeretur, ut tandem vitam piè cum morte commutaret, corpus ejus die 27. Januarii anni 1673. aperui, & lienem colore lividum & nigrum, substantiâ admodum induratum, scirrhosum & ferè lapidosum inveni.

### SCHOLIUM.

**V**ariis Lien morbi, corripitur: patitur enim intemperiem quamlibet, obstructions, tumores varios, præsertim scirrhum: interdum inflammationem, & tum palpitare substantia deprehenditur, propter arteriarum multitudinem, quibus referta est; rarò abscessum patitur. Tunica sæpius incrassatur & cartilaginea fit. Sic *Realdus Columbus lib. 15. de iis, que raro in anatome contingunt*, lienem non modò scirrho laborantem se vidisse testatur, sed etiam extra cartilagine obductum, quod summa cum voluptate vidit *Stephanus Corasius Dn. D.*

X

Georgi-



*Georgius Sebast. Jungius Ephem. nost. Germanic. Curios. Ann. 1. obs. 29. Vienne* in cadavere virili Lienis membranam in parte gibba potissimum in cartilaginem, facile à substrato splenis corpore separabilem abiisse vidit. Et D. D. *Christianus Rudnicus Anno 3. Ephemerid. Germanic. nostr. Curios. obs. 159.* in mercatoris cujusdam *Gedanensis*, corpore apertò lienem dimidiâ ferè sui parte ossèâ cartilagine incrustatum vidit, adeò durâ, ut acutissimo quamvis cultro vix discindi, sineque læsione parenchymatis separari potuerit. Crassissimam hanc membranam corio bubulo similem reperit etiam *Thom. Bartholinus cent. 1. obs. 8.* ut levi operâ manu à parenchymate separari potuerit & exsiccari. Exsiccata autem eam, quam in museo suo asservat, gluten siccum præ se ferre scribit. *Nic. Tulpius lib. 2. obs. cap. 28.* lienem observavit costas pulsantem, qui ejus sententiâ cartilaginosus fuit. *Joh. Riolanus Enchirid. Anat. & Pathologic. lib. 2. cap. 27.* tale quid sæpè observavit; quod factum est per inflammationem lienis, à quo tam valdè costæ collidebantur, ut illi sicus perciperentur. Parenchyma ipsum induratur, scirrhosum & ferè lapidosum, ut in piè defuncto Principe, evadit. Sic lienem planè lapidosum *Petrus Forestus lib. 2. de incerto urine judicio* conspexit.

Vir celeberrimus, & Anatomicus illustris *Thom. Bartholinus cent. 4. histor. anat. 6.* lienem in cadavere defunctæ mulieris dissecto invenit tantæ fuisse duritiei, ut vix cultro cederet, nisi magnâ vi intruso. Intersecandum non dissimilis audiebatur sonirus, quem in lignis spongiosis discissis animadvertimus; & si clarius loqui licet, & colore, & duritie carnem fumo diutino induratum lien retulit, sive quod interceptis obstructisque vasis spleneticis exaruerit, sive quod atro fucco repletus nutritusque fuerit induratus. *Petr. Pawius obs. Anat. 61.* puerulum triennem aperuit, in quo lien admodum fuit induratus. *Theod. Kerkringius obs. Anat. 33. pag. m. 74.* exemplum adducit lienis & magnitudine & duritie peccantis, & disquirat ibi, annon in tali casu audendum esset famosi præterito seculo Empirici *Leonhardi Fiorovanti* facinus, ab ipso notatum in *Thesaur. vit. lib. 2. cap. 8. pag. m. 26.* qui *Panormi* fœminæ *Marulle* annorum 24. lienem oppilatum & tantâ mole auctum, ut corpus ampliolem non caperet, feliciter exsecuit, & à præsentī interitu restituit, præcipuè cum ex *Ballonio lib. 2. Ephemerid. p. 252. Thom. Bartholinus cent. 4. obs. 51, pag. 345.* adducat exemplum in vulnerato ad nothas costas

ab



ab imprudente sectore, qui ignoravit splenem foras apparere, fuisse eundem resectum, convalescente ægrò. *Hieronymus ab Aquapendente lib. Operat. Chirurgic. cap. 52.* de Empirico quodam scribit, percutiente malleo suo tam vehementer indurati lienis scirrhum: ut ipse rimas; & æger vapulans ageret animam. Substantiâ ergò & habitu, adeò firmis interdum lien redditur, ut etiam in totum indurari observetur. *Dodæus in annotat. ad Benivenium* nonnullorum, qui ab ictero in ascitem delapsi erant, jecinora vidisse refert adeò dura, & lapillis undique plena, ut novaculâ perscindi non potuerint. Simile narrat etiam *Andr. Vesalius in Epist. de China ad Joachimum Rolands* de quodam viro *Senensi*, cujus jecur prorsus candicans superficie constitit non lævi, sed admodum inæquali, & lævibus tuberculis exasperata, anterior verò ejus pars & universa sinistra ad modum lapidis indurata. Vaccæ lienem planè induratum ac lapillis refertum ego quoque *Rostochii* vidi. Substantia porrò hæc lienis fit vitiosa ob rem vel p. n. in eo contentam, vel cū adnatam. Ita lienis substantiam materiâ gypsea refertam vidit *Fabricius Hildanus cent. 2. obs. Chirur. 44.* Cū nepos *Georgii Illustrissimi Hassiæ* Principis hydrope die 21. Junii 1655. vix annum natus decederet *Cl. Horstius* in examine ejus viscerum notavit, quòd in hepate & liene foveæ aquâ plenæ apparerent, sicut ad *Thom. Bartholinum* amicâ manu perscripsit, *cent. 3. histor. anat. 81. & cent. 4. histor. anat. 25.* In nobilissima quadam matrona hydropica lienem aposternate infectum presumque puris copiam effudisse observavit *Paulus Mothius.* In *Martino* den *Schlaper* typographo, qui, quod febriculâ tentatus, carnificis ministerium occuparet, hoc est, ipsum se è clavo fenestræ suspenderet, cessit in prædam novaculis publicis, & quem secuit *Dn. von Horn* solus lien peccasse visus est; ablata enim, quæ tectus est, membrana, totum lienis parenchyma instar crassæ & nigræ amurcæ diffuxit, nihil in eo solidum, ut non creditum sit dissimile vero, ex corruptione melancholici visceris miserum in deliria actum jus vitæ suæ laqueo dixisse. *Olaus Borrichius* apud *Thom. Bartholinum cent. 3. epist. medic. 97.* se in cive *Patavino* per triennium carcere detento, nigro arquato in maximis mœroribus defuncto, in gibba lienis parte adipem adnatum in candidissimum & durissimum lapidem concretum, in publica sectione reperiisse. Vesicam aqua plenam duorum pugnorum magnitudi-



ne sub liene invenit *Volcherus Coiter*, uti refert in *Observat. suis anat. & chirurgic.* Vesiculas quoque lieni adnatas vidit *Platerus*; similiter & ego eas in liene ovis deprehendi, conformes iis, quæ hepatis interdum adnascuntur. Lapidem in liene repertos fuisse referunt *Vesalius lib. 5. Fabric. corp. hum. cap. 9. Hollerius lib. 1. de morb. intern. cap. 48. in schol. & Fallopius in Obs. anat. ad Petr. Mannam Med.* Lapidem in liene n. bilis & generosæ fœminæ *Christiana Verin* reperit *Thurnheisserus* in *Exam. Urinar.* castaneæ magnitudine, subalbidum, alabastrum mollitie, pondere unciam duarum semis & drachmæ unius, laminis, ovorum putaminibus invicem crustatim involutis, similibus concretum. Fuit hæc fœmina juvenis, formosa, quæ subinde plenilunii tempore gravissimè ex sinistro latere ad triduum usque affligebatur: quo exacto, dolor eo usque remisit, donec novum plenilunii punctum instaret. Calculos è liene ad vas breve, & ex inde in ventriculum fuisse rejectos, asserit *Riverius* in *obs. communicat.* Et tandem *D. Luques* apud *Petr. Borellum cent. 1. obs. 4.* in liene hominis os cruciforme invenit, quod tamen fuisse existimavit vasorum orificia durefacta, quæ obcalluerant, ut in corde boum & eorum sæpè accidit, taleque est os de corde cervi dictum, quo in medicina adversus venena utimur. Rotundum quendam tumorem, instar steatomatis, undiquaque liberum, lieni à parte inferiore per connexionem membranæ adhærentem, juglandem magnitudine, ipsum verò lienem colore & substantiâ æquantem, in anatome cujusdam corporis humani vidit *Cl. Henr. à Moinichen* apud *Thom. Bartholinum cent. 2. Epist. med. 56.* Ab inflatione simili modo lien in tumorem effertur. Et tunc tumor & distentio cum aliquo dolore, sed sine sensu gravitatis & ponderis adest. Murmur & sonus editur. Compressus lien cedit. Inflammationem hanc excitant aquæ frigidae largior haustus, cibi flatu pleni, ut pisa, castaneæ, fabæ, &c. vel humores crassi & viscosi, qui à calore imbecilli vinciri non possunt, & in vapores resolvuntur, quia spongiosus est, facile inflare queunt.

[*Ad Collect. Ephemeridum d. 24. Octobr. Ann. 1675.*]

## OBSERVATIO CXXXIV.

D. SIMONIS SCHULTZII

DE

EPIGENESI IN MORBUM TOTO GENERE DIVERSUM.

Sen



Sen

DE

## PARALYSI LETHALI, HYDROPI SUPERVENIENTE.

**S**imon Seidel, civis & lanio Thorunensis, vir robustus & plethoricus, annorum 59. cum jam à pluribus annis de magnâ vel triculi & abdominis flatulentia conquereretur, ea quotidie magis ingravescens, tandem in hydropem tympanitico - ascitem erupit: cui ego, Anno 1674. 23. Januarii in consilium vocatus, sequentem potionem purgantem exhibui: Rec. *spec. decoct. aperit. maj. mis. fl. chamem. mis. rad. fœnic. 3vj. Decoque l. art. in f. qv. aqu. Chamem. Colaturæ fort expr. 3iiss. adde elect. laxat. extr. fol. senn. nostr. 3ß. res. scammon. galapp. ā. gr. iij. crem. tartari ʒj. aqu. cinam. cord. 3ij. M. F. Haustus.* A cujus usu, post dejectiones copiosas cum euphoria solutus bene habuit, & nuptiis filiae, die 30. Januarii celebratis interfuit. Sed primâ Februarii rursus malè habens me ad se vocavit, ubi tum ab obstructione alvinâ & distensione ventris à flatibus valde angebatur. Urina erat tincta, pulsus parvus, sitis maxima. Præscripsi ei istâ die sequens laxativum: Rec. *aq. laxat. nostr. 3iiss. pulv. laxat. 3ß. Julepi rosat. qv. s. ad grat. dulced. M. pro una dosi, indeque blandas habuit dejectiones.* Cum verò constipatio alvi ipsi admodum molesta esset, ordinavi ipsi sequens electuarium alternis diebus fumendum quantitate nucis moschatae vel juglandis: Rec. *elect. laxat. extr. fol. senn. nostr. 3ij. admiscendo res. scammon. galapp. āā. gr. iij. crem. tartari ʒiß. misce exactissime.* Hoc ferè quotidie non sine optimo successu utebatur. Diebus ab electuario liberis, nonnunquam etiam circa vesperam istas rotulas assumebat: Rec. *spec. diarrh. Abb. aromat. rosat. āā. 3iß. chor. prepar. 3j. ol. dest. fœnic. carui āā g. v. sacchar. Canar. alb. in f. qv. aqu. cinam. cord. dissol. 3iiij. F. l. a. Rotulæ fumantur 13. vel 15. una vice.* Sed respiratio indies difficilior reddebatur, vires autem debiliores: quare 2. Februar. hunc pulverem ordinavimus: Rec. *ol. dest. carui, cymini, anisi, fœniculi āā. g. ij. sacchar. Canar. alb. ʒiv. M. F. Pulvis.* Post cujus usum etiam melius habuit. Dein istud linimentum pro inunctione totius abdominis: Rec. *ungv. de arthanita. deoppilat. āā. 3ß. ol. rutac. 3vj. Ol. dest. carui, fœnic. cymini, anisi, āā. ʒß. M.* Sed die 4. Februar. virium roborandarum gratiâ talem Julepum exhibuimus. Rec. *conserv. fl. anthos, borag. bugloss. violar. āā. 3ij. cum aqu. byssopi, capill.*



*Veneris* āā. ʒiiijʒ. Ebulliant in diplom. clauso. Colaturæ fort. expr. admisc. *aqu. rosar. fragr.* ʒx. *aqu. cinam. cord.* ʒvj. M. Cum interea lotium non nisi difficillimè & in paucâ quantitate redderet, assumptâ sequenti mistura, illud copiosius effluebat, quæ talis fuit. Rec. *elix. proprietatis Paracelsi, essent. absinth.* āā, ʒj. *spir. salis dulc. ol. dest. carui, cymini, anisi, fœnic.* āā. g. v. M. Dos. gutt. 9. 11, aut 15. Die 9. Febr. manè adhuc omnia in optimo statu persistebant, quâ etiam à meridie paracentesin circa umbilicum ad aquam educendam instituere volebamus; sed horâ tertia pomeridianâ, paralyti totius lateris sinistri tactus est, motu & sensu tam brachii quàm pedis ablati, sed loquelâ & sensibus internis usque ad mortem integris permanentibus, & quamvis naturam in depellendo affectu isto juvaremus, ut, Rec. *conserv. fl. anthos, salvie, lavend. betonic. lil. convall.* ā. ʒij. cum *aqu. betonic. ceras, nigr. fl. tilia, pœon. carduiben.* ā ʒij. Ebulliant in diplom. claus. Colaturæ fort. expr. adde *aqu. cinam. cord.* ʒx. *apoplect. Lang.* ʒij. M. pro jupio cochleatim sæpius sumendo. Item Rec. *pulv. Marchion.* ʒʒ. *spec. dianth. diamosch. d.* ā. ʒʒ. M. F. Pulvis pro unâ dosi. Item Rec. *mell. ad densit. coct. q. s. spec. de hiera cum agar.* ʒj. *troch. alband.* ʒʒ. *salis gemma* ʒj. F. l. art. suppositorium; frustra tamen omnia adhibita sunt; nam die 12. Febr. horâ undecimâ nocturnâ placidè in Christo obdormivit.

Cadavere post mortem aperto, humor paucus, sed flatus in magnâ copiâ reperiébatur: quid mirum? cum statim post usum mistura superioris descriptæ cum urinâ serum dies noctesque fuëret. Atque hæc est vera epigenesis, cujus diversa genera describentem vide *Steph. Rod. Castrensem* in *Opusculo Quæ ex quibus libr. 1. cap. 11. usq; ad 17.* Præsertim confer cum præsentī casu *cap. 13. de epigenesi in morbum toto genere diversum.* Adde etiam *cap. 25. ejusdem libri de hydropis epigenomenis.* Quibus majoris elucidationis gratia operæ pretium videtur subungere dignam *Caroli Pisonis* observationem, quæ *libr. sing. select. Observ. & Consil. de morb. à sero in præfat. Operis Edition. in quarto p. 33.* Edit. autem in *Octavo sect. 1. Theor. 3. p. 45.* reperitur, hisce verbis: Fluxiones omnis generis & affectus p. n. quorum causa materialis est serum, invadunt affliguntque præsertim sinistras partes: ex quo quia natura in his rectitudinem pro more servat cum viscere, quod est fons serosi humoris, hunc esse lienem, quippe sinistram hypochondrium occupantem, arguere est.



## OBSERVATIO CXXXV.

## D. SIMONIS SCHULTZII.

DE

ABSCESSU UMBILICI, PHTHISIN UNIVERSALEM  
DETEGENTE, ET MORTEM PRODUCENTE.

Cum Christina Pickia, triginta novem annos nata, Gregorii Jetken, pistoris Thorunensis conjux, per tres ferè septimanas malè habuisset, & de tumore abdominis cum continuo dolore conquesta esset, se gravidam esse, à quibusdam mulierculis persvaderi passa est, inque isto errore hucusque permansit, donec indies malo incremente, Georgium Grunack, chirurgam ad se vocavit, qui ei *oleum anodynum* cum *chamamelino* mixtum porrexit, utque eo abdomen cum dolore tumidum quotidie inungeret, jussit: hoc facto in somno tertia ab inunctione nocte, scil. 21. Junii, anni 1674. materiæ purulentæ ferè duæ libræ per umbilicum effluxerunt, natura sibi in ipso umbilici centro parvulum foramen efformante, & abdomen à congesta illa materia vitiosa liberante, non sine magno foetore viriumque insigni prostratione. Ego eadem die hora pomeridiana ad eam vocatus, offendi debilem, in abdomine autem circa regionem hepatis duritiem aliquam cum dolore animadverti, urina nonnihil erat tincta, pulsus parvus & debilis, pectus purulenta sanie plenum, quam tussis crebra prodidit, quæ omnia atrophia artuum præsertim superiorum comitabatur. Appetitus cibi integer adhuc erat, sitisque nulla eam infestabat, singulis etiam noctibus placidè dormiebat. Sed à 24. Junii durities ventris disparebat: Chirurgus interim canaliculum plumbeum subtilissimum semper indidit, per quem dies noctesque coctum pus copiosè effluere solebat, superimpositis emplastris idoneis. Ego ipsi primum corroborantia præscripsi, deinde ob materiæ purulentæ in pectore contentæ copiam expectorantia. Die 26. Junii puris quantitas valdè imminuebatur, abdomine quoque naturalem formam acquirente, sed post deligationem vulnusculi à chirurgo, manè hora 7. peractam, horrorem quendam percipiebat, tum etiam circa noctem subsequenter semper calorem præternaturalem aliquot horarum. A meridie puris quantitas major erat, abdomine ubique molli, pus autem per vasa umbilicalia foràs erumpebat, in quæ etiam chirurgus instrumentum



mentum ad medii digiti longitudinem immittere potuit, ad latera vero in carnem musculosam nullatenus: unde facile dignoscere potuimus, pus illud per venam umbilicalem tumore mox concidente ex hepate originem habuisse. Hinc venæ umbilicalis sectionem Anatomici periculosam esse demonstrant, ceu videre est apud *Riolanum Fil. Enchirid. anat. libr. 2. cap. 15. in consid. med.* Ideo etiam epomphalia medicamenta admota umbilico purgare, manifestum est. Scitum etiam ex Hippocrate, *abscessuum ventris esse terminum umbilicum.* Sed & aquam hydropicorum interdum per umbilicum erumpere, ejusque affectus esse graves, hinc patet. Sic nos in præsentii casu coctum pus per abscessum umbilicalem usque ad mortem fluere observavimus: natura scilicet illud undequaque ex visceribus putridis foras expellente. Postmodum ulcus in mammillâ sinistrâ unum, alterum in sinistrâ nativum exoriebatur: donec tandem totum corpus atrophia consumptum, sceleton repræsentabat, & tum misera illa die 29. Julii horâ mediâ octavâ matutinâ placidè obiit. A meridie horâ mediâ primâ, cadavere à *Georgio Grunack* chirurgo, aperto, inventum pus & sanies foetidissimi odoris, in vasis umbilicalibus, quæ ex hepate ulceroso scaturiebant, & per umbilicum stillabant: hepar duritie & ulceribus tumidum quinque libras civiles cum semisse ponderabat: peritonæum; mesenterium, omentum, pancreas, omnia plena puris, & vix non consumpta, intestina etiam aliquâ ex parte corrupta; lien, renes & ventriculus benè constituta erant. Uterus purulentæ materiæ plenus & ulcerosus. Caro musculosa circa regionem hepatis eidem adhærebat, & livido-saniosa apparebat. Diaphragma, mediastinum, putrida, pulmones à pure consumpti, maximè in sinistrâ parte, ubi nihil de parenchymate pulmonis conspiciebatur, imò pleura sinistra tota consumpta erat; dextram lateris superior pulmonis lobus nonnihil adhuc de substantiâ pulmonis habebat, flaccidâ tamen & ulcerosâ: bronchia pulmonum, quæ adhuc salva erant, usque ad principium asperæ arteriæ versus palatum pure scatebant: cor salvum, sed flaccidum, ejusque capsula humore vacua: totum corpus plane consumptum. Hinc (exceptis liene, renibus & ventriculo) præsentem affectum phthiseos universalis nomine appellandum censemus.



## OBSERVATIO CXXXVI.

D. SIMONIS SCHULTZII.

DE

## APHONIA EX OCCULTO AMORE.

**D**Escribunt quidem plurimi Medici diversas historias aphoniæ seu interceptæ loquellæ ex variis causis, ut de vocis amissione ex læsione nervorum, *Amatus Lusitanus cent. 2. cur. 70. Ant. Beniven. observ. med. cap. 91. Zacutus Lusitanus de P.P. M. Lib. 2. Hist. 15.* de eadem ex crapulâ *Hæchstet. decad. 3. obs. 9.* de eadem cum convulsione ab ebrietate *Ronssens Epist. 12.* de eadem è casu ab alto cum fractâ calvaria *Fr. Valleriola observ. Med. lib. 6. obs. 4.* de eadem ex diversis causis *Joh. Schenkii in observ. Med. varia exempla lib. 1 sub tit. Lingu. p. m. 180. &c.* Item *Marc. Donatus hist. Med. mirab. lib. 3. cap. 2.* collegerunt, ut plures alios brevitatis causâ reticeam. Verùm cum de causâ in præsentè observatione expressâ nullam adhuc historiam invenire potuerim, quin eandem posteritati communicarem, intermittere nolui.

Commorabatur ante aliquot annos apud nos studiosus quidam Juris, natione Gvestphalus, Ephorus liberorum viri è præcipuis civitatis nostræ. Hic quodam tempore ex improvise mutus factus, ne verbum quidem proferre potuit, sed quasi attonitus, meditabundus in lecto jacebat. Ad quem ego vocatus in causam aphoniæ inquisivi, sed nullam manifestam indagare potui, adhibitis etiam remediis idoneis, tam internis quàm externis, nihil profeci: sensus tamen omnes tam interni quàm externi illæ si manebant, omnia intelligebat & mentem scriptione, necessitate urgente, aperiebat. Durabat hic affectus per aliquot dies, nihil interim de cibo assumebat, parùm bibebat, calor ad tactum lentus erat, urinaque naturali similis. Tandem quadam die, me præsentè, museum virgine domesticâ egregiæ formæ intrante, primùm color faciei mutabatur, qui jam erat pallidus, mox rubicundus, statim etiam perspicuè loqui cœpit: pulsusque arteriæ latentem amorem monstrabat. Ab eo tempore ille semper sanus permanfit, nequæ tale quid amplius passus est, abiitque postea hinc: sed post unum & alterum annum huc reversus est, virginem illam sibi desponsari cupiens. Verùm illa tum temporis jam alterius mariti conjux erat, juve-



nisque ille indignabundus hinc profectus est. Aphoniæ ex visione cancrorum exemplum vide in *Anno II. Miscell. Curios. Med. Phys. Acad. Nat. Curios. Germ. observ. 145. Dn. D. Franc. Matth. Hertodii, & Dn. D. Johan. Schmiedt observ. 121. tertii anni*, Aphoniæ mirabilis subitanæ exemplum alterum.

OBSERVATIO CXXXVII.  
D. SIMONIS SCHULTZII

DE

FEBRE TERTIANA, IN SENE IN IPSA HERBA  
SUPPRESSA.

**C**um Illustrissimus & Reverendissimus *Dn. Matthæus Bystram*, Episcopus Argivensis, Suffraganeus Culmenfis, & Parochus Thorunensis atque p. t. Episcopatus Culmenfis Administrator, septuagenario paulò miior anno 1672. 28. Aprilis Thorunium venisset, & de dolore ventriculi, post tempus Quadragesimæ, consequeretur, usus est è consilio meo die 30. Aprilis medicamento laxativo, præmissâ prius digestivâ potione: à quo ille non solum per inferiora, verum etiam per superiora blandè, sed sufficienter purgatus, die 1. Maij in febrem incidit, quæ tertiâ die reversa est: cujus causâ Reverendissimo ad ventriculum roborandum sequens remedium præscripsi: *Rec. elix. proprietat. Paracelsi 3ij. essent. absinth. 3j. M.* de qua mixturâ singulis matutinis guttæ 11. 13. aut 15. cum jusculo sumantur. Sed ne paroxysmus febrilis tertiâ vice ipsum adoriretur, autor fui, ut horâ unâ aut alterâ ante paroxysmum hoc antifebrili sapius experto uteretur: *Rec. Fri alb. subtil. pulv. 3j salis absinth. lap. prunell. āā. gr. iij. nuc. mosch. gr. j. M. F. Pulvis.* Quo assumpto paroxysmus nunquam rediit. Verum ad obstructionem alvinam tollendam sequente enemate Illustrissimus postea usus est: *Rec. spec decoct. emoll. carminat. ā. Mij. caric. pingv. no. iiij. sem. lini leviter contusi 3ij. decoqu. l. a. in s. qv. aqu. font. colaturæ 3ix. adde elect. diacathol. 3vj. sacch. Thom. 3x. ol. chamem. malvæ ā. 3vj. salis gemmæ 3ß. M. F. Enema.* Tandem ad reliquias per sudorem, (ad quem naturâ inclinabat) expellendas, pulverem hunc pro duabus vicibus ordinavi. *Rec. pulv. rub. Pann. alt. 3ij. salis carduiben. lap. prunell. ā. gr. vj. M.* Et sic benedicente summo Archiatro, Illustriss. *Dn. Episcopus* in tam proVectâ ætate à febre liber factus, huc usque sanus atque vegetus vivit.

OBSER-



OBSERVATIO CXXXVIII.  
D. SIMONIS SCHULTZII.DE  
PLICA EXPLICATA.

**C**ertum est, quamlibet ferè regionem aliquid habere, quod sibi jure quosdammodo suo vindicare videtur: sic quoque & morbos quosdam nonnullis provinciis ita familiares esse, ut ejus quasi proprii dicantur, in aprico est. Appellant hos Medici propter communem aliquam causam *ἐνδημίας*, ac si dicas, vernaculos five indigenas & proprios. Talis morbus à *Plinio* sceletyrbe & stomacace, à recentioribus scorbutus dictus, ad septentrionalis maris litus habitantibus communis est. Talis Neapolitanis podagra, Alpinarum regionum incolis, Hispaniæque finitimis bronchocele esse putatur. *Galenus* Alexandrinis elephantiasin familiarem scripsit. Judæos inprimis leprâ contagiosâ direxatos fuisse, Sacræ Literæ testantur. De singulorum naturâ varii varia observarant. Affectum cui à capillorum ceu glutine quodam inviscatione & invicem complicatione Plicæ nomen tribuitur, & qui Polonis inprimis, hisque finitimis peculiaris est, vix quidam ex observatione propriâ, pauci ex relatione aliorum hucusque descripserunt. Hinc natura ejus nondum planè perspectâ, de eo aliquid certi statuere, haut facile erit. Nos tamen auxiliante divino Numine, quicquid tum propriâ experientiâ, tum ex relatione aliorum hucusque collegimus, circa plicæ hujus explicationem nunc consignare studebimus.

Dictus est hic morbus *Plica*, quod capillos planè inter se complicit: *Plica Polonica*, quod Polonis, & inprimis eis, qui inter Hungariam & Pocutium habitant, Russis & his finitimis, (quamvis noster temporibus totam Poloniam pervagatus, ulque ad nos Prussos pervenerit) familiaris; hinc licet primo ortu epidemius fuerit, jam endemius factus sit. *Schenckius observ. Med lib. 1. obs. 3.* etiam Brisgois, Alsatis, Belgis, nonnullisque Rheni tractibus morbum hunc notum esse scribit: sed rarò à Medicis illorum locorum tale quid observatum est. Vocantur aliàs capilli ita convoluti ab hoc affectu *Trice incuborum*, quod vulgus capillos ab incubis intricari & noctu sugendo tractari putet. *Trichoma: morbus cirrorum*, capilli enim intricati cirros repræsentant, & secti, nonnunquam sanguinem fundunt, quod autem alii negant. Germano-



rum appellationes sunt, die Wärenflechten/ Wärenwircfung/ Wärenloffen/ Schrottlin's Zöpfse / quæ eandem rationem cum Latinâ appellatione obtinent. Præterea Wichtel Zöpfse vocant, quod superstitiosè creditum sit ab infantibus non baptizatis, (quos antiqui Wichteln dixerunt) necti. Juden Zöpfse/ quod ab incubo Judæi specie fieri existimantur. A Polonis notatur nomine Gozdziec sive Gwozdziec, quo vocabulo morbus ipse exprimitur, item Koltun, quod propriè capillorum complicationem significat. Est itaque Plica capillorum cuti capitis infixorum & in amplum distentorum involuta contorsio, cum gravissimâ totius corporis artuumque tam superiorum quàm inferiorum, capitisque lésione, & antequam capilli complicantur, magno dolore, sudore plerumque concomitante.

*Subjectum* ejus *primarium* seu radicale est hepar, vel partes succo sanguineo generando & separando destinatæ: *secundarium* & per sympathyam recipiens, cutis capitis secundum radices pilorum, & pili ipsi, ubi morbus firmatur, natura criticè ad illas partes sibi molestum deponere tentante atque perficiente. Apparet hinc pilos poris non destitui: & inde etiam quod unâ nocte omnes possint canescere ab apprehensione gravis mali imminentis vel præsentis. Unde suspicio vitæ eis inesse, quasi alantur, per succi sibi appropriati intus susceptionem.

Neque tamen hæc affectio dicenda pilorum convulsio, quia ea tum propria est, tum analoga partium sensu & motu voluntario præditarum. *Subjectum adequatum* est totum ferè corpus, articuli & perioestia &c. ut patet ex actionibus læsis & qualitatibus mutatis.

Quamquam autem motus hic naturæ, ut superiùs dictum, videtur esse criticus, non tamen simpliciter talis est, haud enim tota materia illuc deducitur; vel si aliquando per abscessum ad illas partes morbus judicatur, id nimis longo obtingit temporis intervallo, secus ac fit in verâ crisi. Galen. in Aphor. Hippocr. comment. 2. Aphor. 13. Neque etiam appellare quis posset symptomaticum, fit enim ex interioribus ad exteriores, ex nobilioribus ad ignobiliores partes humoris pravi expulsio. Ex utroque igitur mixtum nuncupare lubet. *Causa prægnans* seu antecedens est morbosus apparatus, sive dispositio talis humorum & partium, quæ ad effectum hunc generandum, sive aliunde susceptum, sive congenitum magis apta redditur: quemadmodum sunt magnæ crudi-

tates



tates in tribus coctionibus cumulatae, sanguis multus, crudus, quocunque modo corruptus & venenatam aliquam conditionem adeptus. Ut enim malum hoc ob communem aliquam ejus regionis causam, endemium sit, ita ut sæpè in una domo duo vel tres eo affecti reperiantur, non tamen absolute contagiosum dicendum est, nam plurimi, licet cum ægris illis conversentur, non inficiuntur, sed qui *Νεθεσι* aliquam internam nacti sunt. *Καυσα ανεκαταρκτική* morbosum apparatus in actum deducere valens, è triplici serie rerum naturalium, non-naturalium & præternaturalium Medicis dictarum, hic quoque peti potest. Inter res naturales dispositio hæreditaria multum facit, & immediata plerumque seminarii morbifici existit causa, quando cum generationum principiis in ipsum foetum transfunditur. Præter quotidianam experientiam testis est oculatus *Cl. Sennertus*, qui *libr. 5. Med. Pract. part. 3. sect. 2. cap. 9.* de plicâ, Generosi cujusdam Poloniæ Comitæ plicâ laborantis filium sexennem, plicas jam aliquot in pilis capitis habentem introducit. *Idem* militem quendam senem, plicam in occipitio à matre suâ, quæ septem plicas duarum ulnarum longitudine ad mortem usque alebat, hæreditate accepisse, *ibidem* asserit. Ætas quælibet ad morbum hunc suscipiendum apta est. In sexu maximam partem fœminas invadere nonnulli existimant, potissimum suppresso menstruo sanguine: sed falsum id esse, experientia testatur.

Inter res non-naturales est aëris mala constitutio eidem à vaporibus è terrâ & aquis, quæ in Poloniam ex montibus Ungariæ defluunt, exhalantibus, impressa. Sive quis cum *Fonsæca libr. 1. consult. Med. conf. 1.* eum etiam totâ substantiâ ob cœlestes influxus ab initio mutatum fuisse credere maluerit: qui unâ à maleficis unguentis eundem contagium sumpsisse *ibidem* suspicatur. Cibus & potus tam quantitate, quam modo assumendi peccans, morbo citius generando quoque aliquid addit. Poloni præsertim ejus provinciæ cibos crassæ substantiæ & in magnâ quidem copiâ assument, potui nimis indulgent, non solum cerevisiæ crassæ & potentis valde lupulatae, verum etiam vini generosi & us frumenti, atque mulsæ cum lupulo decoctæ: unde cruditates & exhalationes proveniunt. Sed peculiare quiddam aquis ejus loci, quarum quotidianus iis hominibus usus est, ad plicam producendam inesse, nonnulli rentur. Reliquæ res non-naturales quid hic præstent, facile quivis perspicere potest.



Res præternaturales mali hujus apparatus promovent, observatumque est, eos, qui in luem veneream propendit, vel eâ jam infecti sunt, facilius plicâ affici: tum etiam scorbutum cum hoc morbo magnam analogiam habere.

De *causâ proximâ* & continente intricata res est. Ad solum humorem viscidum causam referre, minus probabile videtur, sic enim in omnibus ferè regionibus multi, qui ad viscidos humores generandos dispositi sunt, imò eis abundant, accedente aliquo aëris vitio, plicæ obnoxii essent, nullaque ratio est, cur solum ad capillos & partes superiores, non etiam ad inferiores, quo viscidi & lenti humores magis vergunt, vel alias partes materia hæc detrudatur. Quinimo nec vapore solo circumscribi potest; quia capilli secti sanguinem emittunt: quod tamen plurimi negant, egoque nunquam observavi. Præter alios tantum unicum testem verum hic produco, Per-Illustrem & admodum Reverendum Dn. Sebastianum Belenski, Canonicum Vladislaviensem & Præpositum Brzezinensem sanctè affirmantem, quod sibi plicas omnes absq; noxâ & sanguinis effluxione aliquoties præcidi curaverit. Sed neque humor, qui corpori noxius est, idem pilis copiosum, alimentum suppeditare potest, atque hinc capillorum inviscationem efficere, siquidem is potius capillorum luxurie causa existeret. Causa itaque plicæ proxima statuenda est *maligna glutinosa materia*, cui sæpè humor atrabilarius permixtus accedit, peculiari modo cum vehiculo sanguinis in caput elevari apta ac ibidem firmata capillos inter se complicans; non aliâ ferè ratione, quam ut arthritidis causa articulis infensa esse solet. Evincunt hoc varia & sæva symptomata malignitatem ejus satis arguentia, ipseque morbus curationem methodicam planè contemnens. Chymici fortè dixerint esse resolutionem sulphuris in succo sanguineo cum salis reverberati ad mordacitatem dispositi separatione: & modum determinatam esse ab originali aëris inquinamento, quod in minutis particulis inversam proportionem efficiens, resolutionem & separationem eam præstat. Sulphur quidem resolutum quum occupat sedem mentis, soporem inducit suâ visciditate, at quum per venas jugulares ad radices capillorum repit, unâ cum sanguine corrupto per modum partialis criseos, implicationem inviscatam in capillis præstat; quod si capilli tum secantur (de quo inter signa) humor irritatus, qui sal à contemperatione separatum sibi admixtum habet, exhalationes in quas-



quaslibet partes subjectas, ad oculos, articulos, periostia &c. transmittit, etenim continuo filo humor coherens per irritationem etiam in ipsâ minerâ agitated, sparsim venenatos vapores diffundit.

Quid hic affectus (de quo mox) tineæ in cute capitis similis fiat, nec tamen in ulcus desinat, est à sale, quod à glutinosa visciditate sulphuris resoluti cohibetur: quod atrabilarius nonnunquam fiat morbus, est à salis in massâ glutinosâ assatione. Cum autem in articulis dolorem excitat, fit hoc à salis acumine, quod in loco frigido & sicco siccescit magis: sed hanc opinionem speciosam magis, quam ad curationem morbi utilem, utpote cujus fundamenta nondum satis confirmata sunt, hic prolixè examinare supersedemus.

Multi sunt affectus, cum quibus plica communia quædam habet symptomata. Cum lue venereâ lassitudinem totius, colorem faciei immutatum, adustionem quandam & calorem, cruciatum ossium: cum srorbuto artuum dolores, contractiones: cum capillorum tineâ redundationem vermiculorum, (qui tamen rarissimè ægros infestant) cum *πιτυμασει* immunditiem & squamulas furfuraceas; verum facile ab iis discernitur, si reliqua graviora ejusque magis propria conjunctim cum his perpendantur symptomata.

*Signa morbi talia sunt.* In principio cum natura vitiosum illud fibique molestum à partibus interioribus ad exteriores propellere tentat, color faciei in pallidum mutatur, ossa infringuntur, artus laxantur, caput, pedes, manus, omnesque artus, & juncturæ dolore atrocissimo infestantur, tinnitus aurium percipiuntur, convulsiones interdum excitantur: membra etiam contrahuntur & gibbi quandoque efficiuntur, si nimirum actio causæ ab initio vehemens fuerit. Dein naturâ superiore quasi existente, ad capillos præcipuè (ut in arthritide ad articulos) materia morbifica protruditur, unde nonnunquam furfurum & pediculorum in capite generatio, capitis spurcicies, foetor, capillorum inter se complicatio & in cirros convolutio, ut eos nec arte nec labore ullo explicare queas, si verò seces aut radas (quod alii, immò plurimi, ceu suprâ dictum, negant) sanguinem fundent, plurimis etiam cirri sponte decidunt. Ungues insimul præsertim in pollicibus pedum scabri, longi, & instar cornu hircini, nigri evadunt, atque hoc tantum iis, qui hoc morbo graviter laborant, obtingit: quibusdam etiam planè decidunt, & post explicationem plicæ renascuntur;



tur; quod mihi oretenus retulit Illustrissima Comitissa à Dönhoff / Illustrissimi itidem Palatini Pomeraniæ &c. Dni Johannis Ignatii Bonkovskii conjux se in propriis digitis observasse.

*Prognostica* quod attinet, maximo cum periculo malum hoc conjunctum est, & eò majorem habet laborem, quo sæviora Symptomata in pluribus partibus, ad quas materia detruditur, excitat. At naturā vincente, cum materia ad capillos delata, eos in densos cirros deformavit, corpus à malis supra enumeratis liberatur, quod tamen sæpè longam temporis moram requirit, natura interim reliquias humoris peccantis ad capillos pedetentim deferente. Et sanè plurimi ejusmodi plicas, citra noxam, quoad vivunt, circumferunt, quanquam non sine deformitate. Existimarunt quidem nonnulli, si isti cirri temerè præcidantur, gravissimis malis corpus iterum obnoxium reddi, quia vehementia causæ per istam irritationem increscit & motus materiæ ab ignobilibus partibus ad internas nobiliores revocatur. Oportet autem humores, quorum maturationes progressu temporis contingunt, quæ vel foras, vel intrò, vel aliò, quo expedit, tendunt, ducere, ut *Hippocrates libro de Humoribus* docet: hinc statuunt materiæ exitu denegato, evacuationeque ejus solitâ impeditâ, quosdam visu privari, alios gibbosos fieri, alios alia damna pati, prout humoris motus in hunc vel illum locum inclinat. Veruntamen expurgatâ jam in totum corporis profunditate ipsæ plicæ sæpè sponte decidunt, & si non, fortasse tum medico earum resectionem moliri liceret, modò de materia non amplius in corpore præsentem certus esset. Hoc quamvis difficile sit, attamen Medico cuncta accuratè perscrutanti, & secundum rationem agenti haud impossibile. Verum testati sunt plurimi, cirros illos post finalem conglutinationem illis sine omni noxa præcisos fuisse. Nihilominus tamen mihi noti sunt quidam, qui post abscissionem cirrorum ad tempus visu privati fuerint, & dolores graviores artuum & capitis inde retulerint.

*Curationem* plicæ perfectam nemo sibi polliceatur, antequam ejus loci, ubi morbus hic endemius est, genium & incolas, cæteraque ad hoc pertinentia benè cognoverit, quod quantum ad morborum investigationem & depulsionem faciat, magnus *Hippocrates libro de aere, locis & aquis* satis demonstravit.

An verò hic ternarius ille indicantium numerus triplicem indicationem suppedians, quæ primò præservatoria causam antecedentem tollit;



tollit; secundò curatoria morbum causamque continentem debellat: tertio vitalis viribus pristinum robur restituit, locum inveniat, non sine causa in dubium vocatur.

Quibus hætenus in principio morbi *vena sectio* instituta est, plus obfuit, quàm profuit. Illustrissimam Matronam Polonam, cui vena cubiti in principio secta est, confestim sævissimos in eo brachio dolores cum tumore cedematoso passam esse: pari modo in pedibus vena aperta, dolores acerbissimos in utroque crure ad malleolos excitatos fuisse, testatur *Hercul. Saxonia Med. Pract. lib. 10. de plica cap. 7.* Quibus nos etiam libenter suffragamur, plurimis plica laborantibus id affirmantibus, propriaque experientia edocti. Sed multò minus purgationibus exhibitis noxii humores superantur, quin potius commoti ita per totum corpus disperguntur, ut quosdam cæcos, alios claudos reddant, alios alio modo graviter afficiant: quod ij experti sunt, qui purgantibus medicamentis hunc affectum ab initio extirpare tentaverunt, ex relatione ægrorum.

Quare plica methodicam curationem respuere videtur, siquidem generosis auxiliis magis irritatur. Itaque ingruente ea leniens curatio instituenda: valida & extirpans post pilorum inviscationem & capitis in nuditiem locum habere posset; sed omnes ferè post capillorum conglutinationem sani evadunt, quod nos aliquoties experti sumus. Quia autem motus hic naturæ ex parte criticus est, tutissimum, materiam vitiosam ad capillos, quo tendit, primò invitare & adducere, secundum *Hippocratem Aphor. 21. lib. 1. & Galen. comment. in eundem.* Præsertim cum in morbis venenatis judicatio per abscessum ad partes externas & ignobiles fieri consueverit.

Fiet hoc leniter aperiendo poros cutis capitis per emollientia & laxantia externa; sed inprimis commendant capitis lotionem cum decocto *brancæ ursinæ*, sive acanthi Germanici, etiam Polonici dicti, & *sedi* seu *semper vivi majoris*: atque *musci terrestris*: forsan ob signaturam. Vide *Crollii de signaturis tract.* tum *Gvern. Rolsincium de vegetabilib. plant. &c. lib. 2. sect. 8. cap. 5.* atque *Pracels. Portam & Quercetan. locis propr.* Quidam etiam magni faciunt *radices lupuli*: experientiaque constat, decoctum harum herbarum in ablutione capitis multum profuisse; quare vel istis vel additis aliis convenientibus hoc in casu utendum, in iisque tam diu subsistendum, donec omnes capilli in cirros abierint,



& magna pars virulentiae, corpus à magnis imminentibus malis liberata ad cutem capitis attracta animadvertatur. Verum ut branca urina decocta externè in ablutione capitis prodesse dicitur; ita contra ea potus ex illa paratus, & juscula internè usurpata admodum nocere, plurimi confirmant. Sed de musco terrestri hoc in affectu evolvat B. L. *Observ. 52. Anni I. Miscel. Germ. Curios. D. D. Bernhardi à Bernitz.*

*Purgatio* (ut jam dictum) sit moderata, incipiendo aliquando à vomitu, quem ob multas cruditates collectas, & in primis viis hærentes, aliquoties repetere haud inutile esset. Tum tutissimum erit, reliquias per alexipharmaca & sudorifica ad ambitum corporis expellere, præsertim ad pilos capitis, quæ in re prudens Medicus naturæ erit minister, eandemque illuc viam commonstrantem sequi non repudiabit.

Testes curationis istius adducam verissimos inter alios plurimos, primo Illustrè & Magnificum Dn. Josephum Johannem Stamirowsky, Venatorem Sannocensem &c. deingenerosum & strenuum Dn. Sebastianum Machowsky, S. R. M. tis Pol. Colonellum &c. tum nobilissimas Matronas, unam Generosi Dni Stanislai Jemielki, alteram nobiliss. Vladislai Niemoiewski conjugem, atque Johannem Koyen, juvenem: è quibus prima matrona tertia quaque die paroxysmum, ad modum febris tertianæ, cum horrore & calore, doloribusque capitis & homoplatarum per aliquot septimanas perpeffa est, ejus terminus erat sudor copiosus totius corporis, usque dum materia vitiosa ad cutem capitis delata capillos complicavit, & morbo finem dedit: altera verò doloribus totius corporis, artuum omnium & capitis gravissimis, quasique ossa frangentibus, cum tumore pedum, maximisque cordis angustiis & continuis, non nisi per sudorem copiosum & capillorum conglutinationem liberata, per aliquot septimanas afficiebatur, & jam optimè valet. Juvenis Koye Warsaviâ huc veniens, morbo isto oppressus, primùm horrorem percepit, sequente mox calore p. n. continuo, concomitantibus doloribus capitis, artuum, sudoribus indefinentibus foetidis, dejectionibus copiosis aqueis & tumore pedum, donec natura criticè ad cutem capitis & pilos ejusdem humores vitiosos transtulerit, cirri que illi capillorum mox omnes deciderint, sanitatemque integram agro attulerint. Sed Illustris Dn. Venator Sanno-



Sannocensis, vir vix triginta annos supergressus præter calorem præternaturalem, dolores articulorum & sudorem nunquam intermittentem, etiam convulsivos motus cum dolore capitis incipientes percipiebat. Generosus autem Colonellus, vir plus quàm sexagenarius, robustus tamen, ante pilorum contorsionem tantum artuum doloribus divexabatur, quos semper hausta vini generosi Ungarici sudorem promoventis dispellebat; forsitan hoc ex depravato quodam appetitu ad vinum factum: nam, ut mihi retulit supra nominatus Dn. Venator, proprium huic morbo est apud plurimos eo laborantes, ut ad hanc vel illam rem in cibo & potu magis inclinent, ceu ille sæpè appetitu insolito ad vinum sublimatum & quidem benè aromatisatum infestabatur, quo si potiri potuit morbi sævitia remittebat, si non, pessimè se habebat, quod etiam alios mihi narrasse recordor.

Testis relationis hujus auritus est spectabilis *Georgius Morkner*, Scabinus Novo-Oppidanus, affinis & compater meus honorandus. Vivit etiam inter nostrates in hunc usque diem spectabilis *Jacobus Sachs*, Scabinus suburbanus, jam sexaginta annos supergressus, qui ante plures annos morbo hoc correptus, gravissimè decumbebat, & à b. m. clarissimis Antecessoribus meis Dn. D. *Georgio Mochingero* & Dn. D. *Christophoro Meisnero* P. P. Ord. ut morbo aliquo venenato cum febre continuè laborans, curatus est; medicamentis autem nihil proficientibus, post cirrorum aliquot explicationem convaluit, quorum adhuc duos habet, reliqui deciderunt. Ut hinc taceam Magnificos & Generosos Dn. *Nicolaum Rey*, Hæreditarium & Dominum in Skoky majoris Poloniæ &c. ac Dn. *Nicolaum Lubstowski*, Capitaneum Cruszwicensem, atque Nobilissimi Dni *Andrea Niemoiewski* conjugem, quæ pro febricitante per semestrem habebatur, utpote tertiâ quâvis die rigore & horrore febrili, atque calore succedente, repentibus: inter nostrates autem viduam *Weissiam* plusquam septuagenariam, & filium ejus *Georgium Weiss*, sutorem, pluresque alios.

Hoc verò notabile est ex relatione Per-Illustris & admodum Reverendi Dn. *Stanislai Belenski*, Canonici Vladislaviensis & Præpositi Brzezinen-sis in viciniam Cujaviâ, quod ipsi Medicus quidam Polonus (dolores atrocissimos circa orificium ventriculi patienti & per aliquot septimanas oculorum caligine, tandem etiam totali cœcitate laboranti) antequam se plica explicasset, jusserit ceram virgineam seu albam oculis ap-



plicare cum tali prognostico, si post aliquot horas in cerâ crines apparuerint, illud certissimum signum plicæ fore, quod etiam eventus edocuit, nam remotâ cerâ, plurimi crines ei adhærebant, moxque omnes capilli se in cirros contorserunt, quorum illi, qui à partibus capitis dextrâ & sinistrâ pendebant, fuerunt (ut mox de hac distinctione dicitur) rotundi, tenues & *masculi*, unus autem crassus & dilatatus in occipitio *fœmina* appellatus: post quorum explicationem dolor ventriculi, atque oculorum cœcitas statim cessarunt. Mirum fanè & disquisitione dignum, unde isti capilli provenerint? Id quod ego tempore destitutus, aliis discutiendum relinquo.

Hic obiter mentio facienda, plicam in illis locis, ubi endemia est, in *masculam* & *fœmineam* distingui: hæcque totum caput patientis horribili spectaculo involvit, ut non tam capilli, quam villosus aliquis pileus congenitus homini videatur, & ejusmodi species (quia ex nimia fortè humoris viscosi abundantia & nativi caloris defectu ortii creditur) plerumque pro desperata habetur. Talem ego primum conspexi in Dn. *Stanislae Bystram* Nobili Prusso: dein in Judæo quodam staturæ proceræ in nundinis horribilem mitram retro pendentem representante. Talem se quoque, & quidem in superiore capitis parte habuisse ante plures annos, *Illustrissima Dna Comitissa à Dönhess*/ *Illustrissimi Dni Palatini Pomeraniæ*, &c. conjux, mihi nuper narravit, in præsentia Rever. Patr. Soc. Jesu & Reform. Discalc. cui jam iterum, post decisionem, capilli nigri creverunt. Sed mascula, quæ propendentes aliquot ad instar funiculorum plicaturas habet, licet & illa contumax sit, sæpè tamen sponte consumpto fortè per calorem humore nocivo, decidit, & patientem à doloribus & molestiis absolvit: hæcque est communior & mitior, illa verò rarior & contumacior.

Cum autem (ex occasione scripti, quod sub ficto nomine *Theophrasti veridici Scoti* Doctoris Medici typis Universitatis Abredonensis in Scotia An. 1668. impressum prodiit, & sub titulo *Plico-Mastix* seu *Plicæ* è numero morborum *ἀπὸσπασμα* apud Jacobum Pufflerum Bibliopolam Dantisci venditur) tam ab his prænominatis, quam ab aliis quærerem, an non etiam capillorum illa convolutio & conglutinatio ex incuria quadam proveniret, quod Polona gens rarò pectine capillos explicet, omnes mihi constanter contradixerunt, sanctè affirmando, licet quotidie aliquoties (tale quid jam in capillis animadvertentes



tentes, & antea etiam observantes) pilos capitis pectine explicare voverint, conglutinationem tamen illam inhibere haut potuerint. Non possum igitur hâc in parte suffragari Theophrasto illi veridico Scoto Doctori Medico suprâ citato, quisquis ille fuerit, sententiam clarissimi & excellentissimi quondam alicujus Serenissimorum Regum Poloniæ Archiatri, in tractatu præfato contra Vopiscum Fortunatum Plem-pium mordicus defendenti, qui plicam è morborum numero planè exterminare voluit, dicendo, eam ex superstitionum muliercularum, cerebro natam, & in credulos aliquot Medicos transplantatam, causamque plicæ nullam aliam statuit, quam pectendi capillos negligentiam: idemque plicam nil aliud, quàm superstitionum mulierum, commentum tenet. Idem Theophrastus veridicus *Plico-Mastix* in isto Tractatu, in Responsione ad Epistolam Theodori Skuminovii Episcopi Grati-ano-Politani, & per albam Russiam Suffraganei, de plica ita scribit: Plica est voluntarius morbus, si morbus debeat dici, & nullus habet, nisi qui non ve'it cavere; nam affectatio credendi absque ratione ea, quæ fama inter vulgus sparsit, illam genuit, & fama alas à credulitate suppeditavit. Plicam enim ut sobolem fama genuit, -amploque progressu auxit, quia non habuit Medicos, sed p'ebem authorem, quæ quidem non purâ ratione, sed affectu & desiderio summo natos suos enutrire solet, proinde fingendo credunt, & credendo fingunt, & quicquid audiunt, credunt se vidisse, & quod vident, augent & extollunt, imò assuefactio seu affectatio videndi insveta, deformia & delira falsaque spectacula inducunt mentes hominum, ut primo æmulentur, quæ affectant, & ita, quæ prima vice apparent deformia, assuefactione longâ pulchra solent apparere, ita peregrina primâ facie displicent, postea appetuntur: ita plicosi primo visu apparent horridi, consuetudine postea contagiosâ mollescent, ita ut si unus in pago plicam gerat, postea plures volunt habere, & tandem omnes; sed nimis sero in ejusmodi deliria animadvertitur, præcipue si sub authoritate fide dignorum virorum descenderint. Idem ibidem pergit, impedita pectinatio capillorum retrorsum impedit transpirationem, impedita transpiratio obstruit meatus cerebri, meatus obstructi inducunt appoplexiam, epilepsiam & paralyin, quæ auferunt sua munia membris, imò & crines complicati causant viscerum dolorem consensu membranosarum partium, quæ obstruuntur; imò ego assero, dolorem viscerum causare etiam plicam, quia agrum reddit sui negligentem, intermit-tendo pectinationem, & istos dolores provenire potiùs à colicâ biliosâ, at-



que aliquando per metastasin aut pravam epigenesin in paralyfin transplan-  
tari cernimus, & ad istam transplantationem à membranosis partibus ad  
nervosas non parùm conferunt crines plicati, quia capillitia complicata ob-  
struunt futuras, ne fuliginosos vapores à cerebro expellant, & inde adimunt  
membris sua munia. Huc usque ille. Quæ quàm frivola sint, quilibet,  
nisi ab affectibus præoccupatus, videt.

Verùm melius sentit Episcopus ille Gratiano - Politanus, qui in E-  
pistolâ suâ ad D. Vopiscum Fortun. Plempium tales quæstiones format:  
anne crines convoluti longo decubitu vel negligentia peccandi possint  
causare internum aliquem viscerum dolorem? vel hominem contor-  
quere? vel adimere sua munia membris? & ita respondet: quâ trican-  
tur facilitate, eâdem extricantur, & nulla sequitur alteratio: in plicâ  
contrarium, imò huic malo non crinium tantum plicaturâ, sed etiam  
ungvium excretionem portentosa natura medetur; Nonnullis enim si  
fortè contrarius in capite prædominatur humor, venenum illud in un-  
gues educitur, prodeuntque contorti, nigri, crassi, à formâ solitâ & co-  
lore humanorum ordinario alieni: datoque casu, hos etiam ut capillos  
præscindere æquè periculosum, attamen bonus ille Doctor negligentia  
peccandi capitis huic malo imponit causam, & forsan multis impo-  
suit, tametsi hoc certum, quod capillos ad numerum frangere, & molli-  
tie cincinnorum cum mulierculis certare à decore nostro, uti virili, sit  
longè alienum. Non curamus itaque Poloni hæc prostituta excre-  
mentorum capitis ornamenta, sed illa magis, quæ sunt de necessitate  
naturæ, ipsa illa 1. *Corinth. XI. 14.* docet nos, quod vir, si comam nutri-  
at, ignominia est illi, mulieri pro velamine dati sunt, sed quis Hercules  
Augiæ stabulum expurgabit? Dummodo

*Sint præcul à nobis juvenes ut fœmina compti.*

Honestas capillorum apud nos non muliebris: sed & glabritiem totius  
capitis Turcis Moschisque usitatam incusamus: medium pro more gen-  
tis & virili decore retinemus, caput semper peccimus, sæpe lavamus,  
nec illud frivolum curatur à nobis, caput ablue nunquam &c. quæ ibi  
videantur.

Cur autem Germani vel Borussi culturæ capitis magis studiosi etiam  
plicâ afficiantur, non possum invenire rationem, si apud Polonos &  
Rufos incuria peccinandi caput accusetur? sed quid opus est verbis, u-  
bi rerum testimonia adsunt? Longè melius & rectius sentit *Excellentissi-*



mus Dn. D. Martin. Bernhard à Berniz, S. R. M. Poloniae Personae & Camerae Medicus observ. 52. miscell. Curios. Med. Phys. Ac. N. C. anni II. ubi simul modum plicae curandi proponit: cui nos quoque adstipulamur; statuentes, plicam è numero morborum nullatenus esse excludendam, quanquam non diffitemur, plurimos lue venerea infectos, nec non scorbuticos, se plicae pallio obtegere, cum hi morbi magnam inter se analogiam obtineant: inprimis verò scorbutus varietate symptomatum secundum individua plicae admodum similis est; singuli enim aegri singularia accidentia patiuntur. Sed nos unicuique liberum sensum relinquimus, hancque controversiam nostram non facimus.

Effatum hoc nostrum & plurimorum Medicorum, qui de plicâ hucusque aliquid ediderunt, confirmat egregiè rarissimum exemplum, lectuque dignum de plicâ pudendorum muliebrum, cujus meminît Dn. D. Johannes Paterson Hain. observ. 221. Miscell. Curios. Med. Phys. Ac. N. C. anni III. Cui nos Epiphonematis loco addimus historiam miram de plicâ resectâ, & post sedecim annos è clavo pendente, in loco ab hominibus remoto, in coenobio quodam Poloniae Majoris Ordinis S. Brigittae circa Posnaniam, ad semiulnae longitudinem accretâ monialis cujusdam ejusdem ordinis nomine Kozielska: quam mihi verâ fide retulit monialis altera S. Brigittae Ordinis Constantia Mieszkovvska, tum temporis Illustrissimae Dominae Comitissae à Dönhoff / supra nominatae domestica, in praesentiâ ejusdem Illustrissimae Comitissae. Aderant tum una duo Patres Soc. Jesu Collegii Thorunensis, & duo alii monachi Reformati discalceat. Ordinis cis Vistulam Podgurzienses: atq; Georgius Grunack, civis & chirurgus Thorunensis. Cui lubet, adeat historicos de plicae origine scribentes, praeter alios inprimis Spondanum, Bzovium, Cromerum, Dlugossum, & inter recentiores, Joachimum Pastorinus in Flora Polonica. lib. 2 c. 14. quorum plerique initium hujus morbi in annum Christi 1287. ponunt.

## OBSERVATIO CXXXIX.

## D. SIMONIS SCHULTZII.

DE

## PLICA SEU MALACIA PUERORUM.

**P**licam seu malaciam ( quostamen affectus Medici quidam distinguunt ) esse propriè morbum gravidarum, nonnunquam etiam



tiam virginum, certum est. Sed mihi notum est exemplum puelli lactentis, quem nutrix saepius in horto in terrâ nigrâ nullo gramine tectâ depositum, ad eandem terram comedendam assuefecit, & quidem per longum temporis spatium, nemine id observante; donec tandem nutrix aliquoties animadvertens, puellum ab esu illius terræ vix retinere potuerit, quoties scilicet hortum intravit, puellusque terram conspexit, cujus signum erat ploratus. Sed absentia horti comestionem terræ planè abolevit. Hic postea consul factus, sed jam demortuus, mihi id ipsum narravit. Idem factitasse alium quendam puerum, sed natu majorem, scio, qui cum terrâ non potuit potiri, cretam comedit: uterque autem hypochondriorum tumorem & duritiem postea incurrit; & ri-  
eis medicamentis aperientibus & obstructions solventibus Medici prudentes citò obvenissent, malè cum iisdem actum fuisset; hic dein Pro-Consul creatus est, & in hunc usque diem sexagenario major Burggravii Regii vices p. t. obit, ac piè demortui istius consulis sororem germanam in matrimonio habuit. De picâ quâdam hæreditaria *vid. Greg. Horst. libr. 4. Observ. Medic. de morb. viscer. Concoct. Obs. 5.* sed inprimis ea, quæ *Excell. Dn. D. Mich. Febr. Misc. Germ. Curios. anni I. obj. 38.* de esu rerum absurdarum pulchrè congeffit, atque quæ in scholio connotata sunt, ut cum præsentē observatione conferantur, operæ pretium esse duco.

## OBSERVATIO CXL.

## D. SIMONIS SCHULTZII,

DE

SINGULARI CURATIONE RIGORIS ET FRIGORIS  
MAXIMI IN TOTO CORPORE.

**U**T *Excell. Dn. D. Olaus Borrichius S. R. M. Daniæ Medicus & in Hassniensi Academia Professor P. tertianam exquisitam lagenis aquâ calente fervehtibus, corporique hinc inde circumdatis, & sudorem excitantibus, planè sustulit, ut videre est observ. 238. Miscell. Cur. Med. Phys. Germ. anni III.* Ita nos anno 1674. conjugem fabri Georgii Sessigs civis Thorunensis Novæ oppidani primis mensibus ingravidationis, rigore & frigore totius corporis insolito aliquoties correptam, indeque valdè debilitatam, per lagenam aquâ calidâ plenam, plantis pedum suppositam, post sudorem copiosè erumpentem, ab eodem symptomate per DEI gratiam feliciter liberavimus.

OBSER-



## OBSERVATIO CXLI.

D. SIMONIS SCHULTZII.

DE

PALPITATIONE DIUTURNA VENTRICULI TAN-  
DEM SUBLATA.

**E**Adem fabri ferrarii uxor cum ultimis tribus imprægnationis mensibus, palpitationem ventriculi quotidianam gravem & diuturnam perpeſſa fuiſſet, nullo alio remedio, quam *Requie Nic. ad 3j.* aliquoties ante cibum deglutitâ, à nobis feliciter curata eſt, & adhuc dum ante ſeſquiannum infantem ſanum enixa vivit, quamvis ſapiffimè urinas ſemicruentâ & purulentâ ab ulcere renis dextri provenientes cum dolore emingat, valetudinariaque ſit: ulcere iſto jam ab aliquot annis illam affligente.

## OBSERVATIO CXLII.

D. SIMONIS SCHULTZII.

DE

## HYDROPHOBIA.

**P**Uella aliquot annorum viri plurimum Reverendi Dn. Michaëlis Ringeltauben/verbi Divini Miniſtri ad S. S. Trinitatem Thorunii digniffimi, cum anno 1674. à catello domeltico non quidem commorſa, ſed tantum ſalivâ ex ore ſpumante hinc inde in corpore nudo commaculata eſſet; octavâ poſt die, vehementi rabie correpta eſt, & licet varia medicamenta opportunè adhibita ſint, abhorrens omnia liquida, tertiâ die placidè obiit: qualia exempla B. L. videat plura apud *Johan. Matth. de Gradibus, Matthiol. lib. 6. Dioſcor. cap. 36. Cæſium Aurelian. libr. 3. acut. morb. Schenckium libr. 7. obſerv. & Aretæum lib. 1. deſign. & cauſ. morb. acut. cap. 7. Hieronym. Cardanum Contradiſt. Med. 9. tract. 5. lib. 2. Jul. Palmarium de morb. contag. atque Fernel. libr. 2. de abdit. morb. cauſ.*

## OBSERVATIO CXLIJ.

D. SIMONIS SCHULTZII.

DE

## PODAGRA CONTAGIOSA.

**P**Odagram hæreditarium morbum eſſe, in aprico eſt: ſed contagioſi quid poſſidere, me apud nullum Medicorum unquam legiſſe



gisse recordari possum; quemadmodum hîc Thorunii annularius quidam, nomine Herburger, ante plures annos, sed nostrâ memoriâ, emptis vestibus demortui p. m. spectabilis & peritissimi Martini Svveickarti, Scabini suburbanî, & pharmacopœi senatorii, podagrici, soceri mei, ab hæredibus, podagrâ mox correptus, posteaquam vestes aliquoties induerat, quâ usque ad mortem infestabatur, proptereaque à vicinis irrisus fuit.

## OBSERVATIO CXLIV.

## D. SIMONIS SCHULTZII,

DE

VERMIBUS VIVIS E BUBONE INGUINALI  
EXEUNTIBUS,

**P**Uella quædam inter plebejas undecim annorum à primâ statim ætate, de dolore inguinis conquerebatur, donec tandem anno undecimo ætatis post gravissimum dolorem aperto per se inguine, vel etiam perrupto, duo vermes vivi exierint, quartam ulnæ communis partem longi, similes iis, qui in intestinis; ad inguen pervenisse, ac illud quoque perforasse, inde liquet, cum & liquidus cibus postea aliquoties per foramen illud forâs prodierit, puellaque illa etiam aliquot lumbricos cum fœcibus egresserit. Sed jam consolidatus bubo nullum tumorem exhibet, dolore tamen aliquando ingravescente, puellâque semper valetudinariâ existente. De lumbricis nonnunquam ventriculum, intestina, umbilicum, ventrem, hypochondria atque inguina perforantibus, vide *Schenckium libr. 3. observ. Med.* & præsertim *Nicolaum Tulpium libr. 3. observ. cap. 12.* de verme ex inguine prodeunte: similia exempla videantur in *Miscell. Curios. Germ. anni l. obs. 145. 146. & in Append. p. 35.*

## OBSERVATIO CXLV.

## D. SIMONIS SCHULTZII.

DE

PURPURA EPIDEMIA MALIGNA  
INFANTUM.

**C**Um anno 1664. hyems mollis & pluviosa esset, grassabatur, apud nos vere primo insequente purpura epidemia maligna, quæ per totam æstatem & autumnum usque in hiemem sæviebat,



viebat, plurimosque infantes utriusque sexus, & duodecimum annum attingentes (nam ultrà hanc ætatem vix ascendebat) perimebat. Plerique secundâ die morbi, nonnulli etiam primâ moriebantur; ille solummodò evadebant, qui nulla faucium inflammatione vel tumore œdematoso (variabant enim ista pro diversitate naturarum) infestabantur. Tum omnibus ab isto morbo liberatis, post copiosum sudorem (nonnullis etiam diarrhœa, sed tantùm unius vel alterius diei critica profuit) squamæ decidebant, rubore cutis evanescente. Tandem, præsertim natu majoribus, tumor totius corporis, instar leucophlegmaticæ, & infimi ventris sequebatur, qui per aliquot septimanas miseris molestus erat, sudoreque etiam solvebatur, interdum etiam urinâ largius profluente. Evasis tum etiam per divinam gratiam filiola mea unica, nondum annum supergressa, tum etiam privigna mea. In curatione admiscebantur sudorificis bezoartica. *Excell. Dn. D. Segerus*, tum temporis Collega meus charissimus, hisce fidem dabit.

OBSERVATIO CXLVI.  
D. SIMONIS SCHULTZII.

DE  
FRAUDE MEDICA SALUTARI.

**D**ictum illud *Plauti in Captivis* :  
*Qui cavet, ne decipiatur, vix cavet, cum etiam cavet :*  
*Etiam cum cavissè ratus est, sæpè is cauter captus est.*

commodè ad præsentem casum accommodari potest: quem mihi, dum viveret, narravit p. m. Antecessor meus Dn. D. Chr. Meisnerus Phys. prim. &c. de pellionis & civis Thorunensis piè defuncti Gregorii Bieners conjuge, etiam demortuâ, quæ jam ab aliquot annis pulmonum ulcere laborans, medicamentorum à præfato Medico (ut in morbis chronicis fieri solet) præscriptorum pertæsa, tempore nondinarum hyemalium, à quodam circumforaneo capsulam pilularum emit, de quibus certam dosin alternis diebus deglutire debebat, quam maritus, ipsâ insciâ, Medico domestico monstravit, eique uxoris mentem revelavit. Hic pilulis e capsulâ ejectis formavit alias ex pane cum sirupo aliquo ad magnitudinem istarum, quibus illa ad circumforanei præscriptum fruendo delectabatur: cumque interea sirupis à Medico domestico ordinatis & aliis pulmoniacis medicamentis usâ fuisset,



accidit, ut appropinquante vere & æstate sibi jam convalescere videretur. Retulit itaque tum Medico, se non ab illius medicamentis morbo eluctatam esse, sed ab illius Medici peregrini pilulis, qui nundinis Trium Regum præteritis hic præsens erat. Sed Medicus mittendo ei circumforanei pilulas, referendoque, quales loco illarum assumpserat, ipsam rubore suffusam, mutam reddidit. Atque sic fraus fraude delusa est.

OBSERVATIO CXLVII.  
D. SIMONIS SCHULTZII.

DE

*METASTASI HUMORIS PER VIAS OCCULTAS SEU,  
DE EMPTEMA POST PLEURITIDEM NOTHAM  
PER FORAMEN CUTANEUM, A VENA MEDI-  
ANA INCISA, SALUTARITER  
SOLUTO.*

**R**Ecè sanè, *Stephanus Rodericus Castrensis in eruditissimo tractatu,* quæ ex quibus, *in scripto lib. 2. cap. 2.* scribit: *Metastasi seu humoris in morbis transmissio, non solum per vias manifestas, sed per occultas etiam fit. Nam præter vias unicuique cognitæ, per quas quicquid fluxibile in corpore est, fertur, sunt aliæ incognitæ, quarum nos contemplatio in admirationem deducit. Et libro eodem cap. 3.* ita pergit: *Cum Metastasi per vias incognitas fieri audis, intelligit incognitas nobis, naturæ verò, quæ licet cognitione non utatur, dirigitur tamen à cognoscente, cognitæ: unde Hippocrates 6. Epidem. sect. 5. text. 2. è versione Foesii, Natura, inquit, ipsa sibi per se, non ex consilio motiones ad actiones obeundas invenit, partim quidem ut nictare, partim verò etiam quibus lingua subservit, & quæcunque alia id genus. A nullo quidem edocta natura citraque disciplinam ea, quæ conveniunt, efficit. Galenus accessus exponit vias, aut impetus ad agendum, ut scilicet natura *ὁρῶν ἐκ διαβολῆς* sine consilio vel indocta in eas actiones feratur, quibus exequendis accommodata habet instrumenta. Hoc argumentum latissimè prosequitur 1. de usu part. cap. 3. & ejusdem operis lib. 15. cap. 7. & 6. de loc. affect. cap. 6. Cæterum Hippocrates, apud quem prius νόσων φύσις ἰστέγῃ, natura morborum medicatrix dicitur; adjungit paulò post: adinvenit natura sibi accessus, nempe vias; quapropter non solum loqui videtur,*

de



de admirandis actionibus, sed de viis etiam, per quas natura ista medicatrix metastasin humorum efficiens morbis medetur, constat hoc, quia utriusque rei exemplis utitur &c. Huc usque citatus *Autor*, cujus verba paulò prolixius hic recensere volui, ut eò melius præsens casus singularis & contemplatione dignus intelligatur.

Virgo quædam Thorunensis, Dorothea Krigerin, honesti Johannis Georgii Zobners, civis & negotiatoris apud nostrates non infimæ notæ privigna, annorum septendecim, constitutionis gracilioris, complexionis phlegmaticæ, incidit anno 1675. hyemali tempore in pleuritidem spuriam sinistri lateris à pituitosâ causâ, cum paucâ bile permixtâ, originem ducentem, sed à causâ procatarcticâ, scilicet saltatione longâ, & sudore subsequente à frigore externo suppresso in actum deductam, post suppressionem sanguinis menstrui, huc usque inordinatè, utpote pituitâ copiosâ permixti, indeque orta obstructione, fluentis: cui jam à longo tempore singulis noctibus gravis fuit sudor oleaginosus, foetidus, coloris crocei, tam in capite, quam in dorso, etiam indusum tingens, & pingvedine quâdam inficiens.

Huic ego perspectis signis, inter quas urina crassa & tincta erat, dolor cum puncturâ sinistri lateris gravativus, pulsus celer & validus, respiratio difficilis cum quâdam dyspnœa, tertia die morbi è venâ mediana dextri lateris sanguinis ultra sex uncias extrahere jussi, qui merè pituitosus erat: dein remisso paulatim dolore laterali, sed calore adhuc superfluo, altera die post è vena poplitea utriusque pedis ad sanguinem magis revellendum & menstruum fluxum proritandum (qui etiam postfridiè, quamvis in pauca quantitate apparuit) aliquot uncia ejusdemeductæ sunt: tum statim calor remisit, puncturæ lateris desierunt, gravativo tantum dolore residuo cum difficultate spirandi manente. Sanguis autem eductus pallidus erat, tunicasque quasdam secundinis similes repræsenabat, qualem ego quidem nec vidisse unquam, nec è minoribus vasis extractum fuisse, me legisse recordor. Interim hæmorrhagia narium, ut antea, ita & nunc continuabat, urina concocta apparebat, dyspnœa non remittente, quam mox sputum tenue sequebatur, Aphorismum illum *Hippocraticum lib. 5. aphor. 8.* qui pleuritide laborant, nisi intra quatuordecim dies supernè per sputum repurgentur iis in empyema fit transmutatio, verificans. Quanquam *Aretæus* hic interdum vigesimum diem terminum constituat: *Galenus* verò in com-



mentario non solum empyema, sed quamlibet in pus mutationem intelligat. Sed dum nos materiæ evacuationem per sputa cocta è pectore expectabamus; Ecce novum emergens intervenit, scilicet puris cocti albi instar lactis, paululum tamen ad colorem croceum inclinantis, per foramen cutaneum à venâ incisâ nondum consolidatum, excretio, quæ quidem metastasis materiæ per vias occultas nobisque incognitas pectoris & lateris dolorem sensibilibiter sustulit, sed cubiti illius manus, ut & homoplatarum dolorem majorem excitavit, sputo liquido, salso, per aliquot septimanas continuante: quod tamen postea salubriter & cum euphoriâ cessavit, fluxu menstruo reverso, virgineque ad hanc usque diem feliciter & pancreaticè valente.

## OBSERVATIO CXLIX.

## D. SIMONIS SCHULTZII.

DE

*MOTU QUODAM TOTIUS CORPORIS, OMNIUMQUE  
EJUS PARTIUM HORRENDO ET DIUTURNO EX-  
TREMORE ET PALPITATIONE MIXTO,  
TANDEM CURATO.*

**Q**uid tremor sit, quid palpitatio, docent Medici: quæ differentia inter utrumque affectum, quæ utriusque causæ, iidem explicant, ad quos lectores remittimus; nunc motum quendam ex utroque compositum, horrendum & diuturnum describimus. Ante plures annos adolescens quidam Johannes Georgius Bort Lubecensis, artem chirurgicam apud Petrum Puls Chrurgum Thorunensem addiscens, hoc affectu prehendebatur, magno, horrendo, & aliquot hebdomadas durante: quo cum unâ loquelam amittebat, nihil audiebat, apertis oculis nihil videbat, nullum odorem percipiebat, nihil intelligebat, comedebat tamen & bibebat benè: indeque solum & motu isto mirabili vitam ipsi inesse, indicabat, neque enemate applicato, nisi fortissimo, aliquid egerebat. Comitabatur, symptoma hoc sudor quidam diaphoreticus, foetidissimus & consumptivus: patiensque jam ab omnibus pro desperato habebatur. Sed tamen, divinâ clementiâ, post usum medicamentorum facultati tam animalî, quàm vitali prospicientium, à B. Dn. Doctore Meisnero & nobis præscriptorum, natura se recollegit, quamvis post longam tem-  
poris



Poris moram. Hic deinceps omnibus sensibus recuperatis, intellectu loquelâque integris, hinc abiit. Adolescens aliàs robustus & staturæ magnæ. De palpitatione alterius mandibulæ *vid. Læl. à Fonte consil. 61. fol. 179. Math. de Gradib. consil. 18. &c. de Tremore vid. Fernel. consil. 17. Frambessar. consil. 3. Mercat. consil. 1. Montagnan. consil. 145.* De Tremore universi corporis *Massam Part. 2. epist. 18.* & de pluribus aliis particularibus tremoribus diversos autores. Dum ista concipio, habeo sub curâ meâ honestam quandam matronam Cracoviensem, quæ tremore totius corporis post febrem catarrhalem laborat ex debilitate & virium magnâ prostratione, ab humorum plenitudine: sed indies per DEI gratiam calor iste febrilis lentus remittit, unaque tremor, urinæ etiam coctæ apparent, cum spe convalescentiæ.

OBSERVATIO CXLIX.  
D. SIMONIS SCHULTZII

DE  
SINGULTUS DIUTURNI CURATIONE.

**S**ingultus omnium ferè Practicorum consensu inter expultricis facultatis ventriculi symptomata meritò refertur, excepto *Platero*, qui eundem ad depravatam respirationem rejicit. Hunc nos jam aliquoties etiam contumacissimum sustulimus sequenti misturâ, quam B. L. fideliter communicavimus. *Rec. vini cydon. tinct. rosar. āā. ℥j sir. cydon. ℥ss. ext. zedoar. gr. xv. ol. dest. cort. aurant. gr. iij. laud. opiat. gr. ij. M. pro potiuncula cochleatim sumendâ.* Inter alios autem, qui hâc misturâ feliciter & cum fructu usi sunt, est cum Magnificus p. m. Proconsul Dn. Th. B. scorbuto simul confirmato laborans: tum Dn. *Henricus Brückmann*, Scabinus Vet. Civit. jam *cu à γιοις*, atque Erasmus Reitel Bibliopagus & Aedituus Marianus eodem symptomate per annum infestatus, nuperque periculosè & tantum non lethali ter correptus, vix sexagesimum annum supergressus. Eâ ipsâ misturâ ferè olim excellentissimum Dn. Henricum Schævium Phil. & Med. D. atque Gymnasii nostri Rectorem meritissimum, jam piè demortuum, beatè etiam defunctum Matthiam Klimpel, civem & mercatorem Thorunensem opulentum, ab eodem symptomate liberâsse meminimus. Quibus remediis magnus noster *Hippocrates* febrem singultuo-



gultuosam fugaverit, inveniet B. L. in *libr. de rat. viſt. in morbis acut. edit. Foes. ſect. 4. p. 71.* De ſingultus differentiis à cauſis deſumptis videatur idem *Hippocrates lib. 5. Aph. 58. & lib. 7. Aph. 17. & 41.* atque *Tobias Knoblochiuſ in comment. Hippocr. Aphoriſmorum: tum Holleriuſ in comment. & ſchol. ſuper eoſdem Aphoriſmos, p. 307. 313. 434.*

## OBSERVATIO CL.

## D. SIMONIS SCHULTZII

DE

## ARTHRITIDE VAGA PERPERAM CURATA.

**Q**Uàm periculòſum ſit in arthritide vagâ humorum motum, iis-  
dem turgelcentibus & ſe moventibus, turbare ac retropellere,  
edoctus nuper in quâdam matronâ, hiſce teſtor. Applicaban-  
tur externis partibus emplaſtra repellentia, internè dabantur  
refrigerantia, humorisque peccantis motum ſiſtentia: quanta tum ſe-  
quebatur cordis anguſtia? ut ferè in ſyncopen inciderit; ſed mox ad-  
hibito tantùm pulvere cordiali, cum aquis bezoarticis temperatis, ſu-  
doreque moderato ſuccedente, reſtitutio virium ſuccedebat, cordis  
anguſtia ceſſabat, pulſusque anteàt remuluſ liberior factuſ eſt. Con-  
fer cum iſtis *Mart. Panſam. Conſil. Antipodagr. 1. Controverſ. 7. p. 188. &*  
*Johann. Piſtoriuſ in Conſil. Antipodagr. cap. 9. p. 64. &c. atque Libera-  
tium de Liberatis Podagr. Polit. lib. 4. cap. 6. p. 238. 239. &c. ibid, in Append.  
pag. 253. &c.*

## OBSERVATIO CLI.

## D. SIMONIS SCHULTZII.

DE

## JUDÆIS MEDICIS.

**S**I in aliquâ regione, certè in noſtrâ Poloniâ tritum illud *Textoria-  
num in ſyllog. Ænigmat. Epist. 86:*

*Fingunt ſe Medicos omnes, idiota, ſacerdos,*

*Judæuſ, monachuſ, hiſtrio, raſor, anuſ;*

verum eſſe, quotidiana experientia comprobât: ut rectiſſimè querela il-  
la, quam *Philippuſ Camerariuſ Cent. 1. Oper. ſubciſiv. c. 52. p. m. 235.* in-  
ſtituit, Poloniſ applicari poſſit: Plenuſ eſt orbis jam medicaſtrorum &  
medicaſtrarum, quæ non ſolùm de medicamentis in graviſſimis & acu-  
tis morbis rectè præparandis multa narrare, quam probè heud ſcio, poſ-  
ſunt;



sunt; sed etiam remedia ista ab ipsismet confecta, nullâ habitâ ratione causæ morbi aut ætatis vel temporis, magno periculo agrotantium adhibere audent. Unde accidit, ut docti & periti Medici aut rectè uti suâ arte impediuntur, aut absterriti hisce ineptiis, quæ plerumque in illos redundant, omninò desistant. &c. Verùm de his in præsentiarum plura loqui non est jam nostri instituti. De Judæis tantùm, qui se in Poloniâ plurimi pro Medicis promotis venditant, aliquid scribere, nostrum propositum est. Sunt plurimæ civitates, tam in majori, quam minori Poloniâ, & aliis diffusi hujus regni tractibus, ubi præ Christianis, non solum Judæi chirurgi, sed etiam Medici ejus gentis tolerantur, & apud plures Magnates, non tantum secularis, sed etiam Ecclesiastici ordinis primum locum obtinent. Quam autem periculosum, istis hominibus hâc in arte credere, vitamque suam concedere, id ego præsentî observatione ex probatis authoribus Theologis, Juris-Consultis, Medicis, historicis & politicis demonstrabo. Prodeat itaque inter Theologos primum *Frid. Balduinus Cas. Conscient. lib. 2. cap. 6. Cas. 5. p. 190.* ita scribens: Præter horrendas blasphemias, quibus Judæi Christum & beatam ejus matrem afficiunt, immani insuper odio contra Christianos flagrant, quos intolerabilibus suis usuris & fraudibus expilant & exhauriunt, rem licitam se facere putantes, quia erga alienigenas, inter quos Christianos censent, fœnerari sibi concessum putant lege Divinâ, *Deuter. 23. v. 20.* Sanguinem Christianorum sitiunt, & dum adultos in potestate suâ non habent, infantes miris modis clam excruciasse leguntur: sub specie medicæ artis, quam nusquam didicerunt, multorum vitæ insidias struxerunt, veneno puteos inficiunt, etiam Magistratui suo quotidie in precibus suis, quas *Velanische modim* vocant, imprecantur, ut Deus eos perdat, annotante *Antonio Margaritâ* Judæo baptisato, qui de Judæis sanctè affirmat, quo quis sit erga ipsos humanior, eò crudeliores ipsos esse erga Christianos: cogitant enim ex singulari DEI providentiâ fieri, & infallibile signum redemptionis suæ esse, quod ab iis, quibus in corde suo pessimè convitiantur, ipsi amentur & beneficiis adficiantur. Post hunc videamus *Johannem Mullerum in Judaismo ex Rabbiorum scriptis detecto part. 2. cap. 5. à p. 1434. &c. usque ad p. 1458.* ubi talem quæstionem proponit: An Christianus bonâ conscientiâ Judæum medicum in morbo adhibere possit? Et an etiam Christianus Medicus cum Judæo medico consulta-



re & curare obligatus sit? ubi contrarium statuit, & ex multis rationibus id negat, quarum argumenta cum paulò prolixiora sint, ibidem videantur. *Arnoldus Mengerius in Scrutinio Conscient. Catechetico cap. 6. ad secund. Precept. p. 414.* ita statuit, non posse sine læsione conscientie Christianum, Medicum Judæum in morbo corporis ad se vocare: cum certum sit, Judæum Jesu Christo maledicere, & de medicinâ suâ nihil in nomine Jesu exhibere, sed in omnibus ei contradicere. *Idem in Informatorio Conscientie Evangelico supra Domin. Trinit. 24. p. 1068. &c.* id ipsum prolixius explicat & confirmat. Confer cum istis *Historias Thalmudicas Christophori Helvici* & inprimis ibidem *Georgii Nigrini Consilium in Appendice.* His adjunge *Georgii Dedekenni Thesau. Consil. & Decision. volum. 2. Politica continentem, p. 52. & inprimis à pag. 151. usq. ad p. 156. atque Consilia Theologica Wittebergensia part. 1. p. 1047. 1057. 1058. &c.* Tum *Ludovic. Duntem in Decis. Cas. Conscient. s. Et. 2. quest. 27. p. 636. ibidem quest. 31. p. 642.* Tandem *Adamus Contzen Soc. Jes. Presb. lib. 8. Polit. cap. 17. p. 595. §. 7. de istâ materiâ eruditè differit, & cur Judæi à Christianis pellendi, ibid. libr. 6 cap. 44. §. 6. & libr. 4. cap. 25. §. 10. edocet.* Transeamus jam à Theologis ad ICTos & reliquos. Quæ de hâc materiâ consignavit *Schneidevvinius, vide ejusdem libr. 3. super Instit. Justiniani Tit. 1. p. m. 388. &c.* *Philippus Camerarius oper. subcisiv. Centur. 1. cap. 42. p. m. 200.* ex *Roberto Gaguino* recenset: Afflictos fuisse multos leprosos, qui Judæorum hortatu susceptum ab eis venenum puteis per omnem Franciam infundere conjurâssent, ut si qui potum inde haurirent, aut interirent, aut elephantie virus inciderent. Itaque pharmacon sanguine & lotio humano, herbisque quibusdam lethiferis confectum panno involventes, in puteos demittebant, lapide adhibito, ut ad aquæ fundum citò deferretur. Id quum in provinciâ Narbonensi à leprosis factum Philippus cognovit, veneficos omnes flammis ibi punivit, inquiri per reliquum regnum leprosos jubet, utque de crimine confessos, unâ cum plerisque Judæis vindex flamma corripere. Fuisse per id tempus constat Judæos 40. Vitriaci, ob id ipsum in custodiâ habitos, eosque mirabile in sese facinus perpetrasse.

Nam quum se morti addictos jam minimè dubitarent, duos ex eorum numero delegerunt, qui reliquos occiderent, ne Christianorum manibus sumerent supplicium. Vetustissimus illorum atque junior execrabile ministerium exequuntur. Omnibus interemptis, quum duo tantum



tantum homicidii autores superessent, senior, ut se necet, juniorem orat. Hic seniore occiso, quum se solum videt, direpto auro, quod apud interemptos erat, funeque ex dissectis linteis facto per fenestram se demisit, sed cum & corporis & auri gravitate funis, quo se deorsum mittebat, dissolveretur, in fossam delapsus crus fregit, atque ita in fossâ procumbens deprehensus est, & tandem supplicio affectus. Judæorum autem cadavera cremata sunt. Hujus rei quoque mentionem facit *Paulus Æmilius*. Idem *Cumeravius Centur.* 2. *Horar. subcisivar.* cap. 61. p. m. 257. 258. refert alteram historiam Medici Judæi loco pharmaci venenum propinantis. Atque *Cent.* 3 cap. 11. p. m. 34. 35. & 6. de Judæorum imposturâ plurimâ ex aliis fide dignis exscripsit. Inprimis autem ea, quæ *Georg. Christoph. Waltherus* in *Tract. Juridico-Politico de Statu, Juribus & Privilegiis Doctorum omnium Facultatum* congescit, digna sunt, quæ hic citentur cap. 6. §. 24. p. 72. 73. De Judæo quaritur, an ille Doctor creari queat? Intellegimus autem omnes eos, qui adhuc in summâ cœcitate, præfractaque mente Christi Salvatoris mundi nativitatem, passionem, resurrectionem & ascensionem in cœlos pertinaciter negant, palabundi hinc inde incertis sedibus vagantur, & contra fidem Catholicam detestabilia indies committunt, ita etiam vox Judæi usurpatur in T. C. de *Judæis & Cœlicol.* teste *Wesembecio* in ff. *ibid.* n. 1. non autem intellectum volumus populum DEI peculiarem, qui eandem nobiscum fide salutem æternam quæsit & adeptus est. *Actor.* 15. v. 11. *Jacob Benius* de *Privilegiis Clericorum* Privil. 64. num. 4. distingvit inter Doctores Juris & Medicinæ, & in Medicinâ eos Doctoris titulum assumere posse, in Jurisprudentiâ repelli putat, & consentit *Udalricus Zasius* ad rubr. ff. de *Inst. & Iure*, addens rationem, idcirco Judæum Medicinæ Doctorem esse posse, cum talem esse non sit dignitas, quod tamen iterum restringit ad chirurgos & empiricos, non ad Medicinæ Doctores, sicque discedit à priori suâ sententiâ, quæ etiam omnino est improbanda. Nam ut infra docebimus, & Medici eadem dignitate fulgent, aut certè fulgere debent, quâ Jurisconsulti aut Theologi, neque datur differentia. Negamus ergo in solidum cum *Martino Uranio* in C. *Judæi*. n. 7. de *testibus*, quem Dom. Limnæus alibi quasi affirmantem allegavit, cum tamen additionator hoc statuerit (qui fuit non Martinus Uranius, sed *Frid. Prenninger*) in *Addit. ad C. super eo de testibus* n. 2. Lit. C. putavit in Medicinâ infamiâ laborantes admitti posse.



se ad Doctoratum, sed ipsi in hac quæstione rectè non credere vult ad-  
 assem Dom. *Limnaeus lib. 3. c. 4. n. 24.* sicut & ego, imò potius sic argu-  
 mentamur: Infamibus non patent portæ dignitatum: Atqui Medicina est  
 dignitas. E. Medicina non patet infamibus: si non infamibus, utique  
 nec Judæis, qui gravissimâ nominis labe apud omnes Christianos la-  
 borant, suntque vel maximè infames, (1.) quia vestitu à personis ho-  
 nestis discernuntur, *Ordin. Polit. Francofurt. anno 1577. Rubr. Von der  
 Juden Kleidung.* (2.) sunt usurarii publici, quos ipso jure infames es-  
 se docet *Text. in C. Porro 3. Quæst. 7. vid. Dn. D. Johann. Herman. Stamm,*  
*Assessorem cameræ celeberrimum in exquisito Tractatu de servit. person.*  
*lib. 1. Tit. 5. c. 1. num. 14.* ubi multos allegat & probat, Judæos in nullâ  
 facultate Doctores creari posse. *Idem Autor. c. 12. pag. 205. §. 74.* Ex hoc  
 generali præsupposito medicastroorum genera facile inveniri possunt,  
 qui omnes indigni Medici titulo, multò minus verò Doctoris. Et  
 primò quidem abhinc arceo Judæos, & nullatenus probo, quod in  
 Doctores Medicinæ promoti sint, minus ut promoveantur, sicut *supra*  
*c. 6. §. 24. p. v.* fusius demonstratum est. *Textus 1. est apertus in Jure*  
*Canonico C. nullus 28. q. 1.* ubi dicitur, quod nullus eorum, qui sacro  
 sunt ordine, aut laicus aliquem Judæorum in infirmitatibus suis vo-  
 cet, aut medicinam ab eis percipiat, & si laicus est, excommunicetur,  
 & ideò recipere medicinam à Judæo, est peccatum mortale. 2.  
*Textum adduco Juris Civilis in L. ult. C. de Judæis,* ubi dicitur, quod nul-  
 lum honorem, nullam dignitatem, nullam præminentiam inter Chri-  
 stianos possint habere; Et per hanc L. infert. Dr. quod non possint do-  
 ctorari, cum Doctoratus sit dignitas & præminentia: & ita sentiunt *Fr.*  
*Ripa in tr. pestis C. de remed. ad pestem, n. 52. Everb. Speckhan cent. 2. qq.*  
*Juris qv. 14. Latherus de censu libr. 3. cap. 21. n. 45 Kormannus in Respons.*  
*Juris: Ob und wie die Juden unter den Christen zu dulden? art. 9.*  
*§ 46.* Contrarium tenent *Additionator ad Uranii Lecturas C. Judæi de te-*  
*stibus n. 7. Mandes in Prax. sign. Tit. de Licent. Doctor.* Argumenta pro-  
 feruntur hæc (1.) text. in L. generaliter §. fin. ff. de Decurionibus, ubi  
 permittitur Judæos promoveri posse ad dignitates. E. & ad Doctoratum.  
 Sed respond. Illud intelligendum esse de ipsis Judæis inter sese versan-  
 tibus, non inter Christianos. (2.) Ita argumentatur: si servi possunt  
 esse Medici *l. 1. §. ne autem C. Comm. de serv. manumiss.* sequetur, posse &  
 Judæos, qui sunt servorum instar, esse Doctores & Medicos: quum me-  
 dicina



dicina sit ars sine dignitate, ut tradit *Glossa ad T. C. de Profess. & Med. lib. 10.* cujus capaces sunt & servi & Medici: sed negatur posterius: Doctores enim Medicinæ æquæ sunt in dignitate constituti ac Doctores Legum. *Rol. à Valle conf. 67. n. 8. lib. 3. Cephal. conf. 117. n. 23. & conf. 111. n. 20. lib. 1.* Cujus rei clara est decisio apud Br. in *L. omnes in fin. C. decur. lib. 10.* ubi tenet: Judæum non posse doctorari in medicinâ, quia ex doctoratu consequatur dignitatem, cujus ille capax esse nequit: quod autem apud Romanos servi etiam fuerint Medici, ut patet ex *D. l. 1. §. 5. comm. de serv. manumiss. l. 2. in pr. C. comm. legat. l. 26. ff. de oper. libert. L. 41. §. 6. de fidei commiss. libert.* id restringit *Freher. lib. 2. parerg. c. 16.* ad empiricos & chirurgos, qui ulu magis, quam arte sibi aliquam medendi facultatem compararint; & testatur *Clar. Berneggerus in notis ad Svetonii Cesar. C. 4. n. 2. L. C.* non omnes Romæ Medicinam profitentes servos, sed plures ingenuos fuisse, eos quidem præcipue, qui ex Græciâ rei & artis faciendæ gratiâ Romam profecti. Tales autem fuisse Magnatibus Romanis amicos, locum *Taciti 4. Annal. c. 3.* ostendere: Sumitur in conscientiam Eudemus amicus ac Medicus Liviae specie artis frequens secretis, & *Diatrib. 5. in Svetonii Ces. c. 42. n. 2.* (quæ eodem Dn. Berneggero Præside, & me Respondente 13. Maij 1662. ad disputandum Argentinæ proposita fuit) iterum inculcatur, errare omnes, qui Romæ medicinam profitentes, servos fuisse putant. Sic enim ipse *Svetonius in August. c. 91.* Artorium Medicum Augusti amicum appellat, & apud *Tacitum 6. Annalium 50.* Charides Medicus, Tiberii Cæsaris amicus, Huc usque Waltherus. Sed pergamus.

Quanto odio Judæi in Christianos flagrant, connotavit nonnulla *Sebastianus Munsterus in Cosmographiâ suâ, & quidem libr. 2. Editionis Latinæ p. m. 230.* quod anno Christi 1475. Tridenti coriarius quidam ibidem civis amiserit in hebdomadâ sanctâ, quam pœnosam vocant, puerum natum annos duodecim: quem postea in fluviolo Rusch appellato, intra domum Samuelis Judæi inventam post rigidum examen, præciso priapulo & gena dextra, à Judæis, cruci affixum, & corpus forcipe convulsum in fluvium projectum, ibidem invenerunt. *Idem Munsterus ibid. libr. 3. p. 457.* Judæos circa annum Christi 1348. fontes infecisse, unde pestis per totam Europam gravissima exorta est, in plurimis locis multos pueros Christianorum necasse, atque monetam corrupisse, refert, Hujus ut & prioris facinoris meminit quoque *Johann. Ludov.*



*Ludov. Gottfridus in histor. chron. quat. Adonarch. part. 6. p. 660. & 718.* qui itidem p. 610. recenset, quod Judæi in civitate Sarragossa Hispaniæ anno Christi 1248. puerulum Christianum septennem cruci affixerint & occiderint. Inter medicos, *Philippus Theophrastus Bombast ab Hohenheim Paracelsus Chirurg. magn. part. 1. libr. 5. p. m. 319.* Judæorum imposturas in medicina depingit, & *ibid. p. 334.* expresse scribit, si Judæi per annum fortè unum sanaverint, certè contrà centum occiderint. *Johannes Langius epist. med. lib. 1. epist. 1. & lib. 3. epist. 6.* inter Pseudo-Medicos etiam Judæos numerat, & *epist. lib. 1. 71.* plurima eorundem flagitia enarrat, atque sub finem ita scribit: Prudenter & sanctè Pontificum decreta sub pœna exaustrationis aut excommunicationis caverunt, ne quis Christianus sacris initiatus, vel laicus cum Judæis convivetur, lavet, aut eos ad infirmos accersat, aut medicinam ab eis accipiat. *Idem Langius epist. lib. 3. epist. 6.* Judæos Medicos, Christianos impunè occidere pluribus demonstrat: Hisce adjunge historiam, cujus *Forestus Observ. Medic. lib. 26. obs. 1.* mentionem facit de perditissimo quodam Judæo Medico impostore Lugduni Batavorum & Mechliniæ ob facinora publica flagellato, ejusque præposterata curatione. Hinc rectè *Paulus Zacchias Quest. Medico-legalium tom. 2. quest. 3. edit. in fol. p. 449. ita statuit:* Eum Medicum non solum non errare, sed maximè secundum Canonum constitutionem facere, qui Medicum Judæum aut alium quemque extra Christianam religionem in socium renuit; nam acceptando hujusmodi Medicos in socios, mortaliter peccat, ut omnes Canonistæ docent, & ex Medicis *Codronchus lib. 1. de Christian. med. rat. cap. 37. & Mercurial. lib. 2. errorum popul. cap. 18.* Huc usque *Zacchias.* Quanquam itaque aliud est, cum quæritur, an legibus permissum sit, Judæis Doctoris titulum conferre? aliud etiam, cum quæritur, an Christiani bona cum conscientia Judæos Medicos in morbis consulere possint? & aliud quoque, cum quæritur, an Medicus Christianus cum Medico Judæo consultare absque conscientiæ læsione queat? Nos tamen præmissis citatis autoribus eorumque rationibus trutinatis & benè perpensis, breviter nos expediētes, omnia simpliciter negamus. Sed cuncta hæc (ut alios plurimos testes perfidiæ Judæorum Medicorum brevitati studentes omittamus) pulchrè in unum congeffit *Simon Syrenius* Med. Doctor & ejusdem Professor, in Academia Cracoviensi olim celeberrimus in *Appendice Herbarii Polonici*, de Judæorum odio immani & atroci



atroci ergà Christianos, qui Tractatus dignus est, ut à Proceribus Regni Poloniae diligenter legatur & benè ponderetur. Sanè si id fieret, impossibile esset, ut Judæi & eorum Medici in Polonia diu subsisterent : quinimò quam ocysimè inde expellerentur. Quod ut tandem aliquando fiat, faxit DEUS Ter Optimus Maximus, populique sui misereatur.

## OBSERVATIO CLII.

## D. SIMONIS SCHULTZII.

DE

## ANGINA ALBA SIVE NOTHA PERICULOSA.

**A**nginam tam veteres quàm junioris Medici distinguunt, in exquisitam & notham. Nothæ species, quam nos albam appellamus, febrisque aliquando exers est, & occupat fauces orisque interiora, & provenit à frigida & pituitosa destillatione acri in dictas partes decumbente, cum tumore quodam & gustu ablato : quam Germani den weissen Ausage solent appellare, quæ interdum contagio non vacat, interdumque febrem lentam conjunctam habet. Vide *Fernelium Patholog. lib. 5. cap. 9.* *Dan Sennertum prax. Med. lib. 2. part. 1. cap. 24.* & *Melch. Sebizium spec. Medic. Pract. part. 2. cap. 29.* quam *Leonellus Faventium de medend. morb. cap. 19.* ita describit : Phlegmatis in angina notha est multa humiditas in ore, & viscositas, quod si est corruptum & putrefactum, adest vapor salsus : & si non, saltem apparet in ore insipiditas & longa extractio, si est viscosum. Hoc nos affectu tentatas ante plures annos observavimus duas matronas, unam, Nobilissimam conjugem Illustrissimi Dni Nicolai Smogolecki, Castellani Gedanensis & Capitanei Lipinensis &c. alteram honestam Annam Goldneriam, peritissimi & integerrimi Johannis Schultzen, civis & Pharmacopœi Thorunensis maritam : illam non ita pridem in Polonia subito mortuam, hanc verò ante aliquot annos hydrope extinctam. Periculosus hic morbus utrique fuit, & nisi ambabus adfuisset ferè sine intermissione dies noctesque chirurgus solers Antonius Statlender cum famulis, malum illud serpendo, & indies incrementum sumendo, utramque strangulasset. Appetitus ad cibum nullos propter ablationem gustus fuit, febris lenta, quem sequebantur continuæ spuitiones per



per aliquot septimanas ad consumptionem ferè totius musculosi habitus. Harum posterior maritum fermè infecisset, cum uno cum illâ poculo uteretur. Sed per DEI gratiam utraque illarum tandem pristina valetudini restituta est. Alteram harum mecum aliquoties visitavit Excellentissimus Dn. D. Segerus, tum temporis collega meus honorandus. Sed ante octodecim annos præterpropter, eodem symptomate cum febre continuâ putridâ luctantem sublatam fuisse viduam honestam Catharinam Halffenfingeriam recordor; Talem anginam albam ut morbum puerorum epidemium olim Antverpiæ in Brabantia grassantem describit *Carolus Baitus Medicus Dordracensis in Hollandiâ. vernaculâ ibidem linguâ in Tract. de morb. pueror.* quâ lue plurimi infantes tum occubuerunt; donec tandem vetula quædam, viridium ranarum ori applicatione usque dum mortuæ deciderint, reliquos ab eâ liberaverit. Hunc ego quidem authorem nunquam vidi, sed in manuscriptis collectaneis atque catalogo quodam librorum Lugduni Batav. typis impresso, citatum legi: cujus unica epistola invenitur in *Miscellaneis Medicis Henrici Smetii lib. 12. n. 20. p. m. 724.* Ejusdem epistolæ quoque mentionem facit *Johann. Anton. von der Linden, in libro de scriptis Medicis.* De angina puerorum ejusque variis differentiis prolixè discurrentem curiosus lector *Sebast. Astruc de morb. pueror. cap. 33. & Nic. Fontanum super illum commentantem* adeat.

## OBSERVATIO CLIII.

## D. SIMONIS SCHULTZII.

DE

MENSTRUO FLUXU POST DUAS SEPTIMANAS ORDINARIE  
REVERTENTE.

**M**enses post quatuordecim elapsos dies ordinariè jam per annum fluxisse, & quidem decenti copia & quantitate in puella plebeja Catharina, conjugii meæ ancillante, ab anno ætatis decimo quarto usque ad decimum quintum & ultra, præsentis observatione testor: cujus mater nuper me propterea consuluit: sed quandoquidem illa nihil præter naturam patitur, imò sana est, muniaque sua obit debite, naturalem hunc motum nullo modo cohibere vel immutare eidem svasi, quanquam tale exemplum me nunquam legisse vel audivisse, recordari possum.

OBSER-



## OBSERVATIO CLIV.

D. SIMONIS SCHULTZII.

DE

FOETORE NARIUM SIMILI EI, QUI EX FONTICULO ARTIFICIALI PERCIPITUR.

**Q**ui fonticulos artificiales sive in brachio sive in femore habent, solent plerumque foetorem quendam ab eis percipere; sed ego aliquoties observavi ejusmodi etiam foetorem apud plerosque è nare istius lateris, ubi fonticulus est, provenire: quemadmodum id quoque mihi fonticulum in sinistro brachio gestanti contingit. Causam istius rei indagare rationemque reddere forsàn non ita difficile erit, præsertim si locum illum *Hippocratis libr. 6. de morb. vulgar. sects 6. Aphor. 1.* connotatum prius benè intellexerimus, qui ita sonat: *Corpus humanum tam foras quam intro spirabile est.* Distinctum hoc esse symptoma ab ulcere illo narium putrido & graveolente, quod ozæna à Medicis dicitur, quilibet videt: nam hoc etiam absque fonticulo reperitur, & causam ulcus narium agnoscit, de quo Practici consulantur.

## OBSERVATIO CLV.

D. SIMONIS SCHULTZII,

DE

ARTHRITIDE FERÈ ANNUA TANDEM VOMITIBUS ET DIARRHOEA SOLUTA.

**C**ivis quidam nostras, pistor, David Rümpler, septuagenario major, robustus aliàs, & huc usque vix aliquo morbo tentatus anno 1674. 16. Julii, corripitur arthritide dextri femoris à coxendice usque ad extremum pedem & digitos, nihil proficientibus purgantibus medicamentis per epicrasin adhibitis, neque scarificationibus, donec tandem, post sudores naturæ motu excitatos, sensim dolores remiserunt, aut potius omisso crure dextro, lævum occuparunt, sed præscripto sequente electuario sudorifero blando, decimâ Decembris ejusdem anni in totum evanuerunt. Electuarium sudoriferum tale erat: *Rec. Rob. juniperi, è succo sambuci cum sacch. ā. ℥ij. sir. sambucini ℥i. M.* pro aliquot dosibus. Anno Christi 1675. 13. Martii,

Cc

denuò



denuò dolores reversi sunt, & brachium dextri lateris usque ad extremitatem manus occuparunt, graviores prioribus in femore. Instituta sunt purgationes aliquoties cum euphorîâ, præsertim hoc electuario: *Rec. Elect. laxat. extr. fol. senib. nostr. 3vj. D. S. Lapis Confectlein auff 1. mahl.* Dein scarificationes & sanguisugæ applicitæ, plurimum sanguinis serosi extraxerunt: sed tamen dolorem omnem haud sustulerunt. Sudabat postmodum in Laconico per plures dies, assumpto prius electuario sudorifero superius descripto, cum euphorîâ: sed parum levaminis sensit, neque etiam emplastra, neque inunctiones anodynæ, neque suffumigationes ex blandioribus articulos roborantibus & materiam discutientibus aliquid profuerunt; quin dolores nonnihil remittentes, postliminò reversi fuerunt, exortis interim hinc inde in superficie corporis seu cutis pustulis pruriginosis. Tandem 13. Junii noctu post vomitus biliosos plurimos naturæ vi promotos biduanos atque diarrhoeam triduanam, non absque virium prostratione, arthritidis illa diuturna planè desit. Sed stupor quidam digitorum, manus utriusque & præsertim minimorum ista consequutus, adhibito aliquoties vapore decoctionis formicarum cum myrmecio, tandemque applicato emplastro nostro miraculoso, etiam sublatus est, naturâ pristinum robur & motum manuum acquirente.

## OBSERVATIO CLVI.

## D. SIMONIS SCHULTZII.

DE

## SPHACELO INTERNO FUNDI UTERI IN NANA.

**A**Nno 1675, Dominicâ S. S. Trinitati sacrâ, venit Thorunium, Illustrissima Comitissa à Dönhoff/ Illustrissimi Dni Johannis Ignatii Bonkovvski, Palatini Pomeraniæ, Regnique Poloniæ Senatoris, Skarzeviensis, Koscierinensis &c. Capitanei, Terrarumque Prussiæ Thesaurarii, conjux, cum nanâ Russâ triginta sex annos natâ, jam per octiduum nephriticis doloribus gravissimè divexatâ: quibus tandem paulum sopitis, novum symptoma supervenit, morbilli purpurati cum febre continuâ, qui cum alterâ die mox evanuiscent naturâ jam à doloribus nephriticis summè debilitatâ succumbente, accedentibus levissimis convulsionibus, eadem vitam cum morte commutavit. A morte ipsius Illustrissima Domina causam ejusdem mortis repentinæ indagare cupiens, ut sectio cadaveris institueretur, rogat



rogat: quam etiam me præfente peregit Georgius Grunack, chirurgus; ubi tum cor inventum est flaccidum sine ulla pinguedine, & absque humore in capsula ejus, pulmones lividi, ren sinister itidem omni pinguedine destituebatur, in quo calculus phaseoli magnitudine repertus est, ren autem dexter naturali similis fuit, in quo etiam calculus, qualis in sinistro, sed minor latitabat, in ureteribus nihil, vesica ab urina vacua, uteri autem fundus tam ab extra, quam ab intra sphacelo correptus fuit: qui etiam absque omni dubio tam repentinæ mortis causa erat. Hoc in casu etiam epigenesis *Steph. Roderici Castr.* pulchrè confirmatur, de qua eundem *vid. Opusc. quæ ex quibus.*

## OBSERVATIO CLVII.

## D. SIMONIS SCHULTZII.

DE

MAGNA CARNEA EXCRESCENTIA E SCAPULA SINISTRA  
PROPENDENTE ABSCISSA ET FELICITER CURATA.

**N**obilis quædam virgo Polona, cum jam per aliquot annos excrescentiam carnosam, fungum representantem in scapula sinistra fovisset, eamque indies excrescere animadvertisset, ponderis illius perterrita anno 1675. tempore vernali in ipso Maio Thorunium venit, opemque meam implorat, cui ego nihil aliud, quam abscissionem excrescentiæ illius svadere potui. Illa annuens, Georgium Grunack, chirurgum, ad se accersere jubet, eidemque carneam illam molem (cujus crassities circa principium seu originem trium digitorum erat) monstrat: qui etiam, Christo auspice, curam aggressus, filo sericeo contorto excrescentiam constringendo tamdiu tractavit, emplastris etiam idoneis circumpositis, ne aliquid mali emergeret, cavit, ut tandem trium septimanarum & quatuor dierum spatio à corpore feliciter separata & novâ cute superinductâ, virgo à molesto illo sacco liberata fuerit. Huic aliquoties ob dolores gravissimos hoc opiatum à me præscriptum fuit. *Rec. sir. papaverini ℥j. laud. opiat. opt. dissol. gr. iij. aqu. cinam cord. ℥ss. M.* Ponderavit excrescentia illa tres libras civiles & duodecim uncias. Varias mirabiles carneas excrescentias (sed huic pondere inæquales) describit *Marcellus Donatus lib. 5, med. hist. mirab. cap. 3.*



## D. SIMONIS SCHULTZII.

DE

NULO PANIS ESU, EX PRAVA CONSVETUDINE ORTO.

**O**ptimè sanè *Melchior Sebizi* de aliment. facultat. lib. 2. cap. 115. panem præcipuum hominis alimentum appellat: qui *Nonio* à pascendo: *Isidoro* à πᾶν, quod omne significat, libr. 20. orig. c. 2. dictus: idque propterea quoniam cum omni cibo apponitur: vel quod omne animal illum appetat. Solus panis & per se, & cum omnibus ferè alimentis comeditur. Sine pane nulla esca placet. Multi à caseo, vino, lacte, ovis, piscibus & aliis rebus abhorrent, à pane, quod sciamus, nemo hominum, dummodò secundà utatur valetudine. Hæc ille. Sed *Iohannes Bruyerinus* de re cibariâ libr. 6. c. 1. de pane connotavit, quod noverit quendam eximiâ literaturæ virum, cui hoc peculiare fuit, multis carnibus, parcissimo autem pane vesci: unde illi in pœnam contigit foetidissimus oris halitus. *Idem ibid.* scribit, quod sibi tantum unam puellam videre contigecit in Belgicâ Galliâ Chauniaci, annorum sedecim, quæ nunquam panem degustârat, nullosque alios cibos, præter serum lactis, adeoque ab illis abhorrebat, ut vel panis momento in serum injecto, nausæa tentaretur: Hucusque *Bruyerinus*. His nos subjungimus historiam conjugis Christophori Seidlers, Civis & Zythopeptæ Thorunensis, vicini mei, quæ ex malâ consuetudine panem solum rarò comedit, cum butyro rarissimè, cum carnibus vel obsoniis nunquam: est tamen mulier sana, evsarca, nondum trigesimum annum transgressa, ac aliquot liberorum mater, Consuetudinem hanc à primâ statim ætate contraxit, & adhuc dum stricte observat, imò se aliter facere non posse affirmat; ita ut jam consuetudo ista prava in naturam abierit. Maritus ejus affirmat, eam per totum vitæ curriculum panis pro decem grossis Polonicis vix comedisse.

OBSERVATIO CLIX.

## D. SIMONIS SCHULTZII.

DE

MENSTRUIS NUNQUAM FLUENTIBUS.

Recen-



**R**Ecenset experientissimus ille Medico-Chirurgus Bernensis *Gvil. Fabricius Hildanus libr. Observ. Centur. 5. Observ. 41.* historiam miram, de mensibus perpetuò sine noxa retentis, seu de matronâ quâdam quadragenariâ, (cujus nomen ibi videatur) quæ nunquam fluxu menstruali laboravit, tum durante virginitate, tum etiam in ipso matrimonio: in quo tamen septem liberos peperit, & quidem feliciter, quorum major pars adhuc in vivis est, & athleticè optimèque valet. In puerperio lochia quoque exigua fuisse affirmat: &c. Nos autem præsentē casu exhibemus juvenulam quandam viginti septem annos natam, Annam, honesti Johannis Steinerspellionis, non ita pridem civis Posnaniensis, jam verò Thorunensis, conjugem, quæ hucusque nunquam tam in virginitate, quam in matrimonio, menses passa est, mulier egregiæ formæ, sana atque vegeta: sed nunquam etiam prolem habuit, & quamvis diversis medicamentis, Posnaniæ degens, ad promovenda menstrua, usa fuerit, omnia tamen, frustra adhibita sunt. Quid ulterius cum ipsa agetur, Deo vitam & valetudinem conservante, in posterum significabimus.

## OBSERVATIO CLX.

## D. SIMONIS SCHULTZII.

DE

POLYPO VIVO E VESICA URINARIA  
CUM URINA EXCRETO.

**D**Orothea Johannis Rampffers molendinorum Thorunensium exactoris conjux, sex hebdomadarum spatio, post tertium partum prolis in utero extinctæ, sentiens magnam ventris cum dolore circa pubem inflationem, urinaeque retentionem, tandem cum impetu quodam urinam excernens, animadvertit aliquid duri cum urinâ in matulam profiliisse, quod exemptum repræsentavit corculum pulli gallinacei, magnitudine extremi digiti indicis articuli, in superiore extremitate latiore friabilem lapidem, in inferiore verò angustiore carneam substantiam, ex sanguinem tamen exhibens, seseque movens, hinc vitam ei insitam indicans: quod obstetrix vesicæ murem appellavit, in ignemque projicere jussit. Nos autem polypi nomine ad similitudinem pisciculi ex sanguine marini



insignire volumus : à cuius excretione dolor & inflatio infimi ventris statim cessarunt. Non itaque solum in mari, sed etiam in vesicâ hominis urinariâ exsanguia generantur : ut etiam ab inde homo microcosmus de jure nominari possit. Confer cum his *Franc. Tidicæum*, Clarissimum nostrum quondam Antecessorem in *Microcosmo suo* diffusè & prolixè talia pertractantem. Quod autem non solum calculi, sed etiam vermes & alia similia animalcula in vesicâ generentur, meminî mirum vel incredibile videatur : nam ante nos id observarunt plurimi. *Aloysius Mundanella dialog. 14.* fœminam quandam maximam urinæ difficultatem & dolorem in mingendo vehementem patientem, tandem aliquot vermes sex digitos longos, vivos & rubentes eminxisse scribit. Sic *Dodoneus in annot. ad cap. 77. Ant. Benivenii Observ. mirand.* viro cui-dam vermem in vesicâ multis modis molestum, denique per penem sponte egressum fuisse refert. Ita *Scholiographi Hollerii ad cap. 50. libr. 1. de morb. intern.* cum arenulis & calculis duos vermiculos capite acuto corniculato, ventre & dorso testulâ inductis excretos observarunt. Idem *Cardanus comment. ad aphor. 76. sect. 4. Hippocr. & Rondeletius in hist. Aquatil. cap. de cancer. fluvial.* testantur. *Argenterius de cognos morb.* se draconem alatum cum urinâ redditum vidisse recenset. Sic *Ambr. Paræus Oper. med. Chir. libr. 19. cap. 3.* scriptum reliquit, Ludov. Dure-tum post longum morbum, animal vivum, colore rubrum, cætera mil-lepedi simile urinâ excrevisse. Hisce adjuuge *scholion Observ. 50. Anni primi Miscell. Curios. med. Phys. Acad. Nat. Germ. Curios.* ut alios plures brevitati studens reticeam, suis locis reperiendos. De Polyporum naturâ & generibus tractat *Plinius Natural. histor. lib. 9. cap. 28. & 29. Item lib. 32. cap. 11.*

## OBSERVATIO CLXI.

## D. SIMONIS SCHULTZII.

DE

FEBRE TERTIANA IN SENE POST PRIMAM ET SE-CUNDAM RECIDIVAM PROFLIGATA, POST TERTIAM VERO LETHALI.

**P**Rudenter sanè *Hollerius commentario super Aphorismum 12. Hippo-craticum sect. 2.* hæc verba annotavit : Post crisin, hoc est, excre-tionem criticam, tum relicta materia tum dispositio morbofa recidivas facere consueverunt : nisi antevertamus purgatione vel



vel alteratione. Accidit tamen aliquando, etiam nulla subfit materia, nulla morbosa qualitas, ut fiat recidiva ob intemperantem victum egri, quum scilicet plura sump sit quam conficere possit. Recidit etiam in morbum sæpè convalescens propter externas injurias. Patet hinc, Aphorismum duodecimum sectionis citatæ secundæ, qui ita sonat: *quæ in morbis post crisin relinquuntur, recidivas facere consueverunt*; non simpliciter, sed cum certo respectu intelligendum esse, id quod etiam præsens casus demonstrat. Cum anno Christi 1668. Illustrissimus & Reverendissimus Dn. Johannes Rozycki, Episcopus Chelmenfis, Abbas Mogilnensis, & S. R. M. Poloniæ Thesaurarius, Regnique Poloniæ Senator, septuagenario major, Thorunii, ut Commissarius Regius degen, ii. Augusti in febrim tertianam exquisitam incidisset, ab eâque adhuc in isto mense per medicamenta opportunè eidem à Nobis exhibita, fortunante Deo, scilicet purgationem lenem, venæ sectionem, & pulverem nostrum antifebrilem ab eâdem liberatus esset; accidit, ut ex pravo victu, nempe fructuum horariorum atque vini cerasitis nimio usu die 2. Septembr. recidivam passus fuerit: quâ iterum benedicente summo Archiatro, beneficio pilularum nostrarum antifebrilium feliciter profligatâ, hinc sanus usque ad Abbatiam Mogilnensem novem miliaribus Thorunio distantem profectus sit, ibidemque usque ad anni 1669. ultimos dies mensis Aprilis satis vegetus, in istâ præsertim ætate, permansit: ubi tum ex nimio esu lactis coagulati & cremoris ejusdem secundâ vice in febrim tertianam recidit, ad quem ego die 2. Maij veniens, post secundum paroxysmum, lenè evacuens porrexi, subsequito autem tertio paroxysmo venam dextri brachii medianam incidere jussi, tum ventriculo corroborantibus prospiciens febrem denuò, Deo propitio, abegi. Sed cum ille ex lacticiiniis, quibus admodum delectabatur, accedente ira, tertia vice in fine Junii, recidivam incurrisset, tertiâ Julii, viribus prostratis, vitam cum morte commutavit, ad quem ego 4. Julii ejusdem Mensis vocatus accedens, cadaver, cum permissione domesticorum aperire jussi, in quo omnia secundum naturam inventa fuere, præter peritonæum & mesenterium atque pancreas, quæ singula nonnihil corrupta & faniosa deprehendebantur, hepar etiam durius, quam secundum naturam esse consuevit, erat. Apparet inde, quam vera fuerit hoc in casu

Clarissim



*Clarissimi Hollerii superius citata annotatio. De recidivæ febris præcognitione vide sis Zacutum Lusitanum de PP. M. lib. 4. hist. 21.*

## OBSERVATIO CLXII.

D. SIMONIS SCHULTZII

DE

FELIS AMORE ERGA HOMINEM.

**D**E felibus scribunt naturalium rerum scriptores, illas amare domos, in quibus educantur, redireque ad eas, licet dominos novos accipiant ædificia; contra canes amare dominos, non domos: quod etiam experientia quotidiana testatur. Nos autem contrarium demonstrabimus sequenti notabili exemplo. Ante plures annos educabatur Thorunii, in ædibus Excellentissimi atque plurimum Reverendi Domini Petri Czimermanni, SS. Theol. Licentiati, ejusdemque in Gymnasio patrio P. P. & Rectoris celeberrimi, Templique Mariani Pastoris & Eccles. Senioris olim meritissimi, soceri mei colendissimi, felis, quæ cum filiolo ejus Johanne à primâ statim ætate magnam familiaritatem & amicitiam colebat, & quidem tantam, quæ nisi morte dissolvi non potuit. Scilicet cum puellus ille ægrotare cœpit, felis semper lecto assidebat lectulo, mortuo etiam eo, individua cadaveris erat socia, usque dum funus domo efferretur: nam tum felis tristis angulum quendam ædium intrans ibidem mortua inventa est. Cujus rei insolitæ memoriæ ergò piè defunctus Theologus, felem istam imagini puelli demortui appingi curavit, quæ adhuc hodiè apud hæredes asservatur.

## OBSERVATIO CLXIII.

D. SIMONIS SCHULTZII.

DE

APOSTEMATE COLLI ET PHTHISI CONSUMMATA.

**F**Ridericus Walther / Bibliopegus & ædituus Marianus Thorunensis, septuagenario propinquus à multis annis phthisi laborans, afficitur tandem etiam apostemate ingenti suprâ claviculam dextram in collo, quod quamvis diu Antonius Stattlender, Chirurgus, deligasset & tractasset, inhibere tamen haud potuit, quin ab acrimoniâ humorum, carne musculosâ planè consumptâ, ulcus depascens



depascens usque in cavitatem pectoris pertingeret, ubi tum in sreatu puris, motus lorum pulmonis dextræ partis, per illud foramen conspiciebatur: tantæ enim magnitudinis erat, ut Chirurgus pugnum in illud immittere potuerit. Quamvis itaque medicamenta pectoralia appropriata diligenter adhibita fuerint, viribus tamen dejectis bonus ille vir naturæ debitum persolvit.

## OBSERVATIO CLXIV.

## D. SIMONIS SCHULTZII.

DE

TUMORE PECTORIS IN APOSTEMA CON-  
VERSO, A MORBO COMITIALI.

**N**obilis, spectabilis & consultissimus Dn. Petrus Czimmermann, S. R. M. Polon. & civitatis Thorunensis à Secretis, postea Scabinus veteris Civitatis designatus, ac Juris Consultus acutissimus, affinis meus charissimus, cum post exantlatos studiorum & peregrinationum varios labores, in Aulis tam Electorali Brandeburgicâ, quam Regiis Poloniæ, ut Waravia, Cracoviæ, Leopoli, Secretarius Residens Urbis Patriæ per plures annos esset, atque ex vita (qualis in Aulis esse solet) inordinatè, morbo comitali gravissimo contracto, valdè infestaretur; animadvertit tandem tumorem pugni majoris magnitudine ex motu illo convulsivo magno supra os pectoris sternum dictum congestum: Hunc Chirurgus Antonius Statlender emplastris discutientibus abigere volens nihil effecit; sed materia ibidem suppurata in ulcus abiit. Verum isto postmodum consolidato, viribus autem à morbo indies magis deficientibus, natura succubuit, virque ille vitâ longiore dignus, prae properè, eheu! occubuit. Cum autem post tumoris illius congestionem morbus epilepticus primùm mitior factus fuerit, denique etiam in totum cessaverit, non frustrâ suspicamur, materiam epilepsiam causantem illuc à naturâ propulsam fuisse, quæ translatio à Stephano Rederico Castrensi in opusculo quæ ex quibus, metaptosis dicitur, de quâ Autorem citato loco libr. 1, cap. 2. & 3. evolve.

Dd.

OBSER-



OBSERVATIO CLXV.  
D. SIMONIS SCHULTZII.

DE

## PARACENTESI IN ASCITICO FRUSTRATA ADHIBITA.

**N**obilis Andreas Esken, Hæreditariûs in Kutschvull, annorum 46. præterpropter, cum hucusque extra civitatem, utut opulentus, cœlebs admodum parcè & frugaliter vixisset, ex vitio diætæ primum ventriculi dolorem cum siti, dein hypochondriorum intumescientiam percepit, quæ tandem hydrops ascites sequebatur. Hic anno 1660. in autumnò Thorunium venit, morbumque suum mihi exposuit: cujus signa erant, urina tincta & rubicunda, sitis magna, appetitus cibi nullus, constipatio alvina, urinae retentio frequens, noctes insomnes, tumor totius infimi ventris & hypochondriorum intensus, atrophia artuum superiorum & inferiorum, viriumque maxima debilitas. Institutæ fuerunt purgationes per epicrasin, adhibita tam externa quàm interna alterantia & corroborantia, sed sine ullo fructu. Tum anno 1661. alterâ à Circumcisione Christi Salvatoris die, adjuncto mihi jam piè defuncto Dn. D. Meisnero instituta est paracentesis sub ipso umbilico versus partem sinistram, naturâ ipsâ per vesiculam umbilicalem viam commonstrante, per Antonium Statlender Chirurgum. Talem paracentesin *Galenus* libr. 14. *Meth. med. cap. 13. & comment. super Aphor. Hippocr. 27. sect. 6.* hydropicis & herniosis adhiberi svadet. *Paulus* autem non omnibus aquæ intercutis generibus, sed ascitæ tantum convenire scripsit: ejusque tres in universum differentias statuit: unam sectiones factâ directè sub umbilico tribus digitis interpositis, si ab intestinis origo fuerit: aliam etiam factâ à sinisteriore umbilici parte, si primariò jecoris affectui malum feratur acceptum: tertiam autem à dextrâ ejusdem parte, si à liene vitium traxerit originem. Scapello ejusmodi sectio fieri debet, aut aculeo intra peritonæum adactò, deinde in foramen immissa ænea fistulâ, per eam humor sensim effundendus pro cujusque virium ratione, cavendo ubique subitam cumulataque vacuationem. Hucusque verba *Pauli*. Idem nos quoque hâc in parte observavimus, factâ incisione, ut superius dictum, impositoque canali-  
culo argenteo eduximus aquam in abdomine stagnantem pedeten-  
tim



tim a semilibra incipiendo, tum ad libram devenimus, quotidie bis, aliquando etiam ter, pro re nata, ad multarum usque librarum quantitatem. Aquaeducta fuit citrini coloris, odorisque foetidi, videbaturque sibi patiens aliquantum vegetior. Verum omnia in pristino statu permanebant, indicantia scilicet dyscrasiam & corruptionem viscerum infimi ventris, quam anatome corporis extincti postea aperuit. Quare vires indies debiliores, ægrotum, ut animæ curam adhiberet, admonuerunt: quæ cum peracta ille ultimis Januarii diebus placidè animam Salvatori suo reddidit. A morte cadavere aperto, nullum viscus sanum & inregnum repertum est, peritonæum, mesenterium, pancreas, singula consumpta, intestina livida, hepatis & lienis aliquot frustula tantum veluti lacerata dependebant, renes vix conspicui, uno verbo: & ante mortem piè defunctus vivum cadaver erat, apud quem post mortem astantes præ foetore maximo non diu subsistere potuerunt.

## OBSERVATIO CLXVI.

## D. SIMONIS SCHULTZII,

DE

## CICONIÆ VINDICTA.

**D**E ciconiarum pietate, castitate, prudentiâ, gratitudine & societate cum hominibus multa observârunt & annotârunt rerum naturalium scriptores, sed de vindictâ illarum me hucusque nihil invenire potuisse fateor. Hanc ego observavi in exterâ ciconiâ erga meam in horto educatam ante aliquot annos. Missi mihi sunt è vicinâ Cujaviâ bini ciconiarum pulli, mas & fœmina, qui in horto meo extra urbem auff der Mœckerau educati ibidem quasi domestici fuere; sed fœmina mox in fluviolo die Stadtbach dicto, hortum ex unâ parte perfluente, ex incuriâ submersa est, mare remanente, qui jam usque in tertium annum cum anseribus & anatibus domesticis familiariter vixit. Interea accidit, ut, cum peregrinæ ciconiæ, vere adventantes, ciconiam meam in horto animadvertent, aliquando peregrina advolans & glotterans, domesticam meam adorta est, cum eâque vehementer pugnare cœpit, tamdiu, ut peregrina domesticæ meæ crus fregerit, & nisi opportunè vir in horto habitans advenisset, ciconia mea succubuisset, quæ postmodum post



sanationem cruris circumspectior fuit. Videns enim peregrinas ciconias æstate volantes, se semper abscondit, incola horti teste. Certamen illud ex vindictæ cupiditate ortum fuisse, quod peregrina ciconia meam intellexerit horti domesticam factam, consortium aliarum reliquisse, extra controversiam est; nam huic ferè simile quid legitur apud *Wolfgang. Franzium in animal. histor. sacrâ part. 2. cap. 8. ex Physica Neandri de ciconiis Ilfeldiensibus*, ad quem autorem, brevitati studens, curiosum Lectorem remitto.

OBSERVATIO CLXVII.  
D. SIMONIS SCHULTZII.

DE

*SUDORE QUODAM NATURALI ET SALUTARI.*

**Q**uemadmodum pluribus hominibus certis temporibus diarrhœa salutaris esse solet, ita etiam sudores nonnullis familiares, & sanitati proficuos aliquando fuisse, certum est. Vivit inter nostrates honestus Johannes Reichart, civis & Saba-jarius, qui mihi nuper bonâ fide retulit, sibi sudorem singulis ferè septimanis ita esse familiarem, adeoque proficuum, ut eundem pro signo valetudinis haberet; vice versâ, quando sudor ille sistitur, se statim, varia corporis incommoda pati: quæ etiam anno 1675. hyeme expertus est, ubi bonus ille vir ex suppressione istius sudoris graviter decumbebat, mihi que causam morbi detegebat, scilicet sudoris retentionem, cui ego diaphoreticis remediis, præmissis tamen præmittendis, naturam juvare studui, atque hâc in parte bono cum successu naturæ imitator exstiti. De sudore septem annorum, & quidem hæreditario tractat *Tulpus Observ. libr. 3. cap. 42.*

OBSERVATIO CLXVIII.

D. SIMONIS SCHULTZII.

DE

*EXCRESCENTIA UTERI ULCEROSA, CUM  
SPHACELO, LEIHALI.*

**H**onesta Matrona multorum liberorum mater, Ursula Schadin, piè defuncti Balthasaris Lemcken, Civis & Negotiatoris Thorunensis relicta vidua, cum jam ante aliquot menses (post terminum menstrui fluxus à naturâ præfinitum, diu

exa-



exactum) menstrua inordinatè fluere percepisset, cum mgno dorfi, coxendicum & adjacentium partium dolore; inde quotidie debilior facta, meam implorat opem. Cui ego ex lege artis nostræ diversa ad id facientia præscribere cœpi remedia, continuante filum, me decumbente, Dn. D. Johanne Blumickio: verum illa nullum inde levamen sentiens, eorum pertæsa, indies pejora symptomata cum atrophîâ totius corporis experta est. Interim menses pedetentim primò, postea etiam in totum cessârunt fluere: nihilominus eadem semper languidior facta, & lecto affixa permanens, tandemque febre cum gravissimo horrore partium extremarum per aliquot horas, & calore intensissimo longiore, inordinatè aliquoties correpta, per aliquot septimanas, sine omnî cibo, solo potu cerevisiæ secundariæ contenta, vitam prorogavit, vomitibus denique primùm biliosis, mox atrabilariis succedentibus. Sed spatio octo dierum ante mortem, menses cum gravissimis pubis doloribus iterum rediére, post quorum mox remissionem tumor è vulva prominens rubicundus & ulcerosus apparebat, purulentâ & foetidâ saburrâ ex eo indefinenter fluente. Tum misera illa die 21. Augusti anni 1675. post levissimas convulsiones piam animam Salvatori suo placidè reddidit. A morte autem partes inferiores circa pudenda & nates, anticæ & posticæ, à sphacelo nigerrimæ & corruptæ conspiciebantur, unâ cum tumore propendente.

OBSERVATIO CLXIX.  
D. SIMONIS SCHULTZII.

DE  
VIVACITATE ANSERUM.

**D**E anserè scribit tam genere quàm doctrina Illustrissimus *Franciscus Baconus*, *Baro Verulamius*, *vice-Comes S. Albani*, *Regniq. Angliæ quondam Cancellarius in Histor. vitæ & mort. sub Tit. longævit. & brevité vit. in animal. Apher. 27. p. m. 84.* ita: Anser quoque ex longævis; licet herbâ & id genus pabulo nutriatur; maximè autem sylvestris; adeo ut in proverbium apud Germanos abierit; magis senex, quàm anser nivalis. Certum est ex rerum naturalium scriptoribus, vitam anseres in multos producere annos. Ducentos annos excessisse testatur *Gratarolus*: Sed ne juranti quidem se crediturum scribit *Aldrovandus*, ut refert *Jonstonus in Thaumatoogr.*



*Natur. class. 6. de admirand. avium, cap. 5. de ans.* Hic ipse in *Historia Natur. de avib. lib. 4. tit. 2. cap. 2.* hæc verba consignavit: Anser sexaginta annos attingit, si Alberto credendum. Non dedisset fidem *Cardanus*, nisi carduelem tredecim annis in caveâ educatam scivisset. *Melch. Sebizi* de aliment. facult. lib. 3. p. 831. paulo aliter verba Grataroli recenset, scil. ad hunc modum: vivunt anseres satis diu, præsertim feri. *Gvil. Gratarolus* scribit, vivere annos viginti: (nisi ibi aut hîc sphalma typographicum commissum sit) *Albertus Magnus*, sexaginta spiritum ducere refert: quod videtur ἀπίστον. Hisce nos subnectimus historiam verissimam de anseris cygnei coloris viginti annorum & quidem mare, qui hodie adhuc nutritur in ædibus honestissimæ Matronæ ANNÆ MERCKNERIÆ, Nobilissimi & Amplissimi quondam Consulis Thorunensis Constantini Preussen, Juris Consulti Doctissimi, Amici mei, dum viveret, integerrimi, relictæ viduæ, qui hucusque satis vegetus agmen aliorum anserum, qui ibidem aluntur, semper ducit, & cum foeminis coit. Hic raritatis gratiâ, ac ob magnitudinem, quâ alios superat, & albedinem insignem à viduâ illâ tam diu asservatur: qui sine dubio adhuc plures annos supervicturus est. Quod autem suprâ citatus *Fr. Baconus* l. cit. Aph. 32. de gallo gallinaceo, eundem brevis esse ævi, scribit; id refutatur exemplo galli in ædibus præfatæ viduæ ad annos quindecim enutriti, sed nuper suffurati: nisi hoc unicum exemplum pro singulari habendum sit, id quod ego Curiosius ulterius indagandum relinquo.

## OBSERVATIO CLXX.

## D. SIMONIS SCHULTZII

DE

## SUDORE PINGVI ET OLEAGINOSO.

**D**Escribit *Dn. D. Valentinus Andreas Møllenbroccius* *Miscell. Curios. Germ. anni II. Observ. 19.* sudorem pingvem & oleosum in nobilissimâ quadam virgine iam maritali à se observatum: talem nos quoque in virgine quâdam juveniculâ Thorunensi fere per annum durantem deprehendimus, cujus in antecedentibus observatione quâdam de metastasi humoris per vias occultas &c. mentio facta est, hisce verbis: Dorothea Kriegeria virgo annorum septendecim, constitutionis corporis gracilioris, complexionis phlegmaticæ



maticæ incidit anno 1675. hyemali tempore in pleuritidem spuriam finistri lateris &c. cuijam à longo tempore singulis noctibus gravis fuit sudor oleaginosus, foetidus, coloris crocei, tam in capite, quàm in dorso, etiam indusium tingens, & pingvedine quâdam inficiens. Quod rarissimum symptoma, & ceu rectè præfatus nobilissimus Medicus statuit, vix à quopiam huc usque observatum, hic singulariter curioso Lectori exhibere volui, cui non ingratum futurum confido.

OBSERVATIO CLXXI.  
D. SIMONIS SCHULTZII.

DE  
EUPORISTIS QUIBUSDAM SOMNUM CONCILIANTEBUS, HAUT VULGARIBUS.

**R**etulerunt mihi bonâ fide Religiosi quidam Patres Soc. Jes. ut & Monachi & Moniales, se secretum quoddam paucissimis notum, in cœnobiis suis pro conciliando somno, in usu habere, & quidem infallibile, quod mihi tandem post multas preces vix communicarunt, scilicet officula auditus procelli, sive affati, sive cocti, exempta, exsiccata & in pulverem redacta, interneque assumpta: quarum experimentum quilibet sine noxâ pro re natâ facere poterit. Mulierculæ quædam nostrates aures leporinas abscissas, & pulvinari suppositas somnum conciliare credunt: aliæ linteola sanguine leporino pone aures educto intincta ad id adhibent. Item infusum ligni cynosbati, atque liquorem vermiculorum in ejusdem spongiis enatorum. Aliæ unguen illud, seu unctuosum crassamentum, quod rotis molaribus adglutinatur, (das sich den Mühlrädern / als eine graue Salb ansetzet /) temporibus illitum ad inducendum somnum deprædicant. Quædam lac suillum tam potum quàm cum linteis temporibus & fronti tepidè applicatum idem præstare pro certo experimento habent, quod etiam plebejis nostratibus familiarissimum est. Nonnullæ denique commendant calvariam sive cranium humanum, pulvinari, sed inscio ægro (forsan ob terrorem) subditum. Succus quoque nasturtii aquatici cum aceto naribus illitus immoderatas vigilias arceat. Pinguedo itidem lucii piscis eodem modo adhibita excellit. Plurima alia, sed superstitiosa, ut & trita, omnibusque nota lubens reticeo. Unicum tantum addo ex *Johannis Langii epist. Medic. libr. 3. cap. 6. p. m.*



6. p. m. 910. ad somnum conciliandum, reliquis nil juvantibus, scil. pul-  
verem ex foliis & sem. hyoscyami albi sacculo capiti dormituri, vel  
pulvinari suppositum. *Idem* aliquando sanguifugas post aures ac-  
commodavit, & remotis eis granum unum opii vulneribus imponi feli-  
ci successu solitus est, ut loco citato legi potest.

## OBSERVATIO CLXXII.

## D. SIMONIS SCHULTZII.

DE

*SYMPTOMATICIS EXCRETIONIBUS, PER OMNIA FERE COR-  
PORIS EMUNCTORIA, DIVERSIMODE FACTIS, FUNE-  
SIUM MORBI EXITUM INDICANTIBUS, ET  
NON NISI MORTE SUBLATIS.*

**P**uellus quinquennis Viri pl. Reverendi Johannis Gyzicki ad  
D. Mariæ Thorunii Concionatoris Polonici filiolus unicus, an-  
te sesquiannum febre continuâ correptus, primum diarrhœâ conti-  
nuâ, dein vomitibus vexabatur, quibus utrinque subsistenti-  
bus, maculæ purpureæ hinc inde cum pruritu quodam erumpebant:  
sed mox iis evanescentibus, sudore copioso resolutivo molestabatur:  
quo etiam cessante, hæmorrhagiam narium per aliquot dies passus  
est: tum faucium & gingivarum putredine, cum foetore & ulcere an-  
gebatur. Ista subsequebatur ex aure sinistra ichor quidam ad mortem  
usque fluens gravis foetoris: tandem urina sanguinolenta: quibus o-  
mnibus ultima rerum linea, mors, colophonem imposuit. Causam  
tâm febris continuæ, quam concomitantium symptomatum magnam  
humorum putredinem non sine ratione accusavimus.

(*Ad Collectores Ephemerid. Ann. 1675. 14. mense Novembr.*)

## OBSERVATIO CLXXIII.

## D. SIMONIS SCHULTZII.

DE

*DOLORE CAPITIS PERIODICO ET VARIO.*

**N**Ovi virum quendam è præcipuis civitatis nostræ annorum  
LIII. qui ante plures annos patiebatur dolorem capitis pe-  
riodisum gravissimum, singulis diebus recurrentem, & per  
tres horas durantem, instar febris reciprocantis semper post-  
ponen-









\*  
Globulus plumbeus  
artissime inherens



ponentem: qui tandem post quintum paroxysmum brevissimum defuit, nihil neque purgante medicamento, neque venæ sectione proficientibus. Symptoma hoc post aliquot annos revertebatur, sed tantum tertiâ die, verum longiore paroxysmo, eademque horâ, scilicet septimâ matutinâ, sævitiam suam exerebat: sexque mensium ferè spatio, frustra tam internis quàm externis medicamentis adhibitis, durabat. Tertiâ denique vice idem malum postliminiò quatuor annorum curriculo exacto, quolibet octiduo, sed anticipando, recurrebat; atque tum per DEI gratiam, præmissâ purgatione vernali, ac venæ sectione institutâ, fonticuloque in sinistro cubito adhibito planè cessavit, & hucusque post aliquot annorum decursum nondum rediit. De capitis dolore in autumno sæpè recurrente vide *Forestum lib. 6. Observ. 24.* Item *Poterium Observ. & curat. Medic. cent. 3. c. 3. & 4. Tullium lib. 1. cap. 13.* De hemicraniâ periodicâ vide *observ. celeberrimi Th. Bartholini in Miscell. curiosarum Phys. Medic. acad. nat. Curios. Germ. Ann. I. Observ. 51. p. 149.*

## OBSERVATIO CLXXIV.

L. CHRIST. FRIDER. GARMANNI.

DE

## VARIIS FUNGIS FUNGOSISVE EXCRESCENTIIS.

**Q**Uæ de fungis nuper promisi, subnectere potuissem, nisi præter spem in Dissertationem ferè excrevisset epistola. Transmitto interim (ut eò accuratius depingatur,) os feræ cujusdam ante annum in sylvâ prope *Stolbergam* inventum. Videbis in illo miras & fungis similes excrecentias, quibus à sclopeto fractum natura consolidare tentavit. Recordationem, dum hæc scribo, subit illa *Alex. Benedicti lib. 1. hist. part. corp. hum. c. 14.* narratio: Vidimus, scribit, in Getâ vulnerato genu sagittâ cornu nigrum rupicaprae capitis simillimum (è vulnere) prodisse, materiamque quæ in ossis substantiam converti debuisset, in corneam naturam aëris afflatu conversam, continueque gummi modo indurescentem.

Herbis etiam fungos adnasci non semel conspexi. Experientiam in cinaræ hortensis foliis & caulibus quilibet facere poterit. Si namque folia & caules à radicibus separati per hyemem in hortis relinquantur, verno tempore non solum fungi oblongi illis adnati de-

Ec

prehen-



prehenduntur; sed & grana nigra pseudo-melanthii aut nigellastri, ut vulgo vocant, semen referencia, de quibus alibi prolixius, se conspectui insimul obijciunt nostro.

Fungorum plurimi è terrâ erumpentes semen habent, si curiosè examinentur, forma, quamvis minori, alceæ Ægyptiacæ semen ferè exprimente.

De fungis in corpore humano observatis in proximis plura.

(*In literis ad Coll. Ephemerid.*)

## OBSERVATIO CLXXV.

D. JOHANNIS PATERSONII HAIN.

DE

## VERMIBUS IN ACETO POMACEO.

**I**N aceto pomaceo ex pomis sylvestribus facto, quod neglectum steterat ferè per annum in lagenâ papyro leviter obturatâ, in quo multæ faces ad fundum resederant, enati sunt multi vermes plane tales, quales in pomis ex putredine fieri solent, & in eâdem magnitudine, capitibus nigris & parum ad os aduncis. Cum igitur aër frigidior (nam lagena in fornice stabat,) vexaret vermes hos, subito frigus fugientes, ex lagenâ repere inceperunt, & penes papyrum in mensam delapsi catervatim jacebant, reliqui adhæserunt papyro de mortui.

## OBSERVATIO CLXXVI.

D. JOHANNIS PATERSONII HAIN.

DE

## ARGENTO VIVO IN MAJORI QUANTUMVIS QUANTITATE ASSUMTO SEX DIEBUS IN CORPORE RETENTO.

**M**illes quidam à longo tempore obstructionibus petitus cum multis purgationibus magis adhuc intestina exsiccasset, eò devenit, ut aliquot purgationibus frustra sumptis, clysteribus etiam aliquot retentis, in ingentem circa umbilicum inciderit dolorem, ita ut totas ædes clamore repleret. Exhibitum illi fuit argentum vivum pondere viginti unciarum. Resedit paululum dolor, & cum argentum vivum non exiret, post horas quatuor, exhibitum illi est purgans valde forte, quod tandem alvum solvit,

&



& quindecim habuit largas sedes. De argento vivo autem nihil apparuit. Tertiâ die cum alvus iterum adstricta esset, accepit clysterem, qui nihil eduxit. Igitur quinta die prius purgans forte repetiit, habuitque quatuor sedes, de argento vivo tamen ne guttula exivit. Sextâ igitur die accepit clysterem ex solo oleo lini, quod quidem aliquot scybala eduxit, de argento vivo adhuc nihil, nec conquestus ille, quod vel minimum malè haberet. Tandem noctu ad finem sexti diei per se habuit sedem duram, & cum illâ argentum vivum exivit, decrant tamen uncia circiter duæ, quæ fortè ex incuriâ illorum, qui excrementa diluebant, effusæ sunt. Nam octavâ die iterum dimidia circiter uncia exivit, nec amplius quicquam de Mercurio deprehensum, illeque ab illo tempore nihil mali passus. Sed hoc observatione dignum, quod in prima exclusione Mercurii, dum excrementa abluerentur, aliquid de Mercurio apparuerit, quasi cum stanno amalgamatus fuisset, nec sese permiscere voluit reliquo Mercurio, sed supernatabat; erant circiter drachmæ duæ. Cum autem paululum tereretur cum aqua salita, ad genium suum rediit. Fortè si diutius in corpore hæsisset, magis arrosus fuisset, & tum insigniter nocere potuisset.

## OBSERVATIO CLXXVII.

D. JOHANNIS PATERSONII HAIN.

DE

ANATOME EPILEPTICI.

**C**hirurgus ex majori Polonia artis suæ benè peritus scripsit nuper, Nobilem quendam anxietate cordis diu vexatum, infinitisque usum remediis tandem epilepsia correptum, per duos dies mortuo similem jacuisse, tandem satis cessisse. Aperto cadavere post mortem reliqua viscera salva inventa fuisse (ut ille ait) solum ventriculum repertum tenuissimæ membranæ instar.

(*In literis ad Collectores Ephemerid. 28. Novembr. ann. 1675.*)

## OBSERVATIO CLXXVIII.

D. FRIDERICI LACHMUND.

DE

DEXTRA AURE OCCLUSA.



**R**efert *Thom. Bartholinus Hist. anatom. rar. Cent. 6. de puero octo annos nato, cui sinistra auris à nativitate fuit clausa. Huic simile exemplum hic Hildesiae accidit; Anno enim 1674. mense Januario Dn. Andreae de Lacu uxor peperit filiolum, cujus sinistra auris recte conformata erat, dextrae lobus tantum apparebat, foramen verò nullum inveniebatur. Ego quidem aperire volebam, sed infirmitas corporis sectionem admittere non videbatur. Post sex hebdomadas epilepsia mortuus est.*

## OBSERVATIO CLXXIX.

## DN. FRIDERICI LACHMUND.

DE

INFANTE MONORCHITE, PENE IN ABDOMINE DELITESCENTE.

**L**udit, inquit *Th. Barthol. histor. anat. rar. Centur. 4. histor. 22. subinde natura in membris generationi inservientibus, aliquando in defectu, nonnunquam numero excedente: addo, aliquando ea saltim abscondendo, ut ex sequentibus patebit.* Cum anno 1674. d. 7. Octobr. Nobil. & Stren. Dn. *Frider. Wilhelm à Stopler, Hereditarium in Binder, Werstett & Leckstett*, una cum *Ampliss. Dn. De Zigenweide, 3<sup>to</sup> celeberrimo*, animi recreationis ergò inviserem, inter alia agebat hic nobilis, quod haberet in pago suo Leckstett rusticum quendam, cujus filius circiter quadraginta hebdomadas natus pene careret & pro confirmandâ relatione rogatu meo, patrem accersiri jubebat. Is quamvis verum fateri tum nollet, circa vespertinum tempus tamen filium ad aedem nobilis apportabat, ubi prænobilis Viri narrata vera esse deprehendi. Ego verò istâ inspectione non contentus, altero die matutino tempore, ipse casam adii, & puerum diligentius tractavi, nil tamen, nisi præputii vestigia quadam invenî, lotium reddentia, scrotum, quod valdè parvum erat, unum tantum testiculum in se continebat. Interroganti, an semper sine pendulo pene esset, pater respondit, more rusticorum: *Das hat kein Noth. Wenn man ihn vor dat Für helt un streppelt, so kan he wohl her vor frupen.* h. e. Præfiscine! Si illum igni admoveas atque titilles utique penis emergere solet. An verum hoc sit, equidem nescio, nolebat enim me præsentem monstrare, si tamen res ita se habet, credo annis pubertatis magis



magis foci, quàm flagellorum usu in re venerèa, de quo raram histori-  
am edidit olim *Joh. Henr. Meibomius à Th. Barth.* iterum recensitam, huc  
opus futurum.

OBSERVATIO CLXXX.  
DN. FRIDERICI LACHMUND.

DE

CRANII FONTANELLA IN HOMINE ADULTO.

**I**N infantibus recens natis inter futuram sagittalem & coronalem  
partem membranosa reperiri, fontanellam dictam, seu fontem  
pulsatilem, notum est. Mulierculæ nostrates ajunt: Der Kopff ist  
noch nicht zugewachsen: in aliis tardius membrana hæc in os de-  
generat, in aliis, quod perrarò accidit, in provectiorem ætatem per-  
manet, uti ex quadragenario *Th. Bartholini in anatom. reformatæ* constat.  
Simile exemplum anno 1654. observavi Jenæ in amico & convictore  
meo *Domino Joh. Jansonio, LL. Studioso Auricensi*, (quæ urbs sedes est  
Comitum Frisiæ orientalis) cujus jam annum ætatis 23. agentis, cranium  
non dum erat clausum. Et licet observatio hæc meritò inter memora-  
tu dignas referenda sit, adhuc tamen dignius & rarius illud mihi esse  
videtur, quod fontanella pollicem circiter lata calvitie erat deformis,  
licet capilli toto reliquo capite provenerant.

OBSERVATIO CLXXXI.  
DN. FRIDERICI LACHMUND.

DE

CRANII FONTANELLA, IN HOMINE ADULTO QUIDEM OS-  
SEA, SED PECULIARI SUTURA CIRCUMDATA.

**S**uturarum lusum ferè indies observant diligentes anatomici, in-  
ter quos facile princeps est & familiam ducit, non solum solertis-  
simus ille animalium dissector, sed etiam ossium compactor seu sce-  
letorum elaborator accuratissimus *Th. Bartholinus*, qui etiam *hist.*  
*anatom. rar. Cent. i. pag. 79. histor. 51.* multa circa futuras observavit;  
ego, qui quanquam in praxi potissimum occupatus sim, horis tamen,  
quantum fieri potest, subsecivis in anatomicis me exerceo, sequentia:  
Est apud me cranium furis cujusdam ad supplicium dati, in quo sutura  
sagittalis, versus coronalem in loco eo, ubi fontanella infantibus recens  
natis solet esse, in utrumque latus dividitur, & quamvis membranosa



illa substantia, sive fontanella sit ossea, peculiari tamen saturâ est circumdata; Cujus cranii figuram hic addere placet; ubi a. *suturam coronalem*, b. *sagittalem*, c. *fontanellam osseam* designat.

## OBSERVATIO CLXXXII.

D. FRIDERICI LACHMUND.

DE

## ANSERE DOMESTICO CRISTATO.

**A**Nte triennium quidam ex rure amicus, cui curiositas mea erat nota, me donabat anserē domestico, qui totus cinereus, sed magnâ eaque candidâ cristâ præditus erat. Ego primò aspectu cristam hanc arte insertam fuisse putabam, sicuti caponibus non solum cornua, sed etiam fasciculi pennarum, solent inseri, qui tamen non statò tempore, more aliarum pennarum decidunt, & iterum crescunt; contrarium tamen reperi, cum in hunc usque diem habeam. Crista hæc radicem habet in vertice, unde scapus, calami vel caulis instar erumpit, se in pennâ omninò candidâ, apta rotunditate expandens. Propter singularem raritatem & elegantiam, figuram capitis cum cristâ hic addendam esse existimavi.

## OBSERVATIO CLXXXIII.

D. FRIDERICI LACHMUND.

DE

## INFANTE BIMULO NONDUM DENTATO.

**Q**Uoniam infanti recens nato dentibus non opus est, idcirco illi etiam natura in nativitate non dat, quanquam interdum, sed rarò ab illa recedit, uti ex *Plinio lib. 7. cap. 16.* de M. Curio & Cn. Papyrio notum, & à me simile exemplum in *Ephemerid. ann. III.* in partu licet monstroso est observatum: latitant tamen in alveolis, donec tempore opportuno, quod in aliquibus maturè, in aliis tardè fit, erumpant, & solent frequenter incisores primum in conspectum venire. Mulierculæ nostræ præfagire solent, ex tardis dentibus vitam longam, ex maturis brevem. Sed uti multæ mulierum opiniones, nugarum & stultitiæ plenæ sunt, ita & hæc, quod confirmat filia Dn. Georgii Schneckers, civis & Mercatoris apud nos inter primarios; Hæc circa septimum à natali mensem maximè salivabat, & digitis gingivas terebat, ut ego cum parentibus conjecturam faceremus, tempus erumpendi dentes præstò fore;





Ad. Ob. Cl. XXXII











Ad Ann VI Obs N<sup>o</sup> 9.





fore; Sinetamen successu, nam post aliquot dies meliusculè se habuit, postea iterum aliquoties infirmitatem passa est, unde semper dentes in procinctu esse credebamus, sed semper contrario effectū. Anno 1675. iterum in morbum incidit & d. 8. April. placidè mortua est, quū vixisset annos 2. menses 2. dies 8. & quidem sine dentibus, quod observatu dignum puto.

## OBSERVATIO CLXXXIV.

D. FRIDERICI LACHMUND.

DE

## OSSE FRONDIS VIRGINIS ADULTÆ MOBILI.

**V**irgo prænobilis & generosa annorum 26. conquerebatur, quod maximis & continuis capitis doloribus à teneris unguiculis infestaretur, causam esse dicens, quod cranium nondum esset concretum. Ego inquirebam, an forsan fontanella nondum ossea facta esset, illa respondebat, quod non; sed in risu vel tristitia & fletu aut forti loquela ferè pollicis latitudine cranium dehiscere. Ego rei certitudinem percipiendi cupidus, caput tangens inveni, quod os frontis esset mobile & à syncope se divelli pateretur, ita ut digitis quasi cerebrum posset attingi.

[ In literis ad Dn. D. Johann. Dan. Majorem, P. Kiloniens.  
mense Decembri Ann. 1675. ]

## OBSERVATIO CLXXXV.

D. JOH. CHRISTIANI FROMMANNI.

DE

## SUDORE POST MORTEM.

**R**odachii anno hujus seculi LXV. civis cujusdam infans morbo corripitur. Tertium prostratæ valetudinis diem ubi superârat, quartum calore præternaturali accedentibus convulsionibus inopinâ demum morte finit. Levior intumescentiâ, quæ vivum affecerat, leviori quidem parentum animos metûs vinculo primum constrinxerat; sed ubi lac maternum faucibus avidioribus, emortuali præprimis die, traxit, curas quoque ad nutricis pectus attraxit ille graviores, & labore suô internô ac ultimô internum adauxit parentum dolorem. Corpusculum animulâ suâ destitutum, seipso vivo longius & rigidum sic à morte evasit, ut ferè eorum, qui indu-

suum



gum brachiolis accommodare laborarunt, industriam eluserit. Examine illud sive ceremoniarum ritu tertio die loculo inclusum ad cœmeterium, ut terræ mandetur, deportatur. Referatō hic vulgi spectatum venientis gratiā, more in oris nostris sive loculō, infantis facies sudoris guttulis referta cernitur. Facies mira præsentium mox invitat faciem & in admirationem trahit. Ad naturæ vires sudorem in corpore calore vitali prorsus destitutō, referre ausus fuit nemo: magna verò pars ad occultiorem & sublimiorem causam fuit facilis. Nonnulli ex ipso sudore velut effectu, ejus causam, sopitum scil. & latentem hoc in corpore vitalem facultatem tacitè secum collegerunt, & infantis ad sepulcrum deportationem maturam deinceps exprobrarunt. Mœstissimi parentes & avus raro hōc casu & maledicorum insultu perturbati per Fratrem meum dilectum M. JOH. FREDERICUM, Diaconum ibidem, meum de hoc sudore judicium requisiverunt. Annui petito, & extemporaneum judicium tum dedi, quod brevi post in Disputatione quadam publico eruditorum examini submissi. Casum, quia ad paucorum manus Disputatio venit, spectatissimo naturæ curiosorum Collegio jam communicare placet. Subjungam etiam datam tum temporis ἐπίγραφιν. Rarus autem est casus ille, neque similis exempli vestigium vel in *Henr. Kornmanni tractatu de miraculis mortuorum* vel in *libro I* (secundi editionem, orbis literatus adhuc expectat) *tractatus elegantissimi eodem titulō, de miraculis mortuorum*, insigniti, sed doctiori calamo exarati Dn. Lic. Garmanns vel in aliis, quos evolvere licuit, adverti, nisi quod Kornmannus part. 5. c. 8. suspensi cujusdam cadaver plurimum sudoris per 14. dies effudisse scribat: quam historiam admirationis aliquid habere scribit Zachias. (D. Sam. Ledelius deinceps observavit in Pastoris cujusdam scorbutici & melancholici corpore non tantum vivō continuum, sed & defunctō triduanum sudorem largissimum, qui faciem cum toto corpore madidam reddidit. Vid. annus 3. Ephemer. nat. Curios. obs. 83.)

Ut sudorem istum infantis labore & sudore nostro felicius dereramus, præsupponimus *sudoris* nomen sumi 1. latè & improprie pro quavis materiæ vaporosæ vel liquidæ roris in modum in quocunque subjecto collectione. Ita lentiscus mastichen sudare dicitur, & *Renodens de mat. med.* mastichen definit, quod sit gummi-resina è lentisco exudans. Sic statuæ apud veteres sudasse leguntur, cujus rationem

nem



nem *Theophrastus* dat lib. 5. *hist. plant. c. 10.* quia ex cedro conficiebantur, cujus materia nata est humorem exudare. Fenestræ, specula, canthari, poma, parietes sudare quoque hybernò tempore dicuntur. 2. *proprie* & quidem vel *strictè*, pro materiæ vaporosæ in cute animalis viventis roris in speciem collectione, quòcunque illa promanarit modò, sive excretionem, sive expressionem, sive partium solidarum exolutionem. Tribus enim his modis sudorem exire dicit *Stephan. Rodericus Castrensis* lib. quæ ex quibus pag. 45. Excretionem qui prodit, caloris florentis est index; qui expressionem tumultuantis; qui partium exolutionem deficientis, non simpliciter, sed respectivè: vel *strictissime*, pro eo, qui caloris vitalis ope per cutis spiracula prodit. Adhuc *Crato consil. à Scholtzio collect.* 381. tres requiri vult conditiones, calorem mediocrem, materiam tenuem & cutis meatus apertos. Sudor ille in infante non fuit verus sudor, quia mortuus erat infans, adeoque omnis in eo calor vitalis abfuit: id quod etiam partium rigor & ob hunc induendi indusium difficultas prodidit. Inter notas autem finitæ vitæ etiam membrorum rigiditatem referri testatur *Paulus Zacchias quest. Medico-legal. lib. 4. tit. 1. quest. ult.* Ergò nec caloris seu florentis, seu deficientis soboles sudor ille fuit. Caloris quidem defectum sudorem quendam sive *εψιδρωσιν* sequi admittimus, sed ut partialis, non totalis ille defectus sit, requiritur. Si enim totalis oriatur, pororum, in refrigerato corpore sequitur constrictio, eorumque parietes in se invicem collapsi omnem sero exitum denegant. Sed si quidam in corpore supersit calor vel spiritus, qui externam corporis compagem (utut debiliter & insensibiliter id fiat) suffulcire queat, non omnis sero egrediendi potestas denegatur. Ergò ad improprie sic dictum sudorem, ille infantis erit reducendus. An verò sudoris proventus ad naturales, an verò supernaturales causas sit referendus, in disquisitionem inducitur meritò.

Nos prius asserere non dubitamus, quamvis res ipsa suâ non careat difficultate, propter quam etiam meliora docenti cuivis assurgere erimus parati. In hanc verò sententiam me deduxerunt circumstantiæ in infante observatæ. Tumore quòdam, dum in vivis esset, fuerat correptus ille, & è morte conciliandi coloris svavis gratia linteo-  
la vinò calente madida faciei crebrò imposuerant domestici, ex quo  
rara cutis substantia laxior aliquando permanfit, & in hac tenuior



materia quietè subsistere potuit. Remittente demum manuum in applicandis linteolis industriâ, subsidente sensim cute tumidâ, & coincidentibus in seipso pororum parietibus contenta in his materia tenuis fuit expressa, quæ sudoris indolem & speciem expressit. Atque hoc ita fieri posse, confirmo verbis, quæ facit *Dn. D. Libavius contempl. de cruent cadav. pag. 244.* Omnino, inquit, *si sit rigida cutis, sudor ex interna commotione non prodit. Extans in summo, nudari potest subsidente mole : potest etiam protrudi halitibus, aut per alluvionem gigni aquositas.* Sic nec à veritatis tramite secundum eundem autorem aberraverimus, si dixerimus, halitus fermentationis ope incipiente putredine excitatos & per dispositam cutem protrusos à frigoris ambientis potestate ad sudoris speciem cogi : vel incipiente sanguinis putredine spiritus, sal & sulphur à motu suo regulari cessare, & in confusione magis : deinde in cavitatibus conclusa inordinate fermentescere, & corporis totius ac viscerum intumescencias facere. Quod dum fit, hærens in rara corporis superficie materia vaporosa sub roris & sudoris specie per illam ebullitionem extruditur. Ebullitio enim genus fermentationis est, asserente *Martino Schockio*, curioso fermentationis & fermenti examinatore *cap. 8.* Eum sanguinis motum genarum in cadaveribus rubor quandoque subortus testatur. Notavit idem, quoque *Platerus in cent. Posth. Quest. Medic. Paradox. num. 8.* quod cadavera, quæ anatomix causâ pluribus diebus servantur, post flavescensem illum colorem, quo, postquam expirarunt, pallent, exactis aliquot diebus rursus nonnihil in malis & carnosioribus locis rubeant : sanguinem quoque levi commotione ex venis nondum secretis & ad interiora emanare dicit. Rarò autem in cadaveribus observatur sudoris talis proventus, quia rara est in cadaveribus illa ad sudorem dispositio, cum calore vitali destituta exterior corporis compage arctius constringantur spiracula, quàm ut ab halituosis exhalationibus intus conclusis referari queant. Neque (ut objectionem declinemus) in cadaveribus eorum, quos hydrops peremit, abdominis, licet multo humore turgeat, superficies, similem guttularum apparatus exprimere potest, tum quia in nimia abdominis extensione pororum ad extima tendentium ductus à subjacentibus partibus carnosus oblitteratur & detorquetur ; tum quia aqua fluctuans extra ordinariam ad poros viam, quam venæ & arteriæ sternunt, degit, & ob crassitudinem



sitiem subtiles meatus deinceps, post mortem ob vitalis caloris ablationem magis contractos, decurrere nequit. Halituosa enim materia seu aqua resoluta sudoris est materia, ita ut aqua, quæ primum fuit in statu collectionis, abeat caloris ope in statum dispersionis, & ad cutis superficiem delata redeat demum ob ambiens frigus (quod ita etiam æstivò tempore secundum quid respectu majoris caloris dicitur) & similium, copiosorum unionem in statum collectionis, & sudor vocitetur. Sed an prior, an verò posterior ratio in infante illo locum habuerit, ego laborare nolo, cum accuratiorem & feliciorum horum indagationem scrutator non nisi præsens, vix autem per relationem absens reportare queat. Unius circumstantiæ observatio omne sæpè punctum fert; eâ autem neglecta, in arenoso solo extruitur tota verborum moles, quæ circumstantiæ illius afflatu demum protinus corruit. Quid naturaliter in tali casu fieri queat, ostendisse sufficiat.

## OBSERVATIO CLXXXVI.

D. JOH. CHRISTIANI FROMMANNI.

DE

*VARIOLARUM IN FACIE PRÆSERVATIONE.*

**V**ariolarum in facie proventum in tantum, non in totum, præcaveri posse, Matronæ cuidam Nobilissimæ seriò, sed serò, persuasit rustica quædam. Plethorica cum illa esset & carnosiori habitu prædita, fœcunda propterea pustularum mater evasit, lætiorque earundem in corpore, præsertim verò in facie, orta seges, de qua tamen ægra formæ periculum metuens minus lætabatur. Proventum illarum sanitatis & formæ curiosa optimè ad præscriptum meum; sed maturationis tempus ultimum ad svasum muliercularum observabat. Pustulas, ut facilius esset crustarum messis, oleo nucum inungebat, infauisto nihilominus fidere. Istæ enim abeuntes expressa, sui vestigia in facie reliquerunt. Rustica dicta Matronam sanitati, non autem formæ pristinæ, restitutam brevi post accedens de formæ jactura condolet, eamque præcaveri potuisse innuit. Isti præservativum scire desideranti ait, uberem variolarum proventum in facie inhiberi, si mox primo invasionis tempore pedes vaporibus ex decocto herbarum emollientium surgentibus aliquoties foveantur. Judicium de hoc postea Fœmina Nobilissima ex me meum quasi vitæ, cui



idem improbari non posse indicavi, quod sanguinis fermentantis ad inferiores partes sic fiat revulsio. Pedes enim cruraque à vaporibus non tantum incalescunt, sed & emolliuntur, eorumque vasa ac carnosæ partes dilatantur: hinc quia copiosius in his sanguis colligitur, sanguinis ebullientis à partibus superioribus quædam fit revulsio. Confirmat jam & experimentum & sententiam meam, præservativum simile, quod tradit *Fr. de le Boe Sylvius Prax. Med. lib. 4. tr. 1. cap. 9. §. 76.* ubi: Habent, *ait*, aliqui etiam in more positum, quo faciem à multitudine variolarum liberent, illasque ad pedes usque derivent, ut in lac bubulum calens infantium pedes immergant, & quidem cum primum erumpere incipiunt variolæ, quod successu non caret, quamvis non sine notabili pedum detrimento, qui tunc variolis replentur, à quibus dolores ibidem excitantur gravissimi, succedente diuturnâ pedum debilitate; consulitur tamen sic formæ.

Non autem in facie tantum, sed & in toto corpore, in totum, non in tantum variolarum proventum. statim in principio & quando adhuc inferi sunt, ita ut ad incrementum seu statum pervenire nequeant, suppressi posse statuit *Dn. D. Langius Miscell. curios. cap. ult.* hypothesi propriâ, veterum rejectâ, fretus, morbillos (inter quos & variolas nullam discretionem observat) à putredine scaturiginem suam adipiscentes esse animatam ac innumerorum minutissimorum vel atomorum ad instar insensibilium vermiculorum pullaginem. Verum, quod salvâ tanti Viri autoritate dixerò, quia hæc sententia productum & quod concomitanter se habet, cum causâ confundere, hypothesis etiam nondum firmo talo stare videtur, variolas in totum suppressi posse, propter hanc & alias rationes, alibi forsan indicandas (neque enim disceptandi locus hic est) ut credam, adduci non possum.

## OBSERVATIO CLXXXVII.

D. JOH. CHRISTIANI FROMMANNI.

DE

CONVULSIVIS MOTIBUS A VERMIBUS  
ET REMEDIO AD HOS.

**F**iliam 8. annorum consilii conferendi gratiâ ad me adducit mater, cujus caput, brachia & crura in continuo erant motu, & quidem caput à dextro in sinistrum & contra; brachia & crura sursum deorsum



orsum ipsâ invitâ agitabantur, adeo ut neuter pes ullibi permanferit fixus. Cui malum hoc originem debeat, dubius primum fui. Ad convulsivos autem motus referre non dubitavi. Nulla præter motum istum inordinatum offensæ valetudinis aderat nota: omnia sua debite fungi munere videbantur: urina tantum pallida & ferme aquosa viriditatis leve dabat indicium. Omnibus in ægra bene ponderatis vermes hanc convulsionis speciem producere conjeci, licet evidentia illorum signa alia non adessent. Ea enim, fatente *Foresto l. 21. obs. 28. schol.* nonnunquam adeo obscura & symptomata adeo multa & cum aliis morbis communia sunt, ut doctissimos aliquando medicos fallant. Succurrit tum observatio apud *D. Thonerum lib. 2. pag. 49.* quam sibi quoque communicatam tradit *D. Greg. Horstius Epist. Med. sect. 7.* de filia 14. annorum, quæ à vermibus non tantum ingentem colli constrictionem, quasi laqueo injecto fauces præcludente, cum imminente suffocationis periculo, sed utriusque insuper tum brachii, tum cruris motum convulsivum passâ, ita ut crus modò dextrum modò sinistrum ad nates usque invitâ ægrâ, quasi funiculis agitata, alternatim fuerit flexum. Nostram ægram mitius quidem animata colluvies, ut ex dictis videre est, tractavit, gravem tamen sibi remediorum omnium apparatus primum respuit; respuere autem desiit & tandem emigravit, ablatô aliquoties haustu aquæ stillatitiæ raphani rustici, aliis aquis ob acrimoniam temperatâ; quam etiam commendat *D. Sebizius lib. 2. de alim. facult. p. 400.* ubi hóc condimento, esu scil. raphani illius rasi foeminam quandam aliis remediis frustra usurpatis plurimos ejecisse vermes notat. Vermibus XI. è puella nostra aquæ dictæ usu ejectis, convulsivi motus brevi cessarunt.

OBSERVATIO CLXXXVIII.  
D. JOH. CHRISTIANI FROMMANNI.

DE  
VERMINOSO IN OVIBUS ET JUVEN-  
CIS REPERTO HEPATE.

**A**Nnis, nimirum LXIII. & LXVI, quibus macularum ovium, vitulorum & juvencarum hepar, reliquis visceribus nullam præternaturalis constitutionis faciem exprimentibus, vermes prosectoribus obtulisse, fidem fecit experientia abunde,



& qui mense primò anni 65. mihi fuit à servitiis, lanio, eò tempore, quò frequens est mactatio, nullius hepar sanum lanario se impotuisse edixit; Communis ea corporum dispositio acerba fata & brutis & œconomix multorum invexit. In gregibus hoc in Ducatu oviariis præcipuis quatuor, *Schafhof, Wolbach, Gossenbergh & Watzendorf* junctim spectatis 3000. oves, cum olim fuerant numeratæ, vix quadraginta tandem superfuisse relatum. Suo vulgus malum hoc idiomate *Egeln*, & hepar verminosum *Egelichte Lebern*, q. d. hirudinosum (ut *ὄνομαστοι* liceat) appellavit, quod vermis hirudinem five sangvisugam, Germanis *Egel* dictam, primâ facie refere videretur: vel quia ad opilionum quorundam mentem esu numulariæ, serpentariæ, quem Germani *Egel Kraut* appellant, malum hoc contractum. Quæ tamen sententia displicet: quanquam *Jonstonus* etiam c. 5. *Not. regn. veget.* scribat, herbam hanc ovibus noxiam esse, & degustatâ ea ulceribus pulmonis tabidas interire. Verum experientiæ hoc respondere dubito, præsertim cum facultate, ut *Matthiolus* habet, glutinandi, cohibendique ea polleat, adeoque vulneraria sit, ac *centum morbia* à mirifica in vulneribus medendis facultate salutetur. Quid? quod ejus in pratis omni æstate lætus, mali autem in brutis proventus aliàs rarus. Non ergò ab effectu, sed potius à similitudine, quòd vermes hi numulariæ foliis latitudinis & rotunditatis ratione sint similes, nominis notatio est arcessenda, inde etiam *Pfennig Kraut* vocatur (*Casp. Hoffmannus de Medic. officin. lib. 2. cap. 161.*) Vermes enim è suis castris lanionum digitis expressi, figuram & quantitatem continuam si quæras, omnes breves fuerunt & rotundi: at sibi relictî, injuriamque nullam porro metuentes se quasi explicuerunt, & lati facti, unguis latitudinem referentes, capite acuto eoque minimo, ad capitis acus formam, extremitate autem ad rotunditatem vergente, sed in fine acuminata præditi, molles, quique colore suò atro purpureo, vel quem nonnulli retulerunt, rubro, generationis materiam satis prodiderunt. Discretam quantitatem seu numerum si expetas, in aliis pauci, in aliis multi, manipulum quandoque excedentes reperiiebantur, pro concessio scilicet ad multiplicandum temporis spatio. Materiam in qua sive subjectum & quidem speciem si attendas, ex feris, cervi & lepores priori fuerunt anno, qui in districtu maxime Rodacensi vel mortui reperti, vel in campis & nemoribus oberrantes vitium crurumque auxilio destituti omnem venatorum laborem



borem maturarunt. Sed menstrua hæc fuit strages, quæ dicto spatio terminata venatorum curam simul terminavit. Demortuorum autem & moribundorum corpora hepar & pulmones putrilagine corruptos & sphacelatos exhibuerunt, cervorum hepar similem vermium foeturam edidit. Inter *domestica* præprimis *ovibus* & *juvencis* calamitas hæc fuit infesta: equinum, caprinum & suillum genus ab hoc malo mansit immune. Si *etatem*, oves fuerunt sine discrimine omnes tum seniores, tum agni: quin & foetuum utero conclusorum hepar simili labe infectum fuit repertum. *Vitulorum* quorundam, non omnium, hepar fuit vitiosum. Anniculorum autem & biennium, five juvencorum juvenicarumque omnium, lanionum testimonio, saccus fuit vermium, & è quibusdam innumeri vermes prodierunt. Armenta autem & boves annosi malo hoc non, vel rarissimè laborarunt, tum quia durior & siccior eorum constitutio sine dubio putredinis jugum excussit: tum quia fœnum, alimentum siccum, toto anno devorant. Si *partes* respicias, subjectum fuit *hepar*, quod in nonnullis in insignem excreverat molem, idque solum. Rarò cum hepate *pulmo* in ovibus & juvencis foeturam illam concepit. Sedem & in *intestinis* prolem hanc fixisse, ac intestina perforasse, sed rarò, itidem fuit observatum. Hepar subjectum fuit tum ratione parenchymaticæ substantiæ, tum ratione vasorum, venæ cavæ & portæ: quandoque & vesica fellea vermes habuit, Rarò aliàs homines & bruta prosectoribus vermes in hepate genitos exhibent: bruta verò tum temporis frequentissimè oculis usurpandos dederunt.

*Materia proxima*, ut omnium vermium accidentariâ lege in animalibus genitorum, unanimi Physicorum suffragio, ita & horum fuit substantia corrupta, putrida, sive sanguis sit, sive hepatis portio corrupta, sordidaque. Omne autem putridum ex se & suâ naturâ vermes generat, id quod vir perspicacissimus *Athanas. Kircherus* experimentis irrefragabilibus comprobat *scrutin. de Peste sect. 1. cap. 7.* *Causa* autem, quæ putridam reddidit substantiam, vel remota est vel propinqua. Causam *remotam*, cum malum sit commune, communem quoque esse censendum. Communes verò causæ præter aerem, cibum & potum aliæ possunt esse nullæ. *Aer* quidem ratione (non substantiæ, quæ quia simplex est, & subtilissima, mutari nescit) accidentium variis exhalationum è terra & aqua & rebus putridis effluviis &



& vermiculis infectus corpus nostrum alterare & immutare potest: sed pulmonum substantiam, quam totam subit, cordisque regiam citius, quam hepar invadit, maliæque & pravitatis sigillum incessanter sanguini & spiritibus cor transeuntibus imprimit. Plurimorum autem brutorum pulmones vitio tùm caruerunt omni. *Aqua* accidentium variorum ratione pariter spectata cùm varias in corpore distributa partes alluat, nocivis imprægnata qualitatibus ad ruinam disponere videtur partium compagem facilius. Et sanè quasdam novis qualitatibus anno LXIV. fuisse adulteratas piscium nonnullis in aquis strages arguit. Aquam vase conclusam solique expositam mox in vermes animari quotidiana docet, tum in maritimis navigationibus, tum intra privatos domuum parietes, experientia, inquit *Kircherus l. c. pag. 65.* Num seminiõ vermium fœcunda aqua à brutis hausta animata evasit in corpore, vermesque hepatis dulcedine allecti, fixam ibi collocarunt sedem? Ego licet aquarum adulterationem datâ ratione convictus non negem, posteriori tamen vacivas aures præbere prohibeor, tum quia dissitis etiam in locis aquarum vigore superbientibus calamitas illa hepatica fuit suborta: tum quia partes œconomiae animalis reliquas dulcedinis laude æquè conspicuas advenæ isti non occuparunt. Ad *viñum communem* igitur sive pabulum idque adulteratum tum pluviarum frequentiam, tum rubiginum vehementiam, confugere malo. Frequentissimi anno LXIII. pluviarum recursus ante facti, quam suam rusticolæ in segetem immitterent falcem, humidius brutis sub dio commorantibus dederunt nutrimentum. Qualis autem ratione qualitatum cibus, talis sanguis, qualis sanguis, talis partium constitutio. Humiditas verò excedens latam putredini sternit viam, cui auxiliatrices manus æstus insignis pluviosum tempus excipiens tulit, cujus injuriæ bruta impatientia largiori aquarum potu majorem æstuantibus & ex præcedente nimis humido pabulo labefactatis visceribus asperserunt labem. Accessit frequens siderum saliva, ut *Plinius* loquitur, h. e. roris noxii illapsus. *Meurerus quest. meteor. p. 321.* noxium rorem vocat minutissimas guttas illas, quæ splendente sole tacite depluunt, rebusque nascentibus adhærentes sunt exitio. *Virgilius lib. 1. Georg.* rubiginem appellat:

*Mox & frumentis labor additus ut mala fruges.  
Esset rubigo.*



Scilicet, ut rubigo ferrum ; ita ros ille noxius lædit vegetantia. *Keckermannus* l. 6. *System. Phys.* c. 10. mannâ rusticorum vocat, ad differentiam mannæ nobilis, quæ medicinalis est, de qua *Galenus* l. 3. *de alim. facult.* c. 39. Germanis *Meel-Thau*, ros farinaceus, & *Honig Thau*, ros mellitus, *Mill-Thau*, ut conjicit *Meurerus in comm.* à caseorum vermiculis, qui nominantur *Millen* : quod interdum ex aspersione istiusmodi liquoris nascatur pellicula, intra quam materia conclusa virtute cœlesti concipiat spiritum vitalem, & fiant vermiculi instar eorum, qui nascuntur in caseis putridis. Ros ille mellitus cruda plurima in se continet, & vaporem incoctum, qui proinde adhærens oleribus, plantis, arborum foliis & grâmini ea faciliè corrumpit, abique in virus, quod quidem dulcedine pecudibus imponit ; at calore urente rubiginem satis affert, cum destituatur humido alibili, variisque interdum ludat figuris in fructibus & foliis, inquit *Dn. D. Tackius disp. Physico-chymic. de Rore pag. 20.* qui serpentum figuras ex uredine in pomis aliquando conspectas fuisse subjicit. Mali hujus avertendi gratiâ superstitiosa antiquitas Robigo Deo Robigalia, ut *Varro* loquitur, Rubiginalia *Servius in comm. ad d. Virgil. loc.* ait, publicè instituerunt : quo de vide *Rosinum cum notis Dempsteri p. 43.* Neque vegetabilium tantum, sed & animalium constitutionem ros ille putrefactus labefactat, eò magis, quò majori ille pollet malignitate & acrimoniâ. Robur dictis addunt ea, quæ ex *Phil. Hochstettero* idem *Dn. Tackius* l. c. adducit, virginem ordinis *S. Dominici*, cum remoram habuisset ad tempus menstruum & consilio alterius monachæ hausisset aquam pluvie, quæ ex nube cœlò serenò decidit, quam rorem farinaceum seu mellitum vocant, & unde pecudes profluvium ventris solent pati, quod diarrhœa biliosa vocatur, nos choleram dicimus, & ex quo perire solent, menses quidem uberes promovisse, sed inordinatos cum hebetudine subsequente oculorum animique defectione & convulsione. Noxiò hoc rore juvencæ & oves nostrates largiùs insuper inescatæ eam sine dubio hepatis labem contraxerunt. A viro fide digno accepi, se ruti ann. LXIII. ambulanti in calceo & pileo suo, herbarum arborumque foliis materiæ flavæ desuper ortæ, veneni rusticorum opinione, non mediocrem quantitatem observasse : ejus autem vestigia in stagnis nigredinem retulisse. Similis materiæ coloris ratione fertilem pluviam in oppidi nostri plateis notavimus. Materiam illam multi dixerunt sulphuream, sed



rectius forsan arsenicalem vel auripigmento affinem : quamvis & his turgeat sulphur, sed putrefactum & corruptum, & præter hoc sal causticum ac adurens, & mercurius reliqua principia uniens & ne- tens, ut habet *Petr. Joh. Faber Panchym. lib. 4. cap. 45. & Secret. chym. l. 3. c. 10.* Malignitatem desuper ortam adaugent aquarum inundatio- nes excrementitiam serpentum, bufonum & lacertarum ex antris mate- riam, variasque virulentarum quisquiliarum sordes eluentes, & in pascua cum limo deponentes. *Anno 1617. diuturnis pluviarum diluviis camporum pascua cæno oblita, non nisi virides comas limoso solo, nec dum ri- tē decoctas exerebant, quas armenta bouum carpentia repentina putrilagi- ne in faucibus concepta, suffocata interibant : vixque enecta, bubulcis co- lonisque nil sibi tale verentibus mox pœnitendam cedebant in alimoniam, par namque calamitas saturatos adoriebatur comessatores.* *Kircherus l. c. pag. 97.* Adeo pabulo inquinato si bruta vescantur, conceptæ vi- rulentia truciulentiam non possunt non incurrere. Depravatum e- nim alimentum depravat sanguinem, & hic viscera ad patiendum, apta, pravitatisque ideam recipiendum prona. Secretiori similis ma- lignitatis communicatio fieri potest ratione, quam *Galenus l. de Elem. cap. 9.* tradit : *Sata atque plantæ, cum terram subeunt, trahit unum quod- que, quod terra inest, sue naturæ consentaneum; cum verò id, quod trahi- tur, inquinatum sit, coguntur ea etiam inquinari, fungorum putridarum- que rerum copia augetur.* Vitiata itaque terrâ vitiantur vites, arbores, fegetes, ægritudinemque, concurrente præsertim iniquo siderum influ- xu, concipiunt, & malè se habent. *Es werden ungeschlachte Jahr / ut cum nostratibus loquar, etiam si serena cœli facies nulla procellarum imbriumque acie confusa, vel urentis caloris gradu excedente infamis exoptatam fructuum ubertatem promittere videatur : & ut verbis Kircheri itidem, quæ facit pag. 166, utar, vegetantia noxiò humore re- pleta, & se & ex eis alita terræ animantia conficiunt, unde rectè Aben- sina de contagione, si corrumpantur arbores, & vegetabilia corrum- puntur & animalia, quæ ea comedunt.*

Sed cur hepar præprimis, non cor, lien aut ventriculus conce- pta malignæ putredinis labe augustum vermibus domicilium aperuit? De pabuli conditione hepar testari veteres non latuit. Apud *Basilia- num Landum lib. 22. histor. human. p. 197.* qui *Vitruvium* citat, legimus, quæ suscepto de salubritate locorum ex hepate augurio oppida condi-  
anti-



antiquitus incepterunt. Jecur enim, si vitiosum offendebatur, insalubrem eo loci fore habitationem, aut victus aut aëris culpā id evenire conjiciebant, inquit *Dn. D. Schenckius Exercit. Anat. 6. l. 1. sect. 2, cap. 25.* qui & hoc addit: Mos sanè opilionibus nostris non ignotus, qui oviarios greges locaturi aut translaturi jecur pasti pecoris inspiciunt, hōc modō de telluris bonitate fertilitateque judicium facturi. Quod autem jecur præprimis putredinem concipiat, spuriumque vermium fiat marsupium, substantiæ rationi hoc imputandum censemus. Ea enim, ut *Galenus 4. de usu part. 12.* ait, sanguis est mediocriter condensatus, mollis, insignis magnitudinis, dulcis, calidi & humidi temperamenti, atque hinc ex alimento humido & pravo, & ex hoc genito sanguine, quem omnium abundantius suscipit, facilius quam viscera reliqua ἀγρία laborare & ad putredinem disponi potest. Αγορία fructus est profluvium, quod biliosum reddit caustica & urens rubiginis facultas, suæ qualitatis characterem humoribus imprimens, inde diarrhœa biliosa seu cholera in brutis nascitur. Sed si nulla fermentationis lege humorum pravorum fiat separatio & excretio, majorem hepar sufferre tenetur mulctam. Ventriculus, cum malignitas involucris alimenti crassioribus conclusa lateat, illam cum alimento à se expellit, adeoque ita affici nequit. Cor quidem communicatum ab inferioribus chylum infectum admittit, sed impressō sanguinis characterē citō in arterias illam transmittit, omnemque à malignitate intentatam injuriā calidi, quō abundat, spirituumque ope amolitur. Lien numerosā arteriarum sobole instructus spirituum vitalium ministerio pariter maligni hostis atrocitatem eludit. Hepar verò arteriis & spiritibus vitalibus non ita munitum latum ingredienti & diutius hic commoranti hosti concedit campum, qui fractas jam ante ab intemperie humidā vires magis frangit, ut nec suo feliciter fungi munere, nec sanguinis per venas ad cor circulationem debito sibi modo undequaque promovere queat. Subsistens itaque alicubi materia prava putredinemque concipiens ipsam deinceps hepatis substantiam inficit, & causa putredinem hepati inferens, proxima audit. Hepar ita affectum materiam generationi vermium uberem & aptam, locumque caloris suavitatis spuriae sobolis exelusioni congruum subministrat. Quid si ingressum cum alimento venenum soli hepati specificā qualitate contrarium fuerit? Non enim omnia venena cordi, sed alia huic, alia isti,



alia illi visceri esse infesta Medicorum testantur filii. Quamvis verò ovium quarundam pulmones heterogenam illam vermium prolem exhibuerint, per consensum tamen raptò ad pulmones circulationis lege sive sanguine verminosò sive seminii apparatu, ex hepate id fuisse subortum dixerim. Vermes, qui sunt sui multiplicativi, multiplicati dulcem hepatis & pulmonum substantiam depascunt facile.

## OBSERVATIO CLXXXIX.

D. JOH. CHRISTIANI FROMMANNI.

DE

## SALUBRITATE CARNIUM ANIMALIUM HEPATE VERMINOSO LABORANTIUM.

**O**bservatio præcedens sequentem hanc mox eo ipso tempore peperit quæstionem: *An carnes animalium hepate verminoso laborantium sint salubres?* Quò fidere stadium hoc decurrerim, perlectis prænotatis, sequentibus accipe.

I. *Salubre alimentum* dici in genere & vulgò omne id, quod nullam evidentem corpori humano infert noxam, sive ex eo chylus & sanguis optimæ notæ generetur, sive non, modò in corporis substantiam cedere queat. Deinde *in specie* id, ex quo bonus & laudabilis sanguis generatur. Bonus autem sanguis is dicitur, qui neque justò calidior, neque humidior, neque frigidior, neque siccior est. Non est quoque tenuis, non crassus, non pingvis, non lentus, non acer, mordaxve, non amarus, falsus aut acidus; breviter, qui perfectam nactus mediocritatem. D. Sebizi<sup>us</sup> l. de alim. Facult. cap. 4. pag. 42.

II. *Vires alimentorum investigandi modos* & vires secundum Galenum l. i. alim. facult. c. i. esse duas rationem & experientiam. Ratio medium seu principium, ex quo tanquam ex notiori intellectus, id, quod est ignotum colligit, notat. *Experientia* autem est ejus, quod sæpè & eòdem modò contingit, memoriâ comprehensio. Rationes, quibus de alimentorum facultatibus aliquid statuitur ab odore, sapore & consistentia, inprimis autem à sapore secundum Galenum sumuntur. Videatur D. Herm. Grube Commentarius doctiss. de modo simpl. medicamentor. facult. cognosc.

III. *Corruptionem hepatis vel totalem esse vel partialem.* In totali nulla ejus est actio: in partiali autem languida quidem est, non tamen nul-



la, sicut in partiali cerebri læsione & vulneratione actio animalis continuatur, quod è continuato animalium operationum exercitio legimus. His præmissis dicimus:

I. Si vox *salubris* in genere & vulgari modo sumatur, salubres sanè & carnes animalium hepate verminosò laborantium erunt proclamandæ: neque enim de injuria suæ constitutioni exinde evidenter illatâ ullus tum temporis fuit conquestus, & si quis unquam morbos atrociores ex illarum esu contraxisset, cautior ex hoc factus ad usum rediisset nunquam. Si verò salubre alimentum posteriori capiatur modò, nemo carniū illarum usum salubrem dixerit, sed inter alimenta κακόχυμα, mali succi, quæ sangviuem procreant vitiosum, caro erit referenda. Sanguis autem vitiosus is est, secundum D. *Sebizium* l. c. qui à bono supra descripto recedit. *Hujus farinae*, inquit, in genere sunt, quæ acrida, amara, salsa, acerba, acida nimis, fœtida, corrupta, putrefacta: in specie verò ex animalibus sunt caro caprarum, hircorum, bubulorum, ovium, vaccarum & boum senio laboribusque confectorum, leporum, cervorum, urforum &c. Hoc nomine igitur inter cacochyma carnem illam referre quis dubitabit? Sed num deteriorum & forsan ad tempus recondi aptarum qualitatum eadem fuerit fœrax, propter quas carniū illarum usus præ cæteris magis fuerit formidandus, ulteriorem meretur disquisitionem. Dicemus autem:

II. Qualitates, si quæ adfuerunt, deteriores investigatu fuisse difficiles. Neque enim suffragantem habuimus rationem, neque experientiam. Non *rationem*: quia adducta illa ex Galeno ab odore, sapore & consistentiâ sumta indicia, quibus ratio alimentorum vires scrutatur, nobis investigantibus parum conduxerunt. Nam odoris, saporis & consistentiæ ratione inter carnem sanorum & morbosorum differentia occurrit nulla: ideo & rejectis solis visceribus labe infectis caro in macellis fuit venalis. Pinguedinis color ad majorem solito in quibusdam vergens flavedinem rem nonnullis fecit suspectam. Et sanè de nihilo conjectura ista non est. Cum enim affectum hepar suo suugi officio, h. e. biliosa, quæ in venis portæ continentur, & per arterias advehuntur, coquere & secernere nequeat, fit inde, ut ex illius in sanguine redundantia pinguedo tincturam illam, quam reliquis facilius imbibit, referat. Non *experientiam*, quia ullius valetudinem carnis istius esu fuisse concussam, evidenter ea testatum non fecit. Sed



quia à posteriori nihil fuit colligere, à priori per alia media in qualitates carnis devenire laboravimus.

Quare itidem prænotavimus &

1. Ambabus id, quod è veritatis puteo hausit *D. Schenckius humor. corp. human. histor. general.* excepimus: *Quicquid ex parte qualitatum materia nutritia consideratu necessarium est, hoc alio modo non admittitur, quàm quatenus ἐν καὶ οὐ γὰρ ὁρβὴ bene contemperatum est: ab hoc enim ubi deflexerit, aimenti nomen non meretur, nec sanitatem, sed morbum generat.*

2. Coctionis officinâ laborante id, quod coquendum offertur, ad debitas naturæ leges concoqui non posse inficiatur nemo. Nihil enim ultra vires suas operari potest.

3. Ratum est Medicorum effatum. Vitium primæ coctionis non corrigi in secunda, nedum in tertia. Sic igitur vitium primæ coctionis sanguinis, quæ in corde fit, non corrigitur in secunda, quæ fit in hepate. Si fuerit neglecta in hac, non fiet correctio in tertia, quæ in privatis fit partibus.

4. Quale nutrimentum est (ultimum & in fine) tale erit nutritum. Qualis enim est materia, tale est materiatum. Si nutrimentum est laudabile, laudabile inde evadit nutritum: si vitiosum illud, & hoc tale erit.

5. Fervente nutritionis actu totum alimentum transmutatur, nec ulla fit ibi heterogenearum partium secretio: ea enim jam ante in organis huic negotio destinatis fieri debuit. Per poros quæ fit transpiratio & parrium halituosarum exclusio non tam à partibus nutriendis privatis, quàm à toto, & potissimum à corde ea provenit. Illud vero variolarum causâ procreante comprobamus, quæ sanguis est menstruus vitiosus à partibus spermaticis & sanguineis in novimestri nutritione attractus, quem foetus totum nullâ intercedente partium heterogenearum secretionem trahit: suo autem tempore, ubi irritata fuerit natura, impurioris materiæ sequestrationem instituit.

His itidem prænotatis, inferitur.

III. Corruptio hepatis totalis vel totali vicina si fuerit, mactati animalis carnem, experientia teste, nutrire quidem, sed malè, adeoque ejus usum insalubrem esse, quia i. caro illa à temperie & crasi debitâ recessit, etiamsi gradus recessus indigitare nequeamus, recessum tamen  
factum



factum esse ex eo colligimus, quia 2. sanguis, è quo caro generatur, à sua temperie recessit. Sanguinem à sua temperie recessisse, 3. neglectum hepatis officium prodit, quod est affluentem à corde sangvinem ab impuritatibus biliosis & serosis liberare. Hoc autem hepar corruptum vermibusque scatens præstare nequit. Heterogeneis itaque partibus illis retentis omnem debitæ temperiei vigorem sanguis, & ex quo demum nutriuntur, partes amittunt. Quæ omnia prænotatorum veritate nituntur. Sunt quidem & alia alimenta cacochyma, quæ crassum humanæ naturæ convenientem non habent, caro v. g. leporina, quæ sicca est, crassa, sanguinisque melancholici procreatrix: ea tamen temperiem habet suæ speciei convenientem, & mixtionis legibus congruam, constitutioni verò nostræ non inimicam, quia illa compages firma est, nec ullo putrilaginis vitio de vitalitatis ponte ad resolutionis fundum dejicitur, ut caro illa in præsentem quæstionem veniens. Nec sanguinis & partium nutriendarum temperies tantum perit elementaris, quæ ipsis ut sunt mixta competunt, sed & vitalis, quæ sanguini & partibus alendis ut sunt partes animatæ competunt. Posterior hæc temperies à naturali statu recedens ad totius substantiæ morbos spectat, oriturque à putridis è corrupto & putrido hepate, ejusque sobole pravâ consurgentibus exhalationibus, quas, cum putrida malignitatis habitum facile induant, illius simpliciter expertes haud dixerim. Nam ut à minori ad majus colligamus, si vermes in intestinis stabulantes malignitate, convulsionum & epilepticorum insultuum causa totum conspurcant, quanto magis vermes in hepate corrupto geniti malignitatis causâ affligent totum. Continuo malignæ auræ appulsu vitæ regia cor confoditur, impressum partibus vitalitatis sigillum sensim oblitteratur, & cum vitalis irradiatio non continetur, languescunt, atque sic regii ministri, hepatis scil. culpâ, cor cum toto tandem succumbere cogitur. Deficientis irradiationis signum præcipuum splendoris oculorum est amissio, quod in ovibus advertentes lanii nonnulli macellationem maturarunt, & corporis ad cadavera mox abjiciendi carnem venalem protulerunt, sed quo coementium & comedentium emolumento, è dictis sanitatis studiosius facile cognoscit.

Verùm his omnibus vel maxime concessis annon malignitatis & pravitatis tinctura ignis & culinaris & animalis ope in chyli & sanguinis officiis extrahi & separari potuerint? quærenti dico, fieri quidem



dem quandam correctionem & suppressionem, sed non totalem iniquiorum qualitatuum everfionem, qui debitam illam crasin ignis culinæ & animalis reducere nesciunt, tum quia altius sunt impressæ & confirmatæ alienæ qualitates, tum quia specifica hæc operatio, si vel maximè speranda, agens suum specificum requirit. Ad hæc si prava cacochymorum alimentorum qualitas utroque illo igne non edomatur, neque in carne, quæ in quæstione est, edomabitur illa. Cucurbitæ & melonum frigiditatem, carniū induratarum crassitiem, cydoniorum vim adstrictoriam nec curiosa coqui manus nec vegeta naturæ nostræ virtus delet: premit quidem, sed non opprimit. Narcotica cerebrum, lepus marinus pulmones, cantharides vesicam cum cibis assumpta recto tramite petunt, & ventriculi in coquendo ac segregando laborem, cordisque in sanguificando industriam eludant. Recipiens nimirum recipit non ad modum inprimentis, sed ad modum receptivitatis suæ. Reservatis sic in corpore nostro ex carnis vitiosæ esu largiori quisquiliis putridis & malignis, iisque in substantiam nostram conversis, corpora ipsa disponuntur ita, ut malignarum febrium feracia, & propagato, exhalationum ope, seminio, alia ob affinitatem mox capacia fiant: aut admoto ab extra stimulo, variis ventris profluviiis & tormentis affligantur. Diu in corporibus nostris qualitatū pravæ apparatus recondi posse, variolæ docent; diu venena in corpore sopita latitare posse, experientia comprobat, ut proinde ex læsionis evidentis absentia ad incolumitatem absolutam absolute colligere non liceat, nec illam vulgò in aliis casibus sivetam sequelam jactare: Esus hujus & illius nec heri nec nudius tertius mihi nocuit; Ergò salubris est.

Dicis jam si opponis hæc: venena & venenata animalia devorantibus noxam non inferre. Ergò nec carnem horum animalium. Illud variis ex authoribus transumptis exemplis ostendit inprimis *Gasp. à Reies Elisio jucund. quæst. campo, quæst. 63 pag. 482. Casp. Scotus Physic. curios. l. 3. c. 26. pag. 526. Lerius in historia navigat. in Brasil. Americanos* bufonibus vesci minimè exenteratis & tostis refert. Viperis, quæ venenatæ sunt feræ, tum canes tum feles sine noxâ vescuntur, atque etiam homines multis in locis, ait *Angelus Abbatius de admir. viperæ natur. cap. 4. p. 22. Rec. 1.* sic frustraneum fore omnem ciborum delectum insimul erit concludendum, quod absurdum. 2. ex particulari uno & altero non protinus universale licet inferre, Si vel maximè con-



mè concedamus, quosdam quorundam venenorum usum non læsisse, longè plures tamen à plurimis fuisse laesos experientia dicat. 3. De multarum historiarum fide viri doctissimi non sine ratione dubitant. 4. Distingu. in quibusdam animalibus venenatis inter totum & partes. Tota vipera est venenata, sed non totum viperæ. Carne ejus, abscissis capite & caudâ, abjectisque interaneis tutò utimur & in Medicina & in culina, eòdem *Abbatio* teste. 5. Distinguenda sunt venena, quæ vel pura sunt, vel simul juncta substantiæ alimentosæ: vel summæ activitatis, vel lenta & ignava: vel propriè & improprie dicta. 6. Constitutio spirituum vitalium vel communis est, vel specifica seu alexipharmaca, ut cum *Highmore* loquar. 7. Distingu. inter desuetudinem & consuetudinem. Assvescere venenis posse & quidem lentis, in exigua quantitate sumtis eos, qui alexipharmaca spirituum dispositione gaudent, non usque adeò repugnabimus: conditionibus autem illis deficientibus sanitas & vita deficiunt. Hominem se novisse *Gasp. à Reies* dicit, cui uxor & socrus, ut illum paulatim interficerent, quotidie in cibis venenum in minimâ quantitate ( sextam grani partem sublimati ) subtilissimè permiscuerunt; sed post mensem malè ita habere cœpit, ut lecto traditus intra 9. dies perierit. Contra *Cardanus* quendam ex arsenici ℥j. illæsum permansisse scribit. Bufones autem in America ob regionis illius temperiem venenò carere, ipse *Lerius* existimat.

Partialis autem & incipiens si fuerit hepatis corruptio, carnis e-sus minus lædit, quia minus & sanguis & caro à statu naturali & temperie recesserunt. Nam tum minor ex hepate vaporum putridorum & malignarum exhalationum seges oritur, & in carnem virtutis robore adhuc conspicuam quasi superficie tenus traducitur. Traductam autem deinceps armata aromatibus coqui manus, & ventriculi calor fortis (modò fastidium ex imaginatione absit) infringere, cordis autem robur & decens corporis exercitium per referatos corporis poros profligare possunt feliciter. Sententiam nostram binis obsignamus historiis, quarum alteram *Dn. D. Schenkius l. c. pag. 38.* tradit: alteram *D. Thonerus lib. 4. observat. Med. pag. 211.* recitat: Ita ille: Decertatum Patavii & Venetiis viginti abhinc annis inter lanios & incolas urbium gravissimè fuit, quod illi ex Ungaria boves advectos, emtos & matatos in macello venditassent, quos tamen cives lue quâdam infectos



fuisse noverant, siquidem fluxu cruento alvi tentati plurimi perierant, translato nimirum ab uno ad alterum contagio. In consilium vocati sunt Medici Patavini, ut sententiam dicerent, qui statuerunt carnem hanc innoxiam esse esui, licet affectu quodam contagioso laborassent boves. Etenim non modo esse hoc contagium privatum & particulare, certo animalium generi proprium ex pabuli vitio contractum, sed & omnem istam malitiam sanguinis contractam fuisse & emendatam à prævia agitatione gymnastica consueta bouum macandorum, quemadmodum etiam constaret, quod & esu gratissima illorum caro, neminique inde morbus excitatus. Laudo & Medicorum sententiam, & *D. Schenkii Ἰν' αἰσίου*. Illam idè, quia ab extra potissimum communicato contagio salvis visceribus oborta est in sanguine fermentatio & demum malignantis materiæ subsecuta excretio. Excreta itaque fuit, non ut in juvenicis nostris in corpore retenta. Natura autem, quod ipsi etiam bene agenti sæpius ex accidente evenit, succubuit ob maximam in excernendo spirituum iacturam, tum ob excretionum frequentiam, tum ob malignitatis vehementiam. Quia verò vix omnis malignitatis nævus excretionem illà eluditur, idè & ἐπὶ νεύροις ista placet: Addimus nos: quasdam ejusmodi carniū nauseam & fastidium parere, si edantur, & si in dispositum corpus inciderint, latentem in herba anguem excitare. Unde non indifferenter omnibus concedenda est & suadenda. Longè aliter se res habet cum illis, qui integra & laudabili sanitate fruuntur, de quibus optimè dixit scripsitque *Hippocrates*, sanis omnia sana esse, *lib. de alim. & diat.* *Thoneri* historia hæc est. Quæstio & controversia inter lanios & alutarios orta, utrum carnis ovinæ esus, si oves scabie infectæ, homini sit innoxius, illis affirmantibus, his autem negantibus, ita fuit decisa, rejectâ illorum opinione velut erroneâ, horum autem assertione comprobatâ. Etenim si pellis scabie inquinata, caro itidem impura est æstimanda, cum fons & causa effectrix massæ sanguinæ statuenda ipsum hepar, si id rectè dispositum ac temperatum, sanguinem probum ac laudabilem solet progenerare; sin verò devertat ad illam intemperiem, præsertim calidiorem & sicciorem, vel prava sit infectum qualitate, exin vitiosos ac corruptos humores pullulare in proclivi est, quos natura, cum ad nutritionem inepti, sequestrare & à massa sanguinea separare consuevit, eos per venas velut tubulos à centro ad circumferentiam propellens.

Cum



Cum igitur ovis scabiosa, facilis conjectura, sanguinem in venis infimul pravis humoribus inquinatum, qui ex venis capillaribus extillant, se in carnem & cutim insinuant, concitant, cum regulæ illæ philosophicæ perquam veræ: qualis causa, tale causatum, qualis materia, tale materiatum, quale alimentum, tale alimentatum: exin à pravo sanguine caro haut proba provenire potest, & consequenter talis caro insalubris, varia morborum genera causare solet &c. Omnia hæc dictis nostris congruere nemo non advertit.

OBSERVATIO CXC.

D. JOH. CHRISTIANI FROMMANNI.

DE

SERPENTE E CORPORE REIECTO.

**C**Asum adjicere placet singularem, anno LVII. notatum, & mox in prima disputatione, quam in Illustrissimo Athenæo, quod Coburgi est, habui, thesibus ventilationi publicæ subiectis præmissum. *Barbara Bretterin*, vidua paupercula, annorum circiter 26, constitutionis alias sanguineo cholericæ; sed deinceps ob mariti violenta morte peremti obitum melancholica & valdè contristata, extra urbem in tenui diversorio ad urbis compluvium, lacum paludosum sito cum binis natis degens variis morborum injuriis per integrum annum fuit exposita. Epilepsiâ enim, torminibus ventris, mensium suppressione, uteri suffocatione, externarum partium dolore, cardialgia, vomitu, urinæ ac alvi suppressione laboravit subinde. Scorbaticam mineram in ipsa latitare lotium prodidit: omnia autem symptomata ex illo fonte derivare sana dissuasit ratio, rationem tamen omnium penetrare mihi non licuit. Ordinata pro ægræ facultatibus domestica remedia curationis spem quandoque aliqualem, sæpe nullam fecerunt. Ipsa falsa est, se ægram in parentum suorum ædibus per multas haud raro septimanas Medicorum industriam defatigasse: majorem autem mihi laborem & curam tum symptomatum gravitas, tum summa illius egestas creavit; imò hæc animum alias inserviendi paratum revocavit; cum tamen laborantis precibus exoratus non potui non reddere. Suffocationis periculum fuit frequens. Vesipellem autem uteri affectionem, quæ suffocatio dicitur, hic ludere primum ratus, rationem vaporibus ex utero exhalantibus, quamvis fluctuan-



te non raro animo adscripsi. Sed fluctuationem demum verba, quæ aliquando fecit ægra, animalis cujusdam intus latitantis suspicionem injicientia sedarunt. Diligentiori hinc inquisitione facta num arctior eam noctu somnus sepeliat, in præsentī quidem statu id negavit, ante verò sibi in stramine hiantē ore recubanti soporem fuisse familiarem, quàm morborum agmina ingruerent, retulit. Interrogata de insectis, boam pluviis concitatis fœtore se prodere, bufones verò & ranas in domo sua insectis perviā aliquoties sibi in contubernio conspectas, & jam nuper è camentitio pariete vivum quoddam velut serpentem, rictum lucii instar ostendisse respondit. Quærente de oris fœtore & famis tolerantia, illum sibi ferè intoierabilem, fame verò nunquam gravissimā, quandoque nullā se urgeri dixit. His & aliis persuasus mulierem reptitium quoddam animal in corpore suo fovere & nutrire, audacter exposui, quibus patiens, quod non tantum reptilis cujusdam animalis motum intra se, sed expressum velut è catello surgente suctus sensum perciperet, facile annuit. Arma igitur domestica in id direxi, & pulverem ex *rad. raphani marini* & *angelice*, quem *Taberna-montanus* ad serpentes & vermes corpus humanum insidentes commendat, eoque salamandram ex viro, & tres ranas & fœmina quadam se exurbasse *lib. 1. herb. c. 13.* scribit, bis cum vino & bis cum *aqua cardui benedicti*, ad eosdem hospites à *Trago*, quod ejus ope è puero serpentem jecisset, *lib. histor. stirp. 2. c. 114.* laudata exhibui; decocta item ex *absinthio*, *tanacet.*, *centaur. min.* & similibus amaris ordinavi, ut magis magisque versus crassa intestina descenderet animal. Per superiora enim id evocare ob suffocationis periculum, tutum non erat. *Allium* item, quod affatim comesum *Erasmus*, referente *Gesnero l. de serpent. cap. 5.* prodesse scribit, crudum & coctum dedi. Mulieri autem huic epilepsiæ non impræsentiarum tantum, sed & jam olim obnoxia affatim exhibere, non erat consultum. Lac quoque tepidum per inferius guttur sibi ipsi ad pelliciendum injecit, ejusque vaporem sæpe ab infra admisit. Illud injectum quandoque nonnihil cruoris, aliquando exuvias secundinarum instar vaccæ, quibus ægra ipsa comparavit, eduxit. Mire autem à dictorum exhibitione tumultuatum est animal, sic ut quodam die ad inferiora se receperit. Accito mihi de maximis circa uteri & inferioris gutturis regionem cruciatibus, frictionibus & rofionibus internis, doloribus item se parturientis instar corripī, sibi que aquam



aquam profluere fuit conquesta: quæ omnia ex uterî cum intestinis, vesicæ item cum iisdem & utero consensu deduxi. Expellendi conatum svasi, sessionem dissvasi, interim ut lac calefieret, ejusque vapor ad inferiores admitteretur, extemplo imperavi, de bestia tandem in auram ad votum proditura tacito lætatus animò. Verum mora tum in comparando tum in calefaciendo lacte sensim, epilepsia verò tandem superveniens prorsus expunxerunt. Redanti mihi incolam superiora repetiisse, & jam in latere sinistro degere, se vero per aliquot dies ob perpeßos circa anum dolores graves sedere non potuisse; menses item hæcenus suppressos in illa lucta copiosè redeuntés brevi post iterum substituisse, narravit. Die 3. August. aperuit ægra, se debilem, lactis desiderio heri captam, domesticæ svasu mulieris, cochlearia aliquot sumnisse, atque hinc quidem se *Α' Πορ'ια* quandam sensisse, hodiè verò bestiam per superiora exitum, cum magno suffocationis periculo, sibi ægræ intentato quæsiuisse, superveniente postea paroxysmo epileptico: cujus lactis esu bestiam ad superiora fuisse pellectam, respondi. Denuò igitur curam auspicatus d. 5. August. *Mercurii purif.* ʒj. cum brodio carnis exhibui. Extra ad ventrem ordinavi hoc: *Rec. ungu. de arthanit.* ʒij. *ol. de absinth.* *hyperic.* ā ʒvj. *cera* parum, adde *argenti vivi* ʒj. *E. ungu.* Brevi post bestia indignationem suam transmissis ad caput malignis vaporibus, gravissimam circa frontem cephalalgiam inferentibus, testata est, ita ut à prandio me a-frontem cephalalgiam inferentibus, testata est, ita ut à prandio me a-vocarit ægra, mihiq; lachrymosa non dolorem tantum, sed & fœtorem intolerabilem, scybala interiora referentem, exposuerit. Ad dolorem ordinavi seq. linim. *Rec. ungu. alabastr.* ʒij. *ol. cham. rosac.* ā ʒij. *M.* Item hoc errhinon: *Rec. aqu. majoran. rutac.* ā. ʒj. *M.* Quiescente animali dolores remiserunt; illo autem tumultuante hi recruduerunt, in tantum, ut & tumor circa sagittalis futuræ initium in capite fuerit notatus. Et hæc illæ fuerunt exhalationes, quæ delatæ ad synciput diris ægram cruciatibus confecerunt, delatæ verò ad nervorum principium epileptici insultus fuerunt auctores. Præsentem me bestia egressum per superiora moliebatur, sed ad *absinthii* viridis, quod ægra bruti instar devorabat, usui, regrediebatur. A meridie, quia animal jam inferiora occuparat, pilulas cum potione amarâ dedi seqq. *Extr. mechoac. comp.* (cujus descriptionem *Dn. D. Martinus Dippoldus,*



Medicus quondam hujus loci experientissimus p. m. communicavit )  
 ℞. *extr. absinth.* ℞. *extr. angelic. gr. vij. aloe gr. xj. di. agrid. gr. ij.*  
 cum *sir. de absinth.* q. s. F. Pilul. N. xvij. Nulla hinc κατὰ dejectionis, sed  
 αἴμα lenta viscosa & flavæ materiæ evacuatio præter intentionem secu-  
 ta. Sie nauseabundus stomachus medicamentorum usum differre jus-  
 sit. D. 8. August. iterum vocatus, supinæ præsens suffocationis pericu-  
 lum bestiam per os egressum meditantem minari adverte. Facies tu-  
 mida, collum inflatum, venæ distentæ, reciprocus quasi vomendi &  
 deglutiendi conatus aderant. Dum in auxiliando hæreo! *en tabacum*  
 (quod ad dentium dolorem ægra in promptu habuit) cum fistula con-  
 spicio. Ad candelam igitur haustum tabaci fumum deductis dentibus  
 in fauces aliquoties insufflo. Ægra auxilium præsentaneum sentiens,  
 mox in hæc erupit verba. Ich friege Lust; reficior. A conflictu ex-  
 petenti pulveris reliqui ex *rad. angel. & raph. mar.* quem hætenus ob  
 vaporosam raphani substantiam negaveram, usum concessi: quo cum  
 cerevisia sumpto bestia quasi injuriam potione illatam ultura, vellicati-  
 onibus, rosionibus & variis tumultibus aliquandiu enormiter excruci-  
 avit fœminam. Expetenti eidem postea venæ sectionem, sibi olim sin-  
 gulo anni quadrante ad præservationem mali epileptici suetam, ob vi-  
 res prostrates negavi, præprimis, quod in nupero illo mensium fluxu sat  
 larga sanguinis quantitas, propriæ confessionis tenore, fuerat evacuata.  
 D. 10. Aug. iterum accitus suffocationis periculum itidem amovi. Ve-  
 teris corii fumum mulieri epilepticæ infensum, per os impellere non li-  
 cuit, quem tamen *Marcus Gattinaria*, referente *Matthiolo Comm. in lib. 2.*  
*Dioscor. c. 42.* cuidam viperam in ventriculo foventi profuisse notavit.  
 Cum enim, ait, innumera adhibita fuissent medicamenta, ipsaque alio-  
 quin efficacissima, tandem hausto per trajectorium fumo, immanis fera  
 fumi nidorem persentiens, per annum egredi à circumstantibus visa est.  
 Nostra verò ægra post tabaci fumum paroxysmo epileptico corripitur:  
 quo finito lacrymis iterum & alta voce illatas sibi à bestia dolorum in-  
 jurias exposuit. Remeantis itidem animulis conatum largo absinthii  
 esu & pulveris *Tabernemontani* usu inhibuit. D. 11. *bezoardicum animale*  
 & pinguedinem in defectu olei ciconiæ cum brodio carnis. D. 12. ℞ *vi-*  
*vi* 3j. cum *conserv. ros.* & hora 2. pom. has obtulit pillulas. Rec. *extr. me-*  
*choac. comp.* ℞. *extr. absinth. rad. angelic. aloes. ā. gr. vij. resin. scammon.*  
*gr. iij.* cum *sir. de absinth.* q. s. F. Pil. N. vij. Pillulis vix deglutitis con-  
 vulsio-



vulsionibus ipsaprehenditur sive vetis, quibus finitis ventrem linimento supra præscripto inungere jussi. Binas noctu provocatas alvi dejectiones cum quodam impetu factas, foetus exclusioni, non ratione quantitatis, sed motus, similes mane seq. diei narravit. Manus quidem in tenebris explorandi causa se emisisse, nullius verò vivi præsentiam se potuisse advertere; à primâ autem dejectione animi sibi obortum fuisse deliquium retulit. Manè ex cruentatis multum linteis luculentum hæmorrhagiæ narium prægressæ legit testimonium. Ter eadem die alvi sensit beneficium: prima autem ejusdem dejectio minimas cochleas, testa destitutas repræsentavit: altera flava, tertia vero atramenti instar fuit nigra. A meridie epileptici insultus breves & leves fuere; quos vesperi ventris intumescencia angustiam pariens excepit. D. 14. purgans aliud specificum præscripsi, sed, quod mirum, dejectionis spe excidit ægra, ingentes iterum experta capitis dolores, & varios animalis tumultus, cui ad superiora revertenti statim cruditi tabaci esu in defectu candellæ obviam ivit. Die 15. *theriacæ 3j. cum aq. cetosæ & scordii* exhibui, sudoris verò elicium, ne minera in intestinis latens maligna in venas raperetur, inhibui. A meridie autem ab epilepsia immunis cordis angustiam sensit. Die 16. debilis & enervis redeuntis à meridie epilepsię labores, breviores tamen subiit.

His igitur medicamentis incassum hætenus adhibitis tandem duro huic nodo duriorẽ quærendum esse cuneum statuens, de *Mercurio vitæ* cogitare cœpi, cujus ope *Joh. Henr. Freitagius Catalog. test. veritatis chymiatr. obs. 94.* se bufonem vivum è puero decenni per superiora ejecisse scribit. Viam autem per superiora legere, animalis in muliere nostrâ crassities inhibuit. Promovendæ igitur ad inferiora operationis gratia *Mercurii vitæ* granis tantum duobus *extracti mechoac. comp. gr. xvij.* junxi, & in pilul. forma d. 17. August. post 7. matut. non neglecto è tepido lacte clysmate, dedi, dato insuper monito, ut quocunque posset modò editum animal meis reservaret oculis. Bestia Mercurii ingressi præsentiam fugiendo & singula intestina perrependo durissimis itidem & longis ægram doloribus ad necem usque confecit, sic ut mulier humum jam prona jam supina peteret, jam extra, jam intra ædes se reciperet: nec prima alvi dejectio hora ii. facta ipsi fuit levamento, sed ad primam usque horam dolorum series fuit protracta, quâ tandem, facta in culina dejectione altera, gratam percepit alleviationem.



nem. Regressa postea frigidi cujusdam ad crura appulsum sentit, cujus causam indagatura mox humi serpentem cœrulei coloris, longitudine cubitali, crassitie insignis in gyrum circumvolutum conspicit. Muliere manu n ad furcam fornacariam extendente serpens in altum se vibrat: illâ ictum extensis brachiis meditante, succinctorio hic involat. Ægra perterrita, auxilio, quod sola in ædibus esset, destituta emissâ altâ voce regreditur. Quâ verò ratione in contubernium fuerit regressa, se nescire mihi post quadrantem redeunti dixit. Eam tum humi prostratam velut lipothymiâ correptam offendi, sed ex pulsu somni præsentiam legi. Excitata temporis punctum, quò ad se redire posset, petiit, & postea rem ita actam exposuit. Sic, data serpenti effugiendi in cameram culinæ proximam reservandis lignis lignorumque ramentis dicatam, aliaque latibula quærendi occasio spem meam ad irritum rapuit. Mulier cum post exclusionem *theriacæ 3j. in aq. scordii* hausisset, elapsò horæ spatiò tantam abdominis inflationem & cordis angustiam, subsequen- tibus paroxysmis epilepticis gravissimis incurrit, ut sibi jamjam ad plu- res abeundum exclamaret, mihiq; ac adstantibus actis gratiis extre- mum vale diceret. Sed vesperi remiserunt ea symptomata. Die seq. mulieri de maxima debilitate & totius abdominis quasi ulcerosâ consti- tutione conquerenti tum aq. cordialem, tum oleum olivarum cum ce- revisia dedi, & quæ fortunæ ac corporis ratio permisit, seqq. diebus or- dinavi. Epilepticis autem insultibus, ut ante serpentis gestationem fuit infestata, sic post eam accedente pertinacissimâ alvi obstructione correpta fuit sæpè. Illorum tamen remissionem tandem *castorei & pulv. rad. pæon.* medicamentorum causâ specificè agenti specificè opposito- rum usus creavit, facta à natura peccantis materiæ morbillorum ferè specie ad exteriora expulsionem,

Mirum mihi semper fuit, ægram tanto laborum & dolorum oneri fuisse ferendo. Mirum serpentem è calido corpore in auram frigi- diorem propulsum impetum mox in mulierem fecisse. Mirum ean- dem ac epoto vino, ut fassa est, fuisse magis molestam, cum *Aristo- teles & Plinius*, ille lib. 8. *hist. anim. cap. 4.* hic lib. 10. *hist. nat. cap. 42.* vinò serpentes mirum in modum delectari, literarum suarum monumen- tis consignarint. Serpentem quendam mulierem inhabitasse, tum symptomatum eo præsentem præsentia, illo vero excluso, eorundem remissio, tum curandi ratio ac propria mulieris confessio confirma- runt.



runt. An vero in eam incantamentorum maleficiis fuerit conjectus, an ex ovô serpentis cum aqua lacustri incautè hausto fuerit genitus, an denique dormienti mulieri in os, inde per fauces & œsophagum in ventriculum irrepsit, sub incudem disquisitionis tum temporis revocavimus, quam hoc loco omittimus, & saltem, quæ nostra fuerit sententia, subjicimus. Vero autem similis nobis fuit visum, mulierem in ædibus suis reptilibus perviis, somnum humi incubando stramine aperto ore capere sventam, serpentem, minorem tamen, intra corpus per fauces aliquando admisisse: præsertim cum juvencula diurnis laboribus fessa ita semper sopore fuerit sepulta, ut, referentibus vicinis vix altum clamorem & concussiones validas à fuscitantibus illatas perceperit. Nec me oris ac faucium angustia vel sensus acumen turbabat. Neque enim tanta ea est, ut transitum serpenti minori neget; at in angustos admodum meatus serpentes se intrudere posse, aliàs constat. Hoc verò à graviore semno quasi obtunditur.

Serpentes clanculum adrepentes in os patens, & inde in ventriculum dormientis sese conicere jam olim notavit *Hippocrates lib. 5. Epid.* ubi adolescentis cujusdam historiam habet, cui vino meraciori ingurgitato serpens, *Arges* dictus, in os ingressus est. *Tragus* locò supra citatò simile ferè exemplum habet. *Gesnerus lib. 5. de serpent. pag. 17. b.* idem adseverat, & *Cardano* historiam adducit: quibus calculum suum *Olaus Magnus lib. 13. cap. 9.* adjicit. *Virgilius* idem *lib. 3. Georg.* his voluit innuere:

*Ne mihi tum molleis sub dio carpere somnos,  
Neu dorso nemoris libeat jacuisse per herbas,  
Cum positis novus exuviis nitidusque juventa  
Volvitur, aut catulis tectis aut ova relinquens.*

*D. Greg. Horst epist. med. sect. 6.* exemplum habet mulieris, cui in gramine hiante ore dormienti serpens irrepsit, quem post exantlatos dolorum labores varios satis adultum tandem, cum nauseam & vomitionem qf. strangulantem in horto incurreret, cum cibis assumtis unà rejecit, eumque avidè corpus vicissim petentem protinùs palâ, ferô, acutiori munitâ, duas in partes divisit.

(*Coburgio Svinfurtum ad Dn. D. Febr. mense Decembr. ann. 1675.*)



## OBSERVATIO CXCI.

D. JOHANNIS MICHAELIS FEHRII.

DE

NOXA CARNIS ANIMALIUM ÆGROTANTIUM.

**V**Exatissima quæstio est inter Medicos pariter & plebejos,iani-  
os potissimum & alutarios, num caro animalium morbido-  
rum, e. gr. scabiosarum ovium, aëris rigore, aut fumo, aut sale,  
aceto, baccisque juniperi, aut etiam igne culinari aut caloris  
nostri innati robore ita corrigi possit, ut edendo sit innoxia; ac nega-  
tivam summò tuetur jure *Dn. D. Frommannus P. P. Coburgensis*, præser-  
tim in cacochymicis & otiosis, minusque laboriosis hominibus, ubi  
tantum abest, ut malitia ista aut ab aëre, fumo, sale, aceto, aut ope  
ignis culinaris aut naturæ robore vinci possit, ut potius ab eadem vi-  
ctus & infectus Archeus noster majori postea malo viam sternat, aliis-  
que nobiscum viventibus tractu temporis funestum quandoque con-  
tagium attrahat, cujus exemplum refert *Borell. cent. 2. obs. 32.* juxta  
tritum illud,

*Quo semel est imbuta recens conservat odorem*

*Testa diu.*

Multò minus ignis culinaris malignitatem istam evertere poterit, nec  
fumus, sal, acetum, aut baccæ juniperi cum herbis salutaribus; id quod  
notabili quâdam historiâ ab Amico nuper mecum communicatâ con-  
firmo:

In tractu *Wirtenbergico* paganus quidam sordidâ captus avari-  
tiâ morbidam & ad collum tumefactam suam mactat, eamque in fru-  
sta dissectam & sale largiter conspersam in cadis aliquandiu macerat,  
post fumo exponit solito diutius, induratâ ita, &, ut putabat, egregiè  
correctâ carne sæpius & opiparè cum domesticis suis vescitur *Euclio*,  
idque demum exactò à mactatione suis trimestri integrò, sed tristi cum  
eventu, vix enim octiduum abierat, en uxor & maritus simul caput do-  
lent, intumescit facies, vertigine corripuntur & crebrâ lipothymiâ  
ambo; venæ sectio statim instituitur, offertur theriaca, sed maritus bre-  
vi expirat; ejusdem filius 12. annor. eodem modò maloque correptus,  
patrisque subitaneò obitu perculsus & ipse repentè moritur: Contagi-



um hoc grassatur statim in omnes, quotquot hæc morbidâ carne in victu usi erant.

Magni igitur interest Reipublicæ, ut à Magistratu politico certianionibus constituentur carniû inspectores & in ejusmodi morbida pecora severius inquiratur, ne venum illa publicè exponantur, aut privatim aliquod contagium suscitetur, quòd pluribus deinde exitiosum sit & funestum; Rei quoque Medicæ plurimum interesse videtur, ut non tam quadrupedum, quam volatiliû, aquatiliû & insectorum, quæ quidem ex iis nobis vesca sunt, aut in usum medicum vocantur, præsertim autem vegetabiliû, quorum à condito mundo creberri-  
mus semper usus fuit ac esus primarius, Nosologia & corruptio accuratius investigetur, plenius excolatur, & egregio hoc colophone dieticæ suum complementum adornetur, quod impensè desiderat *Nobilissimus Velschius*, augustum illud Augustæ urbis orbisque literati, cum primis autem Chori nostri Asclepiadei fidus in curiosissimâ sua *Hecatost.* I. p. 128. & alibi.

(*In literis ad Collector. Ephemeridum d. 13. Decembr. ann. 1675.*)

## OBSERVATIO CXCI.

## D. SALOMONIS REISELII.

CONJECTURÆ SUPER LANGELOTTIANOS  
DIU SUBMERSOS OBS. XX.

**C**Asus submerforum, quos Clariss. Dn. D. Langelott proposuit, primus, quo quidam *per sexdecim horas* in gelidissima aqua obriguit, sed post extractionem tepescione servatus fuit, rarus quidem est: alter verò, quando post *tres dies* mulier demersa liberata fuit, rarior: tertius denique quo Burmannianus adolescens *septimâ demum septimanâ* in vitam revocatus, fidem omninò, [ut ipse loquitur) excedit omnem. Quærit ergò Excellentiss. Vir; *quomodo homo sine aeris beneficio tam diu ignem vitalem in aquis gelidissimis, multoque nitro referis conservare possit?* Verùm cum quidem absit à me longissimum dubitare de veritate istius historiæ, quandoquidem & *P. Borellus Medico-Physicar. hist. & observat. 2. Cent. 2.* referat, Nobilem Dn. de S. P. sub aquis submersum diu remansisse, & tandem reperi-  
tum pro mortuo habitum, fuisse ad vitam revocatum ad motis cordi panis assi micis aqua vitæ calida imbutis, idque sæpè renovando, re-



liquis verò partibus frictionibus rubefactis, idque in lecto calido, diuque in posterum vixisse, Rationes autem ejus veras reddendas, cum mihi ipsi promittere nequeam: liceat tamen conjecturas meas substituere, sed Physicas solum. Nam si de divinâ conservatione quæstio sit, minus dubia erit hic, quàm quæ fuit in arca Noë in incluso illic aëre, & à tot animantibus fœtore orto, quod *Sal. Gesnerus Disput. in Genesin* notavit. Itaque

*Non impossibile esse, ut vivat homo diu sub aquis sine respiratione, seu ut vitalis ignis sine aëre diu conservetur, concludo:*

1. *Ab Analogiâ insectorum volatilium, amphibiorum & aquaticorum.* De insectis & volatilibus quibusdam fieri, ut per totum hyemem sub limo aut in foraminibus lateant quasi emortua, redeunte dein solis vel hypocauſti calore reviviscant, dubium est nullum, idque affirmat de hircundinibus & ranis *Joh. Schefferus Upsaliensis Prof. in Actis Philosoph. Angl. n. 19. cent. 3.* Ranas extra aquas respirare, non æquè intra aquas oculis cernitur, si vitro incluseris. Aquatica plurima, capite sub aquis dum versantur, pastumque quærunt, ut anates, buteones, castores, anseres, olores, non respirare. Zoologi testantur.

2. *Ab exemplo urinatorum & fœtus uterini & morbosorum quorundam.* Ut alatorum perniciem, quadrupedum ferociam, sic & aquatiliū mores imitari conatus est homo. *Urinatores* enim, veluti mergos sine ullo artificio apertis oculis, auribus & naribus sola adſvefactione edoctos, sine ullâ respiratione longo spatio vivere posse, testes sunt & antiquiores & recentiores. Nam de artificiosa retentione per fibulam corneam & inspiratione per dolium, aut tubos aliasque artes sub aquis dicere nihil juvat.

*Herodotus* ait, Scyllam fuisse Urinatorem Sacyonium Themistoclis ætate, qui etiam in naufragio ad Pelium facto, mutam pecuniam Persis servaverit, plurimaque sibi lucratus sit.

*Nicolaus* quidam, Colapiscis cognominatus ex Apuliâ oriundus, à puero aquis assuetus degebat inter marinas beluas multos dies continuos illæsus, & profunda pelagi scrutabatur, futurasque tempestates prædicebat, citante *Cardano l. 2. de subtil.* Idem famosissimus urinator continuâ conversatione in aquis ita à naturâ suâ degeneraverat, ut potius amphibium diceretur, quàm homo Regisque Siciliæ mandato se demisit in fundum charybdis, indeque attulit mirandam relationem condi-



conditionis illius loci, quam historiam prolixè narrat *Athan. Kircherus in Mund. Subter. lib. 2. cap. 15. p. 98.*

*Nic. Christ. Radziwilius Dux, epist. 3. itineris Hierosolym.* scribit: Ægypticos piscatores sub aquis turbidis diu jacentes, manibus pisces capere, prædones sub aquis se detinere, ut prætereuntes naves aggrediantur, eosque quod ipse viderit, respiraturos, caput non exerere aquis, sed aperto ore spiritum emittere. Porro certum esse quod totum diem sub aquis possint occultari, & respiraturos, natare sub altitudine aquarum capite tamen non exerto.

*Baro Verulamius L. 4. de Augm. Scient.* urinatores Delios & piscatores Perlarum mirificè anhelitum cohibere posse affirmat: & *Histor. vite & mortis Atriolor. mortis, hist. §. 17.* tempus determinat, dum ait, perpetuò illos usu & consuetudine *decuplum temporis* ad minimum retinere anhelitum, plusquam pro ratione aliorum hominum. Cui concordant in *Actis Philosoph. Reg. Soc. in Angliâ Num. 43. Cent. 1. Responso D. Phil. Vernattis de Java minore.* Diutissimum tempus, quo margaritarum piscatores in hisce climatibus sub aquâ durare possunt, est circa *horæ quadrantem*; nec aliâ ratione, quam consuetudine utuntur: nam margaritarum piscatio non amplius sesquimense durat, nec piscatores diutius sub aquâ in fine tempestatis, quam in initio manent. Hic ad Bataviâ reperitur expertissimus mersor, qui stipendiâ solummodò pro quærendis anchoris, tormentis bellicis &c. in portu submersis meretur. Ipsum sæpius vidi dum descendebar, meumque spiritum exire inhibui, sed decies sub aquâ permansit diutius, quam meum spiritum potui continere. Sed nunquam ut descendat inducitur, nisi integrum aquæ vitæ poculum ipsi propinetur. De quibus sic judicat *Bartholinus l. 2. c. 10. Anar. Ref.* Hi sine dubio vel transpiratione solâ vivunt, sicut in apoplecticis fit & suffocatione uterinâ; vel anastomoses in corde pervias habent, quibus ut in utero, libere, sine motu pulmonum, sanguis moveatur. Quibus addas, urinatores istos propter longam adfuetudinem, cujus magna vis est, securos & audaces. prædæ & lucro inhiantes instar mergorum pastui intentorum sine ullo metu sese demittere & spiritum facillimè retinere, ideoque apertis oculis & auribus vident, & audiunt sub aquis, atque fluctibus innatant levissimè: cum contra qui timidi sunt, & natare imperiti, vel ob subitaneum illapsum & frigus consternati, nesciunt quid agant, per arterias

li 3

ampli-



ampliatas pro spiritu attrahunt aquam & tandem suffocantur: nunc oculos confusi & turbati vario motu & aquarum illusione lædunt; auribus aquarum præcipitem illapsum sentiunt, majusque periculum metuunt; & inquietudine istâ corpus æqualiter elevare nesciunt, sed profundissimè delabi patiuntur. Talem mentis turbationem & peioris metum sentiunt hydrophobi, & qui improvise aquarum delapsa terrentur frigidarum præsertim, dum apertissimo quasi singultiente ore, & corporis totius emotione suffocationem effugere conantur.

*Fœtum in utero vivere, nec tamen respirare, omnes consentiunt: sed ut statuit, quem instar omnium adduco, Th. Bartholinus Anat. Re-  
form. lib. 2. c. 9. ventilari à matre, patulis anastomosibus, & lib. 1. c. 36. so-  
lam transpirationem & materni sanguinis ventilationem sufficere em-  
bryoni, cujus sunt immobiles pulmones, nisi vagitus uterinus super-  
veniat, Rob. Boyle in nov. experim. physico-mechan. citante Clariss. D. D.  
Franco in Satyræ med. continuat. 6. p. 12. aere, ex quo reanimat respiratio-  
nem ex Hipp. præsupposito in membranis præter humores contento,  
ut vult Gualter. Needham. in Disquisit. anatom. de format fœtu c. 3. qui cap.  
5. peculiariter tres in fœtu anastomoses observari docet, foramen ovale,  
canalem arteriosum in corde & venosum in hepate, quæ eodem nato con-  
festim obturantur; & c. 6. Bartholino aliisque qui cum ipso faciunt,  
contrariatur circa amphibiorum respirationem, allegans se nullum  
urinantium animalium vidisse, cui foramen ovale post partum non  
fuerit occlusum. Credit enim Bartholinus lib. 2. cap. 8. in aquaticis  
semper patere, quia sine pulmonum usu instar fœtus in aquis subinde  
degunt. Eamque Thomas Corn. Consentinus progymnas. Physico 7. tam  
firmiter comitatur, ut non dubitet, quin arte & curâ ductus illi pecu-  
liares animalium in utero non respirantium possint præservari integri,  
& eò redigi, ut crescant & perficiantur cum aliis partibus animalis, ita  
ut adulti etiam possint vivere vitam amphibiorum, consuetudine scili-  
cet spiritum contrahendi obstructis ore & naribus, exemplo urinato-  
rum, quos allegat.*

Apoplecticos fortes sine pulsu & respiratione vivere adhuc;  
itemque suffocatas ab utero, ecstáticos & catalepticos & suspensos.  
Quosdam in deliquiis, febribus malignis aliisque morbis rigidos &  
pro mortuis habitos, etiam ex sepulchro rediisse & revixisse, in quibus  
respiratio siluit, docent præter quotidianam praxin historiarum, quas ha-



bet *Körnmannus* c. 16. de *miraculis mortuorum*, & *Wierus* de *præstigiis Demonum*. *Forestus* 10. de *cerebri morb. observ.* 79. & *Joh. Matth. cent. diff. med. quest.* 5. & *Baro Verulamius Atriolorum mortis histor.* §. 34. Imò *Jul. Ces. Claudinus Respons.* 14. decidit ipse quæstionem, an vita in hominibus, ablatâ respiratione, perseverare possit? affirmatque exemplo mulierum hystericarum solam transpirationem satis superque sufficientem esse.

3. *A fine respirationis & usu pulmonum.* In tot ferè vias abeunt hîc Philolophi & Medici, in quot ramos aspera arteria. Alii pro culcitra & substerniculo, alii pro cribro, alii pro præparatorio spirituum, alii pro follibus pulmones accipiunt, alii magis, alii minus necessarios & utiles laudant.

Pulmonem (adeoque respirationem) *ad vitam absolute non esse necessarium*, sed ad cordis commoditatem, quæ sunt *aeris cordi præparatio* pro spiritûs lucidi alimoniâ convenienti, & *caloris ventilatio & refrigeratio*, præter vocis moderationem vult *Th. Bartholinus lib. 2. c. 9.* Hinc quo major vel minor calor est in animali, eò simpliciores vel artificiosiores apparatus circa respirationis instrumenta, vel nullum fabricata est natura parens: Unde pisces pulmonibus carent, alia animalia uno cordis sinu prædita: unde foetus in utero, & aquatica capite sub aquis versantia, cum respiratione & refrigeratione tanta non indigeant, singularem habent & servant per totam vitam conformationem cordis, vasorumque ejus, canaliculum puta & foramen ovale, quod præter ipsum notavit *Henr. Regius Philos. natur. l. 4. c. 11.* Unde animalia longius vel brevius anhelitum cohibere possunt, prout majori vel minori indigent refrigerio, sec. *Verulamium*. Quandoquidem verò ipsa refrigeratio, quam quærimus, non ab aere expectanda, secundum *Sperlingium*, qui *Exerc. 2. de aere propos. 5.* contendit: Aerem non esse respirationis materiam, sed aquam, quia hæc propriè refrigerat illi admista, qui indifferens sit ad caliditatem, frigiditatem, humiditatem & siccitatem; ut itaque pro submersis nostris facile refrigerationem sub aquis sicut pro foetu in utero inveniamus: quamvis neque aeri patrocinium suum denegandum est. Nam ut homini & brutis pro respiratione & refrigerio sulo, aqua sola non sufficit, ita nec aere ipsis sub aquis pisces carere possunt, quoniam ii in aquâ glacie totaliter & diutius cooperta suffocantur. Mixta enim sunt omnia,

& pe-



& pelagus ipsum *Hippocrati de flatibus*, particeps est spiritus. Ubi verò diligenter examinandum esset, (quæ verba sunt *quæst. promisc. 21. num. 19. Actor. Philos. Angl.*) utrum frigus potius, an defectus alterationis seu fluxus, aut ventilationis aquæ, an verò aeris defectus pisces perimat.

Præter refrigerationem pulmonibus usum proprium assignat *Bartholinus* in inspiratione aërem cordis præparare pro spiritui lucidi alimonia convenienti. Spiritus enim vivus, inquit *Baro Verulam. hist. vitæ & mortis Atriolor. mortis histor. §. 1.* videtur tribus indigere, ut subsistat: motu comodo, refrigerio temperato, & alimento idoneo & convenienti inquam. Quemadmodum enim aër purissimus, qualia de monte Periacacca refert *P. Atoſta*, occidit aut nocet secundum *Marcum Marci*, ita nec occlusus aut præcalidus aut frigidissimus convenit: nec foetidus, aut effluviis noxiis carbonum, mineralium, calcis & gypsi pestifer; nec subito nimis mutatus: unde in casu primo refertur, nullum submersorum servari, qui statim libero aëri exponatur. Cœterum quomodo spiritus iste vitalis nutriatur, & quid sit, inter tot tamque varias opiniones quis arbiter erit? *Sennertus in de cons. & diff. spirituum* insitum non ex elementis esse, sed illis superiorem docet, sed alibi aliter. In quem ideo *Herm. Conringius de calido innato. c. 5.* egregie animadvertit, atque probat, calidum cordi innatum ignem aliquem esse, à cordis substantiâ distinctum. *Th. Willis. Exercit. physiolog.* ipsam vitalem & sensitivam animam igneam declarat. Ast ingenuè *Mæbius* inquit: Hic ignis calore quidem elementarem naturam redolet, sed virtute occultiores easque imperscrutabiles qualitates repræsentat, quas in hac humanæ mentis imbecillitate nemo satis explicare poterit. Interim ipse *Sennertus* spiritum dictum calidum esse innatum vult, quod alii ex humido radicali, spiritu insito, & calore primigenio constituunt, eaque omnia nutriri suo simili, id est, cibo, potu & aere ritè præparatis. Ubi tamen iterum maximè differunt Auctores, *Highmorus* aerem ad spiritus vitalis generationem non concurrere asseverat, negando aeris substantiam thalamos cordis ingredi posse, qualitatem verò admitti concedendo. *Willisus* ut ignem elementarem, ita & vitalem nutriri pabulo aereo duplici nitroso & sulphureo per aerem disperso, *l. antea cit.* ostendit. Quod pabulum, cum & in aquâ inveniamus,



amus, monstrante illo ipso, pro submersorum nostrorum salute fecisse credendum est.

Porro *Job. Swammerdam. lib. de respir. & usu pulm.* sentit (ex censurâ *Actor. Reg. Soc.*) quidem omnes Philosophos, qui hactenus investigârunt naturam usumque respirationis, umbram duntaxat ipsius, nihil de ipsâ verâ substantiâ cepisse, statuitque respirationem esse motum thoracis & pulmonum, quo aër nonnunquam impellitur per nasum, os & arteriam asperam in pulmones; & inde rursus expellitur, in *ulteriorem sanguinis elaborationem*, per ejus refrigerationem & separationem fuliginosorum ejus vaporum; & in perductionem ejus hâc ratione ad ultimum & supremum perfectionis fastigium ad conservationem vitæ animalium: Antetigerit, judicent alii. Paucis additis *Henr. Regius Medicinæ lib. 1. c. 7.* respirationis usum facit, ut aer impulsus non fugâ vacui, sed ætheris pulsu refrigeret & fermentet sanguinem, & fuligines atque vapores secum ejiciat. Contra *Alex. Maurocordatus Constantinopolitanus in Dissert. Philosophico-Medica de motu & usu pulm.* demonstrare satagit, pulmones non esse flabella cordis, quæ (refrigerando) ventilent & fuligines expellant aut muscas procul arceant, sed esse pneumaticum circulandi sanguinis instrumentum & cordis calorem accendere, instar follium, quorum ministerio ignem, accendimus, adductis non levibus argumentis, quæ inibi videantur. Quibus affinia sunt & *Gualteri Needham. disquisit. anat. de format. fœtu*, qui pulmonum munus asserit, perpetuâ suâ agitatione *comminuere sanguinem*, & sic debitæ circuitiioni aptum reddere: & *Thomæ Corn. Consentini*, qui respirationem ideò necessariam esse evincit, ut sanguis per aeris impulsum *moveatur*. Verum ne tempus teramus aliorum opinionibus accumulandis, acquiescamus in promissis *Dn. Hooekii*, qui *num. 28. cent. 5. Actor. Phil. Angl.* confidit per experimenta detectum iri, quis sit *verus respirationis usus*, cui interim per experimentum folliis præservantis vitam canis per integram horam probari videtur, uti simplex pulmonum motus sine novo aere nihil ad animalis vitam contribuat, dum æquè superstes maneat; pulmonibus quietis ac motis, ita nec pulmonum depressionem seu quietem mortis immediatam causam esse, aut sanguinis circulationem impedire, sed defectum potius *novi aeris supplementi*. Mitteremus itaque etiam *Johannis Mayow. tract. de respirat.* sententiam, nisi novum illa nostris daret submersis argumen-



tum suæ conservationis. Afferit enim ille ex aëre inspirato nonnihil vitæ prorsus necessarium sanguini communicari, quo, quicquid sit, exhausto, inutilis factus est aër, neque amplius respirationi idoneus, vocatque hoc nitrum aereum, quod partibus sanguinis sulphureis commixtum fermentationem debitam quandam efficiat: facere illud nitrum explosione suâ ad motum cordis, & ideò per tempus aliquod sine respiratione vivere licere, quia sanguis in pulmonum vasis contentus, & satis aëre imprægnatus motui cordis saltem momento temporis sustinendo sufficit.

Nitrum ergò hoc aereum sive à subito frigore & congelatione exteriorum partium coactum adhuc latuerit, sive sub aquis, quæ fortè illo non carent, auctum, certè, non deperditum, sed potius conservatum fuerit, isto tempore potuit sufficere ad servandam vitalem flammulam.

4. *A comparatione aliarum facultatum.* Feriari aliquando non saltem per dies & menses, sed & annos *naturalem* facultatem tam necessariam pro conservando & restituendo corpore, *Fortunius Licetus* inter alios, multique alii ostenderunt.

*Animalem* quoque facultatem pariter sensitivam quàm motivam quiescere, in cogitatione adeò intentâ, ut nihil cogitare nos sentiamus, ut nihil videamus etiam apertis oculis; ut audiamus quasi ætoniti & abrepti nihil, in ecstasi, catalepsi, paralyssi, aliisque soporosis affectibus patet. Quid ni ergò & *vitalis* possit facultas aliquandiu vel otari vel gliscere sine flamine inspirati aeris in submersis, tanquam sub cinere tectus ignis?

Favet hic nobis casus singularis & admirandus verissimus, quem proponit *Gregorius Horstius* in Σκέψις *Physico-Medica* de cadavere juvenis, sclopeto occisi cruentato sepitus & sine conditura ad septimanas septem usque sine fœtore & putredine spectato. Ubi pro veritatis investigatione problema subjicit: An corpus humanum post mortem aliquot septimanis colore & habitu floridum, incorruptum, absque putredine incipiente naturaliter, nullo artificio accedente, durare possit? pro Affirmatione fundamentum tertium ponit: Non esse de necessitate *ἡ ἀνάγκη* *θεραπευτικῆς*, facultatis nutritivæ & sensitivæ, ut semper animam rationalem actu cooperantem habeat. Conclusionem infert: Non esse impossibile corpus humanum in humiditate & siccitate temperatum & juveni-



juvenile, violenter occisum, per septimanas aliquot (septem) in habitu & colore viventi respondente conservari posse naturaliter. Accommodat problema ad casum suum præsentem; affirmativè tam propter interna principia, calorem nativum fortissimum insitum, qui per violentam mortem in momento aut paucis diebus non potuit extinguì, sed remansit, non quidem perfectè, sed eo modo ut conservationi atque defensionì à putredine per id tempus sufficiens esse potuerit: Influens enim perit statim in morte, cum insitus sensim ad interitum tendat; quam propter externa principia, inter quæ causa sine quâ non fuerit aeris constitutio temperata. Quem si nostris casibus applicemus, eandem de non impossibili conclusionem inferemus, persuasi nimirum

5. *Ad dispositione submersorum istorum peculiari.* Robusti enim hi nostri in juvenili aut virili ætate constituti, præditi humido primigenio & calido innato tenaciori & vegetiori, quam facillè in aliis invenire sit, quod ex ipsorum longævitate post restitutionem apparet, (qualem tenacitatem in insectis dissectis & post dierum aliquot spatia adhuc viventibus & moventibus experimur) ipsa hieme in frigidissimam & nitrosam aquam illapsi, nervis factis rigidis, stupefacti non traxerunt spiritum, aut loco spiritus vel aeris subsequenter aquam, ideoque nec suffocari potuerunt, sed mansere quasi cataleptici (instar quorum hos Clariss. D. D. Seb. Schefferus esse censet in literis 30. Aug. 1675.) languesciente quidem interim igne vitali, concentrato tamen propter circumstantis aquæ frigus, sed nondum extincto, sed servato eousque, donec majore vi (ut ille conto) excitati in aerem redeunt ventilatione iterum eguerint planè, velut embryo in auram exiens ventilatione aeris opus habet, qua in carceribus uteri conclusus non indigebat. Quippe si in Horstiano inanimi cadavere color sine putredine ulla servatus fuit in temperato aere, cur non magis præsentè adhuc anima in frigido conclusus calor & corpus quasi conditum potuit usque ad resurrectionem durare. Immò si vera est relatio, quæ tamen *Mæbio* omnem fidem ferè superat, *L. Bnis de Herberstein* in comment. rerum Moscovit. de Lucomoriæ populis, eos naribus glaciè pituitæ obstructis quasi mortuos jacere per hiemem, & singulis annis reviviscere; facillè in submersis & frigore rigidis, patebit conservationis ratio, cum & in Helveticarum alpium speluncis venatores carnes prædarum suarum diutissime didicerint frigore condire.



6. *A conservatione alimenti Lampadum eternarum*, quarum tamen fidem in dubium vocat *Ken. Digby Demonstr. Immort. animæ rat. tract. 1. c. 7.* & si fuerint aliquæ, artificiosa quadam alimenti circulatione fieri posse putat. Hæ si luxere tamdiu, & maximè celebris illa maximi Olybii in agro Patavino eruta, ut post *Hermol. Barbarum Petrus Apianus, Bartholomeus Amantius, & Fort. Licetus* auctores sunt, mutuare possunt nostro vitali sub aquis incluso igni à frigoribus concentrato & circulato lucem aliquam & tomitem.

7. *A resuscitandi aliis modis.* Supra laudatus *Borellus Cent. 3. obs. 58.* refert à servo, Dominum suum sepulturæ condendum insufflatione diutissima in vitam veluti à Propheta puerum revocatum fuisse, cum afferatur, ægros conclamatos sapissimè revocari ad pristinum habitum, & in Indiâ quædam sit medicorum secta, quæ morbos omnes sola curat insufflatione. Neque prætereunda hic alia resuscitandi submersos ratio, quâ prout in terram extenduntur, & plantis pedum baculo percutiuntur, quales observationes binas citat *Sachsus ex M.S.S. D. P. Castro in Ampelograph. l. 2. sect. 5. capit. 3.* ubi addit: sed oportet, ut submersi ultra horas aliquot in aquis non jacuerint. Nam ut demonstrat *Paul. Zacchias in quest. Med. Leg. l. 5. tr. 2. quest. 11. §. 3. & 4.* suffocati moriuntur potius ob cohibitam respirationem, quàm ob aquæ ingestæ copiam: quæ tamen suo sensui & experimentis relinquenda. Adjungenda quoque *Baronis Verulamii* observatio *Atriolorum mortis hist. §. ult.* ubi inquit: Audivi etiam de medico adhuc vivente, qui hominem, qui se suspenderat, atque per horam dimidiam suspensus manserat, in vitam, frictionibus & balneis calidis reduxerat; quiqve etiam profiteri soleat, se non dubitare, quin suspensum quemcunque ad tempus prædictum revocare posset, modò cervices ei per impetum prima dimissionis non fuerint effractæ. Neque negligenda denique illa ratio, qua quidam Libitinæ tradendus oleo quodam destillato præcalido vertici infuso revocatus fuit, planè ut sartagine fervefacta vel cucurbitulis capiti applicatis, (quibus *Fracastorius* nutu indicatis, sed quod non intellectus esset, neglectis, periisse creditur) excitari solent.

Ex his igitur tenuium argumentorum filis unitis fortius vinculum nodumquenectimus, & probabiliter, si non demonstrativè concludimus, submersos Langelottianos propter tenax humidum radicale instar insectorum & volatilium, retento propter frigus catalepticum,



ē torpente spiritu, refrigerato & ventilato satis simulque nutrito & condito sanguine, otiantē quoque vitali facultate, in florenti ætate, robustoque corpore, per rigidissimum frigus repellens, circulato intus alimento vitalem flammam potuisse servari, fortiorique tandem sensu excitari & moderata recalefactione resuscitari naturaliter, divinā tamen sic jubente Omnipotentia.

Sed objiciet fortē quis, cui usui ista tam otiosa & anxiosa disquisitione de re vix credibili? Ei cum *Scaligero* respondeo. Sapientibus *Aristoteles*: Ubi res constat, si opinio adversetur rei, quærendam rationem, non rem ignorandam. Et si vel nullum aliud commodum inde oriretur, quàm quod submersos aliosque inanimes revocandi & vitam in iis quærendi, diversi modi uno intuitu conjungantur, & caveatur, ne submersi statim (velut apoplectici, ecstatici & suffocata ab utero non ante tertium diem) sepeliantur, suffecerit mihi. An aliis satis fecerim, judicent ipsi.

Verum enim verò fortē omnem denique scrupulum movebit, si consuleretur *Mart. Carceus de Karczagh Viszallasa Cumano-Ungarus*, qui in *Disputationis Chymico-Medicæ sub Sylvio habitæ Corollariis* hæc habet: Datur vita humana salubris & sana absque respiratione.

Per diem si respiratio ac pulsus absit, non statim mors est.

Imò sæpè anima rationali ex corpore exeunte vita manet.

Daturque vitalis ignis (in corde extincti) per artem accensio,

Ut & hominum agonizantium per elixiria ac balsama vitæ Chymicis nota, ex orci faucibus ereptio & quasi resuscitatio.

## OBSERVATIO CXCIIL.

## D. SALOMONIS REISELII

DE

## URINA NOCTU LUCENTE.

**A**Nno Salutis 1674. 23. Novembris, quī pluviosus erat & sextus à Novilunio, hora sextâ vespertinâ domum rediens ante portam ædium mearum minxi in tenebris ad basin columnæ lævæ, ubi sæpè prætereuntes homines aut canes suam alliserunt urinam, & juxta quam ex aulâ impuritates per canalem aquæ defluunt. Hic  
in an-



in angulo quem terra & columnæ pes facit, inter mingendum & aliquandiu post oculos perstrinxit, fluor igneus instar ligni putridi aut sulphureæ flammæ lucens, & more lumbrici reflexus & undulans, mox stans & immobilis (quæ figura ideò apparuit, quod per & super & juxta canalem fluxit, antè canalem verò confluit urina) cujus tamen vestigia aut fomitem superstitem neque in obscuro, neque admotâ luce amplius observare licebat, ubi redirem cum domesticis, quos ad videndum vocabam & experiundum, an illis admejantibus idem contingeret. Nec verò vel mihi eâdem nocte, sequentiumque aliquot noctium eâdem aliâve horâ mictionem repetenti, vel illis statim similia facientibus tale quid obtingit. Quod tamen eò magis ad mentem revocabam, cum similia mihi circa seculi hujus quinquagesimum & octavum circiter annum evenisse meminerim, quod urina, quando noctu ad murum mingerem, defluens, & guttis suis scintillarit, & filo suo luxerit.

An olim, an hodiè cum secundo vel adverso omine lux hæc affulserit, non recordatus neque observans, neque anxius fui, fategi tamen causam ejus veram inquirere. Quapropter & consului varios scriptores, & rogavi Medicos aliosque literatos, ut communicent, si ejusmodi in urinâ lumen observârint: verum nihil offendi præter propriam mox secutam observationem *Dn. Georgii Ludovici Peitenkover Med. Lic. Wormatiensis*. Huic 1. Martii 1675. hora octavâ nocturnâ, ipsa quidem plenâ lunâ in virginis signo & ad ortum stante, ita tamen ut ejus radii à proximo muro, qui dorso mingentis oppositus erat, interposito impediti fuerint, cum in horto suo sub cœlo libero eam excerneret. Luxit autem satis clarè instar crysalli undulante quodam flumine, tamdiu donec in teriam arenosam colata seu absorpta fuerit. Tetigit igitur digito adhuc lucentem lympham, sed in digito nihil lucidi remansit, sensit tamen aliquid mucosi, quod à cerevisiâ, quam præter morem eo die biberat, crassiusculâ provenisse suspicabatur. Scrutatus etiam candelâ illicò, nullum reperit fomitem vel materiam. Tentanti deinde & eâ ipsâ, aliisque noctibus, nihil iterum apparuit luminosum.

Reverso itaque sole & emenso totum cœlum ipsâ denuò Novembris 23. diei nocte & sequentibus periculum feci, noctibus talia experiri. Frustrâ.

Equidem



Equidem splendidissimum modernorum medicorum lumen Th. Bartholinus tract. de Luce hom. & brut. multa eruditissimè sparsit. nihil autem de lucente urinâ, nisi quod cap. 6. à bile splendentem & igneam, quæ ab Actuârio aurea dicitur, à colore scilicet, non à luce in tenebris sic dictum urinam refert, quæ verò significatio hujus loci non est. Neque inter insecta lucentia lumbricos, qualis figura apparuit, numerat. Tacet etiam in epistolarum Centuriis, ubi quædam de lucentibus profert, de urinâ. Clariss. quoque Sachsus post illum Gammalog. l. 1. cap. 15. §. 6. & appendice, de luce concreatâ cancrorum aliorumque, plurima quidem congescit: item in Scholio ad Observ. 138. ann. 1. Ephemer. nat. Curios. de scolopendriæ luce innata agens, ut & Schortus Physicæ Curios. append. c. 3. ad lib. 12. & Magiæ Pyrotechnicæ l. 2. part. 3. recentiora afferens nihil de urina lucente producit unde mutuari possem, in quo mens dubia hæreret. Neque Baro Verulamius in Imp. Phil. de luce & lumine: neque Reies in Elys. campis: neque P. Borellus in Observ. Physico-Med. inter varias igneorum & lucentium historias ullum exemplum urinæ suppeditat: neque Ampliss. Præses noster Joh. Mich. Febr in Hierapicra, ubi meteora majoris & minoris mundi comparat omnia. Neque tandem Nobiliss. Christ. Adolphus Baldunius Nat. Curios. Hermes in Phosphoro Hermetico sive magnete luminari nuperrimè edito, ubi lucem quandam scintillantem si non in omnibus, tamen plurimis corporibus naturalibus esse, & ex iis quasi effluere, ex pluribus auctoribus monstrat, mihi hîc prælucet. H. Martini in anatom. Ur. p. 100. lucidam & splendentem & ardentem & igneam & scintillantem vocat à spiritibus præternaturalibus & igneis in corde & arteriis, eorumque non tam copiâ quàm acumine profectam: & p. 109. Ignei coloris urinam adducit propter salem, quem adurat calor: & p. 110. valdè lucidam ratione spirituum, quos exacuat calor, ut contrà turbidam & turbatam ob evanescentes aut extinctos spiritus judicat. Sed nec hæc lux, nec hic splendor, qualis vel in frigidissimâ & purissimâ aqua elucet, nostræ est significationis, cum vel in ardentissima febris intensissimi ruboris emissæ nequicquam luceat in tenebris, quemadmodum nec ille splendor, quem observare datur, ubi terga vertenti in obscuro loco urina defluit, & ab opposita cœli luce translucida apparet, tam in guttis, quàm filo seu lineæ fluxus.



Utut ergo desperem veras producere causas mallemque dicere quid non sit, quàm quid sit, neque velim illam de lucis, luminis & ignis naturâ litem facere meam, cujus vis & fulgur Plinium absorpsit, plurium sublimiorum mentium! aciem perstrinxit; attamen pauca ad lucem hanc modicam meditatus sum obscurus in obscuro, veluti noctuis nocturnum lumen sufficit: Non à reflexione radiorum lunarium provenisse illam, ex cœli positu constat, quòd utrinque in meo & amici casu impediti fuerint: Non à candelæ aut lampadis proximè vel remotè stantis, per experimenta facta sensi, & potest alius experiri: Non à reflexione ullâ luxisse, quia etiamsi incidissent hîc radii, similem lucem non procreassent, sed aliam, quæ originem sui objecti mentiri aut tegere nequiverit. An à materiâ aliquâ nitrosâ, mucosâ, glutinosâ ceu fomite ortum duxerit, nolo definire, sed & negare, cum & amicus mucosum quid senserit post deflagrationem & mea in nitroso loco accensa, & ostraceorum in viscido humore apud *P. Zacchium in Philosoph. Opt. p. 48.* atque carnis agninx lux in pinguedine & membranis apud *Bartholinum* & alios hæserit, & calx viva propter salem resolutum exardescat, & ignis fatuus in uliginosis pinguibusque locis maximè flagret.

Ovum tamen ovo non similiùs videtur, quàm urinæ nostræ aqua marina falsa noctu coruscans, ubi remis fortiter percussa, ut habet *Baro Verulam. hist. nat. exper. 35. & de Augm. scient. lib. 4. c. 3. extr.* quam spuma maris ferventior fortiter agitata noctu lucens, ut idem notat *Nep. Org. l. 2. aph. 13. instant. 11.* Hispanis vocata pulmo marinus; quibus etiam consentit *Dn. Monconys*, qui in *T. 1. Itinerar Lusit. p. 13.* scribit, quòd aqua multum ejiciat luminis. Hæc siquidem falsa est, variis corpusculis foeta, coloris varii, agitatione & collisione lucefcit noctu, in quibus omnibus urina nostra convenit, differt verò, quòd marilux hæc nocturna ferè perpetua, urinæ rarissimè accidat.

Marinæ hujus lucis non urentis ratio reddita à *Cartesio Pr. Philos. part. 4. §. 91.* lux primi elementi: & *Bartholin. œur. 1. Ep. 12.* lux quædam insita, cujus ad originem noscendam Apollinæ interprete opus sit: Natura verò tota latius excussa à *Nicol. Papin, in tract. de la lumiere de Mer.*

Si tamen urinæ hanc lucem ab insitâ productam dixerim, fortè non erraverim, cum illa in oculis, aliisque multis rebus splendeat  
qua n-



quāquam quid sit nesciam. Sin verò spirituum calidorum exhalationem attendas, quibus referam urinam esse & supra dictum & nemo diffitebitur, omnium optimè vocabis hoc phænomenon *ignem lambentem*, cujus exempla plurima leguntur, & natura à multis expenditur. Etenim *Cartesius de Meteoris c. 7. num. 14.* ignis fatui & lambentis causas assignat sine vel cum vento, si tantum exhalatio subtilis & penetrans, quæ nempe salis naturam participet, alterius pinguis & sulphureæ poros ingrediatur, & sæpius etiam solam diversorum corporum mixturam igni producendo sufficere, ut in calce vivâ aqua adpersa & fæno. Cui non repugnat *Schottus*, qui ut *Phys. Curios. l. 11. c. 9. §. 2.* causam ignis fatui refert ad collisionem partium in exhalatione pingui & viscosâ, qualem post extinctionem veluti spermatis ranarum invenisse *Rob. Fludd*, quæ vice speculi redderet stellarum lumen: ita *c. 11. §. 2.* ignis lambentis materiam raram ac subtilem exhalationem aut calidos atque arduos spiritus è corpore animalis emissos cum *Fromondo* statuit: subtiliorem adeò quàm in igne fatuo & tenuiorem, quæ velut in spiritu vini flamma luceat, non urat, cujus particulæ secundum *Jonston. in Thaumato-graph. Class. 2. c. 4.* velut in aere rorante guttulæ sint singula specula lumen reflectentia. Lucem enim quandam esse, quæ noctu duntaxat luceat, non igneæ quidem illam naturæ (neque enim diu durare posset) sed mitioris cujusdam & materiam in qua est non consummentis, in multis tum naturæ tum artis operibus apparet, scribit *Conr. Gesnerus de Lunaribus herbis, pag. 1.* Et porro: Placidæ verò illius mitisque lucis, non igneæ sed æthereæ potius particulas quasdam continent fortassis & gemmæ quædam & plantæ & animalia & nonnulla artis opera, ut dicemus.

Cum ergò in urinâ quacunque partes aquæ, salinæ, sulphureæ, terreæ, spirituosæ inveniantur, quas accuratissimè per ignem examinavit *Th. Willis in Dissert. epist. de urinis*, spiritus insuper genitilis & vitalis & animali lucidis generatus lucidus quoque sit, & in meâ & amici calidæ atque spirituosæ corpusculorum variorum exhalationes offenderint fundi nitrosas salinasque particulas, quomodo non accedente frigoris nocturni antiperistasi moveri & accendi potuerunt, quomodo non spiritus ipsi lucidi lucidam quoque urinam reddere quiverunt? Ubi tamen dubius hæreo: Cum non semper idem effectus sequatur, & urina semper aut sæpè lucida appareat, cum quidem perpetuò &



in meâ & aliorum eadem sint causæ. Quamquam & hoc non negaverim, solennem mihi olim fuisse lacteam urinam, qualem *Platerus* observavit, fortè à seminis copiâ aut calore, aut irritatione à cibis acribus & imprimis raphano ortam, quæ flammæ huic nutrimentum porrigere potuisset, qualem verò tum temporis non observavi.

Colophonem imposuissem, nisi inter ignis lambentis an fatui exempla lux quædam Lichtenbergensis mihi crucem magis figeret, quàm lucem præberet, In castello enim gentilitio Illustriss. Comitum Hanoviæ Lichtenb. plerumque ante tempestatem in fastigiis tectorum, turrium apicibus metallicis, etiam bipennium mucronibus faculæ adhærent quasi-sulphureæ à multis retrò memoriam annis, unde vel ipsam arcem appellatam credidère. Quod fortasse nihil rarum esset, nec præter naturæ mores, quando multæ ibi mineræ vitrioli, cupri, ferri & salis latent, nisi hoc fieri solum pacis tempore affirmant incolæ, belli vero tempestate nunquam apparere.

(*In literis ad Collectores Ephemeridum die 21. Decembr. ann. 1675.*)

## OBSERVATIO CXCIV.

D. N. FABRI.

DE

## ANATIBUS AURIFERIS.

**U**lma Suevorum area est domus cujusdam, filice constrata, in qua si servantur per unam alteramve septimanam anates, auri fini grana in ventriculis omnes generant. Et ne à fabulo aliâve ipsius areæ materia provenire putes, illa prorsus everfa novo filice, terrâ, arenâ constrata ante annum fuit: pari effectû cum priori tempore. Ab annis autem tribus id observatum est. *Dn. Wicks mannus*, senatûs apud Ulmenfes secretioris assessor, & rerum naturalium indagator solertissimus, atque pinacothecæ famosissimæ possessor dignissimus, ipsemet in duobus corporibus experimentum ante paucas septimanas fecit, in quorum uno 16. in altero 27. grana lenticulis atque milii semini æqualibus auri purissimi reperit. Sit Oedipus ergo, qui hæc divinet necesse est.

(*In literis Heilbrunnâ Heidelbergam ad Dn. D. Georgium Francum scriptis, & D. Sal. Reiselio mense Decembr. ann. 1675. communicatis.*)

OBSER-



## D. DANIELIS ANGELI.

DE

## CALCULI VESICÆ GRANDIORIS SPONTANEA EXCRETIONE.

**I**Nter calamitates, quæ humano corpori infestæ sunt, illique præmatuum exitum ante fatalem terminum portendunt, non infima esse videtur renum & vesicæ calculi affectio, imprimis quo materia illius in molem majorem excrevit, quoniam ardua & difficilis est curatio, immò interdum nulla locum habet, cum remedia per os assumpta integrâ virtute ad renes & vesicam pervenire non valeant, ut adeò, nisi ipsius naturæ accedat beneficium ferè unicum (quod vesicæ calculum spectat) sectio videatur auxilium. Rectè itaque mihi facere visus sum, si pro præsentis epistolæ argumento de *nephritico dolore seu calculo* non vulgare sed dignum admiratione exemplum breviter exponam.

Annus est, & quod excurrit, ex quo mulier quædam, nomine *Angelica Rubini* quinquagesimum quantum annum ætatis suæ agens, circa solstitium hyemale, de quo rectè Poëta :

*Morborum siquidem cursus redit actus in orbem,  
atque in se sua per vestigia volvitur annus,*

lumborum gravitate ad coxendicem excurrente primò affligebatur, postea morbo incrementa sumente, atrocissimo dolore circa regionem dorû & renis sinistri, secundum longitudinem ureteris ad vesicam usque & pubem, cum stupore cruris, nausæ, vomitu, anorexiâ, tumore infimi ventris & summis mingendi conatibus vehementer premebatur, adeo, ut interdum, & nisi urinam excrevisset tubidam sabulosamque, erecta vix incedere valeret.

Et quamvis multis, præcipuè ex acidulis, uteretur remediis, cum à medicis tum à mulierculis domesticis præscriptis, incassum tamen & sine successu: donec solertis naturæ potestas, quâ sui individuo succurrere semper studet, calculum è rene sinistro per ureteris ductum ad vesicam impelleret. Hinc ægra circa renes quidem sublevamen habere persentit, de cruciatu tamen & dolore circa vesicæ fundum cum frequenti micturientis stillicidio conqueritur. Chirurgus advocatus, cum cathetere explorasset calculum, adseruit, solam in excisione calculi curationis spem superesse. Ægra sententiam hanc toto pectore



formidans anxietenuit curam, sed mori mavult, quàm hujuscemodi passiones subire; cum rarissima essent exempla eorum, qui calculo prægrandi laborantes, sectione ab illo liberati sint: proinde se curatrici naturæ potius committere voluit, cum & ætas jam declinaret, & vires morbi diuturni violentiâ attritæ essent.

Neque spes hæc, quamvis diu satis vitam nimis miseram duceret, eam tandem fefellit. Siquidem cum minus de salute cogitaret, calculus singulari naturæ solertiâ ad orificium vesicæ exterius protruditur. Ego ad eam die S. Catharinæ anni 1675. vocatus consului, ut pro viribus, si non per civitatem, saltem per cubiculum, deambulet; antequam vero egrederetur lecto, pudendâ probè inungeret *oleo scorpionum*. Hoc meum consilium illa exequitur felicissimo cum successu: vix enim aliquot molita erat passus, cum calculum excerneret oblongum porosum (prout ex formulâ & magnitudine annexæ schedulæ videre est) coloris cineritii, subtilem; uncias duas cum semisse pendentem, non sine magnâ plurimorum admiratione. Subsecuta est moderata sanguinis profusio, quâ inhibita, contestim, ab omni dolore ac insuperabili penè malo libera, nullo ferè artis ingenio feliciter ex orci faucibus evasit, & in hunc usque diem, dum hæc scribo, bonâ fruitur valetudine.

(In literis ad D. Vollgnadium Bononiâ 31. Decemb. ann. 1675. scriptis.)

## OBSERVATIO CXCVI.

D. JOH. SIGISMUNDI ELSHOLTII.  
HOMINIS CONCEPTIO EX OVARIO.

**I**usseras nuper, Illustr. Domine, ut per compendium traderem, & in tabulâ quasi exiguâ depingerem Tibi rationem, quâ conceptio hominis ad mentem recentiorum absolvatur: cum tot de isthoc argumento à Joanne Hornio, Theodoro Kerckringio, Regnero Grafo, Joanne Suammerdam, & denique Cl. Ruischio proximis retro annis scriptos cum suis iconibus libellos evolvere, Tibi occupationes tuæ graviores haut permittant. Accipe sis igitur illum modum, quem quidem nos partim ex lectione istorum scriptorum, partim propriis quoque observationibus animo concepimus.

In coitu nimirum prolifico semen virile irrigat non tantum uterum, sed & pars ipsius spirituoſa sive *aura seminalis* per vas deferens



ferens five ductum brevem ad ovarium usque penetrat, adeoque ovum ceteris maturius aut magis dispositum ac porosum virtute suâ (ut loquuntur) fermentativâ fecundat. Intumescit inde per modum velut inflammationis ovum, rubescit & distenditur tuba, suamque proboscidem ad ovarium digitis quasi arctius amplectendo contorquet; quemadmodum illam tubarum rubescentiam, distensionem ac contorsionem recens gravidâ Amsteledami dictus modò *D. Ruyschius* anno 1673. publicè ostendit. Labentibus hinc tribus aut quatuor diebus ovum illud adeò crescit, ut ovarium suum ad exclusionem stimulet: & quamvis in non gravidis ex ovario in tubas nullum foramen manifesto compareat, in recens gravidâ tamen idem *Ruyschius* observavit aperturam, quæ pilum majus admittebat: quin immò vidit illum ovarii locum, in quo ovulum olim sederat, post exclusionem densâ spongiositate, villisque rubicundis obpressum perinde ut in uteris recentium puerperarum conspici etiam assolet. Atque hæc per abscessum quasi facta exclusio, five translatio ovi ex ovario in tubam & hinc in uterum, procul dubio genuina ratio est nausæ aut vomitus, qui sub initium conceptionis & primis post fecundum coitum diebus accidere foemellis consuevit. Porro vero ubi ovum à proboscide tubæ exceptum est, facilior omnino & innocuus delapsus in uteri cavitatem ut plurimum datur: quod si forte tamen in medio tubæ ovum hæreat, *conceptio tubalis*, five tubaria (de quâ ante annos jam tum septem epistolam ad *Exc. Huxholzum, Medicum Hassiacum*, longiore virâ dignum, vulgavi) non sine matris exitio miseræ contingit. Ceterum ovo non hærenti, sed ritè in uterum delato quæ evenient ulterius, & quæ illud incrementa sua capiat ibi, hinc recensere nihil atinet: neque enim à veterum doctrinâ hæc parte multum recedit. Neotericorum cura, nisi quod exactius multa explicent hi ipsi, quemadmodum quod ad ossium formationem attinet, apud *Theodorum Kerckringum in Osteogeniâ* suâ per singulos menses videre licet.

Verum enim verò, experitur hæc de conceptione hominis opinio idem cum aliis novis inventionibus fatum, formanturque à multis contra ipsam variæ objectiones. Earum Imago solet esse hæc: Cum nihil à se ipso moveri constet, quidnam illud sit, quod ovum ex ovario in uterum propellit. Atqui facilis est responsio, ovum scilicet sen el



fœcundatum non moveri à se ipso; sed excludi ab ovario stimulado, sicut idem in gallinis accidit, dum ova grandescunt.

II. *Objiciunt*, quod metus sit, ne ovum, per tubæ angustias penetrans, rumpatur. Ast tubæ etiam in non gravidis tam sunt perviæ semper, ut flatum & aquam per canaliculum admittant: in gravidis verò quantum distendantur, (immane vero quantum in conceptione tubali) supra fuit relatum. Deinde etiam si fortassis ovum aliquod interdum frangi contingat, nihil inde damni, nisi quod conceptionis hac vice spes pereat, alia vice adimplenda.

III. *Objiciunt*: quare, cum bina sint ovaria non semper gemelli nascantur. Ad hoc reponi potest, rem ita se habere in Scotiâ & fortè aliis nonnullis regionibus, ubi fœminæ uno partu ut plurimum binos, quandoque etiam plures fœtus edunt: sub nostro autem climate, quod gemelli rarius nascantur, nisi ex cœlo atque astris causam deducere placuerit, varia tamen impedimenta hujus rei alia ex vitio conformationis, obstructionis, compressionis, aut intemperiei dextræ sinistræve tubæ intervenientia, afferri possunt: attestante hoc sectione cadaverum fœmininorum, dum partes illæ generationi dicatæ in alterutro latere non rarò malè affectæ conspiciuntur.

IV. *Objiciunt*: Quare ab uno coitu, sicut in gallinis fieri creditur, haut singula utriusque ovarii ovula simul fœcundentur: ita enim ad subsequendas sanè generationes, ajunt, iterato coitu nullatenus opus foret. Responderi potest; quo minus hoc fiat, diversa partium obstat constructio. Oviductus enim gallinarum rectus est, & laxior: in homine vero angustus & adeo tortuosus, ut aura seminalis non nisi ovum proximè adjacens ordinariò attingere possit, haut vero juxta per universum penetrare ovarium. Quod si vero ad plura ovula quandoque auram illam penetrare contingat, plures etiam concipiuntur fœtus.

Cæterum his forte adhuc validiores ab aliis rationes, in contrarium poterunt opponi: nec adeò vituperandos arbitramur illos, qui in examinandâ tanti momenti opinione, antequam ipsi subscribant, strenuè laborant. Inde enim quæ & quanta elicere confectaria liceat, perspicaciores faciliè divinant. Nobis totius argumenti brevem tantummodo summam tradere, fuit propositum.

(Eadem hæc epistola ab ipsomet Dn. Autore communicabatur per literas d. 21. Jan. ann. 1676. Berolino ad D. Henr. Vollgnadium scriptas.)

OBSER.







Fig. III.





Fig. I.



Fig. II.









Ad Ann. VI. Obs. N<sup>o</sup> v





## OBSERVATIO CXCVII.

D. JOHANN. SIGISMUNDI ELSHOLTII.

DE

## OVARIO HUMANO ATQUE TUBIS.

**P**AUCI præterire dies, cum ad Te *Vollgnadi*, mitterem de *hominis ex ovario conceptione* observationem. Nunc autem ad illustrandam illam nova mihi emerfit occasio, dum mulier triginta circiter annos nata, & sex jam tum liberorum mater, homicidii convicta die 14. Januarii anni currentis 1676. hic *Berolini* non tantum gladio percussa, verum etiam ad anatomen Curiosis destinata fuit. Cætera præterii: ad partes autem genitales quod attinet, in ovarium & tubas accuratius porro inquirere, mearum tunc partium esse arbitratus sum. Quæ igitur die XVIII. dicti mensis adverti, cape sis.

TUBAS uteri veterum plurimi aut planè ignorarunt, aut aliud ipsis nomen forte tribuerunt, sicut *Andreas Vesalius* [sub titulo vasorum deferentium pinxisse videtur, *lib. V. Corp. human. fabr. c. 15.* Alii pro cæcis habuere ductibus, uti *Adrianus Spigelinus libr. VIII. c. 22.* & *Nathan, Highmorus libr. I. corp. hum. disq. P. IV. c. 4.* Contra Nos, cum *Joh. Veslingio syntagm. anatom. cap. 7.* atque aliis neotericis, & *tubas esse insignia*, admodumque conspicua vasa & in uteri fundum manifesto patere, sine hæsitatione adserimus.

Primam thesin quod attinet, operæ me prætium esse facturum existimavi, si integrum organum à vicinis partibus separatum, & simul ejusdem in uteri cavitationem (id quod à nemine hætenus per iconem præstitum memini,) depingerem. Est igitur in figura I.

- A. *extremum latum, quod magis rubet, & laciniatum est, proboscis non absurde appellatum.*
- B. *denotat medium capreolis crispum, & sensim angustatum.*
- C. *extremum angustum uteri fundum in summitate penetrans, atque in latere interno*
- D. *valvulâ oblongâ clausum.*
- E. *notat uteri puncti tantummodo expressi carneam crassitiem.*

Altero adserto fides accedit ex inflatione per canaliculum factâ, si is in proboscidem intrudatur; exit enim ore insufflatus aër per extremum angustum C. in ipsam uteri cavitationem. Quod si aquam, lac, aut coloratum similem liquorem ore contentum per canaliculum impellas,



pellas, pariter is transit, & adeo quidem manifestè, ut dubitationi locus relinquatur nullus.

Innotescit hinc etiam, valvulam in uterum patere, sed retrorsum neutiquam: admittit ea quidem tantisper stylum, sed non altius, quàm ipsa extendi retro possit. Accipiendum equidem hoc erit etiam de liquoribus, quos frustra aliquis per valvulam sursum pellere (nisi violentia interveniente) tentaret: & quamvis extremitas C. satis angusta in cadavere appareat, in vivente tamen magis patere prorsus vero simile est.

De proboscide notandum, laceram illam & quasi attritam à Fallopio primum in *Observ. anatom.* pag. 472. deinde ab aliis quoque & à nobis talem semper observatam: neque de laciniata illius figura amplius dubitandum; Scrupulum tamen injicere posset, quod laciniæ soleant esse rupturæ indicium. Quod si proboscidi laciniæ illæ non sint naturales, oportet ipsam testibus antea adhæsisse: ab istis autem per incuriam dum intestina extrahuntur, communiter abrumpi solere. Nihil tamen hic determinatum eo, quin potius ad indagandum hoc propono dubium, num per circumspectam magis dissectionem connectio tubarum cum ovariis forte reperiri possit. In figuris sane *Julii Casperi Placentini*, nimirum *lib. VIII. tab. 18.* ita pinguntur tubæ, ut sua proboscide testes attingant: atqui *tabula seqq. 19. & 20.* hac parte mox iterum variant. Quin & concordat *Thome Bartholini tabula anatom. reform. edit. noviss. pag. 152.*

OVARIA porro sive testes obvelat membrana satis valida: eam cum in dextro per longum scinderem, effluebat humor ex albo citrinelcens. Sinistrum servabam integrum, sed utrumque in ferventem aquam per medium horæ quadrantem simul conjiciebam. Tunc extracta induruisse animadverti conspicuis *Fig. II.* per superficiem ovulorum eminentiis: quæ tamen ova post dissectionem magis in conspectum se dabant, suis singula cellulis albicantia, atque inde facile exemtilia. Speciatim in sinistro, quod divisum *Fig. III.* repræsentat, pluscula quidem *lit. a. a.* visebantur ova, hic quidem per medicum scissa: in una vero ipsius cella *lit. b. b.* quæ cæteris major, nucleum cerasi æquabat, haut ovum, sed materia spongiæ obscure rubenti prorsus similis hærebat: immò qualis videtur illa fuisse, quam *Ruischius* Amstelodami vidit in recens gravidæ ovario, nominando ipsam *densam spongiositatem*,



*sitatem, villisque rubicundis obsessum locum*, in quo ovum antea sedem habuit, perinde ut uterus recentium puerperarum. Profecto si quid conjecturâ assequi licet, ex hac cellâ devolutum fuit ovum pro conceptione gemellorum, quos postremo partu foemina isthæc ediderat. Quod si itaque apparatu tam operoso, & novis subinde per attenuatam ovarii membranam foraminibus (quale quidem foramen à solerte naturâ in muliere recens gravidâ factum, & pisum majus æquans *Ruischius* d. 15. April. 1673. se vidisse testatur) ad singulas conceptiones opus est: tolerari nullo modo poterit opinio *Theod. Kerckringii*, qui *Anthropogen. cap. i.* tam à conjugatis, quam virginibus talia ova sæpissimè & fermè insensibiliter, excerni asserit. Et quamvis sibi ex relatione quarundam hoc constare, addat: manet tamen incertum, cum aliæ hâc de re interrogatæ, contrarium affirmant: quicquam scilicet tale nec in flante purgatione menstruâ, nec stimulante libidine, nec ullo alio tempore sibi, etiam observantibus, accidere.

Porro verò ad ductum illum brevem quod spectat, qui titulo vasis deferentis communiter ab ovario ad uterum, aut potius ab utero ad ovarium, tendit, non penetrare is mihi hoc in cadavere in cavitationem visus est: Cum tamen alii hunc ductum pervium invenerint, fidei ipsorum nihil ibo derogatum. *Johannes* sanè *Veslingius* *Syntagm. anatom. cap. 7.* nominat ductum testium, & pingit ibidem titulo *vasis deferentis*. Vasa autem præsumuntur esse non prorsus solida, sed quovis modo pervia. Quin immò præter hunc ductum ad fundum uteri porrectum, alterum adhuc ab eo exiliorem sæpiusque delitescentem & ad uteri cervicem protensum statuit. Unde me arbitro ductus prior *uterinus*, alter *cervicalis* dici non absurde posset. Uterque autem eo fine, quo non tantum in cavitate uteri, sed etiam in cervice, adeoque locis pluribus, pro excipiendâ aurâ seminali canales adessent, fabrefactus à naturâ videretur.

Denuo autem in mentem hîc venit epistola, quam de *conceptione tubariâ* anno 1669. cum hac de ovario humano nova opinio ignota adhuc esset, conscripsimus typisque mandavimus, icon ipsi inserta non duplicem uterum, quemadmodum *Benedictus Vassalius*, chirurgus Parisiensis, Programmatis impressi autor crediderat, sed foetum extra uterum in medio tubæ conceptum ostendit. Jam verò hic foetus non poterat primum in uteri cavitate amplâ concipi, & deinde per



angustum tubæ extremum præsertim renitente valvulâ superius descriptâ, sursum in medium tubæ trudi: contra autem vero magis consonum videtur, principium propagationis suæ desuper accepisse hunc foetum, & illud quidem (sive semen matris, sive ovum animatum fuerit) in mediâ viâ, dum descendebat, hæsisse atque ob impedimentum aliquod ibi substituisse. Singulari certè argumento, non fieri in utero conceptionem, nisi ex testibus aut ovario aliquid descendat. Descensus autem ille non est momentaneus, & qui in ipso coitu necessario contingat: sed potest ad aliquod forte tempus differri, donec nimirum natura foramen per ovarii membranam, quasi quadam specie apostematis paraverit. Unde si primis à coitu diebus vacuos damarum cervarumque uteros invenit *Harvejus*, mirum adeo potest esse nemini: quinimmò perspectâ rei veritate ipsemet *Harvejus*, si hæc attigisset tempora, suos de *generatione animalium* libros, hæc fortassis parte, tantisper fuisset immutaturus.

## OBSERVATIO CXCIIX.

D. JOH. SIGISMUNDI ELSHOLTII.

DE

## GEMELLORUM ORIGINE.

**Q**uantopere hætenus gemellorum origo philosophantium animos torserit, in propatulo est. Qui in cellulas uteri causam retulere quondam, suam in rebus anatomicis prodiderunt ignorantiam. Seminis copia, aut in partes divisio, non explebat etiam mentes acutius cernentes: multo minus uteri paullo major, quàm foeminis communiter esse consuevit, amplitudo. Ita problema hoc inter incerta, ad nostrum usque ævum jacuit.

Meministi vero, *mi Vollgnadi*, haut ita pridem in observatione nostra de ovario humano atque tubis ad Te missâ, pingicellam ovarii unam grandiusculam, & materiâ rubenti spongiæ simili obductam, ex quâ suspicabar tunc, devolutum fuisse ovum pro conceptione gemellorum, quos postremo partu foemina illa ediderat. Profecto hæc in opinione ego roboror indies, & naturæ magnum ibi mysterium videre mihi videor. Illius enim cellæ præ cæteris omnibus capacitas insignis quid arguit, nisi in ipsa hæsisse aut ovum simplex reliquis majus: aut ova duo, cæteris æqualia? De priori si unicum peperisset foetum mater,



mater, nemo dubitaret : jam vero , ubi de gemellis , hoc ultimo partu editis constat , posterius verum esse conjicio, nimirum cellam istam haut complexam esse ovum simplex, sed bina ova, membranâ tantum tenui intersepta, Cellæ enim suis singulæ septis carneis sat crassis, vel ut in iconibus dictæ Observationis nostræ apparet, ab invicem distinguuntur, atque ova ut plurimum simplicia complectuntur : quotiescunque vero in cellâ unâ geminatum ovum hæret, istamque cellam aura seminalis in ecstasi venerêâ attingit, tunc ex ovo illo gemello in uterum devolato, non nisi gemelli, me judice, nasci poterunt. Atque hanc esse veram atque unicam gemellorum originem, huc usque incognitam, arbitror.

Ad trigeminos quod attinet, cellam unam interdum trina (fortassis etiam pro pluribus plura,) ova continere, probabile est : neque absurdè adeo hinc inferretur, in *fæminis Scoticis* esse ovaria eâ fecunditate disposita, ut cellæ pieræque plusculis farciantur ovulis, cum gemellorum atque trigeminorum partus ibi sint adeò frequentes.

(*In literis ad D. Henr. Vollgnadium d. 28. Jan. ann. 1676.*)

## OBSERVATIO CXCIX.

D. JACOBI BARNERI

DE

## ANTIPATHIÆ EXEMPLIS NOTATI DIGNIS.

**R**osas, cinamomum &c. naturaliter quosdam ferre non posse multis constat exemplis, inter rosas hîc Lipsiæ virginem exspirasse animam, adeò floridam ætatem hanc istiusmodi decet tumultus, b. m. D. D. Lange Professor Lipsiensis recenset in *miscellaneis curiosis*. Hæc dum scribo, viro cuidam Illustri tinctura aliqua Oculis suavissima cum spir. rosarum facta offertur, ille sumptis ejus saltem 4. guttis adeò malè habere incipit, ut extra lectum agere vix possit, sanguis ei summoperè ebullit, & vertentibus 24. horis quadragies soluta alvus est cum virium insigni prostratione, ac faciei concidentia. Rosas nec ille ferre potest, ac refert, quoties earum odorem saltem haurit, toties se intensò capitis dolore affligi. Sed hoc vulgare est. Naumburgi civis aliquis est, qui absinthium planè averfatur, ei pharmacopœus ibi aliquis salis absinthii fixi, aliquot grana propinavit, sed absumptis iis non minus consueta symptomata, deliquium, stomachi subversionem passus



est, atque hoc ab iis notari meretur, qui alcalisatis specificam proprietatem denegant. Addi hinc potest, consuetudine sæpè istiusmodi antipathiam contrahi: Anna bergæ novi Concionatoris alicujus, qui caseum naturaliter averfabatur, filios in gratiam patris à caseo se abstinuisset, factum tandem est, ut eum similiter filiique ac prorsus adhorrerent. Fuit apud nos *Elbingæ* Primarius Pastor, qui porcelli aflatæ caput videre non potuit carne licet ejus vesci, modò hoc non sciverit, valuerit.

( *Ad Collectores Ephemeridum mense Febr. Ann. 1676.* )

## OBSERVATIO CC.

D. CAROLI RAYGERI

DE

## LACHRYMIS SANGVINEIS.

**L**achrymabile vivimus tempus, quod si non infanti sed vel cordato Herculi, ut inquit *Hæchsteterus*, lachrymas extorqueret cruentas, quid mirum? Sed parvulum tantum omnium, quæ geruntur, ignarum vobis sistam Heraclitum, sanguinem lachrymantem, non ut rem portenti similem & ominosam, sed tanquam curiosam vestris non indignam Ephemeridibus. Frustra namque sunt superstitiosi quidam, qui ex talibus lachrymis, quas naturalibus ex causis probabimus, malè Reip. ominantur. Non enim tales lachrymæ, sed pessimi mortalium mores DEIque contemptus, ut cum *Barth. c. 1. observ. 1.* pergam, Resp. evertunt. Emendemus in melius mores, ne sponse nihil lachrymæ nocebunt cruentæ, nihil mali portendent. Interim considerandæ omninò & minimè negligendæ veniunt Medico curioso, qui illas inter rara, imò rarissima, naturæ reponit, inque illarum causas inquirat, quarum diversæ hinc inde apud Authores reperiuntur. Nam, teste *Aetio Tetrab. II. f. 3. c. 63.* fit sanguinis eruptio ab angulis oculorum maximè pueris ob assiduos ejulatus ac distensiones apertis circa palpebras vasis. *Dodon. c. 15.* tales notavit in virgine sanguinea, menstruis non obsequentibus, cum sanguis per inferiora expurgandus, factâ regurgitatione ad superiora, per canthum exitum sibi fecit oculorum: In vetula ictericâ per aliquot septimanas sanguinis fluxum ex oculis loco lachrymarum observavit *Forest. l. II. c. 13.* Puella undecim mensium aliàs sanæ, vegetæ, optimè valentis quater distinctis vicibus & die-



& diebus sanguinem lachrymantis meminit *Hæchsteterus Dec. 1. Obs. 1.* Cui planè simile, quid hîc accidit annò 1674. mense Aprili post festum Paschatos.

Viri cujusdam Generosi hîc ad Danubii ripam habitantis filiolus, quindecim vel sedecim circiter mensium, habitu plenò & sanguineò præditus, optimè valens, nihil ante nec post conquestus, post levem commotionem ad ploratum, guttulas aliquot lachrymavit sanguinis, & hoc ter, vel quater in die. Exterrita mulier, quæ curam ejus gessit, Parentibus indicavit, & hî Avo, tertio vel quarto die mihi supervenienti, quoque narrarunt omnes. Ego ut tardioris in talibus so'eo esse fidei, factâ inquisitione diligenti, ab omnibus rem unò ore percipio, in infante nihil, in oculis, in genis, reliquaue facie nihil deprehendo, statim in mentem venit illud *Actii*, & cum alias valdè iracundus sit pulsivo, vehementibusque deditus clamoribus, credo vas aliquod capillare in cantho oculi ruptum, sanguinemque extillasse, salvò manente reliquò oculò, nulloque subsequente in eòdem livore, aut sugillatione, sanguine scilicet non intra, sed extra cutim effluente. Sic cognitâ causâ timor apud circumstantes & ratione significationis, & ratione pueri, qui in hodiernum usque diem vivit, beneque valet, evanuit.

## OBSERVATIO CCI.

## D. CAROLI RAYGERI

DE

## EPILEPSIA INFANTUM.

Sæpius apud nos infantes recens nati, vel etiam ad semestre spatium accedentes, derepentè sine ulla manifesta causa, quandoque cum quanleque sine magnis clamoribus epilepsiâ corripiuntur, emoriuntur, ut suo merito hic *ὀνεια παρόντων* ex *Hippocr* sententia audiat, vix enim denos inter centenos reperire licebit infantes mortuos, qui non convulsionibus, vel illis certè supervenientibus, mortui. Novi in illustri familia aliquot successivè epilepticos obiisse infantes, omnes sex vel septem septimanis à partu, ita ut desperabundi parentes, in proximè nascituro inultionem occipitii, more in Italia, imprimis Florentiæ, receptissimò, instituere decreverint, ad avertendum, vel præcavendum hunc gravissimum affectum. Alios notavi, qui à convulsionibus



bus servati ad primum tamen usque septennium statô tempore singulis annis semper recidivam passi, reliquô tempore benè & extra ullam molestiam constituti. Varias & diversas vulgus promit hujus mali causas, nec minùs operosi sunt Practici, nunc cœli constitutionem, nunc horam nativitatis, nunc cerebri imbecillitatem, nunc aliud incusantes, *vid. D. D. Melch. Sebit. Disp. de infant. & puer. morb.*

Cùm mense Martio anno 1674. Viennæ essem, Mercatoris cujusdam ex primariis, in vicinia ubi diverteram habitantis, filiola 24 septimanarum per aliquot dies alvi profluvium biliosum cum torminibus clamoribusque die ac nocte passa, hoc ipso die suasu adstantium foeminarum, licet satis debilis, purgata fuit *sir. ros. mosch.* Circa vesperam post unam vel alteram operationem, extremè debilitata, in consilium vocor. Vidi statim fatalem instare terminum, & cum epilepsia finem vitæ prædixi, id quod & factum, nam mediâ nocte supervenere convulsiones epilepticæ per tres horas durantes, & alterô die mane mors. Simili planè fatô ante annum ejusdem ætatis obiit ipsi filiulus. Hinc avidus sciendi morbi causam parens petiit, ut interesset apertioni corpusculi; nihil autem in aperto cadavere invenimus, nisi intestina inflata, distenta, vacua, & paucò excremento bilioso, liquido, hinc inde fluctuante repleto. Ventriculis inflatus continebat materiæ pituitosæ spumantis, & quasi adhuc fermentantis quantum binis cochlearibus excipi potuisset. In hanc materiam pater & chirurgus causam funestæ epilepsiæ conjiciebant, quos in sententia reliqui. Mini verò verisimilius visum, infantem hunc, & præcedentem ut & plerosque omnes multo meconio bilioso, quod omnibus recens natis solenne & à me studiosè solet expurgari, abundasse, quâ saburra biliosa insequens nutrimentum fuisse corruptum, & lac coagulatum, unde tormina, & propter exhalantes ad caput vapores malignas, epilepsia. Observavi namque sæpius: si excrementum hocce connatum statim post partum vel robore naturæ vel medicamentis benè expurgetur, infantes præservari, sin minus morbo hoc vel vexari vel enecari penitus. Unde author fui, ut, si in posterum ipsis nasceretur infans, statim parum vel de *sir. rosar. mosch.* vel de *elect. de mann.* exhiberetur. Id quod feliciter etiam suasi Illust. præfatis Parentibus, quippe binis infantibus, quos postea habuere, nihil tale quid evenit, sed salvi & incolumes adhuc vivunt.



OBSERVATIO CCII.  
D. CAROLI RAYGERI.DE  
QUIBUSDAM IN DISSECTIONE RECENS  
NATORUM OBSERVATIS.

**N**on abs re erit Pathologicis interferere Anatomica & inprimis talia, quæ non parum lucis subministrabunt præcedenti observationi. Deficientibus aliquando corporibus anatomiz subiciendis aduultorum, Anatomicus noster *Lud. Gayant. Chirurgus Paris.* satis notus, dissectionem instituit in binis infantibus, justò tempore, sed mortuis, exclusis. Masculus erat alter, alter foemella. Separatâ cute tenella remotisque integumentis abdominis inter binas peritonæi tunicas vasa apparuerunt umbilicalia, vena scilicet in fissuram hepatis sese infinuans. Duæ arteriæ iliacas ingredientes & urachus, ligamentum illud suspensorium vesicæ, nullò modò vel cavus, vel in vesicam pervius, quippe nec inflata vesica elevatus ipse, neque flatus per illum in vesicam pelli poterat, qua ratione ergo infans per hunc urinam deponere, aut per umbilicum mingere queat, non vidimus.

Experimentum facturi, quo modo circulatio sanguinis fiat in embryone, cum is, qui in adulto fieri solet, impossibilis, connivente penitus dextro cordis ventriculo & impredientibus regressum sanguinis in aortam valvulis semilunaribus in sinistro cordis sinu. Immisimus itaque primò per canaliculum flatum in venam umbilicalem parùm incisam, qui redditus per foramen, factum in arteriis umbilicalibus, intumescente prius hepatis substantia. Mox ad meliorem certitudinem per syringam infusus liquor cœruleus, qui intra breve tempus primo ex arteriis cruorem expulit, mox & ipse secutus. Ut ita clarum, venam umbilicalem embryonis communicare cum arteriis uterinis matris, indeque sanguinem arteriosum ferre ad hepar, ubi depuratum, & in nutrimentum commodum pro infante aptatum, per cavam ascendentem mediante foramine ovali paulò supra diaphragma existente, inque hoc subjecto optimè conspicuo, venam intrare pulmonalem, sive arteriam venosam, exinde in auriculam cordis sinistram, sinistrumque cordis ventriculum, ex eo per aortam in omne corpus. Refluum autem vel superfluum per arterias umbilicales iliacis infer-



infertus ad placentam deportari uterinam motu planè circulari, sed longè diversiori, quàm in adultis. Remoto peritonæo intestina cum ventriculo exiguo sub mole hepatis satis magna & ambas hypochondriorum partes replente, vix conspicuo, apparebant repleta meconio nigriori in colo, rubicundiori in ileo. Gustatum à quibusdam adstantibus illud quod in colo erat, amarumque instar bilis deprehensum, quippe quâ parte colon circa hepar annexum fuit vesiculæ felleæ, ibi primò colorem mutavit, apparuitque nigricans & sublividum. Inquisitum num ductus aliquis adesset, per quem immediatè ex vesicula biliaria bilis deponeretur in colon, sed nihil inventum. Conclusum ergo, saluberram istam biliosam tantum per porum cholidochum satis hic conspicuum eo derivari, & longiori mora colorem hunc acquirere, ac proinde, imprimis si peculiari modo corrumpitur, gravissima inferre symptomata. Illud quod in ileo, prima fronte insipidum, sed paulo post ex acido amarum habebatur. In ventriculo nihil erat, quàm mucus quidam insipidus, an rudimentum fuerit futuri fermenti, dubium? Exigua tamen moles ventriculi nos certos reddidit, nihil fortum per os nutrimenti accipere, quod legitima via descenderet in ventriculum, illumque taliter qualiter extenderet, id quod postmodum in alio infante, tribus vel quatuor post partum diebus mortuo observavi, ubi statim grandior ventriculus cum reliquis lactis apparuit. Renes quasi glandule erant conglomeratæ, quod iterum infantibus solenne, secus ac adultis. Renes succenturiati sive capsulæ atrabilariæ magnæ erant, apertæ satis amplam cavitatem & liquoris quiddam atramento similis continebant. Remoto diaphragmate, paulo infra cor apparuit in vena cava ascendente foramen ovale magnum satis, habens insignem valvulam, refluxum sanguinis impredientem, exinde immisso stylo aditus patuit in arteriam venosam, inque sinistram ipsam auriculam, hoc foramen in alio infante tribus vel quatuor à partu diebus membrana clausum vidi. Pulmones parvi, exigui, non admodum rubicundi, instar parenchymatis hepatis vel portiunculæ carnis ex utroq; latere cordis jacebant, in aquam merfi subito fundum petebant, unde constitit infantem in utero non respirare (alias aere distenti fuissent) illumque fuisse ante exclusionem mortuum. Nam si semel tantum extra uterum respirasset, aer in pulmonibus detentus submersionem impedivisset. Ut de experimento certi essemus, immisimus pulmones agninos in aquam, qui superna-



supernatarunt, utcumque incisi sint & aër omni vi expressus fuerit, foetus verò pulmones fundum petierunt. Deinde cum uterque foetus post mortem exclusus sit, & utriusque pulmones toties, quoties immerfi fuissent, fundum petiissent, unum sumimus, perque asperam arteriam inflavimus, unde lobi statim distenti sunt, mox omni conamine expresso iterum flatu natarunt nihilominus, nec mergi potuerunt. Argumentum credo indubitatum ad convincendas infanticidas & indagandam veritatem, an infans in utero mortuus vel demum post partum quocunque modo strangulatus vel occisus? In cæteris visceribus aut corporis partibus nihil notatu dignum occurrit.

OBSERVATIO CCIII.

D. CAROLI RAYGERI.

DE

MALIGNITATE OCCULTA CATARRHUM  
IN PECTORE MENTITA.

**M**Orbi qui ab initio blandiuntur, plerumque mutato schemate sub finem sæviunt, & dum apertè jocantur, occultè jugulant. Quod si de ullo, certe de malignâ feбри dici potest, quam merito *P. Neucrantz. de purp. c. 12.* morbum fallacissimum, *Anton. Menjot.* vaferimum atque versipellem, & *Hæchst.* quovis vertumino mutabiliorem, varias induentem larvas, modo hanc, modò illam faciem formamve mentientem, *Dec. 1. Obs. 6.* appellant, quæ ita quandoque & ingenium & mores suos occultare novit, ut nec lynceis possit observari oculis, semperque quo segniores ciet turbas, eo res ægrotantis deteriori loco sitæ, quoniam furtiva mansione magis radicatur, firmioresque nanciscitur malignitatis nervos, ut inquit præfatus *Menjot. in febr. malign hist. & cur p. m. 49.* Vera hac esse sequens probat historia. Circa finem mensis Aprilis anni 1674. huc venit Hungarus quidam robustæ alias naturæ, nomine *Michael Todt.* Habebat ille nescio quos dolores in pede, unde tamen rectè curatus, remanente aliquâ eorum imbecillitate, quam ex prioribus doloribus proveniente credidit, & neglexit. Non multo post languore corripitur universali totius corporis, cum tussi valdè urgente, & ut apparebat cum gravi catarrho in pectore. Deambulavit hinc inde quanquam languidus, prostrata omnis appetentia, calor nullus, nulla sitis. Dedi, cum diætam

N N

non



non semper observavit bonam, *aquam laxativam* & post *elix. propr. Parac.* unde rediit appetitus, sed tussis exasperata, sumsit *decoct. pector. Zij. mann. el. 3j.* quo quinquies purgatus. Sumta cœna decubuit, mediâ nocte expergefactus, de calore extraordinario & siti vehementissimâ conquestus. Manè ipsum accedens, corpus quidem observo plus justo calidum, in pulsu nil nisi aliquam debilitatem. Circa vesp̄eram vehementissimè delirare cœpit, præposterè ad omnia respondens, corpus summè calebat exterius, lingua arida, vultus torvus, nihil tamen mutatô pulsu. Aperta vena brachii, exhibita sudorifera, alexiteria, sed ille tertio die, postquam delirare incepit, obiit. Latuit sub specie catarrhi malam, diu cum natura alias robusta conflictatum, donec prostratis viribus unô impetu mentem & vitam ademit. Sanguis qui in V. S. mittebatur, floridus erat, nullum vitium notabile habens, quod sæpius in malignitate observavi, & notavit hoc etiam *Menjbt. l. c. p. 57.* Quod miremur, ait, sanguis iste profugus (è naribus scil.) ac plerumque ille ipse etiam, qui sectâ venâ educitur, rutilus optimusque apparet, quod venenosa qualitas sensum lateat, solisque patefcat facinoribus, vel quod venenatæ putredinis foculus altior, strictisque limitibus circumscriptus.

OBSERVATIO CCIV.  
D. CAROLI RAYGERI.

DE

ABORTU BIS VENÆ SECTIONE IMPEDITO.

**M**ulier utero ferens sectâ venâ abortit *Hipp. 5. Aph. 31. & Don. ab Altom. lib. de ut ger. c. 4.* observavi, inquit, absque contraversione ulla, sanguinis missionem utero gerentibus, pro præservatione abortus, fluente vel non fluente ex uteri vasis quibuscumque sanguine multo aut exiguo, in primis vel in mediis sive ultimis mensibus nullo pacto faciendam fore. Rationes, quibus hæc adstruit *vid. in seqq.* quas tamen refutat *Primeros. de morb. mul. l. 4. c. 2.* & cum aliis tempore necessitatis gravidis omninò venam secandam comprobat. Longè quippe alius apud nos sanguinis detrahendi modus, quàm apud veteres, illi enim ad libras sive cotylas, nos ad uncias tantum detrahimus, & sic minimè alimentô suô privatur fœtus, sive minor sive grandior factus; quo respexisse etiam videtur in *aph. Hipp.*



*Hipp. Rod. à Castr. de morb. mul. p. 2. l. c. 3. 21. Holler. in Comment. ad ceph. aph.* Et V. S. abortum bis impeditum sequens probat historia.

Civis hujus loci honesta uxor quartô mense gravida die 18. Maij. anno 1674. in febrim incidit continuam biliosam, cum profluvio alvi, extremô capitis dolore, vigiliis, aliisque gravissimis symptomatibus, sed convenientibus tractata remediis convaluit, & licet semel in brachio & sub lingua apertâ venâ, servatus infans. Quatuor elapsis septimanis, novis corripitur doloribus quasi colicis, quod pro male omine habui, dedi potiunculam aliquam mannatam, ad expurgandam saburram biliosam, quâ scatebat, ac exinde doloribus colicis frequenter obnoxia, sed frustra, quippe statim revomuit. Clysteres curavi applicari ex solo lacte vaccino, quos commendavit. Aliquando inter ingentes dolores sensit aliquid effluere sanguinis per uterum, cui tamen statim convenientibus remediis maturè prospectum. Inde melius sibi habere visa, nonô abhinc die derepente enorme sanguinis cum multa aqua patitur profluvium foetu extremè debili. Præscripsi *pulverem ex mag. corall. smaragd. bol. Arm. & lap. hemat. præp. in vino rubro ter vel quater chalybeato* sumendum. Umbilico admovi carnem bubulam parùm astatam, & aromatibus conspersam, toti ventri imposui cataplasma, ex herbis & rad. adstringentibus, renesque sive lumbos curavi inungi *unguentô Comitissæ cum sanguine drac. & bol. Arm.* ita diem insequentem satis benè transegit. Tertia die iterum sine magnis doloribus aut validis conatibus sanguinis ad sextarium effluxit, jamque ipsa obstetrix diffidere rebus incepit, tantùm sollicita, in procinctu credens abortum, ne post partum enormis, ut jam semel factum, sequeretur hæmorrhagia. Captô itaque ex arena consiliô, ut vel infanti, vel matri succurrerem, suadeo V. S. in brachio & sine mora sanguinis uncias tres extraho. Horâ elapsâ, sensit quoddam quasi exiguum frigus, omnia membra percurrentes, cessarunt omnia symptomata, materque cum infante indies melius valuit. Quatuor elapsis septimanis denuô planè similibus afflicta symptomatibus, adhibita eadem, & omnium rogatu, repetita V. S. cum felicissimo successu. Post tres tamen septimanas, nescio qua ex causa, ad viam commota, accedente etiam aliâ animi perturbatione, inopinatô & derepente abortit puellam perfectam & benè conformatam, quæ absque dubio, si sibi pepercisset, ad legitimum servata fuisset tempus.



## D. CAROLI RAYGERI.

DE

OBSERVATIS QUIBUSDAM IN ICTERI  
CURATIO NE.

**A**E State Anno 1674. cœlō non admodum æstuosō inprimis mense Junio valdē frequens apud nos erat icterus; nunquam plures vel vidi, vel sub cura habui ictericos. Omnes autem eō modō corripiebantur cum gravissima scilicet præcordiorum compressione, morſu ventriculi, naſſea, cibi inappetentia, conſtipatione alvi &c. quæ omnia tandem excepit effuſio bilis per totum habitum corporis. Urinæ uſque ad finem morbi erant ex viridi nigrantes cum ſedimento viridi craſſiſſimo in fundo. In quadam ſœmina ab initio tenues & croceas obſervavi urinas cum dextri hypochondrii tumore, ſed purgato corpore, urinæ ut aliis turbabantur cum inſigni ægrotantis alleviatione. Convalſere omnes ritè tractati & cholagogis bene purgati; V. S. adhibui nullas, cum morbus non in ſanguine, ſed in exſuperantia bilioſi humoris fuerit. Quidam tamen curabant ſibi venam aperire in apice naſi, ad citius proſtigandum ſœdum faciei colorem, quod quidem riſu excepti primâ fronte, cum inuſitatum apud nos, & proverbii locō venerit (ſur dem Sürwik am Naſſen-Spiſſel laſſen.) Inveni tamen, quod *Galenus* inciſiorem huius venæ commendat in continuo dolore capitis, & *Botallus lib. de cur. per ſang. miſſ. p. m. 337.* aſſerit multoties, ſe ſuaſu ac inſtituto Medici cujuſdam Empirici, cum juvenis chirurgiam exercuiſſet, eam adminiſtraſſe in vetuſtis oculorum affectibus, nec non in diuturnis capitis doloribus, utiliorem autem obſervāſſe in naſi rubore, quam in ſupradictis affectibus. Edoctus itaque aliis probatis Medicis uſu veniſſe, licet in aliis affectibus, tentavi quid in hoc valeat. Hinc aliquoties curavi inſtitui, ſed dubiō ſucceſſu, nam æquē citō curabantur ac priſtinum colorem recipiebant, quibus aperiēbatur, quā in quibus intermittebatur. Nonnulli applicabant regiōnī ventriculi tincam piſcem, quam etiam commendat *Schrod. in Pharm. ſua l. V. cap. prop. & ex Kentmanno confirmat Conrad. Geſn. l. 4. de aqu. h. v.* Icterici aliqui tincam viventem alligant umbilico, donec immoriatur, poſtridiē ruruſus aliam, idque etiam



etiam tertio repetunt. Tinca immortua. intus ac foris veluti croco-  
 lincta redditur, & plerique hoc remedio restituntur. Ego autoritate  
 munitus, in nonnullis reiteratis vicibus, applicari jussi, sine effectu in  
 morbo, & sine alteratione coloris in pisce. Quædam tamen aliquando  
 ex adstantibus honesta Matrona, mihi pro certo affirmavit, sibi in juven-  
 tute ictericæ, hoc remedium à celebri quodam Medico fuisse commen-  
 datum, applicuisse etiam unam viventem umbilico; aliasque duas utris-  
 que pedum plantis, perque 24. horas reliquisse. Remotæ, quæ in plan-  
 tis pedum erant, nihil de colore mutaverant, at illa, quæ supra umbili-  
 cum jacuerat, eâ parte, quâ cutim contigerat, tota fuerat crocea. Iterum  
 probavi, & ut dixit illa, per 24. horas reliqui, sed frustra. Erit tamen  
 ulterius probandum, cum tantis viris fidem omnem denegare non pos-  
 sum.

Dùm hæc in chartam conjicio, ad Virum quendam Generosum  
 hujus Civitatis vocor, qui hydropota, ante aliquot dies, in convivio, su-  
 is convivis, variorum sanitatem, aqua præbibens, in horrendos ventri-  
 culi morsus, & cardialgiam incidit præscripsi *aquam physogonam, Manag.*  
*cum spir. arant. spir. nitr. & julepo rosaceo*, credidi, namque à nimia aqua  
 refrigeratum ventriculum, ita flatibus torqueri, sed parùm inde alle-  
 viationis habuit, quievit tamen per noctem. Altero die mane ipsum  
 visitans, totum inveni ex effusione bilis flavo colore tinctum, & icteri-  
 cum, cum maxima admiratione, suasi purgans, quod tamen in crasti-  
 num differre ipsi placuit. Circa vespæram novi invadunt dolores, &  
 superius orificiùm ventriculî instar cordis vehementissimè pulsare cœ-  
 pit, (quem pulsus sive palpitationem ventriculî sæpius jam in colica in-  
 primis nostrate observavi) dedi *st. nitr. cum magist. ocul. 69. perl. corall.*  
 & in instanti omnis evanuit dolor, nec rediit. Reliquias icteri purga-  
 tione & acidulis Egranîs sustuli.

OBSERVATIO CCVI.  
 D. CAROLI RAYGERI.

DE  
 CALCULO PER SCROTUM EXCRETO.

**C**irca festum S. Michaelis anno 1674. nostratis Pharmacopœi ad  
 rubrum cancerum, duorum annorum filiolus dysenteria aliquot  
 diebus laboravit, urinam non nisi cum difficultate & in mini-



ma quantitate reddens, inguinibus & scoto distentis ac duris existentibus. Calculum hic subesse statim prædixi, jussi applicari clysterium emolliens cum multo oleo scorpionum, quibus jam ante adventum meum sæpius usus erat, & altero die dedi laxativum ex *extract. diacarb. Norib. cum aqua frag. tinct. Fri & spir. sal.* quo accepto tam malè se habuit infans, continuo clamabundus, ut clamorosa morte, ceu nostri ajunt, moriturum eum crediderint adstantes. Reiteratum clyisma, & applicata fomenta externa de *melil. alth. malv. par. & saxifrag. sem. lini. fœni gr. & capis alb. rec.* quo dolor parum cessavit, quiescente quidem ad horam unam, vel alteram infante, sed in eodem vigore manente affectu. Catheterem abhorrebant pater & adstantes, cæteroquin nullum supererat auxilium, jamque in septimum diem penitus suppressa urina, quæ jam ante, ut dicebatur, à tribus septimanis parçè nec sextâ parte potui respondens, fluxit. Tentavi candelâ cereâ, vel explorare calculum, vel viam facere urinæ, sed irritò conatu. Ita ad extrema redactus misellus, abdomine jam mirum in modum tumido, nihil amplius videre videbatur, nihil deglutiebat, pedes ac manus tantum parumper movens, dentibusque stridens, hinc metuebamur, ne cum epilepsia ultimum nobis diceret Vale. Ita in agone propè constituti parvuli, exploro inguina, & scrotum, cum jurato hujus Civitatis chirurgus, *Alexandro Schele*; invenimus hocce in sinistra parte, aliquatenus mollius, quam antea, in primis in loco quodam, nummi Hungarici magnitudine. Decrevimus hic lancetta aperturam facere, ne planè prognosticis relinqueretur æger, annuit pater, succedit feliciter, vix enim chirurgus instrumentum intra cutim adegit, ecce profilit urina, instar loturæ carni-um, non admodum saturatæ, ad sextarium unum; Vulnus clausum, & infanti adhibita confortantia. Redii post tres horas, jam melius se habebat, & tanta per emplastrum ligaculumque feri effluxit copia, ut in lectulo super expansum corium quasi stagnaret. Aliquot diebus elapsis, paulò infra vulnusculum à nobis factum sponte natura molitur aperturam, & intra tres dies, dum emplastrum remove vult chirurgus, unâ extrahit calculum pisi majoris magnitudine. Detumuit abdomen, ægrotus melius, in dies valuit. Sed lotium nunquam per locum legitimum; sed semper per hancce aperturam fluxit, quare omnibus modis prospectum, ne in consuetudinem abiret, sed sensim tamen coaluit, per loca legitima successivè profluente urina. Dedi sæpius *decoctum*



*Foresti cum herbis vulnerariis, nihil autem magis conduxit, quam spiritus salis cum sir. de alsh. Fern. sumtus.*

## OBSERVATIO CCVII.

## D. CAROLI RAYGERI.

DE

## ALAPA LETHALI.

**C**Ornu ferire taurum, equum ferire calce, dentes hianti riſu natura dat leoni, inquit Poeta: Pugnat proboscide elephas, rostro aves, aculeo apes, breviter, cuncta propè animalia naturaliter armis suis instructa sunt; solus homo inermis, ut cum rex sit omnium animalium, instar regis apum aculeo careat, magisque prudentia, quam armorum imperio valere sciat. Sed proh! quot furor arma ministrat? Non sufficiunt ex ferro & chalybe facta, ipse suis abutitur membris, sæpè brutorum quam suo generi clementior, nec unâ tantum parte ceu ista animalia, sed propè omnibus corporis partibus alter alteri non lupo, sed Diabolus, qui primus homicida, evadit. Inter omnia autem membra nullum promptius in vindictam & cædem, quam manus, unicum aliàs ad pulcherrimas res instrumentum, non semper armis instructa, sed pugno vel vola ad id sufficiens. Hinc tot alapæ leguntur lethales apud *Beniven. Observ. Med. c. 110. Hild. c. 6. c. 11. Hipp. de morb. vulgar. l. 5. c. 21. Melch. Sebitz. prod. exam. vuln. Th. Barth. in act. Med. anno 1. p. 86.* His & aliis hæc adjiciam.

Orta in vico quodam Austriæ Gundersdorff nominato lite inter duos venatores, senior juniore alapam dedit, hic illam vindicaturus ensen stringit, prohibent adstantes, remque inter pocula componunt, succedit, porrigunt dextras, ille deprecatur, hic condonat; At dum junior dextram conciliandi gratiâ porrigit, seniore volâ in faciem inopinatò ferit, En, dicendo, tibi tuam alapam, statim senex concidit & expiravit. Captivatus alter, & in jus protractus capitis sententiam quidem evasit, ad compedes tamen damnatus, in quibus ipsum vidi in arce prædicti Gundersdorff. Mirabile autem, quomodo levi istâ volæ percussione, nullo alio superveniente symptomate, in uno momento fuerit extinctus. Qui casus alium mihi in memoriam revocat, non quidem funestum, sed tamen notabilem. Civis quidam



dam hujus loci, uxori suæ, post aliquam altercationem colaphum dedit, ut ad proximum scamnum conciderit, lividis manûs vestigiis in genis remanentibus. Octiduô elapso nullis aliis præviis symptomatibus, in hæmoptysin incidit illa adeò violentam, ut intra duas horas ultra quinque libras sanguinis expuerit. Adstantes omnes hunc affectum effectum dixere alapæ inflictæ, quod tamen negavi, nec potuisse causam fuisse asserui, nisi valde per accidens, commovendo nimirum eam ad iram, quâ calefactus & attenuatus sanguis venam rupit pulmonis, & ita cum impetu profiliit, potius tamen ex alia causa fuisse arbitror. Cæterum administratâ V. S. & exhibitô pulvere ex *lap. hæm. præp. mag. corall. & ocul. 69.* iterum convaleuit.

OBSERVATIO CCVIII.  
D. CAROLI RAYGERI.

DE  
GANGRÆNA SPONTANEA TALI  
CUM ASTHMA TE.

**I**lluſtris quædam Matrona *Kopschinnii* in pago trans-Danubiano habitans quinquagenaria diu podagrâ divexata nodosâ, vulnusculum aliquod exiguum in talo dextri pedis, sponte scil. se ibidem aperiente nodô podagricô, jam ab aliquot annis habuit. Die 1. vel 2. Novemb. anno 1674. postquam bene valens cubitum ivisset, de repente noctu corripitur paroxysmo asthmatico, quo ita torquebatur, ut rarissimè decumbere, crebrius sedere, deambulare autem planè non potuerit. Adhibita in principio, quæ adhibenda videbantur. Octavô morbi die, paulò ante adventum meum, iterum corripitur paroxysmo asthmatico, tam vehementi, ut inhibîtâ respiratione expiratura fuerit visa, cui supervenio, frictions & necessaria alia adhibeo, quibus respiratio quidem levior facta, sed sensum in utroque pede ad usque genu abolitum, viderique sibi pedes glaciei instar frigidos querebatur. Continuavi frictions linteis calidis, quin & lateres admovi calidos, ita sensum & calorem acquisivit pes sinister, non item dexter, cujus planta quasi emortua erat, remanente supra calcaneum circa malleolum horribili, & intolerabili dolore; vulnusculum erat lividum, indolens, ex quibus omnibus indubitata signa sphaceli collegi, multus fui totâ nocte, ut tantum dolores demulcerem. Manè adveniente chirurg-



gō dilatari vulnuscum langetta, quin & pedis partem superiorem ad explorandum, an omnis sensus evanuerit, hinc inde scarificari jussi, effluxit sanguis nigricans, & in momento omnis cessavit dolor, applicata deinde quæ sphacelum impedire solent, sed latius vagatus, tertia die ad genu ascendit, jamque & in altero pede eadem mortificationis intrinsecæ & insensationis sentiebat initia, quæ tamen blandissima mors superveniens solvit. Credo cum ultimis mensibus nullos penitus habuerit dolores podagricos, regurgitasse illam materiam seu serum podagricum ad pectus, & generasse asthma, quod autem in pedibus stagnavit, quos tumidos, & aquâ plenos habuit, calorem extinxisse naturalem, sphacelumque hunc introduxisse lethiferum. Observavi namque quò latius serpebat sphacelus, eò magis defecisse asthma, & liberiores fuisse spirandi facultatem. Nihil enim novi in podagra, in primis nodosa, talem fieri metastasin humorum ad partes nobiliores, vid. *Thom. Barthol. de morb. bibl. §. II. p. 65.* Noti mihi, qui epileptici facti & per pediluvia accersita podagra optimè iterum valere. item alius, qui colicâ immani torquebatur, superveniente autem podagrâ nihil penitus sensit.

## OBSERVATIO CCIX.

D. CAROLI RAYGERI

DE

## OLEO LINI IN HÆMOPTYSI.

**M**agnarum virtutum aliàs oleum lini commendatur in peripnevmonia, phthisi, doloribus colicis, maxime autem celebratur in pleuritide, ad stipulante *Gesnero* qui *l. I. Epist. 49.* inquit: Ego multoties in istis pleuritidis doloribus, nihil melius expertus sum, quàm oleum lini propinatum, hocque statim respirationem facilitavit, sputumque promovit. Proinde studiosè apud nos aservatur ad solem depuratum, qui modus optimus & tutissimus mihi videtur, nam clarificatio, quæ fit per lixivium ad mentem *Hæfferi in Herc. med. l. 2. c. 2.* intuta, & quam *Reusnerus* cum cepâ assatâ *Obs. 67.* proponit, ingrata, vix enim non aliquid de lixivii acrimonia aut cepæ graveolentia retinebit. Hungari recenter expressio delectantur, cum dulce omnisque ingrati saporis expers, verum minus salubre est, à re-



crementis & fecibus nondum purgatum. Nonnulli etiam extrinsecus adhibent, ventrem eodem inungendo, aut linteo imbuto tegendo, ad solvendam alvum in constipatione, quod & quandoque cum successu factum recordor, cum oleum lini laxandi vim habeat, teste eodem *Gesnero*. At nusquam adhuc meminisse me legisse, aut observasse, quod conducat in hæmoptysi, fortè à nemine adhuc tentatum. Referam ergo quod à me observatum.

Sub initium anni elapsi 1675. visitavi sæpius foeminam quandam honestam, quinquagenariam, quæ fluxum patiebatur menstruum jam à longo tempore, non quidem adeò largum, continuum tamen. Jam verò catarrho satis molesto divexabatur, cui ex meo consilio medebatur *jusculo ex hedera terrestri, chærefol. pulmon. matrisylv. liquirit. &c.* factò. Aliquando summò mane ad illam vocatus inveni eum stupore ultra mensuram excreti sanguinis floridi, qualis è pulmonibus solet egredi, hunc inter quartam & quintam matutinam sputò rejecerat. Statim curavi aperiri venam in brachio, & dedi, quamvis invitæ *tinct. lap. hamat. aliquot guttas in syr. de symph. Fern.* sed exiguo cum fructu. Nam circa vesperam iterum rediit sputum, & ultra triduum manè & vesperi continuavit. Refractaria erat patiens, & omnia remedia respiciens, obstinatè mortis cupida. Ita anxius, cum ab adstantibus in absentia mariti summopere rogatus, libenter auxilium tulissem, nescio quomodo inter loquendum mentionem feci olei lini, quod ipsi placuit. Suasi; illa statim cochleare unum sumsit, ejusque usum continuando per aliquot dies penitus convaluit. Credidi ex ruptione vasis in pulmonibus ortam hæmoptysin, oleum lini verò vi sua balsamica & emplastica iterum consolidasse. Non sine successu postmodum in aliis tentavi. Nam valdè tum temporis grassabantur catarrhi, & apud plurimos credo, à defluxionibus acerbis & mordacibus subsecuta hæmoptysi, quibus pro sistendo sputo sanguinis tincturam primò lapidis hæmatitæ, mox pro consolidatione oleum dedi lini: unus tamen ex his factus phthisicus & mortuus. Pharmaceuticæ is erat deditus, qui ex esu nucum tam recentium, quam postea aridarum in catarrhum, mox in hæmoptysin incidit, quam excepit, licet omnia, quæ poterant, adhibita, phthisis & mors. Asserebat is mihi se jam semel passum fuisse hæmoptysin in Suecia, cum Holmiæ theriacam dispensasset, & catinum non admodum gravem sine violentia ab igne removere voluisset, sed remissis



remisisse post usum convenientium medicamentorum, jam verò quinquae elapsis annis hinc iterum theriacam dispensaturum eodem denuò correptum affectu. Non penetravi, an huic dispensationi quidquam tribui potuerit, cum parva nec multis indiguerit viribus, potius autem, ut dixi, ex esu nucum contractam tussim, & ex ea propter validam pe-  
 ctoris commotionem, prius consolidatam venam ruptam arbitror.

## OBSERVATIO CCX.

D. CAROLI RAYGERI.

DE

## PHTHISI ET MORTE EX POTU FRIGIDO.

**E**X labore sudanti, frigida potio perniciosissima, inquit *Celsus* l. i. c. 2. quod summa fatigatio & delassatum corpus labore aut sudore (dum pusillus intus relictus calor ad extra expansus, tam magna violentia exsolvitur) extinctionis periculo laboret, affatim sumta frigida, ait *Cald. de Hered. in tract. de pot. var. c. 4.* Inde enim, *pergit*, vidimus familias, quæ mane antiquo splendore illuxerant, vesperi tristi orbitate deflevisse, potu gravissimo, sed eventum misero inopinatam mortem illorum, qui splendoris vanitatem in aquæ summa frigiditate posuere. Hinc etiam *Hipp. 6. epid.* Frigida quæ sunt valdè, venas disrumpunt, tusses movent & destillationes, 5. *Aph. 24.* ex quibus phthisin oriri mortemque sequi præter multorum observationes, etiam sequentes hæc probant.

Ephebus quidam æstate anno 1674. postquam hinc inde currendo multum se fatigasset, haustum sumsit vini refrigeratissimi, nec mora, in tussim & phthisin incidit, ac quamvis omnia adhibita, Domino suo, cui valdè charus erat, nullis parcente sumptibus, spatio decem septimanarum in flore ætatis obiit.

Alius, civis & coriarius hujus loci 36. annorum è nundinis redux valdè tussit, pro catarrho id habuit, & domesticis usus medicamentis, sed cum instaret malum, materiamque puriformem ejiceret, petiit à me consilium. Displicuit mihi statim, dissimulavi tamen, & quæfivi, annon ansam dederit huic tussi? Ille se nescire asseruit, nisi quòd in illis nundinis haustum spiritus vini frigidissimi biberit, unde quidem statim tussierit, non tamen credere se, hanc esse causam. Ego autem



non dubitavi phthisin subelle; dato uxori prognosticò, ordinavi pectoralia varia, sed ille tribus vel quatuor mensibus elapsis macie confectus obiit.

## OBSERVATIO CCXI.

D. CAROLI RAYGERI

DE

*VISUS PRIVATIONE, OMNIUMQUE MEMBRORUM TREMORE,  
EX TOTIUS CORPORIS REFRIGERATIONE.*

**N**otabilis fuit sævities hyemis anni 1670. circa finem mensis Januarii, ubi præcedente aliquâ exundatione tum temporis insolitâ, unâ nocte ita adstrictus glacie Danubius, ut sicco quodammodo pede quis ex una in alteram ripam ire, & ubi heri remos duxit, jam equo vel carpento vehi potuerit. Quodnam majus damnum intulit, inundatio, an inopinatum & rigidissimum frigus, dubium? verum periisse multos, inprimis qui intulam illam Danubialem e regione urbis incolunt, aquis singulis momentis crescentibus, & ingruente nocte; sed & non paucos, qui in excelsioribus domus partibus, vel arboribus irruentem vim aquarum effugere conati subitaneo frigore toti madidi vel extincti, vel ita destructi, ut digitis in manibus, pedibusque mutilari opus habuerint. Fortè civis hujus urbis viator, ut ligna pro opificio suo necessaria, & in loco quodam Danubio vicino jacentia, salvaret ex undis, ultra tres horas quandoque usque ad axillas in aquis mansit. Domum reversus penes fornacem fortiter calefactam decubuit, statim lassitudinem sensit omnium membrorum. Aliquot diebus elapsis in singulum incidit tres dies durantem, inde restitutus, intra anni spatium visum in sinistro, mox in dextro amisit oculo, utrisque tamen externè bene constitutis. Post triennium articulorum doloribus horrendis corripitur, quibus supervenit tremor perpetuus in hunc usque diem durans. Multa ille adhibuit, quibus dolores ad tempus mitigavit, non sustulit. Præteritâ æstate & à me petiit consilium, dedi varia iterum pro leniendis tantum doloribus, sed in senili laboribusque exhausto corpore plura efficere nequivi. Originem autem sumxisse malum ex ista corporis refrigeratione extra dubium, cum constet non tantum ex veterum historia,



storia, verum etiam ex recentibus, quantum damnum soleat inferre talis corporis refrigeratio. Certè retulit mihi persona illustris, quod ex Candia rediens naufragium passa, ita membris contracta, & quasi paralytica facta sit, ut difficulter Paduæ in integrum restitui potuerit.

## OBSERVATIO CCXII.

## D. CAROLI RAYGERI.

DE

## EPILEPSIA APOPLEXIÆ SUPERVENIENTE LETHALI.

**N**on infrequens aliàs apud nos est apoplexiæ supervenire epilepsiam, eventu quandoque bono, quandoque malo, ut multis exemplis probat *D. D. Spinaler. in observ. suis propediem edendis.* Hòc annò pelliionis cujusdam filius 12. annorum, diu, antequam ipsum inviserem, ægrotans, unò vel alterò à me sumptò medicamentò convalescere visus, redeunte appetitu, viribus, colore faciei &c. Ita constitutus derepentè aliquando in brachii dextri enormes incidit dolores. Jussi fumigari *thure, agallocho, myrrha, &c.* Cessavit dolor, sed manus intumuit, curiosius palrans tumorem, materiam subesse deprehendi. Commisus curæ chirurgi, qui legitime tractavit, & factâ aperturâ, magna copia puris effluxit, consolidatum vulnus, motusque rediit. Hæc cum aguntur prægresso levissimò dolore, paralyti corripitur totius lateris sinistri, institui frictions, cum linteis calidis, aquis arthriticis, unguentis appropriatis, sed sine fructu. Alterò die supervenit epilepsia gravissima, quâ sinistrum tantum latus, quod aliàs immobile, mirum in modum convellebatur, dextro, toto durante paroxysmo. immobili ac quasi rigido manente. Finito paroxysmo, iterum motus rediit dextræ, mansit immobilitas sinistræ, ægrotus melius se habuit, comedit & totâ nocte dormivit. Hoc in tertium continuavit diem, semper circa horam secundam redeunte epilepsiâ planè eodem, ut dictum, modo: Dedi *laud. opiatum*, & continuo suppressum malum, nec amplius rediit, usque ad finem vitæ, qui post aliquot dies secutus. Morbi enim longitudine confectus, viribusque exhaustus, placidè vix advertentibus adstantibus obiit. Credo paralyseos causam fuisse materiam, quæ in dextra per suppurationem fuit evacuata, hic autem nervis impacta hæsit, motumque impedivit; cur autem durante convulsio-



ne immobile manserit dextrum, convulsum autem fortissimè atque hinc inde jactatum sinistrum latus, non video, nec satis capio.

## OBSERVATIO CCXIII.

D. CAROLI RAYGERI.

DE

CATARRHIS ANNO M DC LXXV. PER AUTUMNUM GRASSANTIBUS.

**I**nter morbos hyemales & vernaes gravedines, tusses, catarrhos, raucesines numerat *Hipp. 3. aph. 20. & 23.* At insolita apud nos hoc anno aeris temperatura, insolitos etiam introduxit morbos. Nam per totum Septembrem mediumque Octobris mirum in modum catarrhis vexabantur nostri, ausim dicere nullam domum in urbe vel suburbio fuisse exemptam, quandoque in una, tres, quatuorve inventi simul catarrhosi, & si qui levabantur, alii statim in locum succedebant. Invadebant autem omnes eodem propè modò, cum rigore & calore 24. horas sat vehementer quandoque durante, plerisque metu gravioris mali V. S. imperavi. Solutò calore, vel coryza, vel tussis, vel inflammatio in faucibus apparuit. Omnes propè coryza vexavit, quâ cessante salvi evasere & incolumes. Mortuus inde nemo, quantum scio, quanquam plurimis metum mortis injecerant, quos tantâ, ut dixi, violentiâ aggressi. Causa fuit, tota æstas pluviosa, insequens autumnus inæqualis, modò serenus, modò pluviosus instar Martii vel Aprilis, hinc etiam tales orti morbi, qui vernali aëre, potissimum apud nos, inæquali, frequentes esse solent. Nam rectè *Hipp. 3. aph. 7.* Qualem temporis statum effecerit annus, tales ferè morbos oportet expectare. Communem autem fuisse causam, vel exindè probari potest, quod non tantum hîc loci, verum & Viennæ, per totam Austriam, in Silesia, imprimis Vratislavia, ubi tamen vix unquam aut rigor aut calor præcessit. imò ausim dicere per totam Germaniam, ut nobis relatum, fuerint grassati.

## OBSERVATIO CCXIV.

D. CAROLI RAYGERI.

DE

SERO LACTEO V. S. EXTRACTO.

Non



**N**on tantum sanguis post V. S. sed & ei circumfusus humor à similitudine illius, qui lacti inest, serum vocatus, considerandus. Nam ex ejus vel quantitate, vel paucitate, vel colore, sua sumet Medicus instantium morborum aut prædominantis humoris, vel, ut quidam amant loqui, admixtæ heterogeneitatis in sanguine indicia. Hinc si serum quantitate excedat, hydropem, hydrocelen, lenterias, diarrhœas, diabeten, syncopen, asthma, catarrhos, aliosque gravissimos morbos efficit, quorum catalogus variorum medicorum observationibus assertus videatur ap. *Schenck. in disp. de sero sanguin. c. 6.* Ratione coloris tot species, quot in corpore humores constituit *D. Jessenius in jud. de sang. V. S. dimiss. p. m. 18.* & cujuscunque humoris excessum notari vult colore. Rubicundiori sanguinem, pallentiori pituitam, flaviori bilem, nigricanti humorem atrum. At *D. Schenck. in prælaud. disp.* colorem habere nullum & minimè esse coloratum, quin potius intrinsecè, secundum suam substantiam consideratum, unum esse inquit, vultum tantum non simul animam mutare, nec gravari peregrina videri veste, & delectari dominorum suorum coloribus, quorum comitia sequatur, munere autem suo sanctum polymitham iterum deponere, sicque pro vario corruptionis gradu & tinctura modò biliosum, viride & lividum, atrabilarium, modò lacteum apparere cum *Riolano* statuit. Et quidem ex viridi flavescens ut plurimum videtur, cæteris sub coloribus rarius. Lactem observavit *Marc. Donat. l. 1. c. 4. de hist. med. mir. Barth. c. 13. de lact. Ther.* in puella, quæ ante V. S. lac biberat; cum *Ol. Wormio* autem sæpius in cachymicis & scorbuticis. Ego aliquoties etiam notavi, in primis autem hoc anno in persona quadam illustri, sana & obesioris in V. S. sc. vernali & autumnali, sanguine cæteroquin optimò, & floridò existente, & licet Westphaliâ oriundus prædictus Dominus, quo in loco sat communis esse solet scorbutus, in hoc tamen optimæ constitutionis, & temperamento planè sanguineo prædito nullum præterea apparet scorbuti signum. Proinde non possum illis suffragari, qui ex isto albido colore, vel caloris nativi extinctionem, aut depravatam concoctionem mortemque præsentem ominantur, cum non ille modo, verum & cæteri, in quibus observare licuit, sani, boni habitûs, plethorici, nullisque morbis obnoxii fuerint. Hinc potius credo, à copioso nutrimento ortum habere, nilque esse aliud, quàm portionem chyli sanguini



guini nondum penitus assimilata, per venas ad cor refluam, ut penitiorum mutationem experiatur, hanc autem unam cum sanguine extraham serum, ut dictum, per se coloris expers, ad omnes tamen colores recipiendos aptum, eluere, prout alia in sanguine contenta, sicque ut à bile flavum vel viridescens, ita ab hoc in sanguine redundante lacteum acquirere colorem.

## OBSERVATIO CCXV.

D. CAROLI RAYGERI.

DE

## SERPENTE EX HOMINE POST MORTEM PROREPENTE.

**S**erpentes in luporum senio confectorum renibus reperiri, & progressu temporis ita fieri virulentos, ut tandem eos interimant, seque duos uno in rene observasse, quorum alter pedis, alter pollicis æquavit longitudinem tradit *C. Steph. l. 7. agric.* Ex fetis equarum alii, ex capillis mulierum *Avicenna* & in primis capillis menstruatarum *J. Bapt. Portal. 2. mag. nat.* Ex medulla hominis mortui tota propemodum credidit vetustas, & quemadmodum ex putrefacto bove apes, equo vespas, asino scarabæos, ita in humano corpore ex confluyente sanie, quæ est circa medullam, & in unum coalescente, angues nasci vult *Plutarchus*. Hinc *Ovidius*:

*Sunt qui cum clauso putrefacta est spina sepulchro.*

*Mutari credunt humanas angue medullas.*

Vid. *Camer.* qui uno vel altero exemplo hoc illustrat, in *hor. succ. c. 11.* At nec desunt serpentum in vivorum corporibus natorum & exercitorum exempla; ut superiores seculorum historias taceamus, notabile quod *Casp. Bauh. in append. ad part. Cesar. Franc. Rouffet.* ex *Matth. Cornace de Anna Tromperin* refert, quæ circa festum D. Johann. Bapt. puerulum unam cum duobus serpentibus enixa.

Memorabilis quoque casus adolescentis illius Argentinensis, qui anno 1617. 8. April. circa primam pomeridianam mortuus in loco quodam clauso adjacente vivo serpente, à domesticis fuit inventus, quem totum eleganti dissertatione prosecutus *D. Melch. Sebizius*, ubi prolixè non tantum similes historias lectu dignissimas ex variis authoribus



ribus proponit, verum etiam, an, quomodo, quibus in corporis partibus serpens generari possit, agit. Hisce jungendum omnino duxi, quod hic in vicinia ante quatuor vel quinque annos in oppido *S. Georgii* secundo abhinc lapide accidit. Sutor quidam pauperculus, extra urbem in loco quodam, qui *Neustift* vocatur, habitans, per multos annos horribiles in corpore sensit cruciatûs, multos coosuluit, multa adhibuit, sed omnia frustra, tandem cruciatuum impatiens arreptô cultrô suo sutorio locum dolentem infra ventriculum stultè sibi aperturus, vulnus satis magnum inflixit, unde mortuus, habitâ prius facti ex impatientia pœnitentiâ. Impositum sarcophago, operculo probè tecto, contemplanturus fortè supervenit quidam vulnus & mortuum. Ecce remoto operculo, serpentem cum stupore egressum ex vulnere observat, brachii longitudine, & duorum digitorum crassum, & quadri-duum superviventem, Hæc mihi civis & chirurgus ibidem honestus *Gabel Nordermann*, qui sutorē istum, non tantum vivum noverat, sæpius ab ipso, ut consilium ferret requisitus, sed & post mortem vulnus inspexit, serpentemque in manibus habuit. Ita post mortem in notitiam venit, quod vivum affixerat, & demum agnitus morbus, cum serum nimis illi fuerat mederi. Cæterum serpentes illi in renibus luporum observati à *C. Steph.* mihi in memoriam revocant binos illos vermes in rene canis inventos *Parisiis*; cum enim aliquando in cane satis magno animi causa extispicium instituissēmus, occurrit ren dexter magnus naturalem figuram excedens, pinguedine undique tectus, quæ tamen pinguedo non erat, sed duplex aut triplex membrana albicans, ad tactum durior, cæterum a lipem egregiè mentiens. Dissecta illa nullum apparuit parenchyma, sed insignes duo vermes. Alter duarum spithamarum longus digitô minori crassior, colore rubeus, ore exerto & hialcô, qui omnem parenchymatis substantiam absumsisse visus. Alter minor lumbrici forma, sed eò longior, colore albicantior priori, cuti pellucida, adeò ut intus filamenta quædam alba, quæ primò pro aliis vermibus habuimus, postea verò intestina, vel quid simile miræ longitudinis & decuplo longiora ipsô verme, fuisse credidi, conspici potuerint; cubile hic habuit extra renem, in sacculo membranoso, uno pollice lato, intus satis capaci, eâ parte, quâ ureter exire solet, progredienti, in quem tandem iste sacculus desit. Reliquum renis deforme, pallidum, exsangue, nullo modo renis formam vel figuram referens, carunculas



intus habens duas, & præter naturam constitutas. An & hi angues fuerint, & suo tempore aliquando venenati futuri, vel an hoc lupis tantum solenne, non disputo. Notabile tantum tantæ longitudinis vermes in rene canis fuisse repertos.

## OBSERVATIO CCXVI.

D. CASPARIS MARCHII.

DE

## ABSCESSUS FISTULOSI IN FEMORE MEDICAMENTO ANTIMONIALI CURATIONE.

**C**ivis quidam Gryphiswaldensis pictor, in parte femoris internâ tumorem abscessui similem animadvertens, consilium aliqujus balneatoris imploraverat, qui ipsum sudatorio imponens, sanguinis æstum insignem atque inflammationem tumoris hoc ipso excitavit, cui mederi frustra tentavit. Relicto vero isto pseudo medico, chirurgo expertissimo curandum se committit, at vero is abscessum hunc cuniculos jam tum fecisse sentiens, frustra adhibitis remediis sibi familiaribus, difficilem futuram curationem prævidit, adeoque medicum aliquem in consilium adhiberi postulavit. Accersitus ego, foramina aliquot fistulosa, jam tum in parte istâ femoris deprehendo, & inflammationem vel adpectu horridam, quare interna remedia nonnulla, qualia Practici celeberrimi commendant, præscribo, quibus etiam sedulo æger fruitur, chirurgo interim externis appropriatis, quod suum erat, peragente, sed frustra laboravimus ambo, quin ulterius sub cutē serpere malum, atque in ipso etiam perie fistulas oriri vidimus. Accidit autem, ut dum vespērâ quâdam chimica perlustrò scripta, de *tincturâ seu extractione aliquâ antimonialî* mira prædicari lego, & in specie, *si mediante hoc extracto cerevisia antimonialis pararetur, omnia ulcera etiam fistulosa & pessimi moris sanari*, externè saltem vulgaribus emplastris temperatis & defensivis adhibitis. Actutum concludo, fieri per gratiam divinam posse, ut hoc medicamenti genus etiam ægro meo plurimum conducere; paratum ergo omni studio *extractum* ejusmodi, jubeo infundi *cerevisiæ adhuc fermentanti*, cado tamen jam tum infusæ, quam, ubi deferbuerat, claram & in sapore ne tantillum immutatam bibit æger inter cibandum, jussi tamen, ut *unâ vice non excederet mensuram dimidiam, sive libram j. civilem*. Mirum dictu, quantum



quantum inde commodum intra paucos dies experti sumus, ichorosa materiâ probè emendatâ, sedatâ inflammatione & consolidatis sensim fistulosis canaliculis, quo super effectu ipse chirurgus lætus obstupuit. Vix decem præterierant dies, ubi restitutus ferè in totum vir ille videbatur, qui ob id gaudio plenus, amico qui ipsum inviserat, gustandam præbet cerevisiam, unde tantum expertus erat fructum, cujus sapore indifferenti, immò aliquantulum suaviori, illecti, largius de eâ biberunt, adeo ut fateretur æger, se *ultra tres aut fortè quatuor libras* ejus exhausisse, sed infelici successu: excitato enim insigni sanguinis & spirituum fervore, inflammatio in femore recrudit, ac purpureo suo colore nos die sequenti valde perterrit, Intellectâ autem causâ, non despondi animum, sed quieto saltim animo & corpore esse jussi, ac de cerevisiâ istâ hoc & sequente die inter epulas saltem tibi bibere, quo facto mox evanuit inflammatio, & paucos intra dies felicissimè sanatus fuit æger, sine ullo deinceps incommodo vivens.

## OBSERVATIO CCXVII.

## D. CASPARIS MARCHII

DE

## SCABIE ANTIMONIALI MEDICAMENTO BREVI CURATA.

**A**ccidit etiam in primis praxeos & professorii muneris mei annis Gryphiswaldiæ, ut in pago quidem Pastor consilium meum requireret, pro *Studioſo*, liberorum suorum informatore, scabie universali malignâ & crustosâ laborante, adeo ut quæ lectum sterneret ancilla, singulis vicibus squamarum deciduarum manipulum non exiguum cerradere posset, unde parum à leprâ aut elephantiasi discrepare hoc malum censebatur. Ego antimonialis medicinæ vim mundificatiyâ exploraturus, nullum prorsus aliud remedium commendo aut exhibeo, præter tincturam aliquam antimonii, quam ipse paraveram, vomitiyæ facultatis, aut dejectoriæ prorsus expertem. Vix quatuordecim dies elapsi, ubi me iterum in visens Pastor, lætus narrabat, Studiosum illum hoc solo medicamine, sub benedictione divinâ plenissimè sanatum esse, & mundo nunc ubique corpore incedere,



## SCHOLIION.

**H**Abemus hic bina exempla de virtute mundificativa medicamentorum antimonialium, quorum istud, quod in priori observatione adhibitum, non caruit virtute emeticâ, quam, si ad XXX. aut XL. gutt. in dosi quis adscendat, luculentissimè ostendit. Speculatione curiosorum omninò dignum videtur, quomodo effectum ejusmodi edere possint hæc antimonialia medicamina. Probabile minime videtur, id fieri posse per solam sui consociationem cum sanguine & lymphâ vitiosis: quam enim facultatem alterativam fingere vellemus, quâ mediante exigua medicamenti quantitas massam sanguinis integram, aut totum laticis flumen corrigere, & ad pristinam bonitatem reducere valeret? ut taceam, quod etiam ea antimonialia medicamenta, quæ fixissima sunt, atque indissolubilia, ut est antimonium diaphoreticum, & alia, virtutem correctivam ferè similem exferant, de quorum cum sanguine unione magis adhuc, nec immeritò dubitare possumus. Qui cum *Helmontio* ægritudines omnes deducunt ex Archæi vel errore vel furore, tribuent forte cum eodem autore vim quandam astralem adeoque & influentialem hujusmodi remediis, quâ reducere eum ab errore, vel ejus sedare furorem possint, idque ob certam quandam convenientiam cum vitæ Archæo aut singularem hujus complacentiam cum medicamine. Ast magnâ hic iterum urgemur difficultate, quandoquidem nonnulla antimonialia in dosi saltem exiguâ commodum præstant, in auctiori incommodum adferunt, uti in primo casu cerevisiæ antimonialis moderata & largior assumptio ostendit, unde sat probabiliter deducitur, non posse statui convenientiam singularem istius medicaminis cum Archæo nostro, utpote qui ob dosin auctiorem mox indignationem concipit, secundum quam pessimos effectus edit, & producta creat vitæ aut sanitati valde adversa. Respondebunt equidem *Helmontiani ex tract. Natura contrariorum nescia* §. 44. quod remedii appropriata convenientia præsupponat proportionem tam in gradu quàm quantitate: sed hæc obscuriora sunt, quorum elucidationem aggredi in præsens non præsumo, sed aliis in Illustri Collegio nostro viris Curiosis, doctioribus, & ad speculandum plus otii habentibus, istud, propositamque quæstionem, quo operandi modo hæc antimonialia medicamina salutare istos aut insalubres effectus



effectus, edant, discutienda relinquo, favori interim omnium & singulorum me sedulo commendans.

[In literis ad Dn. D. Fehrium, 29. Jan. ann. 1676. Berolini Svinfurtum.]

## OBSERVATIO CCXIIIX.

DN. ERICI MAURITII.

DE

NOVO CONTRA PODAGRAM REMEDIO, ET LAPIDIS LAZULI VI ELECTRICA.

AD

D. SEBASTIAN. SCHEFFERUM.

Amice pl. honorande,

**L**iteræ Tuæ rectè mihi traditæ sunt. Legebam tum Belgico sermone conscriptum, nuperrimè mihi ab homine amico & curioso transmissum librum, quo indicatur *repertum* tandem in *India Orientali contra podagram remedium*. Cum sciam, nondum ad vos pervenisse librum, nec dubitem ejus Te argumentum libenter intellecturum, id breviter exequar. *Hermannus Busscopius Ultraject.* & per XX. amplius annos, Ecclesiæ, in urbe Batavia, quæ Belgarum in India primaria est, Pastor, ad directores Societatis Indicæ Amstelodamensis Cameræ, literis ex ipsa Batavia XXX. Jan. anni 1674. scriptis, ac per filium unicum ex India reducem exhibitis, rem certam esse ait, atque seipsum aliosque plures eo remedio convaluisse. Decubuerat ipse ante annos quatuordecim ex isto morbo, ut sæpè alias, quo antehac patrem & avum, cum justam ætatem nondum attigissent, amiserat: decubuerat autem solito vehementius; cum adversus ingentes dolores consuetis remediis nihil proficientibus, advocat mulierem ex *Quinam* oriundam, quæ peritiæ medicæ documentum in familia ipsius, curatis, præter filiam ex desperatis morbis, mancipiis aliquot, jam ante dederat. Illa rogata, an sciret adversus dolorem ipsius remedium; se verò scire, & tale quidem respondit (modo levem inustionem pati velit) ut verendum non sit, ne aliquando redeat. Ipse negare primum pati se velle hujusmodi aliquid; crescentibus tamen doloribus, haut difficulter tandem admisit. Adest ergò illa, bacillis quibusdam aromaticis, & sub-



stantiâ quadam lanuginosa instructa, eam Indi *Moxa* vocant, paratur autem peculiari & secreto artificio, à *Chinensibus* præcipue sed & à *Japonensibus*, licet non perinde egregia, ex herba nobilissima, cujus nomen quoque ad Europæos emanare nolunt: frequentissimum ejus per multa Orientis regna commercium esse perhibet *Busscopius*: *Moxa* hujus particulam, piso non majorem digitis in conî formam aptat, cujus basin cuti, ea parte, quâ dolor præcipue urget, applicat, mox cereum poscit, bacillisque aromaticis *moxæ* apicem accendit, cujus pars una in cineres resolvitur, altera se cuti applicat, quam in cineres abire vetat, quæ a cute extrahitur humiditas. Hæc operatio aliquoties, plerumque tamen ter solum repetitur, sine insigni dolore, cumque ipsi pluribus locis remedium hoc applicasset, tota operatio intra dimidiæ horæ spatium absolvebatur. Motum humorum intercutaneum, celerrimum, sensu & oculis se deprehendisse, ait, dolores verò omnes confestim cessasse, odorem interim tetrum exspirasse locum affectum perhibet, inde mox incidisse in lomnum diuturnum, quo per septimanas aliquot caruerat; alterâ die experrectus præter tumorem pedum nihil mali sensit, sed & illi mox detumuerunt. Ex eo per menses XXVII. nullum podagræ indicium se animadvertisse scribit, nec deinceps inde nisi leviter admodum ægrotasse; semel omnino ante annos IV. febrem acutam (quem morbum sibi ultimum fore existimabat) in podagram vehementiorem desiisse, magno suo gaudio, utpote qui morbi illius medicinæ jam certus esset. Commemorat porro cunctis profuisse aliis, quibus autor fuerit hoc utendi remedio, quod nunc & venditur *Ultrajecti* in ædibus *Joannis Busscopii Advocati & Scholæ Correctoris*. Mira sanè res! si fortassis eorum, qui apud Vos materialia, ut vocant, vendunt, *Moxæ* hujus aliquid è Belgio acceperit, partem ejus exiguam, meo are redemptam, mihi rogo, trans-  
mitte.

De lapide *Lazuli orientali* observavi, vim ipsi inesse electricam, cujus beneficio, vi illâ leni frictione, quali in succino utimur, provocatâ, manui eâ parte, quâ *salvatella* est, adhæret. Habeo gemmas ejus generis orientales antiquis figuris inscriptas sex vel septem, quæ id singulæ præstant, quædam etiam tamen firmiter cuti adhærent, ut à manu decem & pluribus vicibus inversa non excutiantur. Cum alibi non perinde adhæreant, duo ista inde probari mihi videntur: i.

*Salva-*



*Salvatellam* præ cæteris venis attrahere melancholicum humorem, veramque esse antiquorum, quod & recentibus experimentis constat, sententiam, in morbis lienis illam rectius quam alias aperiri. z. Agere medicamenta quædam electivè, cujus eximium argumentum est, quod ita agere illa in dissecto cane vidit *Regnerus de Graef*, ut quidem ipse testis est in *tractat. de succo pancreatico*. Proximis diebus his experimentum feci lactis in sanguinem vel saltem humorem sanguini similitum mutandi, quod & intra horæ quadrantem successit; multum in hoc experimento ad ostendendam chyli in sanguinem mutationem ponderis esse videtur. Vale & salve Scrib. Spiræ 12. Febr. 1676.

(*Dn. D. Schefferus ad Dn. D. Febrium, Francofurti Svinfurtum mense Februar. ann. 1676.*)

## OBSERVATIO CCXIX.

## D JOHANNIS FRIDERICI HULDENREICHII

DE

HEPATĒ INSOLITĒ MAGNITUDINIS PENDENTE  
QUATUORDECIM LIBRAS CIVILES.

**U**Xor Johannis Kepleri, textoris Vracensis, ætatis 45. annorum, temperamenti biliosi, per aliquot mensium spacium sub dextra axilla facta à natura quasi fontanella ulcus aluit, ex quo materia quædam alba cum flavedine permixta interdum copiosè fluebat & tuebat: Hoc cum à chirurgo (quod hujus pertaxa amplius ipsi exitum concedere nollet) imprudenter nimis meo judicio consolidatum esset; paulò post dolorem circa hepatis regionem sentire cœpit gravativum, cum ciborum fastidio, vomitu interdum bilioso, nec non siti, quâ premebatur, intensâ, cum insigni tumore quem digitis tangere licebat, dextri hypochondrii, eâ potissimùm parte, quâ hepar ventriculum ambit.

Ego in consilium vocatus, postquam prognostico ancipitis & exiguæ spei me præmunivissem, artis præsidia arripui, remediis que tam internis, quam externis curationem auspicatus sum; sed sine fructu, & exiguo cum levamine.

Nam cum symptomata indies graviora fierent, dolores non remitterent, præprimis autem tumor, à topicis nec emolliri nec discuti posset,



posset, icterusque totum corpus subito invaderet & occuparet, medicamentorum usum porro sibi salutarem fore dubitabat; proinde ab iisdem planè abstinuit, sola aqua confortativâ, quâ per vices ex cochleari utebatur, contenta.

Interim in sellâ dextro latere versus terram déclinato (à pondere & mole tumoris istius hanc miseram retrahente, & fermè opprimente) dies noctesque sedens, crebris & reiteratis gemitibus blandam animæ à corpore ἀνάλυσιν à Deo exoptavit, quam etiam ab ipso impetravit.

In tumoris hujus ad aspectum & tactum protuberantis causam cum inquirere animus esset, apertionem cadaveris à marito & amicis, precibus & persuasionibus (quanquam initio omnes reclamarent,) tandem extorsi.

Cum itaque opus aggrederer, & circa parenchyma hepatis, tumoris indagandi gratiâ, occuparer, illud cum stupore & admiratione tam vastum ac mole ponderosum videns adstantibus monstro, qui perterriti vix oculis fidem habebant.

De pondere autem certior fieri volens, monebam chirurgum, ut extraheret, & totum scirrhosum repertum, pendebat *libras quatuordecim* civiles. Cæterum in mesenterio adhuc carnosâ excrescentia, magnitudine caput infantis æquans, conspecta & detecta fuit.

Reliqua viscera à nativa bonitate nil defecerunt.

Sequentia in viro quodam honesto hujus urbis, cujus nomen erat *Urbanus Walcker*, notavi.

Hic ex vitio hepatis per annos duos, maximos dolores perpeffus est, nil quicquam proficientibus medicamentis. Ex hujus umbilico sæpè materia alba & serosa stillabat; qui tandem fatis concessit.

Post mortem aperto cadavere hepar induratum grande & in gibba parte ultra triginta diversæ magnitudinis ulcuscula habens, inventum est; quæ aperta & dissecta, similem, prout ex umbilico fluxerat, materiam, cum foetore tamen aliquali conjunctam, fundebant; in parte autem cava, abscessus, vesicula propria inclusus, magnitudine ovi gallinacei deprehensus est.

Lien solito minor. Renes, quoad substantiam carnosam in totum consumpti erant; relictis tantummodò involucris seu integumentis illorum.



## OBSERVATIO CCXX.

D. JOHANNIS FRIDER. HULDENREICHII.

DE

*CALCULO IN VESICULA FELLIS.*

**M**ulier quædam ætatis 61. annorum, uxor futoris cujusdam Vra-  
censis à multis annis de atrocissimis, quos per intervalla sen-  
tiebat in abdomine, doloribus conquesta, cum quodam die  
maritum comitem habens, negotiorum causâ proximum pa-  
gum peteret, inter eundem iisdem correpta doloribus, alvi exoneran-  
dæ gratiâ, ad arborem multis virgultis circumseptam, non procul à ripa  
fluvii stantem, confidere coacta fuit.

Interea maritum viam prosequentem, subito magno clamore vo-  
cat, seque viperam per alvum rejecisse constanter affirmat; qui accur-  
rens, factò strepitu inter virgulta, viperamque (quæ procul dubio ibi-  
dem loci delituerat, prout exitus historiæ docebit) in fluvium sese im-  
mergentem videns, mulieri postmodum majorem fidem habuit, præ-  
sertim cum jurato omnibus rem ita se habere, affirmaret,

Cum autem ventris tormina etiam post exclusam, uti opinabatur,  
viperam non remitterent, sed per intervalla iisdem; ut antea passioni-  
bus recurrerent, aliam adhuc vivam viperæ prolem in ventre domici-  
lium habere, firmiter sibi persuasum habebat; hincque farciminis instar  
sæpè per intestinorum contubernium circumgyrari aiebat; quam licet  
interdum manibus apprehenderet, statim tamen rursus iisdem sese  
subduceret, & evanesceret; nec ullis rationibus, ut contrarium statue-  
ret, flecti potuit.

Affectus iste, cum miseram (quod aliquoties vidi & observavi) in-  
vaderet, ambabus manibus ventrem comprimendo, pedibusque tre-  
mendo, tanto clamore & ejulatu ædes replebat, ut etiam extra easdem  
in vicinia longè exaudiri potuerit: firmiter credendo, dolorem hunc  
immanissimum & laniationem intestinorum à viperâ veneno emis-  
so excitari; fidemque adstantibus hoc ipso conciliabat majorem, dum  
diceret, se sæpius vexari his tormentis, cum jejuna esset; quamprimum  
autem lac tepidum hauriret, vel jusculum sorbillaret, aut panis frustu-  
lum comederet, venenatam in ipsius ventre hospitantem bestiam pla-



cari, doloremque exinde mitigari; præsertim cum sedato illo munia domestica rursus obire posset.

Multi super hac re variis opinionibus distracti; quidam uteri symptomata, alii lienis affectum, nonnulli colicam biliosam accusare solebant. Reliqui, nescio quid morborum apparatus in abdomine delitescere arbitrati, singuli suo, tam Medici (à quibus passim consilia & auxilia emendicata & efflagitata fuere) quam empirici, ut & alii in consilium adhibiti viventes iudicio: non exclusis, ut sæpè fieri solet, ex hoc medicantium consortio, aniculis; quæ malum dæmoni & sagis adscribebant; aliæ, certò viperam adesse, quam sibilare & cantillare audirent, hariolabantur.

Durante verò per triginta annorum curriculum hoc atrocissimo affectu, multa (quamvis interdum etiam inepta) à multis pro exturbando hoc peregrino, uti opinioni ferebat, hospite, adhibita fuere remedia: sed tot assumptorum, quibus fermè enecta, pertasa, (cum etiam omni argentario destitueretur præsidio ægrota) rem totam DEO & naturæ commisit; nil quicquam medicaminis porrò assumendo.

Tandem sub finem vitæ hydrope correpta fuit unde dolorem pristinum jam in totum sopitum esse, nec quicquam de viperæ motu se amplius perferre ajebat.

Cum autem affectum hydropicum naturalem, & interdum etiam curabilem ex foemina quadam (à me & chirurgo per paracentesin in umbilico factam eductisque 12. circiter in hujus abdomine restagnantis laticis mensuris feliciter curata adhuc sospite) intelligeret, me rursus in consilium vocavit, ventrisque apertionem urfit.

Renui propter virum imbecillitatem, & quod umbilicus ipsius, non, ut præfatæ mulieris aquâ plenus tumeret: itaque medicamentis hydragogis & vesicatoriis pedibus applicandis, nec non aliis, rem molliendam & expediendam esse prædixi.

Utrò citroque habito sic sermone, opinionemque confirmante chirurgo, rem omnem meo arbitrio commisit.

Hinc curationem medicamentis, affectum hunc propriè respicientibus aggressus, ventrem successivè omni aquâ exoneravi, detumescantibus etiam, vesicatoriorum ope, pedibus; sed brevi ægrota gaudio, quæ jam perfectè curatam se putabat, & prædicabat.

Recrudescente enim malò abdomineque aquarum copiâ aucto  
tandem







Ad Ann. VI. Obs. CXCV.

Ad Obs. CCXX.

Nº p



Nº q



CXVI

Ad Ann. VI. Obs. Nº m.





tandem exantlatis tot annis, incredibilibus dictu doloribus mortalitatem exuere coacta est.

Facto sic dolorum vehementium, & calamitatum ingentium fine, amici & cognati de certitudine hujus affectus solliciti, ut cadaver aperirem, obnixè rogârunt, quod etiam pie defuncta, adhuc in vivis, me monendo, ne intermitterem urfit; quorum precibus ne deesse viderer, cum & ipse summo desiderio causam tam diuturni & chronici affectus rescire tenerer, rem statim ministrantibus duobus chirurgis expedi vi; & cum venter aquâ plenus tumesceret, eandem per canalem ad sex mensurarum complementum eduximus.

Postmodum apertò decenter cadavere, inspectisque visceribus, omnium primò pulmones utrinque costis adhærentes totos purulentos & plenos tuberculis nigris & cœruleis, invenimus. Hepar grande & multis in locis durum apparebat.

Vesicula fellis autem ( hîc latebat anguis in herba ) hoc, quem depictum vides calculo, infarcta erat; in cujus superiore ductu versus hepar supra præfiguratum calculum reliqui minores tanquam proles matris alvo exclusa quiescebant.

Etenim grandior calculus tam arcte & tenaciter vesiculæ bilis adhærebat, ut vix digitorum meorum ope separari & detrahi potuerit.

perlustratò deinceps mesenterio hoc planè ab acrimonia bilis erosum, & ejusmodi calculosa materia ( causa procul dubio hydropis ) refertum vidimus.

Reliquis visceribus naturalis erat constitutio, neque in intestinorum contubernio vipera inventa; quamvis maxima pars adstantium hanc ibidem contentam crederet.

Itaque calculò hîc è cystide fellea à me exemptò ad oculum demonstravi adstantibus & amicis causam dolorum & mortis, non viperæ, sed primariò huic ( scilicet calculo ) adscribendam ac imputandam esse: neque ullam aliam me agnoscere posse nec velle: hîc per motus fundamento, quia vesicula bilis obstructa à novo isto possessore bilem nec recipere, nec emittere potuit; hinc natura aliam quærendo viam hanc in mesenterii substantiam deposuit; unde ingentes istos dolores & cruciatus subortos esse, nullus dubito.

Id quod etiam apparebat in muliere istâ adhuc vivente; quamprimum enim ( postquam dolores aliquandiu duraverant ) per vomitum



tum sese expurgaret, brevi sublevata est, dolore omni penitus remittente, donec nova bilis generatio, eadem inferens symptomata, eundem quæreret exitum.

Similes fermè duas historias ex eadem causa præter immanissimos dolores cancrasam etiam partibus dispositionem inferre valentibus, lector benivolus, in *Armamentario chirurgico D. Johannis Sculteti* inveniet. *Vid. Observ. 148. p. m. 102. 103.*

## OBSERVATIO CCXXI.

D. JOHANNIS FRIDERICI HULDENREICHII

DE

CALCULIS INNUMERIS IN SUBSTANTIA  
PULMONUM REPERTIS.

**C**alculos in omnibus fermè corporis humani partibus generari posse, extra controversiam est; Hinc mirari non licet, etiam in pulmonum substantia talem interdum reperiri lapidicinam, è qua tot lapilli eruuntur, ad corporis fabricam potius evertendam, quàm construendam comparati. Proinde hæc calculosa fruticatio, & calamitosa feracitas, præsertim in juvenili ætate adhuc constitutis subjectis, maximè deploranda est.

Tantum enim abest, ut illa ætatis progressu imminuatur atque evanescat; quin potius augeri videtur, viresque acquirit eundo.

Præfatis fidem conciliabit sequens Observatio. Studiosus quidam Philosophiæ, annorum viginti, nomine *Johannes Adamus Erhardtus, Johanni Adami Erhardti*, Pharmacopœi & Consulis quondam Vra-censis p. m. filius natus minor, Tubingæ in stipendio Ducali, studiis gnaviter indulgens, nullis antea divexatus morbis, tempore hyemali, de dolore stomachi conquestus, nec non inter lucubrationes sæpè tussis siccæ correptus, scabieque parum infectus, tandem patrios Lares repetit, reque matri & amicis detectâ, mox in consilium vocatus fui, & cum ab ægrotante in singula diligenter inquirerem, medicamenta quædam præscripti, quibus affectum mitigatum iri sperabam, sed malo indies, fatiscenibus subindè viribus, ingravescente, signa haud obscura incipientis phthiseos apparuere; quibus perspectis curationem secundum methodum medendi instruendam, eoque dirigendam esse judicavi, ut malum, si quidem in artis potestate, in prima  
quasi,



quasi, quod dicitur, herba suffocaretur. Sub cujus curæ auspicio & initio, præter omnem spem & opinionem, patiens calculos duos intertussendum me præsentem rejiciebat, cum materia purulenta cruore non-nihil tincta.

Hisce visis & perlustratis, pulmonum substantiam hujusmodi calculis refertam esse, haud obscure colligere potui.

Quapropter cum plures subinde ejusdem farinae per intervalla dierum rejicerentur calculi, materiaque purulenta, viridem & subflavum repræsentando colorem, foetoris haud expertem, exulcerationem pulmonum innueret, in tam ancipiti casu, alium etiam Medicum accersendum curavi.

Communicato invicem consilio dubiæque spei relicto prognostico, selectissimis & pretiosissimis contra hostem hunc pugnatum est remediis, sed frustra & incassum tentatis omnibus.

Quippe per 18. septimanarum spatium durante affectu, concurrente sub finem morbi & vitæ etiam abdominis & pedum tumore hydropem ascitem prælagiente, omnemque medicamentorum vim penitus eludente, tandem stræ istâ calculorum (prout ocularis inspectio docuit) oppressus, membrisque omnibus fessus, juvenis iste (alioquin propter pietatem, morum decentiam, indefessamque literarum culturam longiore vitâ dignus) diem suum obiit.

Apertò cadavere libras aliquot aquæ in abdomine fluctuantis emisimus, demum inspectis diligenter visceribus, præsertim pulmonibus, proh DEUM! tantum calculorum diversæ magnitudinis agmen in illis maximam quidem partem exculceratis, repertum est, ut aliquot centum eruere ex iisdem potuisset: Imò, vera scribo, in tanta copia apparuere, ac si manu se minatis injecti fuissent.

Hepar induratum & quasi elixatum conspiciebatur. Cæteris visceribus, quantum judicare licuit, salvis & illæsis.

Non absimilem in substantia pulmonum germinantem calculorum prolem aluit parens defuncti studiosi: idcirco ex semine morbo-sis hujusmodi tincturis inquinato per hæreditariam dispositionem in filium etiam hunc affectum derivatum & propagatum esse, nemo facile negatum ibit. Huc quadrare videtur illud:



*Qui viret in foliis venit à radicibus humor.  
Sic patrum in natos abeunt cum semine morbi.  
(In literis ad Dn. D. Februum d. 15. Febr. ann 1676.)*

## OBSERVATIO CCXXII.

## D. ALPHONSI KOHNII.

DE

## CAPITE FOETUS SEPTEM ANNIS IN UTERO RETENTO.

**O**Pificis cujusdam uxor, 35. jam annum agens, ante 7. annos gravida facta, totò gestationis tempore magnis & multifariis ægritudinibus & adversitatibus divexata, circa sextum & septimum mensem foetum diversimodè & extra-ordinario modo se jactitantem & invertentem maximè contristata sæpius sensit de futuro partu anxia valdè & sollicita; accidit autem, ut tempore partus laboriosissimi post membranarum disruptionem & aquæ effluxum, secundinæ primùm extra uterum se repræsentarint, & post quinque demum dies foetus corpusculum emortuum pedibus præmissis in conspectum venerit usque ad caput, adstantes mulierculæ auxiliatrices quantum licuit leviusculò attractu præbere manus attentabant, ut caput quoque adhuc in utero detentum foràs prodiret; ecce horribili adpectu protinus corpusculi truncus capite, ob collum putrilagine penitus corruptum, in matrice relicto, cum insigni & fermè intolerabili foetore in manibusearum hæsit, quò visò attonitæ obstupuere omnes. Pu-  
erpera nihilominus DEI O. M. singulari beneficio viribus non nimium enervata, & à gravioribus hisce casibus supervenire solitis symptomatibus libera, sarcinam & reliquias hasce valdè molestas deponere gestiens, varia à diversis Medicis & chirurgis per 4. annos usurpavit remedia, tam interna, quam externa, sed parum felici, nec optatò successu, cum tot annorum spatiò nil nisi purulenta quædam capitis putrescentis materia cum paucissimis cranei exesi portiunculis ingenti foetore excreta fuerint. Tandem paupercula patiens medicamento-  
rum pertæsa, dum nullus urgeret dolor, & actiones vitales, animales ac naturales (generatione exceptâ) observarentur integræ, ipsaque laboribus muliebribus exercendis par esset, totum opus soli naturæ perficiendum tradidit, divinò quotidie ardentibus suspiriis imploratò auxiliò,



auxiliò, quò factò intra tres subsequentes annos vis matricis expultrix poulatim totam cranii & capitis relictam substantiam per particulas modò majores, modò minores ( quarum postremò paucas ante septimanas excretas cum reliquis omnibus præcedentibus nuperrimè mihi monstravit ) absque ullo alio superveniente symptomate præter titillationem aliqualem haud admodum dolorificam feliciter extirpavit, perfectæ sanitatis adhuc superstitè, & ad ulteriorem conceptionem aptâ muliere.

[ *In liter. ad Dn. D. Februm, mens. Febr. Ann. 1676. Ulma Suinfurtum.* ]

## OBSERVATIO CCXXIII.

D. JOH. BUTZII

DE

ANATOMIE HYDROPICÆ.

**A**Nte octiduum in pago *Sussen* cadaver hydropicæ septuagenariæ jussu Prænobilis Domini nostri Præfecti à chirurgo, me præsentè, fuit apertum: illa vivens existimabat, serpentem aut aliud quoddam animal in se latere; sed nihil invenimus, præter ingentem aquæ copiam tam in abdomine, quàm thorace contentam, & viscera, qualia hydropici habere solent; ventriculus tamen ita fuit contractus seu coarctatus, ut magnitudinem renum non excederet, nullam ferè habuit cavitatem, & substantia ejus fuit admodum crassa, sed diu nihil comederat.

( *In literis ad Dn. D. Februm mens. Febr. Ann. 1676.* )

## OBSERVATIO CCXXIV.

D. JOHANN. SIGISMUNDI ELSHOLTII.

DE

MOXA SINE NSI, ANTIPODAGRICA.

**H**ermannus Buschhofius Ultrajectinus, Concionator veteranus in Batavia nova Indiæ Orientalis, conscripsit ibidem libellum de podagra per Moxam curanda idiomate Belgico, ipsumque Ill. Societati Indicæ suæ Amstelodamum Ann. 1674. cum dedicatione transmisit. Is liber ibidem anno sequenti fuit impressus, & una cum Sinicâ illa Moxa, & Bacillisque aromaticis in scatula, ope Exc. Viri Dn. Dieterici



*Dieterici Conerdingii, Archiatri Brandenburg. & Brunsvic. meritissimi*, ad nos quoque nuper delatus. Ob argumenti itaque in Germania novitatem excerpere placuit primaria capita, & ad Te, *Volgnadi Excellentiss.* perscribere: quo me quasi interprete, ad notitiam illorum etiam, qui Belgicè non callent, perveniat adeò familiare dudum Orientali remedium.

Tractatus itaque is binis partibus absolvitur, quarum prior continet arthritidis descriptionem, & quidem.

*Cap. I.* Arthritidem definit, quod sit præternaturalis, internus, profundè latens, ac plerumque invisibilis & exiguus in ossium membranis sive perioostiis tumor, ortus à sicco, frigido, pravæque qualitatis vapore, qui ex arteriis virtute cordis expulsiua, inter ossa & ipsorum perioostia expellitur, ut plurimum in artus corporis circa articulos: ubi vapor hic impactus & conclusus subsistit, & membranas maximè sensibiles extendendo, acerbissimos dolores excitat: subsequente membri impeditō motu, atque aliis gravibus symptomatis.

*Cap. II.* De tumore arthritidis interno, & quo modo is invisibilis sit.

*Cap. III.* De causa arthritidis proxima, & semper comitante.

*Cap. IV.* De qualitatibus vaporis, qui arthritidis causa existit; nimirum tres ipsi qualitates *Auctor* tribuit: & quidem 1. siccum illum esse statuit, quod ab humiditate flatulenta distinguat. 2. frigidum, quia unicam tantum esse causam podagræ proximam credit, frigiditatem scilicet: falli verò illos, qui præter podagram frigidam hanc statuunt etiam dari podagram aliam calidam, siquidem calor accedit solummodo tanquam symptoma, ob dolores ab extensione membranarum jamdum prægressos. 3. *pravæ qualitatis*, non tantum auctoritate *Guidonis de Cauliac*, & *Ambrosii Paræi lib. XVII. c. 2.* sed & ob insignem foetorem, qui post inunctionem *Mox* à factam, & quotiescunque ulcuscula inde excitata postmodum obligantur, exit. Delicatos enim nonnullos à foetore isthoc in deliquium animi ferè incidisse, asserit: atque hanc esse rationem, quare & bacillos illos odoratos adhibeant, & jejuni ad obligandum ulcera non facilè accedant *chirurgi Sineses*.

*Cap. V.* De parte affectâ, & de sede materiæ morbificæ in arthritide. Perioostium autem affirmat esse sedem primariam, ita quidem, ut inter ossa ipsa & perioostium ab ossibus distendendo immanes istos producat



producat dolores. Ligamenta quod attinet, ea ex *Galeno*, & *Paullo Bar-*  
*betta lib. 1. anatom. practis. c. 5.* sensu carere, statuit.

*Cap. VI.* Arthritis quod sit morbus membrorum universalis, & accipiat nomen à partibus affectis: itemque de loco, ubi materia arthritidis generetur, quod sint viscera ob defectum calidi innati, præcipue verò hepar, lien, stomachus, non excluso capite: ibi postquam materia illa ad tempus latuit, ob copiam movetur atque per circulationem ad cor defertur. Cor irritatum, per arterias ad artus projicit: primariò verò ad ossa perioſtia, dehinc porrò foras ad articulos, ipsorumque membranas.

*Cap. VII.* Quomodo, & per quas vias materia arthritidis ad membra feratur.

*Cap. VIII.* De membro seu parte expellente.

*Cap. IX.* De signis arthritidis.

*Cap. X.* De symptomatis arthritidis.

*Cap. XI.* De tumore molli externo, qui in arthritisde frequenter se prodit. Demonstratur autem, in arthritisde dari tumorem duplicem: primus est internus & vaporosus circa perioſtia, qui efficit acutissimos illos dolores, ad quos demulcendos natura mittit proximos humores: atque hinc oritur alter, qui est externus & serosus, tanquam prioris effectus, & in quo dolor percipitur aut nullus aut multò remissior.

*Cap. XII.* De motus imbecillitate.

*Cap. XIII.* De nodis, & tophis.

*Pars posterior illius tractatus arthritidis sanationem edocet, & quidem.*

*Cap. I.* tractat de cura arthritidis in genere.

*Cap. II.* Arthritis sanatur inuſtione per *Moxam*.

*Cap. III.* Quod remedium specificum arthritidis sit *Moxa*, inter *Sinensis* & *Japanenses* celeberrimum.

*Cap. IV.* *Moxa* est materia lanuginosa & mollicula, ex herba quadam sicca artificiosè præparata. Nomen illius herbe auctor ignorat, itemque artificium præparationis à *Sinensibus* & *Japanis* inter arcana haberi affirmat: quamvis in maxima copia proſtet venalis ibi *Moxa* præparata, & in proxima regna inter merces alias evehatur. *Sinenses* vero sicut cætera simplicia, ita etiam *Moxam* accuratius & conficiunt, & servant. Utantur autem ea pro cauterio actuali in singu-



lis corporis partibus, exceptis oculis, contra morbos quoslibet & humoribus & vaporibus frigidis ortum ducentibus.

*Cap. V.* Modus utendi talis est, ut ex portiuncula *Moxæ* digitis decerpta formetur globulus pisi minoris magnitudine, qui postea in pupam sive pyramidem acuminatur: basis verò plana imponitur loco, ubi inustio peragenda. Porro *bacillus aromaticus*, quales quidem cædis nostris officinalibus longiores multò & tenuiores sunt, accensus cuspidi pupæ admoveatur: atque ita sine noxa, ac sine dolore nimio conflagrat *Moxa*, relicta in cute non vesica, sed saltem macula spadicea aut fusca. Repeti autem ordinariò ter solet, in membris scil. teneris hæc inustio eodem in loco, nonnunquam etiã pluries, quando opus est, siquidem in cephalalgia ob cutis densitatem vel ad 25. imò ad 50. vi-ces iterari sine noxa potest.

*Cap. VI.* Post sufficientem inustionem, imponitur allium tustum, & desuper pellicula allii exterior madefacta. Sequenti die, si circum circa fortè appareat vesicula, forfice aperiatur, sed eschara violenter non est removenda, donec natura separet. Imponatur autem folium *plantaginis* tostum ea ratione, ut dorsum folii asperum ad escharam vertatur: ubi verò consolidandi tandem animus est, latus folii molle admoveatur. In defectu *plantaginis* folium *brassicae*, & in defectu etiã hujus usurpetur *Empl. diapalma*, vel *basilicum*: quæ tamen emplastra etiã mox ab initio, ad retinenda saltem folia *plantaginis* vel *brassicae* imposita, adhiberi debebunt.

*Cap. VII.* Mirabiles cauterii hujus effectus proponit.

*Cap. VIII.* demonstrat, hoc Cauterium præferendum esse omnibus in Europa remediis, contra podagram hactenus usurpatis.

*Cap. IX.* Inustionem hanc esse tolerabilem.

*Cap. X.* De dexteritate requisita in chirurgo, qui inustionem peragere debet.

*Cap. XI.* De bacillis aromaticis, eorumque utilitate.

*Cap. XII.* De loco, in quo urendum.

*Cap. XIII.* De periculo & incommodis cauterii hujus præposterè administrati.

*Cap. XIV.* De arthritidis tumoribus mollibus & serosis, ex accidenti natis, & ipsorum cura.

*Cap.*



Cap. XV. De arthritidis tumoribus duris & tophaceis, ipsorumque cura.

Cap. XVI. An dentur podagræ diversæ species; & an inter ipsas sit essentialis differentia. Negat Auctor prius, adeoque omnem podagram à causa frigida deducit; è contrario asserit, quæ communiter proponuntur arthritidis differentiæ, esse tantummodò accidentales: nimirum à parte affecta, à crassitie vel subtilitate materiæ peccantis, unde arthritidis vaga vel fixa, recens vel inveterata: cum vel sine notabili humorum affluxu, cum vel sine nodis: in articulis ipsis vel in spatio ipsorum medio sive internodiis, licet nonnulli agnoscere hoc medium pro sede capaci nolint, cum tamen revera sit.

Cap. XVII. Remedia ab arthritide præservantia.

Cap. XVIII. De dentium arthritide sive odontalgia, & ipsius curatione.

## OBSERVATIO CCXV.

D. JOH. SIGISMUNDI ELSHOLTI.

DE

CORDIS DISSECTI FRAGRANTIA.

**S**erenissimus Princeps CHRISTIANUS, Marchio Brandeburgensis, & Administrator olim Archiepiscopatus Magdeburgensis, valde senex moriebatur annò 1710. Ejus cada- vere aperto, cor dissectum spirabat odorem gratissimum, similemque prorsus illis emulsionibus & julepis, quibustanquam *confectione Alchermes, aq. cinamomi, rosarum, carbunculi* & id genus aliis confortantibus pro more imprægnatis, aliquot dies ante obitum roboratus & penè non nutritus quasi fuerat æger. Intallibili sanè argumento, quod *Medicamenta assumpta* in primis viis non hæreant: sed continuato usu, viribus ferè integris, & retentis (saltem ex parte) suis qualitatibus, in ipsum usque cor penetrare possint.

(In literis ad D. Henr. Vollgnadium Berolino Pratislav. d. 19. Maj. An. 1676.)

## OBSERVATIO CCXXVI.

GEORGII WOLFFGANGI WEDELII D.

DE

PRINCIPIIS RERUM IN GENERE.

Rr 2

Magna



**M**agna hodie, æquè ac olim, lis est de rerum principiis, variantibus adeò hypothefibus ut quam amplectaris nescias. Pleræque non nisi recoctæ sunt veterum Philosophorum opiniones, quædam excultæ, quædam de novo refictæ. Aquam rerum omnium esse principium, *Thales* jamdudum statuit; vid. *Plutarch. l. 1. de placit. philos. c. 3.* omnia ex omnibus, *Anaxagoræ* & *Democriti* dictum est. Vid. *Aristot. l. 2. metaph. c. 5.* Taceamus alia, five ex vetusto Sapientum collegio, five musteâ recentiorum enata sagacitate. Visum est operæ pretium, ad excitanda, vel componenda ingenia, ut tandem inoffenso pede in his liceat progredi, quæ nostra sit mens vel media via, in synopsi proponere, libero cuique relicto iudicio.

Principia UNIVERSALIA, seu prima, TOTI competentia supposito, *καὶ θεσιν*, seu positiva sunt duo: MATERIA & FORMA; illud extrinsecum, hæc intrinsecum magis.

Principia SECUNDARIA, MATERIATA, simpliciora in concreto & remotiora sunt QUATUOR ELEMENTA, ær, ignis, aqua, terra.

PROXIMIORA, & quasi in abstracto sunt PRINCIPIA CHIMICA, vulgò nota, & quæ ceu principalia ferè sola nominari plerumque solent: *sal, sulphur & mercurius*, quibus ceu magis materiali phlegma & caput mortuum, seu aqua & terra jungi solent.

PROXIMA sunt PARTICULÆ, *ἐν ἀτομίῳ* consideratae & harum figurae & combinationes infinitæ, unde principia chimica ipsa vel in *ἀτόμῳ* vel in medicamentis considerari queunt.

In hisce, *materialibus* inquam principiis, præcipuè occupamur, tum aliàs communiter, tum speciatim in chimiâ; FORMAM verò & actum principium, quod dat esse rei, vivere, augeri, nutriri, & materialia hæc vigorat, vix, nisi sub animæ, naturæ, spiritus mundi, vel qualitatum inde manantium, motus &c. titulo palpare licet, nedum cognoscere.

Non sufficit ergò unicum principium, v.g. aqua, vel sal, quod strictis nimis cancellis est includere tantas naturæ opes & *δυνάμεις*; neque enim hæc vel sufficiunt, vel sine confusione ingeniorum explicant phaenomena. Non item multiplicanda sunt entia præter necessitatem, sed hoc modo aptè conciliari posse videntur.



## OBSERVATIO CCXXVII.

GEORGII WOLFFGANGI WEDELII, D.

DE

## PRINCIPIIS CHIMICIS.

**V**ideri poterunt levia jam dicta, nisi ultra quam primâ fronte patent, ea speculemur. Quæ enim quæso tandem opinionum myriades emergent, & porrò naturæ arcana velabunt, si in his non solliciti erimus, ut concordia in præsuppositis theorematibus firmetur? Ut itaque ad artis formam in ideâ quasi aptemus à ple-risque recepta principia chimica, *in genere* primùm de iis supponemus sequentia.

Quoad *divisionem* 1. principia chimica alia sunt *ante separationem*, seu nondum secreta, naturalia, & intrinseca in potentiâ quasi magis, seu actu primo; alia sunt *separata*, postnata, producta, artificialia, extrinseca.

2. Alia sunt *utilia*, respectivè ita dicta, fœcunda,  $\Theta$ ,  $\Delta$ ,  $\Sigma$ ; alia *inutilia*, relollacea,  $\nabla$ , Terra. (in abstracto considerata.)

3. Alia sunt *activa*, quæ eodem modo se habent, ut jam dicta  $\Theta$ ,  $\Delta$ ,  $\Sigma$ , alia *passiva*,  $\nabla$  & Terra. Hæc radicem, fundamentum & hospitium præbent reliquis; illa verò hæc quasi informant.

4. Alia sunt *fixa*, ut Terra; alia *volatilia*, ut  $\Delta$  &  $\Sigma$ ; alia *media*, ut  $\nabla$  &  $\Theta$ .

5. Alia *liquida*, alia *solida*; alia *integra*, alia *immutata*. Sic sulphura liquata oleum exhibent;  $\Theta$  fluorem adepta liquorem acidum, huius omnis generis liquores præbet.

Quoad *affectiones generales* 1. principia chimica se invicem sustinent & ligant. 2. Alia ex aliis mutantur, indicio adhuc esse composita, mixta, non pura. 3. Variat eadem ignis. 4. A potiori tamen fit denominatio. 5. Se invicem modificant, v. g.  $\Delta$  cum  $\Theta$  combinatum variat odores &c. 6. modò sunt sepulta & implicita, Modò magis patula. 7. Magis pansa sunt in vegetabilibus & animalibus; minus in metallis; analogiâ tamen in singulis locum habente.

In *specie* jam breviter in singulis spectabimus 1. *essentiam*, 2. *affectiones*. 3. *effectus*, idque saltim in terminis latioribus,



SAL quoad *essentiam*, à chemicis strictius & propriè quasi de fixo intelligitur *καλ' ἐξοχλῶ*, quod evaporatione remanet, neque alta petit; latius tamen hodiè prædicatur 1. de *fixo* eoque tum lixivo, seu *alkali*, quod per incinerationem prodit, tum fluorem adepto, seu *acido*. 2. de *volatili*, magis urinoso, tum ex animalibus, tum vegetabilibus eruto, cui hodie 3. additum fuit, *enixum*, seu medium, ex acidi & alkali combinatione enatum.

Quoad *affectiones* 1. *sal est primum sapidum*, ideoque particulae salinae poris linguae se insinuant, & prout varias eidem exhibent figuras, ita etiam variat sapor. 2. *Destruitur aqua*, saltim quoad consistentiam, ut diffuat vel solvatur, si liberum sit & pansum, attrahitq; aërem & aquam. 3. *Resistit igni*, sibi relictum, salis enim natura opposita est sulphuri, unde & 4. *acidum obviat sulphuri*, domatque & contra, (ujus rei eximium exemplum præbet arcanum  $\Phi\text{ri}$ . 5. *Accidum figit Sium*, & rarefactionem sanguinis sedat. 6. *Lixivum* verò eundem lubenter amplectitur, & secum occultat, acorem verò extinguit, eidemque contrariatur, sanguinem rarefacit. 7.  $\Theta$  est principium coagulationis, seu coagulandi & compingendi vim habet, unde calculi etiam à principio  $\Theta$  li no sunt deducendi, non exclusâ Terrâ.

Affectiones aliae cum  $\Delta$  e communes etiam sunt *durabilitas, incorruptibilitas, gravitas*.

Quoad *effectus* 1.  $\Theta$  est *diureticum*, 2. *aperiens*, incidit, attenuat, resolvit. 3. est *stimulans*, unde purgandi, vomendique qualitas principaliter adscribenda  $\Theta$  li; *corrosivum* est, unde quicquid causticum est, ob  $\Theta$  acre & mordicans tale existit, v. g. esula, cantharides &c. 4. *arces putredinem*. 5. in corpore *resolutum* vel *coagulatum*, non minus ac reliqua variorum morborum est causa, quæ seorsim in *Tab. de causis morborum* & *principiis chemicis* suo loco damus.

SULPHURIS *essentia* non consistit in acido, (quod salis est) sed in particulis oleosis, resinosis; balsamicis, rotundis, unde resinae, olea,  $\Delta$  ra inflammabilia, item spiritus (ubi cum  $\Phi$  io conjunctum est) de eodem testantur.

Quoad *affectiones* 1.  $\Delta$  est principium radicale colorum, explicativum  $\Theta$  &  $\Phi$ . 2. Est principium odorum, (seu primum odorabile) sed explicatum hoc esse debet  $\Theta$  le inprimis volatili; hinc videmus, illa maximè esse odorabilia, quæ  $\Theta$  le vol. oleoso seu remixto cum  $\Delta$  re, ejusque exhalationem

nem



nem adjuvante, abundant. Neq̃ obstant  $\Theta$ lia volatilia urinosa, in illis enim explicatissimum est  $\Delta$ , seu constant ex  $\Theta$ le lixivo fixo, &  $\Psi$ u volatili, unde & citius voto avolant. 3.  $\Delta$  est  $\Phi\lambda\omicron\gamma\iota\varsigma\omicron\nu$ , unde, quicquid ardet, sulphur est, & affectiones ejus sunt *inflammabilitas*, *levitas*, (nisi  $\Theta$ le & Terrâ auctum & saturatum, ubi subsidet.) 4. *Metallis largitur malleabilitatem*. 5. *occultatur*  $\Theta$ le, cum quo magnam habet micitiam, destruitur verò ab igne. 6. *vinculum est principiorum reliquorum*.

Quoad effectus, ob balsamicam suam vim edulcat, vegetat, fecundat, præservat à putredine, à frigore item, quod in arboribus resinosis videmus.

MERCURIUS est instar Protei, & reliquorum internuncius, unde quoad *essentiam* continetur 1. sub *phlegmate*, quod ipsum præservat à putre line. 2. sub  $\Delta$ e, unde olea ætherea & aromatica eodem abundant. 3. sub  $\Theta$ le fixo, quod amat, & promptè cum eo conjungitur. 4. in primis *sub spiritu*. 5. sub  $\Theta$ le volatili, in quo eminenter conspicitur. 6. suo modo etiam *sub acido*; est enim evaporabile & mobile.

Quoad affectiones cum ad motum maximè habilis, agilis, & tenuis sit substantiæ, hinc ipsi competit *levitas* aërea, *subtilitas*, *penetratio*, sed minus durabilis & constans est, nisi alio ligetur vel obviscetur, uti ossa diutissimè servant  $\Theta$  volatile, hinc etiam in liquore optimè aservatur.

Quoad effectus præstat vitam, calorem, augmentum, nutrimentum, fermentationem, fecundationem. Restaurat & vegetat sanguinem, movet sudores &c.

Hæc curiosa disquisitioni aliorum exponimus, seu ideam, cui superstrui alia possunt, quæcumque vel ingeniosâ  $\epsilon\gamma\chi\epsilon\iota\sigma\iota\varsigma$  vel aliis experimentis pro notitiâ artificiali faciunt.

## OBSERVATIO CCXXVIII. D. LUCAE SCHROECKII.

DE

### VULVA GEMINA.

**U**Vulam ad bene loquendum esse necessariam, ideoq̃ non adeò ineptè vocis plectrum audire, à plurimis Anatomicorum creditur; id quod absentia etiam ejusdem, & prava, eaque vel con-  
nata, vel à morbo inducta, constitutio evincit; ceti imprimis  
ab



ab *Exc. D. Carolo Raygero* in discursu, *aglossostomographia*, *Jacobi Rolandi*, Anno tertio *Ephemeridum curiosarum German.* adjuncto, præclarè illud ostenditur. Ubi adopsitum exemplum gargareonis duplicis, in memoriam revocat, quæ simili in materia observare mihi bis licuit.

Primâ vice, dum annis duobus abhinc juvenis 24. annorum, curæ meæ subjectus, singularem in columella naturæ lusum exhibendo, duplicem eam concessisse ostenderet, non quidem immediatè palato adnatam, sed ex carnosâ aliquâ rotundâ excrescentiâ, palato juncta, tanquam è basi quadam propendentem, cæterum naturali planè situ locatam, ac figurâ & magnitudine justâ præditam.

Alterum exemplum hoc demùm annô ancilla 22. annorum præbuit, cujus palatum duæ pariter uvulæ unitæ occupant, quoad figuram nihil insoliti ostendentes, magnitudine saltem naturalem illam haud æquantes, ita ut ambarum quantitas juncta, si cum hac conferatur, non nisi parùm eam sit superatura.

Reverà autem binas in utroque subjecto uvulas adesse, non saltem divisas, quales tùm præfatus *D. Raygerus l. c. pag. 568.* tùm *D. Henric. Vollgnad in Schol. ad obs. 239. Anni II. Ephem.* laudatarum, sibi occurrisse, testantur, ipsa earum conformatio docet, cum ex latiori basi in obtusè acutum mucronem singulæ terminentur. Cæterum rara hæc aberratio in istis personis nullum aliud incommodum affert, quàm quod vocem non eâ gratiâ, quâ fieri aliàs solet, edere possint, sed raucam nonnihil, obscuram, è naribus quasi descendentem, eandem emittant.

Similem planè effectum in pluribus utriusque sexûs hominibus, quas lues venerea particulâ hac mulctavit, vel saltem ex parte mutilavit, in nostro nosocomio Gallico, cujus curam jam per undeviginti annos ago medicam, observavi, ita ut omnes raucâ quadantenus voce deturpati fuerint; hinc me illorum in partes abire permoverunt, qui experimentis edocti, *Gabr. Fallopio*, nullum vocis detrimentum ex eâ uvulæ supervenire, in *Observat. Anatom.* adfirmanti, contradicunt, sicque ampla *Riolano* fides sit habenda, dum *lib. 4. Encherid. anat. cap. II.* de gargareone agens, *quibus deest*, inquit, *vox rauca evadit.* Cujus veritatem etiam nuper à *Nobil. D. Nicol. Guil. Beckers*, observatione Anno 4. *Ephem. Germ. Obs. 66.* insertâ fuisse confirmatam video.



AD ANN. VIOLAE  
N: w.

Fig: II.

Fig: I

Fig. III.













AD ANN. VI.  
N. X.



Fig. IV.



Fig. V.



## OBSERVATIO CCXXIX.

D. LUCAE SCHRECKII.

DE

*LACONICI CORIARIORUM, GERM. LOHBAD DICTI, USU.*

**B**Alneorum in arthritide usum non immeritò Practici commendant, si methodicè eorum usus administretur. Prout ipse etiam multos arthriticos à sævissimis doloribus & contracturis, Laconici ope, meliorem in statum, Divinâ gratiâ directioni meæ favente, deduxi. Inprimis verò memorare libet recens, & elapso demùm mense Aprili observatum exemplum virginis, 23. annos natæ, A. C. V., quæ aliàs alvi naturâ tardioris, in contumacem adeò ejus obstructionem, dysuriâ & mensium defectu stipatam, subsequente etiam ultimò arthritide universali, incidit, ut, licet varia, eaquæ fortiter purgantia fuerint adhibita, diu tamen nullum levamen experiretur, jamq; mortis faucibus propinqua videretur, donec tandem cunctis reseratis repagulis, istas effugeret, remanente tamen articulorum dolore, & comite ejus permolestâ voluntarij motûs impotentiâ. Quod malum, cum nullis cederet remediis, ad expugnandum illud, agram in notissimum hîc locorum Laconicum, extra urbis moenia situm, deduci imperavi, felici adeò cum successu, ut, quæ antea nec sedere, nec locò se movere præ dolore atrocissimo poterat, ideoque electo in rhedam, & inde in sudatorium deportari necesse habuerat, regredi ex eo, ipsasq; scalas, viginti tres gradûs altas, domum reversa, latâ metamorphosi, adscendere valuerit, omni dolore post reiteratum balnei usum evanescente.

Istud autem, quo de loquor, Laconicum, nostratibus Das Lohbad communiter appellatur, estque locus cerdonibus, ad exsiccandos cortices abiegnos, nonnunquam & quernos, quibus ad præparanda coria bubula utuntur, inserviens, dum cortices dictos in superiori hypocausti parte asseribus impositos, vi caloris, quem amplæ, ad latus hypocausti positæ, fornaci inclusus ignis suscitatur, exsiccant; & sic unâ salubre multis adfectibus sudatorium parant; ad quod, tanquam ad sacram anchoram, omnia ætatis & fortis homines confluent, malorum levamen quæsituri; quanquam sæpè sæpius, dum proprio consilio & intempestivè, non habitâ subjecti, causâ morbificæ, tempestatis &c.



ratione aut cognitione, quasi universale promittat auxilium, illud ingrediuntur, spe suâ excidant, imò majori malo implicentur. Quod in hac patiente non accidit, cum & illustrato prius convenienter corpore, & morbo, feri acris morbifici discussionem, articulorumque roborationem requirente, præfidiis necessariis alterato, fuerit administratum. Siccus etenim balnei hujus calor (ut *Joh. Renodei* phrasi utar, qui *lib. 5. Institut. Pharmaceut. sect. 3. cap. 4.* Laconicum vocat locum, quo sicco calore sudor elicitur,) poros aperit, peccantem humorem prolicat, & discutit, sicque dolorem tollit, ac novum robur articulis conciliat; quam ejus virtutem non modicè adjuvant exhalantes ex abiegnis resinosis corticibus particulæ oleosæ, volatiles, quibus nempe hypocaustum impleri, vel odor testatur. Inesse enim cortici & resinæ isti virtutem calefacientem, exsiccantem & discutientem, (inprimis, si cortices isti pingues in pollinem redacti, & sacculis inclusi, uti præcipere quandoque soleo, calidè locis dolentibus imponantur,) Medicis non potest ignotum esse: Unde etiam paratum è resina emplastrum ad podagræ, à frigido humore ortæ, profligationem commendari à quibusdam, memini.

(*Pratistaviensibus vocatur das Lohbad, ipsum decoctum corticum, quo coria macerata fuere, celebraturq; in quibusvis artuum doloribus.*)

(*In literis d. I. Jul. Ann. 1676. ad Collectores Ephemerid.*)

## OBSERVATIO CCXXX.

D. LUCÆ SCHROECKII, Luc. F.

DE

## RARO PASSERUM CANARIENSIMUM COLORE.

**I**Nsolitas colorum varietates à multis in volatiliū pennis notatas reperio; quos inter *Clar. Olav Wormius lib. 3. Musci* sui, picam albam, passerem niveum, (cui similis aliquot ante annos hac in urbe reliquos inter passeres circumvolitans visus, nec non alium *Curiosus* quidam itidem hîc aluit) atque ciconiam nigram (qualem nigricantem tum *Lipsiæ* in eleganti horto *Laurentiano*, tum in *Misniæ* loco amœnissimo & verè augusto, *Augustoburgi*, obambulantem in area, conspexisse me, recordor,) describit. Hæc autem singularis, & ob raritatem, possessoribus lucrosæ variationis colorum in passeribus *Canariis*.



nariis me jam admonent, dum aliquot eorum hîc videre licuit, qui à solito colore luteo recedentes, ad albedinem quodammodò inclinarunt; alii vero albis, intermixtis flavescentibus, pennis superbiunt; reperiuntur etiam candido colore vel cum cygno decertare apti. Quæ tamen nova progenies vulgarioribus aviculis Canariensibus cantu æqualis, nec ejus suavitate palmam ipsis relinquit. In illa autem coloris mutatione naturæ lusus primas tenere videtur, quantumvis etenim arte & industriâ, objiciendo scilicet res albas avicularum oculis, sobolem obtinere albam nonnulli laboraverint, voto tamen suo exciderunt. Nec omnis eodem tempore uno in nido educata pullities tali colore insignitur, sed ut plurimum unica saltem avicula alba reliquas inter comparet, quamvis ceteræ prolem, ab eis producendam, albedine ornatam in posterum obtinendi spem aliquam largiantur. Rarius est, quòd etiam nuper colore nigerrimo, aliis simul exclusis ad nigredinem solùm inclinantibus, prædita ex ovo prodierit. Quâ ratione luteolas, vel citrinas vocare eas, Criici amplius non admittent.

## OBSERVATIO CCXXXI.

D. LUCÆ SCHROECKII, Luc. F.

DE

## ALOE AUGUSTANA.

**R**Egiæ illius plantæ, aloës Americanæ, in Germania nostra florentis, diversa exempla *Celeberr. Dn. D. Phil. Jacob. Sachsii in observat. 90. & 91. Anni I. Ephemerid. curiosar. æternæ* Literatorum memoriæ insinuavit; quæ inter cùm Augustana nostra non fuerit memorata, nec aliàs publico scripto, quod sciam, hætenus commendata, ne cum flore suo jamdudum deflorato oblivione omnimodè involvatur, indigitare illam volui; cum primis, quia omnium illarum descriptarum ætatem superat, ac, si non prima in Germania, saltem inter primas visa fuit, quæ florum superbâ raritate sese eidem commendarunt. Etenim floruit illa Anno M. DC. XXXIII. in rarioris rei herbariæ studiosissimi, *Nobil. atque Ampl. Dn. Johannis Stainingeri &c. Barbati illius Stainingeri*, cujus mentionem facit *Annus quintus Ephemerid. pag. 183. filii horto elegantissimo.* Numerus quidem ramorum & florum, notitiam nostram effugit, insigni tamen florum congerie fuisse stipatum caulem præaltum, referunt illi, qui se vidisse eam, adhuc recor-



dantur. Plantæ & ramorum florentium figuram depictam paries atrii ædium *Stainingerianarum* posteritati adhuc visendam hucusque exhibuit.

## OBSERVATIO CCXXXII.

D. LUCE SCHROECKII, Luc. F.

DE

## INTESTINIS FOETUS EXTRA NATURALEM LOCUM PENDULIS.

**F**œtus diversos, cum visceribus extra naturalem abdominis cavitatem propendentibus natos Medicorum solertia nobis commemorat; ceu illud *Observationes in Ephemeridum curios. German. Anno 2. obs. 88. Anno 3. observ. 103. 169. & 256. Actis medicis Hafniens. Nobiliss. D. Thomæ Bartholini, part. 1. observ. 110. Historiâ Exc. D. Joh. Sigism. Elsholtii de conceptione tubaria, Celeb. D. Joh. Laurent. Bauschii schediasm. de ætate pag. 5. præm. Magni Dan. Sennertii lib. 4. medicin. pract. part. 2. sect. 4. cap. 7. Beati nostri Philippi Hæchsteneri Decade observ. 6. casu 5. Dominic. Panaroli pentec. 2. observ. medic. 1. &c. notatæ, testantur. Quorum autoritate fretus, quod duodecim abhinc annis videre mihi datum fuit, referam; dùm nempe Fœmina primipara, hac in urbe, vivum enixa fuerat puellum, propè umbilicum in sinistro latere, rotundo tumore, & caput infantile magnitudine multum superante, deformatum; qui tamen, sacro ablutus fonte, paulò post meliori vitæ adscriptus fuit. Quare ut adpareret, quid intus aleret tumor iste, apertio ejus fuit concessa; ubi portionem magnam intestinorum inclusam deprehendimus, copiosâ flavescente aquâ abdominis viscera, cæterum naturaliter se habentia, nec ullâ labe deturpata, circumfluente. Innotuitq; unâ cum peritonæo, tendinosam illam musculorum abdominis partem, quæ lineam albam constituit, fuisse disruptam, sicq; per datam portam erumpentibus intestinis extensioni aptam cutis substantiam cecidisse, ac tumorem istum, ob regionem umbilicalem, quam occupaverat, inter omphaloces referendum, efformasse. In cujus causam occasionalem cum inquireretur, non nisi à saltu, in terram è loco altiori circa finem gestationis facto, rupturam illam accidere potuisse, puerpera retulit; damno suo confirmans, quantis gravidæ subinde exponantur periculis, dum præter tot morbo-*



morborum, quibus obnoxia sunt, molestias, facile etiam, levissimo quandoque ab errato, noxam foetui indelebilem imprimunt. Unde motus in primis omnes violentos corporis esse ipsis vitandos, Practicorum non vana est admonitio. Nec solum corporis, sed animi quoque vehementiorem commotionem, quantum possibile, fugere eas oportet, fortem praecipue imaginationem, cujus nempe a terrore rei alicujus desiderio & adspectu concepta effectus, luctuosa, ac nisi tragici isti casus fidem facerent, incredibilis futura, mutatio in tenello embryone, facillime subsequi solet. Quale exemplum Anno M.DC.LXVI. 26. Julii, hic observatum fuit; dum aurifabri nostratis, J. P. uxor gravida, aliquot jam antea liberorum mater facta, postquam vituli exenterationem in macello non sine horrore contemplata fuisset, filiolum mortuum partu admodum difficili postmodum exclusit, cujus pars dextra abdominis, non procul ab umbilico, ad spithamæ longitudinem ferè dehiscibat, lateribus divulsionis signum non praebentibus, sed callo quasi obductis; è quo hiatu intestinula propendebant. Alia, quæ in primum conspectum non incurrere, de mortuo in corpusculo investigare, haud fuit concessum.

(*In literis ad Collectores Ephemerid, d. 1. Julii Anno 1676.*)

## OBSERVATIO CCXXXIII.

## D. SIMONIS SCHULTZII.

DE

## SINGULARIBUS VESICULIS POST AURES MENSTRUUA ORDINARIE ET IMMEDIATE PRÆCEDENTIBUS.

**M**Atrona quædam XXXVIII. annos nata A. A. præconsularis filia, D. B. mercatoris Thoruniensis conjux, constitutionis tenerioris, melancholiæ hypochondriacæ certâ de causâ sæpè subdita, trium liberorum mater, è quibus tantum unicuique filius in vivis restat, semper ante fluxum menstruum ordinarium à naturâ sat paucum, decimo octavo ætatis anno initium sumentem, binas vesiculas post singulas aures, prævio capitis dolore, leviq; vertigine percipit, quæ sponte aperiuntur, effluente ex iis nonnihil serosi humoris citrini coloris: qui cum fluere desinit, menstrua incipiunt; sed ut dictum, in paucâ quantitate. Sunt itaque istæ vesiculæ ordina-



rii appropinquantis fluxus prodromi. Hæc ex ipsius matronæ ore habeo.

(In literis ad Collect. Ephemerid. d. 1. Jul. Ann. 1676.)

## OBSERVATIO CCXXXIV.

D. CHRISTIANI FRANCISCI PAULINI

DE

PUERPERA INCREDIBILEM VERMIUM COPIAM EVOMENTE.

**H**Onesta foemina in Diœcesi Corbeienſi (uti ipſa ingenuè mihi faſſa eſt,) elapsò poſt partum octiduò, varia & inſolita patieba-  
tur ſymptomata, quæ, dùm crederet Medicus à partus dif-  
ficultate proveniſſe, electis ad hanc rem medicamentis com-  
peſcere fideliter ſtudit, at fruſtra. Tandem aliud quaſi agens emeti-  
cum ſumpſit agra, à quo per biduum vel *mille erucas & vermiculos* di-  
verſi coloris evomuit, omni dolore penitus ceſſante.

## OBSERVATIO CCXXXV.

D. CHRISTIANI FRANCISCI PAULINI.

DE

VANO CAMPHORÆ AD EXTINGVENDAM VENEREM USU.

**J.**C. Scaliger exerc. CIV. ſect. 8. cani leporariæ, cùm catuliret, *cam-  
phoram* dedit in potu, in offa, dedit in nares, quò refrigerſceret,  
eamque quotidie collo appendit, in naturam etiam indi jubebatur.  
Ipſa tamen coivit, concepit, peperit. Verè teſtor, me idem *non ſe-  
mel* fuiſſe expertum. Eſt in vicinia juvenis vegetus & ſalax, cui, meò  
juſſu, (ut vanitatem monſtrarem incredulis) in omni ferè potu ac cibo  
*camphora* per aliquot ſeptimanas à matre data eſt, ipſe tamen minimè  
receſſit ab indole ſua puellarum amantiſſima. Secus qui ſentiunt, fal-  
ſà nituntur hypotheſi, quaſi *camphora* foret frigida. At ſit talis: quæ  
tamen inde conſequentia? Et ruta & vitex venerem ſopiunt, non ſunt  
tamen frigida temperiei.

## OBSERVATIO CCXXXVI.

D. CHRISTIANI FRANCISCI PAULINI.

DE

UNIVERSALI CONTRACTURA, ALIISQUE MIRIS SYMPTOMA-  
TIBUS A VERMIBUS.

Mensis



**M**ensis nunc est, à quo mulier *Holschamindensis*, ex Ducatu Guelferbytano, puellum ferè septennem mihi sistebat non unò malò miserum. Nec ambulare nec stare poterat, brachia veluti trunci pendebant immota, rigeant digiti, venter immensum distentus, facies cadaverosa, pedes inflati, manus fœdissimâ scabie obductæ. Subitò mihi oriebatur suspicio de *vermibus*. Pauperculæ itaque pulv. ex *mercur. dulc. C. C. crud. rasp. &c.* largior. Hoc solò cum lacte datò LXXII. *vermes* expuli, quos deinde in scatula collectos non sine gaudio monstrabat, Deo mihiq̃ue summas agens gratias pro obtentâ filioli sanitate.

## OBSERVATIO CCXXXVII.

D. CHRISTIANI FRANCISCI PAULINI.

DE

## SINGULARI COLICÆ REMEDIO.

**E**st apud nos *Huxaria* ad Visurgim civis, omnibus bene notus, qui, quoties *colica* aut ejusmodi ventris tormenta eum cruciant, subitò pulverem *lapid. collic.* (gebrannter Stein) in calida cerevisia aut sp. vini sumit, sudat, sicq̃ue omnes dolores feliciter debellat. *Sciendum, sed non imitandum.*

## OBSERVATIO CCXXXVIII.

D. CHRISTIANI FRANCISCI PAULINI.

DE

## PURGATIONE EX MERA IMAGINATIONE.

**S**uperiori vere vir quidam egregius, cujus nomen, uti petiit, sup-  
primo, vagos stomachi & hypochondriorum dolores non sine  
magna molestia integrum sextiduum animosè sustinens, tandem  
me accessit, omniq̃ue voto genuinas pilulas *Francfurtenses*, quas  
*Beiero* acceptas referunt officinæ, expetebat, seriò & unicè sibi per-  
suadens, solam mali sui medelam latere in istis pilulis, quare omnia a-  
lia, licèt meliora, pertinaciter damnabat remedia, nec ullis precibus  
aut rationibus abduci poterat à suo voto. Mirans ego fervidum opti-  
mi viri desiderium tandem promisi, me satisfacturum ejus voluntati,  
dictasq̃ue pilulas fideliter confecturum. Interim, ut & alii scirent, quan-



quantum mentis ludibrium foret imaginatio, ex micis recentis panis cum saliva XVIII. formo pilulas, easque inauratas mitto Domino patienti; ille in aurora avidè devorat omnes. Circa vespèrum ad me venit latus sanusque, insignem pilularum mearum efficaciam astra superferens, meque specioso mactans elogiò. Quinquies alvum insigniter deposuerat & semel vomuerat. Vix fidem dabam insolita narranti. Domum itaque comitabar eundem, ut coram viderem materiam rejectam, quam in patina asservaverat. Profectò stupebam ego magnam tenacis pituitæ saburram, & nisi his oculis vidissem, nunquam vel juranti credidissem. Vah! quid non molitur pertinax in re aliqua opinio aut fiducia? Certè quos nec ratio, nec ars interdum curavit, temeritas sanavit & mera imaginatio ac superstitio, quod vel infinita confirmant exempla.

(*In literis ad Collectores Ephemerid. d. 2. Julii A. 1676.*)

## OBSERVATIO CCXXXIX.

## D. HENRICI VOLLGNADII.

## RARIORA QUÆDAM NATURÆ SIVE LUXURIANTIS SIVE LUDENTIS EXEMPLA.

CUM in antecedentibus horum Miscellaneorum Curiosorum Annis varia naturæ circa productionem rerum à solitâ formâ abludentis, atque in quibusdam ad monstrosam deformitatem declinantis exempla annotata sint, & hic, facto quodam spicilegio quasdam illius sive luxuries sive lusus, sine tamen deformitate, congerere non abs re fore existimo, producendo.

## I.

PILOSELLAM FASCIATAM, in apposita Tabulâ Fig. I. depictam, quamque exsiccatam Nobiliss. Dn. D. David. Spilenbergerus anno præterlapso 1675. Leutschovio mihi transmiserat, de eâ vero quod referam aliud non est, nisi caulem altitudine quasi quatuor uncis pedem unum cum dimidio superasse, latitudine unciam unam cum dimidiâ æquasse.

## II.

TITHYMALUM CYPARISSIAM Fig. II. in naturali suâ magnitudine depictum, quem Dn. D. paterfonio, cum morbo quidem pertinacissimo



cissimo conflictanti, sed nihilominus constanti Ephemeridum harum augendi studio flagranti, debeo, nuper elapso mense Majo, Eperisio transmissum.

III.

MARTAGON FASCIATUM, quod à *Dn. Georgio Vette*, Pharmacopœo Cibiniensi, non procul ab urbe eâ repertum anno elapso 1675. mihi missum est. Caulis altitudine pedes tres uncias novem, latitudine uncias duas æquare; vertex quamplurimis floribus sibimet quasi insidentibus ornatus esse visitur. (*Vid. Celeberr. Dn. D. Borrichius in Obs. 59. Vol. II. Actor. Hassniens.*)

IV.

PRIMULAM VERIS FASCIATAM, idem modo dictus amicus mihi perdilectus, eodem tempore mittebat, anno 1673. prope Cibinium inventum, & plusquam trecentis floribus superbientem, figuram ejus in naturali magnitudine *Fig. III.* exprimit.

V.

Ab eodem RANUNCULUM etiam FASCIATUM tunc obtinui, cui similem jam olim *Dn. D. Oelthafius in Elencho Plantar. circa nobile Dantiscum sponte nascentium* depinxit, ut ideo schema ejus hîc prætermitti potuisset, nisi putarem libellum illum non cuivis fortasse ad manum esse. Magnitudinem ejus naturalem *Fig. IV.* repræsentat. (*Aliam ranunculi fasciati iconem prælaudatus Dn. D. Borrichius in Vol. I. Actor. Hassn. Obs. 63. exprimi curavit.*)

VI.

ROSAS SALIGNAS *Dn. D. Wincklerus*, Collega noster honore & amore sedulo prosequendus, in paulo ante adducta observatione spectandas exhibuit, quales quidem anno 1648. floruisse perhibentur; hîc ejus rose (verbo sit venia) *salignæ* iconem *Fig. V.* dare lubet, qualem quotannis ex congerie foliolorum salicis latifolia generari *Clariss. Dn. Grassius* observasse videtur, in *Observ. 264. p. 478. & 479. Anni III. Ephem. Curios.* non tanquam rari quid subesse velimus, saltem ut rose sic dictæ *salignæ* inter se tanto fidelius conferri queant, pro Lectoris accuratiore judicio.

VII.

PIRA FLORENTIA, in Silesiâ, quod scitur, antea non visa, nisi anno 1675. & 1676. Pagus est in Namslaviensi districtu situs, *Eckersdorf* dictus,



AD. ANN. VI. OBS. N. 7.



dictus, atque *Illustris & Generosus. Domino, Domino Danieli Kottulinsky L. B. de Jeltsch, Domino in Eckersdorf, Pangau & Polcko, Judicii Nams-laviensis Regii Assessori &c. &c.* parens, ubi juxta viam, qua pecudes in pascua dimitti solent, duæ pirasiri reperiuntur, quæ ambæ circa finem Aprilis (annô 1675. ) ex pirorum recens natorum vertice, h. e. mox sub calice novos flores protruserunt, ad initium Julii durantes. Hoc anno 1676. unicæ tantum arboris pira similiter quidem floruerunt, sed non tam frequenti luxurie, uti superiore anno, sicuti nec flores ultra dimidium mensem servarunt. *Tali sensu Generosus. Dominus Baro ad Dn. Georgium Wendium Gymnasi nostratis Magdalenæ Professore, & Societatis Fructiferæ PLANTANTEM*, propria manu non ita pridem scripserat, cum eidem & præterlapso & hoc ipso anno, pirarum florentium aliquot exemplaria misisset, quorum elegantiora hic in naturali sua magnitudine, picturâ fideliter exprimuntur Fig. VI. Ut paulo pleniori informatione Lectoris judicio subveniat, notandum videtur, Anni septuagesimi quinti verum magis & frigidum, anni 76. sudum magis sive siccum & calidum exstitisse: quæ causa sine dubio fuit, quod flores tunc copiosiores & durabiliores, quam nunc deprehensi sunt.


Si



Si quisquam circa certitudinem hujus relationis hæreat, putetq; flores è piris emissos, eosdemmet ipsos esse, qui solito naturæ ordine fructum præcedere, & quam primum is augeri incipit, decidere siveverunt, hac vice vero tantum beneficio tempestatis (quæ in primis anno 1675. à mense Aprili ultra Junium frequentibus imbribus maduit & subfrigida mansit) eos conservari potuisse, fructu nihilominus incrementum capiente, ei quod reponam in præsentem quidem non habeo, nisi quod accuratiorem & certiore observationem secuturo, si Deus vitam servaverit, vere, tanto diligentius indagaturus sim.

## VIII.

Pirum *Fig. VII.* depictum, nescio an fungi aut quamvis aliam referens formam, *Dn. D. Godofredus Schubartus, Collega & Amicus honoratissimus* Bregâ transmissit, quod in horto urbi proximo anno 1674. natum erat, nullo ad formationem accedente artificii ingenio, eadem plane magnitudine, quam pictura monstrat.





## I X.

De literis in fagi trunco inventis *Collega noster Honorandissimus, Dn. D. Salomon Reifelius supra Obs. IV.* prolixè satis atque eruditè egit ; hîc loco appendicis addimus *figuras* varias in *mali ramo* dissecto Anno 1628. in Bloemendal prope Harlemum repertas, atque ab ipsomet, nî fallit memoria, Dn. Reifelio exhibitas cum carmine Batavi anonymi, quod tale est :

Buyten Haerlem ( vvonder-saekou )

In het hout dees belden staeken,

Sonder hand daer ingestelt.

Wat macht vvesen, my vertelt.

Burger, vvilt gy vvcl gelooven

Dat het vvercken sin van boven,

'K bid vv, hier doch niet en spot:

In het hout soo leest oock God. i. e.

Res narro miras: en! ad Harlemum mihi

Has exhibebat svave lignum imagines,

Quas nullus opifex, nulla finxerat manus.

Sed unde, quæris, duxerint originem?

Tuamne, civis, hoc merebitur fidem,

Talia supernis opera fieri viribus?

Te quæso, vanum ne putes ludibrium:

Sic magnus etiam vivit in ligno Deus.

## X.

Dimissis hac vice vegetabilibus, ex animatorum classe abjectum quidem insectum, sed pulcritudine nulli cedens producere liceat, SCARABÆUM scilicet PICTUM in apposito schemate satis eleganter expressum.

Insectum hoc, quantum scitur, Silesia antehac nunquam vidit, an usquam alibi locorum inquilinum sit, cum ignarissimis me scire profiteor.

Mensis Julii nuper elapsi die 10. sub vesperam, *Prausnitzii* (oppidulo Baronatus Trachenbergensis) in ædibus Pharmacopœi, scarabæorum hîc depictorum alter in vicino lanionis m. . . Ho captus est, uterque à dicto Pharmacopœo *Dn. Jacobo Hauer* sequenti statim die mihi exhibitus per aliquot dies supervixit.

Quead



Quoad formam à vulgo notis scarabæis majalibus, hi nostri differebant 1. magnitudine, quam sculptura exactè exprimit, 2. colore plane castaneo, cum vulgares illi magis rufescant; 3. insuper nitore & lavitate alarum; 4. cornuum sive antennarum largitate & longitudine; 5. medii ventris lanugine spissâ belleq; flavescente, colore quem isabelle vocant; 6. voce; cum enim contactum insecta hæc nequaquam ferrent, indignationem suam sibilo simplici, quandoq; substridulo simul pro conditione corpusculi satis minaciter fortiterque expirabant.

Sibi ipsis eadem insecta collata differebant; nam scarabæus ille *a.* notatus, mole corporis, coloris magis castanei, picturarum in alis & capite, & lanuginis colorationis elegantia, alterum *b.* superabat: insuper ille caudam alis non tegebat, hic eam abscondebat: ille infimo in ventre quatuor tantum lineis nigris, hic quinque insignitus videbatur; è quibus signis apperere opinor illum marem hanc femellam fuisse.

AD ANN. VI. N. 7.





Cæterum & hoc notabile videtur, quod eo tempore comparuerint insecta, quo scarabæi reliqui pridem disparuisse solent.

## XI.

VERMEM ex arenulis compacto in involucro & sub aquis hospitantem *Fig. scarabæis annexa* exhibet.

Primo intuitu mascula *a.* ex arenis diversæ magnitudinis diversiq; coloris conglutinata apparet, eâ formâ, quam sculptor expressit: in eâ tamen vivi quid latitare, nō facile deprehendunt, qui aquam hauriendo illas frequenter e fonte extrahunt. Stato tempore vermis exerere, eque capsula prorumpere solet.

Nos fabuloso isto involucro fracto offendimus vermem teredini non ab similem (quoad conformatio ejus in exarefacto nimium corpusculo cognosci potuit,) *Figura b.* aliquo modo delineatum.

Quisquis is vermis sit, videri potest, quod involucrum membranofum (aliis talismodi insectis commune) fabulo obducere soleat, ut se vel contra aquæ, vel, quod vero fortè similis, contra aliorum insectorum injurias præmunit; nisi fortasse pondere fabuli depressus in fundo detineri, quam ab aquis sublevari malit.

Fons, in quo vermes isti reperiuntur, hoc peculiare etiam habet, quod in fundo, arenâ purâ strato singulis fermè diebus *officula* etiam *costarum*, *brachiorum*, *femorum tibiærumq;* tenerioris cujusdam animalculi, quæ, præter costas, ranarum ossibus perquam similes sunt, exhibet.

De hisce omnibus ut diligentior observatio instituatur, & magis certæ circumstantiæ investigentur, operam diligentem dabimus.

Cæterum scire juvet, pagum, ubi dictus fons scaturit, vocari *Lobschau*, situmq; esse, in extremo Oppolienfi Ducatu, quâ Poloniæ fines attingit, atq; parere *Per-Illustri Domino*, Domino Georgio Puckler, *L.B. de Groditz*, hereditario in *Schedlau* &c. &c. qui tam vermiculos, quam officula prælaudato *Clariss. Dn. Georgio Wendio*, viro colligendis mineralibus perquam sedulo, nec minus sagaci & felici, atq; etiam de fossilibus Silesiæ scripto nuper edendo incumbenti, perquam gratosè concessit, atque causarum investigationem simul pollicitus est.

## XII.

Supra laudatus *Dn. D. Patersonius*, Fautor mihi multis modis colendissim⁹, non ita pridem SILICIS misit iconem RAMOSI perelegantis, quantum vis à foffore nimis mutilati, in superiore *Tab. y. Fig. VIII.* æri incisam.

Delinea-







Ad. N. N. VI. O. b. s.  
N. 12.





Delineationem intuens, mox deprehendes filicem & radice & vertice detruncatum esse, ipsumq; in plures ramos divisum fuisse, sed omnes etiam mutilatos atque præfractos existere; Punctula in icone expressa foraminula denotant, quæ succo lapidescente in talem ordinem digesta sunt, ut artis aliquid mentiri videantur.

*Idem* alius filicis pallidè rubescentis, pergratum mihi munus misit frustum, palmo latius ferme triangulare, in varios montículos & antra profunda efformatum. Istas protuberantias mirâ elegantîâ ex latiore basi in tenues apices assurgere éque meris granis instar ovorum piscium, aut glandulis compositas, sic ut alicubi vel uvas vel papillas efformet, & silex ammonites (era Roogen-Riesel) vel Statagmites potius optimo jure nominari queat.

FIG. VIII.



Trunci avul-  
sorum ra-  
morum



Cæterum videtur hic siex ex alto radices egisse, ut succus lapidificus spissior, destillando potius guttatim concreverit, quam ut in stirias sive ramos, ut ille prior, extendi potuerit.

## OBSERVATIO CCXL.

## D. GOTTOFREDI SCHULTZII.

DE

## HALONE SOLARI.

**I**nter meteora emphatica rarioribus non immeritò tùm veteres tùm recentiores naturæ consulti annumerant illud phænomenum, quod, quia solem cingit, Latini *coronam*, *catenam* & *armillam solarem*; Græci *ἄλων* sive *arcam* vocant. Præterquam enim quod non adeò frequenter compareat, vel hoc nomine observari meretur, quod interdum, & quidem solem, cor illud cæli, & siderum coryphæum, afficere videatur; hincque à vulgo non sine metu, vano quamvis, sinistri ominis spectetur. De eo recepta Physicorum doctrina est, quod corona solaris formetur in nube densiusculâ continuâ & æquali, soli directè subjectâ: raro appareat, quoniam fervor solis ejusdem halitûs dissipet, nec facile eos debitè coagmentari sinat, ut halo in iis appareat: candida plerumque sit: frequenter vere & autumno conspiciatur, cum eo tempore nubes magis sint dispositæ.

An firmo omnia hæc stent talo, disquirere nunc non permittit institui ratio: fortassis autem, si accuratius (quod hætenus indefessum illum siderum scrutatorem, *Germaniæ nostræ Atlantem*, celeberrimum *Hevelium*, sedulò fecisse, *Mercurius* ejusdem in *Sole visus*, testatur) in posterum hoc meteorum observare non pigebit, quæ notari merentur, occurrent. Nobis, quæ circa idem, paucis septimanis abhinc elapsis, observare contigerit, hic recensuisse sufficiet.

Mensis Junii proximè præteriti die quarto, scilicet n. horâ X. antemeridianâ, cælo cætera sereno, nisi quod hic illic tenuissimæ quædam nebulae sparsim apparerent, corona solem liquidissimum cingere visa.

est, cujus diameter erat 43 20, latitudo limbi unius circiter gradûs. Coloribus visebatur picta variis, instar iridis, non tamen luculentis adeò, sed offuscatis quasi ac turbidis; hique in partibus coronæ septentrioni & austro obversis densiores erant, quòque magis ortum & occasum versus vergebant, dilutiores fiebant, & tandem in candidis-

simas







Septentrio.

Ab. ANN. VI. N: aa.



Oriens.

Occidens.

Meridies.



finas nubeculas terminabantur, ita quidem, ut circulus utrinque quasi disruptus non accuratè omnino intuenti videretur. Aer, quantum sensibus percipi potuit, tunc erat tranquillus: paullo post tamen ventus orientalis spirare incipiebat, quod, lentissimus quamvis, nubecularum motus ab ortu versus occasum indicabat. Hoc ipso, horâ XI. ante merid. elapsâ, invalescente, halo magis ac magis attenuari, sicque successivè ab ortu & occasu versus meridiem & septentrionem penitus disparere incipiebat, adeò ut horâ XII. vix exiguum quoddam ejusdem vestigium versus septentrionem restaret. Accidit tunc, ut nubes quædam, quæ jam densiores, majores, & frequentiores aderant, velociusque in occiduam cœli plagam movebantur, solem tegeret, umbramque nobis offunderet: hoc ipso momento restans adhuc versus septentrionem coronæ particula in oculos fortiter satis incurrebat, nobis quasi valedictura; statim enim ac nubes solem transierat, illa omninò evanuit. Occupabant deinde aërem passim nubes magnæ ac densæ, quæ tamen hora II. pomeridianâ rursus nobis eundem serenum sistebant. Secuta est hucusque tempestas maximam partem serena ac insigniter calida, adeo ut prognosticon illud, quod *Sengverd. Instit. Phys. lib. 4. cap. 7.* nobis reliquit, vulgoque innotuit, candidum hinc referat calculum; utut *Gassendus de Meteor. cap. 6.* meras illud conjecturas, non observationes germanas; utpote quibus experientia contrarietur, esse moneat.

## OBSERVATIO CCXLI.

D. GOTTFREDI SCHULTZII.

DE

MANNA ABORTUS CAUSA.

**A**Nno proximè elapso M. DC. LXXV. mense Majo femina, quædam hic Vratislaviæ septimo mense gravida, ictero corripiebatur, cum appetitu prostrato, siti ingenti & alvi obstructione pertinaci. Ex consilio obstetricis assumit mannæ in juscule carniū solutæ unciam unam, à quâ alvus eo die aliquoties solvitur: sub noctem vero frequentes dejectiones cum torminibus ingentibus eandem defatigant, adeò ut tandem, sub lucis exortum partus doloribus correpta, paullo post puellum vivum, debilem quamvis, ederet. Natus hic, vel ipsâ teneritudine immaturitatem suam te-

Uu

status,



status, æque ac mater laborabat ictero, & totus bile tinctus erat. Illa à partu ritè purgata & medicamentis convenientibus curata, aliquot dierum spatio integræ sanitati restituebatur. Hic vero, qui primis diebus ubera matris penitus adversabatur, sub finem tertiæ septimanæ epilepsiâ corripiebatur immani, paroxysmis quotidie magis invalescentibus intantum, ut, quartâ à nativitate hebdomade nondum exactâ, in uno eorum sanguis ex aure sinistra cum impetu, ceu venâ sectâ fieri assolet, profliret, moxq; novo, eoq; ultimo, ingruente, cutis eâ parte, quâ coccygis os intrò flexum scrobiculum efformat, rumperetur, ac sanguis satis largiter inde maneret; sicq; misellum anima tandem destitueret.

## OBSERVATIO CCXLII.

## D. DANIELIS LUDOVICI.

## FOETUS CERVINI II. NOVEMBRIS CONSTITUTIO.

**C**Um superiori anno Coburgi à Serenissimis evocatus aliquandiu subsisterem, præcipuus quidam aulae minister, rerum naturalium haut aliàs incurius, & cui aliquando conceptionis rationem & primum apparitionis tempus secundum recentiorum nunc sententiam & observationes, præcipuè in damis atque cervis habitas, aliquando exposueram, exenterationi cervæ, uti videbatur junioris, paulo ante confossæ, secundo Novembris, st. v. tortuito superveniens, deprehensum inibi tenellum, cum secundinis suis, (ovum gallinæ majusculum æquantibus,) foetum ad me deferri jussit; brevique sequutus habitum ac conformationem contenti intus animalculi coram intueri voluit. Discissis proin statim in præsuppositi nostri collationem secundis, profusoque hinc liquore intus albugineo, prodibat foetus, in suo parùm inflexo cernuoque situ perfecti viri duos indicis articulos exæquans; post aliqualem pro rectilineo positu extensionem, aliquantum excedens; perfecte satis conformatus; masculus, veretro crassitie mediocris netricum acûs, longitudine verò quam pennæ anserinæ medium præterpropter emetiretur, cum testiculorum notis manifestis: caudâ pro ratione proportionis longiori, articulationibus suis distinctâ, pene de cætero crassiori.

Abdomen peritonæo undique clausum, ut nil propenderet, umbilicalia autem vasa variorum filamentorum instar, ad hypogastrii initium



tium exirent. Dissecta membranula illâ & quod isti in muscutorum forsan rudimentum incumbibat, apparuit hepatis substantia, sed indigestior, instar floridi (quadantenus coagulati) sanguinis: sic etiam splen, at paulo nigricantior. Renes utrinque pro ratione foetus majusculi, granum piperis mediocriter æquantes, cum aliquot incisuris. Venter cum binis suis appendicibus ad grani cannabini magnitudinem accedentibus, appensa (crassioris dupli modo,) ostendebat intestina. Desuper diaphragma & utrinque costæ veræ, circa sterni regionem membranosa substantia junctæ, inferius cum spuriarum quasi initiis. Hinc pulmones, pisi hortorum majoris magnitudine; cor autem piperis fere grano par, exangue tamen, cum venulæ circa tempora, maxillas & in ipso trunco forent conspicuæ.

Evisceratus ita foetus lateraliter carinæque sua plane referebat colubrum aut fundulum, cui interanea sua exempta. Caput majusculum, avellanam majorem excedens, maxillis in obtusum quasi rostrum utrinque protensis; linguâ (diducto ore) elegante, latitudine dorssi cultri mediocris. Oculi effossi cannabis aut cardamomi majoris granum æquantes, cum pupillâ per subtile palpebrarum tegmen admodum conspicua. Auriculæ protensæ, sed si ad ultorum conferas, circumcirca obtusiores. Cerebrum à cerebello in apicem quasi quendam abeunte, intra tenellam adhuc & membranosam calvariam satis distinctum, album ac crassum, instar spissæ mucilaginis tragacanthæ. Ungulæ & articulationes pedum perquam conspicuæ, solidiusculæ, albæ, ut ipsa quoque spina. Atque hæc distinctè nec sine jucunditate, (modò pro penitiori perlustratione qualiscunque curiositas armato oculo juvari potuisset,) interea vidimus.

Ego vero (unicâ licet observatione,) turbatus tamen hinc, venatorem ipsum cum sociis aliquot, aliud quasi agens successive perquisivi; qui cum hæsitantem me cernerent, nil novi esse dicebant, inveniri que passim sub exenterationibus ejusmodi vesiculas, (ita manticas istas vocabant,) etiam procedente Octobri, sed minores: ceu versus hujus finem eorum quispiam foemellam, foetu nostro paulo minorem, per accidens extraxerit. Cogitavi proin, num regionis forsan secundum tempestates differentia, vel speciei quædam disparitas subesse posset. Verum de cervis quidem id rescire hæcenus non potui; statum orgasmici temporis idem.



Quod autem aëris constitutionem attinet, nota quidem ista est, & pariter hinc declinans æstas magis fuit pluvia; September verò hinc satis serenus; ut apparitionis potius prolongatio quædam, secundum venatorum traditiones evenire debuisset. Ephemeridum usualium nullum scio vel puto discrimen; aut si quod speciatim fuisset, tantæ tamen anticipationi nondum sufficeret, siquidem si viri nunquam satis laudati observationes de fine Novembris *Exercit. 69.* & principio Decembris *Exercit. 70.* cum foetu nostro conferimus, vel mensis distantia haut difficulter prodiret: quò nec Veterani nuper relatio facile pertinget, qui seniores nonnunquam cervos orgasmo circa Augusti finem anticipando correptos oblatam forte foemellam, (luxuriantem tamen etiam congenerum exemplo, velle posset quispiam,) inire multà interim satisfactione dicebat.

Paulo verò fufius hæc recensere volui, non ut tot tanti Viri observationes ullatenus hinc dubiæ reddantur, sed quo ad minimum saltem, vel uno alterove exemplo, consimiles forsan alternationes, in eo abstrusissimo adhucdum negotio ulterius, aut secundum prædictas pariesve causas penitus pervestigarentur. Parcitur equidem, & merito, hinc locorum isti tum temporis sexui, aut evisceratae jam ad aulas mittuntur. Operam tamen proximo autumnò dabimus, ut quousque experientia convenient illæ venatorum de anticipatione, citiori frequentiori que apparitione! &c. relationes, planius constet. De cætero ejuscemodi embrya, grandiores quoque abortus, infecta &c. in vitris conformibus per diu olim servavimus in si dephlegmatissimo solo, usque Æis subtilioris parte, spirituive terebinthinæ tantillo sociato.

## OBSERVATIO CCXLIII.

D. DANIELIS LUDOVICI.

## INQUISITIO IN MAJOREM SPIRITUS TARTARI PROVENTUM.

Communes sunt de spiritu  $\Psi$ ri usuali querelæ, quod si à destillatoribus passim hodie venalis coëmatur, nullius pene sit momenti, volatili potiori quæ sic suâ parte (seu per vices, inter majores impetus emissâ, seu libellorum quorundam seductione phlegmatis loco abjectâ, aliterve neglectâ,) tantum non penitus spoliatus; residuâ potius aciditate, consuetis destinationibus plerumque minus



minus quadrante constans. Sin autem propriis manibus, secundum præscripta, (studiose licet) destilletur, adeò tamen exigua quantitate proveniat, ut si polychresta vis deforet, operæ pretia de cætero mereri vix videatur ejuscemodi foetoribus ac tædiis occupator: dum assumpti ponderis contentæque volatilitatis tantum (ingratiis etiam) periisse, sub lancis postmodum examine deprehenditur.

Nec verò pro defectûs hujus supplemento insolidum adduci vel accusari potest gas incoërcibile, quod equidem inter excaulescentium particularum luctam surgit, & (quamvis in spiritûs super cineres abstractione haut adeo sentiatur,) nihilominus in olei quoque rectificationibus ponit *Helmontius*, (tr. de Flatibus) rimam proin inter commissuras relinquens. Cum revera insuper etiam mage corporale quidpiam, negotio quoque satis considerate instituto, simul tamen erumpere sensu non uno percipiatur; & enchirises, quædam, ligandæ quadantenus aut retinendæ fugaciori huic volatilitati destinatæ doceant.

Quo ipso autem amplius haut difficulter colligitur, tantæ dissipationis & extravagantix causam non semper ac solitarie consistere in artifice, instrumentis, eoque recidentibus requisitis, sed etiam in ipsius subjecti natura peculiarique dispositione: & ut cæteris paribus forsan hæc est? potior, ita quoque peculiarem postulare medelam; cum reliqua oppido facilius & comprehendere & pro re nata emendari queant. Non potest enim non differgi plurimum, si v. g. recipiens ad mediocre quoque Pri pondus sit minus exiguum; si satis alias capaci & usuali non sex tantum aut octo, sed decem, duodecim aut plures libræ apponantur; plerumque vix totidem unciis liquoris postmodum provenientius: si (quo lucrum sit in loco aliquid negligere,) rima vel epistomiolum inter commissuras pro ruptura vasis evitanda relinquatur. Observavimus pluries, grandiora quoque receptacula, qualia hîc sunt Hassiaca, non ferre Pri ultra duas tresve libras, absque evidentiore spiritûs aliàs accisæ satis hinc prodeuntis jactura. Ita si ignis statim & justo sit validior, quatuorve v. g. horis cum dispendio transigatur, quod sex vel octo, (quæ 2. libris facile debentur,) securius oportebat.

Optarim hic, ut enchiridio cuidam chimico ac pharmaceutico adjiceretur debitum præterpropter singulis processibus eorumque gradibus & alternationibus tempus; ac determinatum quoque quoad ejus fieri poterit pondus productorum, tam immediatorum, quam è



residuo aliterve provenientium: item additamentorum & inevitabili-  
 lium per diversimodas dissipationes dispendiorum. Levi id fieret ne-  
 gotio, maximo vero præcipue incipientium, taxas condentium, &c.  
 commodo. Sed hæc incidenter.

Ita porro apertum quidem pro spiritu nostro ignem hic non cul-  
 paverim: nihilominus tamen ad istam ~~¶~~ i impetuositatem paulo fere  
 videtur violentior: & extremus tandem arenæ gradus dictum pondus  
 in retorta vitrea sufficientissime subigit, ut re rite peracta pro sufficien-  
 tis salis collectione particularumve quarundam minus forsan adhuc ta-  
 ctarum majori alcalisatione, ulteriori cap. mortui calcinatione (simul  
 deprædatoria) non sit opus.

Adhibuimus aliquando alembicum, qui (una cum recipiente) fu-  
 mos adeo enitentes cogeret, capacissimum loco retortæ: sed duplicatis  
 sic commissuris plus perdidimus. Idemque contigit; cum alia vice  
 globum spiritus vini partem, (quæ tartari erumpentem absorberet) con-  
 tinentem inter rostrum ac recipiens poneremus. Dubio procul autem  
 parilis fuerit productiorum & varie inflexarum serpentinarum succes-  
 sus: siquidem applicato longo satis nec adeo declivi (per capax refri-  
 geratorium) tubo, nobis quidem pro ratâ nihilo plus provenit; spiriti-  
 bus impetuosus altum quidem facile petentibus, deorsum verò (inter  
 subitaueam istam successione & humidi suscipientis defectum) ire no-  
 lentibus; subterfugio interea, ubicunque comitante oleositate datur,  
 præfractæ quæsito.

Retortiforme detonationibusque fulminantium aliàs non in-  
 commodum instrumentum, ingrentibus inferius exitui superius uno  
 pluribusve rostris patens haut minus, idque de subtiliori parte potius,  
 ingratiis dimisit: plus vero Glauberianum secundi furni opercula-  
 tum; plumbo circumfluo nonnunquam eliso, alibi superimposito quo-  
 que lapide levato ut acidior tantum pars in collecto liquore prævaleret.  
 Lutum ipsum etiam singularius quàm penetret, passim sentitur: quo  
 vesicas postmodum, ut tamen prius probe circumcirca siccentur, qui-  
 dam nec immerito forsan maluerunt.

Verum cum nec his nec aliorum prædictorumque requisitorum  
 observatione multa potioris partis dissipatio præpediri posset, ad ipsius  
 proin subjecti naturam, quod alterum erat, conversus cogitavi, num-  
 (ut in sale comm. ammoniaco, nitro, calce viva &c. solemus, ita hic  
 quoque)



quoque) additione competentis nec producta frustra pervertentis vehiculi, quod & ficciorem tartari substantiam hac in parte quasi levaret, & particulas salinas, (sub acidi vinosi cum fece, volatili sale affluentissimâ coagulati exercitio isto) impetuosius proruentes susciperet saltem, aut dilueret, major quædam harum conservatio inveniri queat? atque adeo diffusioris i. quoad ejus fieri posset, quantitatis, 2. spiritûs tartari (pro nunc) tantum usualis, & quidem 3. particularum ejus acriorum ac pungentium acidulas intermixtas; (quod bonus & efficax demum existit etiam non rectificatus spiritus) evidenter præcellentium, siquæ 4. sine requisitorum ejuscemodi incommodo tum liceret, etiam residui in cap. mortuo alcali specialiter ratio haberetur.

His autem ita suppositis statim excludi videbatur principio, qui cum  $\oplus$ li, desideratas particulas nimis supprimentis, anatico pondere, (etiam sp. tartari compositi nomine) destillatur: triplo quidem copiosior, sed acidior melleoque propinquior: utut bonum sit aperitivum ac menstruum non deses. Sic porro quoque, qui cum quarta tantum parte vitrioli provenit, tartareo propinquior, diaphoreticus ac diureticus: vulgari spiritûs tart. ponderi consueto dimidium supera ddens; adhuc tamen similiter acidiusculus: oleo interim ob suppressionem istam aut sulphuris metallici inviscationem utrobique parco, minus acri & ad ordinariam proventum vix subquadruplo: capite mort. verò (posterior, tanquam fixationi aptiore,) vix drachmas sex pro singulis tartari libris è fluidiori massa reliqua in laboris quasi spiritûsque remissioris compensationem exhibente. Cum colcothare & vincetoxico destillari, non tamen ad combustionem usque jussus, aliàs eo ipso alterius potissimum oriûs ac intentionis est.

Amplius autem nec qui cum alumine (in quod aliud agentes incidebamus, habetur, secundum dictas condiciones huc referri vel substitui poterat: siquidem anatica hujus & tartari proportionem penetrantissimus & sale volatili (ultra urinæ alumini debitæ modum) affluentissimus, (æque ac spiritus C. C. vel fecum vini siccatarum, tanquam acido vinoso minus ligatarum solet,) prodit; cuidam tamen salis tartari spiritui odore saporeque, quin etiam fugacitate pro communi tartareo proximior: capite mort. de cætero arcanum quasi duplicatum quoddam post elixivationem præbente.

Ad eandem vero urinositatem tendebat etiam, (vix animadverso  
interea



interea consueti ponderis augmento, ) spiritus, qui admixto sale tartari vel ex ipso tartaro tartarifato, ( coagulo è tartari selecti vel depurati & salis tart. ana, aut hujus potius duabus, illius tribus partibus collecto, ) pellitur: efficax interim, nec ut nonnemi habitus est, per quandam hinc destructionem quasi aquosus.

E sale tart. aceto destil. ad nodum oxyfalis diaphoretici Salæ, simplicius saturato, (quo incidenter etiam hæc referamus, ) non spiritus tartareo analogus, sed acidus quispiam liquor prodibat, parvus, & istum saltem aliquantum ( cum interspersi nonnunquam olei olim absorpti punctulis redolens; utut alibi similiter pro regenerato vel artificiali tartaro æstimaretur.

Cum aceto vero non destillato processu instituto, ( requiruntur autem libræ fere septem aut octo pro octo salis unciiis, ) magnam post sufficientem divaporationem nigricans spiritum dabat ( ex aceti sc. sinu, ) oppido magis tartareum, acrem, urinosum, cum acidulatione tamen aliquali, & oleo fœtido quasi guajacino. Unde quoque haut dissimilis ( & quasi è tartari spiritu acetoque destill. mixtus foret, ) habebatur, postquam modò dictum coagulum spiritus vini duplo præterpropter dilutum, ( post filtrationem tertiæque partis exhalationem ) destillationi per arenam satis validæ subiceretur. Instillato sp. vitrioli manifeste ebulliebat liquor, qui cum olei simul particula, & alcali residuo in deliquium propensissimo prodierat.

Ulteriori vero inquisitione dignum videtur, quod si dicta magnatis solutio non exhaletur, sed ( uti alcalia spiritu vini communi diluta solent, ) subsidens phlegmatica & sale saturatior pars à superflante spirituosiore per tritorium separetur, atque simili ratione destilletur, prolecto ad extremas guttas spiritu ( satis tartareo, nec tamen cum vitriolico ebulliente, ) sal in cap. mortuo relinquatur, cujus deliquium aut solutio cum oleo tartari comm. limpidiori etiam nullatenus nobis quidem misceri voluit.

Sed hæc alterius sunt ordinis aut originis, ceu adhuc longius institutum hoc nostrum petitus foret spiritus, ( aliàs non rejiculus, ) è sarmentis præcipue caudicibus sive capitibus, dum vineæ nonnulli bi eruderantur, destillatus. His proin omnibus, utpote destinationi ac præsuppositis minus in præsentiarum quadrantibus, suos in usus tantisper sepositis, spiritus vini tanquam analogum ejusdem liquoris  
geni-



genimen tartareæque volatilitatis haut inconueniens susceptivum succurrebat.

Sed nec sic voti adeò compotes fieri videbamur : quippe prius quam tartarus pro exudatione sui laticis satis undiquaque incalesceret, transisse is maximam partem in excipulum deprehendebatur ; exigua hinc forsan differentia à simpliciore ista combinatione , ubi pro subsequa rectificatione spiritui tart. ( etiam ab oleo nondum separato ) affunditur illius portio.

Unde de stabiliore quodammodo, sed in diaphoresin ac deoppilationes conspirante vehiculo cogitantes, pro ulteriori tentamine dimidium mellis satis grumosi, alia vero vice speciosioris hinc mannæ parile dimidium selectiori tartaro addidimus. Destillatus valide tandem per arenam non sine exaltuatione liquor, conjunctim quidem tartarum satis referebat, citius tamen anticipare videbatur exiens aquositas istius eruptionem, præstabatque spiritum paulo dilutiorem, cum alcali aliquantum à melle inverso.

In saccharum proin, vilius solummodo & nil vel parum saltem à refinatoribus passum incidimus, eo quod pariter sal quoddam essentialle foret, phlegmate superfluo minus abundaret ; solitarie quoque diaphoreticum & aperitivum promeret spiritum, & quidem in eo genere haud adeo disparem ; forsitan denique alcali etiam minus alteratum. Cum autem anatica primo proportio bonum quidem, similiter tamen aliquanto dilutiorem (uncias sc. decem pro tartari unciis sedecim) exhiberet, residuumque minus alcalisatum videretur ; proin dimidio tantum postmodo seu unciis sedecim cum duplo tartari seu libris duabus mixtis, extremo tandem arenæ gradu, 8. vel 10. horarum spatio habuimus uncias duodecim (interdum pene tredecim,) spiritus à tartareo (usitata curataque tamen destillationis,) sapore odoreque nostra quidem opinione vix aut non ( nisi processum quis noverit, ) discernendi ; effectus interea (ceu plurimum annorum usu privatim confirmati testari possumus,) plane ejusdem ; sive per se sive in mixturâ seu tincturâ bez. similibusve compositionibus adhibeatur : seu porro ( & hoc perquirentibus ) potius aquosior saltem pars à saccharo mutuo hinc sumpta fuerit, seu unâ insuper de hujus analogo sane innoxioque spiritu quidpiam, ceu facile credi poterit, complicatum adscenderit : cum



olei ( residuis forsan scoriis, ob effervescentiam spongiosioribus & sesquilibram præterpropter ponderantibus, nimis inviscati ) sed tantum drachmis ; salis vero præter expectationem maximam partem haut purè alcalini, sed ab accessorio aliquo ( æque ac vegetabilium sulphurata sunt, ) alterati uncii sex aut septem : dum præter singularem *Helmontii* supputationem aut modum, ( quo *tr. tria prim. chim.* è sedecim unciiis vix unam aquæ haberi, reliquum per destillationem in oleum mutari ; *Tr. Blas* vero, totum è 16. unciiis prolectum liquorem super caput mort. cohobatum residuo inibi ( *ziiiß* ) salis adhuc *ziiiß* superaddere dicitur, secundum vulgarem quidem processum è solitarii tartari crudi selectioris libris duabus seu *zxxxij*. passim aliàs spiritus tantum quinque cum dimidia, vix integræ sex habeantur ; salis Sex vel septem uncia, & olei drachmæ decem aut interdum duodecim : è depurati vero eodem pondere spiritus ( grave nihilominus adhuc olentis ) uncia ut plurimum saltem quinque, olei una, salis octo : forsan quia illic quidem subtilior ac solubillior, metallica quoque ac marina, adoriens pars in adhibita aqua remanet, aut oleosior insuper à copiosiori sale absorbetur ; hinc autem, quia purior & à nimia arenositate sequestrata est tartareitas.

Paulo fufius ea superiorum annorum tentamina referre volumus, quo fecundioribus experimentis amplius perficiantur ; aut ad minimum tantummodo vulgatissima venalis per laborantium emissarios spiritus coemptio, etiam pharmacopoliis in ea proventus parcitate haut adeo insolens fortassis aliquousque impediatur. Decedit equidem hinc quoque portio haut exigua ; sed inter eam parciter pars quædam incoercibilis, reliqua vero haut in adeo excessiva quantitate, seu producta & cap. mortua singulorum inter se conferendo patet. Acuere de cætero hunc pro lubitu, sed ut plurimum non sine majori graveolentia poterit quispiam superaddito sale volatili quovis modo ex alcali tartareo collectio : vel post digestionem quandam omnium, invicem productorum, liquore postmodum per retortam cum spiritus vini parte propulso.

Affinitatis autem causa paulo diffusius adjiciamus his nonnulla, quæ circa ipsas sp. vini siccatas feces (*Weindrûsen*) per vices superioribus lustris aliud quærentes observaverimus : præsertim cum omnibus regionibus non æque frequens sit magma illud, quod post spiritus abstra-



abstractionem è fecum in vesica residuo in districtibus viniferis siccatum argillæ compactioris frustra refert.

Tradidimus aliquando figulo libras decem, ut olla satis operculata moderate (ceu pro locationis ratione queunt,) calcinaret. Verum non ut in cap. mortuo tartari intermixtum, sed desuper plane & ad 2. digitorum crassitiem super istas expansum seu sublimatum, 24. unciarum pondere invenimus sal albissimum, urinosissimo odore nares oculosque feriens; residuo subter insipido, carboniformi aut quasi arenoso.

Cum alia vice repetere hoc placuisset, figulus negotiosior olla denuo festina repetitione furno imposita, quod quærebamus, perdidit: septem saltem unciiis alcali acerrimi & in deliquium propensissimi è toto, (nam carboniforme illud plane disparu erat,) residuis. Prædictum autem sal quasi volatile, postquam Aceto destillato (ut in confectione terræ fol. tartari) imprægnare instituissemus, hunc procedendi modum haut adeo sustinere voluit, sed totum ferè, exigua profecto remanentia, alembicum in abstractione transiit; liquore interea satis vel inter mensura polychresto.

Spiritus vero è siccis istis fecibus per retortam in arena haut difficulter tartari more destillatur; & habentur fortè 6. vel 8. horarum spatio è libris duabus (recipiente capaciore) spiritus copiosissimo sale (ut unquam C. C.) intermixti facile uncia octodecim, olei tres: utraq; fuligineum quid potius, quam tartarum olentia. Sal cum à solo liquore vix totaliter solvatur, unciiis sex vel octo spiritus vini eluatur, & separato oleo saturatus ita spiritus per phialam super sal tartari aut saltem cineres (toto ventre his repleto,) rectificetur, ut 12. vel 13. uncia, sal volatile prius prodiens successive absorbentes colligantur: gravius tamen adhuc quidpiam, etiam præ C. C. spirantes, nisi repetita rectificationes nonnihil juverint.

## OBSERVATIO CCXLIV.

D. DANIELIS LUDOVICI.

DE

## EXPERIMENTIS CUM CALCE VIVA FACTIS.

**F**orsitan haut fuerit incommodum, si quæ aliquando sub qualicumque potiorum calcis vivæ ipsiusque saxi partium perquisitione observaverimus, breviter hic & num abstrusiori adhuc dum



exæstuationis negotio explicando conferre queant aliquid, recenseamus. Principio proin cum curiosiorum circa rem istam facile primus *Helmontius*, in primo editis libellis 3. *lithias.* & 9. *febb.* alteram exca-  
descendæ causæ partem in residuo concremati sulphuris sale, ipsumque  
saxum ob sulphur phlogiston calcinabile esse velit, aula insuper ab usti  
in proximo fortalitis foetore sæpius offenderetur, in sulphurearum (co-  
piam hinc non exiguam præ se ferentium) particularum aliqualem per-  
vestigationem delati deprehendimus vel minerarum ustulatarum ac-  
censive modicum in conclavi fili sulphurati exemplo, quod nihilominus  
qualitas hic atque pollentia mole (conjunctim ante hujuscemodi disper-  
sionem æstimata,) profecto major sit; ceu in odoratorum quoque non-  
nullorum effluviis, inque gustu similiter, florum ammoniacalium mar-  
tialium nigrorum tantillo extrema faucium constrictione tantum non  
penitus suffocante sentimus.

Facta enim 1. pollinis saxi cum oleo tartari saturatissimo digesti-  
one & hinc decoctione satis forti, (siquidem liquatio cum ipso sale ni-  
mium de materia lapidea absorbere, haut parum vero sulphuris sub-  
actione ipsa dissipare videbatur;) instituta cum acidis præcipitatione,  
non sulphur aliquod aut eo saturatius quidpiam, sed lapidosum solum  
magma subsedit, si prunis inspergeretur haut ardens, ut antimoniale vel  
lac sulphuris etiam cum lixivio calcis parata; verum sulphur aliquan-  
tum saltem olens.

Nec 2. sublimari aliquid, intenso quoque per 10. horas igne (tan-  
tum in collo retortæ) voluit, cum (alio quidem fine) libram unam (quo  
magis penetrari posset,) grosse pulveratam Vulcano subjiceremus;  
prodeunte interea quidem ab initio drachma una scrupulisve quatuor  
aquisitatis à communi haut adeo multum differentis: dum tamen è  
pari silicum etiam alborum pondere, postquam eadem quantitate extil-  
lasset liquor aciduli fere quidpiam præ se ferens, & nobis olim pro men-  
struo insipido solari commendatus, (parata verò copiâ attenuatiora quo-  
que Saturnina haut adeo attingere visus,) sulphureitatis odoratui haut  
adversa quidpiam, utut vix ponderabile illuc adscenderet.

Ita nec 3. digestionem cum 1/2 dephlegmatissimo instituta, instilla-  
toque filtraturæ Oli<sup>u</sup> aliquid præter nubeculam extra filtrum non  
colligendam, eo vero combusto demum aliquousque fere perceptibi-  
lem habuimus.

Tandem



Tandem 4. nec detonatio expectata per nitri tam simplicium quam triplum, nisi coactissime & ubi circumactam prunam immediate tangeret, successit; (suborto saltem lapidis molaris attriti odore sulphureo:) dum tamen Martis limatura, stannum, lapis calam. &c. intimiori quoque vel immaturore sulphure constantia tale quid, quodvis interim pro suo modulo, facilius patiuntur.

Ut proin supra laudatus *Helmontius* haut incommode postmodo (*tr. tria prima chim.*) conclusisse videatur, id quod saxo calcario inter urendum decedit, cum nihil tunc ut in pruna (quam paulo ante lapidi isti contulerat,) accendatur, salis esse potius quam sulphuris: de separabiliore manifestiorique procul dubio loquutus: siquidem præter supra recensita, alia etiam quam à solo ligno apparere videtur in urationis progressu flammæ facies, eoque ab avolantibus particulis salinis vix solitarie profecta.

Maculas instar croci cujusdam metallici ochreas aut rubiginosas calci nonnunquam interspersas tantisper huc trahere nolumus. Speciem tamen tunc præ se ferunt reliquiarum aut scoriarum micæ interspersæ seu substantiæ sulphuris cujusdam forsan haut expertis, aut ad semimetallicum quidpiam simul inclinantis: cum superfuso calci vivæ aceto, (quod hydromel nobis loco vini sufficientissimum suppeditat,) postquam fundo prius quasi ammoniacaliter aliquandiu refrigerato, effervescente tandem incipit, odor exactè solutiones saturninas aceto factas referens exurgit. Sed hæc plane conjecturaliter.

Id constat, quod dum candicans calcis rec. portio urentissimo sapore linguam impetit, rubiginosa hæc seorsim exsculpta aliquanto mitior cum amaritie quasi adstrictoria copulata sentiatur. Atque hæc de sulphureis referre possumus; ob olei tartari frustrationem studio præterita digestionem cum spiritu nitri composito, abstractionemque spiritus vitrioli, tanquam magis sulphureis convenientioribus.

Quod autem salinas attinet, observavimus r. è saxo crudo, licet interspersa mica & aliis quam spathi, silicis &c. levigatorum sapor spondere queat quidpiam, vix tamen (negotio quoque per fortissimam decoctionem & filtraturæ in vap. balneo exhalationem, consimilium marinorumque exemplo tentato,) separari posse evidentius aliquid, quod præter calcis (ut in vinis nonnullibi) vestigia candicantia, à fontana vel maximam saltem partem remansisse dici nequeat: siquidem  
(cui



(ceu plurimas olim alio quidem fine Serenissimi jussu hoc quoque modo tentavimus,) falsum quidpiam subamaricans quasi centrale aut seminitrosum, floccosum fere aut foliatum, plerumque tamen griseum, cum sulphureitatis cujusdam interdum nota (vix ultra 2. grana è libris 16.) similiter relinquunt, si puræ simplicesque nec extraneis nonnunquam complicatæ fuerint, v. g. (præter frequentiore materiam illam tophaceam aut calciformem,) ochreæ cuidam simulacri & sulphureæ; ut in strumiferis quibusdam superioris Franconiæ prope vincta, citra metallorum (quæ ibi innotuerint,) commercium scaturientibus: aut uliginosæ amaricanti; ut in stygiis quasi nonnullis, gustui in se non adversis, jumentis tamen inde largius potatis exitialibus; ipsive sali communi; ceu non sine jucunditate in Hassiæ hîc confiniis fontes falsularum venam sive tractum (cis & postmodum trans Weram fluvium,) comitantes aliterve tangentes, ejus plura grana, alicubi ultra scrupulum in supra notato pondere continere per duorum fere milliarium Germ. ductum deprehendimus, libris utrinque reliquis. Sed hæc incidenter.

De cætero si quid in ea exiguitate ac miscellæ suspicione, ex ipsa etiam calce est salinum, (ut esse potest,) nitrositati cuidam videtur fore tum (per diversarum observationum applicationes) propinquius.

Cum autem 2. & per gradus manifestius hic quidpiam quæreremus, & ipse lapis per perfectam unctionem facile dimidio inveniretur levior, (etiam post aliqualem asservationem, dubio procul ab initio quoque exhaustis ac sitibundis poris ex atmosphæra aliquid in augmentum ponderis admittentem:) probe quidem gnari *Helmontiani* illius l. c. quod ejus generis saxo idem ac carboni eveniat; nisi ambo aperto igne cumentur, in calcem aut cinerem mutantur nunquam. instituimus nihilominus experimentum supradictum vase clauso, seu in retorta igne satis valido, exploraturi num particula saltem ejus quod in calcinatione aufugit, & idem author non sulphureum, sed salinum esse voluit, ascenderet, eaque vel pure talis, vel sulphureitati cuidam permixta, aut simul (quod Illustris *Boyle* in Parisiensi gypso observavit, nostro circa fornacis tantummodo fundum interdum liquefcere incipiente, ex parte vaporosa.

At quid & quantum hinc exierit, paulo ante notavimus. Nec adeo evidentiùs quidpiam è residuo seu cap. mortuo colligere potuimus,



mus, nisi quod (in ulteriorem conjecturam aut collationem, affusa ad exiguum solum extantiam aquâ seu post exiguum fridorem, nullam vero incallescens, filtratura (aliquid insuper præ fontana fere sapiens,) instillato tartari oleo, (nam è vitrioli spiritu nil;) sedimenti quid instar nubeculæ ostenderet: dum evidentiori particularum acidularum indicio, supradictum silicum residuum similiter elutriatum, aquam quasi semistipticam, & per oleum tartari pulveris albicantis quidpiam instar magisterii præcipitatum, vitrioli vero spiritu similiter nil, (apparens quidem) reddit.

Atque eadem gypsi usi ad calciformis lapidis, crustuosi dicti, (siquidem laminis lap. scissili crassioribus pavimentisque peraptis constat,) ratione fridoris citra effervescentiam, & præcipitati per alcalinum pulvisculi, cum silicibus est ratio. Ut inter prænotatam è saxo paritatem *Helmontius* denuo haut incommode dixisse videatur (*in trsa prima chemicorum*.) lapides calcinabiles salis naturam & calcis acrimoniam induere transmutatione in novam generationem ab igne promotam, non vero contenti extractione vel separatione.

Proin in calce ipsa rite perusta 1. sal manifestarium ostendit (præter laboriosiora alia, ipsiusque lixivii saporem,) coagulum saltem simplicissimum, quod ex hujus evaporatione in vap. balneo, (unde candidissimus *Sala* aperto forsan igne diutiusve reposito lixivio usus induci ad qualemcunq; negativam potuit,) in bullis lamellisq; suis, (nâ imber exhalationem per vices cum Eccellentiss. *Willisio* eximantur,) calcariæ materiæ permixtis ad drachmam semis fere è saturatori libra restat, & aquæ s. q. denuo solutum idem lixivium reddit.

Quod 2. naturam ejus (an simplex vel compositum, fixum an volatile faciliusve præ aliis alcalifatis volatilifandum sit,) una cum origine attinet: uti quoad primum *Helmontius* allegato loco 3. *lithias*. & 9. *febb.* duo inibi posuit alcalifata salia, gustu quoque distinguibilia, lixiviale unum, alterum acidum à sulphure concremato residuum, nec separabile à toto &c. quæ porro aspersione aquæ soluta invicem agant, accendantur, & dum se mutuo sic demoliuntur, simul coagulentur &c. exemplo tartari vitr. thermarum &c. adducto: ita sane in urentissimo simulque quasi stringente calcis vivæ [recentis & integræ,] dum vero concidit pseudofaccharinis aluminis Saturnique aliquantulum accedente, ipsiusque lixivii [ab alcalino per stipticum] ad similem dul-

corem



corem tendente ) sapore attenuior gustus non invenit, quod in sale tartari perfecte vel denuo cum particula calcis vivæ calcinato, in oleo tartari & liquore silicum Gl. aliisque exquisitioribus alcalinis, simplicibus aut materiæ lapideæ, ( si simplici hujus solitarioque commercio forsan supra notatus sapor imputari velit, ) complicatis sentitur; conceptu autem facilius vel manifestius, licet non sine quadam collationis latitudine existit in alcalinis fixis aut volatilibus per acetosa aliquousque infractis aut fixatis; in ipsa urinâ evaporatæque coagulo, dissolutione hepatis ant. antimonioq; diaphoret. non edulcato, in lixivio capitis mort. spiritûs calcis vivæ cum sp. salis paratî &c. lapidosa quoque vel analogæ substantiæ quidpiam adsociatum habentibus.

Ut autem præter gustûs hanc æstimationem distinctius appareat illa salium dualitas, urinosum quidem aut lixiviale haut difficulter forsan demonstraverit. (1.) spiritus ac subsequum sal, quæ è lixivii saturationis cum vitrioli spiritu moderate, ( quò amaricans quasi quidpiam percipiatur, ) affuso fixati coagulo, lente super fornacem parato proveniunt, si cum ana salis tart. subito misceatur, & quod igne arenæ vaporum specie brevi per phialam aut cucurbitulam conjunctim ad drachmas forte tres utriusque unciis duabus surgit, colligatur: capite mortuo ob prævalens sal  $\text{♀}$ ri adhucdum lixiviosissimo, affusa aqua incallescens, prius autem calciforme aliquid intermixtum urentissimum ostendente; an quia denuo hic alcalino perfusum est? cum calx sale suo semel quovis modo exuta postliminio ad pristinum vix redeat.

(2.) Spiritus urinosissimus, quem ex ana calcis ac spiritûs salis per cucurbitam curtam at capaciorem, aptato probe prius cum recipiente alembico, ad uncias quinque pro singulorum libra una colligi posse, etiam non subdito (qui tamen postmodo potest,) igne alibi notavimus: residuo finita destillatione post horas demum aliquot concidente, si elixivietur & filtratura evaporetur, unciam unam semis salis foliati falsi simulque stiptici, (ceu solutiones lapideorum cum spiritu salis solent,) dante; fundamentum sc. liquoris nephritici quondam hic locorum usualis, & ob calcis jam sane inversas exutasque particulas (æque ac lac sulphuris) innoxii.

(3.) Parabilior adhuc calcis spiritus, qui ingestâ aluminis pulverati librâ supra libram unam semis grosse contusæ calcis vivæ, per capaci-



pacioris colli retortam, capaci similiter recipiente, trium vel quatuor horarum spatio conjunctim, igne arenæ ad uncias sex vel septem provenit; liberioribus ita factis (post terrestriores ab acido aluminis similiter, ceu residuum ostendit, abreptas,) salinis istius particulis; licet equidem ex urinâ, inter hujus excoctionem pro præcipitatione necessariâ quædam pro rata accedant.

(4.) Spiritus vini satis inde alcalisatus, si per se prius probe dephlegmatus calci in cucurbita seu alembico ad aliqualem eminentiam effundatur, & postquam citra notabiliorem extus incalescentiam, (quæ in aperto vase vel patella post horas 3. vel 4. satis, cum haut ingrato spiritus avolantis odore, valida est,) octava præterpropter pars sponte in frigido stria in diei spatio, (sensim concidente calce) prodierit, residuum lento cinerum calore totaliter propellatur, sapore tartarisati vel à cineribus abstracti spiritûs instar, evidenter urinoso.

Foran etiam (5.) coagulum nitrosum quasi murarium; aut nî copioso calcis lixivio superaddito probe saturetur, saltem mucaginosum; quod moderatâ quantitate (ita ut post exaustuationem sicca adhuc permaneat,) calci affuso nitri spiritu vel aqua forti, post debitam elixivationem & exhalationem provenit, arreptam in lucta calcis partem, æque accroci metall. antimonii quæ diaph. dilutum sub evaporatione deponit, & prompte ignem etiam emporetica imbibitum concipit; sub exaustuatione tamen, æque ac ipsa saxi calcarii cum spiritu nitri instituta solutio, nil rubrum, sed albos tantum, foran in intimioris coagulationis indicium vapores spargit.

Atque (6.) huc adduci quoque posset similis urinosus odor, qui primo percipitur, antequam ex affusa aqua (oborta exaustuatione) uncia duæ vel tres è mediocri cucurbita sponte surgant, simplici similes, saltem aliquantillum quasi sùpticæ; dum perfusa spiritu vitrioli calce latex, qui per alembicum stillat odore saporeque phlegma vitrioli, è nitri spiritu vel aq. forti terreum quid seminitrosum, è vitrioli philosophico dilutiori (qualis ad usus medicos tamen sufficientissimus, assumptis pro novem butyri uncis ad præcipitationem, & edulcorationem aquæ simpl. libris sex facile habetur,) primo terram quasi sigillatam, hinc urinosum, (quod concentratior statim exhibet,) sapit, cum odore quasi butyri antimonialis.

De spiritu volatili, qui sp. salis perfusa calce cum subitanea, (ceu



in prædictis etiam) exæstuatione surgit, supra diximus; quemadmodum quoque de aceti, dum loco aquæ s. ad elixiviationem assumptum fuerit odore singulari. Hoc autem per horam & amplius moratur, antequam invicem excandescant: & diutius plerumque urina, ac citra quendam tunc tumultum: sponte post dies aliquot absorptis calcis particulis subsidentibus in utroque horum lixivio; quod hic quidem postmodum denuo urinam sapit, uti illud pristinum fere acetum. Sed hæc incidenter.

Suffecerint autem fortassis hæctenus recensita pro partis lixivæ a-lias comprehensu facilioris qualicunque demonstratione: sive de cætero 3. ipsius saxi præ aliis huc dispositi, æque reliquiis *Helmontianæ* sal-sedinis sub ustione abeuntis fuerit; sive ab igne quasi fuligineum, in spatiosis lapidis (peculiariter præ reliquis; etiam conchiliis apti) post calcinationem restitans; (quo pondus post repetitam ignitionem aliquantulum auctum ex *Illustri Boyleo* referre quis posset;) sive ab utroque: quod in ulteriora experimenta nunc quidem seponimus.

Interim tamen 4. nō penitus aut maximam partem volatile, saltem præ aliis alcalinis promptius ulteriusve volatilifatu facile haberi similiter vel è prædictis posset, cum è coagulo lixivii cum sp. vitrioli facto per sal tartari tale sensibiliter, & aliorum pariter fixatorum ac postmodo resuscitatorum more in alembicum levetur; & ex affuso calci vivæ salis spiritu urinosissimus quasi sponte surgat: ut alcalifatum hinc vini spiritum & eum, qui cum alumine colligitur, quandoquidem utrumque etiam cum sale tart. fixo procedit, haut adeo hic allegemus: quemadmodum nec tractu temporis, cum cremore chirurgorum, fatiscens tandem inter calcarii coaguli secessionem lixivium. Quod autem volatiliora quoque salia, etiam sola, vehementiorem quandoque ignem sustinere queant, sal supra vini feces sublimatum ostendit; facilius vero retinaculo competenti mixta; salis ammoniaci comm. aut è subtilioribus reproducti exemplo.

Sequuntur nunc 5. acidæ *Helmontii* particulae, è concremato sulphure superstites, & consequenter hinc vitriolicæ naturæ aut saltem originis: siquidem vel acidorum vegetiorum calci insperforum, aut C. J. C. V. coralliorumque vitriolaturum *Sala* exemplo, forsitan plus tunc (seu ab ipso igne, seu acido lignorum spiritu, propriave in saxum actione ac reactione) patiuntur, quam in simplici postmodum lixivio, haut



haut semper tamen eas solum obnubente; ut in utralibet lucta nihilo-  
minus aliquantum fere infringi vel saltem tum, aut ab arrepta materia  
faxea alterari videantur; n̄ forsan alterius generis aut quasi compo-  
situm quidpiam (ipsis mineralibus aliquando evidentius interspersum,  
aliquando intimius permixtum) hic quoque complicatum fuerit, quod  
cujas cujas tandem sit, oblato lixivio copulatum quasi armoniacale ali-  
quid constituat, & sub copula ista lapidosam substantiam absorptam,  
quasi aluminiformiter, aliquandiu retineat.

Fortassis autem amplius, respectu lixiviarum istarum, [non solum  
in simplici, sed acidis etiam prædicto modo aliquantum imbibitæ calcis  
lixivio prævalentium, & inde pro sufficienti fixatione acidi vitriolici vel  
salini copiam haut exiguam exigentium,] pauciores quoque sunt; ceu i-  
psum saxi sulphur parcius est; & post communis etiam sulphuris tenerio-  
res quoque extractiones salis parum deprehenditur. Non tamen proin-  
effectæ aut desides; uti sanè *Helmontius* ipse eas inter alcalifatas refert,  
& supra recensitus, (tertius ex utrisque) sapor, ejusque per modicum  
spiritus acidi calci instillatum intensio, item (mitioris alcali remissiorisve  
unitiois,) vitrorum non quidem evidens quasi per salis vitriolice spi-  
ritum corrosio, aut tacita ceu per concentratiorem nitri fixi liquorem at-  
tenuatio, sed lenta solum quædam vitiatio ostendere videtur.

Verum præter hæc eas inibi apertius comprobare poterit præci-  
pitatoria unionis cum lixivis detentaque calcari materia (vel partia-  
lis saltem) dissolutio aut infractio, quotidianis quidem observationi-  
bus primo intuitu haut adeo fere consona, sub ulteriori tamen per-  
quisitione satis sibi constans nec irregularis; ut sc. è lixivio tam com-  
muni, quam è calce (acido vitriolico, salino, acetosove aliquantum  
prius imbibita) elutriato, utrobique interim (hic forsan absorpta in re-  
siduo aciditatis parte,) sapore urinoso nihilominus supereminente,  
per <sup>unum</sup> tamen Oli moderatè priori lixivio instillatum planè nihil,  
per excessivum autem, tantum salini coaguli quidpiam (affusa aqua s.  
statim dissolubile) præcipitari; è posteriori vero non nisi post dies ali-  
quot falsi calcarii cremoris aliquid secedere, (falso plerumque, qui pri-  
us satis vitriolicus erat, tunc superstante liquore;) per tartari autem  
oleum protinus [ & quasi indifferenter] è priori lixivio candicantem  
pulverem, è posteriori vero similiter, sed salinis quibusdam particulis  
ut plurimum (præsertim ex imbibitione vitriolica,) plus minus comita-



tum, instar tartari cujusdam vitriolati salinative pessum dari, (alcalino in residuo liquore sapore eminente,) nihil sit insolentius: siquidem oleum hoc tartari in acidum, (urinosa calcis partes una cum lapidosa substantia intra se detinens) pro more irruere, ac per ejus abreptionem coërcitorum sic copulam solvere putaverimus: in dilutiori residuo liquore, restitante (vel pro parte tantum; nam abire vel etiam fortassis immutari qualitercunque aliquid, odor inter instillationem quasi clyssi tartarei surgens, isque per superinstillationem spiritus vitrioli adhuc manifestior arguit,) calcaria urinositate; secedente vero (vel solitarie vel inter acidarum comitatum) prædicto magisteriali quasi sedimento.

Dum ex adverso vitrioli spiritus (alias pure alcalinorum contenta, uti in liquore silicum &c. satis separans) hic sibi similes, aut congeneres vel eò modificatas, (uti in calce per spiritum salis aut philosophicum aliquantum humectata concipere quis posset) particulas augeret aut intendit, pro intimiori lixivi calcarii & quod ei, (ante evaporationem penitus) adharet retentione, aut suppressione.

Hæc ulterius illustrari forsitan quoque possent imitamentis quibusdam solutionum calciformium olim tentatis. Miscuimus enim (gnari interea, quod volatilibus etiam, tam primogeneis, quam resuscitatis sua sit Respublica,) spiritui ammoniaci tantum spiritus vitrioli, ut post manifestam incalescentiam oborto tertio amaricante sapore ebullitio fere cessaret: (is enim in ejuscemodi mixturis atque fixationibus videtur terminus, & coagula alias nimis acefcunt:) injectis cancri oculis tanquam solubilibus liquor inde sufficienter saturabatur, cum sapore semiurinoso fere stiptico, & instillato post residentiam debitam oleo tartari, pulvis quasi magisterialis (odore pro talium conjunctorum mere confusaneo clyssiformi, at demum urinosissimo subsequo,) præceps ibat; per spiritum vero vitrioli præter ebullitiones nihil: interea tamen de oculis quidpiam tam indissolutum, quam sub ipsa solutione præcipitatum in fundo observabamus; ut enixis quoque nonnullis, (ceu non incommode hodiè vel distinctionis gratia vocantur,) idem contingere hinc vel aliquandiu saltem, (siquidem procedente tempore totum è liquore, quasi denuo aliquali calcis vivæ imitatione secedit ac subsidet,) constet, quod spiritui vitrioli s. ejusque affinis berberum citrique succis, atque liquori, qui post præcipitationem



magisteriorum ex acetoso vel destillato cum dicto spiritu factam superest, & pariter marina ostracoderma &c. injecta partim post dissolutionem retinet, partim iterum dimittit.

Idem vero cum spiritu quoque antepileptico *Hartman*. tanquam eorundem ingredientium penitioris unitiois habito liquore contingebat; siue solutionem oculorum cancr. spectemus; nisi quod remissius eos adoriatur, (& ipse præ dicta mixtura remissior, & inter destillationem amplius forsan alteratus;) siue præcipationem per oleum tart. sat. evidentem, per spiritum vitr. vero nullam; siue demum residuum magisteriale quasi, inter intactas adhuc particulas.

Nec aliter semet exhibebat supradictæ conformis, spiritu salis communis & ammon. eadem proportionem parata mixtura, in ista præcipationum ratione, & post tempus demum aliquod subsequâ urinosi eruptione; nisi quod solutio oculorum cancr. hic foret durabilior, spontanea vero arreptorum præcipitatio forte nulla. Ipsum acetum spiritibus istis longe remissius, extinguendæ calci adhibuit, decantato hinc liquore perquam similiter urinoso, per spiritum tamen vitrioli longe tardius ostendebat quidpiam concrementi salini; dum instillato oleo tart. pulvis statim decideret, residuo acetum in vappam declinans referente.

Atque hæc de præsuppositorum *Helmontii* qualicunque perquisitione, & complicatione acidî; quod alias *l. c.* à toto non separabile constituit; felicioribus vero ac diligentioribus ulterius demonstrandum hic committimus.

Nec enim 6. pro simplicitate salis solum (in calce) alcalinâ adeo facere videtur vis escharotica; cum non tantum in lixivis, v. g. fraxini cinere eoque recenti, (unde quoque forsitan lapis corrosivus semel diffuens nil aut parum postmodum potest,) sed etiam in acidis concentratioribus, (oleo vitrioli, salis, butyro antim. sublimato &c.) solitariis, aut cum urinosi insuper complicatis (salis ammoniaci ejusque in vitrioli nitrive spiritu solutione &c.) imo plane indifferentibus nonnullis v. g. magnete arsen. Salæ pariter (quia ex alio capite) reperiatur: & sinapi, allium &c. non solitaria saltem, sed aceto quoque remixta vesicent. Quemadmodum amplius nec ipsa sulphuris comm. pro lacte ejus, antimoniique pro quadam sulphuris specie, cum calce viva per decoctionem facta solutio. Quippe hic quidem (ut in plerisque aliis) haut pura



est sulphureitas, sed super antimonium (una solutum) tantum aliquantulum & aliquandiu (citra diuturniorem asservationem) magis extraversa.

Nec impurius solummodo ejus sulphur in dilutis haut pure alcalinis, post detonationem, verum etiam purissimum (post tantum acidi ad præcipitationem insuper instillati) nihilominus inibi durat & subsistit: ut additum nonnullibi lixivio tartari sal communeustum; & in solitario isto, (si per tumultuarium detonationem cum nitro paretur,) aciditatem hinc incarceratam haut paucam; item affine, quod per aquas regias ammoniacales quoque diversimode provenit, prætereamus.

Quod autem commune sulphur attinet; etiam supradicta spiritus ammon. cum acido modificata mixtura, quamvis in actione sua æstuantis hic simul corrosivæ calcis vehementiæ singulariorique inibi lixivio in universum non conferenda, quidpiam tamen de digesto inibi sulphure arripit, quod instillato oleo tartari statim, (ac post momenta demum aliquot subsequa urinositatis ammonicalis eruptione) deponit incenso post exiccationem filtro satis perceptibile.

An spiritus vitrioli per similem instillationem evidenter nil deponens, occulat tantillum illud (uti superius,) inter urinosum hærens, ulteriorum experimentorum defectu nunc vel tædio in præsentiarum, haut determinaverimus. Si vero urinam ipsam, sub unionem sua calcis lixivio quadantenus affinem, etiam per supradictum solutionis modum putaverimus, licet pro salina, per alterius interventum segregata parte sulphuris cum calce factam solutionem præcipitet quidem, at magis flavum & (respectu adhibiti huc acidi) longe parcius lac exhibendo; altera tamen volatili, (vel uti in complicatione utrumque est,) diuturniori decoctione imbibere sulphuris aliquid similiter instillatione olei tartari, filtrorumque deflagratione apprehenditur; dum per vitrioli spiritum plerumque austerior tantum provenit liquor.

Sed his 7. ita quidem se habentibus quæri nunc amplius, & quidem in ea experimentorum ambiguitate vel defectu facilius, quam explicari posset, num revera præsupposita duo illa salia sub ipso calcinationis actu ac turbulento tot taliumque particularum inter se, transitu (subactione vel complicatione quadam) jam mixta fuerint: uti terram soliatam tart. ammoniacum ejusque subtiliora quoque



genera fortiore quoque ignem sustinere cernimus: an vero demum, quasi seorsim servata, sub aquæ diluentis accessu & inter lutam suam misceantur? Siquidem & ipsa calx, linguæ sed perfunctorie saltem, (ne urens oriatur) admota, supradictum fere saponem exhibere videtur: aut si tantillum eo ipso quasi restingui censeamus, aqua cui sufficiens recensque frustum immersum est, postquam prævio stridore bullulas suas ejecit, eundem circa peripheriam magis magisque induit, antequam intime (quod necessum est,) humectata vel saturata calce per oborientem exæstuationem undiquaque perfectiusque saturetur.

Interea certum est, quod sulphuris vel antimonii solutio cum ipsâ in substantia facta longe præcellat digestiones aut decocta cum istius etiam saturatissimo lixivio, (citra quoque participationis calcariæ extensionem; quam alius simplici figentique nimis præcipitationi vel ex parte saltem adscribere posset;) & hinc ex antimonii v. g. ℥iv. per hoc vix dux tres drachmæ sulphuris ita dicti, (instillato solutioni spiritu vitrioli, ut albentis,) habeantur, dum cum ipsius calcis libra ferè duodecim, minimumque decem proveniant: similiterque se habet cum comm. sulphure, ni lixivium saponario tartareove perquam in proventum quendam fortificetur; dum per calcis libram è sex istius unciiis facile quatuor, satisque si prunis injiciantur deflagrantes exeat.

De cætero si 8 prior sub ustione unio sibi quadantenus constiterit, quod tamen nostrum nunc non faciemus; haud parum hinc dubia fieret exæstuatio soli dissolutorum per affusam aquam (aut æquivalens,) & invicem conredientium salium luctæ assignata: ut (quo V. C. D. *Kergerum* etiam inclinare videmus) ipse quoque solutionis actus quasi menstrualis hinc associandus foret: ceu sane residua massa ampliata, instar magisterii cujusdam corrosi & simul præcipitati restat: Interea uti disparata sunt fermentare, incalescere, exæstuarè penitusque incendi: ita diversa quoque sunt talium exempla singula suis classibus accensenda; nota passim, ut referre supervacuum esset, præcipue cum phænomeni per causas explicatio nonnullibi existat adhucdum difficilior.

Incalescit citra probabilioris contrarietatis notam (quæ alibi forte ex acidi cum alcalibus diversorumve inter se spirituum concursu,



curfu, aut sulphureorum oleosorum aut urinosorum associatione, vel metallicarum particularum combinatione, lucta, aut solutione vehementiore evidentius deduci in cap. mortuis vitriolicis vel ammoniacalibus, oleo vitrioli, solutionibus ac præcipitationibus nitrosis aut mercurialibus &c. poterit,) simplex tartari extreme destillati cap. mortuum, salis oleum nitrosius concentratiores spiritus, etiam aqua tantum infusa: sique huc (præ C. C. philosophicè calcinato spiritu vitrioli insuccato convenientius) adduci queat ipsa (quod curiosissimus *F. J. Barthe* superioribus annis annotavit) Martis limatura, sub quadrupla etiam ad assignatum pondus; siue si libræ duæ cum dimidia ℥iv. aquæ s. probe confictæ in conservali vitro angustiori reponantur. Calor mediocris ab infernis evidenter sursum, cum odore ferrugineo quasi vergens, per octo fere horas durat, friabiliori hinc successu temporis & quasi exeso, nil tamen vitriolici sapiente Marte.

Sed enim calx fere quidpiam his amplius pati videtur; quod tamen ad fermentationem hoc in genere referre forte durius; an vero ignearum particularum hic alibique in liquidis quoque sine notabiliore perceptione conclusarum fuga, (ceu à superiori seculo hucusque permultis Viris eruditissimis placuit,) simpliciorive lucta, aut modificata quadam nutritione, quò Excellentiss. *Conringius* olim in notis ad D. *Billichii*, Chimiatri suo tempore clarissimi, *fermentationis anatomen* inclinavit, aliave elementi primi congregatione, huic aliisque contingat, determinatu profecto æque adhuc dum deprehenditur difficile: nec restitantes hinc inde obscuritates satis determinari posse videntur, donec etiam de penitiori ignis natura plenius atque planius constiterit aut convenerit.

De cætero si tentaminibus vel experimentis hisce causæ suæ minus appositè applicatæ fuerint, aut lixivum calcis ac salis tartari negligentius in comparatione habitum inveniatur, conjecturaliter saltem & dum *Helmontiana* hic aliquousque persequimur, ceu aliud agendo posita sunt.

OBSERVATIO CCXLV.

D. DANIELIS LUDOVICI,

DE

SALE CULINARIO ANOMALUM QUASI  
AMMONIACALE,



**N**E olea vegetabilium, præsertim è resinosisioribus tanquam magis eo propendentibus destillata tractu temporis nimis incrassentur aut resinescant, notum est affundi aquæ s. quidpiam; & quo in gravioribus (cinamoni, caryophyll. rhodino &c.) subsideat, solvi inibi salis comm. particulam.

Reposuimus ita per annos aliquot cinamoni oleum, per vices innovatum, restitutaque interdum, cum nimium consumpta fuisset aqua. Postquam verò id aliquando neglexissemus, lente concrevit sal inter spissioremuriam, inferius quidem cubica sua, desuper autem stiriorum nitrosi quid, sed irregularius præ se ferentium formâ; longitudine transversum digitum alicubi facile æquantes, & ipsæ transversim sitæ.

Exemimus eas & emporetica charta gossypioque sollicitè deteraso oleo siccavimus, non sine saporis atque deflagrationis nitriformis expectatione. Sed enim sub exploratione coagulum illud dentibus præ sale comm. ac nitro quasi compactius, (fere ut ammoniacum;) sapore tamen minus salsum ac sui generis, (ac si quis magisterium quoddam plumosum penitus non edulcatum gustasset,) offendebatur. Prunis autem ingestum non incendebatur seu nitri more deflagrabat; sed quod nihilominus æque singulare videbatur albo, densoque fumo, (non tam cinamonum simpliciter, quam bezoini quasi quidpiam simul præ se ferente,) totaliter, at citra omnem strepitum levabatur, maculam saltem nigram in Pruna (subter ibi extincta) relinquens.

Determinatu hic forsitan adeo haut planum est, num maturatione quasi quadam aut attenuatione certarum particularum id contigerit; an potius associatione aliqua volatilitatis inter olei dulcorem dispersæ ac pungentissimæ; ut ammoniacale quid ita fere prodierit; præsertim cum sub rhodino sal antiquum obtinere, sub caryophylli autem æque urentissimo ratione saporis, persistente tamen figura cubicâ, eò aliquantum inclinare videatur.





# INDEX

## MISCELLANEORUM CURIOSORUM ME- DICO-PHYSICORUM ANNI SEXTI ET SEPTIMI.

<b>A</b>		senis febre tertianâ ex- tinctâ	323
<b>A</b> Bortus à manna usus	353	<b>ANEURISMA</b>	54
V. S. impeditus	298	<b>ANGINA</b> in morbillis igneis	75
<b>Abscessus</b> coli	224	notha periculosa	215
pectoris ab epilepsiâ	225	<b>ANNATÆ</b> tunica suffusio	159
umblici	183	<b>Annulus</b> contra lippitudinem	163
<b>Aer</b> quid?	123	<b>Anser</b> cristatus	238
<b>Aeris</b> ad aquam proportio	123	<b>Anserum</b> vivacitas	229
inspirati per aurem emissio	118	<b>Antimonialis</b> medicamenti virtus	
<b>Alapa</b> lethalis	303	in abscessus fistulosi cura- tione	314
<b>Aloe</b> Augustana	339	in scabie	315
<b>Alvi</b> obstructio à causâ mira	134	quâ ratione agat	316
<b>Ammonites</b> lapis	351	<b>Antimonii</b> cerussa	134
<b>Anates</b> aurifera	282	<b>Antipathia</b> viri cum sexu femineo	23
<b>Anatome</b> ascitici	91. 227. 327. 325	<b>Antipathia</b> exempla	291
cadaveris Virilis	94. 320	<b>Aphonia</b> ex amore oculis	185
epileptici	235	ab Apoplexia deglutitio ablata	72
fœtus cervinâ	354	obmutescencia	70
nane	218	<b>Apostema</b> vide Abscessus	
recens natorum	295	<b>Aqua</b> marina noctu luceat	280



# INDEX RERUM.

<i>sub</i> <b>AQVIS</b> an homo vivere possit?	123	<b>BRACHIORUM</b> dolor cum in-	135
<i>quam diu</i>	126	<i>mobilitate</i>	
<b>ARGENTUM</b> vivum diu in cor-		<b>BRANCAE URSINAE</b> usus in placâ	193
<i>pore retentum</i>	234	<i>Polonica</i>	
<b>ARTERIO TOMIÆ</b> utilitas	88	<b>BUBONE</b> inguinali vermes	202
<b>ARTHRITIS</b> quid sit?	328		
<i>ejus causa, sedes &amp;c. ibid.</i>		<b>C.</b>	
<i>anna, vomitu &amp; diarrhœa</i>		<b>CALCULI</b> pulmonum	324
<i>soluta</i>	217	<i>tussi projecti</i>	173 seqq.
<i>fixa in vagam desinens</i>	117	<b>ad CALCULUM</b> medicamentum	
<i>vaga exitiosa</i>	117	<i>expertum</i>	138
<i>perperam curata</i>	208	<b>CALCULUS</b> in orificio penis urinans	
<b>ARTHRITIDIS</b> novum reme-		<i>supprimens</i>	68
<i>dium</i>	317. 327	<i>ex pene exsectus</i>	66
<b>ARTIFICIUM</b> humores oculorum		<i>renum</i>	143
<i>restituendi</i>	160	<i>vesica</i>	137
<i>ejus vestigia apud veteres</i>	163	<i>cum fragore exclusus</i>	17
<b>ASCITIS</b> curata	90	<i>grandior sponte ex-</i>	
<b>AURIS</b> dextra occlusa	235	<i>cretus</i>	283
<i>dolor inexplcabilis</i>	114. 115	<i>per scorium excretus</i>	301
<i>ex AURE sinistra liquoris limpidi</i>	115	<i>fellis</i>	97. 321
<i>profluxus copiosus</i>	22	<b>cum CALCE</b> viva facta experi-	
<b>AURUM</b> animale	282	<i>menta</i>	363. seqq.
<b>B</b>		<b>CALCIS</b> viva liquor nephriticus	368
<b>BADIANI</b> Moscoviticum	111	<i>spiritus urinosus ibid.</i>	
<b>BALSAMINÆ</b> fructus in		<b>CALX</b> viva ipsa, suo lixivio ad	
<i>partu difficili utilitas</i>	99	<i>solvenda &amp; extrahenda sulphura</i>	
<b>BALSAMUM</b> terra Catechu	25	<i>aptior</i>	375
<b>BILIS</b> vitia & commoda	96	<b>CAMPORA</b> ad extinguendam	
<b>BIMULUS</b> nondum dentatus	238	<i>venerem inepta</i>	342
<b>BRACHII</b> dolor intolerabilis	130	<b>CANCER</b> in cancro	157
<i>herpes lethalis</i>	83	<b>CAPITIS</b> dolor periodicus & varius	232
		<b>CAPUT</b> fœtus septem annis	
		<b>ZZ</b>	2



# INDEX RERUM.

<i>in utero delitescens</i>	326	COLICÆ remedium singulare	343
CAPREÆ moschifera: exuvie de-		COLLI apostema	224
scripta	166. seqq.	COLOR passerum Canariensium	
CARNIS vomitus	62	rarus	338
CARO animalium agrotantium		CONCEPTIO hominis ex ovario	284
noxia	266	CONCEPTUS falsus	78
verminoso. hepate labe-		CONTAGIUM podagra	201
rantium insalubris	252	CONTRACTURA universalis à	
februm malignarum &		vermibus	342
alvi profluviorum caus-		CORDIS dissecti fragrantia	331
sa	256	motus quomodo fiat	102
ovium scabiosarum no-		parenchyma consumtum	54
xia	258	CORNU cervini figura intra li-	
bovm fluxu alvino labe-		gnum	12
rantium non item	257	CRANII fontanella in adulto	237
CASTANEÆ quibusdam al-		ossea, peculiari sutura cir-	
vum laxant	24	cum data	ibid.
CATARRHUM pectoris men-		CRURUM dolor cum immobilita-	
tiens malignitas	297	te	135
CATARRHUS	310	CUPRUM ex ferro factum	155
doloris nephritici causa	96	CUTIS Tigris usus	88
CEREVISIA antimoniat	314	D.	
CERVINI fœtus constitutio ini-		DEGLUTITIO ablata in apo-	
tio Novembris	354	plectico	72
CERUSSÆ antimonii usus inter-		ex DENTIIUM eruptione, u-	
nus in ulcerum curatione	134	trum de vita longevitate quid cer-	
CICONIÆ vindicta	227	ti presagiri queat?	238
CIRCUMGYRATIO membro-		DOLOR aurium inexplicabilis	114. 115
rum omnium	50	brachii intolerabilis	130
COCCUS minima facie cercopi-		brachiorum & crurum	
theci	169	cum immobilitate	135
COECITATE epilepsia soluta	82	capitis periodicus & vari-	
COECORUM vertigo	156	us	232
COLICA cum vomitu ob herniam	77	EDEL	



# INDEX RERUM

E

ex FLUORE albo phthisis lethalis 138

E GEL, vermis hepatis ovilli 146

FOETOR narium 217

EMPYEMA salutariter solutum 204

FOETUS caput septem annis in utero delitescens 326

EPILEPSIA cœcitate soluta 82

cervini constitutio initio

à lapsu, curata 142

Novembris. 354

à pollicis læsione 109

intestina extra naturalem

à spectro 64

locum pendula 340

à V. S. sub lingua 132

monstrosus 59

transplantata in caniculam 21

mortuus feliciter eductus 22

EPILEPSIA apoplexia superveniens lethalis 309

FOLIA quercus in as mutata 154

ab EPILEPSIA tumor pectoris in apostema conversus 225

FONTANELLA cranii in adulto 237

EPILEPSIÆ infantum causa 293

ossea, peculiari suturâ circumdata 237

EQUISETUM subterraneum 26

ex FONTE officula animalculorum varia 350

EXCRESCENTIA carnea in

vermes sabuloso involucro

scapulâ sinistra 219

vestiti ibid.

in labio superiore 69

FRAUS medica 203. 343

uteri ulcerosa lethalis 228

à FRIGIDÆ potu phthisis & mors 307

EXPERIMENTA chimica 62

FRIGORIS morbofi maximi

cum calce vivâ facta 363

curatione 200

circa vini feces 362. 363

FRONTIS os mobile 239

F

FUNGI herbis adnati 233

FEBRIS continuæ curatio mira 119

ossei ibid.

tertiana in senē 186. 222

FUNGORUM mictus 113

post FEBREM malignam surditas 144

semen 234

FUNGOSÆ excrecentiæ 233

FELIS amor erga hominem 224

G

FERRI in cuprum mutatio artificialis & naturalis 155

GANGRÆNA tali cum

FIGURÆ in ligno inventæ 348

asthmate spontanea 304

GEMELLI in Scotiâ frequentissimi 286. 291

Zz 3.

in



# INDEX RERUM.

<i>in nostro climate rari</i>	286	Hydrophobia	201
Gemellorum origo	290	Hydrops post tertianam	83
Glandulæ, asperæ arteriæ, & ori- ficio vesicæ adnatæ, nausea ac mi- stionis cruenta causa	90	à vulnere hepatis	141
Gravidarum nausea & vomitus un- de sit	285	Hypochondrii dextri sudor cæru- leus	90
Graviditas falsa	78	I.	
H.		[Ctero-tinca umbilico & pedum plantis frustra applicata	300
		V.S. in apice nasi conferre di- citur	ibid.
HÆMATITÆ vires	89	Ignis lambentis rara species	282
Hæmoptysis	76	Ilei curatio singularis	150
ad Hæmoptysin euporiston	306	ex Imaginatione purgatio	343
ex Hæmoptysi phthisis	76	Imaginationis vis in pregnante	341
Hæmorrhagia enormis	61	Infantum purpura epidemia	202
narium	86. 127	Infania à V.S. sub lingua	132
Halo solaris	352	Intestina fœtus extra naturalem lo- cumpendula	340
Hepar insolite magnitudinis	319	Ischuria à calculo in orificio penis	68
Hepar verminosum in ovibus & juvencis	245	undecim dierum curata	146
quare potius afficiatur, quam ventriculus aut cor	250	Judæi medici	208
ex Hernia colica cum vomitu	77	L.	
Herpes brachii lethalis	83	L Abii superioris excreſcentia	69
Hirudinum usus in cephalalgia	18	Lachrymæ sanguineæ	292
in tumore lingua contu- macissimo	19	Laconicum coriariorum	337
Hominis ex ovario conceptio	284	arthriticis proficuum	ibid.
Humores oculorum restituendi arti- ficium	160	Lacte curata podagra	88
ejus vestigia apud veteres	163	Lactem serum V. S. extractum	310
		Lactis abundantia insolita	92
		generatio quomodo fiat? ib. in sanguinem mutatio me- chanica	319
		Lapides	variarum rerum figuras



# RERUM.

<i>figuras exhibentes</i>	90	<i>defectus fecunditati inno-</i>	
LAZULI <i>vis electrica</i>	317	<i>xius</i>	89
LIEN <i>induratus &amp; fere lapidosus</i>	177	<i>post duas septimanas ordi-</i>	
sub LINGVA <i>V. S. funesta</i>	128. 132	<i>nariè rediens</i>	216
LINGVÆ <i>semiparalysis</i>	129	à MENSTRUORUM <i>retentione</i>	
<i>tremor admirandus</i>	24	<i>sanguinis vomitus</i>	81
<i>tumor contumacissimus</i>		MERCURIUS <i>fixus</i>	53.54
<i>hirudinum applicati-</i>		<i>vide ARGENTUM vivum.</i>	
<i>one curatus</i>	19	METASTASIS <i>humoris per vias</i>	
LINI <i>oleum in hæmoptysi</i>	305	<i>occulas.</i>	204.
LIPPITUDINIS <i>remedium</i>	163.164	MICTIO <i>cruenta à causa abdita</i>	92
LIQUOR <i>limpidus ex aure sinistra</i>		<i>fungorum</i>	113
<i>profluens</i>	22	<i>involuntaria</i>	121
<i>nephriticus è calce viva</i>	368	<i>polypi vivi</i>	221
LITERÆ <i>intra ipsum fagi fissæ</i>		<i>variorum animalculorum</i>	
<i>truncum inventæ</i>	8		222
LITHONTRIPTICUM <i>exper-</i>		MOMORDICÆ <i>usus in parte dif-</i>	
<i>tum</i>	138	<i>ficili</i>	99
LOHBAD	337	MONSTRUM <i>biceps</i>	101
LUMBRICUS <i>latus</i>	139	<i>bicorporeum</i>	59
M.		MORBILLI <i>ignei</i>	75
MACULÆ <i>nigra in febre pete-</i>		MORBUS <i>à spectro</i>	59
<i>chiali</i>	145	MORS <i>repentina</i>	54
MALACIA <i>puerorum</i>	199	MORTICINIORUM <i>usus noxius</i>	
MANIA <i>post variolas</i>	130		250
MANNA <i>abortus causa</i>	333	MOTUS <i>corporis ex tremore &amp; pal-</i>	
MARTAGON <i>fasciatum</i>	345	<i>itatione mixtus</i>	206
MAXILLÆ <i>ulcus</i>	134	<i>convulsivi à vermibus</i>	244
MEMBRORUM <i>omnium circum-</i>		MURIS <i>cinis</i>	120.121
<i>gyratio mira</i>	50	MUSCI <i>clavati pulvis</i>	120
MENSTRUUA <i>unquã fluentia</i>	220	<i>usus in plicâ Polo-</i>	
MENSTRUORUM <i>fluxus ultra</i>		<i>nicâ</i>	193
<i>consuetum nature terminum sa-</i>		MOXA <i>Sinensis.</i>	317.327
<i>lutaris</i>	15	N.	
<i>præcox</i>	89	NARIUM <i>hæmorrhagia.</i>	86.127
		<i>fœtor singularis.</i>	217
		<i>è N A.</i>	



# INDEX

<b>ENASTURIO</b> <i>aquatico salis</i>		P.	
<i>volatilis præparatio.</i>	31	<b>Π</b> <i>ΑΙΔΑΡΘΡΟΚΑΚΗ</i>	136
<b>NATTÆ</b> <i>resectio &amp; curatio.</i>	29	<i>eadem post variolas</i>	143
<b>NAVIS</b> <i>Drebbeliana.</i>	123	<b>PALPITATIO</b> <i>ventriculi di-</i>	
<b>NAUSEÆ</b> <i>causa abdita.</i>	92	<i>turna</i>	201
<b>NEPHRITIS.</b> <i>vid. Lignor Nephrit.</i>		<i>totius corporis</i>	206
<i>Nephriticus dolor à catarrhis</i>	96	<b>PANIS</b> <i>aversatio ex consuetudine.</i>	220
<i>ad NODOS callosos remedium ex-</i>			
<i>pertum.</i>	137	<b>PARACENTHESIS</b> <i>ascitici fru-</i>	
<b>NUMMULARIA</b> <i>an ovibus no-</i>		<i>stranea</i>	226
<i>xia.</i>	246	<b>PARALYSIS</b> <i>hydropi superveniens</i>	
<b>NUX</b> <i>Indica cercopitheci facie.</i>	169	<i>lethalis</i>	181
O.		<i>Paralyticus ex apoplexia mutus</i>	70
<b>OBSTRUCTIONIS</b> <i>alvi cau-</i>		<i>ad PARTUM difficilem remedi-</i>	
<i>sa mira.</i>	134	<i>um.</i>	88. 98
<i>ad obstructions uteri remedium</i>		<b>PASSERUM</b> <i>Canariensium color</i>	
<i>præstans.</i>	23	<i>rarus.</i>	338
<b>OCULORUM</b> <i>humores restituendi</i>		<b>PECTORIS</b> <i>vulnus</i>	73
<i>artificium.</i>	160	<i>tumor ab epilepsia</i>	225
<i>Ejusdem vestigium apud Veteres.</i>	163	<b>PENIS</b> <i>in abdomine delitescens</i>	236
<b>OLEORUM</b> <i>vegetabilium conser-</i>		<b>PETECHIÆ</b> <i>cum maculis nigris</i>	145
<i>vatio.</i>	376		
<b>OLEUM</b> <i>lini ad hæmoptysin.</i>	305	<b>PHRENITIS</b> <i>Aphrodisia</i>	85
<i>momordicæ ad partum</i>		<b>PHTHISIS</b> <i>à potu frigido</i>	307
<i>difficilem.</i>	99	<i>ex hæmoptysi curata</i>	76
<b>OLFACTUS</b> <i>à fœtore gravi peni-</i>		<i>ex fluore albo lethalis</i>	138
<i>tus ablatas.</i>	17	<i>universalis</i>	183. sequ.
<b>OS</b> <i>frontis mobile.</i>	239	<i>consummata</i>	224
<b>Ossicula</b> <i>animalculorum ex fonte</i>		<i>Phthiſeos curatio</i>	131
<i>quodam Silesiæ.</i>	350	<b>PICA</b> <i>puerorum</i>	199
<b>OVARIUM</b> <i>muliebri.</i>	172. 287	<b>PILOSELLA</b> <i>fasciata</i>	344
<i>ex ovario hominis conceptio.</i>	284	<b>PILUS.</b>	
<b>OVULORUM</b> <i>excretio Kerkrin-</i>		<i>Piliporos habent, vitæque gaudent</i>	188
<i>giana dubia.</i>	289	<b>PIRUM</b> <i>monströsum</i>	347
<b>Ovum</b> <i>pregnans.</i>	112	<i>Pira florentia</i>	345
		<b>PLICA</b> <i>Polonica</i>	187
		<i>Ejus</i>	



# R E R U M.

<i>Ejusdem nominis ratio, synonyma</i>		<i>Puerorum malacia</i>	199
<i>&amp; definitio.</i>	187. 188	<i>PULMONUM calculi</i>	173
<i>causa</i>	188. 189	<i>PURGATIO ex imaginatione</i>	343
<i>Differentia</i>	196	<i>PURPURA epidemia infantum</i>	202
<i>Symptomata</i>	191. 194	<b>Q</b>	
<i>Signa diagnostica</i>	191	<i>QUERCUS folia in as mutata</i>	154
<i>Prognosis</i>	192	<b>R.</b>	
<i>Curatio</i>	192. seq.	<b>R</b> <i>APHANUS</i> <i>monstruosus</i>	1
<i>Plica sine noxa præscindi potest</i>	192	<i>marinus, ad ver-</i>	
<i>quomodo præscindenda</i>	<i>ibid.</i>	<i>mes</i>	245. 260
<i>nec V. S. nec purgationem ad-</i>		<i>RANUNCULUS fasciatus</i>	345
<i>mittit</i>	193	<i>RENUM calculi generatio</i>	143
<i>curationem methodicam re-</i>		<i>RIGORIS maximi curatio</i>	200
<i>sput</i>	<i>ibid.</i>	<i>RIVUS ferrum in as mutans</i>	155. 156
<i>peccinatione præcaveri ne-</i>		<i>ROSÆ saligna</i>	152. 345
<i>quit</i>	196. seq.	<i>RUBIGINIS noxa</i>	248. 249
<i>ex morborum numero à qui-</i>		<b>S.</b>	
<i>busdam frustra extermina-</i>		<b>S</b> <i>AGÆ combusta cinis vulnera</i>	
<i>tur</i>	197	<i>magica curat</i>	88
<i>unguium excrecentiâ por-</i>		<b>SAL</b> <i>ex aëre</i>	28
<i>tentosâ quandoque solvi-</i>		<i>volatile nasturtii aquatici</i>	31
<i>tur</i>	198	<i>è culinario anomalum, quasi</i>	
<i>Plicæ resecta è que clavo pendentis</i>		<i>ammoniacle</i>	376
<i>mirum accrementum</i>	199	<i>Salis Tartari spiritus</i>	52
<i>PLUVIÆ sulphureæ</i>	119	<b>SANGUINIS</b> <i>circulatio in embryo-</i>	
<i>PODAGRA lacte curata</i>	88	<i>ne</i>	295
<i>contagiosa</i>	201	<i>conquassatio differt à conquas-</i>	
<i>Podagræ novissimum remedium</i>	317. 327	<i>satione chimica &amp; physica</i>	1
<b>POLYPUS</b> <i>vivus ex vesicâ urinariâ</i>		<i>convenit ex parte cum œco-</i>	
<i>excretus</i>	221	<i>nomica</i>	2. seq.
<b>POMORUM</b> <i>Borsdorffiensium pu-</i>		<i>à dulcibus &amp; salinis impe-</i>	
<i>tridorum succo ileus curatus</i>	150	<i>ditur</i>	5
<b>PRIMULA VERIS</b> <i>fasciata</i>	345	<i>ab acidis promovetur</i>	<i>ibid.</i>
<b>PRINCIPIA</b> <i>rerum</i>	331	<i>Vomitus</i>	80. 81. 148
<i>chimica</i>	333	<b>SCABIES</b> <i>maligna antimoniali</i>	
<b>PUER</b> <i>cum 24. digitis</i>	153	<i>medicamento curata</i>	315
		<b>SCABARÆI</b> <i>picti</i>	348
		<b>Aaa</b>	<b>SCOR-</b>



# I N D E X

SCORBUTUS <i>sapè falso prætexi-</i> <i>tur</i> 97	STEATOMA <i>sub mento cura-</i> <i>tum</i> 65
SCROPHA <i>tripes</i> 151	STRAMEN <i>ἀστρον ἡγοῦνται</i> excre- <i>tum</i> 63
SCROTI <i>tumor temeraria sectione</i> <i>curatus</i> 79	de SUBMERSIS, <i>satis diu sub aqua</i> <i>hærentibus, nihilominus tamen in</i> <i>vitâ servatis, historia rare</i> 29.
SEMEN <i>zine v. Z.</i>	de iisdem <i>judicia</i> 101. 105. 122. 159. 170
SERPENS <i>è corpore ejectus</i> 259	267. seq.
post <i>mortem ex homine</i>	
prorepens 312	Succus <i>pomi Borsdorffiensis putredi-</i> <i>remedium ilei</i> 150
SERUM <i>lacteum, V. S. extractum</i> 310	SUDOR <i>quid sit</i> 241
SILEX <i>ramosus</i> 350	<i>verminosus</i> 7
<i>stalagmites</i> 351	<i>naturalis &amp; salutaris</i> 228.
SINGULTUS <i>diuturni curatio</i> 207	<i>ater</i> 20
SPASMI <i>curatio</i> 140	<i>pinguis &amp; oleaginosus</i> 230
SPHACELUS <i>fundi uteri</i> 218	<i>sanguineus</i> 20
SOMNUM <i>conciliantia enpori-</i> <i>sta</i> 231	<i>cæruleus dextri hypochon-</i> <i>drii</i> 90
SOLIS <i>cum cephalalgia consen-</i> <i>sus</i> 18	<i>crystallifatus</i> 91
<i>Solaris halo</i> 352	<i>lutens</i> 110
à SPECTRO <i>morbus</i> 59	<i>post mortem</i> 239
<i>epilepsia</i> 64	<i>ejus causa</i> 241. seq.
SPICA <i>secalis mirabilis</i> 151	SUFFUSIO <i>tunicæ adnate</i> 159
SPIRITUS <i>vitrioli smaragdinus</i> 54	SULPHUR <i>ex sole</i> 28
<i>regeneratus quid</i>	<i>putatitium pluviarum</i> 119
<i>&amp; unde sit</i> 158	SURDITAS <i>post febrem mali-</i> <i>gnam</i> 144
Spiritus <i>Tartari proventus major</i> 356	SYMPTOMATICÆ <i>excretiones</i> <i>lethales</i> 232
è <i>Fr. &amp; Olo aperitivus,</i> <i>item diaphoreticus &amp; diu-</i> <i>reticus</i> 359	T.
Spiritus <i>&amp; sal volatile fecum vini</i> 363	TALI <i>gangrena spontanea</i> 304
<i>vini calce vivâ alcalifatus</i> 369	TARTARI <i>spiritus destillatio lu-</i> <i>crofior</i> 356
STALAGMITES <i>silex</i> 351	<i>compositus, ejus-</i> <i>que usus</i> 359
	è <i>Tar-</i>



# RERUM.

è Tartaro & alumine spiritus	359	post VARIOLAS delirium cum	
& proprio sale, s. è Pro		παιδαγωγία	143
Frifato spir.	ibid.	mania	130
è Pro sale, aceto destillato saturato	360	VARIOLARUM in facie præser-	
aceto non destillato satu-	360	vatio	243
rato	360	VENÆSECTIO abortus præser-	
è Pro & melle est manna spiritus	361	vativum	298
& saccharo spir.	ibid.	eadem sub lingua funesta	128. 132
TERRÆ Catechu balsamus	25	VENENATORUM animalium	
Terra nigra comesta	200	esús quomodo esse possit innoxius	256. 257
à TERRORE tumor circa lumbos	68	VENTRICULI affectus pulmoni-	
TIGRIS cutis in partu difficili	88	bus falso adscriptus	16
TITHYMALUS Cyparissias fa-		palpitatio diutur-	
sciatus	344	na	201
TREMOR linguae admirandus	24	VERMES aceti pomacei	234
totius corporis	206	è bubone inguinali	202
à refrigeratione	308	involucro sabuloso inclusa	
TRICHOMA, qualis morbus	187	è fonte	350
TUBARUM uteri descriptio & in		in rene canis	313
uterum insertio	287	vomitù rejecti innumeri	342
TUMOR linguae contumax, hiru-			
dinibus curatus	19	ad VERMES remedium	245
à terrore circa lumbos	68	à VERMIBUS contractura univer-	
in scroto temeraria sectione		salis	342
curatus	79	convulsivi motus	245
TUNICÆ adnate suffusio	159	VERMICULARIS herbae usus in	
TUSSIS continua, sicca à male affe-		scorbuto	32. 49
cto ventriculo	16	VERMIFORMIS sanguis cum u-	
Tussi projecta calculi	173	rinâ excretus	86
ossa	175. seq.	VERMINOSA brutorum hepata	
vermes	174		245
V.		VERTIGO cæcorum	156
VARICES	54	VESICÆ calculus 137. vide CAL-	
VARIOLÆ cum petechis		CULUS.	
nigris	84		



# INDEX RERUM.

VESICULÆ post aures menstrua		ejus remedium	120. 121
immediate præcedentes	341	suppressio undecim dierum	146
circa VINI feces experimenta quædam.	362. 363	à calculo in orificio penis	68
VISUS privatio ex refrigeratione	308	URINATORES	104. 124
VITRIOLI spiritus vid. Spiritus.		Urinandi subsidia	123. seq.
sal viride	54	UTERI prolapsus	87
VITULA biceps	101	sphacelus	218
ULCUS maxillæ	134	excrecentia ulcerosa cum sphacelo	228
UMBILICI abscessus	183	cum collo consensus	100
UNGUIUM excrecentia portentosâ in plica Polonica	198	Uterus virginis resectus	99
VOMITUS carnis	62	VULNUS pectoris	73
cyanæus & lasureus	92	Vulneris à sagis illati cura mira	88
sanguinis	80. 81. 148	UVULA gemina	335
straminis	63		
vermium	342	Z.	
URINA cruenta & purulenta	71	ZINÆ semen officinarum an sit genuinum	164
nocturno lucens	277		
URINÆ incontinentia	120		

F I N I S.

AP.



APPENDIX  
*AD*  
ANNUM SEXTUM  
ET SEPTIMUM  
*EPHEMERIDUM MEDICO-PHYSI-*  
*CARUM NATURÆ - CURIOSORUM IN*  
*GERMANIA.*



*SERIES IN APPENDICE*  
*CONTENTORUM.*

- I. D. Martini Bernhardi de Bernitz  
Fasciculus II. Medicamentorum  
secretiorum Cnoëffelianorum.
2. M. S. Catoptricum in Bibliothecâ  
Dn. D. Jacobi Jani inventum.



D. MARTINI BERNHARDI DE BERNITZ,  
S. R. M. POLON. PERSONÆ MEDICI  
ET SECRETARII,

*FASCICULUS ALTER*  
**MEDICAMENTO-**  
**RUM SINGULARIUM**  
IN  
**VLADISLAO IV.**

ET  
**JOHANNES CASIMIRO**  
**POLON. ET SVEC. REGIBUS &c.**  
olim adhibitorum:

*h. e.*


*Clariss. & Excellentiss. Dn. Doct.*  
**ANDRÆ CNOEFFELII,**  
laudatissimarum Majestatum Archiatri celeberrimi  
ut &  
aliorum quorundam clarissimorum Medicorum  
**ARCANA ET EXPERIMENTA**  
**SPECIFICA.**



# INDEX CONTENTIORUM.

1. Consilium pro S. R. Maj.
2. Fasciculus Medicamentorum comprehendens

I. Digestiva.	XV. Hepatica.
II. Cathartica.	XVI. Hydropica.
III. Diuretica.	XVII. Splenetica.
IV. Diaphoretica.	XVIII. Hamorrhoidalia.
V. Bezoardica & Alexipharmaca.	XIX. Antinephritica.
VI. Anodyna & Mitigativa.	XX. Venerea.
VII. Cephalica, Apoplectica & Epileptica.	XXI. Uterina.
VIII. Ophthalmica.	XXII. Antiarthritica.
IX. Otica.	XXIII. Febrilia.
X. Odontalgica.	XXIV. Vulneraria.
XI. Pectoralia.	XXV. Medicamenta secretiora ex spermate ranarum.
XII. Cordialia.	XXVI. Cosmetica.
XIII. Stomachica.	XXVII. Liquor Alcahesticus Helmontii & Cuæffellii.
XIV. Dysenterica.	



## *Ad Benevolum Lectorem.*

**P**ost nuper, in Anno videlicet Quarto & Quinto Ephemeridum Germanicarum ACADEMIÆ NATURÆ-CURIOSORUM emissum vulgatumque FASCICULUM PRIMUM, modò hìc ex promisso exhibetur Fasciculus alter Medicamentorum singularium, quem *multorum Cornu Copiæ* non immeritò dixeris *Arcanorum*, quæ tam communi quam specificæ, si non omnium certè potissimorum morborum medelæ dicata sunt. Horum pleraque ut Magnum illum in Medica republica Virum, Clarissimum & Excellentissimum Dn. D. ANDREAM CNOEFFELIUM, p. m. Serenissimorum VLADISLAI IV. & JOHANNIS CASIMIRI Poloniae & Sueciæ Regg. Archiatrum bene meritissimum pro *Authore* agnoscunt, sic *Eundem* usu & successu felicissimo per universam Europam summopere commendatum fecerunt.

• Iisdem medicamentis non paucis ipsemet etiam in praxi meâ utens, plurimis agrotantibus ex voto, ferè dixerim, semper profui, ideoque ipsa



ipsa huc usque mihi ~~soli~~ servavi, & servarem in posterum, nisi declinan-  
te jam ætate, proximum tam pretioso, quia ad sanitatem summè necessa-  
rio, chelauro privare, summum nefas ducerem, & Christianus ego sic in  
charitatem illi debitam enormiter impingerem.

Huic meo de proximi mei salute bene merendi studio multorum  
stimulum addiderunt preces amicorum continuò me admonentium, ut  
tam hæcce aliundè collecta, quam propria mea arcana communi bono  
in lucem prodire permitterem.

Itaque more Sacerdotum vel Ægyptiorum, qui (teste *Herodoto*)  
sua Observata & Experimenta Medica Memphis in Vulcani & Isis sac-  
crario, aut etiam in viis publicis; vel Græcorum, qui sua Pergami in Tem-  
plorum Apollinis & Æsculapii adytis affigebant, & ego Collectaneorum  
meorum partem iterum S. R. Imp. Naturæ-Curiosorum Ephemeridum  
Anno VIto appendere volui, exhibentem præter laudatissimi illius Dn.  
D. CNOEFFELII, Amici & Collegæ mei, dum viveret, sincerissimi ac fidelis-  
simi medicamenta hæctenus nemini cognita, nonnulla alia aliorum quo-  
rundam Medicorum Aulicorum in Poloniâ, candidè mihi communica-  
ta & demonstrata, omnia prout ab Authore quæque suo vel in schedulis  
consignata accepi, vel ex libris ipsorum manuscriptis excerpti, quicquam  
enim in iis demendo addendove corrigere, certis de causis me abstinui.

Hunc itaque meum REMEDIORUM FASCICULUM TIBI, B. L. eo mi-  
nus ingratum fore confido, quanto magis amicè lubenter & fideliter eum  
in Tuum & reliqui proximi commodum offero, sic tamen, ut integrum  
Tibi sit eligere, quod placuerit; prætermittere, quod non adeò è re  
Tua visum fuerit: dummodo plurima Tibi accepta esse videro, TER-  
TIUM adhuc FASCICULUM, & in eo *alia Curiosa*, Te spe-  
rare jubeo. VALE!

D. AN-



  
 D. ANDREÆ CNOEFFELII,

Sereniss. Reg. Polon. Archiatri,

CONSILIUM

*Sive*

PROGNOSIS ET CURATIO

Affectuum SUÆ MAJ. VLADISLAVO IVto Familiarum,

*Pro declinando cum Dominis Collegis novarum*

*subinde disceptationum festidio.*

Semel pro semper sub ingressum sui Servitii

scripto exhibita

ANNO MDC XLIX.

C. B. D.

**A**D consilium de syndrome morbosa S. R. Maj. à 15. annis  
 jam quasi habituali factâ & à Serenissimo propter continuas  
 peregrinationes neglectâ, & sic derelictâ, deque curâ in præ-  
 senti periclitandâ, postliminiò ego, cum Domino Collega, ac-  
 cedens, quasi post vulneratam causam remedium facturum, ad paucas  
 septimanas, pro fide mea in S. Maj. nihil supra naturæ vires spon-  
 deo; sed ne propendentia hæc mala, in illa fistularum, spongiosarum-  
 que exulcerationum ut plurimum incurabilium pericula cum tempore  
 eant, vel matrimonii ratione, robur partium relaxatarum & exsolu-  
 tarum reparandum intendo, munitus Dictaturâ Hippocratis: *Quæ*  
*longo tempore afflicta sunt corpora, sensim & longo tempore reficere oportet &*  
*protestando, ne plus, quam suffecerint vires, quæ solæ sunt medica-*



trices, à nobis earum ministris medentib9 exigatur. Præsens enim virium inventarium & parcum curationis nostræ beneficium exhibet, quos effectus post se reliquerit effusissima & inordinata ani hæmorrhagia, anno 35. ad 36. finem impetuosè ruens, quæ nectaris vivifici syrrhoen (quæ est spiritus, sanguinis & caloris naturalis communio) solutis repagulis, solvendo omnium actionum vitalium & naturalium promptuarium & liberalem arcam, cor, hepar, & compaginem venosam & arteriosam exhaustit immodicè. Cum natura certè omnem hujus sui thesauri profusionem, tanto magis, tam impetuosam & deleteriâ, horreat, ei9 nihil esse possit. *Πῶς* præter copulam sanguinis & spiritus, quem ducendo vivimus.

Causam hujus profusionis cruentæ *αἱματηρία*, nescio, quo DEI vel amanuensis naturæ supplicio, è labe hæreditaria & quasi congeniali acerrimi & terebrantis fermenti, sive salis anastomotici universo sanguini, & officinis sanguificantibus ita congenitam, ut non tamen fixa & in mortem durabilis sit. esse puto, eâ de causa, quod tres ad unum omnes Regiæ Familiæ Serenissimos Fratres, quos ego novi, hæc cruentatione laborasse, & tamen tandem cum tempore suæ maturitatis, etiamsi non penitus liberatos, tamen maxime alleviatis fidei observatione cognoverim. Quam causam insimul esse puto, cur sanguis per se & quatenus sanguis, nondum sit factus corrosivus; aliàs immutabilis in vitam sic permaneret; sed quod cognata & prona in talis acrimoniæ genituram, viscerum confermentatione, nutritioni destinati, & sanguificandi liquores dulces, & non pauca illarum partes immutentur in hostilia & exosa delicatissimo sanguini fermenta, & quasi novæ quædam superfaturæ superaddantur, sanguinem suâ paroxysmi periodò, nempe novâ subinde ebullientis hujus & confusi fermenti occasione, in spumas dilatando, prout in omni fermentatione fieri solet; & suâ sic ebullitione in corpore & venis aliàs exhaustis plethoram mentiente, unâ cum suo vehiculo acri ad infima hæc & ignobilia per naturæ impatientis organon deturbato, longâ annorum familiaritate hospitando in his partibus, & furente impetu venarum januas perrumpendo.

Huic virulentiaæ suas vires addunt ingesta; siquidem hæ coctionum officinæ, hæreditariâ, annis tamen mitescente labe, pronæ in talem acetosam acrimoniam, more antiquæ ollæ acetosæ, cui quicquid infundis, acescit, quæcunque è dulcium vel meracioris vini potu; vel cupediærum, vel aromatum (quæ omnia malè fermentata & digesta in spiri-



spiritus & salia acerrima resolvuntur) voluptuario, aut reliquorum calidiorum & acriorum proportionem caloris nativi excessivè superantium frequentiori usu excipiunt, quia congenialia, degenerare ea magis faciunt in hanc acrimoniam, nutrimenti zizaniam, sanguinis incendium, venarum terebram. Unde tandem secundæ nostræ positionis, & illorum symptomatum ibi recensitorum, effectus; nempe tumoris, doloris, incalescætiæ, pruritus, tenesmi, & ex illo insolentiori, relaxatio & elongatio per continuos hos stimulos protrusi intestini, apertiones venarum hæmorrhoidalium enascuntur, quibus facile succedit, pro sanguinis, per fermenti insolentioris vel remissioris occasionem, majori vel minori tumultu, insolentior vel benignior hæmorrhagia. Ea verò, quod jam ab aliquot annis, maxima ex parte evanida, parca & ferè nulla sit hucusq; nec per vitam perennet, id causæ esse puto; quod potestates seminales morbosæ per traducem in liberos translatae, in parentibus aliquando illum gradum suæ exaltationis & nequitiæ morbosæ non sint affecutæ, ut fixum suæ pertinaciæ & in vitam durabilem characterismum signare queant, potius veluti horarii fructus, maturitatis tempora non expectantes in successoribus filiis per optimum ætatis & naturæ vigorem, quasi excusso jugo devictæ & interemptæ mitescant, & Medico spem curationis haud poenitendæ faciant: vel sanguinis profusione usq; in virium & vasorum deliquium depauperati, quod non defuerit quidem hætenus causa ad hunc tumultum arma & ignem conferens, sed vim naturæ priscam negaverit hætenus. Absq; hoc si esset, utique sanguine sic & sedato, & composito non perseverarent tertiæ & quartæ positionis nostræ, nempe in hunc usque diem recidivantia levi occasione symptomata: *Aurium pruritus, stillicidium* ex earum & intestini recti venulis; acrimonie erodentis & prurientis hucusque sanguini cohabitantis satis fido argumento. Quæ acrimonie in aures, & maximè in anum proscriptæ, ejusdem semper importuni incolæ vellicando pruriunt membranas & vicinas musculosas intestini partes, ad frequentem, & vehementiorem, sed frustratum semper dejiciendi conatum, & hæc stimuli frequentia, affluentis simul fori actu humectantis, ut & balneorum actu humidorum irrigatione motuque insolenti & indecenti ab Anno 43. non tantum laxatum & sequax intestinum rectum elongari cœpit, sed violentiâ illâ excessivâ, à membrana mesenterii, à qua intestina suspensa tenentur, nonnihil avulsum & extrorsum delatum hucusque propendet, nec suâ sponte amplius facile



in locum naturalem remeat. Nam etsi musculi, partibus genitalibus communes, intestino appositi sint, anum leniter retrahentes paulatim, tamen soli non sufficiunt, eoque minus, quando per prædictas insolentias jam relaxati procidunt quasi resoluti. Cujus relaxationis & resolutionis commune malum (siquidem communes sibi & subsidiariæ sunt musculosæ genitalium & intestini recti partes ut & sphincteris) compatiuntur genitalia, & unà cum aliis occasionibus ideò quasi resoluta & imbellia, & alia sunt positionis nostræ sextæ indigitata symptomata.

Inter quæ & reliqua omnia, equidem suspicor causam quandam corrosivam ad intimiora sanguinis penetralia habitualement ferè, unò eodemque sero, sive lixivio acri, similiter graveolente tam per venas hæmorrhoidales, quam aurium terebrante, eoque confidentius, quò minus per tot medentur tentatas curas, ne recrudesceret hoc malum per annos, in hunc usque diem quicquam fuit expeditum. Nam etsi non nesciam aurium illas foetentes & prurientes stillas sæpè numero degenerante aurium stercore (habent enim illæ & quælibet partes sua privata & peculiaria stercore à domestica sua digestionem) in foetidum liquamen, digestiva facultate auris errante, excerni: attamen digestionem auris stercorearia per convenientia medicamenta semel & solidè rectificata, postmodum rarò aut nunquam recruduisse in tam foetidas & acres sordes, observatione certà constat; quæ ideò in contrarium suspensionem bene fundatam facit illius pertinacioris miasmatis è sanguine, quod famosis decoctis & aliis generosioribus medicamentis (sanguine in hunc diem impuro, ut ex fructibus apparet, subsistente) malum hoc per annos alleviatum quidem, sed in hunc diem nunquam totaliter sublatum fuerit; quæ omnia simul & semel hæmorrhoidalis stillicidii unà cum aliis occasionibus causæ sufficientissimæ, eæque constantes in mortem esse possunt, præsertim sibi invicem indissolubili tot annorum connubio sic nuptæ firmiter.

Unde prognosis mea (saxit Deus sit falsa) enascitur sub fronte consilii mei prolata. Nempe corpus & robur hujus sanitatis esse neutrum, cachecticum, exsolutum, ut meritò huic valetudini à divina misericordia apprecari debeamus, ut hæc, incremento ætatis, decremento virium, partes relaxatæ (quibus finem aliquem fistulosum etiam si non amplum, ob stillicidium illud constans, in canis exilium venarum subesse metuo) in illam soliditatem cogi & muniri possint; ne, quod in  
his



his partibus tali occasione fieri non insolens est, majores, latiores, erosiones & cavernæ fistulosæ, unâ cum spongiis ex impuro semine & sanguine hæmorrhoidali adnascentibus, in loca hæc impervia, & ideò malè medicabilia, annorum decursu, tandem putrilaginem gangranosam & lethalia pericula inducant.

Prognosis hanc meam excipit curatio, quæ cum malo ultra 15. annos inveterato debeat, chronica etiam, & per tempora repetenda & continuanda necessariò erit, nos præservativam paucò harum septimanarum spacio intendimus, eamque ob inveterati mali pertinaciam omnes medicinas deludentem, annuatim bis vel ter, si possibile erit, repetendam.

Et siquidem negari non potest universum horum affectum effluviū è sanguinis vehiculo sive latice (ἐχέματι τῆς τροφῆς) in salinum lixivium caussis supra dictis confermentato, & quasi habituato, promanare, naturæque metastasi, hujus lixivii partes acriores sequestratas & proscriptas bina hæc & auris & hæmorrhoidalium venarum emundatoria elegisse, & ex antiquo familiaria & ferè quotidiana sibi fecisse, malâ eaque cum δυσφροσίνῃ potius, & periculo ægri conjunctâ crisi, ideoque sui vel minorationem vel omnimodam ablationem significare & indicare. Quapropter quibus modis & mediis harum indicationum cura expedienda sit tuto & jucundè (siquidem in affectu hoc inveterato cito id præstare impossibile est) sincere inquirendum & decernendum est.

Meam mentem salvo cujuscunque iudico, pro conscientia sine affectu hîc explicare debeo scriptotenus. Urget enim *Serenissimi, Regis, Dni nostri Clementissimi* obsequium & necessitas, tot medicinis apud externos exercitati, antiquum nihilominus obtinente morbo, circa quem nostræ curationis solo hoc fine fit Consultatio.

Indolui certè sæpè mecum, quoties infausta molimina & medicationes factas vidi morbis & caussis morbificis intimius in ipso sanguinis thoro hospitantibus, per illa *Segasina* præsertim pharmaca, quæ alvum & intestina turbando, naturæ constitutivos & bonos liquores, vitæ furto in foetidum, variegatum & cadaverosum liquorem æquè in sanis ac ægris indifferenter solvunt, & tale quid in corpore non inveniunt, sed faciunt & abradunt, nullâ ægri, vel saltem perfidâ & momentaneâ alleviatione, quamvis lenitiva illa *ἐνκοπρωτικά* præsertim balsamica, eaque specifica, quibus ipse utor, quotiescunque ignava



est alvus, & specificè purgandum est, è civitate & administratione medicâ, hac meâ cautelâ minimè proscrip̃ta esse velim: cum tamen altiores medicaminum potestates, non purgantes, sed mundantes sanguinem desiderent hi penitiores in universo corporis & sanguinis habitu affectus, eò modò, quò maculæ linteo nec lacerato nec destructo, sed mundato & integro illo per saponem eluuntur; vel illo modo, quò lues venerea, mundantibus sanguinem per sua cohobia repetitis, tandem sanguinis suoque vehiculo eluitur, quo nomine cæteris nihil proficientibus, nec attentis, generoso suo specifico mundativo *Dominum Berigardum* plus profecisse constat, quam cæteros omnes cauterisantes, phlebotomantes, purgantes, urentes, secantes, curando eò minori ægri damno & periculo, quo majori, non tantum generosa acria, stimulantia, aperientia cathartica irritando intestina, venas hæmorrhoidales aperiendo, earum fluxum promovendo, sed & leviora, laxativa (monente *Platero* p. 717.) nonnunquam intempestivè adhibita, subdolè talia damna augent, ideo, quod cum saltem alvum laxando movere credantur, cum etiam abstergente vi aliqua & adversa naturam ad excretionem sollicitent, nec tanta in illis sit humiditas, vel aliqua unctuositas, ut sic alvum vehementius laxando, solvere possint, superpurgationes, ut in cassiæ & manna exhibitione sæpè fieri solet, nonnunquam pariunt.

Dubium hic mihi moveri video. Ergò, siquidem penitus illa integris viribus non pertingunt brevi quatuor horarum spacio, quibus alvum laxant, & sic se penitus expediunt PURGANTIA, TURBANTIA; Itaque sanguinis vitium & crimen, sanguine piandum est.

Homicidishæc lex, etiam ante legem Decalogi, statim post diluvium, ob summam sanguinis & vitæ reverentiam scripta est, non Medicis. Dominus DEUS enim creavit non phlebotomiam, sed medicinam; & sapiens non abhorrebit ab eâ; ab illâ verò natura ipsa, ut supra scriptum, horret, in corpore inprimis & aliàs exhausto, ex sanguine & ex succo.

Innocens quippe semper sanguis (nisi in gangræna & lepra morbis incurabilibus) est, & quatenus sanguis per se nunquam peccat, ideoque sui ablationem non indicat; quin potius necessarius æquè ac humor in oculo crystallinus, constitutivus & primarius integritatis vitalis liquor & vitæ sedes est; sed aliena & peregrina fermenta ipsius vehiculum vivum seu partem coëssentialem, individuum ab ipso,

nisi



nisi per morbum & mortem; laticem nempe sanguinis contaminantia parva quantitate, tales acores & acrimonias de sua indole, & earum postea effectus fabricant, cum teste scripturâ & experientiâ quotidianâ parum fermenti totam massam fermentare possit, quorum fermentorum vis & potestas in natura & tam generandis, quàm curandis morbis fundata, ad seculum usque fratris Basilii Valentini & Paracelsi stetit neglecta: Olfecisse illam videtur *Hippocrates* suò tempore; qui non calidum, neque frigidum (quæ quotius effectus & producta symptomata non causæ sunt) sed ACRE, AMARUM, & SALSUM & alia INNUMERA (videlicet fermenta incognita) morborum causas, easque non phlebotomandas aut purgandas, sed COMMODERANDAS & CONCOQUENDAS dicit *sect. 1. de prisca medicina pag. mihi 22. & Claudius Theodatus, insignis Helvetiæ Medicus, lib. 3. Panthei sui hygiastici cap. 2. pag. 11. Neque demum sanguinis vitium, venæ sectionem indicat. Si enim intemperies sit facta, alteratione in contrarium curabitur, si putredo, quatenus talis, non curatur venæ sectione, sed suis idoneis remediis, putredinis causam & generationem tollentibus.*

Specioso, ideoque Græco, verbo plethoras, quod nimietatem sanguinis denotat, prætexunt phlebotomi, sanguinem nimium esse profundendum, ne ipsius moles retenta, spiritum vitalem opprimens, apoplexiam, vel subitanæ vitæ præfocationem, vel alia similia, non sine metu periculû inducat, maximè cum *Sua Majestas* habeat hepar justo majus, & ideo copiosiores justo sanguinem generans. Insuper siquidem hæreditariâ familiaritate natura erraret nimis, & sanguinem hospitio suo per incompetentes scalas nempe ignobilia hæmorrhoidum loca præcipitaret, per phlebotomiam revulsoriam eundem amicè revocandum & postliminiò invitandum esse in pristinum hospitium.

Bona hæc essent, si, prout satis speciosa sunt, æque satis fida essent. Quam speciosè mentiatur nimietatem sanguinis sive plethoram dictam & medicis sic imponat illius ebullitio, è diversis fermentis exterius sanguini advenientibus, pluribus causis occasionalibus externis (etiamsi per aliquot interstitium sedata quiescat) denuò in spumam & rarefactionem majus quærentem spatium irritata, non tantum ex supra dictis patebit, sed & è scripto meo nuper publicæ censuræ, & securitati valetudinis Regiæ dato, à nemine quidem refutato, sed oppresso. Ne longum sit, consultationem hanc non commentarium scribens, peto me dextrè intel-



intelligi exemplo ollæ non plethoricæ, sed ad dimidium cum cerevisiâ nondum fermentata repletæ. Injice particulam fermenti, quæ antea semivacua erat, plethorica jam facta supereminet; Venam ipsi seca, laterem lavabis; aufer vel non da fermentum, non erit plethorica amplius, & parum illud, quod habet cerevisiæ nondum fermentatæ suis terminis facile detinebit.

Et quomodo *Sua Maj.* potest esse plethorica, quæ à juvene ferè continuo stillicidio hæmorrhoidali in tantum laboravit, ut tot annis inopiam illius sanguinis tandem etiam uxoratæ Sux Majestati, per sedulam prophylaxin, DEI extraordinariâ benedictione, intra servitiorum nostrorum sexennium, cohibendo illius diluvium, hucusque vix reparare potuerimus? Cui accedit fluxus denuo modernus excessivus ab octo his mensibus præteritis, ferè 16. septimanis indies continuans, non sine notabili & præsentissima virum vitæque depauperatione. Certius itaque est, hanc depauperationem realem magis esse cum vitæ furto conjunctam, quàm illam imaginariam plenitudinem oppressuram tandem spiritum vitalem superius prætextam.

Venæ sectionibus itaque semper prætexta illa plethora sive nimietas sanguinis cum nimis magno *Sux Maj.* hepate petit principium, id est, in quæstione adhuc est, *An sit?* Ridiculus forem, qui retinendi illius nectaris vivifici SANGUINIS ergò, & in favorem meum, qui ab ejus perditione semper sum alienissimus, mihi prætexerem Serenissimum habere è contrario hepar nimis parvum. Pari enim fiducia id asserere possem hoc argumento: Quis nostrum hepar *Sux Maj.* vidit, an nimis magnum pro phlebotomis, an verò nimis parvum pro me, sanguinis abstemio, sit. Blasphemus forem in DEUM æquissimum conditorem, & ejus amanuensem naturam, quæ, nisi ideis erroneis, sub plasmate deviaverit in monstrum, nihil facit nimis, nihil minus, nec in quanto aut quali abundat, nec deficit, nisi, ut dictum, errans in monstrosis.

Revulsionem speciosè prætextam quidem, sed è nugis Galeni loquaciter delirantis natam, non tantum irritam, sed & damnosam, & frequentius repetitam periculosam, æstimo. Certè curiosè & officiosissimè prætexta cautela venesectionis revulsoriæ his annis non neglecta; sed ad minimum annuatim quater celebrata, & à Sua Majestate, me toties contradicente, fideliter fuit admissa. At certè non satis bene in hunc diem liberat suam fidem, quam de commodando tandem &

con-



continendo sanguine luxuriante & exorbitante toties magnis promissis fecit. Ex postfacto irritam se esse, satis in contrarium docet.

Et quomodo sanguini ad peremptoriam medicæ revulsionis citationem, dicam & locum scribere possumus, qui privilegio speciali vitalitatis in circulum & seipsum rediens, cum spiritu suo hospite nullius loci temporis leges respicit, neque locum standi ullum in universo corporis foro agnoscit?

Revulsio insuper quam damnosa sit in viris æquè ac mulieribus, gravidis præsertim, unâ eademque ratione constabit sequenti: Non est negandum ex hac aliquando momentaneam fieri allevationem symptomaticam, dum scilicet natura studiosa sui thesauri conservatrix, hanc meram sanguinis & virium extractionem exhorrescens, & hanc ruinam sibi procuratam præsentiens atque formidans, non rarò præfatorum symptomatum mitigationem tremula molitur; sed pacatio ista momentanea vires è causa radicali permanente resumens, persolvenda est crudelioribus subsequenter symptomatibus. Nam etsi vena cubiti tota posset evacuari (quod impossibile) tamen mox iterum totus cruor, in se & circulum rediens, æquaretur per totum venarum contextum. Unde vanitas revulsionis & derivationis famosæ cuivis liquido apparebit.

Quam damnosa sit in fluxu verè hæmorrhoidali excrementitio, citra necessitatem facta, inde liquet. Quò natura vergit, eò ducere convenit sequacem medicum. At natura sub fluxu solito hæmorrhoidali excrementitio, studio sanguinem hæmorrhoidalem excrementi loco, è consortio venarum vitali proscripsit & damnavit, rectè agens, & cum tolerantia ægri. Depletæ ergò per phlebotomum superiores venæ, vacui impatientes; in momento, undecunque, qualem cuncq; etiam excrementitium jam, & mortuum cruorem ad se revocant, & proscriptum semel cadaver in totum retrahunt, bonoq; & vitali denuò confundunt. Prout & menstruum suo tempore & ordine digesto in exitum dicatum, & sic cadaveratum eodem modo in venas inanitas, fugâ vacui allicitur. Quæ communio sit vivis cum mortuis, vel in rejectamentum semel & plenè à natura provida destinatis, ille referet, qui excrementa denuò delibando, ventriculo refectiorem & gratiam se facturum ineptè sibi pollicebitur. E tam frequenti ergò confusione heterogeneorum cum homogeneis, excrementorum, cum vitalibus suis, quid boni sperandum tandem, illi norunt, qui tales sordes purum putum sanguinem inquinare, eundem turbatum & conta-



minatum, in viris pro indole deturpati nutrimenti nil nisi malum corporis habitum; in mulieribus præsertim gravidis & lactantibus, nutriendæ soboli infectum & deleterium nutrimentum minitari, & sic vivacitati præjudicare sat, fido ratiocinantur argumento.

Quæ omnia æquis rationibus deducta, cum futilitatem, damna & pericula futura ex insolentiori abusu talium magnorum & generosorum subsidiorum nobis non tantum minitentur in futurum; sed & impræsentiarum, pro sperata melioratione deteriorationem, nec minima reparationis incommoda & remoras faciant; talium usus liberalior, extra urgentem necessitatem, restringendus esse videtur ad mitiora; & sanguini mundando, non simul & semel cum fermento morbosco ejiciendo, specificaque dote per naturam destinata; nec ideò ad quasvis animo obrepentes indicationes virium vitæque exsolutiones, per electiva illa purgantia & phlebotomias, sæpius ac par est repetitas, sensim sensimque cum tempore cumulentur; suspecto & invisio epilogo. Immo Hippocratis ad Democritum: *Omne solutivum depradari de viribus & substantia corporis nostri.* Sitque eodem Hippocrate Dictatore, (in fragm. d. purgat. remed.) *scæda calamitas à pharmaco purgatorio hominem interiisse.* Ne, quod Deus avertat, in eosdem nostros errores, eadem tandem, sed infelix plangat nania, quam in memoriam facti, & præmaturum obitum SERENISSIMI PRINCIPIS FERDINANDI, HISPANIARUM REGIS FRATRIS in Belgio versu sacravit Janus Walhor-nius D. Regis Hispaniarum Consiliarius:

Quid multis fidis Medicis, Dux optime? multum est,

Si fidas uni: cætera turba nocet.

Nonne vides toto vacuari corpore venas;

Hic fecat, hic urit; crescit ab arte malum:

Induperatorem medicorum turba peremit;

An medicos medicam credis habere manum?

Pauca dabo tumulo: Jacet hic, Dux optimus; in quem

Nil potuit Mars, dum corpore sanguis erat.

Quod Mars non potuit, Medici potuere secando:

Sic Mavors ipso fit minor Hippocrate.

Spero nemo bonus pio huic zelo indignabitur, si, (quod solemni-ter protestor me dicere de vitiis, parcere personis.) pro scientia & conscientia mea, de sanguine & inquilina huic vita Suæ Maj, liberius & fidelius dixerim, scripserim.

APPEN-



APPENDIX

CONSULTATIONIS  
GENERALIS

Pro speciali & moderna Affectione  
MAJESTATIS REGIÆ.

**E**Xplicatis sic affectionibus Sux Majestati familiaribus, nempe solito hæmorrhoidali eoque sæpè excessivo fluxu, pruritu & stimulo intestini recti, cutis universæ, aurium; siquidem uno ore Dominorum collegarum in confesso est, propter hæreditariam hanc affectionem hæmorrhoidalem totum quasi hominem esse morbosum. Necessarium itaque videtur, totum hominem immutandum & quasi renovandum à spurcitie illa salsa, sanguinem in tales tantasque ebullitiones, & quasi profluvium ruptis venarum aggeribus, in tales pruritus scabiosos universi corporis, aurium, intestini recti, & stimulos efficiendi & excernendi continuos irritante. Quod per modum insensibilis restaurationis & mundationis per vices pro singula nova ebullitione me clandestinâ & piâ quasi fraude, Serenissimi impatientiam præveniando, integro quinquennio fecisse nuper in apotheca confessus sum, prout & est res facti. Ita certè ille modus hætenus (DEUS novit cujus impedimento) ab anno cum dimidio posthabitus, morbo & causæ huic morbificæ licentiam & tandem insolentiam fecit; quam tantopere habituatam, vix eodem temporis spatio in pristinam æqualitatem & continentiam, quàm sic connivendo excessit, lente & cum securitate Sux Majestatis reducendam, postea verò obtentam DEI gratiâ sanctè in posterum & sic sanitatem custodiendam esse existimo.

Quâ methodo & quibus mediis DEI benedictione imprimis hic finis obtinendus sit, siquidem nostra medicorum consilia (charta ideò consignata, ut certa & immutabilia in uno eodemque hoc casu sint & maneant) singula ab invicem cum discrepent? Quam sanitatis & valetudinis curandæ securitatem nunc & in posterum è tali tantaque discrepantia Sua Majestas habebit? Dicam pro captu



meo & fide in Suam Majestatem, salvo meliori cujuscunque judicio, pace & veniâ singulorum.

Cum, prout in bello, ita in curanda valetudine, verba non spectanda sint ( medicina enim est ars, quæ facere, non dicere docet, ) necesse est, ut Sua Majestas & omnes benevoli Suæ Majestatis in id summo rigore incumbant, ut ne in posterum sanitas pluribus plurium medicorum, iisque diversis & verbosis consiliis detineatur dubia & anceps negligatur. Sed post consilium cujuscunque singulum, Medico per illud suam promittenti curationem, Sua Majestas serio demandet, ut viam illam, quam semel elegit in consilio, ambulet. (2) ut tempus, quod sibi medicaturus eliget pro cura, & modum curationis illius interturbari non permittat, ne medicus habeat, quod excuset, sed facienda faciat. Secius si fiet, inter consultationes multas multorum medicorum aliter fieri non potest, quam quod dictum & factum est, multitudo medicorum perdidit Imperatorem. Quo nomine Suæ Majestati fideliter hoc svaderem, ut nec mihi, nec ulli suorum medicorum amplius credat, in quacunque etiam morbi specie peroranti aut discurrenti; sed in posterum medicos suos singulos mutos esse velit, & solum factores tales, qui, ne verbum missitantes curatione reali positivâ diversorum morborum reales in aliis prius præstent curationes, de quibus realiter & feliciter præstitis Sua Majestas nunc & in posterum assecurata esse possit (quod tamen DEUS avertat) cui medicorum, & in quibus affectibus, utò & cordatè citra ambitum talium consiliorum & disceptationum viam & sanitatem concedere possit.

Siquidem autem in hac familiari Suæ Majestatis affectione duabus vicibus fidem meam intra duodecenni decursum, per DEI imprimis singularem benedictionem probasse me eousque, puto, quod, me non audito, illa Suæ Majestati facta est dubia; itaque pro illa reparanda lubens meritoque hanc curationis provinciam ad duos menses, quos suffecturos puto, pro insultu hoc hæmorrhoidali Clarissimo Domino Doctore *Davissonio* trado, & illam, quam communibus votis apprecamur Suæ Majestati felicitatem curationis fundatam in reali & prædicta demonstratione pro securitate Suæ Majestatis futura, nec modò, nec in posterum invideo, reputando pro honore & felicitate mea; meum Evergeten (per quemcunque etiam fiat) constanter bene  
valere.



valere & feliciter agere. Qua libertate concessa, siquidem ea, nil nisi sanitatem & securitatem Suæ Majestatis intendit, peto, ut, si res aliter, ac in votis esset, cederet, eandem & ego, & reliqui *Domini Collegæ, quibus injuncta esset curatio, secundum tempus, modum, & media curationis habeamus mutuam & communem, ne in proposito bono, quibuscunque etiam artibus, impediamur in posterum, imò hanc libertatem jure merito pro peculiari mea medendi ratione exigo.*

Quibus præsuppositis cum unica & sufficiens causa sit, sal illud corrosivum, plumosum, pruriens incola universi sanguinis, ex quo generatur postmodum frequens cutis pruritus, scabies vaga, cum pustulis hinc inde emergentibus, pruritus auris & ani, & in illis extremitatibus venarum hæmorrhoidalium, & inde natus perpetuus excernendi, sed sæpè irritus, stimulus. Ego verò sanguinis & virium, vitæq; diminutione curare non didicerim, sed medicamentis, quæ Dominus DEUS creavit, & suis morbis destinavit; illum, qui adhuc superest, & quem in thesaurum vitæ reverenter adhuc custodit natura, ejus observantissimus minister, ego medicus studebo integrum conservare, & solummodò liberare ab importuno illo hospite & hoste suo peregrinè adveniente fermento falso corrosivo; patrante effectus modò dictos & Suæ Majestati familiares, è quibus ultimò illa apertio venarum hæmorrhoidalium, & excessiva illa sanguinis, virium, vitæq; profusio. Consistet itaque mea curatio in totali sanguinis universi immutatione & renovatione, per unicum internum medicamentum eradicans sanguinis illius fermenta falsa, acria, unò verbò, vitæ æruginem & zizania. Quibus liberatus non amplius ita ferociens, sed pacificus suis cancellis & officio debito se continebit. Illâ tamen lege, prædicta sanguinis depuratio instituenda, ut siquidem ferè biennio neglecta fuit, sub singula exaltatione sanguinis in novam ebullitionem paroxysmantis, quocunque tempore ea contingat, ad paucos dies ea repetatur eo usque, donec ea sanguinis & constans contingat continentia, quæ annuatim in posterum vernali & autumnali renovatione ad dies non multos facienda, contenta esse possit.

Hæc methodus medendi mea correctior ad Galenicorum regulas, minimè quadrans (cum illa non currat neque curet; qua gentiliter, itum hæctenus, sed qua fideliter eundum fuit) illud meum arcanum est, nunquam & nemini, nisi meliora discere recusantibus, per me absconditum; invisum equidem multis; sed orando, laborando, divinâ gratiâ



tiâ, vigiliis, laboribus, itineribus, molestiis, persecutionibus tandem impetratum; nullius monarchiæ studio, sed solum juvandi proximum ergò quæsitum, de quo dator hujus luminis DEUS in conscientia solus est testis; maximè cum tot annis praxeos meæ medicæ non tantum abominabilis illa paganorum medendi methodus per tot & tanta martyria, à quibus benigna mater natura abhorret, sed & suspecta tandem fieri cœpit, cum per illam tot miseros ægros derelictos incurabilitatis subterfugio & excusatione frivolâ à medicis vexatos, tandem proscriptos & ablegatos ad balnea sulphurata, fontes acidos, salubres, vel prognosi vel diætæ tandem mancipatos viderim, & sæpè mecum ingemuerim; satius fuisse & non recepisse curandos ægros tali methodo, quæ tantum catalogum incurabilium morborum suæ incertitudini prætexit, quam tandem miseros & deceptos ægros gementes abdicasse ad talia, subterfugia Christianâ charitate indignissima.

Qui itaque hoc arcanum vult, orando, laborando, quærat & inveniet; quærens enim inveniet, & pulsanti aperietur, sed fideliter, & non nisi apud DEUM, illô, quem mandavit, modò:  
per laborem & sudorem.

*Cui Datori soli sit Gratia, &  
Potestas & Gloria ineffabilis!*





# FASCICULUS ALTER MEDICAMENTORUM SINGULARIUM.

TITULUS I.

## DIGESTIVA.

### Pulvis Puniceus simplex.

Rec. *acidi tartari* ʒij. ʒij. *tartari vitriolati* ʒj. *sandali rub.* ʒiſſ.

*ſpir. Oli, ſeu ol. Aſis, per camp. fact. gt. xv.*

Pulverifatis vitreoque vaſi inditis, paulatim ſpir. Oli, ſeu ol. Aſis af-  
funde, & cum pennâ anſerinâ continuo miſcendo, ſuper cineribus cali-  
dis exſicca, & in pulverem tenuiſſimum, punicei coloris, tere, eumque in  
vitro puro ad uſum neceſſarium reſerva.

VIREs & DOSIS. In omni obſtructione, ſcil. hepatis, lienis,  
meſenterii, renum aliorumque viſcerum, maximè in affectu hypochon-  
driaco, medicina eſt ſalutaris ac tuta. Eſt & hic pulvis digeſtivum quaſi  
uni-verſale, quod catharticiſ præmitti ſolet, & inſuper excitamentum ap-  
petitus excellens. Not. Phthiſici, hæmoptoici & catarrhoſi, ſaliſis & acri-  
bus fluxionibus ad pectus delabentibus, abſtineant tamen ab ejus uſu.

DOSIS ordinaria, à ʒj. ad ij. Exhibetur ut plurimum jejuno ſto-  
macho in brodio carnis ſeu branca urſinæ vel alio conveniente liquore,  
ſæpius doſin reiterando.

### Pulvis Digeſtivus ordinarius.

S. R. M. Vladisl. IV.

à Dn. D. Cnöffelio præſcriptus.

Rec. *acidi tartari albiſſimi* ʒſſ. ʒiſſ. ʒij. ʒij. *ſis eſſentialis, (acetofella)*

~ Oli coagulati, a ʒj. Ræ *sandali rub.* q. ſ.

Miſce in mortario vitreo, poſtea adde

*ſacch. citrat. ʒij. eſſent. citri ex cort. citri rec. extraet. gr. v.*

Miſce iterum & divide in 10. partes æquales, ad 10. chartas.

Eadem habet hic pulvis virtutes cum ſuperiore Puniceo ſimplici in  
morbis nempe chronicis, arthriticis & tartareis conſumacibus & digeſti-  
one egentibus. Uſum hujus pulveris S. R. Maj. aliquando ad 14. dies  
continuavit.

TIT.



## TITULUS II. CATHARTICA.

### Pulvis Puniceus compositus.

Rec. *acidi Fri* ℥ij. *pulv. grisei* ℥ß. ℥ij. gr. viij.  
*sandalirubr. pulv.* ℥iij. gr. xij. *Öli. Friß* ℥iv.

Misceantur diligenter in mortario lapideo seu vitreo. Pulvis gratissimi coloris & saporis, ad usum servetur in vasculo vitreo benè munito. Purgat leniter per inferiora. Usus ejus est post adhibitum pulv. Puniceum simplicem in febribus intermittentibus & diuturnis, aliisque morbis tartareis & chronicis. Dosis in junioribus ℥j. mediæ verò ætatis & constitutionis ℥ß. robustioris naturæ à ℥ij. ad ℥j. In brodio carniū, decocto hordei, passulato, vel alio (pro cujuscunque beneplacito) liquore, quatuor vel quinque horis ante prandium, & jejunio stomacho.

*Not.* Aliquando admiscetur una vel altera guttula *balsami Peruviani*, seu olei *anisi* vel *carni*, sic suam absque ullis torminibus tutissimè absolvit operationem.

### Pulv. Hellebori Styriaci D. D. Cn.

Rec. *florum hellebori nigri veri & Styr. in felici aspectu* (scil. *Una cum*  
*& existente ac crescente*) ante ortum *Öis collectorum*,  
*sacch. albissimi pulv.* aa. ℥j. *Öis essentialis acetosellæ* gr. xxiv.  
*essent. citri ex cort. rec. extract.* gr. xij.

Misceantur. Fiat Pulvis subtilissimus, cujus dosis est ℥j. ad ℥ij. Solvit leniter omnes humores melancholicos, idè in epilepsia, apoplexia, vertigine, aliisque morbis capitis, item in hypochondriacâ & hysteriâ passione, quartanâ, scabie &c. medicina est gratissima.

### Pulvis Solutivus de tribus, Officinæ Regiæ.

Rec. *rad. gialap. pulv.* ℥j. *resinæ scammon.* ℥iv. *Fri Öli* gr. vj.  
*essent. cinanomi saccharatæ* ℥ij. gr. vj.

Fiat omnium pulvis, cujus ℥iß. mane exhibeatur in juscūlo.

Ad omnes ferè humores excrementitios evacuandos, catharticum præstans, quod recenter paratum, multò efficacius in operatione, quam si diutius asservetur. Quod si itaque unicam quis tantum desideraret dosin, sequens esse posset :

Rec. *rad.*



Rx. rap. gialap. ℥j. resina scammon. ℥. iij.  
 Fri Olati ℥. iiij. essent. cinam. sacch. ℥. ij.  
 Cui D. D. Cnœffelinus aliquando adjiciebat  
 acidi Fri ℥ss. M. F. Pulvis.

### Pro potiuncula hanc observabat formulam.

Rx. pulveris precedent. de tribus ℥j. acidi Fri ℥. xv.  
 sir. violar. seu flor. Persicor. ℥vj.  
 aq fumarie ℥iiss. cinam. cord. s. v. ℥j.  
 Misce, F. Potio pro unâ vice.

### Sirupus helleboratus D. D. C.

Rec. rad. polypodii, cichor. ā ℥j. Fri albissimi ℥j.  
 Coquantur in aq. fumar. ℔vj. ad remanentiam ℔iiss.  
 Dum adhuc calet, adde fol. senæ s. s. ℥iv.  
 rad. helleb. nigr. preparat. ℥ij. Olei Fri per deliqu. ℥ij.  
 Stent per 24. horas, postea peractâ unicâ lenissimâ ebullitione, in co-  
 latura post expressionem factam, adde  
 succi liquiretie (in aq. fumar. dissol.) ℥j.  
 sacchari albissimi ℥xxx. M. Fiat sirupus, ut arûs est.  
 In omnibus morbis, maxime capitis, ubi purgatione opus erat, fru-  
 ctuosè à Dn. Cnœffelio sirupus hic adhibebatur, familiaris ipsi erat, & in  
 arthritide & affectione hypochondriaca. Dos. ab unciâ unâ ad unicas  
 tres, in aquis vel vehiculis aliis convenientibus, vel per se sumptus.

### Passulæ laxativæ

pro S. R. Maj. Vladislao IV<sup>to</sup>.  
 à Cl. D. D. Cnœffelio ordinatæ.

Rx. fol. senæ s. s. ℥ij. tamarind. conf. fl. Persic. cichor. borrag. ā ℥j.  
 sem. carthami, grossè contusi, ran. polypod. querc. ā ℥v.  
 acidi Fri ℥ij. infunde per noctem in aq. fontana s. q. s.  
 Manè coquantur ad remanentiam ℔iiss. Decoctioni, per albumen  
 ovi prius clarificatæ, adjiciantur  
 sacch. albissimi ℥ij. Misc.  
 Redigantur coquendo in sirupi consistentiam, cui, dum adhuc fervet,  
 immergantur  
 passul. minor. opt. prius purgat. ℔ij.

D

(Vel,



(Vel, si placet zibeb. major. exemptis prius acinis, seu prun. Damasc. vel Hungar.) stent per 24. horas, in loco quieto, factave unâ vel alterâ ebullitione, passulæ denuò, cum infuso sirupo, ad debitam consistentiam decoquantur. In fine addantur

*aq. cinamomi, succi citri rec. expressi ā. ℥i.*

Fiantque passulæ laxativæ, usui asservandæ pro S. R. Maj. **DOSIS** ℥ij. ad ℥ß. & j.

### Extractum hellebori solutivum

sive

Solutivum helleboratum Cnöffelianum.

**R.** *extract. hellebori veri (per. s. fact.) ℥iß. conf. alkermes ℥ij.*

(Not. Pro foeminis, loco conf. alker. adde

*extr. macis, & caryophyl. ā. q. f. pro aromatizat. )*

*phlegmatis Oli volat. nostri ℥xxiv.*

(Et si major & notabilior debet esse operatio, sufficient *phlegmatis ℥xij.*)

Stent in vitro, collo oblongo & hermeticè clauso, per mensem in digestionem, postea filtrentur per chartam; Essentia filtrata ad usum servetur.

Est cephalicum insigne, & in curanda epilepsia medicamentum à Cl. Dn. Cnöffelio sæpè expertum.

Hic quoque annectere placet Ejusdem

### Elixir proprietatis purgans solidum.

**R.** *aloes opt. pulv. ℥viii. myrrha, croci (opt. pulv.) ā. ℥iv.*

*mixture confuse (ex Spirit. vini & phlegm. Oli, ternis cohibitis ex*

*unitis) ℥lvj. Aris opt. & generosi ℥ij. Misc.*

Macerentur per tres menses in vase vitreo, optimè clauso, in loco calido, sæpius materiam movendo: absolutis hisce mensibus post sufficientem extractionem & circulationem, instituatur colatura per linteum, & quidem fortissimâ expressione, menstruum tandem ad justam extracti solidi consistentiam, in leni calore abstrahatur, & seorsim asservetur. In fine adde

*extr. dauræ ℥j. essent. macis & cinamomi ā. q. pl.*

**F.** Massa propilulis. **DOS.** à ℥j. ad ij.

### Elixir proprietatis purgans liquidum

Cnöffelianum.

**R.** *aloes hepat. opt. ℥iv. myrrha Alexandr. croci Or. vel Ungar. ā. ℥ij.*

*extr.*



extr. *daura* ( id est, *veratri nigri*) *è foliis parat.* ʒj.

*spirit. vini alcoholisati, phlegm. Oli, cum suo u. volat. imprægnat. a. ʒxv*  
(vel in duplo scil. ʒlvj.) *ʒris opi. per campan. fact.* ʒij.

*Aloë & myrrha* terantur accuratè, *crocus* scindatur in minutissima frustula, mixta deinde omnia digerantur & circulentur in vitro hermetice clauso per sex menses, & F. more consueto *elixir proprietatis balsamicum & purgans* : cujus usus est in febribus intermittentibus malignis, morbis contagiosis & ipsa peste : item in affectionibus hypochondriacis, morbis uterinis, colicâ, passione iliaca, cruditate ventriculi, constipatione alvi, aliisque affectibus medicamentum ab authore sæpius probatum. Dos. à gutt. x. ad gutt. xv. & xx. in vino, *cerevisia*, juscule carnis vel alio vehiculo conveniente.

## Elixir proprietatis purgans aliud

Officinæ Regiæ Warssav.

Rx. *aloes succotrine* ʒij. *myrrha select. rub.* ʒij. *croc. Or.* ʒij.

*rhabarb. el.* ʒxij. *vini Hispan.* lbij. *mixture simpl. de tribus* ʒij.

Pulverisatis & incisis mistisque adfundatur vinum Hispanicum & mixtura simplex. Stent in digestionem per sex septimanas, postea colentur per linteum subtile, tinctus & imprægnatus liquor servetur usui.

In febribus malignis & contagiosis atque in ipsâ peste nihil est tutius : hypochondriacis & uterinis valdè convenit, & in morbis chronicis, maximè in icteritiâ flava, medicamentum est magnarum virium, in super ventriculi affectibus subvenit, à putredine defendit, & leniendi alvum possidet virtutem.

Dosis ʒss. plus minusve in vino vel aquâ aliâ adpropriata. Datur & in actu curationis, tempore pestis ad ʒj. & ʒiv.

## Pilulæ balsamicæ universales.

Rx. *extract. rad. helleb. nigr.* (per Spiritum vini facta.) *MP. de trib. Russ.* a. ʒss. Cogantur cum essent. nostræ proprietatis s. q. in massam mollioris consistentiæ.

Admirandæ sunt istarum pilularum virtutes & nunquam satis laudari possunt. Omnes enim humores, maximè crassos & tartareos purgant, caput, stomachum & alia viscera roborant, & commodissimè exhibentur in affectione hypochondriacâ, obstructione lienis, mesenterii &c. & maximæ æstimationis erant apud p. m. Cl. Dn. D. Cnöffelium.



DOSIS pilularum est à ℥j. ad ʒß. & ℥ij. pro unâ vice. Sumi possunt manè ac vespèri, post cœnam parciolem & ante cœnam. Si quis actionem earum acuare cupit in robustioribus maximè, ubi pilulæ Cnœffelianæ aliquando tardescunt, addantur cuilibet dosi grana aliquot tartari vitriolati, formula potest esse talis:

Rx. MP. balsam. ℥j. jalap. subtil. pulveris.

℞ri ℥ti ā. ʒ. vj. cum ol. cort. aurant. s. citri rec. q. s.

formentur pilulæ minores deaurandæ.

Aliquando placuit & hæc formula:

Rx. extract. hellebori (è foliis ejusdem herbæ in Styria parat.)

MP. de tribus ā. ʒ. xv. resina jalappæ ʒ. iij. ℞ri ℥ti ʒ. vij.

M. Formentur pilulæ minores.

Item.

### Pro maniacis & epilepticis.

Rx. extr. helleb. ex radicibus parat. ʒj. ℞ri ℥ti ʒ. viij.

F. Pilulæ deargentatæ.

### Pro quartanariis, arthriticis, scabiosis,

& lue venerea infectis.

Rx. MP. balsam. universal. ℥j. cœniotomi n. stri, ʒ. ij (usque ad v.)

M. & cum guttâ unâ vel alterâ sirupii nostri helleborati, benè subigendo, fiat massula, ex qua iterum formentur pil. tres vel quatuor majores, argento obductæ.

(Not. Ad occultandam Medicinam, à Clar. Dn. D. Cnœffelio ex omni genere medicamentorum specificorum (beneficio mellaginis) concinnabantur pilulæ alterantes.)

### Emplastrum purgans admirabile.

Rx. semin. catapur. colocynth. ā. ʒij. rad. & fol. helleb. nigr. esulæ.

succ. tithymal. cucumer. asin. agrestæ, rad. sambuc. rec. ebuli ā. ʒvj.

aloës hepatic. scammon. ā. ʒiß. terebinthin. ʒiij.

mell. despumar. q. s. M. F. l. a. emplastrum, s. cataplasma.

Emplastrum hoc miræ virtutis quondam S. Reg. Majestati Vladislao IV. à Palatino Pomerellæ Illustr. Dn. de Dænhof est communicatum, cujus descriptionem annis superioribus à Dn. Johanne Heckero pharmacopœo regio tanquam aliquid singulare & ego accepi.

Primo



Primo solvit potenter alvum umbilico impositum; enecat vermes eosque simul cum excrementis expellit; regioni superiori stomachi applicatum vomitum ciet; renibus & lumbis, urinam promovet; mammis mulierum, menstrua sollicitat; & abdomini partum faciliat, expellit & ipsam foetum mortuum, si diutius geratur.

## TITULUS III.

## DIURETICA.

## Pulvis diureticus ordinarius.

Rx.  $\Theta$ lis  $\varphi$ ri crystall. anodyn. mineralis  $\bar{a}$ .  $\text{z} \text{ij}$ . M. F. pulvis.

Dos.  $\bar{a}$   $\text{z} \beta$ . ad  $\text{ij}$ . &  $\text{zj}$ . in aq. petroselini, ter in die repetenda.

vel Rx.  $\varphi$ ri  $\Theta$ trati, seu  $\Theta$   $\varphi$ sati  $\text{zvj}$ . oculorum  $\text{ss}$  preparat.  $\text{zij}$ .

M. F. pulv. Dos. & usus idem qui supra.

Item Rx.  $\varphi$ ri albiss. pulv.  $\text{z} \text{ij}$ .  $\varphi$ ri  $\Theta$ lari  $\text{zij}$ .

spir.  $\Theta$ li cum nitro coagul.  $\bar{g}$ . xxxv. M. F. Pulvis.

Exhibeatur eodem modo

## Pulvis diureticus pro S. R. Maj.

in ardore urinæ.

Rx.  $\Theta$   $\varphi$ niati crystall.  $\text{zj}$ . sacch. cant.

succ. glycyrrh. inspissat. & pulv.  $\bar{a}$ .  $\text{z} \beta$ . M. F. Pulvis subtilissimus.

Post Rx. pulv. diuret. jam prescripti  $\text{ij}$  extr. granorum quietis  $\bar{g}$ . i.

M. F. pulvis, bis in die sumendus.

Item Rx.  $\text{z} \text{ij}$  fix. diaph. (spiritu salis aliquoties imbuti & iterum exsiccati,)

oculor.  $\text{ss}$ . (cum olei  $\varphi$ ri per deliqu.  $\bar{a}$ . p. aq.

in lapidis duritiem coagul.)  $\bar{a}$ .  $\text{z} \text{ij}$ ,

magist. petroselini rec. facti q. s. pro tincturâ. M. F. pulvis.

Dos.  $\text{ij}$ . ad  $\text{ij}$ . in aqua appropriata, bis vel ter in die.

Arcanum Tartari Cl. Dn. D. Cnöffelii  
& Helmontii.

Rx.  $\Theta$ lis  $\varphi$ ri albissimi  $\text{ss}$ .

$\varphi$ ri bis per cineres rectific. Spiritus vini opt.  $\bar{a}$ . q. s. (pro infusione

$\Theta$   $\varphi$ ri, ad eminentiam sc. iv. digitorum,)

\* D 3

Dige-



Digerantur aliquamdiu in loco calido, post abstrahere spirit. ad siccitatem usque: affunde novum spir. tartari & spir. vini, & iterum destilla. Idque toties repetatur, (scil. sexies vel septies) & ultimo quidem per phiolam altam, donec ☉ ☿ in lateribus vitri instar crysalli seu camphoræ appareat, quod in vitro puro & cera vel subere benè clauso, ad usum internum reservetur. Si quis hoc arcanum augmentare velit, is adjiciat arcano ☿ Spirit. vini opt. rectificatum, & alcoolisatum, ad eminentiam duor. vel trium digitorum, & in vase optimè perlutato misceantur & digerantur, tam diu, donec cuncta benè unita sint, & de materia seu arcano ☿ nihil amplius appareat.

Hac finita dissolutione, vitrum repone in locum frigidum, & rursus crysallisentur; & sic augebitur arcanum ☿ in infinitum.

In morbis quibuscunque deploratissimis, & ex obstructione ortis, maximè in febribus intermittentibus, est medicamentum non satis laudandum. *Dosis* ḡ. v. ad ℥ss. & ℥j. in juscule carnis coctæ, vino, seu alio vehiculo idoneo.

(Sunt & qui beneficio hujus arcani ex auro & reliquis metallis & mineralibus extrahi volunt animam.)

### Exemplum in Sole.

Fiat *amalgama* ex auri parte una & mercurii purgati p. vj. Hinc *cum duplo sulphuris opt. pulv.* ad ignem lentum calcinentur tam diu, donec mercurius cum sulphure sine liquefactione exhalarint, & calx auri, coloris calendulæ, spongiosæ quasi substantiæ, sub tegula remanserit. Ex qua tandem mediante hoc sale, intra mensem Ra extrahitur rubicundissima, corpore remanente albo.

Helmontium alias hujus arcani authorem & inventorem esse, multi affirmant.)

(*Diuretica plura videantur infra in medicamentis antinephriticis.*)

## TITULUS IV.

# DIAPHORETICA.

### Antimonium diaphoreticum solare.

℞. *℥tis* 3j. acuetur cum ☉ ℥ss. & 3j.

*Menstruo jam parato & prius filtrato injice auri fini & laminati 3j. stent in leni cinerum calore, donec absorbeatur aurum. In hac solutione*



tione solis imbuantur & intingantur linteamina pura, ut nihil de eâ remaneat, & postquam libero aëre benè exiccata fuerint, comburenda sunt in crucibulo puro tamdiu, donec in pulverem redigi possint; caute tamen hic procedendum, ne crucibulum excandescat, & aurum cum sale ammoniaco avolet. Jam

*Rx. calcis hujus auri e. g. ℥j. ℥ii subtil. pulv. ℥ij. ① albiss.*

& simili modo in pulverem subtilissimum prius redacti ℥viii.

Misceantur in mortario lapideo quam optimè, postea immittitur pulvis, sensim & per intervalla, in crucibulum prius candefactum, & statim cum impetu incipiet ardere, haud secus, quam pulvis sclopetarius madidus. Detonatione peractâ calcinatio continuetur adhuc per spatium quadrantis horæ, materiam interim filo ferreo continuè agitando; tandem tota massa hinc residua & adhuc ignita, per partes injicitur in ollam novam vitreatam & aquâ purâ calidâ impletam, sinitur per ♂ & ♀ quiescere, & ubi materia subsederit, inclinando ollam, removetur aqua nitrosa: qui labor, affusâ tepidâ aquâ, sæpius repetendus est, donec nullus falsedinis sapor amplius percipiatur; pulvis purpureus tandem & elegans, in filtro chartaceo relictus, studiosè exsiccetur & asservetur, tanquam sudoriferum & alexipharmacum insigne, & in peste febribusque malignis præstans. Corruptioni resistit, sanguinem mundificat, scabiem & luem veneream curat, & in quibuscumq; cordis infirmitatibus, variisq; viscerum morbis prodest; auxiliatur iis sudorem pellendo. dos. ā ʒss. ad ʒ. xv. & ʒj. in convenientibus aquis seu conservis, reiteratis vicibus, omnibus, omni tempore & hora, secundum necessitatem morbi, id postulantis.

**USUS MECHANICUS.** Pulvis aureus simplex absque antimonio, & superius in crucibulo calcinatus, curiosum adhuc alium habet usum, nempe quod omne argentum sola affrictione deaurare solet, quod secretum causa curiositatis olim, à Serenissima Ludovica Maria p. m. Regina Pol. sæpè fuit tentatum & probatum.

*Ex pulvere aureo p. j. & pulvere split. p. xx.*

invicem commixtis fit & ille summe purpureus & Regius color, in igne semper constans & durabilis. (Germ. das Gold-Purpur) quem, in ornando & pingendo auro, aurifabri adhibere solent. Secretum in Gallia jam multis notum. Sed melius succedit hoc, si loco pulveris hujus aurei, crocus solis Cnossellianus pulveri split admisceatur, quod & ipsemet vidi.

Bezoar.



**Bezoarticum minerale per detonationem.**

*Rx.* butyri  $\delta ii$  rec. q. v. affunde guttatim  $\nabla$  font simplicis & pure q. l. infusum præcipitabitur in pulverem album, mercurium vitæ dictum, qui studio exsiccandus est.

*Jam Rx.*  $\mathcal{O}$ i alb. & pur. q. v. ex. gr. partes iv. Cui & in  $\dagger$ lo, super  $\Delta$ em liquato, sæpius & reiteratis vicibus injiciatur  $\mathcal{O}ii$  albi, vitæ dicti & superius reservati p. j.

Fluant simul per horæ quadrantis spatium, vel diutius. Messam refrigeratam, ex crucibulo separatam, & prius pulverisatam, aquâ simplici affusâ, repetitis vicibus ablue, & ab omni nitrosâ salsedine edulcora, pulvis tandem bezoarticus albus & lactescens, in filtro papyraceo relictus, bene exsiccet, & in vitro bene clauso, studiose asservetur, qui nihil aliud est, quam mercurius vitæ correctus, & longe differt à bezoartico minerali, consueto modo parato.

VIRES conveniunt cum cerussa antimoniali, ex Cronolô paratâ.

DOSIS est à  $\mathring{g}$ . v. ad  $\mathcal{E}$ ss. &  $\mathring{g}$ . xv. in bolo parato ex conserva aliqua, vel cum aliis pulveribus, superbibendo, vinum, jusculum, vel aliquid aliud conveniens.

**Pulvis diaphoreticus diurnus.**

*Rx.* flor.  $\mathcal{A}$ ris,  $\mathcal{O}ii$  fix. diaphoret.  $\mathring{a}$ .  $3xij$ .  
baccar. lauri pulveris.  $3vj$ . M. F. pulvis, signetur ut supra.

**Pulvis diaphoreticus nocturnus.**

*Rx.* pulv. diaphoret. diurn.  $\mathcal{E}$ ss. extract. nostr. sedativi  $\mathring{g}$ . ij.  
M. F. pulvis, dividatur in ij. part. æquales ad ij. chartas.  
Signetur ut supra.

Diaphoreticum hoc in forma pulveris magnarum est virium, sanguinem enim mundificat, luem veneream & scabiem curat, & in febribus malignis & morbis contagiosis est medicina ad expellendum intro hospitantem hostem per sudores mirificè adjuvans.

**TITULUS V.****BEZOARDICA**

ET

**ALEXIPHARMACA.**

Bezo-



## Viperarum confectio Dn. D. Cn.

*Rx. viperarum, vel serpent. nostrorum in locis montanis captorum q. v.*  
Abscissis capite & caudâ, detractisque exuviis & interaneis exemptis,  
reliqua cum vino albo myrrhisato, à cruore optimè abluuntur, pin-  
guedo seorsim in vitro asservatur, corda, hepata & lingua etiam seor-  
sim, reliqua, prius sale absinthii, rutæ (& ammoniaco purgato,) adpersa  
ad solem, vel in alium locum calidum ad arescendum suspenduntur.

Hoc peracto serpentum seu viperarum truncos scinde in minuta  
frustula, & ad perfumandum super cribrum ponito, suffimento subtus  
ita excitato:

*Rx. baccarum juniperi lbij. succini vulgar. ℥ij.*  
Perfumata & benè prius exsiccata, simul cum spina dorsi redigantur in  
pulverem subtilissimum, qui pulvis, in vitro puro inclusus, in loco sicco  
postea asservandus est. Signetur *pulvis viperarum simplex.*

Corda, hepata ac lingua simili modo in alcool redacta, vel in  
spir. vin. juniperinum imposita asserventur in futurum usum, pro theria-  
ca nostra Regia.

*Vires hujus pulveris.* Contra omnia venena, in primis sui gene-  
ris. Sunt & qui affirmant, semel sumptum aliquot annos alexiterii  
officium præstare, fides sit penes authorem. Communiter in pleuri-  
tide maligna, tabe, hydrope, psora, scabie & lue venerea commenda-  
tur. Maritale officium & in seniculis promovet.

*Dosis* à ℥ss. ad ℥j. & ℥j. per se vel cum aliis medicamentis  
adoneis.

## Magisterium viperarum.

*Rx. viperarum seu serpent. nostr. & in locis sanis montosis & non  
putridis degentium q. v.*  
Eosque capitibus & caudis detruncatis, exemptisque interaneis, cum  
cordibus, hepatibus, ac ipsa spina, (cultro prius contracta,) in ☉  
f. q. immerge. Stent ita per tres dies, postea ad perfumandum & ex-  
siccandum, cribro puro imposito, subtus suffimento, in hunc finem  
excitato, ex

*bacc. juniperi p. iij. laurip. j.*  
ubi & circa finem adjicitur  
*succini ℥j. ass. dulcis ℥ss. storacis ℥ij.*

\* E

Serpentes



Serpentes ita perfumatos, in ollâ novâ vitreatâ, adhuc super fornacem, vel & in sole exsiccantur, ut in pulverem redigi possint. Jam

℞. *hujus pulveris* q. v. ~ *Θis ammoniaci* s. q. ad supereminentiam scil. ij. vel iij. digitorum;

In solutum, decantatum, & prius filtratum, seu colatum, infunditur  
olei ♀i ex Θe fact. q. s.  
præcipitatione peracta, ablutio & edulcoratio cum aqua simplici, seu scorzonera instituitur. Pulvis tandem in chartâ emporeticâ relictus exsiccatur & ad usum reservatur.

VIRES & DOSIS conveniunt, cum viperarum pulvere, superius simplici modo parato.

### Pulvis viperinus compositus.

℞. *oss. viperarum in subuliss. pulv. redact.* 3vj. ʒj. ḡ. viij.  
*pulv. viperini simplicis, oculorum* ℥ cum decocto seu  
*essentia viperarum imbutorum* ā. 3v. ʒj.

*essent. n. citri* 3j. ḡ. viij. *ambra moschat.* 3ss. ḡ. iv. F. pulvis.

Cujus DOSIS ā ʒj. ad 3ss. & urgenti necessitate ad 3j. in aqua aliqua alexipharmaca.

Ex pulvere viperino præscripto, beneficio *essent. viperinae & tragacanthæ albae* q. s. fiunt globuli in forma terræ sigillatæ Turcicæ, qui figura serpentis vel proprio suo titulo assignandi sunt.

### Bezoarticum viperinum.

℞. *pulv. viperin. ex sola spina seu ossibus nostro more per se*  
*absque* Δ *prap. unicornu mineralis,*  
*terræ sigillatæ Melitensis, oculorum* ℥ ā. partes æqu.

Misce F. pulvis, qui cum essentia viperina seu solo decocto viperarum s. q. sæpius inebriandus, & iterum per se exsiccandus est. Jam

℞. *pulv. hujus viperini compositi.* ʒiij. ʒii *diaphoretici fixi* ʒij.  
*essent. mosch. ambarisat.* ʒss.

Et cum *mucilagine tragac.* (per decoct. viperarum fact.) s. q. fiat massa, ex qua postea formentur globuli in forma terræ sigillatæ, vel pro libitu.

### Pulvis viperinus alexipharmacus

ex folis cordibus & hepatibus.

℞. *pulv. viperini nost. ex cord. & hepatibus solis parat.* ʒij.

*sacchari*



*sacchari albissimi pulver. ℥viij. essent. moschi ambarisat. ℥j. ḡ. iv.*

Fiat omnium pulvis in vitro custodiendus. Qui cum decocto viperino, seu ejus essentia s. q. in massam cogatur tenacem, ex qua postea formentur trochisci delicatissimi.

*Not.* Inter formandum inungantur digiti cum *ol. citri & angelica.*

## Diaphoreticum compositum Dn. D. Cn.

Rec. *℥ii fixi diaphoretici ℥ij. bezoart. mineralis ℥iv.*  
*corall. rubr. preparator. ℥j. pulv. viperin. ex cord. & hepate*  
*croci nostri solaris ā. ℥j.*

Misceantur, fiatque ex his omnibus, in mortario vitreo pulvis subtilissimus, cui adhuc admisceatur

*essent. citri ex cort. exter. rec. extr. ḡ. xv.*

servetur pro usu in vitro benè clauso.

## De alexipharmacis secretioribus Dn. D. Cn.

### Pulvis alexiterius.

Rx. *bezoart. mineral. pulv. viperini nost. fl. Aris ā. ℥j.*

Misceantur probè in mortario vitreo & F. pulvis subtilissimus.

Vel Rx. *℥ii diaphoretici fixi, pulv. viperini nostræ præp.*  
*rad. contrayervæ ā. p. æquales.*

Misceantur probè & F. pulv. subtilissimus. Signetur pulvis alexiterius de tribus, ex minerali, animali & vegetabili scil. compositus.

Pulveres hi duo sunt præstantissima remedia, adversus omne venenum, cujuscunque sit generis, etiam ab animalibus immissum.

DOSIS ā ḡ. xv. ad ℥j. & ℥iss. in aq. bezoartica nostra.

### Pulvis bezoarticus.

Rx. *℥ii diaphoretici fixi ℥ss. bezoartici mineralis*  
*flor. Aris ā. ℥ij. M. F. pulvis.*

Est bezoarticum præstantissimum, & in morbis catarrhosis & pectoris atque in ipsa phthisi, remedium exoptatum, dos. ℥j.

## In pleuritide pro Illust. Dn. Dœnhoff.

Rx. *fl. Aris, ℥ii diaphoret. fixi ā. ḡ. x.*  
*bezoart. mineral. ḡ. v. M. F. pulvis.*



## Cyperus bezoarticus.

℞. rad. contrayeru. pulv. corall. rubr. prep. ā. ʒʒ.  
M. F. pulvis subtilis.

## Lapis bezoar factitiū.

℞. terra sigillat. bezoart. (nostr. preparat.) ʒi. ʒviij.  
unicornu fossil. C. C. bezoart. s. bezaare. cervini ā. ʒʒ. ʒiv.  
ʒii diaphoretici fixi, rad. contrayeru subtil. pulv. ā. ʒviij.

M. F. pulvis subtilissimus & cum magisterio fol. rutæ rec. parat. q. s. pro tingenda massa & mucilagine tragacanthæ albæ in aq. bezoart. sol. F. massa, ex qua postea formentur lapides ovalis figuræ, qui, ubi bene exsiccati fuerint causa curiositatis, in tornatili rotâ poliri possunt. Negotium si recte instituitur, hic lapis arte conflatus, adeo similis erit illi orientali in superficie externa (nempe colore & splendore) ut vix unus ab altero dignosci possit.

VIRTUTES hujus lapidis cum lapidibus bezoar. anim. or. & occ. conveniunt, & vicem illorum præstat.

DOSIS ā ʒʒ. ad ʒ. xv. & ʒj. Confer & hic anim. appendicis Cl. Dr. D. Zwelf. ad dispensat. Aug. p. 65.

## Lapis serpentinus, sive Magnes venenorum.

**H**ic occasio se offert, aliquid insinuandi de magnete venenorum, & lapide quodam, quem Lusitani *Piedra della Cobra* vocant, cujus & meminit adm. R. Pat. *Athanasius Kircherus*, S. J. in libello suo de triplici in natura rerum magnete, sect. II. c. V. in *China sua illustrata* pag. 83. Item R. P. *Michael Boymus* in sua *Flora Sinenſi*; & adhuc alii. Qui lapis à natura sibi insitum magnetismum habet, ut à venenoso animali prius inflictio vulnere appositus, protinus tenacissime sanguisuga ad instar adhæreat, hæreatque tam diu donec omni veneno, quod serpens, aut quodvis venenosum animal diffuderat, exucto, ac jam veluti satur suapte sponte decidat, saturæ hircinis instar. Experimentum hujus sumpsit & dictus R. Pat. *Kircherus* in vulnere à viperâ venenosa canis inflictio, ubi hic lapis vulnere adeo tenaciter adhæsit, ut vix amplius distrahi potuerit, manebatque tam diu affixus vulnere, donec exucto omni veneno sponte sua decideret, quo peracto canis brevi post pristina sanitati restitutus est.

Quo-



Quomodo verò similis lapis, è colubris nostris, (qui vicem præstet alterius, quo nos caremus,) imitandus sit? nobis hic docendum relinquitur. Ideò

Rx. pulv. viper. simpl. (more nostro, & De existente in De parat.) ℥ij.  
 bufonum, (eodem tempore parat.)  
 cancrorum (simili modo De exist. in De par.) ā. ℥℞.  
 terra Lemnie cum decoct. rad. scorzon. &  
 contrayerv. insuccat. unicornu fossil. ā. ℥j.

Omnibus diligenter mixtis, (in mortario vitreo seu lapideo, adde mucilaginis seu gelatinæ viperarum ex earum spoliis per decoct. ligni colubrini & rad. contrayervæ extractæ, tantum quantum pro incorporatione massæ sufficit. Ex qua postea lapides seu trochisci lenticularis figuræ seu formæ, crassitie pennæ anserinæ effingito, magnitudo illorum talis esse potest:



Talis fuit ille lapis serpentinus, ex China à Patribus Soc. J. allatus, quem ad S. Reg. Majest. per me olim dono misit Rev. Pat. Athanasius Kircherus, Soc. Jesu, amicus & patronus meus singularis, vir aliàs toti orbī notus.

Not. Pulvis bufonum fit, ex animalibus integris, sine transfixione in libero aëre, & ardore solis prius quam citissimè exsiccatus, aliàs enim foetent & difficulter teruntur.

Modus pulverisandi cancos, fit ex hoc eodem processu, quem Clar. Zwelferus, in præparatione pulveris viperini simplicis docet. Vid. Aniamdu. in Pharm. Aug. p. 213.

#### Electuarium de ovo Cnöffelianum.

Rx. croci or. sive Ungar. opt. pulv. ℥ij.  
 rad. dictamni alb. tormentille ā. ℥j.  
 contrayervæ, angelicæ, pimpinelle, zedoariæ, gran. juniperi,  
 flor. Aris, ℥ii diaphoret. fixi ā. ℥j.  
 coralliorum prep. myrrh. el. ā. ℥℞.

Omnia



Omnia prius in pulverem subtilissimum redacta, misce in mortario lapideo, bene subigendo, & cum *rob baccar. sambuci* inspissati & rec. facti s. q. Fiat massa, consistentiæ solidæ & crassæ, ex qua tandem efformantur magdaleones, formæ & magnitudinis ovi anserini, quæ & aurifoliis tandem obduci & ornari possunt.

Ejus vires conveniunt cum elect. de ovo Maximiliani Imperatoris, sed longè efficaciores sunt.

usus ejus ordinarius est, ad præcautionem & curationem pestis, morborumque pestilentium.

Dosis præservando est ʒß. pro curando à ʒß. ad ʒij. in adultioribus maximè. utendi modus per se in forma pil. sive dissolut. in aq. cardui benedict. scordii, aceto bezoartico, vino, vel alio liquore idoneo.

### Electuarium præservativum & curativum.

Pro S. Reg. Maj. in castris sub Sborovvia ordinatum,  
& compositum à Dn. D. Gnöffelio.

Rec. flor.  $\Delta$ ris, corall. rub. præp.  
ʒii fixi diaphoret. bezoart. mineral. ā. ʒß.  
rad. scorzonera, contrayerva, torment. (opt. prius pulv.) ā. ʒij.  
bals.  $\Delta$ ris nostr. descr. ʒiß.

M. F. cum melle virgineo & rob baccarum sambuci s. q. &  $\sim$  Oli ʒij.

Electuarium molle, ad fictile capax [propter fermentationem.]

Adversus venena & morbos contagiosos, est hoc electuar. tutissimum præsidium.

Dos. pro præservando, magnitudine fabæ minoris, pro curando ʒß. in aceto bezoartico, & quidem tempore curationis, ter in die, cum expectato sudore.

### Acetum bezoarticum ad præscriptum electuarium.

Rec. aceti bezoartici ord. (ex angel. scil. parat.) ʒiij.  
aceti rutacei, rubi idæi, rosar. ā. ʒij.  
bals.  $\Delta$ ris nostræ descript. ʒij. M. dentur ad vitrum.

NB. Spongiolæ particula huic aceto immersa, illigata strophio-  
lo, aliquoties in die pro olfaciando.



# Theriaca Magni Ducis Hetruriæ communicata quondam Serenissimo Regi CASIMIRO, & in castris

Glinianensibus à sua Majestate anno 1649.

mensè Julio nobis commendata.

Rec. *theriaca Andromachi, mithridat. Damoc. ā ʒij.*

*rad. anthora pulv. ʒss. lapis bezoar animal. or. ʒss.*

*conf. alkerm. ʒiv. conserv. flor. ros. cichor. borrag. ā ʒss.*

Misceantur in mortario lapideo, & cum *sir. compos. è toto citri q. s.*

F. electuarium.

Contra morbos castrenses & epidemios & in ipsa peste est medicamentum efficax. Quicumque enim in peste in accessu nempe morbi hanc medicinam usurpaverit eamque retinuerit & sudaverit, evadet, quod ipsemet Anno 1653. tempore pestis in multis observavi.

## Theriaca de tribus Cnoëffeliana.

(scil. è triplici regno, animali, minerali & vegetabili,)

*Contra morbum epidemicum anno 1649. Warsavia grassantem, cujus curatio indicabat alexipharmaca, sedativa & digestiva.*

Rx. *bezoartici nostri animalis ʒij.*

*sulphuris essentificati ex immaturo minerali alcahest ʒss.*

*sedativ. digestivi nostr. vegetab. ʒij. ʒj.*

Excipiantur melle virgineo in solidam theriacæ substantiam, tot ingredientia aromatum & exoticorum planè repudiantem. Hæc theriaca de tribus, tribus dosibus per 24. horas in quintum diem usque exhibeatur.

Primo mane hora septima (superbibito aceto bezoart. vel vino) exhibita, post octavam auditam, vel paulo serius, stragulis benè coopertus & calefacto hypocausto æger effusissimè sudet, usque ad horam nonam, optimè detergitur, mutatis indusiis. Hora audita sequente decima, reficitur. Audita prandii undecima hora, cibum æger capit. Hora quarta pomeridiana alteram dosin assumit æger, & iterum sudat. Et sic tertiam dosin inter decimam & undecimam noctis. *Plura vide in exerc. suis exercitatione quinta.*

The-



## Theriaca Regia D. D. A. Cnöff.

Ser. JOHANNI CASIMIRO Pol. & Svec. Regi  
ab Authore dicata.

Rx. pulv. viperarum (ex solis cordibus & hepatibus linguisque  
viperarum collect.)

bezoartici Olaris, martialis ā ʒiʒ. & ʒj.

sulphuris educti per sublimat.

ex immaturo minerali alcahest ʒiij. ʒij.

Hæc quidem quatuor in numero, tria verò ingredientia à natura  
& proprietate pro basi hujus theriacæ, excipe in consistentiam solidam  
cum elect. de ovo (meæ compositionis)

rob. baccarum sambuc. juniper. mellis alb. virgin. ā. ʒiv.

Omnia benè (absque fixato alcahest) in mortario vitreo seu lapideo  
subigendo, rediguntur in theriacam nigro puniceam, grati saporis.

Cui si placet (1.) præservationis ergò adjiciuntur aliquot guttu-  
læ balsami ʒris nostr. (ex oleo papaveris parat.) sub lingua tenendæ.

(2.) Curationis ergò aliquot grana ad saporem gratum fixati alcahest.

(3.) vel nocturnæ dosi, sedativum nostrum commune & cum succo  
citri correctum & extractum, vel generale meum sedativum pro rei  
exigentia & ægri complacentia & tolerantia, toties quoties hac varia-  
tione opus esse videbitur, addi & subigendo bene pro singulâ dosi com-  
misceri poterunt.

## Theriaca theriacarum Cnœffeliana.

Rx. diakibur. nost. ʒj. (i. e. flor. ʒris,)

pulv. fix. e ʒrio, ʒii fixi, bezoart. animal. (sc. pulv. viper. simp.) ā ʒʒ  
mellis virginei ʒj. ʒij. ʒij. rob. sambuci ʒʒ. ʒij. g. viij.

Fiat omnibus sic exacte mixtis theriaca nondum completa.

Huic mixturæ D. D. C. aliquando admiscere solebat

ʒri Olati crystall. & prius in subtil. pulv. redacti ʒiij.

sedativi sui correcti ʒj. ʒij.

Misceantur exacte fiatque electuarium mediæ consistentiæ. Signetur

THERIACA THERIACARUM COMPLETA.

Datur in omnibus affectibus, in quibus malignitas dominatur, maxi-  
mè contagiosis & pestilentibus; utiliter præbetur in febrium intermit-  
tentium rigoribus, ante accessum.



## Tinctura bezoartica.

In officina Regia olim à D. Doct. Matth. Littavv. introducta.

Rx. *mixture simplicis* ℥viiij. *Spirit. terra sigill.* ℥j.  
*rad. contrayervæ,* *anthora* ā. ℥iiij. ℥ij.  
*scorzonera* ℥℞. ℥j. ℥j. *angelica Turcic.* ℥vj.

Mixta stent in loco calido, vitro bene obturato, per octiduum, adde  
*essent. citri* & *cort. exter. rec. extr.* ℥ij.  
*extr. croci.* ℥ij. *conf. alkeræ.* ℥ix.

Et post repetitam digestionem, per horas aliquot tinctura bezoartica,  
 absque ulteriore abstractione per chartam emporeticam filtretur & in  
 vitro optimè clauso servetur usui.

VIREs. Febribus malignis, pestiferis & contagiosis potenter resi-  
 stit, earumque insultus reprimat, & à centro ad circumferentiam exter-  
 nam expellit. Dosis est ā ℥j. ad ℥j. in liquoribus aliis bezoarticis,  
 alexipharmacis & sudoriferis, pro sudore eliciendo. Inde & Cl.  
 D. D. Cnöffelius in febribus epidemicis malignis, sequens adhibuit  
 expulsivum, & semper cum exoptato successu:

Rx. *aq scorzonera, fumaria* ā ℥℞. *sir. ex toto citro* ℥j,  
*tinct. bezoartic.* ℥ij. *pulv. pannonic. rub.* ℥j.  
*conf. hyacinthi* ℥℞. M. F. potio sudorifera.

## Emplastrum magneticum D. D. C.

Rx. *Succini optimè pulverisati* ℥℞.  
*busonis siccati & in alcool pulverisati* ℥j.

Misce & incucurbitam vitream missis tantum spiritus vini affunde, ut  
 supernatet, ad transversum digitum, in balneo leni calore sensim sub-  
 duc hunc spiritum vini, usque ad consistentiam magmatis, ter affuso  
 semper novo. Cujus quantitas præsens commiscetur & optimè  
 subigitur cum emplastro de meliloto, in consistentiam emplastri bene  
 solidi.

Hoc pari modo, prout *meum Tractivum* in singulo emunctorio  
 sine mora applicatum erit præcipuum, in anginis illis spuris, circum-  
 circa collum gestatum, prout & è malignitate tumentibus tonsillis &  
 aliis ex ea emergentibus suspectæ motæ signaculis: ita meum empla-  
 strum magneticum hoc habet peculiare, si, quod frequentissime è  
 ferociënte sanguinis ebullitione fit, nares hæmorrhagiam pluant im-



medicabilem, sub illius lateris, cujus narium foramen sanguine stillat, alâ gestetur: vel sub utraque, si utrumque cruentetur, mirabili & sensibili tractu, hunc fluxum subito cohibet.

## TITULUS VI. ANODYNA

### ET MITIGATIVA.

#### Extractum sedativum ordinarium citratum

Dn. D. A. Cn.

*Rx.* opii Thebaici, in frustula concisi & in patella ferrea, per lenissimam exhalationem prius correcti ℥ij.

succi citri acidi ℥xxiv. cinamom. pulv. caryophyll. pulv. ā. ℥℞.

Stent per mensem in leni digestionem, peracta illa, extractio per linteum exprimatur, & ad mellaginis consistentiam lenta evaporatione redigatur. Sign. ut supra. *Inde fit sequens*

#### Extractum sedativum pro viris.

*Rx.* extract. sedativi ordinarii, (precedentis) ℥j. 3ij.

magisterii butyracei corallor. per arum ā. ḡ. xv.

croci or. subtil. pulv. 3ij. ambra 3ij. moschi ḡ. v.

ol. caryophyllorum vel anthes

cinamomi ā. ḡ. v. Misceantur invicem.

Massula servetur in vitro bene clauso. Sign. ut supra.

#### Pro mulieribus.

*Rx.* extract. nost. ord. citrati 3j. 3ij. croci pulv. 3ij.

magist. corallorum butyracei 3℞. castorei opt. pulver. 3j.

olei succini 3℞. Misceantur opt. Sign. extr. sedativum pro mulieribus.

*Not.* Placuit Cl. Dn. D. Cnæffelio aliquando & laudanum illud liquidum Helmontianum, quod pro menstruo (loco succi citri) recipit succum cydoniorum, in fermentationem, per flores cerevisiæ promotum. Beneficio istius menstrui ex opio & croco, extrahitur tinctura, saturè atrox rubescens, quæ colata & cum oleo, seu essent. citri, aromatisata,



tisata, in MB. ad medietatem abstrahitur, residuum usui asservatur, pro laudano opiato liquido, in affectibus hysteris arcanum certum.

Dosis à gutt. iij. ad v. vij. & plures.

Sunt, qui in conciliando laudano Helmontiano liquido pro menstruo sibi eligunt Kam  $\Theta$ is  $\Phi$ ri. Pro correctione adjiciunt & crocum, castoreum, caryophyllos, cinamomum, lign. aloes, spec. diambræ cum moscho & similia plura adhuc.

### Extractum granorum quietis officinæ Regiæ.

Rx. extract. opii Thebaici, nost. m. p.  $\mathfrak{z}$ ij.

hyoscyami, simili modo per succum citri debito tempore parati, croci or.  $\bar{a}$ .  $\mathfrak{z}$ j. M. diligenter & serva in vasculo puro & vitreo.

Dolores omnes lenit atque tollit, somnum inducit, fluxiones omnes sanguinis sistit, vomitus compescit, febrium paroxysmis frenum injicit, & in delirio, phrenitide, epilepsia, suffocatione uteri, & doloribus arthriticis, remedium est extremum.

### Sedativum magnum Archei.

Rx.  $\Phi$ is  $\Theta$ li philos. edulcorati  $\mathfrak{z}$ ss.

extract. croci  $\mathfrak{z}$ ss. angelicæ  $\mathfrak{z}$ j. rad. contrayervæ

$\Phi$ is nostri  $\Theta$ ris  $\bar{a}$ .  $\mathfrak{z}$ ss. essent. ambre (pro fœm. extr. castorei)

magist. perlarum butyr. ceruss.  $\mathfrak{z}$ ialis fix. per detonat. ex cronolo fact.

vel loco hujus  $\mathfrak{z}$ ii fixi diaphor.  $\bar{a}$ .  $\mathfrak{z}$ ss. conf. alkermes  $\mathfrak{z}$ ss.

oleum cinam. coriandri  $\bar{a}$ . gtt. ij. caryophyl. gtt. j.

nuc. mosch. express.  $\mathfrak{z}$ ss.  $\bar{g}$ . ij.

Misceantur exactè in patella argentea seu porcellanea aut vitreo vase, fiatque mixtura nobilissima.

Confortat, & ab omni veneno assumpto & ab ipsa peste defendit, si statim sumitur, desuperque sudores proliciuntur. Curat & affectiones capitis, febres ardentes, dysenteriam, diarrhœam & omnes fluxus ventris; vomitum compescit, dolores colicos & quoscunque corporis mitigat & lenit. Insuper sudores movet, & somnum inducit.

Dosis est à  $\bar{g}$ . j. ad iij. vel v. per se in forma pilularum, vel dissolvitur in vino vel aqua aliqua appropriata, aut in sirupo aliquo seu jusculo. Duabus vel tribus horis post cœnam, ubi etiam casus & occasio vel dolor urget, omni tempore dari potest, dummodo patiens desuper se in lecto ad somnum vel sudorem componat.



## Sulphur vitrioli philosophicum Dn. D. Cn.

Rx. Oli Hung. phil. ut scis calcinati lbij. ☉ \*ci lbj.

Trita ac simul bene subacta, immittantur in aludelem & supposito alembico cæco, & juncturis bene lutatis vulgari chemicorum more, in arena instituatur sublimatio. : Quod elevatum erit, tritum prius, remiscetur capiti mortuo, & iterum sublimentur, qui labor & ter vel quater repetendus. Flores tandem ab omni acrimonia, cum aquâ purâ edulcorentur. Jam floribus trina sublimatione ita paratis, & in vitrea concha lento calore prius exsiccatis affundatur s/ q. f. & cum eo extrahatur. Ea quoties, & quamdiu licebit, extractiones omnes commisceantur, & spirit. vin. per destillationem iterum separetur, ☿ tandem Oli philosophicum, in fundo vasis relictum, asservetur pro sedativo. Archet & corculo nostro benedicto suo loco descripto.

## Spiritus sedativus simplex.

Rx. fl. lilior. convallium rec. decerptor. q. f.

spir. vin. opt. cum fl. lilior. convall. St. phlegmatis Oli ā. 3xl.

Factâ digestionem horis 24. destillentur per XX cum ex cineribus, quod primò exit, seorsim excipiat. Aquæ egressæ & spirituosæ adde iterum

phlegmatis. Oli tantumdem, & flor. recent. lil. convallium q. f.

prægressa digestionem & macerationem per dies tres, denuo per XX cum vitreum, igne. : æ destillentur, labor hic & tertia & quarta vice semper cum æquali parte phlegmat. Oli & flor. lilior. convall. q. f. instituatur.

Quæ sic unita, aqua spirituosæ, in vitro arcè clauso asservetur.

VIREs anti-epilepticæ sunt; efficaciter & servit melancholicis, hysteriis & utero præfocatis; externè & in podagra, chiragra, & simili articulo dolore, summa cum utilitate adhibetur, insuper & virtutes ejus anodynæ sunt, & in omnibus vigiliis diuturnis ac quibuscunque doloribus usus ejus esse potest. Dosis a cochl. semis ad cochl. unum, per se, vel quod melius, in grato aliquo vehiculo.

## Spiritus sedativus compositus.

Rec. Nûs sedativi præcedentis simplicis lbij. visci querc. 3ss.

rad. peon. (certo tempore coll.) 3j. sem. peon. cort. mandrag. ā. 3iij.

Mixta destillentur per Nam vitream ex. : : Signetur ut supra.

Medicamentum est cephalicum in genere, antapoplecticum & epilepticum in specie. Dos. a 3j. ad 3ij. & iij.

Ex.



*Ex lib. manuscripto laborum chemicorum Dn. D. Cn.  
in peculiari scheda.*

### Essentia seu tinctura granorum quietis ordinaria,

olim. in officinam Regiam à D. D. C. introducta.

Rec. extr. ordin. granorum quietis ḡ. xxiv.

nostr. sedativi simpl. ʒvj. conf. alkermes ʒiij.

Digerantur in vitro bene clauso lenissimo calore, per octiduum, essentia per chartam filtratā, adde

rosar. ʒvj. olei coriandri veri odor. gtt. iv. rosar. stil. ver. gtt. vj.

essent. mosch. ambrat. ʒj. & post reiteratam digestionem, essentia usui servetur. Dosis à ʒj. ad ʒij. in vehiculo grato & conveniente. Vicem præstat laudani opiat.

### Pomum somniferum pro S. reg. Maj.

Rec. opii Theb. resinae ladani, styracis calamit. ā. ʒiij.

ligni aloes pulv. rad. ireos pulv. ā. ʒß. ʒij.

nuc. mosch. croci ā. ʒj. Misceantur exactè, in fine adde

moschi or. ʒß. ambræ ʒj. oleum rosar. stil. ver. gtt. vj.

Fiant s. a. duo poma, quæ manibus teneantur & trahantur, ex una in aliam, donec incallescant, & eorum halitus ad nares perveniat, possunt & ipsis naribus ad odorandum admoveeri.

### Spongia somnifera.

Rec. opii in spir. sedativo solut. ʒij. essent. nycist.

succ. datur. nostr. rec. express. & absque igne clarif. ā. ʒij.

croci ʒiß. olei rosar. ver. stil. in s. q. spir. vin. ʒsati dissol. gtt. vj.

F. Mixtura. Cum hac mixtura postea irrorentur, & imbuantur spongiolæ cynosbati & denuò totaliter exsiccentur, qui labor bis vel ter repetendus. Spongiæ ita paratæ, postea in scatula aliqua pura usui reponantur. Cum ea uti volueris, immergatur vel solum irroretur prius spongia cum aq. rosarum & naribus admoveatur.

Spongiola cynosbati est ille fungulus villosus, & muscidus ex flavo rubescens, qui rosis sylvestribus adnascitur. Germ. Schlaffapffel.

Not. Simili processu & spongiolæ cynosbati insuccari & denuò exsiccare possunt, cum spermate ranarum (mense Martio rec. coll.) in quo tamen prius aliquid ex Oleo & alumine sit dissolutum. In hæmorrhagia ex quacunque parte corporis, subito sanguinem sistunt.



# TITULUS VII. C E P H A L I C A.

## CAPUT I.

### APOPLECTICA.

Pulvis apoplecticus Regius,  
aliàs

Cephalicum Dn. D. Podchocinski.

Rx. *magisterii antepileptici M. Prævotii,*  
*rad. pæoniæ pulver. corall. rub. preparator. ā. ʒij.*  
*magist. succini, bezoardici lunaris, cinnab. ā. ʒij.*  
*ol. in destill. aq. apoplectica collecti gt. vj. sacchari ad p. 0.*

M. in mortario vitreo, adde pro conciliandâ gratiâ  
*fo. auri, argenti ā. n. iv.*

Pulvis commixtus reservetur usui, sign. ut supra.

VIREs attribuuntur cephalicæ & analepticæ insignes, inde & in omnibus morbis capitis, dos ejus est è ʒj. ad ʒij. in aqu. cephalica apoplectica, seu flor. lavendulæ.

### ( Magisterium antepilepticum Clariss.

Prævotii tali modo componitur.

Rx. *rasura eboris, cornu cervi, ungula alcis,*  
*cran. humani non sepulti, sed suspensi ā q. v.*

Injiciantur cucurbitæ, superaffundatur, pro imbuendo solum, spir. nitri q. s. stent per dies tres, postea adde † q. s. pro dissolutione & denuò digestio instituatur, per dies 14. & ultra, solutionem tandem, prius filtratam, vel colatam, præcipita cum spiritu Oli, (melius cum solutione salis, per liquor. tilia & salem appropriatum facta) vel solutiones filtratas ad siccitatem exhalare permittite; Magisterium in fundo relictum ablue & edulcora tam diu, donec ab omni acetositate & acrimonia sit liberum, tandem exsiccetur.

VIREs ex titulo comprehenduntur. Dos. à ʒß. ad iß.)

### Essentia cephalica composita.

Rec. *rad. pæoniæ, certo tempore collect. ʒij.*  
*summitat. beton, melisse, lavendulæ,*  
*basiliconis, ruta, origani ā. m. j.*



*confect. anacard. theriaca Androm. ā. ℥j.*

*visci quercini, ligni aloës ā. ℥℞.*

Pulverisata & grosso modo incisa, cum reliquis opt. commixta, infundantur cum

*spir. vin. juniperini ℔℥. sambucini ℔℥.*

Et in vitro benè clauso stent per octiduum in digestionem colaturæ per chartam emporeticam institutæ, adde

*spir. Oli roridi compositi, seu spir. sedativi simplicis ℔℥.*

*rasura cranii humani, magist. cornu alcis n. m. preparat. ā, ℥i.*

*ess. nuc. mosch. ℥℥. coriandri ℥ij. citri ℥ij.*

Mixta digerantur denuò in vitro circulatorio, hermeticè clauso, per duos vel tres menses; circulatione peracta, illud quod subtile est, à crasso sedimento per inclinationem separetur, & essentia cephalica ita simpliciter & absque destillatione parata, adservetur ad usum necessarium.

VIREs, cephalicum, epilepticum & apoplecticum medicamentum est insigne. Dos. à cochl. j. ad cochl. ij.

### Aq. magnanimitatis, in Officina Regia.

℞. *formicarum, acidum redolentium, in olla terrea, melle intus inuncta, captarum. M. vj.*

*spir. vini anthosati ℔iv. lil. convul. simpl. ℔j.*

Mixta, vase prius benè perlutato, stent per dies octo in acervo magno formicarum, postea destillantur p. MB. Hoc facto

℞. *spiritus hujus destillati & a phlegmate separati ℔iij.*

*confect. anacardin. ℔℥. specier. cephalic. ℥iij.*

Et post peractam & reiteratam digestionem 7. dierum denuò destillantur in MB. prius leni igne, in fine verò fortiori. Aqua spirituosissima abstracta, adhuc aromatizetur.

*ol. cinamomi, coriandri ā. gt. xv. & essent. ambra q. v. M.*

Cerebrum & omnes ejus functiones mirè corroborat, & ab aliis morbis frigidis capitis præservat, insuper in venerem armat, & articulis ex paralysi debilitatis subvenit. Dos. cochl. j. ad ij. Inde paratur &

### Arcanum cephalicum.

℞. *spir. formicarum compos. seu aq. magnanimit. præced. ℥iij.*

*flor. & bacc sambuci ā. ℥℥. Oli antepileptici compositi ℥j.*

*conf.*



*conf. anacardin. alhermes ā. ʒj.*

*spec. diambra, diamoschi dulcis ā. ʒ. xxv.*

Digerantur in phiola, hermetice sigillata, per 14. dies, postea filtrentur per chartam, & asserventur in vitro bene clauso: sign. ut supra.

In affectibus capitis excellens est remedium, inde datur cum summo commodo in apoplexia, epilepsia, paralyti, lethargo, item in syncope & palpitatione cordis. Dos. cochl. ʒ. ad cochl. j.

### Mistura cephalica Dn. D. Cnoëff.

*Rx. spir. ʒri sassafra, & prius supra rectificati ʒiij.  
sedativi simpl. ʒj. formicarum sive aqu. magnanimitatis ʒij.  
elixir. proprietat. purg. liquid. n. d. ad pl.  
sir. antepileptici nostri ʒj.*

Mista digerantur adhuc per ♂ & ♀ post serventur ad usum.

**VIREs.** Medetur apoplexiæ & aliis capitis affectibus, maxime melancholiæ hypochondriacæ. Ejus effectum & in delirio & mania vidi cum stupore.

**DOSIS** ā ʒʒ. ad gt. xv. & ʒj. jejuno stomacho & tribus horis ante cibum cum aq. lil. convall. pæoniæ, vino, vel alio vehiculo idoneo: datur & in ipso paroxysmo & reiteratis vicibus, præmissis tamen universalibus & practantium regulis & methodo observatis.

### Tinctura cephalica ambrata.

*Rx. specierum diambra ʒʒ. ligni aloes subtil. raspat.  
granor. carpobalsami ā. ʒij. ambra ʒj. mosch. ʒʒ.  
sacch. canar. ʒj. elixir. Matthioli, aq. carfunculi ā. ʒij.  
spir. ardent. rosar. aq. spir. cinamomi comp. ā. ʒj.*

Bene mista, & in phiola vitrea hermetice inclusa, stent in digestionem, in MB seu vaporoso tam diu, donec omnia bene sint dissoluta & extracta. Post filtrentur, & tinctura ambrata summe odorifera ad usum servetur.

**VIREs.** Cephalicum & cordiale est summum, convenit iis, qui temperamenti sunt frigidioris.

**DOS.** ā gt. iij. ad vij. xv. in vino vel alio vehiculo.

### Species cephalicæ pro suffitu Serenissimæ R. Cæcilie Renatæ &c. p. m.

*Rx. olibani ʒiij. succini albi & citrini ā. ʒj.*

*masti.*



*masficis* ℥ij. *storacis calamita* ʒʒ. *gum. benyoi* ℥ʒ.

*caryophyll.* ℥j. *flor. rosar. rub. lavendulae.* ā. p. j.

Misceantur; Fiatque ex omnibus pulvis grossus, cui adhuc admiscebis  
*iva arthetica* ℥j. Sign. Fluß und Haupt-Nauch/ der Königin Cäcilia.

**Suffitus alius cephalicus S. R. M. VLADISLAI IV<sup>ti</sup>.**

Rx. *ase dulcis seu benzoës* ʒj. *olibani* ʒvj.

*styr. calamita, gum. anime, succini pulv.* ā. ʒij.

*caryophyllorum* ℥ij. *scobis lign. seu rad. juniperi* ʒʒ.

*xyloaloes* ℥ij. *flor. rosar. rub. p.* iij. *lavendulae p.* ij.

Incidentur & contendantur crassiusculè, & fiat in perforata pulvis  
grossus. Sign. Königl. Flußnauch.

**Pulvis sternutatorius cephalicus in officina Regia.**

Rx. *pulv. nicotianæ* ʒviii. *flor. lil. convall.*

*fol. majoranæ* ā. ʒiv. *spec. diambre* ʒj.

*mosch.* ʒʒ. ḡ. iv. *zibeth* ℥ʒ. *ambre* ℥j.

*oleum ligni rhodii, vel rosar. ver. stil.* si habere potes ℥ʒ.

Fiat s. a. pulvis subtilissimus.

**Balsamum apoplecticum Collegii Romani R. P. S. J.**

Hujus descriptionem, simul cum pyxidula, hoc balsamo impleta,  
mihi Romæ, jam in procinctu itineris, ex singulari affectione & gratia,  
offerebat Rev. Pat. *Albanasus Kircherus*. Soc. Jesu, patronus & amicus  
meus singularis, vir aliàs insignis, & ferè toti orbi notus.

Est autem balsami compositio talis:

Rx. *Oleum nuc. mosch express.* ʒj. *balsami Indici veri* ʒʒ.

*ambre grysee* ʒii. *mosch. di Levante* ℥j.

*oleum stil. salvie c. lil. convall. parat. gtt. xxj.* *masficis* gtt. xv.

*caryophyllorum* ḡ. xij. *succini rec. ḡ. vj. cinnamomi* ℥ʒʒ. ḡ. ij.

*gummi tacamahacæ* q. s. M. Fiat balsamus.

Schedulam Italica lingua impressam, in qua virtutes hujus balsami de-  
scribuntur, hic annectere placuit.

C.



R.

\* G

VIRTU,



VIRTU, ET VSO. DEL  
BALSAMO APOPLECTICO

cioè della Goccia.

**Q**uesto balsamo con ragione vien detto della goccia, perche à questo male principal mente è destinato; Essendo che hà un' incredibile facoltà di corroborare il cerebro, di eccitare gli spiriti animali sopiti, e di recreare gli spiriti vitali, è ancora atto à giouare all' altre affectioni della testa; perche libera dal parocissimo quei, che patiscono mal cadudo conferma quei, che patiscano di vertigine, dissipa gl' humori freddi, e consuma tutti i catarri, come anco rimedia a' dolori d' denti; libera dalla sincope, ò suenimento, difende il cuore dall' aere maligno, e pestifero essendo applicato alle narici, o in qual siuoglia modo alle tempie, & alla nuca, & in caso di maggior necessità si potrà vngere con esso il palato. Di più applicato all' ombilico à modo di empastro sottile, gioua alla colica molestissima. Dalle Donne però non si può così opportunamente adoperare per la suauità dell' odore.

## Balsamum apoplecticum Cl. Dn. D. Cn.

Rx. bals. lavenderæ, ruthæ ā. ʒß.  
succini ʒij. apoplectici Crolliz ʒij. ʒij.

M. Fiat balsamum in aurata pyxidula asservandum.

VIRES sunt antiapoplecticæ, & antiepilepticæ, aliisque debilitatibus cerebri convenit; naribus, temporibus, item futuræ coronali inungitur, tam in actu præservationis quam curationis..

## Species pro pileolis S. Reg. Maj. Vladislai IV.

Rx. fol. majoran. rorismarin. meliss. citr. ā. miß.  
flor. rosar. odor. m. iij. lavenderul. arantior. ā. m. j.  
stachad. Ar. nard. celt. ā. p. ij.  
sem. coriandr. nigell. gran. carpobals. ā. ʒij.  
cubebæ. ʒiv. rad. cyper. rot. ʒij.  
cinamom. nuc. moschat. ā. ʒß. caryophyll. ʒij.  
lign. rhod. subtil. rasp. aloes, saffastr. ā. ʒij.  
styrac. calam. ʒiß. gumm. benzoe ʒij. succin. ʒß. ʒij.

Incidentur & contundantur gr. m, circa finem adhuc adjice crassiusculè incisa.



*fl. cyan. paralys. calend. cheiri, balauft. ā. p. j.*  
*mosch. ambr. ā. ʒj.*

M. F. pulvis grossus, odore & colore gratus, & ad roborandum caput & materiam humidam & pituitosam exsiccandam efficacissimus. Pulvis seu species postea includantur serico rubro pro pileolo nocturno. Ex præscriptione Cl. D. D. Krafft, S. R. Maj. Archiatri.

CAPUT II.

ANTI PARALYTICA.

Paralyfis & πόνος.

Rx. *spirit. vin. camphorati ʒiij. formicarum composit. lumbricorum,*  
*aqu. apoplectica ā. ʒij. essent. trium piper. ʒj. ʒij.*  
*fem. cruce ʒss. aluminis plumosi, euphorbii a. ʒj.*

Misceantur in vitro bene clauso, & post peractam sufficientem digesti-  
 onem filtrentur per chartam, quibus adhuc admisceri possunt

*essent. cephal. odorif. ʒss.*

Partes affectæ prius pannis calentibus quotidie fricentur, sed leniter,  
 postea illinantur cum præscripta tincturâ; Usus saltem ab extra est.

Spiritus formicarum officinæ Regiæ.

Rx. *herb. urtica Rom. rec. mj. betonice cum florib. chamædryos ver.*  
*chamæpyt. salvia, rorismarini, majorana a. mss.*  
*flor. lavendule, sambuci, primula veris a. mj.*  
*basil. cum extr. foliolis, stechad. arab. a. p. ij.*  
*rad. rhodiæ rasp. conf. anacard. a. ʒj.*

adde Fri crudi ʒiss. incidantur & infundantur in spir. vin. opt. lb. viij  
 ad x. postea destillantur, in spiritu elicto & à phlegmate prius separato  
 suffoca formicarum viventium, cum ovis & ramusculis adherentibus m. iij.  
 adde aluminis crudi ʒj. stent & macerentur per 24. horas, postea per  
 phialam longi colli elicitur l. a. spiritus, in vitro benè obturato ad u-  
 sum asservandus.

Cum hac aquâ spiritiuosa membra affecta illinantur & fricentur:  
 Licet ejusdem etiam cochl. j. cum aqua lavendulæ vel alterius conve-  
 nientis ʒiij. exhibere.



## Paralyticorum membrorum &amp; πόνειαν.

Generoso Dn. Butlero, & Magnifico Dn. Luberto Erbenio,  
anno 1647. ex præscript. Clar. D. D. A. Cnöff. Arch.  
Regii notabiliter profuere

FOMENTATIO, qua Magn. Dominus Erbenius primo fomentatus bis in die, quæ

℞. flor. chamomill. herb. hypericon. salv.  
serpill. origan. absinth. a. m. ij.  
herb. urtic. min. m. vj. malv. min. m. iv.  
rad. gramin. althææ ā. ℥ij.  
sem. eruc. ℥℔. lini ℥j. Oli. crudi lb. v.

Crassè contusa dentur ad chartam, sign. Kräuter zum behen.

INUNCTIO. Postea à scapula ad cubitum usque brachium ejus calide inunctum est linimento, quod

Rec. pinguedin. vulpis, taxi, ungu. dialth.  
ol. castorei, ruta, chamomill. ā. ℥j.  
juniperi still. terebinth. st. ā. ℥iij. spic.  
On. plumos. cera ā. ℥ij. cantharid. euphorb. ā. ℥j.  
spir. vin. q. s. M. F. linimentum, sign. Sälblein zum schmieren.

Emplastrum pro custodia & loci, & unguenti,  
circumpositum & constanter per annum gestatum, quod

Rec. empl. diachyl. oxycroc. melilot. ā. ℥j.  
G. ammoniaci ℥℔. galban. (in + dissoluti) ℥iij.  
diatr. piper. euphorb. alumin. plumos. ā. ℥ij.  
Omnia optimè pulverisata M. ad ignem & F. emplastrum.

Spiritus balsamicus pro sartore quodam.

Rec. bacc. laur. juniper. castorei, euphorb. ā. ℥ij.  
caryophyll. macis ā. ℥iij. masticeis,  
myrrha, storac. liquid. ā. ℥℔.  
succin. alb. gumm. elem. galban. ā. ℥iij.

Contusa & pulverisata infunde in spiritus vivi lb. iij. stent in digestionem per triduum, deinde destilletur per XX. ex arena.

Indies semel noctu cubitum eundo, postquam calido linteamine juncturam carpi, cubiti & scapulae optimè fricaverit, calefacta loca inun-



inungat, calefacto supra ignem hoc liquore, postea calidè supponat emplastrum antea descriptum.

*Not.* Septimanatim duobus diebus, nempe ♀ & Hni curet circa vesperam sibi parari balneum è decocto urticæ ardentis & formicis, sacco inclusis, postea inunctionem & applicationem emplastri, aliquot mensibus, donec melius habeat, continuet.

Interdum & membrum stupidum & resolutum, urticis viridibus & ardentibus, leniter percuti patiatur.

### Topicum ad membra resoluta & demortua.

ex communicatione Cl. Dn. Doctoris Kepleri pro uxore

Domini Doct. Cnœffellii, paralyti tacta.

**Q**Uamvis Cl. Dn. D. Cn. p. m., ultra centenos hominum, in simili morbo curaverit, nunquam tamen in uxore sua, suam adhibere voluit curam, semper alios medicos suos amicos vocans; ideo in contractura ex paralyti, quâ consors ejus per aliquot septimanas laborabat, Dn. D. Kepleri consilio usus est, cujus arcanum topicum erat hoc :

*Rx.* *marcasita*  $\frac{1}{2}$  *pulv.*  $\frac{1}{2}$  *lbss.* indatur XXco, superaffundantur *vini optimi* mens. vj. i. e.  $\frac{1}{2}$  *lbxiij.* Stent in digestionem per dies 30. tandem vino colato adde *rad. cardopatie*  $\frac{1}{2}$  *lb.* iij. & de novo circulentur; post exprimantur fortiter & destillentur per *Œam*, vel quod melius filtrentur per chartam solùm; Hoc peracto, destilla relictam marcasitam cum leontopodio per *Œam*; destillatum misce cum superiore filtrata infusione, & denuò ad dimidium usque instituatur destillatio. Ex fœcibus priùs optimè calcinatis extrahe *Œem* cum vino *Œto*, hoc conjunge etiam destillato, ubi adhuc tandem admiscebis

*sevi cervini seu medullæ crurum boum*  $\frac{1}{2}$  *zvj.*

*axungie ursi*  $\frac{1}{2}$  *zij.* *viperarum*  $\frac{1}{2}$  *zij.*

Misceantur supra ignem. Cum hac mixtura inungantur membra resoluta, ad dies 30. & quidem bis in diè calidè. Confert omnibus membris demortuis, obstructis & induratis, ut & nervis resolutis.

*Ex manuscriptis Cnœffelianis.*

### CAPUT III.

### EPILEPTICA.

Pulvis epilepticus ordinarius officinæ Regiæ.



Rx. *cranii humani strangulati, & cum  $\nabla$  epil. s.  $\Delta$  in alcool redact.*  
*corallior. rub. preparat. visci quercin. cert. 1. collect.*

C. C. antepileptici  $\bar{a}$ . p.  $\propto$  q. sacch. albi pulv. ad pondus omnium,  
 M. F. pulv. DOSIS  $\bar{a}$   $\mathfrak{z}\mathfrak{ss}$ . pro infante, ad  $\mathfrak{z}\mathfrak{j}$ . &  $\mathfrak{z}\mathfrak{j}$ .

### Pulvis alius epilepticus officinae Regiae de secundina mulieris.

Rx. *secundina mulieris (primipara filium enixa) torrefacta,*  
*cranii masculi anterioris, (violenter mortui & non humani)*  
*raspati  $\bar{a}$ .  $\mathfrak{z}\mathfrak{ss}$ . unicornu fossilis albissimi,*

C. C. ex apicibus super. rasp. & in alcool. redacti  $\bar{a}$ .  $\mathfrak{z}\mathfrak{j}$ .

coralliorum rubrorum c. aq. epilept. prap. ocul.  $\mathfrak{D}$ .  $\bar{a}$ .  $\mathfrak{z}\mathfrak{ss}$ .

granorum & rad. paoniae, decrescent.  $\mathfrak{D}$ . collectorum.

rad. doronici, visci quercini  $\bar{a}$ .  $\mathfrak{z}\mathfrak{i}\mathfrak{j}$ .

succini subtiliss. pulv. nuc. moschat.  $\bar{a}$ .  $\mathfrak{z}\mathfrak{ss}$ .

ambra  $\mathfrak{z}\mathfrak{j}$ . Fiat omnium pulvis subtilissimus,

Remedium in epilepsia & aliis cerebri affectibus est efficax. DOSIS  
 est  $\mathfrak{z}\mathfrak{j}$ . ad  $\mathfrak{z}\mathfrak{ss}$ . &  $\mathfrak{z}\mathfrak{i}\mathfrak{j}$ . In aq. flor. tiliae, seu liquore arboris tiliae mense  
 Martio ex cort. extracto. Secundinae preparationem, Hartmannus in  
 praxi chim. Beckerus in microcosm. med. lib. 1. cap. 8. & alii describunt.

### Pulvis antepilepticus S. R. Maj. Vladislai IV.

Rx. *magister. De  $\mathfrak{z}\mathfrak{ss}$ . g. ij. cranii humani, succini pulv.  $\bar{a}$ .  $\mathfrak{z}\mathfrak{j}$ . g. iv,*  
*corall. rubr. prap. sacch. alb. pulv.  $\bar{a}$ .  $\mathfrak{z}\mathfrak{v}$ .  $\mathfrak{z}\mathfrak{j}$ .*

M. F. pulvis. DOSIS  $\bar{a}$   $\mathfrak{z}\mathfrak{ss}$ . ad  $\mathfrak{z}\mathfrak{j}$ . in aq. paoniae,

### Magisterium lunae S. R. Maj.

Rx. *De finiss. intennes bracteolas extensa, laminata & in orbem*  
*conflexa  $\mathfrak{z}\mathfrak{j}$ .  $\nabla$  tis  $\mathfrak{z}\mathfrak{i}\mathfrak{j}$ .*

Stent in leni digestionem; solutum quod est, filtretur per chartam, & su-  
 perinfunde  $\wedge$  Ori q. s. Sic in momento praecipitabitur in alco-  
 hol, nivis instar candidissimum. Pulvis ad fundum praecipitatus, af-  
 fula aqua dulci ablui, & ab omni acredine liberari & tandem exsiccare  
 debet. Ingrati quidem saporis est, sed majoris virtutis in epilepsia  
 aliisque morbis capitis. Hujus magisterii beneficio Ser. Rex Vladis-  
 laus IV<sup>us</sup> in juventute a comitialis morbi insultibus feliciter cura-  
 tus est.

Pulvis



**Pulvis antepilepticus puerorum**

D. D. Pauli Podchocinski.

Rx. *C. C. raspati, & cum decoct. sem. cina & corallinae sapissime insuccati, rhabarbati, sacchari mercurisati ā. p. æq. q. v.*

Fiat omnium pulvis subtilissimus, qui in expellendis vermibus & lumbricis insignis est, si drachma una in lacte adhibeatur. Jam

Rx. *pulv. præscript. ℥ij.*

*offis triquetri raspati & in subtilem pulverem redacti. ℥j.*

Misce, F. pulvis. In epilepsia infantum sympathica ex vermibus orta. De quibus & *Forestus lib. 10. obs. 65. Martin. Rulandus cent. 8. curat. 13. & plures alii.*

**Pulvis antepilepticus Dn. D. Cnœffellii.**

Rx. *cinnab. ℥ii, crani humani ā. g. v. magister. corallior. ℥ss.*

*ligni aloes, visci quercini ā. g. iv. pulv. nost. Oris ℥ii g. ij.*

*sedativi nostri compositi citraui, pro viris g. j. Miscé.*

F. pulvis, pro una dosi, & tales doses n. iij. dentur in tribus chartis.

**Antepilepticum solare.**

Rx. *cornu alcis absque Δe præp. ℥j. crani humani absque Δe pulveris.*

*off. cordis cervi sine Δe in pulverem subtilem redacti,*

*corallior. rub. præpar. rasuræ eboris ā. ℥ss.*

Mixta inebriantur Ra antepileptica, & per se lentè iterum exsiccentur; istaque operatio bis vel ter repetatur, species ita imbutæ, in pulverem simul terantur subtilissimum, instar alcool, cui tandem adde

*pulv. solaris, seu panacea Cnœffelliana ℥ij. ℥j. g. xiv. ambra q. pl.*

Et cum gelatina crani humani, seu cornu cervi q. f. F. Massa, quæ & tinct. seu magist. rec. granor. nostr. chermes in gratum & rubicundum colorem adhuc tingi potest.

Ex massa formentur trochisci parvi in forma terræ sigillatæ, ponderantes ℥j. vel ℥ss. ad ℥ij. Quod ipsorum dosis est, & facile, tempore necessitatis, talis unus trochiscus, in liquore aliquo idoneo & epileptico dissolvi potest.

**Antepilepticum lunare.**

Rx. *crani humani sine Δe pulv. ℥ss. unicornu fossilis, marini.*

*succini albi, oculorum cancri ā. ℥ij. corallior. albor. ℥j.*

Mixta impastentur in mortario lapideo cum sedativo nostro comp. q. f. & de-



& denuò lente & per se exsiccentur, & in pulverem subtilissimum redigantur.

Addi etiam potest seorsim (quod nos aliquando omittimus propter saporem ingratum & adstringentem,)

*magisterii lune S.R. Mad. 3j. plus minusve pro ætatis ratione.* Misceantur benè. Pulvis ita concinnatus asservetur in vitro puro, vel cum gelatinâ cranii humani, alcis seu C. C. q. s. formentur orbiculi magni vel parvi, qui proprio signo, titulo, & charactere ponderis, notandi sunt.

Hoc medicamentum singulare est antepilepticum & apoplecticum, datur & in aliis cerebri affectibus, maximè maniacis, & delirantibus, in febribus venenosis & malignis. Dos. à ʒss. ad ʒj. & ʒss. in liquore entis tiliaæ vel alio vehiculo idoneo.

### Præparatio cranii humani, cornu alcis, cervi, unicornu, eboris & similibus.

**H**orum omnium vulgaris præparatio, hucusque (ante *Clarissim. Dn. D. Zwelferum*) commendata, fermè ab omnibus medicis rejicitur, propter sal volatile, quo animales partes gaudent, quod in illa præparatione consumitur & in auras evanescit, relicta terra damnata. Inde *Helmontius lib. de lithiasi cap. 3. th. 29.* scribit: Ossa animalium combusta nullum sal fixum retinent, sed tantum terram insipidam. Notabilis ergo stupiditatis est, ebur, & cornu cervinum calcinari in morborum præsidia, quia mercari jubent pulverem viribus orbatum: adeoque & crumenæ & spei ægrotorum imponunt, occasionem benè agendi prætereunt, ac seipsos ridiculos faciunt.

R. *cranii humani*, (vel cornu cervi, seu aliud os sive cornu alicujus animalis,) in minutissimam rasuram, beneficio lima raspati, q. v.

Contundatur in mortario lapideo, cum aqua aliqua appropriata & destillata ad pultis formam; quæ pasta chartæ albæ superextensa & inclusa, iterum exsiccentur & pulverifetur, & hoc bis, ter, vel pluries repetatur, donec rasura in pulverem subtilissimum redigi queat.

*Not.* cranium humanum hic expetitur non humati, sed violenta morte interempti hominis, at sani, & si haberi potest suspensi, soli expositum & constellatum, hac etiam cautione, ut potius anteriorem, quam posteriorem ejus partem; & masculinum maribus, foemini-

num



num foemellis exhibeantur. Clariss. Dn. D. Cnöffelius, solo ossiculo triangulari seu triquetro fuit contentus, quod in craniis, (sed non in omnibus) circa principium suturæ lambdoidis invenitur.

### Magisterium cinnabaris antimonii.

Rec. *cinnabaris* ℥ii opt. *purificata* & *pulveris*. ℥iv.  
 ~ *℞li* opt. & *dephlegmat.* ℥vj.

Mixta immittantur *℞ vitreæ*, & post peractam digestionem unius mensis in lenissimo calore, affusus spiritus denuò abstrahatur. Tandem cinnabrium in fundo viri relictum, *aqu. flor. tilie* sæpius lotum, & bene exsiccatum, ad usum fervetur.

Not. Hoc negotium, circa abstractionem ~ *℞li*, si sola evaporatione instituat, & cinnabaris interea, spatula lignea, continuò agitetur, magisterium evadet longè rubicundioris & pulchrioris coloris, ex quo cum menstruo nostro specifico, tandem extrahi potest tinctura pulcherrima.

Vires nobiles sunt in epilepsia, apoplexia, vertigine, aliisque morbis capitis; Prodest & in lue venerea aliis medicamentis specificis adjunctum. Dos. à gr. v. ad vij. & ℞. in aqua appropriatâ, Inde & componitur

### Cephalicum Cnöffelianum.

Rec. *magist. cinnab.* ℥ii *precedentis*, *bezoardici mineralis solaris* ā. gr. v.  
*ambr. grys.* gr. iij. *mosch.* gr. j. M. F. pulvis.

VIREs titulus indicat. Medicinam hanc quidam medicus in Germania pro panacea habuit, à quo etiam Author accepit.

### Pulvis purpureus Dn. D. Cnöffelii secretus

siye

Arcanum ALEMETH.

in

Epilepsia, quartana, hydrope, podagra & lue venerea.

Rec. *pulv. nostr. fix.* à gr. j. ad ij. *cœniotomii. nost.* gr. ij. ad iv.  
*bezoardici* ℞ial. *℞laris* à gr. vj. ad viij.

Misceantur opt. in mortario lapideo seu vitreo in pulverem purpureum, ultimam proportionem observando, pro una dosi, & tales doses n. iv. in quatuor dentur chartis; vel cum

\*H

Mella.



*Mellaginis abstractæ anthosata q. s. fermentur pilulæ minores, argento obducendæ.*

### Emulsio antepileptica Dn. D. Cnöffelii

*R granor. pœonia excort. ʒß.  
tiliæ, nucleor. cerasor. nigror. excortic. ā. ʒij.  
sem. papaveris albi, & nigri ā. ʒiß.  
liquoris tiliæ, vernali tempore coll. ʒiv.  
aq. flor. tiliæ, pœoniæ ā. ʒij. fiat emulsio, adde  
gelatinæ cornu alcis, seu cervi, &, si haberi potest,  
crani humani ʒß. manus Christi perlat. ʒi.  
sedativi citrati pro viris ḡ. j. ad ḡ. ij.  
nostri epileptici comp. q. s. spir. cerasor. nigror. ʒij.*

Omnia optimè mixta, dividantur in duas partes æquales. Una pars exhibetur sub noctem, vel in ipso paroxysmo, & paulò post, re collectis se- sibus; alteram partem post mediam noctem, vel circa diluculum; post exhibitum medicamentum, per tres horas, nihil aliud adhibendum est.

Primum ENS seu liquor tiliæ,  
cujus sæpius in manuscriptis Cnöffelianis fit mentio.

**E**st illa aqua seu succus mercurialis è tiliâ vulnerata, mense Februarii, ex caudice seu trunco, prope terram collectus. Modus colligendi eandem habet rationem cum succo betulæ, cujus & nos explicationem fecimus sub cap. de medicamentis antinephriticis secretioribus Dn. D. Cnöffelii. usus hujus singularis est ad morbum comitalem. Quod Cl. Joh. Tilemannus, in libello suo de materia medica, affirmat, qui solo hoc liquore epilepticum integrè restituit.

Dosis ʒij. ad iv. Singulis diebus ter, sc. mane, meridie & vespere. Liquor colligitur, ut jam dictum, mense Februario, apud nos & mense Martio, accrescente lunâ, cum radicem tiliæ per transversum secueris; exstillans liquor in vasculo vitreato supposito collectus, in modum succi betulæ, purificetur, & postea per se, vel adjectis floribus tiliæ, fermentetur, aut destilletur, prout medico, qui illius usum desiderat, videbitur.

Beneficio hujus paratur & hydromel; item potus saccharatus, cujus modum (cum aliis liquoribus) extense docet Angelus Sala in Saccharologia & Hydrelaologia.



Si talibus arboribus (inquit *Clar. Joh. Tilemannus* in libello de materia medica p. 307.) solutio auri vel argenti implantata fuerit, nullis acidulis succus earum cedit, præsertim si quintâ essentiâ  $\Phi$ li participant.

Modum implantandi arboribus proprietates medicinales & específicas, docet *Rev. Pat. Athan. Kircherus* in arte magnetica lib. 3. part. 3. cap. 1. & *Phil. Guibertus* in suo medico officioso cap. 9. de fruct. laxativis.

Succorum conservatio fit 1. beneficio olei olivarum, pharmacopœorum communi more, si vas vitreum angustioris colli, cum succo prius depurato, ad orificium usque implebis, cui superaddas oleum de been, vel loco ejus olivarum, idque ad crassitudinem unius digiti supernatet. Vel 2. per modum *Angeli Sala*, quem tradidit in scripto vel tractat, cujus titulus de variis tum Chimicorum tum Galenistarum erroribus. Succum, exempli gratia, betulæ, tiliæ vel cujusvis alius plantæ expressum, aliquandiu bullire, probè despumari, ac ad quartam partem humiditatis superflue leniter exhalari finito; deinde percolato & in vas vitreum infundito, addens unicuique libræ uncias duas cum dimidiâ spiritus vini, sine phlegmate; vas interim ritè obturato, & ad solem, aut alium in locum calidum per aliquot dies ponito, & succus reddetur purissimus, quem per inclinationem decantabis in aliud vas, quantum fieri poterit sine turbatione, relictis in fundo prioris vitri fecibus ibidem adherentibus. Sic depuratus succus asservatur in annos citra corruptionis periculum.

Per modum *Helmontii*, in tract. dispensat. modern. §. 21. Succorum prælo expressi, solo odore cujusdam ignis sulphurei, manent deinceps absque saccharo vel alio additamento incorrupti, cujus favore acquirunt balsamicum aliquid, haustus æthereos sibi incorruptos transferunt ad magnam entelecheian.

Quinam sit iste processus, ex eo percipe, quomodo ellychnii sulphurati suffitu vinum conservatur. Modum vero, quo vitrum angustioris colli sulphurari possit, *Dn. D. Cnöffelius* annotavit hoc sensu, quem ex ejusdem *MSto Germanico* huc transfero: Ego lagenâ vitreâ inversâ fili sulphurati ardentis fumum excepi, idque sponte sua extingui passus sum, mox siue morâ succum (tiliæ, betulæ, berberorum vel citri) in illam infudi & orificium ejus arctè deligavi.

### Aqua antepileptica.

$\mathcal{R}$  liquoris tiliæ lb. iv. phlegmatis  $\Phi$ li.

\* H 2

vini



*vini opt. & generosi, Hungar. seu Hispanici* ā. ℥. ij.

Quibus successive immergantur

*flor. rec. tilia, lil. convall. primula veris, pæonia,*

*anthos, cheiri, lavendula* ā. ℥iij.

*salvia, summitat. basilic.*

*rad. daronici* ā. ℥j. *pæonia rec. cinnamomi* ā. ℥ij.

*nuc. moschate, macis, cardamom. carpobalsami* ā. ℥j.

*cubebæ, sem. coriandri* ā. ℥ss.

Omnia debitò tempore collecta & infusa destillentur tandem in balm. vaporoso, ad siccitatem ferè specierum; aqua prolecta servetur usui, in vitro arctè clauso, cui & si ita placuerit, *sirupi sequentis epileptici* q. s. pro conciliandâ gratiâ saporis addi potest.

Efficaciter valet in epilepticis, apoplecticis, vertiginosis, aliisque debilitatibus capitis. Epilepticos paroxysmos absumit & abrumpit, ac morbo isto percussos suscitatur. In præservatione detur ejus dimidiū cochlearis mensura, maximè circa mutationes lunæ. In curatione verò & in ipso insultu cochlearis integri mensura, quo tempore & in faciem ex alicujus ore vel ex manu inspergitur.

### Sirupus epilepticus puerorum.

*Rec. flor. tilia odor. rec. collect.* ℥iij.

*liquoris tilia* in cellâ reservati & prius optimè calefacti ℥vj.

Stent in vase vitreo seu terreo vitreato atq; bene clauso per viginti quatuor horas; expressione factâ, infusio rursus calefiat, absque tamen ebullitione, ac reassumtis totidem novis floribus, infusio reiteretur, & post sufficientem macerationem iterum exprimatur; idq; tertia vice fiat. Jam

*Rec. hujus infusionis prius colat.* ℥iij. *sacchari albissimi* ℥ij.

ac sola dissolutione ejusdem, fiat sirupus clarus, qui in epilepsia, vertigine, hemicrania, cephalæa aliisque morbis capitis efficax est; ab ℥ss. ad ℥j. per se vel in vehiculis convenientibus propinandus, maximè verò in liquore arboris tilia, tali processu:

### Cura epilepsiæ per acidulas vegetabiles.

*Rec. liquoris arboris tilia purificati* ℥. ij.

*sirupi epileptici puerorum* ℥iv.

^ *Vitrioli volatilis, seu viridis æris* q. s. ad gratum saponem.

Misceantur optimè. Julapium tali modo concinnatum, vitris clausis, ne quid



ne quid exspiret, in cellâ vel alio loco frigido asservatur: & ubi imbecillitas capitis illius usum exegerit, quotidie duodecim uncia propinentur, ita ut manè jejuno stomacho, & tribus horis ante prandium, caliculum unum, quatuor unciarum continentem ebibet; tribus post prandium horis itidem tot uncias; jejunando usq; ad cœnam; & tribus elapsis horis post cœnam, reliquas quatuor uncias, tamdiu continuando donec juverit. Interim æger, circa solstitia & æquinoctia uno vel altero medicamento solutivo specifico, ( ex consilio docti medici ) purgetur, quod facile fieri potest cum sirupo nostro helleborato, suo loco descripto.

**Spiritus antepilepticus compositus.**

Rx.  $\wedge$  Oli volatilis, virid. aris a. p. æquales. Misce.

VIRES cephalicæ sunt & antepilepticæ insignes.

DOSIS à ℥℥. ad ℥j. in aquâ appropriatâ.

**Spiritus vitrioli compositus, antepilepticus.**

Rx. phlegmatis Oli, seu  $\wedge$  Oli roridi q. v. scil. ℥xviii.  
capitis mortui Oli rubri ℥j. cranii humani ℥iij,  
visci quercin. ℥℥. rad. peonia ℥j.  
cinnab. Sti ℥iij. sem. peonia tantundem.

Mixta destillentur per retortulam, dos. à ℥℥. ad ℥j.

**Spiritus vitrioli antepilepticus comp. Dn. D. Cn.**

Dn. Mart. Metzkeri M. Docti, communicatus.

Rx. Oli opt. dephlegmat. & calc. q. v. adde

Spirit. Vini tantum, quantum phlegmatis Glumini calcinatione perdidit, denuo ad quamvis lb. prædicti spiritus adde

cranii humani, visci quercini, sem. peonia, ungula alcis a. ℥j.

Species prius contusæ & cum spiritu opt. agitata, post sufficientem digestionem, destillentur per Oam, donec oleum prodeat. Jam

Rx. hujus destillati oleosi ℥vj. alcoholisati salviati ℥iij. Misce.

Vel Rx. olei destillati ℥℥. Spirit. vini ℥iij. Misce. dos. in adultis gutt. x. ad xv. & ad ℥j. pro infante gutt. v.

**Spiritus vitrioli volatilis Dn. D. Cn.**

Rx. phlegmatis Oli q. v. in hoc solve

Oli purificat. tantum, quantum in se suscipere vult.

Destillentur per phialam longi colli, capitello huic negotio apto,



instructam, primo quidem lento cinerum igne, & ascendit ☿ Oli volatilis virescens, in epilepsia, vertigine & capitis affectibus præstans, insuper ad arcendam apoplexiam & paralyfin medicamentum est desideratissimum. Datur cum vino vel aquis destillatis appropriatis, à ℥ss, ad ℥j. plus minusve pro dispositione ægroti & morbi conditione,

### Spiritus viridis æris comp. D. D. C.

Rx. *viridis æris* ℔iij. *Æris vivi* ℔bj. *arena pura* ℔iv.

Mixta & prius pulverisata (excepta arena) indantur ☿ & vitreæ, & destillantur ex ::, primo quidem lento & justè observato ignis regimine, postea fortiori. Et prodibit spiritus acidulo dulcis, gustui gratissimus.

VIREs. Cephalicus & pectoralis est, appetitum & excitat, & in asthma est remedium sæpè probatum. Dos. à ℥ss. ad ℥j. cum aquis destillatis, sirupis, conservis, jusculis vel aliis vehiculis idoneis.

Corallia, margaritæ, & oculi ☿ phlegmate ☿li soluta, præcipitat in magisteria butyracea, Elixir proprietatis cum s/ paratum eodem ritè acidulatur, Ope etiam hujus fit curiosum spectaculum;

Rx. *corall. rubr. gr. mod. contusorum vel C. C. raspati* q. v.  
*spiritus virid. æris comp.* q. f.

Stent in digestionem in cucurbitâ vitreâ & amplâ, quod solutum est, effundatur, & aliud menstruum affundatur. Solutiones conjunge & ad siccitatem lento calore totaliter exhalare permitte; sic in fundo relinquitur coagulum, in alio vitro mundo & spatio affusâ aquâ destillatâ dissolvendum, & in locum tepidum reponendum; ibi, postquam humiditas absorpta fuerit, assurgit in speciem arbusculi coralloidis sive C. C. (quoad solutio ex hoc vel illo facta est) & quasi crescere videtur, intuentibus delectabile spectaculum.

### Ros vitrioli sive spiritus vitrioli humidus.

**Q**Uandoquidem hujus phlegmatis ☿li sæpè & multoties hic fit mentio, plurimis etiam compositionibus & præparationibus medicamentorum *Clar. Dn. D. A. Cnöffelii, p. m.* admiscetur, ac ab eodem in præcipuis curationibus panaceæ instar, adhibitum est, opus erit copiosorem ejus facere mentionem, jungendo illam laudem & virtutem, quâ hoc medicamentum est dotatum, & quæ ab aliis medicis illi adscribitur.

Antiquis ut & plerisque nostræ ætatis Chemicis, prima ista ☿li substantia incognita (*inquit Angel. Sala in tract. 1. de vitriolo c. 1.*) ideoque



ab iis inutilis ad instar phlegmatis, rejecta fuit. Quasi verò DEUS & natura [quæ se in omnibus Divinæ providentiæ partibus efficaciter exerit] frustra aliquid facerent. Hermetici dicunt, esse quandam quasi hujus mundi margaritam; quam si agnovisset Galenus, procul dubio dimidiam suorum medicamentorum partem, quæ magno studio, multo labore, longis ac indefessis peregrinationibus, in Ægyptum, Palæstinam, Alexandriam, Romam, Cyprum, Lemnumque susceptis, deseruisset, & soli huic medicamento fidem ac fiduciam collocasset. Et sanè [scribit *Claudius Deodat. in Pantheo Hygiastico l. 1. c. 10.*] si tota medicina non aliud ex toto Glo haberet remedium, quam solum hoc phlegma, tamen id (licet solo nomine omnibus vilescat) inter cætera medicamenta ut gemma fulgeret, è cujus radiis plurima medicamenta scintillare possent. Atq; hic est ros ille benedictus, quem Dominus DEUS, tot virtutibus & dotibus locupletatum, humano generi pro sui Sanctissimi Nominis gloria est liberaliter elargitus. Experientia constat, (ex eodem *Authore*) hoc vitrioli phlegmate lichenas, impetigines, nomas, & crysipelata tolli, ulcera maligna repurgari, putrida mundificari, carcinomata eo colluta, ut & ulcera cacoethea ejus usu purgari, ac faciliorem medelam suscipere; Insuper ejus usu cutim poliri, & à quacunque scabie repurgari, ut in cuprifabris, fabrisve ærariis, nulla unquam scabie laborantibus videre est. Aphthis item eximie prodest, & oris ex putredine natis exulcerationibus, quales post longas febres emergunt, vel scorbutum illum insolentem comitantur: unde utiliter eo os colluitur aqua aliqua conveniente, plantaginis, prunellæ, aut centummodii remixto; sic partes stringit, putredinem & serpentia oris ulcera coerces ac per sanat; laxis gingivis firmitudinem præstat, mucum & tartarum circa eorum radices hærentem abstergit, eademq; loca purificat gratum oris saporem inducit, linguæ fastidia tollit, quæ in ardentem pennam excurrere potuissent. Datur & hic liquor commodissime febrientibus aquâ cichorii, endiviæ, acetosæ, nymphææ, lactucæ, fragariæ, aut aliâ convenienti mixtum, lautâ sanè ac largâ dosi. Est enim remedium securissimum, quod purgato prius corpore, utpotè alterando febres fugat, quascunque viscerum obstructions aperit, ac penetrat, oris amaritudinem tollit, & aufert, cibi fastidium adimit, appetendam instaurat, prasinam bilem, ejusque ferociam domat, & quosvis fellis insolentes motus molestos, periculique subinde plenos compefcit, ac exustis internis calore partibus solamina præbet.



In epilepsia morbove comitiali cum aqua vel spiritu ceraforum nigrorum, aut cum stillatio pæoniæ, aut florum tilia, lili convalli, aut roris marini vel dentariæ liquore saluberrimè porrigitur, præsertim si ex consensu ventriculi & nervorum sexti paris ei implantatorum conspiratione morbus originem traxerit, aut exinde dependeat.

In dyspepsia & bradypepsia ventriculi vino permixtum, utiliter exhibetur: In renum ac vesicæ obstructionibus, & urinæ suppressione, cum aq. saxifragiæ, ononidis & linariæ: at in hydrope cum aqua lumbricorum terrestrium & modico sirupi cinamomi, salubriter porrigitur: ut & in affectibus uterinis, cum aq. panacis Heraclei, Artemisiæ, melissæ &c.

Præter alias quamplurimas, quas in se hoc phlegma continet utilitates, longævitati maximè idoneas, vim quoque habet mundificandi, aperiendi, obstructions referandi, ac viscera purificandi, & ab infarctibus liberandi. Humidum præterea radicale conservat, firmatque omnes ac singulas partes, nutritioni dicatas, sanguinis adusionibus, jecorisque exæstuationibus medetur, phlogoles reprimat, cerebri meatus aperit, internas putredines arcet, sudores movet, præsertim si cum aq. cardui benedicti aut pimpinellæ porrigatur. Februm pestiferarum malignitatem pessundat, ac in ipsa peste sudaturo cum aq. Stapediana porrectum, veneni vires frangit, eaque tam in chimia quam medicina præstat opificia: Phlegma hoc etsi infirmius sit spiritu, at continuato usu, & id ipsum præstat, quod spiritus, licet paulò tardius; Phlegma enim aquositate sua spiritus acrimoniam nonnihil retundit, ac ejus subtilitatem suo quodam pondere deprimit; ita ut agilitatis perfectio in phlegmate multo sit remissior, at verò etiam scrupulosis (tametsi nullus hic sit metus, nec ullius emergentis mali inexpectati formido) securior visa. Hæ sunt virtutes hujus nobilissimi medicamenti, pro quorum thesauro Domino Deo nostro Jesu Christo sit immortalis laus, honor, gloria, & gratiarum actio sempiterna.

Modus destillandi hoc phlegma sive rorem ☉li facilis est, & omnibus pharmacopoliis notus, & describitur ab *Angelo Sala*, *Schrödero*, *Rolfincio*, aliisque quamplurimis medicis, præcipuè verò à *Paracelso* (qui summum dicit arcanum pro caduco in Vitriolo esse & non in oleo, sed volatilitate) ideò hic ejus processum recensere supersedeo. Id tamen sciat B. L. quod ex una specie vitrioli, major copia roris seu phlegmatis, cum suo spiritu volatili elicatur, quam ex alia;

cui



TABULA LABORUM RORIS VITRIOLI DIVERSIS TEMPORIBUS ET MODIS, VARIISQUE INSTRUMENTIS DESTILLATI.															
Destillationis		Species vi-	Pondus	Vasa destil-	Fornaces	Spatium	Quantitas	Destillationis		Species vi-	Pondus	Vasa destil-	Fornaces	Spatium	Quantitas
Añus	Dies	trioli crudi.	li.	latoria.	& gradus ignis.	temporis de-	phlegma-	Añus	Dies	trioli crudi.	li.	latoria.	& gradus ignis.	temporis de-	phlegma-
						stillationis.	tis extracti							stillationis.	tis extracti
1638	15. Febr.	Ex vitriolo Bohemico	libr. 5.	in retortâ terreâ	igne aperto in fornace probatoriâ	sex horis	libiſſ.	1655	18. Mart.	Ex vitriolo Svetico Dantisci empto	libr. 12. libr. 12. libr. 12. libr. 12.	1. in ollâ terr. 2. in ollâ terr. 3. in cucurbitis ferreis 4. in cucurbitâ ferreâ	1. in fornace 2. calcinator. 3. ex arenâ 4. ex arenâ	hor. 24. hor. 24. hor. 24. hor. 24.	unc. 40. unc. 40. unc. 50. unc. 50.
1638	15. Mart.	Ex vitriolo Bohemico	libr. 6.	per alembic lapideum.	in fornace acedia dictâ	sex horis	libiſſ.	1655	12. April	Ex vitriolo Goslariensi	libr. 12.	in cucurbitâ ferreâ	fornace, ventolâ	hor. 18½.	unc. 60.
1654	13. Julii	Ex vitriolo Sileſiaco	libr. 12.	per ollas terreas duplicatas.	in fornace calcinatoriâ tectâ	hor. 12.	unc. 38.	1655	10. Maji	Ex vitriolo Goslariensi	libr. 12.	ex ollâ ferr. ex ollâ ferr.	in furno ventoso.	hor. 18½.	unc. 63.
			libr. 12.			hor. 10.	unc. 30.				hor. 18½.			unc. 63.	
1654	21. Sept.	Ex vitriolo Hungarico in Poloniâ	libr. 12.	per ollas duplicatas Caſimiriannas.	in fornace diſſolutoriâ tectâ,	hor. 24.	unc. 41.	1655	25. Maji	Ex vitriolo Goslariensi	libr. 12.	ex cucurbitâ vitreâ.	in arenâ	hor. 24.	unc. 46.
1654	6. Nov.	Ex vitriolo Hungarico	libr. 12.	in ſex cucurbitis ferreis.	in fornace ventofâ longâ	hor. 24.	unc. 30.	1655	7. Junii	Ex vitriolo Goslariensi	libr. 12.	in ſex cucurbitis ferreis.	in fornace ventofâ novâ & nondum exſiccata	hor. 28.	unc. 68.
			libr. 12.			hor. 24.	unc. 30.				unc. 60.				
			libr. 12.			hor. 24.	unc. 30.				unc. 60.				
			libr. 12.			hor. 24.	unc. 30.				unc. 54.				
			libr. 12.			hor. 24.	unc. 30.				unc. 52.				
1655	16. Mart.	Ex vitriolo Hungarico à Judæo Cr. empto.	libr. 12. libr. 12. libr. 12. libr. 12.	in quinque cucurbitis ferreis.	in fornace ventofâ longâ.	hor. 24. hor. 24. hor. 24. hor. 24.	unc. 44. unc. 34. unc. 44. unc. 34. unc. 34.	1657	16. Julii	Ex vitriolo Hungarico	libr. 12. libr. 12. libr. 12.	Ex vitreâ ex ferreâ ex ferreâ, cucurbitâ.	in fornace ventofâ,	hor. 26.	unc. 52. unc. 60. unc. 53.







cui & multum ad hoc negotium adjuvare solent vasa destillatoria, in quibus ratione materiæ maxima est diversitas, & multo major quantitas extrahitur ex ollis seu matracciis ferreis, si vitriolum inde destilletur, quam ex vasis terreis, lapideis, vitreis, seu vitreatis; quod ipse sæpius observavi, & *Cl. Dn. D. And. Cnöffelius*, in manuscripto suo laborum chimicorum sibi curiosè & diligenter annotavit; placuit ergò hîc annectere tabulam, ex quâ uno intuitu quasi oculis opponuntur labores circa hoc phlegma, quo diversis temporibus, ex diversæ speciei vitriolo, variisque vasis, à sæpè citato authore elaboratum fuit; & semper plus ex uno, quam ex alio extractum est.

( *Hic inseratur Tabula.* )

Crediderim vero, quod *Autor noster* tempore praxis suæ hujus phlegmatis vitrioli plus consumserit, quam fortasse omnes reliqui medici in Polonia spatio integri seculi; quod *ipsius observationes & curationes* contestari possent, si aliquando à consanguineis proderentur, & typis excuderentur. Id vero ut fiat, sicut cordicitus opto, sic imprimis laudati toties *magni nostri Andree Cnöffelii* Germano ex fratre filium, *D. Andreæm Cnöffelium* Reg. Maj. Polon. Secretarium, medicum aulicum, & consulem Mariaburgensem, amicum meum singularem, hisce peramanter invitatum volo, rogans ut hæc & alia patruelis sui MSSa, hæcenus quasi sepulta, posteritati, pro hoc beneficio sine dubio perpetim gratæ, communicare velit.

### Spiritus vitrioli roridus per cohobia.

**P***Aracelsus* in solo vitrioli phlegmate destillatione ad siccitatem usque peractâ non contentus ulterius progrediebatur colcothari nempe rubeo reddendo suum phlegma, idque toties cohobando, h. e. novies aut decies reaffundendo ac destillando, dum spiritus omnes humidi & sicci evocarentur ab ipso colcothare, unde longè potentius & efficacius reddebatur remedium. Qui ergo spiritum istum desiderat, is procedat in hunc modum.

*Rx.* vitriol. opt. Hungar. lb. v. destill. ex phialâ vitreâ s. terreâ per XX. Liquor s. phlegma colligatur & cohobetur super caput mortuum, destillando usque ad nonum alembicum: quæ phrasis Theophrasti in sensu disjuncto ita accipienda est, ut prior destillatio super caput mortuum per octo cohobia repetatur, atque sic per nonum alembicum labor absolvatur.



*Not.* Hoc phlegma, quod post quartam cohobationem colligitur, est ille spiritus vitrioli roridus communis à Cl. Dn. D. *Rolfincio in chimia in artis form. red. l. 3. c. 7.* descriptus, cephalicum & antepilepticum insigne, cujus dos. à ℥j. ad ℥ij. in aqua liliorum convall. s. qu. & ab ipso tingitur ligno paranambuci vel torna solis in colorem rubicundissimum.

Colcothar vero post nonam cohobationem cum suo phlegmate & spiritu prorsus imbuto indatur retortæ Waldenburgicæ & recipiente admoto atque gradibus ignis observatis infurno reverberii destillentur spiritus omnes humidi & sicci, qui tanquam thesaurus in vitro asservandi sunt.

*Paracelsus* imbibito hoc modo colcothari, (*per nonum sc. alembic.*) spir. vin. rectificati admiscebat tantum, quantum pro imbibitione sufficiebat, ut instar pastæ fieret; commixta post peractam digestionem per unum atque alterum diem, omnia dicto modo in recipientis nudo & simplici igne gradatim adaucto destillabat; tandem theriacalis aquæ camphoratæ quartâ parte adjunctâ denuo destillabat. Medicamentum inde in epilepsia admirandæ virtutis, & longè potentius ac efficacius quam phlegma antecedens, tam ad excitandum durante paroxysmo, quam ad præcavendum ac curandum morbum. nos. ℥ss. in liquore aliquo congruo. Hic spiritus Oli compositus, si rectè paratus est, solvit folia auri injecta, à chemicis *spiritus vitrioli aurificatus Paracelsi dictus.*

### spiritus vitrioli roridus per cohobiam,

à Dn. D. Andrea Cnöffelio,

anno 1638. d. 15. Febr. & seqq. elaboratus.

**H**Ac ipsa die Dn. D. *Bertramus* de suo vitriolo depurato lb. v. in meo laboratorio destillationi destinavit. Phlegmatis leni igne inde prolecti lbss. quaterno cohobio abstracta est.

Die 16. 17. 18. 19. dicti mensis, qua ultima celebrabatur cohobatio proliciebantur tres octavæ lbæ, hæ die 22. capiti mortuo affusæ, ℥iss. destillatione reddiderunt.

Die 15. Martii, Oli lb. vj. in cucurbita terreâ cum alembico vitreo in anemium missæ circiter lbss. phlegmatis reddebant.

D. 16. cap. mortuum suo phlegmate iterum nutritum, reddebat in destillatione lbij. ℥iv.

Die 17. in secundo cohobio accepi lbj.

D. 18.



D. 18. in tertio cohobio accepi lbss. cum Zij. (f. 3x.)

D. 19. in quarto cohobio accepi 3vj.

D. 20. in quinto cohobio accepi 3iiiss.

D. 21. in sexto cohobio accepi 3iiss.

D. 30. in septimo cohobio accepi 3ij.

D. 31. in octavo cohobio accepi 3iss. quem liquorem iterum capiti mortuo affudi.

NB. Paracelsus voluit novem destillationes, quibus peractis omne phlegma à capite mortuo absorbetur, ut sic decimâ destillatione meri spiritus prodeant, & hoc ipse vult per nonum alembicum.

In isto labore hoc peculiare adverti, quod in quavis destillatione  $\ominus$   $\oplus$  li volatile in XXXco sublimatur; & idem cum phlegmate elutum colcothari cum manifestâ semper ebullitione redditur.

D. 8. Aprilis, sex illas vitrioli libras, quas 15, Martii destillaveram, & postmodum septies cohobando, suo phlegmate nutriveram, mane destillare cœpi, per totam noctem urgendo opus, atque sic porro die 9. & 10. usque ad meridiem undecimæ, (toto eo tempore vapores commissuram vasorum penetrantes moschum gratissimè redolebant,) quando ignem extingui passus sum, & postmodum duodecimâ receptaculum removi; in eo spiritus densioris ac fortis ex brunno flavescens uncias sex cum semisse reperi. Puto me plus potuisse acquirere, nisi animadvertissem vas seu urceum in fundo rupisse, adeoque non parum materiæ per rimas penitus rubras excidisse.

Notandum ergo in posterum, ut diligentius caveatur, ne in cohobationibus urceus in vehementi illa ebullitione rumpatur, (pedetentim itaque phlegma affundendum est, haut largiter aut confertim,) quin &, ut pro destillando cohobato colcothare recens urceus adhibeatur, eique tegula latior, pro defensione vasis ab ignis nimis vehementer feriente flammâ, substernatur. Colcothar residuum ex supra dictis sex libris materiæ destillationi destinata, pendebat jam libram unam cum unâ quartâ.

### Mixtura antepileptica in forma solida.

Rx. extract. opii inspiss. granor. paonia inspiss.

radic. mandragor. ā. 3lb. paon. visc querc. ā. 3ij.

femin. papav. alb. & nigr. ā. 3vj.

maz. cran. hum. resol. vel loco hujus gelatina, corall. rubr. butyr. ā. 3j.

\* 12

Misc.



Misc. probè in mortario vitreo, sign. ut supra. **DOSIS** ℥ss. ad  
 ℥. xv. & ℥j.

### Mixtura antepileptica in formâ liquidâ.

**Rx.** spiritus sedativ. nostr. simpl. ℥iv.  
 aq. flor. tilia c. propr. liquore dest. paon. ex toto, sc. c. rad. & flor.  
 cerasor. nigr. papav. errat. ā. ℥ij. rad. paon. pulveris. ℥vj.  
 visc. quercin. subtil. pulv. semin. papav. alb. & nigr. ā. ℥ss.  
 cortic. mandragor. cran. hum. raspat. ā. ℥iij. cinnab. ℥ii ℥j. ℥j.  
 campher. (quæ aliquando omittebatur) ℥ij. Pulveris. &  
 cum liquoribus optimè prius commixta & agitata stent per quadragin-  
 ta dies in leni digestionē, postea colentur per linteum rarum.

Antepilepticum est excellentissimum. **DOSIS** est à ℥j. ad ℥j.  
 & aliquando ℥ij. & maximè circa paroxysmum. Sumitur etiam vel  
 quotidie, sed imprimis circa novilunium & reliquas lunæ quadraturas,  
 præmissa purgatione cum pilulis nostris antepilepticis helleboratis.

### Species pro extr. sedativo generali,

alias

#### Specificum antepilepticum Cnöffelianum.

**Rx.** scandal. rub. opt. pulv. apii nostri citrati ā. ℥iij.  
 rad. solani, cort. mandragore,  
 gran. paon. excorr. ā. (prius pulv.) ℥ss.  
 sem. papav. albi & nigri ā. ℥vj. crani humani pulv.  
 corallior. rub. opt. preparat. seu magist. butyr. visci quercini,  
 rad. peonie constell. ā. ℥ij.

Misceantur & fiat pulvis subtilissimus, cui adhuc adde  
 panaceæ Oariz ḡ. xx. fixati ℥j. (pro unica dosi & aliquando ḡ. iij.)  
 denuo misceantur in mortario lapideo. Est singulare remedium in  
 omnibus affectibus capitis, præsertim in epilepsia, apoplexia, para-  
 phrenitide, mania, vertigine, & memoria deperdita, aliisque morbis  
 quamplurimis. **DOSIS** à ℥ss. ad ℥j. in aq. appropriata. Inde fit

### Mixtura antepileptica ordinaria.

**Rx.** Specificum antepilepticum tali modo concinnatum, cui admiscebis  
 sedativi, (lib. convall. scil. cum phlegmate vitrioli superius  
 descripti) ℥xl.

Faciâ circulatione per spatium unius mensis, subtile à spisso decan-  
 tatum.



tatum, asservetur in vitro benè clauso, tandem & ultima bina ingredi-  
entia: scil. *panacea* & *avis* cum *fixato* jungi possunt.

Non solum in epilepsia & apoplexia, sed & in omni inquietudi-  
ne, perturbatione mentis, vigiliis & doloribus, atque turbationibus ca-  
pitis, maximè in febribus calidis & malignis, cum deliriis, hanc medici-  
nam cum exoptato successu Clariss. Author adhibere solebat.

Dosis ʒj. ad ʒij. in emulsionibus consuetis.

### Mixtura topica sive localis interna,

&

Extractum sedativum generale Cl. Dn. D. Cnöffelii,

prout anno 1654. d. 3. Mart. D. fuit concinnatum.

*Ex diar. MS. laborum chemicor. authoris.*

1. Anno 1654. d. 3. Martii, D. infudi localem mixturam, pro futuro  
usu, & processu nuperrime Dei gratia invento, totam absque defectu,  
(exceptis cran. human. & corall. alio, ut in sequentibus patebit, modo  
tractandis) cum

5 bis destillato, sed tamen propter certas causas per destillationem in  
alcohol non rectificato; hujus spirit. vin. pro una mixtura specie-  
rum omnium prædictarum, pro prima extractione erant ʒxl.

2. Pro secunda & ulteriore infusione extrahendarum specierum  
prædictarum, iterum affudi ejusdem spirit. vin. ʒxl. stetit ab octava hu-  
jus usque in 13. diem Martii in infusione, & sic quinque diebus; filtra-  
vi extractam Ræ, & cum præcedenti commiscui.

3. Pro tertia & ulteriore infusione harum specierum, denuo affudi  
spirit. vin. non adeò rectificati (die 13. Martii) ʒxl. stetit usq; ad extrac-  
tionem Ræ ad diem 19. Martii ʒ.

4. Pro quarta & ulteriore infusione specierum, die 20. Martii, ʒ.  
iterum affudi spirit. vin. non adeò rectificati, ʒxl. & iterum stetit ad ex-  
tractionem Ræ, usque ad diem 27. ʒ.

5. Pro quinta infusione specierum, die 27. ʒ. denuo affudi spirit. vin.  
non adeò rectificati ʒxxx. stetit usque ad extractionem ad diem 6.

6. Pro sexta infusione specierum, die 4. Aprilis denuo affudi spirit.  
vin. non adeò rectificati ʒxxx. stetit usque ad sufficientem extractionem,  
diem nempe 14. Aprilis.

7. Pro septima infusione specierum, die 15. Aprilis denuo affud.  
spirit. vini



spir. vin. non adeo rectificati ꝑxxx. Stetit usque ad sufficientem extractionem, diem nempe 5. Junii.

Spiritus omnes tincti, per cucurbitam in MB. abstraxi, & in patella mea argentea tandem evaporando, ad consistentiam & spissitudinem mellis redegei.

Not. spir. vin. iterum abstractus, ad alios usus, & pro spiritu sedativo simplici asservandus est.

Extracto sedativo ita parato, admisceantur adhuc

magist. corall. butyrac. gelatinae cranii humani seu magisterii ā. ꝑj.

Fiatque massa optimae consistentiae. Sign. Extr. sedativum generale.

Remedium excellens & singulare est, non solum in epilepsia, sed & in mania, delirio, & aliis adhuc infirmitatibus cerebri, in quibus cum emolumento exhibetur.

DOSIS. ℞. ad ꝑj. per se in forma pilularum, vel cum liquore quodam solutum, in, ante, & post insultum.

### Mixtura alia topica five localis interna,

alias

Sedativum generale per extracta dictum.

℞. extract. sandali rub. inspissati, opii citrati inspiss.  
granor. peoniae inspiss. rad. mandragorae ā. ꝑj.  
papaveris alb. & nigr. (per express. & digest.) ꝑvj.  
visc. querc. inspiss. rad. peoniae inspiss.  
magist. cranii humani butyrac. (vel ejus loco gelatinae)  
coralliorum butyrac. ā. ꝑij. aq. cinamomi ā. ꝑvj.  
phlegm. Oli seu sedativi simpl. ꝑxx.  
sir. entis tiliae, seu peoniae ꝑvj.

M.F. Mixtura in duabus lagenis, una cum camphora, oleoꝝ sive camphorato, absque sirupo, altera sine camphora.

### Pomum epilepticum.

℞. rad. peoniae constellat. visci quercini suo tempore coll.  
granorum peoniae certo temp. coll. ungulae alcis verae,  
cranii humani raspati, (triquetri) coralliorum rubr. ā. ꝑij.  
lap. smaragd. ꝑvj. Gl. cypr. succini pulveris. ā. ꝑj.

Omnia prius separatim pulverisata commisceantur in mortario terreo vitreato, & cum gummi ceraforum nigtorum in aq. peoniae seu liquore ar-



re arboris tilia dissoluti q. f. fiat massa tenax, ex qua postea formentur duo poma manibus tenenda, ante accessum paroxysmi.

Ex hac massa fiunt & amuleta, in forma cordis, item globuli seu corallia variis formis, quæ collo appensa & circa manus alligata, præsidium sunt optimum ad præservationem ab epilepsia.

*Nota 1.* Pro foeminis adjiciatur & castoreum.

2. Cum speciebus & possunt repleri sacculi ex sindone rubrà, qui & collo suspendendi ad regionem cordis.

3. Radix pæoniæ colligenda est mense Aprili, sole existente in ♋ & Da in ♎ mane ante exortum solis, quam & per se collo suspensam epilepsiam arcere ipsemet *Galenus* autumat lib. 6. *simpl.* in puerulo ab epilepsia infestato, qui gestata hac radice, inculpate agebat, ipsa verò decidente, protinus convulsionibus novis corripiebatur, ac demum ejusdem beneficio rursus sanitati fuit restitutus.

4. Viscum quercinum, ut & coryli nec non pyri arboris, item tilia & sambuci, (quæ omnia hanc mirificam virtutem habent repellendi epilepsiam, collo solum subnexa) colligitur Da decrescente inter duo Mariæ festa, hoc est à die 15. Aug. usque ad 8. Sept. Volunt autem illud, quod terram non attigerit, nobiliorque habetur illa pars, quæ quercui propior resecta est. Testes sunt: *Matthiol. Commentar. in lib. 3. Dioscor. Levin. Lemnius lib. 2. occult. Philosoph. 3. Lonicerus in herb. cap. de visco.* Unde & *Jodocus Harchius* de eo sic canit:

*Quod legis è quercu, morbum curare caducum  
viribus occultis, creditur esse potens.*

5. Grana pæoniæ colligenda quoque sunt in plenilunio, suspenduntur & à nostris mulierculis, de collo & circa manus, pro arcenda epilepsia; (Sunt qui & loco illorum sibi pisum *Americanum coccineum*, alias abrus, eligunt;) quæ & teste *Camerario* cum aliis authorib<sup>9</sup> perhibent utiliter adhiberi, in dentitionibus, febribus & spasms puerorum; Perelegantia sunt, rotunda & nigra macula insignita, quæ corallia planè æmulantur, non modò corallinos globulos, nativi coloris elegantia provocant, sed etiam vincunt. Inde & propter elegantiam & duritiem è collo & brachiis gestantur. Quod nonnullas virgines nobiles interjectis parvis unionibus facere, observatur. Hispani pharmacopola iis loco granorum hordei ad pondera utuntur.

6. Ungula alcis & apud multos in magna est existimatione, insigni enim pollet adversus epilepsiam facultate, hysterica item passioni



sioni & cordis affectibus opitulatur; sed non omnes ungulas hanc virtutem possidere scribunt, sed pro ætate, sexu, tempore, & ipsius jam unguis ratione, plurimum variare. Fœminæ ungulam hac facultate nequaquam pollere, verum maris solum, nec pulli, sed adulti, idque eo tempore, quo in venerem ferri incipit hoc animal, nempe inter festum Assumptionis Mariæ & Nativitatis ejusdem, majorem virtutem & ungulis posterioribus quam anterioribus adscribunt, & horum quidam pedi dextro, alii sinistro: alii omnes hac vi pollere, non sine ratione asserunt: sunt & qui velint, has ungulas ab animali adhuc vivente dicto tempore præscindendas esse. Ut quis ab his morbis hujus unguis beneficio præservetur, annulum ex eo confectum in annulari sinistrae manus aut particulam collo suspensam gestet, ut cordis regionem tangat. Testes sunt *Andr. Baccius de alce*, *Schenckius Obs. med. l. i.* *Joh. Agricola lib. 2. med. herbar.* *Gesner. lib. de quadruped. cap. de Alce.* *Apollonius Menabenus. Aldrovandus de quadruped. Pedemont. in lib. de secret.* *Severinus Gœbelius de Alce.* *Petrus Monavius, & Joh. Daniel Mylius lib. antid. c. 6. Unzerus de epilepsia lib. 2. & plurimi alii.*

7. Cranium humanum. Cranium hîc eligitur hominis suspensi, solis & lunæ radiis expositi, & non humati: *Crollius* vult, ut pars anterior & non posterior, & fœminæ fœminum, ac maris masculum accommodetur, imprimis ossiculum illud triangulare & triquetrum, quod in nonnullis (alii in epilepticis, alii in strangulatis) tantum reperiri asserunt.

8. Corallium rubrum. Quod corallium rubrum, ad collum portatum, ex occulta quadam proprietate multis abundet virtutibus, quod & præsidium sit, ad præservationem ab epilepsiâ, testatur *Hugo Senensis in tract. de epilepsia.* *Sylvius in sua Practica.* *Nicol. Piso de med. morb. Anton. Mizaldus in cent. ex Arnolde Villanov. & Claudius Deodatus, Panth. Hygiast. lib. 1. p. 116.* qui ita scribit: Corallium à sano gestatum homine elegantius multò rubet, & si jam à morituro, aut periculose laboranti gestetur, pallescit, livescit, variisque maculis fœdatur. Corallium est celebre amuletum, contra manes, dæmoniacas illusiones, insomnia falsa, terriculamenta, fascinationes, incubos, incantationes, venena, epilepsiam, fulgura, fulmina, marinasque tempestates, & quævis pericula. Pisis in Italiâ, frutex elegans corallii cranio humano innatum, conspicitur, qui præ aliis epilepsiæ remedium esse potest, modo tales frequentius invenirentur.



9. Vitriolum, ad poma epileptica componenda, eligitur hic sapphirinum, quod ☉ in ☿ existente, tempore non pluvioso, sed sereno, frustulatim, radiis solis, horis 360. exponitur, donec albescat. Vitriolum ita concinnatum, est ille pulvis sympatheticus, de quo *Papinius in dissert. Digbaeus*, & alii. Cum hoc ☉lo Cyprio sapphirino adhuc crudo, experiri aliqui volunt, an æger ex morbo aliquo periculoso evasurus sit, si nempe guttula una atque altera sanguinis infirmi, ex basilica prius extracti, (sive è naribus per se stillantis) super hunc lapidem instilletur, mutatio illius coloris, salutarera sive lethalem monstrabit eventum. Ex relatione Illustr. & Excell. Principis & Domini, Dn. *Lubomirsky*, Marefchalli Curia.

10. Smaragdum, vel è collo pendulum vel annulo gestatum, amuletum esse generosum, prodesse & comitiali morbo, omnes, qui ejus mentionem fecerunt, affirmant. *Cl. Ol. Wormius in museo c. 18.* ejus vires extendit. Contra epilepsiam puerorum collo suspensus, aut digito gestatus, eam impedit, ita ut aut morbum tollat, aut frangatur. Coxæ mulieris alligatus partum accelerat, ventri appositus eum retinet, ori inditus hæmorrhagiam sistit, & plures aliæ adhuc vires smaragdo à dicto Authore attribuuntur. Pro nostra compositione pomorum epileptic. loco illius Orientalis, substituitur & Europæus, qui in Cypro, Britannia, aliisque locis invenitur.

11. Succinum, ultimum hic ingrediens, ad conficienda poma epileptica est succinum seu chrysolectrum, cujus genera, etsi plurima numerantur, attamen non nisi duo officinis in usum veniunt, album scil. & flavum seu citrinum. Ex succino albo in Borussia conficiuntur pentacula, cordis formam habentia; item sphærulæ & monilia circa collum & brachia, contra capitis frigidos affectus, & catarrhos, ubi præpediunt, ne destillationes in guttur ferantur; inprimis verò defendit ab epilepsia & peste collo ejus frustum periapti vice appensum, prius tamen septem planetariis pulsibus confectum, de quibus *Helmontius de magn. vuln. curat. mihi fol. 480.* Globuli ex succino, & ad oculorum defluxiones, miro successu auxiliari dicuntur, annexi occipitio. Pila (inquit *Sennertus in med. pract. lib. 1. part. 1. cap. 2.*) è succino, si manibus gestetur & versetur, & incalescat, ac subinde naribus admoveatur, sine offensione excrementitios humores in capite absument, idque roborat. Ex succino albo crassiusculè pulverisato, sacculus interpassatus, & essentia piperis longi, cum spir. vin. extractâ, madefactus ca-



lidè applicatus futuræ coronali, est specificum in doloribus capitis frigidis, quales sæpè vexare solent mulierculas. Authores sunt *Hartman. in pract. chym. de dolore capitis*, & *Clar. Joh. Ferd. Hertod. à T. in suo aureo libello, tartaromastix Moraviæ intitulato, part. 1. p. 37.*

### Corallia rubra factitia contra epilepsiam.

**Q**uoniam amuletorum hîc fit mentio, non abs re erit inserere unam & alteram coralliorum fictorum descriptionem, diversisque coloribus, quorum usus non solum ornandi causa est sed & in eundem finem, nempe contra morbum comitiales, aliosq; morbos capitis, instituitur. Ideo

*Rx. rasura cranii humani, violenta morte interempti etiam per reteratam impastationem, cum ☿ Oli volat. q. sin pulverem subtilissimum redacta,*

*fragmentor. coralliorum rub. cum succo arboris tiliæ seu pæoniæ subtil. præparatorum ā. ℥j.*

*rad. pæoniæ constellata, visci quern. pulveris. ā. ℥iij.*

*succini utriusque pulv. ℥iss. lap. carphon. semilunar. supra eorum oculos reperibilia, quando haberi possunt*

*cinnabris antimonii & nativi ā. q. s. ad inducendum colorem nativum.*

Omnia ac singula prius separatim pulverisata, & postea probè commixta cum albumine ovorum, vel mucilagine tragacanthæ (per succ. tiliæ facta) q. s. redigantur in massam rubicundissimam, ex qua postea, coralliorum formâ, globuli, vel tabulæ perforatæ formantur, qui tandem benè exsiccati & politi, filo (ex nervis pedis sinistri alcis) connectuntur, & collo appenduntur: possunt & in servire pro brachialibus, aut coronis precariis, vel pro pomis lusoriis, manibus ante paroxysmum tractandis.

Ex eâdem massâ & amuleta fingi possunt, cordis formâ. Sunt &, qui solum ex puris coralliorum fragmentis (prius in subtilissimum alcohol redactis) cum albumine ovorum, & cinnabrio ℥ii seu nativô, q. s. ad naturæ æmulationem, globulos efformant.

Coralliorum imitationis modum docent *Joh. Bapt. Porta. Anshelm. Boëtius de Boot. lib. 2. de lap. & gemm. c. 115.* Item *R. P. Ahan. Kircher. in mundo subterraneo lib. 12. part. 3. & præ aliis satis curiosè Cl. Joh. Ludov. Gans, Med. Franc. in histor. Coralliorum, c. 10.*



Et nobis adhuc restant modi varii ad imitanda illa arbuscula coralli rubri, nempe ad externam formam & colorem, & ita accurati, ut à veris & naturalibus vix discerni possint, quorum descriptio in alio loco suo tempore communicabitur.

**Corallia contra epilepsiam nigri coloris.**

Rx. *ungularum alcis in subtiliss. scobem redact. lb. ij.*  
*lixivii cinerum fraxini, per aquam tilie seu paonie fact. q. f.*  
 Mixta stent in digestionem per 14. dies, postea coquantur tam diu, donec materia liquecant & in pultis crassioris formam abeant. Separato pulmento adde,

*cranii alcis & cornu alcis in olla nova & clausa ad nigredinem, vel tam diu, donec pulverisari possint, tostorum ā. lbj.*

vel, quod melius erit, cranium & cornu alcis, limā in subtilissimam scobem redacta, in mortario lapideo, cum *aq. paonie seu tilie q. f.* in massam satis crassam impastata, super chartam deinceps claudendam extenta, iterum exsiccentur, & pulverisentur; labore eo bis vel ter repetito, donec in subtilissimum pulverem redigi queant; quibus adhuc adjicitur

*gum. ladani,*  
*benzoin. ā. ʒiʒ*  
*anime,*  
*storacis ā. ʒʒ.*

} Pro foemi-  
 nis loco ho-  
 rum admi-  
 sceantur

*gum. anime,*  
*galbani,*  
*myrrh. rub.*  
*succini ā. ʒj.*

*mosch. & ambr. ad pl. ]*

*[ castorei & camph. ad pl.*

& cum *mucilagine tragacantha*, per *aquam paonie* vel *tilie* factā fiat massa tenax, ex qua figurentur corallia, quæ benè exsiccata adhuc torno adhibito, poliri possunt. Globuli tandem perforati, filo trajecto, (ex nervis alcis, sinistri pedis scil.) collo & brachiis, loco coralliorum & margaritarum naturalium, inservire possunt. Ex massa formentur & in typo argenteo amuleta cordis formā, collo appendenda; vel poma magna, circa paroxysmum manibus tenenda, prout curiosis placebit. Tempus efformandi globulos instituitur ☉ existente in ♋, ♎ verò decrescente. Non solum epilepticis, sed & lunaticis inserviunt.

**Amuletum cœlestinum,**

**contra vertiginem, melancholiam & ipsam epilepsiam.**

Rx. *cornu alcis raspat. & in subtil. pulv. redacti,*  
*cranii humani raspat. & in pulv. subtil. præp. (per reiteratam*  
*impastat. scil. cum aqua n. epileptica) ā. lbʒʒ.* *stercoris*



*stercoris pavonis, succini albi subtil. pulveris.  
lapidis lazuli, armeni, ā. subtil. præp. q. s. ad inducendum  
colorem cœlestinum.*

**F.** cum gum. tragacanthæ (per aquam pæoniæ prius dissoluto) q. s. pasta, unde formentur placentulæ rotundæ, vel cordis formæ, vel corallia perforata, quæ in umbra prius bene exsiccata à tornario poliri possunt, ac monilium & armillarum loco gestari debent. Vel ipsa pasta includatur capsulæ argenteæ perforatæ vel zendalo rubro, & suspendatur, ut jam dictum, de collo ad regionem cordis, ut stomachum tamen contingat. Virtutes horum titulus indicat.

## CORCULUM BENEDICTUM CNOEFFELIANUM.

**S**Æpè à nobis præmemoratus p. m. Dn. D. *Andreas Cnœffelius*, Archiat. quondam SS. RR. MMaj. Joannis Casimiri & Uladislai IV. Regum Polon. & Svec. aliam adhuc extraordinariam possidebat medicinam, lapidem nempe factitium, in forma cordis efformatum, hunc pro corculo suo benedicto habebat, (sic ei indiderat nomen) illud in capsula aurea perforata, formaque cordis elaborata, semper collo appensum secum portabat, rem pro magno & glorioso arcano, & thesauro singulari habens.

*Usus* hujus corculi benedicti erat in epilepsia, mania, delirio aliisque morbis capitis; item pectoris aliarumque partium; maximè in morbis acutis, malignis inquietudinibus, & in illis morbis, ubi aliquando tot symptomata, ac symptomata symptomatum fuerunt, ut vix morbus ipse dignosci potuerit.

Modum verò sequentem, *Cl. Dn. D. Cnœffelius* in administratione illius servavit. Hoc corculum perforatum, seu capsulam auream, multis foraminulis elaboratam, cum incluso lapide, immisit in liquorem aliquem, scil. destillatam aquam, decoctum hordei, vel aliquando etiam in simplicem aquam fontanam, ordinariè verò eligebat sibi emulsionem aliquam ex seminibus idoneis, vel amygdalis seu aliis nucleis, & similibus rebus extractam, quando eam habere potuit: Ibidem reliquit spatium, quo oratio Dominica recitari posset præter propter, pro constitutione morbi, & symptomatum, nonnunquam iteratis vicibus ter vel quater; liquorem itaque sic medicinâ infectum, infirmis suis postea (ut ego ipse sæpius observavi,) maximè delirantibus,

in



in febribus acutis, etiam foeminis hysteri-  
cibus, pro compescendo  
utero propinavit, vidi & hoc, quod sumto isto potu, paulo post infir-  
mi quiescere & ad somnum inclinare soliti sint, expergefatti, se melius  
habuerint, & *Dominus Cnöffelius* sic medicamenta sua specifica, sibi-  
que familiaria & morbo resistentia adhibendi opportunitatem obtinuerit.

FORMA CAPSULAE AUREAE PERFORATAE  
sive  
CORCULI BENEDICTI CNOEFFELIANI.



Capsulam verò auream seu corculum benedictum, cui hic lapis inclu-  
sus occultabatur, post dictam infusionem strophio abstergebat, id in-  
terdum propria lingua lingens, antequam è collo regioni cordis, i te-  
rum appenderet. Observavi etiam ipsum illam infusionem seu potum  
non facile administrasse, nisi in summa necessitate.

Tandem ex quibus *corculum hoc benedictum Cnöffelianum* fuerit  
compositum, ne videar invidus, libenter exponam. Dico itaque com-  
positionem hujus lapidis in nullo recedere a *lapide Butleriano*, seu  
*Drief Helmontii*, & illum eandem cum hoc medicinam fuisse, cujus  
explicationem & descriptionem *Dn. D. Cnöffelius* (in reditu suo ex Gal-  
lia



lia per Belgium) ab ipso met *Da. Helmontio* accepit, ex libro manu scripto ejus, per me excerpto, quæ talis erat :

℞. *Œis philosophici* ʒiiijss. *Sulphuris philosophici* ʒj. *usnea*  
*cranii humani* ḡ. iij.

Misc. ad mentem *Helmontii* tali pacto: Sali marino fuso, à fece extracto, ante omnimodam condensationem commisceatur subtripulum *entis veneris*; tigillum cooperiatur; dum autem refrixerint, contundatur in pulverem, cui adjungenda usnea; pulverem commixtum tandem, cum *ichthyocollâ* in trochiscos super lapidem compingi oportet, sic compos eris tui desiderii.

Hic vero notandum, pulverem prius cum grano uno atque altero medullæ panis filiginei recentis & mollioris impastandum, postea cum *ichthyocolla* imbuendum & miscendum, sic tandem desideratum lapidem efformandum, quem exsiccare tandem oportet inclusum charta, in loco umbroso & temperato.

Alioquin absque pane negotium non benè succedit, quod *compendium Helmontius* silendo transivit.

Paratur & *Brief Helmontii* modò in Germania à multis curiosis doctisque viris, an verò promissis hoc remedium respondeat viribus, mihi adhuc experiri non licuit.

Quæritur & hic, *ens veneris Helmontii* quid sit? & quomodo ita dicatur? quomodo præparetur? quo fine? quos usus præstet? quid habeat? Hic solum aliquid de ejus usu & virtute; qui plura desiderat, inspicat *Helmontii tract. de lithiasi*, & quidem integrum caput octavum, ubi fusius materiam hanc tractat. Hujus fixati, quod *Helmontius* pag. 347. [*in quarto edit. noviss.*] commendat, fit & mentio à *Joh. Pharam. Rhumelio*, in *Antidotario suo chym.* p. 151. sed non satis sequestrati. *Clariss. Dominus D. Andr. Cnæffelius* in præparatione atque sublimatione illius sequentem hanc observabat proportionem & modum:

℞. vitrioli scil. phil prius calcinati, p. ij. *Œ* \*ci part. j.

Terantur primò singula, post misceantur exactè & chimico more sublimentur; labor iterum iterumque repetendus, scil. quater vel quinques; semper admixto proprio capite mortuo, ubi in singula elevatione copia florum minuitur. Vide plura superius in præparatione medicamentorum sedativorum, ubi explanatius & dilucidius sulphuris philosophici fit mentio.



*Sal marinum philosophicum* est sal illud, ex capite mortuo salis marini, post destillationem spir. extract.

De usnea cranii hominis videatur citatus *Helmontius de vulnerumuratione* §. 41 usque ad §. 62.

## TITULUS VIII.

## OPHTHALMICA.

Vinum medicatum polychrestum,  
primario quidem & principaliter directum ad vitia oculorum, sive ad visus obscuritatem ex humoribus frigidis causatam :  
secundario autem ad oppilationes venarum & omnis generis venena,

S. R. Maj. SIGISMUNDI III. Pol. & Suec. Regis.

℞ herb. & flor. euphrasiae m. x. roris marini m. v.

betonicae m. iv. botryos, salvia ā. m. iij.

chelidonii, verbenae maris m. iij. cardui benedicti m. ij.

flor. calendulae m. j. stachad. Arab. sem. fœnic. sileris montan. ā m. ij.

cort. citri m. iv. ligni sassafras concisi ℥x.

rad. zedoariae ℥j. diptami albi, ireos flor. ā. ℥ij. cardamomi ℥j.

Conscindantur herbæ paululum exsiccatæ, demptis stipitibus, & cum reliquis ingredientibus crassiusculè contusis misceantur, & in tres partes æquales divisæ, sacculisque oblongis immissæ, ac in vini Rhenani recentis, seu musti vasculo, quod Amam vocant, immergantur, macerenturque per tres vel quatuor septimanas, ut hoc pacto vinum illud cum herbis effervescat, & vis illarum extrahatur, cumque vini substantiâ uniatur. Postea sacculi extrahantur è vase, ut feces ad fundum resideant, & vinum clarescat, atque ad usum accommodari possit.

NOTES & VIRES. VINUM HOC MEDICATUM licet propter sua ingredientia præstantissima variis polleat viribus, tum ob herbas ophthalmicas, præcipuè euphrasiam, quæ basis hujus compositionis est, valet mirificè ad omnes affectiones oculorum, & frigidâ & humidâ causâ ortas; utpote ad incipientes cataractas seu suffusiones, lipitudines, aliasque visus debilitates, tam avertendas, quam profligandas, eò quod cerebrum debile roborat, & defluxiones ejus frigidas exsiccat; imagines, culices, muscas, aliæque corpuscula oculis obversan-



tia dispellit, oculosque caligantes emendat, spiritus visivos reficit, roborat & auget.

Secundario autem propter alia ingredientia cephalica, stomachica, hepatica, cordialia & alexiterica compositioni huic inserta, hepatis oppilationes aperit, icteritiam sanat pectoris & pulmonum vitiis succurrit, asthmati & orthopnoeae medetur; paralyfin, epilepsiam, vertiginem, colicam, & alios morbos ex frigida causa exortos extirpat: uteri superfluitates ac intemperiem frigidam & humidam tollit. Venenis ac praecipue lui pestiferæ præstantissimum est remedium, tam præservativum, quam curativum.

Quod si autem vinum illud medicatum ad solam visivam potentiam roborandam, & organa ejus conservanda, dirigi debeat, tunc sequens compositio seu recepta accipiatur, quæ ut simplicior, ita etiam gravior erit palato:

Rx. fol. & flor. euphrasie. betonicae, chelidonii ā. m. ij.  
 roris marini, salvia ā m. iij. sem. fœniculi ℥iv. siler. mont. ℥j.  
 ligni sassafras concisi ℥iij.

Incidantur herbæ remotis stipitibus, & misceantur, sacculoque oblongo, ex tela munda, aut sindone alba immittantur, & sic musso seu vino recenti Rhenano immersæ, macerentur per tres aut quatuor septimanas, ut vis herbarum eo melius extrahatur, & cum substantia vini uniatur.

Hanc descriptionem, S. R. Maj. VLADISLAUS IV. ad examinandam, Collegio suo Medico obtulit, quam adhuc a Parente suo p. m. Ser. Pol. & Suec. Rege, SIGISMUNDO III. recommendatam habuit.

### Aqua ophthalmica D. D. C.

Rx. aq. still. spermatis ranarum ℥xvj. phlegmatis Oli ℥viiij.  
 spermatis ceti ℥ij. essent. rosarum gutt. aliquot.

Ræ cosmet. myrrhisat. pro pauca lactescentia q. s. misceantur.

Hanc compositionem in duplo Cl. Dn. D. Cnöffelius Anno 1656. d. 29. Julii sibi præparavit, pro futurâ ægrorum & sufficiente provisione.

VIREs sunt in amblyopia, amaurosi & suffusione.

### Aqua ophthalmica alia D. D. C.

qua curatus fui Dn. Præcopius, Theol. in xenodochio ap. S. Elisabetham Dantisci, & Thomas Sarabanda, obocœcatus è cataracta.

Rx. mucag.



Rx. *mucag. aquat. ℞ l. per XX. ℥iij. cruda. translai.*  
*phlegmatis Oli ā. ℥ij. aq. nivis seu glaciei mens. Mart. collecta ℥iij.*  
 quibus adde, ad singulam liquoris ℥ss. *spermatis ceti* ℥j.

Misceantur probè, stent in loco temperato per aliquot dies, postea filtrentur per linteum purum. Patiens de hac mixtura instillet decies, seu vigesies, pluribus & paucioribus pro commoditate vicibus, in dorso decumbens, usque ad meliorationem & totalem recuperationem visus.

### Collyrium Cl. Dn. D. Joan. Felveri.

Rec. *phlegmatis Oli & aluminis ā. p. æqual. scil. ℥iij.*  
*croci metallorum, sacchari Hni ā. ℥iij.*  
*tutia preparata quàm subtilissimè* ℥j.

Stent per mensem in digestionem, postea filtrentur; cum extremitate subtilis penicilli, hanc mixturam imbuti, oculus subtiliter abstergetur, vel ad canthum una & altera guttula instilletur.

### Aqua ocularis externa.

Rx. *succi ex amput. palmitibus vitis, spermatis ranar. reservati ā. ℥iij.*  
*phlegmatis Oli ℥ij. Quibus immergantur suo tempore*  
*flor. calendula, cyani, cichor. rosar.*  
*herb. chelidonia, euphrasie, fœniculi ā. q. s.* Stent per dies aliquot in digestionem, post adhuc adde *cancrorum contusor. n. vij.*  
*hepata mustela piscis,* prius in clibano in liquorem reducta n. xxx. Mixta destillentur in B. vaporoso ad siccitatem ferme totalem florum & herbarum. Liqueor stillatus servetur in vitro bene clauso.

Magnarum virtutum est, ad omnem visus infirmitatem, inflammationes & oculorum ruborem nempe auferit, sordes detergit, lachrymas exsiccat, ulcera sanat, suffusionem & cataractam curat & impedit, insuper ad claritatem oculis augendam & robur tunicis conciliandum, est aqua efficacissima.

### Errhinum Cnöffelianum, in suffusione oculorum.

Rx. *flor. lilior. convall. in alcool redact. ℥ij. rad. ireos flor. ℥j.*  
*cœnotomi nostr. pro conditione morbi q. s.*  
*essent. ros. seu ol. Rhod. gtt. iij.*

Misceatur in mortario lapideo & F. pulv. subtilissimus, in scatula munda seu pyxidula asservandus.



# TITULUS IX. O T I C A.

## In surditate symptomatice.

I.

**C**larissimus Dominus D. Gablowski, Ser. pie defuncti Episcopi, Caroli Ferdinandi, Princ. Pol. & Suec. Medicus ordinarius, in symptomatice surditate, cum dolore Sac. Reg. Maj. Anno 1648, mense Januario, auri sinistra superveniente, commendabat colocythidis pomum, cum calefacto oleo, amygdalarum amararum bene im-  
pregnatum, post fortissime expressum. De expresso hoc oleo colocy-  
thinato cum bombace excepto, ponatur in aurem bis vel ter indies.

2. Ex consilio autem D. D. Cnöffelii observavi, auditum S. Reg. Maj. brevi post restitutum fuisse, & Pri. assafrato, leviter tepesfacto, & bom-  
bace excepto, atque in aurem posito, suppositis statim linteaminibus  
probe calefactis ad extra per dimidiam horam.

3. Anno 1649, rediit dolor, cum surditate, strepitu & fluxu excre-  
mentoso, ubi Cl. Cnöffelius denuo præscriptum remedium repetiit, sed  
absque levamine, in de & balsamum hoc adhibuit, quod

Rx. Mus. Pri. rectificatiss. & assafrati,   
elixir. propriet. sine. & Pri. a. 3ß. ol. hypericonis. succini a. 3ß.  
simili dicto modo fuit adhibitum, & S. R. Majestas ex reiterato usu per  
tres dies iterum convaleuit.

4. Juvenis studiosus à septennio aure dextra difficulter, & ali-  
quando vix audivit. Cura ejus sic fuit instituta. Primo purgatus fuit pi-  
lulis anethinis, post scarrificationes factæ sunt circa scapulas & cucurbi-  
tula admota. Postea usus est hoc topico, quod

Rx. formicarum, Pri. rectif. assafrati a. 3ß.   
extr. castorei 3j. ol. succini, seu spiritus gtt. x. M.  
Mixturem cum bombace exceptam intrudat in aurem, & illibi per di-  
em & noctem servet, applicato semper pressius linteamine intense cale-  
facto, pro imposita medicina in actum transpirationis intimioris pro-  
movenda.

## Arcanum in surditate

Clarissimo Dn. D. Luberto Erbenio à quodam mercatore Gedā-  
nensi communicatum, huc annectere etiam placuit.

Rx. rapha



Rx. raphanum unum vel plures pro pl. Præscinde capitulum vel taleolum, excavato infunde aq. majoran. quantum capiet, taleolo-  
que præciso, iterum tege foramen superius ipsius raphani, defodendo  
illum intra terram, per dies tres vel plures, exempto raphano, aq. ma-  
joran. tot diebus detenta, effundatur & servetur pro usu. Hujus nempe  
liquoris cochlear indies bis, mane scil. & vespere, vel sæpius immittatur  
in aures.

## TITULUS X. ODONTALGICA.

Pulvis ad dentifricia moschatus

Sereniss. CÆCILIAE RENATAE, p. m. Reginae Polon.

Rx. coriza finiss. ℥iij. pumicis calc. & aliquoties in lacte extincti,  
coralliorum rub. tritorum, lapid. silicum calcinat.  
& m. m. in pulv. redact. ā℥j.  
rad. ireos pulv. ℥j. ℥ij. aluminis usti, salis comm. ā. ℥j.  
mosch. ambr. ā. ḡ. vj. ol. rosar. ver. stil. gutt. iij. sol. auri n. 4.  
Fiat omnium pulvis, non admodum subtilis. Mucosos dentes à for-  
dibus purgat, & omnem tartarum corrosivum abstergit, dentes quo-  
que dealbat, & vacillantes firmos reddit.

Pulv. ad dentifricia alius Ser. Reginae.

Ex ord. Dn. D. Teuberi, Medici Ord. Ser. Reginae.

Rx. lap. pumicis pulv. ℥℥. corall. rub. & alb. ā. ℥iij.  
aluminis ℥ij. rad. ireos flor. ℥j.

Fiat pulvis non admodum subtilis. Cui adde  
ambræ & moschi or. ā. ḡ. v. ol. rosar. stil. ver. ex floribus gutt. iij.  
Misceantur probè pulvis in scatula munda servetur ad usum. Ad den-  
tes purgandos & dealbandos remedium excellens est. Cujus quoti-  
dianus usus adhuc in Polonia apud multas matronas observatur.

Not. Ex pulvere præscripto, cum mucilagine tragacanthæ (per  
aq. salv. factâ) fit massa tenacissimæ consistentiæ, ex qua formantur  
styli dentifricii in umbra lente exsiccandi. Omnem nigredinem & co-  
lorem vitiosum abstergunt, & dentes de novo albos & politos reddunt,  
& quotidie his fricentur.



**Tinctura perbella Ser. Reginae CÆCILIAE**

ad gingivas tumentes &amp; sanguinolentas.

Rec. *aq. fol. salvia, quercin. ā. ℥vj. phlegmat. Oli, Onis ā. ℥iij.*  
*gummi lacc. (in bacillis) pulver. ℥vj. aluminis ℥i℥.*

Mixta stent in digestionem per diem & noctem, postea filtrentur per chartam. Tinctura rubini instar fervetur usui. VIRES titulus indicat.

**Tinctura odontalgica D. D. C.**

Rec. *rad. pyrethri, lign. sassafras a. ℥ij.*

*sem. hyoscyami, caryophyll. masse pil. de tribus a. ℥j.*

Incisa & contusa infundantur, in *sp. n. sedativo simpl. ℥vj.*

Stent per dies tres in digestionem vel diutius, filtratae Ræ adde

*extracti sedativi liquidi citrati, seu tinct. granorum quietis ad plac.*

Dentibus dolentibus summopere medetur, si dimidium cochlear huius Ræ in ore per dimidium quadrantem horæ continetur, postea iterum expuatur, & , si opus est, secunda & tertia vice usus reiteretur. Idem præstat & seq.

**Balsamum odontalgicum.**

Rec. *ol. stil. caryophyllor. camphor. buxi a. ℥j.*

*nuc. mosch. express. q. s. pro consistentia balsami,*

*adde extr. opii ℥i℥. fuliginis splendentis q. s. pro tingendo in nigredinem.*

Fiat balsamum. Omnem dolorem dentium (glossypio exceptum & cavernis impositum) ex quacunque causa ortum, tollit.

**Balsamum aliud odontalgicum.**

Rec. *ol. caryophyllor. ℥ij. in quo dissolve camphor. ḡ. xxiv.*

*adde ol. nucis moschat. express. q. s. pro consistentia, tandem admiscantur extr. granor. quietis ḡ. xv. fuliginis splendentis q. s. pro tingendo.*

M. F. Balsamum. Odontalgiam subito aufert, quod ipse sæpius expertus.

**Balsamum puerorum dentientium.**

Rec. *butyri majalis non saliti ℥iv. pinguedinis gallin. anatis a. ℥℥.*

*succi expressi cancrorum fluviatil. sedi majoris a. ℥iij.*

Coquantur in diplomate ad consumptionem humiditatis, in fine adde *sanguinis extracti ex cristis galli ℥v. & post unam & alteram reiteratam ebullitionem exprimantur, ubi adhuc admiscere poteris*

*sacchar*



*sacchari cani* q. s. pro dulcedine. M. F. linimentum pro gingivis infantium.

Massularum aliquot genera in odontalgia.

1.

Rx. *opii correcti, fuliginis splendentis* ā. ℥j.  
*sem. hyoscyami, camphor.* ā. ℥ss.

cum *ol. nuc. moschat. expressi* q. s. Fiat massa pro dentibus dolentibus.

2.

Vel Rx. *gum. tacamahaca, laudani opiat* ā. ḡ. iij.

*camphor.* ḡ. ij. cum *ol. caryophyllor.* q. s. Fiat massula.

3.

Item Rx. *Œli usti* ℥j. *opii correct.* ℥ij. *cort. mandrag. oleum philosophor.* ā. ℥ss.  
*mass. pil. Ruffi* q. s. pro consistentia. Fiat massa.

4.

Rx. *extr. granor. quietis* ℥j.  $\Delta$  *Œli anod.* ℥ss.  
*camphor.* ḡ. vj. (in *ol. caryophyll.* q. s. dissol.)  
*oleum nuc. mosch.* ℥ss. *pulv. caryophyll.* q. s. M.

F. Massa duriuscula, cavernis dentium imponenda.

*Granum piperis* in spir. vin. maceratum & accensum, subito dolores dentium sistit, si cavernis imponitur.

Linimentum ad gingivas tumentes & putridas

Cl. Dn. D. Andr. Cnöffelii.

Rx. *sang. draconis myrrh. masticis* ā. ℥iss.  
*croc* ℥is, *aluminis* ā. ℥j. *mellis rosati* q. s.

M. F. linimentum pro dentibus vacillantibus. Adde  
*ol. jasmini guttas aliquot.*

TITULUS XI.  
PECTORALIA.

Medicamentum antihecticum

Clariss. Dn. D. Andr. Cnöffelii Archiatri Regii.

Rec. *sulphuris citrini opt. pulv. ol. lini recent.* ā. ℥iij.

Mixta coquantur in vase magno & amplo cupreo, super ignem quidem lenissimum, spatula lignea, subinde agitando donec iuspiffescere incipiant, tunc removeatur ahenum ab igne, & impone vasi grandisculo.



diusculo, aqua frigida impleto, tum materia ascendet, & condensabitur instar hepatis, tota spongiosa, quam prius refrigeratam, & exemptam in tabula lignea, conscinde in frustula minima; & indatur retortæ Waldenburgicæ fortissimæ, lutoque benè munitæ. Post imponatur illa furno reverberii & adaptato recipiente, iustoque observato ignis regimine, instituaturn destillatio. Primo exhibit, per 5. horas Phlegma, postea liquor lacteus, qui etiam ad 6. vel 7. horas continuabit; Quo tempore per 15. horas, cautè procedendum erit, & igne quidem discretissimo, (si recipientem conservare nec in cassum laborare velis, quod amice te moneo) donec nubeculæ albæ progredi incipiant, ubi ignem jam, adjecis aliquibus carbonibus, gradatim augere potes, & exhibit oleum rubicundissimum, in quo gradu ignis tunc temporis calor continuo conservandus est, usque ad totalem humiditatis radicalis expulsionem, & quousque nebulae egredientes non amplius conspiciuntur, ubi extrema tandem ignis violentia continuetur, ut retorta candeat, sic adhuc prodibit oleum crassum, instar butyri, in minima tamen quantitate.

*In hac ultima destillatione videbis (maximè noctu) fornacem totam, cærulei coloris, tanquam tota sulphure accenso arderet, itaque domus implebitur odore sulphureo, & omnia ferme fasa metalla, maximè argentea & cuprea, & omnia ferra inde in tota domo inficientur, diversisque coloribus atque erugine imbuentur, adeo subtilis est iste spiritus, ut omnia vasa & parietes fornacum, etiam munitissima penetrare soleat. Quo viso, ignis amoveatur, ut omnia refrigerant.*

Absolutâ destillatione, liquor lacteus separetur ab oleo, quod in durissimam & spissam materiam sese coagulare solet, quæ tamen facile super ignem iterum liquefcit; Hujus

*ol. coagulati accipiat p. ij. colcotharis & li p. ij.*

& supra ignem in patella magna, spatula lignea probè misceantur; Quæ materia copulata, & refrigerata atque in frustula parva prius confRACTA denuo ex arena, per retortam vitream, destillanda est, ac iterum, spatio 24. horarum exhibit phlegma cum oleo, tandem & igne ad aucto & compresso, cum spiritibus oleum simul crassum, instar gelatinæ, quod totum expellendum & à phlegmate iterum separandum est.

Tandem accipe,

*olei hujus à phlegmate separati (e.g.) ℥iv. anisi ℥ij.*

Mixta in phiala, hermeticè clausa stent per mensem, in lenissima & philosophica digestionem, & tamdiu, donec optimè uniantur. Sic habebis



bebis Kam veram hecticam rubini instar, quæ ad curandam phthisin, & ad omnes morbos pulmonum & pectoris, summum est arcanum, quale melius in mundo inveniri vix potest, pro quo

Nomen DOMINI in æternum sit benedictum.

*Not.* In peste tam præservationis, quam curationis causa est medicamentum Divinum. Simul antepilepticum & antilunaticum, & quod jecori & pulmonibus prodesse possit, ipsa signatura hujus balsami ostendit. Dosis à gt. iij. ad vij. & ʒss. in vehiculis adpropriatis.

*NB.* Melius succedit labor, si aliquid salis Fri sulphuri crudo permisceatur, & post, dicto modo, cum oleo lini coquatur.

Meminit & hujus medicamenti oleosi Cl. D. Job. Agricola in suo de sulphure tract. p. 397. & Job. Poppius in Hodegetico. Qui tincturam sulphuris in salutem corporis humani efficacem vocat, quæ totum corpus, ut antimonium aurum, mundare, splendores gemmarum (ex sua experientia turcoidem) flaccescentes erigere, & exaltare scribit. Et Placelsus similia recitat; sed quomodo languentibus pretiosis gemmis medicinam adhibere, emortuumque vigorem & splendorem restituere valeat (inquit Cl. Rolfiacius dissertatione chim. de sulphure c. 17.) non liquet. Clariss. Agricola se multa effecisse ait cum oleo rubro in colica, calculo, paralyti & contractura membrorum, item in expellendis lumbricis, & ulceribus antiquis foetidis. Hoc quidem certum est, quod liquor lacteus, in prima destillatione superius ab oleo separatus, & interim aservatus, (qui alias interne nullum usum habet) singulare est remedium externum, in scabie, psora, lepra & alopecia leprosa. Convenit & virginibus in facie pustulosis, & illis qui morphea, gutta rosacea & hydrophobia laborant, per se, vel cum aliis admixtis liquoribus adhibitus.

### Pilulæ ad defluxiones nocturnas.

Rec. succi glycyrrh. inspiss. storacis calamita,

benzoes in granis, thuris albi ā. ʒj,

extr. granorum quietis ḡ. iv. enule campan. ḡ. viij.

M cum elixir proprietat. bals. q. s. formentur pilulæ, magnit. ad pl. dos. ʒj. exhib. ituro cubitum.

### Sirupus pectoralis solutivus Cl. Dn. D. Cablov vitskii

Rec. rad. glycyrrh. ʒß. polypod. ʒj. farfar. helen.

petroselin. tussilag. fœnicul. ā. ʒß.

Herb.



*herb. capill. ♀. m. j. botryos, scabios. salu. cochlear. veron. ā. m. ꝑ.  
 flor. malv. arbor. heder. terr. violar. mart. genist. a. p. ij.  
 sem. anis. fœnic. ā. ℥j. urtic. nasturt. aquat. ā. ℥ij  
 squill. præp. ℥vi. passular. major. exacinar. ℥ij.  
 dactylor. pingua. a cuticula interna purgatorum n. xx.  
 caricar. n. xxv. jujubar. sebest. ā. n. x.*

Incisa & crassiusculè contusa coquantur in *aq. hordei* lb. x. ad consumptionem tertiæ partis; In expressione adhuc calida infund. per hor. 24. *fabarum antiquarum* & grosso modo contusar. & *furfuris triticei* à *farina* benè excussi (melius *pulv. grossi rad. ireos*) ā. ℥j. F. lenta una atque altera ebullitio & colatura sine expressione; in qua infund.

*fol. senn. el. ℥v. agar. alb. sem. carth. excort. ā. ℥j.*

*fol. hyssop. ℥ss. cinam. ℥vj. mac. ℥ij. zingib. ꝑ. ā. ℥j.*

Macerentur per 2. dies continuos, in balneo tepido, deinde F. omnium levis ebullitio, colatura & expressio. Cui adde

*sacch. albi* lbiv. Clarificentur albumine ovorum, (melius ante infusionem purgantium) & coquantur igne lento ad sirupi consistentiam.

## Sirupus violarum compositus

S. R. Maj. JOHANNIS CASIMIRI

ex præscriptione Cl. Dn. D. Cnöffelii.

*Rx. aqv. pectoralis asthmat. officinae regie,  
 tusilaginis, veronica ā. ℥iv. papaveris albi ℥iij.*

Quibus aquis, ferventissimis prius factis, immergantur

*flor. violar. mart. rec. a petiolis viridib. excerpt. lbj.*

Facta maceratione per noctem, in vase stanneo coopercolato, ne quid expiret, fiat expressio, colatæ infusioni denuo immergantur

*flor. viol. mart. rec. ℥iv. ad vj. & post repetitam macerationem aliquot horarum spatio, cui antea exprimatur, tandem adde*

*sacchari albi canarii pulv. lbij.* Ac sola dissolutione sacchari, in stannea seu argentæa patina, supra aquam ferventem fiat sirupus, per linteam adhuc colandus, seu solum per purum setaceum. Sign. *sir. violarum* S. R. Maj. Tum iterum accipe

*sirup. violar. jam parati ℥ij. papaver. comp. D. D. Langii,  
 phlegmat. ꝑ. per infusionem radic. ireos correcti ā. ℥ss.  
 ess. anisi ℥iv. F. Lambitivum pro S. R. M.*



In catarrho cum tussi, dolore & inflammatione gutturis, & difficultate anhelitus, de quo Regia Majestas lambendo aliquoties in die sumpsit, sub noctem vero iturus cubitum cochlear unum, profuit & in aliis personis.

### Curatio $\phi\theta\iota\sigma\epsilon\omega\varsigma$ .

**Q**Uamvis phthisis morbus sit periculosus, & à multis incurabilis habeatur, tamen plures sanitati restitutos, per medicamenta nempe Cnöffeliana, sæpius vidi, & simili processu ipse curavi.

Primo in morbo nondum confirmato, & absque excretionem sanguinolenta, adhibuit Cl. Cnöffelius, pilulas suas balsamicas, ex aloe, myrrha & croco, cum balsamo Anisato, seu elix, propriet. helleborino efformatas; dosis erat 3ss. ante somnum. Post per octiduum, & quidem ter in die, scil. mane, à meridie & vesperi has rotulas sulphuratas: quæ

Rx. Specierum diaireos, diatrag. frig. ā. 3ij. ʒii fix. diaph. 3vj.  
 flor. Anis 3ss. sacch. albi in aq. tussilag. q. s. dissolut. 3vj.  
 oleum anisi gtt. xij. F. tabulæ ad scatulam mundam.

DOS. n 6. 7. & 8.

Vel Rx. ʒii fix. diaphor. 3ss. flor. Anis 3ss.  
 specier. diatrag. frig. diaireos, succini albi præparat. ā. 3j.  
 extr. helenii 3ss. bals. Anis anisat. 3ss.  
 sacch. in aq. fœniculi s. anisi q. l. dissol. 3iv. F. l. a. rotulæ.

Sequenti septimana, loco rotularum præscripsit

### Pulverem diakibrik chybor,

qui talis est:

Rx. rad. farfar. ireos ā. 3j. glycyrrh. 3j. enul. campan. 3ij.  
 fol. hyssopi, capill. Anis ā. 3j. sem. anisi, fœniculi ā. 3ij.  
 flor. Anis 3j. sacchari canarii albi lbj.

M. Fiat Pulvis subtilissimus. DOS. 3j. ad ij.

usus hujus pulveris sit mane & vesperi, tribus vel quatuor horis ante cibum, superbibendo bonum haustum ptisanæ. Pro nocte autem & ante somnum adhibuit

### Emulsionem sequentem.

Rx. sem. melon. cucumer. ā. 3ij. papaveris albi 3ss.  
 nysl. Persicor. excort. n. vj.  $\nabla$  veronica s. tussilaginis, frager. ā. 3iij.  
 \*M F. Emul.



**E. Emulsio.** Adde sacch. cant. alb. ℥vj. & aliquando  
 magist. perlar. butyr. ℥ij. essent. rosar. ver. seu spir. fragor. ℥j.  
 Dimidium hujus emulsionis frigidissime exhibuit, eundo cubitum,  
 alterum dimidium sequenti nocte, tertia & quarta die interdixit.  
 Postea loco emulsionis sequens ordinavit

### Decoctum antiphthysicum.

**R.** rad. farfar. polypodii, glycyrrh. levistici ā. ℥j.  
 herb. pulmonarie, salvia, verbenæ, scabiosæ,  
 flor. hepaticæ nobil. ā. m. j. sebest. jujubar ā. ℥ij.  
 sem. anisi ℥viij. caricarum n. x. v. fontanæ puræ lbiv.

Incisa & contusa crassiusculè coquantur in præscripta mensurâ aqu.  
 simpli usque ad 3. partis consumptionem. Decoctum colatum & pu-  
 rificatum dulcoretur cum melle clarificato, q. s.

Dosis ℥iv. ad ℥vj. & ℥viij. mane & circa noctem, per octiduum;  
 finito tempore, omnia de novo, in modum præscriptum iterum incipien-  
 da sunt, usque ad meliorationem.

Post absolutam curationem, patiens adhuc per unum atque alte-  
 rum mensem cerevisiam bibit medicatam per species sequentes:

**R.** rad. tussilaginis, polypodii, irid. ā. ℥ij. enulæ, caryophyllat. ā. ℥iv.  
 herb. pulmonarie, veronica, scabiosæ,  
 hepat. nobil. ā. m. iij. hyssopi m. iv.  
 flor. hepat. nobil. m. iij. rasur. ligni juniperi ℥xvj.

Incidentur & contundantur grosso modo, indanturque sacco oblongo.  
 Sign. species pro dolio cerevisiæ.

### Pulvis pleuriticus Dn. D. Cn.

**R.** rasur. dent. verris aprugnis, mandibul. lucii præp. ā. ℥ss.  
 florum Aris ḡ. v. ḡij. fix. nest. diaphor.  
 rad. bardanæ pulv. ā ḡ. xv. M. Fiat pulvis.

Curat pleuritidem & illico omnes lateris dolores, non sine adstantium  
 stupore.

Sumitur in haustu aqu. bardanæ, cardui Mariæ, seu cardui bene-  
 dicti. Dosis præscripta, & bis in die reiteranda.

### Pulvis alius in pleuritide Dn. D. Cn.

**Rec.** rad. Bardan. maj. pulv. ℥j. florum Aris, papav. errat. pulv. ā. ℥ss.  
 ḡij. fixi diaphoret. ḡ. xv. Fiat Pulvis.

Ejusdem



Ejusdem ferè efficacix cum superiore. Modus utendi est in aceto bezoardico, seu aq. appropriata, bis in die sumendus.

*Not.* Pleuriticum internum, & singulare arcanum, Cl. Dn. D. Cnöffelio à Rev. Patre Manbreck, Soc. Jesu, anno 1655. mense Julio communicatum, est *radix bardane* sive *lappæ majoris*, vere, crescente luna collecta; in autumno verò, decresciente luna, quæ in umbra (non ad Solem, nec ad ignem) exsiccata, & pulverisata detur ad cochlear j. vel 3ij. in vitro vini generosi: melius in propria plantæ aqua.

In plurimis aliis feliciter successit antea hæc curatio, uti postea maxime in meo auriga Petro anno 1654. d. 14. Maji, & postmodum in me ipso, eadem pleurâ furente & acutissimè pungente in utroque latere excruciat, cum sreatu sanguinis grumosi, per biduum, viriumque insigni debilitate; exterius verò linteamina duplicata mucagine aquaticâ [non destillatâ, sed n. m. per se servatâ] imbuta, locis dolentibus & spinæ dorsi applicavi, singulis binis aut trinis horis renovando imbui-tionem linteorum, & continuo biduo ea applicando. *Huc usque Dn. D. Cnöffelius.*

### Pulvis pleuriticus à Dn. D. Cnöffelio anno 1654.

Excell. Dn. Subcamerario præscriptus.

*R.* sanguinis hirci secundum Helmont. prepar. 3ss.  
mandibularum lucii piscis absque igne in subtil. pulv. redacti 3ij.  
Sii diaphor. 3ss. rad. papav. errat. 3j. bardane 3℞. ꝯ xv.  
Fiat ex omnibus pulvis subtilissimus.

In pleuritide tam verâ & legitimâ, quam spurâ & nothâ ab authore præscribatur.

Dosis à ʒj. ad ʒij. & 3j. in aqua idonea destill.

Hoc pulvere in simili morbo curatus est olim. Excell. Dn. Dietericus de Döhnhoff &c. &c. absque omni sectione venarum.

Licet autem hujus exempli observatio, & in aliis multis simili morbo afflictis, Cl. D. nostro authori successerit. tamen non semper, fidendum est, sed consentientibus omnibus, in isto morbo sanguineo, & maximè ubi extravasatio sanguinis id indicat, statim & ab initio venæ sectio è basilica ejusdem lateris (præmisso tamen clystere) instituenda est: repeti etiam debet sanguinis missio singulis diebus, donec dolor & febris multò mitiores evaserint, imò & aliquando in pleuritide peracuta bis in die, etiam si in principio fuit neglecta, post septi-



mum & nonum diem; cum vero morbus mitior fit, tunc temporis à phlebotomia abstinendum, quia anacatharsis supprimitur, & æger in vitæ discrimen conjicitur. Adeoque alias necessaria est venæ sectio, (*inquit River. prax. l. 2. c. 2.*) ut senbus, pueris, gravidis mulieribus, puerperis, & menstruas purgationes patientibus, in hoc affectu ad illam accedere liceat. Caute tamen, & cum consilio medici prudentis.

## TITULUS XII. CORDIALIA.

### Balsamum radicale margaritarum.

*Rx.* margaritas orientales, splendidasque, has cum aceto terebinthina solves, solutas, separato per evaporationem menstruo, aquâ fontis destillatâ dulcorabis, donec sapor ablatus fuerit. Abeant deinde in cella vinaria in oleum vel liquorem, super vitrum vel marmor collocatæ. Tum accipe spir. vin. opt. q. s. qui guttatim in liquorem hujus magisterii instillatus, ipsum in talcum quasi mirabiliter converit; id vero coagulum per Oam pelles & in oleum vertetur.

Hoc ex margaritis quidem elaboratum, in virtute verò est verum talci oleum, quod à chemicis celebratur; hòc nitor margaritis restituitur, hòc mulierum facies albescunt, splendescuntque.

Cordiale est nobilissimum aurum potabile in operatione quam proximè accedens. Nam epilepsiam depellit, cardiacas passiones vincit, sanguinem rectificat, in confortatione cerebri, memoriæ & cordis, conducit.

Fœtum in utero, humorem vitæ, & naturam internam in omnibus membris fortificat, putredines arcet, senectutis incommoda retardat, optimum arcanum, tutissimumque cuivis familiariter utenti. Dos. à ℥ss. ad ℥j. & ℥ij. in aq. cordiali.

### Crocus solis & panacea solaris Dn. D. A. C.

**H**Æc medicina, sive pulvis aureus & panacea Oaris dicta, olim inter secretissima arcanorum scrinia ab authore more solito reservabatur, paucis tamen amicis, & non nisi duabus vel tribus personis, tandem concessit, in quorum catalogo & ego hujus arcani particeps eram: quod & adhuc certis de causis, pro me asservarem, nisi jam res in aliorum scriptis ex parte esset annotata; & quidem



quidem à Clariss. Dno Joanne Ferdinando Hertodio à Todtenfeld, Phil. & Med. D. &c. in aureo & curioso suo tract. tartaro-mastige Moravia part. 2. pag. 252. Ideò & hic genuinam & veram ejus præparationem, hucusque mihi reservatam diutius non reticebo, sed tandem & fasciculo huic includere non gravabor, tali processu, prout ab ipso Domino Cnöffelio p. m. fuit elaboratus & à me etiam postea repetitus.

Primò paratur secundum Zveifferum, vel ad mentem nostri authoris, tali proportionem,

### Crocus sive sulphur solis.

℞. Ozi purissimi ℥iij. aluminis albi ℥ij. salis gemme ℥j. ℥ij. auri finissimi, per ſum purgati & subtilissimè prius foliati ℥i. (i. e. liber unus.)

Pulverisata salia misceantur prius exactè, in porphyrite, adjiciendo sensim & per vices auri folia, & assurget odor urinosus. Postea immitantur ollæ vitreatæ & novæ, satis magnæ ac capaci, quibus super affundatur aq. simplex ad supereminentiam quatuor vel sex digitorum: Coquantur igne prius moderato, post fortiori, ad spissitudinem pulmenti crassioris, sic aurum totaliter solvetur, & antequam materia in instituta coctione totaliter siccescere incipiat, denuò affundatur aqua simplex, quantum pro dissolutione salium sufficiens erit, & post unam atque alteram repetitam ebullitionem, solutio solis, dum adhuc calet, filtretur, & beneficio olei Fri (per deliqufacti) statim præcipitetur: ad quod opus perficiendum, copia satis magna olei Fri requiritur. Hoc peracto pulvis aureus præcipitatus, cinerei coloris, ab aqua salia, per chartam emporeticam & filtrum iterum separandus, & affusâ aquâ sæpiùs ab omni acrimoniâ & salino sapore edulcorandus est: Pulvis relictus tandem supra fornacem lenissimo calore, vel sponte sua exsiccentur, & adhuc per spatium semiquadrantis, vel unius & alterius orationis Dominicæ, in crucibulo puro calcinetur: Et erit crocus solis pulcherrimus, purpureo-violacei coloris, qui postea medicamentis aliis maximè cordialibus, & sudoriferis admisceri, vel ita per se in vino vel aq. cinamomi adhiberi potest.

Not. Cave ne diutius in igne permaneat, quam superius annui, aliàs color desideratus amittitur, quod mihi ipsimet contigit, experto crede Ruperto.

Crocum solis & ad alios labores & extractions applicare poteris: si



ris: si nempe oleum aromaticum aliquod, scil. cinamomi, caryophyllorum, citri, zinziberis, angelicæ, juniperi, ligni sassafras, vel quodcunq; horum dictorum placuerit croco Solari, ad supereminentiam duorum digitorum superaffundatur, & in leni calore, & vase vitreo benè clauso digestio instituatur, apparebit Ra auri, medicamentum balsamicum, adversus multifarias infirmitates, præstantissimum.

DOSIS à gutt. iij. ad vij. cum aliis medicamentis & vehiculis cordialibus & morbo appropriatis.

Si etiam super solutionem auri, superius edoctam, & ad pultis formam redactam, affundatur spir. vin. opt. & rectificatiss. cinamomifatus s. q. atq; in arena, lento calore fiat digestio, Ra auri elicitur elegans, & citrini coloris, salibus in fundo remanentibus, quæ destillatione à spiritu superfluo ultra medietatem iterum separanda est. In fundo vitri Ra auri potabilis manebit, miscibilis cum aquis cordialibus. Cavendum tamen, ne ad siccitatem destilletur.

DOSIS hujus medicamenti pretiosissimi à ḡ. vij. ad x. in vino, aq. cinamomi, seu alia aq. cordiali. In morbis omnibus desperatis, jam componitur

### Pulvis solaris, seu panacea solaris Cnœffelliana.

Rx. croci solaris nostri, superius elaborati, & ab omni acrimonia salsa prius liberati atque benè edulcorati q. v.

Huic croco nondum calcinato, & dulci adjungebat Cl. Author

### Sulphur antimonii fixatum,

seu

Cinabrium ḡii, (per reiteratam actionem opt. purgatum) ana.

& in vitro Hermetice clauso, seu ovo philosophico, observatoque ignis regimine, more Philosophorum, mixturam per mensem, & diutius stare permittit, donec sensim per omnium, quos videre licebit, colorum graduum, ignis examine in pulverem transierit rubicundum, in igne fixum, & in arcanum, (ad multos morbos debellandum, & ad sanitatem conservandam, atque vitam in multos annos prolongandam) efficacissimum. Medicinam dico (verba sunt ex ipsius Clariss. Authoris manuscripto excerpta) quæ corporis nostri sordes & vitæ zizaniam eradicabit, tempore digesto, & non purgando sed mundificando, salvis manentibus vitæ nostræ liquoribus substantialibus, eo modo,



modo, quo metallurgos, confusum aurum heterogeneis scoriis, non projicere foras videmus, sed mundantis  $\text{Sii}$  potestate, vi coctionis, seu externo medio, seorsim regulum auri, seorsim verò scorias tam solares quam martiales colligere. Quid, si sanitas nostra purissimi & sequestrati Reguli solaris, morbus verò earundem scoriarum, cum sua causa morbifica, icon sit? an non par curandi ratio obtinebit? *Huc usque Dn. D. Cnæffelinus.*

Pulverem hunc compositum, seu panaceam solarem Author in parvulo eburneo ovulo, seu pyxide continuo secum portans, omnibus suis medicamentis aliquando adjecit, & quidem in minima dosi, scil. à  $\text{g. j.}$  ad  $\text{g. iij.}$  &  $\text{v.}$

### Astrum duplicatum Dn. D. P. P.

$\text{Rz. Ræ Sii, coralliorum ā. p. æqu. (ziss)}$   
Mixa stent in digestionem per 24. horas, quibus adhuc adde  
*essent. ambra moschat. ziss. Misc. Dosis à gtt. v. ad vij. & xv. in aquâ appropriatâ.*

### Tinctura antimonii.

$\text{Rz. Oi purif. part. ij. Fri crudi pulv. part. i.}$   
Mixa detonentur in montario, chimico more.  
*Jam Rz. Sii pulv. & mixtura prescripta ā. part. æqual.*  
Misce, & iterum in crucibulo igne fortissimo liquefiant, instar aquæ. Materiam fluidam funde in conum fusorium, sebo prius illitum, idque movendo & percutiendo ad terram, ut Regulus fundum petat, quem postea à scoriis separabis & interim seorsim asservabis. Jam accipe  
*scoriarum hujus Reguli Sii,  $\Theta$  \*ci ā. part. æqu. q. v.*  
Misceantur exactè, & sublimentur per cucurbitam ex  $\text{::ā}$ , materiam elevatam optimè edulcora cum  $\nabla\text{ā}$  simplici calidâ; & iterum exsiccâ, quos flores  $\text{Sii}$ , si per se adhibere desideras, adhuc secunda & tertia vice cum admixto capite mortuo sublimare potes. Purgant blandè, aliquando & vomitum movent, sed rarò & absque molestia, *Dosis à g. iij. ad 5. & 7.* Porro fume

*florum  $\text{Fris}$  Sii, jam paratorum,  $\text{z iij.}$  vel  $\text{iv.}$  vel  $\text{q. v.}$*

*$\text{Oli Fris}$ , ad trium digitorum supereminentiam,  $\text{q. f.}$*

& post sufficientem digestionem, in  $\text{::a}$ , extrahatur  $\text{Ræ}$  repetitis vicibus, cum nempè affundendo, & post sufficientem extractionem iterum separando, donec omnis  $\text{Ræ}$  extracta sit.



Extractiones omnes conjunge, & spiritus superfluos iterum leni destillatione abstrahere ad remanentiam scil. liquoris crassioris, sanguinis rubicundi instar.

Ex hoc liquore crasso, seu massa in fundo vitri relictâ, tandem beneficio spir. vin. summè rectificati, reiteratâ affusione, Ram extrahe elegantissimam, quæ postea à superfluitate spir. vin. iterum abstrahenda est.

Est medicina magnarum virium in multis quam gravissimis morbis, maximè chronicis & diuturnis. Dosis gutt. v. vij. viij. ad x. & plures, in liquore idoneo.

### Panacea solaris duplicata Dn. D. Cn.

Rx. *crocini nostri* ☉ *aris* ℥ss. cui superfunde *astri duplicati* ℥j. Mixta in phiala bene clausa stent tamdiu in digestionem, donec materia exsiccentur, cui denuò tantundem astri admisceatur, & iterum exsiccentur. Tandem panacea in fundo vitri relictâ, in mortario vitreo pulverisanda, & in pyxide eburnea asservanda est; in omnibus ferè morbis chronicis est medicina nobilissima, habet nimirum in se vim diaphoreticam, ac aperiendi, sanguinem mundificandi & viscera corroborandi, ac proinde in quartana, ac febribus aliis intermittentibus atque malignis, item in affectione hypochondriaca, scabie, lue venerea, multisq; infirmitatibus habetur tanquam panacea & nobilissima & pretiosa. Dosis à ḡ. iij. ad v. & vij. cum coralliis, seu ocul. ☿. præparatis, ordinariè verò, cum mellagine anthosata, vel confectione alkermes in forma pilularum.

### Panacea alia, ex cinnabrio antimonii.

Rx. *cinnabaris* ℥ii, per reiterat. *at. rectificati*,  
- *butyri* ℥ii, semel à sua propria *cinnabari* rectificati ā. ℥iiss.  
*auri finissimi soluti* ℥iiss. *spir. vin. rectificatissimi* ℔iiss.  
Misceantur exactè per horam, donec abeant in coagulum rubicundissimum; digerantur calore leni, in vitro opt. clauso, per mensem, donec perfectè uniantur, interim singulis tamen diebus materia bis vel ter agitata est. Hoc factò spiritus & omnis humiditas, lenissimo calore abstrahatur; materia relictâ, & ex vitro fracto collectâ, atque in mortario vitreo prius pulverisata, denuò imponitur cucurbitæ vitreæ & humili. Huic pulveri porro affundatur

☉ *li rectificati* q. s. ad supereminentiam 2. vel 3. digitorum. Et post reiteratam lenissimam digestionem, unius vel alterius scil. septi-  
mana,



manæ, in arena, spiritus affusi ad siccitatem usque iterum abstrahantur.

Tandem materia in fundo vitri restans pulverifetur, & in phiala vitrea, hermeticè clausa, igni philosophico admoveatur, tamdiu donec per gradus ignis ultimò abierit in massam lapideam, rubicundissimam, & habebis medicinam in multis morbis magnarum virium, ideoque in quibuslibet affectibus, maximè chronicis, dari potest, mundificat namque corpus hominis, & in apoplexia, epilepsia, mania aliisque morbis capitis, item in paralyfi, febribus intermittentibus, etiam contagiosis & pestiferis, lepra, scabiè, lue venerea, &c. medicina est non satis laudanda, adeoque ipsi auro potabili æquiparanda.

DOSIS ḡ. iij. ad v. & vij. cum mellagine, conf. Alkerm., seu extracto aliquo, idoneo, in forma pilul. vel cum admixtis aliis, pulveribus specificis seu convenientibus.

### Arcanum tartari solare.

Vid. supra inter medicamenta diuretica, arcanum ♀i Cnöffelii & Helmontii.

### Pulvis cordialis aureus.

Rx. *magisterii butyracei corallior. perlarum* ā. 3ij.  
*ossis cordis cervi* [ *per aqu. cordial. n. m. facti* ) 3iv.  
*auri* 3ij. *granor. chermes* 3v.

*sacchari canarii, cum essent. cord. nost. bis vel ter inebriat.*

Et in mortario vitreo, fiat pulvis aureus, cui adhuc adde  
*elæosacchari rosati veri* 3v. Misce, ut exactè uniantur.

VIREs indicat titulus; DOSIS à 3j. ad 3ij. in vitro aquæ cina-  
 momi, vel alia aqua cordiali.

**Pulvis pretiosus alexipharmac⁹ & cordialis S. R. Maj**  
 a Cl. Dn. D. Paulo Podchozinski anno 1648.

præscriptus & compositus.

Rx. *C. C. philosoph. calcin. fossil. alb.* ā. 3ij.  
*terre* ☉ *aris Siles.* ( *axungia solis Schwenckfeldi* ) 3ij. 3ij.

His omnibus probè mixtis admisce

*essent. cort. ext. citri recenter factæ* q. s. ut fiat pasta, quæ  
 denuò per se exsiccet, & in pulverem tenuissimum redigatur. Adde

*lap. bezoardici or.* (seu *lachrymæ cervi*) 3j.

*croci Austriaci* 3ij. *magister. auri* 3j.

*essent. ambr. moschat.* (vel loco hujus) *ambr. & mosch.* ā 3ß.

\*N

Fiatque



Fiatque in mortario vitreo pulvis omnium subtilissimus. Dosis à ℥℥. ad ℥j. in vino vel aqua cordiali.

### Magisterium auri, sive aurum alcoholisatum.

*℞. mellis seu syrupi rosacei, crassi ac densi, vel, quod adhuc melius, gummi Arabici, in aq. simplici dissoluti magnitudinis fabæ minoris, auri purgat. finissimi & foliati, fol. n. vj.*

Et in scutella aliqua Hollandica, seu porcellana ab omni unguositate prius bene purgata, digito tamdiu misceto, & conterito, donec folia auri abeant in pulverem subtilissimum, hoc facto denuò vj. vel x. folia admisceantur, & rursus probè cum digito conterantur & in pulverem delicatum reducantur, qui labor terendo cum novis foliis tamdiu reiterandus, donec totus liber auri, vel ad centum folia auri, & plura, ita in pulverem inpalpabilem redacta sint, qui labor facile perficitur, & aliquando intra unam vel alteram horam. Interim tamen inter molendum, una atque altera guttula aquæ simplicis semper inspergenda & immiscenda est, alias substantia gummosa (quæ semper debet esse liquida) exsiccescit & negotium non succedit.

Aurum Alcoholisatum tandem, aqua calida pura reiteratis vicibus, & tamdiu lavandum erit, donec probè omne gummi Arabicum, seu mel, iterum extractum & ablatum fuerit. Exsiccatum aurum & in scutella vitrea, super cineres calidos positum, tamdiu sinendum erit, donec optimè calefiat, & colorem suum naturalem recipiat.

Vires magisterii auri magnæ sunt, in morbis deploratis, quod experientia quotidiana, optima rerum magistra, sæpè monstrat. Confirmatur & à multis, aurum in pulverem minutum seu scobem redactum, magna præstare posse in medicina, inde & crudum aurum, in folia redactum, medicamentis suis olim veneranda antiquitas admiscere solebat. Sed quid præstare possunt x. aut xx. aurifolia, cum ducenta aut trecenta aliquando vix dimidium scrupulum constituent, & tertiâ pars grani extendi potest in filum 134. pedum longitudine? Unciâ una etiam in eam subtilitatem duci & extendi potest, ut decem terræ possit tegere iugera. Author est Cardanus lib. de rerum varietate, & Cl. Rolsincius in Dissert. chim. de auro, melius ergo ex opinione aliorum, in scobe seu pulvere, ubi scrupul. dimidijs, vel integer propinatur & à latente stomachi fermento & acido subigitur, & actuatur, vitiosos humores nam emendat, contuetur, innatam ejus symetriad præservat, melancholiam corrigit & ad latitiam sollicitat.

Plura



Plura hic confer è Cl. Zwelff. in *mantissa Spagyrica* part. 1. c. 1. pag. 37. D. Francisc. Wendlerus & Zach. à Puteo volunt auri folia in gallinarum ventriculis absumpta fuisse; si in gallinis tanta vis est, cur denegetur homini? inest etiam huic fermentum acidum.

Præterea magisterium nostrum auri, sive aurum alcoolisatum extra usum medicum aliam adhuc habet utilitatem; nempe ad literas & figuras aureas cum eo in papyro seu pergameno effingendas, inservit & pictoribus, ad ornandas imagines. Paravi hoc olim Romæ in apotheca Collegii Romani, in præf. Rev. Pat. Athanasii Kircheri, amici mei magni & extraordinarii, qui inde & illud mundo suo subterraneo inclusit, sed modum adhibendi in literis elevatis, antiquo more non satis expressit.

### Unicornu artificiale.

Rx. unicornu fossilis, Ka bezoartica insuccati,  
C. C. bezoartici, propria essent. impregnati,  
terre Lemniæ alb. seu Melitensis, cum decocto viperarum  
aliquoties inebriat. ā. ℥ij. ʒxij. ʒij ḡ. viij.  
cerallior. rub. preparator. & cum balsamo radicali margari-  
tarum impregnatorum ℥ij. ʒv. ʒi℥. ḡ. ij.  
off. ex corde cervi cum ▽ bezoartica more n. in magister. redact.  
oculor. ʒ. preparator. ā. ℥ij. ʒvj. ʒj. ḡ. iv.  
ʒii fixi diaphoret. ℥ss. ʒiiss. ʒss. ḡ. vi.  
essent. citri cort. ext. recent. absque igne parat.  
ambre mosch. ā. ad plac. (quia addi & omitti possunt.)

Pulverisata & in subtilissimum alcool redacta commisceantur exactè, & quidem in mortario lapideo, pistilloque ligneo. Postea in eodem mortario, cum

gelatina C. C. & mucilag. tragacant. per aquas bezoart. fact. ā. q. s.

Fiat massa tenax & fortis, ex qua tandem, in typo aliquo, seu forma ex ligno seu gypso, factâ, efformetur cornu, magnitudinis ad placitum, prout illud unicornu animale & naturale solet esse.

Primo hoc annotandum est, quod loco medullæ, pro sustentatione, stylus infigitur, ex ligno duro ac forti, (scil. juniperi, fraxini, ligni sancti, sandali citrini, vel aliquo simili, potest & esse argenteus, bene deauratus,) alias enim cornu hoc artificiale facile frangitur, & tractari se manibus non permittit.

Secundo; Exsiccatio debet fieri lentè, per se, absque ☉ & fornace, &



ce, & in ipsa capsula seu forma, in qua hoc cornu efformatum & expressum fuit, ubi tamen superior pars formæ demitur; postquam superior bene exsiccata fuerit, cornu stylo ligneo invertendum est, in alteram partem, ut ibidem exsiccetur.

Ornamenta & flores, atq; literæ in eo impressæ auri foliis deaurari possunt ad placitum. Rēs certè curiosa, & magno Principe dignissima.

Nam multo majoris virtutis & efficacix est hoc cornu, quàm illud naturale, quod caro pretio emptum hucusque in multorum Magnorum Principum cimeliarchis conspicitur, ac contra omnia venena, tanquam thesaurus, & certissimum remedium decantatur.

DOSIS a ℥ss. ad ℥j. ℥ij. & ad ʒj. usque.

### Essentia moschi ambrata officinæ Regiæ

VLADISLAI IV.

℞. conf. alkerm. ʒj. spec. diambra, d'amoschi dulc. ā. ʒss.  
 ligni aloës. ʒij. moschi opt. ℥j. ambra ℥iss.  
 ☞ ardent. rosarum, extr. Norimbergensis ā. ʒij.  
 spir. vin. cinamomifati ʒj. caryophyllati ʒss.

Benè mista & in vitrea phiala hermeticè clausa stent in digestionem per mensem, & quidem caloris lenissimi. Defusus liquor postea filtretur, & usui servetur. VIRES. Cordiale & cephalicum est. DOSIS gutt. v. vij. ad ℥ss. & ℥j.

Not. Remanentia in filtro chartaceo, odoris adhuc plena aliis usibus externis inservire, & suffimentis admisceri possunt.

### Essentia moschi & ambrae D. D. C.

℞. moschi ℥ss. ambra ℥j. conf. alkerm. ʒij.  
 ☞ rosar. fragrant. liliorum convall. ā. ʒss.  
 ▽ carbunculi, elix. Matthioli ā. ʒj.

Mixta circulentur per oñiduum vel diutius in vitro clauso & optime perlutato, essentia postea per chartam filtrata, odoris suavissimi, in vitro benè munito, servatur ad usum.

Confortat & reficit cor, cerebrum, & spiritus animales & vitales, aliisque affectibus convenit.

DOSIS à gutt. iij. ad vj. & ℥ss. In vino generoso, aq. cinamomi, vel alio conveniente liquore.

### Ambra moschata in forma ficca.

℞. ambra gryseæ opt. ℥iss. moschi oriental. ℥ss. ḡ. v.  
 sacchar.





*sacchar. canarii albi & subtilissime pulv. ℥j. ʒij.*

Terantur & misceantur opt. in mortario vitreo cum  
oleo citri ex rec. exter. corticibus absque igne extr.



*rosar. stil. ver. ā. gtt. v. cinamomi gtt. ij. caryophyll. gtt. j.*

Misceantur iterum. Fiatque essentia nobilissima in forma solida, quæ  
in vino vel in aliis liquoribus dissolvi atque medicamentis aliis admi-  
sceri potest.


## Tinctura coralliorum Cnoëffeliana.

℞.  Oli, cum suo phlegmate adhuc imprægnati, vel loco hujus,  
 aceti opt. dephlegmati ℥ix.

℞.  cri crudi pulv. ʒib.  pur. & pulv. ʒiij.

Misceantur & destillentur ex  ā per  am, calore lenissimo. Men-  
struum hoc, ita prius concinnatum, affunde

*corallis rubris grosso modo contusis, ad eminentiam trium di-  
gitorum. Mixta, & in vitro bene clausa, stent in leni digestionem per  
dies aliquot, donec corallia dissolvantur; quod solutum separetur, no-  
vumque menstruum adfundatur, & post sufficientem solutionem, rur-  
sus defundatur, idque tertia vice repetatur, vel tamdiu, donec corallia  
omnino soluta sint. His peractis, solutiones omnes junctæ, in MB de-  
stillentur, & abstrahantur, ad siccitatem usque; Corallia sic in fundo  
vitri pulveris ex flavedine rubescentis instar, interim asserventur sub  
titulo coralliorum Ræ sicca. Jam*

℞. *spir. vin. rectificati part. ij.*  Oli part. j.

Destillentur per matrarium ex cineribus, & quidem reiteratis scil. tribus  
vel quatuor vicibus, & habebis aquam temperatam & menstruum, cum  
quo tandem Ræ extrahere potes, progrediendo hac ratione; Ad

*pulveris coralliorum superius asservati ʒiij.*

*adde hujus aqu. temperatae ℔j. In lenta digestionem stent per men-  
sem, vel diutius, donec omnis Ræ ex corallis extracta est, quæ Ræ tandem  
à copia spiritus vini (scil. tertia parte) per abstractionem in MB liberan-  
da, & ad usum suum asservanda est, miscibilis cum omni liquore.*

VIRES & DOTES incredibiles recensentur à Boëtio de Boodt in gem-  
marum & lapid. hist. l. 2. c. 154. corpus redigit in temperiem cœlesti qua-  
dam vi, & propterea omnes partium affectus evellit radicitus, propter  
analogiam, quam habet cum spiritibus vitalibus, & innato calido,



quod auget, roboratque, ut facile contrarios morbos superare possit.  
 Dos. à gtt. v. usque ad xv. in vehiculis convenientibus.

### Tinctura coralliorum ficca.

℞. *coralliorum in porphirite preparat.* ℥iv. vel q. pl.

℞e *nost.* *coralliorum* q. s. pro insuccatione.

Misceantur in concha vitrea seu porcellana ampla, & quidem lente & caute; mistura postea bene & exquisitè unita, exsiccatetur leni calore totaliter, qui labor cum nova insuccatione & exsiccatione ter vel quater reiterandus est. Corallia tandem propria ℞a imprægnata & in mortario vitreo in alcool redacta, servantur usui in vasculo vitreo & puro.

Dos, à ḡ. v. ad ℥ss. & ḡ. xv. cum aliis solidis & liquidis vehiculis idoneis. VIRES cum ℞a coralliorum præcedente conveniunt.

### Panacea essentificata.

℞. *pulu. nostr.* ☉*aris, seu panaceæ solaris* ℥ij. cui superaffundatur

℞e *coralliorum* ℥ß. & in phiala seu alembico parvo, suo capitulo applicato, stent in digestionem per aliquot dies, donec materia iterum totaliter exsiccatetur: denuo affundatur ℞a corallior. & uti antea lenissimo calore iterum exsiccatetur, qui labor & tertia vice reiterandus est. Pulvis tandem solaris ℞a coralliorum ita imprægnatus, in mortario vitreo reducatur in magisterium subtilissimum. Vel

℞. *panaceæ essentificatæ* part. iij. (℥iij.) *coralliorum rub. preparator.*

*axungie solaris Siles.* simili modo prius cum ℞a  
*corallior. inebriat.* ā. part. vj. (scil. ℥vj.)

*ambra moschata* ḡ. xxx. Misceantur omnia exactè, fiatque cum gelatina cornu cervi s. q. massa justæ consistentiæ, ex qua orbiculos ad placitum efformare poteris. Dos. ḡ. v. ad xv. in vino seu aquis cordialibus.

### Aurum transparens Dn. D. Cn.

℞. *auri pari et laminati* q. v.

Solve aurum in menstruo nostro, (quod componitur ex ☿io, ☉lo albo & ☽o ā. p. æqual. in ☽ā, injiciendo nempe per cochlearia mixturam, & sic destillando secundum *Glauberum*.) Solutionem inde ☽æ bene lutatæ, & destilla quantum vult transire, quod seorsim asservetur. Reliquum quod in fundo retortæ remanet, edulcoretur; super illud bene edulcoratum residuum iterum affundatur menstruum, & per chartam,  
 post



post sufficientem digestionem filtratur, filtratum denuo destilletur per retortam, & siccum corpus sublimabitur in parietibus retortæ instar rubini. Sapiienti satis.

### Coralliorum infuscatio singularis.

*Rx.* coralliorum rub. ppter. sive in subtiliss. alcool. redact. q. v. Hos imbue ter vel quater cum decocto rubro granorum chermes, per succum citri & aq. rosar. facto, vel loco hujus cum essentia seu Ra granorum chermes, per balsam. embryon. Augustanor. facta, & denuo per se exsiccantur, ut in pulverem redigi queant, in fine adde essent. cordial. n. ad pl.

Est summum cordiale & roborativum maximè pro fœminis gravidis. Dos. à ℥ss. ad ℥j. & 3ss. In defectu hujus præparationis Cl. Dn. D. Cnöffelio sequens placuit formula:

*Rx.* corall. rub. opt. præparat. ℥j. magist. corall. butyracet. ℥ss. essent. ros. saccharat. ℥ss. magist. granor. cherm. ḡ. vii. Misceantur, fiatque pulvis roseus.

### Tinctura granorum chermes.

*Rec.* granorum chermes recent. vel loco illorum  
cocci nostri Polonici q. vis.  
succu citri recenter expressi q. suff.

Grana prius pistillo ligneo in mortario lapideo, grosso modo contusa, imbuantur quam optimè cum succo citri, ut superemineat ad quantitatem palmæ; stent in digestionem caloris lenissimi per tres dies, vel diutius, donec in substantiam pulmenti liquidioris abeant, postea affundatur.

*Spiritus rosarum ardens, in tanta quantitate, ut materia tres quatuorve digitos supernatet,*

& vase opt. clauso fiat de novo digestio, tam diu donec spiritus rosarum omnem Ram rubini instar ex baccis extraxerit, quæ postea à fœcibus per filtrum chartaceum aufertur, & absque ulteriori abstractione ad usum servatur.

**VIRES.** Cardiaca est, spiritus vitales reficit, fœtum debilem in gravidis corroborat, atque confirmat, ac mirifica vi languentes vires, maximè in febribus calidis recreat ac reficit. Dos. à ℥ss. ad ℥j.

### Tinctura cordialis.

*Rx.* v. cordialis Saxon. rubi idel. borog. bugloss. ā. ℥ss.  
etoto citro ʒiv. conf. florum tunice, rosar. rub. Qlat. ā. ʒij.

Mixta



Mixta stent in vitro puro per unam atque alteram horam, postea exprimantur, & per chartam filtrentur, postea add.

*sir. rubi idai, granatorum ā. ʒj.*

~ *is per campan. factis. q. ad gratum saporem,*  
cui adhuc admisceatur

▽ *ē typhis cervor. recent. & at. cinamomi cordialis ā. ʒj.*

Filtrentur per chartam emporeticam. Sign. R̄a cordialis pro S. R. Maj. ex præscript. Dn. D. Cnöff.

Per intervalla sumenda, in debilitate virium, compressione cordis, & incalescentia interna, ex morbo podagrico.

### Essentia corallina.

R̄. *magister. solubil. corallior. rub. ʒβ. ʒiv.*

▽ *cinamomi cordial. & spirituose ʒiiss. ʒiv.*

Misceantur benè, & post dissolut. magisterii addantur

R̄a *corallior. nost. ʒij. ʒij. granor. kermes ʒiv.*

Misceantur benè, fiatque essentia corallata compos. nobilissima.

VIREs. Ventriculū & jecur roborat, sanguinem purificat, omnem sanguinis fluxum, maximè mulierum corrigit, cor & spiritus vitales confortat, obstructions viscerum adimit, ac proinde pesti febribusque malignis adversatur. Dos. à ʒss. ad ʒj. & ʒj.

### Mistura cordialis calida.

R̄. *elixir vite Matthioli ʒiij. ~ lil. convall.*

▽ *cinamomi cord. ā. ʒj. conf. alkermes ʒv.*

*spec. diamosch. dulc. diamb. ā. ʒiiss.*

Digerantur leni igne per 24. horas, bene clauso vase; Liquori filtrato addantur R̄a *corallior. ʒv. granor. chermes ʒv.*

Mista servantur ad usum. Sign. ut supra.

Ad omnem corporis imbecillitatem à causa frigida ortam, medicina efficax est, commendatur & ad cerebri affectus frigidos, ideò in apoplexia, paralyfi, & comitiali morbo, & in ipso paroxysmo, valdè conducit; datur & in animi deliquio, & cordis palpitatione summo cum emolumento. Dos. à gutt. x. xv. ad xx, per se, vel cum aliquo alio vehiculo liquido & idoneo.

### Mistura cordialis temperata.

R̄. *aq. cordial. temperat. Hercul. Sax. ʒiij. citrata composita,*

*melisse c. v. cinamomi cum flor. cord. absque vino destill. ā. ʒj*  
*extract.*



*extract. Norimbergens. dict. Augustanorum 3vj.*  
*essent. citri liquid. (ex rec. cort.) ʒiʒ. seu R. granor. chermes.*  
*per ^ rosar. vel bacc. rubi idæi fact. ʒij.*  
*sir. rub. idæi, corallior. granat. ā q. l. Misce.*

In febribus malignis & pestilentialibus commendatur, spiritus vitales reficit, atque syncopi & cordis palpitationi auxiliatur. DOSIS cochlear unum, per intervalla aliquoties in die.

### Elæosaccharum cordiale compos.

*Rx. oleum nuc. moschat. still. cinamomi ā. gtt. viij.*  
*caryophyllor. gtt. iv. super extr. Norimb. collect. gtt. iij.*  
*elæosacch. citri ex rec. & ext. cort. n. m. ext. ʒj. g. iv.*  
*moschi opt. g. ij. sacchar. Canarii q. l.*

Misceantur probè, in mortario vitreo, & in vitro puro, ac duplici vesica munito, servantur ad usum. Beneficio hujus, in momento claretum & vinum odoriferum parari potest, si nempe hujus elæosacchari ʒj. in scyphum vini, trium vel 4. unciarum injicitur. Inde fit

### Essentia cordialis odorifera.

*Rx. elæosacchari antea præscripti q. v. spir. vin. ʒsati, cinamomifati*  
*ad supereminentiam 4. vel 6. digitorum.*

Stent in vasculo vitreo, quam optimè clauso, per 24. horas in digestionem, ut exactè uniantur. VIRES ex titulo comprehenduntur. DOSIS ā gtt. iij. ad ʒʒ. plus minusve, pro morbi indigentia & liquoris quantitate.

### Essentia alia cordialis odorifera D. D. B.

*Rx. ol. cinamomi veri ʒj. caryophyllor. nuc. moschat. still. ā. ʒʒ.*  
*rosar. ver. gtt. vj. super aquā Damascenā collecti gtt. viij.*  
*vel quantum in una destillatione haberi potest,*  
*spir. vin. ʒsati, rosati, & cum aliquot granis ʒis \*ci volat.*  
*impregnat. ʒiix.*

Diger. in vase opt. clauso per aliquot dies, postea adde

*essent. moschi ambratæ ad pl. ex. gr. gutt. viij. ad xvj.*

DOSIS gutt. iij. ad vj. in vino vel aq. cinamomi. Admiscetur & aliis medicamentis cordialibus.

### Epithema Cnöffelianum calidum.

*Rx. extr. sive aq. Norimberg. secund. Ph. August. parat. ʒiij.*

\* O

*aq. car.*



*aq. carbunculi, Imperat. Caroli, embryon. ā. ʒj.  
cinamomi ʒvj. rosar. ʒij. Misce. Dentur ad vitrum.*

### Epithema aliud frigidum.

*R. ∇ cord. frig. ʒiij. melissæ, Imp. Caroli, rosar. ā. ʒj.  
succu citri rec. expr. ʒvj. aceti rosacei, rubi idæi ā. ʒʒ.  
palpæ cort. ext. rec. citri ʒiv. conf. alkerm. ʒij.*

*M. pro epithemate. Sign. Cusserliches Puff- und Herz-Wasser.*

### Epithema cordiale nostrum temperatum.

*R. extr. seu ∇ Norimberg. ʒiij. ∇ carbunculi ʒʒ. rosar. odor. ʒvj.  
aceti rubi idæi, rosarum ā ʒiij. M. pro epithemate.*

### Balsamum cordiale odoriferum.

*R. ung. rub. pomat. Ser. Reginae Cecilie ʒʒ.  
el. nuc. mosch. express. ex cort. citri rec. s. igne extr. ā. ʒj.  
flor. aurant. Rom. ʒij. still. cinamomi gtt. iv. caryophyll. gtt. ij.  
mosch. ambr. ā. ʒ. iv. M. F. balsamum.*

## TITULUS XIII.

## STOMACHICA.

### Pulvis pepticus post pastum

*S. Reg. Majest. VLADISLAI IVti.*

*R. sem. coriandri prap. anisi, fœniculi ā. ʒʒ. cinamomi acuti ʒj.  
macis ʒij. ʒij. sandali albi pulv. corall. rub. subtil. prap. ā. ʒij.  
panis albi biscocti saccharati ʒiij.  
sacchari Canarii albissimi lbʒ. ʒij.*

*Species prius separatim pulverisatæ, commisceantur in mortario lapideo, cui tandem admisceatur*

*ivæ arthetice, ambræ moschat. ad placitum. M. F. pulvis.*

*Ventriculum roborat, facultatem concoctricem debilitatam confortat, digestionem promovet, & flatus dissipat. Dosis ʒj. post assumptum cibum, cum frustulis panis tostii vino Malvatico prius madefactis.*

### Mistura stomachalis.

*R. elixir. proprietat. nost. acidul. de tribus ā. ʒvj.*



*elix. Matthioli, mistura de tribus ā. ʒiʒ. extr. calam. aromat. ʒj. essent. mentha odor. novst. macis a. ʒj. cinamomi ʒʒ.*

Mista digerantur clauso vase, per 24. horas, postea colentur. Sign. ut supra. Dosis ā ʒʒ. ad ʒj. in vino, seu aqua stomachali, vel in alio liquore competenti.

### Pasta Regia stomachalis.

*Rx. succolada, vel quod melius, fruct. cacaodecort. amygd. dulc. excort. pistach. decort. ā. ʒj. nucl. avell' anar. rub. decort. ʒʒ.*

Contundantur minutissimè, in mortario lapideo, ad pultis formam, admiscendo paulatim, & per intervalla

*Ræ confect. alkermes (per ▽ cinamom. spirituos. p. j. & rosar. fragr. p. ij. fact.) q. l.*

Puls cogatur per setaceum crassum, postea adde

*sacchari Canarii subtil. pulv. ʒviiij. farinae tritic. ʒij. marmelad. simpl. seu cond. cydon. cort. citri contit. aurant. cond. nuc. Indic. cond. (per setaceum simili modo traject.) ā. ʒʒ. pulv. cinamomi ʒj. caryophyllor. ʒʒ. ʒij. macis, galang. cardamom. sem. anisi, coriandri ā. ʒiiij. zinziberis pulv. ʒʒ.*

Misceantur bene in mortario lapideo, ut fiat pasta, ex qua formentur tandem orbiculi, magnitud. ad pl. qui foliis mali aurei, seu papyro, impositi, prope fornacem optimè exsiccandi, & in sicco loco, scatulâ inclusi asservandi sunt. In superficie variis figuris, cum exsculptis formis ligneis, seu stanneis insigniri possunt, prius nonnihil ol. nucist. madefactis. Insignes habent virtutes, in roborando stomacho, & multis aliis affectibus ventriculi, à causâ frigidâ natis. Dosis ā ʒj. ad ʒij. Gratissimi sunt odoris & saporis.

### Succolada Regia.

*Rx. succolad. Ind. in pulverem subtilissimum redact. & opt. cribrat. ʒiv. sacchari Canarii similiter opt. pulveris. ʒvj. amygdal. dulc. excort. & in mortario lapideo opt. contus. & in massulam redact. n. xij. albuminis ovorum in spumam crassissimam & densam prius concussorum n. ij.*

Omnibus mixtis, & in mortario lapideo, pistilloque ligneo, probè agi-



tatis fiat pasta, satis tractabilis, ubi & hoc advertendum, ne spuma ovorum tota, & uno impetu statim admisceatur, sed per intervalla, & cochleatim, donec tandem omnis spuma albuminis ovorum massæ admixta sit. Adde, si placet, pro magnatibus

*mosch. & ambr. ad plac. ex. gr. mosch. ℥ss. ambr. ʒj.*

incorporentur, more consueto, prius saccharo.

His peractis, ex massula tandem formentur quadratula seu tabellæ planæ, magnitudinis pollicis transversi, quæ papyro superpositæ in fornacula ferrea, seu quod idem est, sub vase cupreo pistorio, (in einer Sorten Pfannen) coqvuntur, sic magis elevantur, & triplo fiunt majores.

VIREs ventriculo frigido conveniunt, dantur & feniculis debilitatis, ad roborandum vitæ balsamum. DOSIS n. 6. 12. & 24. superbibendo bonum haustum vini Malvatici seu Moschatellini.

Not. Moschus & ambra etiam omitti possunt.

Qui & pulverem viperinum admiscere vult, non errabit.

Parabantur olim pro Reg. Majestate, inde & nomen contraxerunt.

### Essentia stomachalis.

*Rx. fol. menth. m. iij. specier. Imperatoris ʒiij. sem. anisi, fœniculi ā. ʒss. spir. vin. rectificati ℥iij.*

Macerentur per octiduum, postea destillentur in MB. Liquori destillato & spirituoso adde

*extr. calami aromatici, zedoaria, olei still. nucist. menth. cinam. ā. ʒj. caryophyll. anisi ā. ʒss. sacch. Canarii alb. & cum aceto esurino preparati pro excipiendis oleis q. s. ʒss. Fri volat ʒiij.*

Stent in digestionem, donec perfectè uniantur. Essentia per linteum subtile colata, fervetur in vitro benè claudendo.

VIREs. In ventriculi & hypochondriorum atque intestinorum infirmitatibus, à causa frigida, conducit, DOSIS ʒj. ad ʒij. in vino vel alio liquore convenienti.

### Elixir absinthiacum comp.

*Rx. extract. absinthii liquidi nostr. descript. ʒiij. spir. Fissassaf. ʒj. ʒj. Oli Jtii ʒss. ʒij. vulgaris ʒiij. Ræ sandat. c. spir. vin. stomach. extr. ʒvj.*

Mixta stent per diem & noct. in digestionem, postea filtrentur & usui ferven-



serventur. Dos. gtt. x. ad xv. & xx. in vino seu alio liquore appropriato.

### Elixir vitæ stomachicum.

Rx. rad. calami aromatici ℥j. galang. 3vj. cinamomi ℥iib. 3ij.  
nuc. moschat. 3j. caryophyllor. macis, cardamom. ā. 3vj.  
cort. flav. arantior. citri ā. 3j. sem. anisi, carvi, coriandri ā. 3ß. 3ij.  
spir. vin. ex frumento ℔xij.

Facta maceratione per dies tres, destillentur ex B. V. liquori egresso denuo immergantur

spec. diamosch. dulc. diamb. ā. 3j. sandali rub. pulv. 3ß. 3ij.

Stent per aliquot dies in loco saltem frigido, postea filtrentur, & cum sir. ordinar. & simpl. q. s. dulcoretur.

Elixir præstans, in affectibus frigidis stomachi. Tandem asserve-  
tur in lagenula vitrea bene clausa.

Dos. à cochl. dimid. ad cochl. unum & duo.

### Elixir vitæ stomachale ordinarium

officinæ Regiæ.

Rx. spec. stomachal. 3xxv. spir. vini opt. & rect. ℔. xxvij.

Destill. suo more in B. vap., liquori stillato adde

sirupi ord. simpl. sacchari canarii (in aq. cinam. q. s. dissol.) ā. ℔. iij.

Misc. & fiat elixir stomach. ordinarium.

### Aq. stomachalis alia ordinaria.

Rx. spir. vin. stomachalis ℔j. aq. calami aromatici compos. zedoaria ā. ℔ß

sacchari canarii ℔ß. dissoluti in aq. rosarum. 3iv. cinamomi 3ij.

M & filtretur per chartam emporeticam, & si placet, tingantur per infu-  
sionem scil. cum

fol. heder. terrestris in colorem smaragdinum Vel cum

corticibus aurantior. croco seu cnico hortensi in colorem aureum.

Vel cum ligno sandalino raspato in rubrum colorem; seu cum  
torna solis in purpureum, qui color & conciliatur cum cocco nostro  
Polon. confectione alkermes, seu caryophyllis aromaticis. Viridissi-  
mus & pulcherrimus color etiam obtinetur per succum seu sirupum  
flor. violar. martialium, cum grano uno atque altero salis Si.

spir. vin. stomachalis fit per destill. ex spir. vin. ordinarii, ex  
frumento fact. ℔. viij.



& spec. stomach. Imperatoris ꝑviii. Virtutes hujus aquæ titulus indicat.

### Aq. vitæ calami aromatici.

Rx. calami aromatici minutiss. incisi lbij. sem. anisi & fœniculi ā. lbj.  
rad. glycyrrh. ireos, granor. paradisi ā. ℥ij.  
spir. vin. ex frumento parati stoff. n. xxx.

Et post sufficientem macerationem, destillentur per vesicam. Adde  
sirupi ordinarii simpl. q. s. Sign. ut supra.

### Aq. zedoariæ officinæ Regiæ.

Rx. rad. zedoariæ lbss. sem. anisi lbij. fœniculi lbj.  
spir. vin. ordinarii xxij. stoff.

Maceratione facta, in vase benè clauso, aliquot dierum spatio, destillatio instituat, in vesica cuprea, per XXum, prima aqua (ad 14. stoff, scil.) seorsim excipiat. Huic destillato adde

sacch. clarificati lbvj. vel q. s. pro dulcoratione. Sign. ut supra.  
In doloribus ventriculi, ex causa frigida, atque suffocatione uteri, est remedium familiare.

### Unguentum seu balsamum stomachicum

Serenissimæ CÆCILIAE RENATÆ p. m. Regiæ Pol. & Suec.

Rx. ol. nuc. moschat. express. ℥i℥. stil. menth. masticeis, nardin. ā. ℥j.  
caryophyll. calami aromatici ā. ℥ij. macis, carvi ā. ℥iv.

balsami Indici Peruviani ℥℥. masticeis ℥vj. cere alb. virgin. q. s.

Misceantur, fiatque balsamum nobile stomachicum & fragrans, quod externa sui inunctione, mirabiliter stomachum roborat. Sumitur & intra corpus, cum ovo forbili.

(Not. Pro Rege VLADISLAVO IV. commiscebatur cum

ol. formicarum atque mosch. & zibeth. q. s.

Pro balsamo locali, ante actum matrimonialem.)

### Emplastrum stomachale

Ser. Cæcilie Renatæ p. m. Polon. & Suec. Regiæ.

Rx. masticeis ℥iij. tacamahaca ℥j. ℥ij.  
laudan, storacis calam. resin. a. ℥iij.  
ol. masticeis & cydon. a. ℥j. tereb. ℥iij.

His invicem lenissimo calore mixtis, adde

cere virgin. ℥viii. gall. moschat, ℥iij.

caryo-



*caryophyllorum, nuc. moschat. cinamomi, cardamom. ā. ʒij.*

*lign. aloes, cubeb. ā. ʒj. ʒj.*

agitentur & impastentur optimè, atque ultimò, cum parum refrixerint, adde *balsami Indici Peruviani q. s.* Fiatque s. art. emplastrum, ad corroborandum stomachum efficacissimum.

### Empl. stomachicum aliud officinale.

*Rx. tacamahac. lbj. mastice, resina storacis calamit. ā. ʒvj.*

*terebinth. q. s. pro dissolut. specierum. Adde*

*cera citrina ʒvj. balsami Indici de Peru q. s.*

*M. Fiat empl. s. artem.*

In usu extendatur super alutam, & applicetur regioni ventriculi. Mirificè concoctionem promovet, dolores sistit, & ipsum stomachum corroborat.

## TITULUS XIV.

### DYSENTERICA.

#### Pulvis dysentericus Castrensis Cl. Dn. D. C.

*Rx. terre coct. vulgar. ex clibano, & cum spermate ranar. rec, aliquoties imprægnata & iterum exsiccata & pulverisata, rad. tormentill. opt. pulv. nuc. moschat. a. part. æqual. q. pl.*

*M. Fiat pulvis subtilissimus. Sign. pulvis dysentericus sine opio. Jam.*

*Rx. hujus pulv. dysenterici simpl. ʒiij. mastice pulv. ʒß. sedativ. nostri simpl. ʒ. j. M. F. pulvis, pro dosi.*

in aq. appropriata ante pastum sumendus, reiteratis vicibus, in omnibus profluviiis alvi.

#### Specificum dysentericum Dn. D. L. & C.

*Rx. boli, seu terre sigill. albæ Hungar. (vel incarnata) cornu fossilis, ocul. cancri, corall. rub. prepar. ā. q. v.*

Mixta & opt. pulverisata in rorentur sæpius cum decocto rad. tormentill. & serpentar. per aquam seu liquorem crud. sperm. ranar. facto, & iterum exsiccantur & pulveriscentur, scil. sexies vel septies, qui labor & postea bis vel ter cum *Râ haccarum myrullor.* absque fir. & sacch. fact.) instituendus est.

Pulveris hujus tandem junge uncia cuilibet

*nuc. mosch. opt. pulv. rad. tormentill. pulv. a. ʒij. sedativi simpl. ʒ. vj.*

*E.*



Et cum *gelatina cornu cervi*, per *aq. sperm. ranar. fact.* q. s. Fiat pasta, ex quâ tandem formentur orbiculi 3j. ponderantes, vel etiam in triplo majori forma, quæ tamen proprio charactere ponderis, & titulo beneficio typi alicujus ferrei, (huic negotio prius parati) assignandi sunt.

**DOSIS** 3j. in vehiculo aliquo, in quo injectus, statim dissolvitur. Omnia profluvia ventris, seu alvi, item menstruorum, hæmorrhoidum & narium sistit. Iter facientibus & militibus medicina commoda.

### Tinctura myrtillorum.

**Rx.** ▽ *spermatis ranarum* ℥j. *juglandium immatur.*  
*tormentill.* è *succo bacc. myrtill.* ā. 3iv.  
*magisterii aluminis informaliq. A. Sale* 3ß. 3ij.  
*galred. simpl. baccar. myrtillor.* (n. m. absque igne, exp. j.  
*succi & p. ij. sacch. pulveris. fact.)* 3viii.  
*bacc myrtill. lenitè exsiccatur* 3iv. (prius tamen parum contus.)  
 Mixta stent per noctem in loco temperato, postea filtrentur per chartam, post adde

*sirupi è succo baccar. earundem &*  
*florum papaveris* ʒlat. pro grato sapore q. s.  
*essent. aromat. nucist. odor.* 3ij.

Misceantur & Ra rubicundissima in loco frigido asservetur, in dysenteria epidemica, aliisque fluxibus ventris periculosioribus eximium est remedium, **DOSIS** est à cochl. j. ad iij. & iv. per se.

### Bolus in dysenteria.

pro S. R. Maj. JOH. CASIM. & c. sub Zborrovvic in Castris.

**Rx.** *cons. rosarum antiq.* 3iss. *theriac. pulv. Pannon.* ā. 3j.  
*laudani opiat. ʒ. j.* M. F. bolus.

Semel Regia Majestas hunc bolum sumpsit, & statim melius habuit.

### Electuarium dysentericum.

**Rx.** *succi acat. sive prunor. silv. inspissati* ℥ß. 3iij.  
*cons. rosar. antiq. flor. papav. errat. cond. cydon.* ā. 3iv.  
*mellis ad spissitudinem cocti* ℥ßß. *rad. tormentill. subtil. pulveris.*  
*glandium immatur. subtil. pulv. nuc. moschat.* ā. 3iij.  
 cum *myva cydoniata* q. s. F. s. a. elect. mediæ consistentiæ.



In dysenteria, diarrhœa, lienteria, aliisque fluxibus desperatis potenter adstringendo, remedium est infallibile. Dosis à ʒj. ad ʒij. superbibendo haustum aq. spermatis ranar. destill.

Formula pro bolo.

Rx. elect. dysent. ʒj. laudani opiat. ḡ. j. Misce,

**Electuarium aliud dysenter. castrense.**

Rx. baccar. myrtillor. in clibano lente exsiccator. ʒiſſ.

panis dulciarii aromatizati Thoruniensis,

rad. tormentill. pulv. ā. ʒſſ. ʒij.

nuc. moschat. pulveris. ther. Andromachi antiq. ā. ʒij.

cum elix. Matthioli q. s. F. elect. spissum ac densum.

In morbis desperatis, utpote profluv. ventris, est secretum excellens. Anno 1649. dum ad castra iremus, sæpe probatum. Dosis à ʒj. ad ij. seu magnitudinis nucis juglandis. Præmissis tamen iis, quæ præmittenda sunt.

Clar. & sæpè nominatus Dn. D. Cn. in curanda dysenteria hanc etiam observabat regulam. Cum in ea ferè semper aliquid venenati subesse existimaret, eam non tam purgantibus, quam bezoaricis curabat. Inde & statim electuariis & pulveribus suis, theriacam, rad. contrayervæ, tormentill. pulv. bezoart. Pannonicum & similia cum correcto sedativo admiscebat.

In dysenteria etiam & aliis profluviiis intestini recti, si purgatione opus est, nullum præstantius pharmacum *rhabarbaro* excogitari potest, quoniam fluxum sistit, partem roborat, & ulcus sua adstrictione & moderata siccitate curat.

Cum solo rhabarbaro, & pulvere rad. tormentill. quinquies vel sexies sumpto, atque reiteratis enematibus domesticis, curata fuit anno 1673. Serenissima Regina Eleonora, Dna, Dna mea Clementissima.

## TITULUS XV.

# HEPATICA.

## Aperitivum Martiale.

Rx. croci ʒiis aperitivi, ( ex solo ʒlo ʒiis, per calcinationem lenem, ad rubedinem usque, parat ) ʒvj. ḡ. iv.

ʒis essentialis aceto. ell. ʒiv. ḡ. xv.

•P

sacchari



*sacchari Canarii alb. pulv. ℥xvj. ol. still. ver. rosar. gtt. iv.*  
 Misce, fiat pulvis, colore, odore & sapore gratus. VIREs sunt hepaticæ & spleneticæ. DOSIS à ℥j. ad ℥iſſ. & ℥ij. in iusculo carnis.

### Pulvis hepaticus Dn. D. Cn.

℞. *Θis essentialis acetosell. ℥ſſ.*  
*sacchari rosati simpl. (per aquam rosar. simpl. & fragrant.*  
*scil. preparat.) citrati sacchari ā. ℥ſſ. ℥ij.*  
*essent. citri ex cort. recent. extract. f. q.*  
*magist. sandal. rub. (seu Ræ) ℥ij.*

Misce, fiat pulvis gratissimus, incarnati coloris.

VIREs, DOSIS & USUS eadem cum præcedente pulvere sunt.  
 Ex hoc pulvere cum aq. fontana fit & potus gratissimus, pro iis, qui pulveres fastidiunt.

### Alia compos. pro S. R. Maj. ex præscript. D. D. Cn.

℞. *corallior. rub. prepar. ℥iij. Θis essent. acetosell. ℥j.*  
*~ Oli coagul. ḡ. xij. Ræ sandal. (seu pulv. sandal.) q. f.*

Fiat pulvis. DOSIS est ℥ſſ. ad ℥iſſ. & ℥ij. Exhibetur ut plurimum jejuno stomacho, & 3. horis ante prandium in brodio, vino Rhenano, vel alio liquore.

### Liquor hepaticus.

℞. *cremoris Fri alb. ℥ij.*  
*~ Oli non dephlegmat. sed solum per chartam filtrat. ℥viij.*  
*confect alkermes ℥ij.*

Stent in calore ☉:æ, donec omnia sint soluta. Filtrato liquori adde  
*Ram corall. nost. ℥iij. sandal. (per ~ rosar. extr.) q. f.*  
*essent. rosar. gtt. xvj. Mista omnia servantur usui.*

VIREs titulus indicat. DOSIS à ℥ſſ. ad gtt. xv. & ℥j. in iusculo, vino vel alio liquore, horis matutinis.

### Elect. hepaticum Dn. D. Cn.

℞. *conserv. rosarum Olat. flor. tunic. acetosell.*  
*condit. pulp. citri, rad. cichor. cort. citri ā. ℥ſſ.*  
*pulv. nost. hepat. ℥vj. ~ Oli coagul. ℥ſſ.*  
*essent. citri ex recent. cort. nostro m. extract. ad placitum.*

Confert in intemperie calida hepatis, & in febribus calidis & continuis



nus pro corroboratione & refrigeratione virium insigniter, **DOSIS**  
magnitudine juglandis parvæ, per intervalla in die.

## TITULUS XVI. HYDROPICA.

Hydropis curandæ methodus Cl.Dn. D. Andr. Cn.

**P**rimo exhibuit purgantia sua specifica, & universalia, & quidem  
reiteratis vicibus, in forma pilularum, quæ erant  
*extractum hellebori nigri ℥j. cum Sio suo fixo corallino.*

Peractis illis ordinavit tabulas sequentes:

**R.** bezoart. mineralis, aperitivi nost. *℥iati* ā. *℥℔.*

*℥ii fixi diaphor.* *℥ri* *℥iati* ā. *℥iiij.*

**M.** pro pulvere, & cum sacch. albiss. Canar. *℥vi℔.*

*in aqu. melissæ, cinamomi cordial. & rosar. ā. q. s. dissolut.*

Fiant tabulæ more consueto, de quibus patiens sumsit, ter in die, scil.  
manè, à meridie & circa noctem, & semper tribus horis ante vel post  
cibum. **DOSIS** erat *℥i℔.* vel *℥ij.* per octiduum. Hinc accessit & sequentia:

### Vinum Martiale compositum.

**R.** limatur. *℥tis* *℥℔.* ad *℥vj.* cort. fraxini,

*ligni tamarisci ā. ℥iiij juniperi ℥j. sassafir. ℥ij.*

*rad. hellebori nigri ℥iiij. polypodii ℥i℔. caryophyllat.*

*℥ri albissimi ā. ℥℔. sem. carthami ℥ij. ℥is gtt. xij.*

Species incisæ & grosso modo contusæ, includantur sacculo, immer-  
gendo in vini opt. Ungar. *℔vj.* & post sufficientem macerationem, in  
vase terreo satis capaci, vinum *℥tiale* compos. asservetur in loco fri-  
gido. **DOSIS** *℥ij.* ad *iiij.* in aurora, per duos dies, tertio sumantur

### Trochisci Martiales.

**R.** *℥ri* *℥iati* *℥℔.* flor. *℥ris* *℥viiij.* *℥ii fixi diaph.* *℥ij.*

*bezoart. mineral. ℥tialis, corall. rub. prepar. ā. ℥i℔.*

*sacchari Canarii alb. ℥iv℔.* *F. cum* *▽ meliss. citrat. q. s.*

*& essent. citri, ex rec. cort. extr. ℥℔.*

Rotulæ in forma & magnitud. man. Chr. **DOSIS** n. 6. ad 7. bis in  
die, scil. mane & vespere, per tres vel quatuor dies, sexto vel septimo ite-  
rum sumitur vinum *℥tiale*, & sic alternatim continuando, per tempus



aliquod. Et ne semper pergetur æger & vires labascant, adhibeatur sequens

### Mixtura hydropica.

Rx. *elix. proprietatis*,  $\wedge$   $\text{Fri}$ , per lign. *sassafras correcti*  $\bar{a}$ .  $\text{z}\bar{\text{ss}}$ .  
*mixtura de tribus*  $\text{z}\bar{\text{iiij}}$ . *extr. liquidus absinthii*  $\text{z}\bar{\text{j}}$ .

Mixta stent in digestionem per  $\sigma$  &  $\rho$ , postea adde  
*essent. cort. citri rec.* q. pl. *Dosis*  $\bar{a}$   $\text{z}\bar{\text{j}}$ . ad  $\text{z}\bar{\text{j}}$ . in vino seu aq.  
*baccar. & florum sambuci*  $\text{z}\bar{\text{iiij}}$ . Summè prodest.

### Pulvis anti-hydropicus.

Rx. *cremor*  $\text{Fri}$   $\text{Triati}$   $\text{z}\bar{\text{j}}$ . *olis fraxini*  $\text{Olati}$ ,  
 $\text{Fri}$   $\text{Olati}$   $\bar{a}$ .  $\bar{\text{g}}$ .  $\text{viiij}$ . *bezoart. mineral. Triati*  $\bar{\text{g}}$ .  $\text{vij}$ .  
*corall. rub. præp.*  $\bar{\text{g}}$ .  $\text{xvj}$ . *ess. citri ex cort. rec. extr.* ad pl.

Misce in mortario lapideo, detur ad chartam, pro dosi, & tales doses  
 n. 14. ad 14. chartas. Sign. pulv. anti-hydropicus, intermediis die-  
 bus sumendus.

### Cataplasma ad tumores œdematosos & duros

& molles, maximè in hydropè.

Rx. *fimi vaccini*  $\text{lbij}$ . *columbin.*  $\text{z}\bar{\text{vj}}$ . *gallinac.*  $\text{z}\bar{\text{iiij}}$ . *ovilli*  $\text{z}\bar{\text{j}}$ .  
*herb. hyoscyam. solani, chamomill. c. toto*  $\bar{a}$ . m.  $\text{iv}$ .  
*cap. papav. cum semine*  $\text{O}$  *stipit. gr. contus.* m.  $\text{iiij}$ .  
*lithargyr. pulveris.*  $\text{lbij}$ . *myrrh. rubr. pulv.*  $\text{z}\bar{\text{ij}}$ .  
*camphor.*  $\text{z}\bar{\text{iss}}$ . *fec. vin.*  $\text{lbij}$ .

vel loco *fec. vin.* accipe *mucilag. sem. lini* q. s. His insimul mixtis,  
 F. cataplasma.

Applicetur abdomini calidè & renovetur singulis 24. horis. Ac-  
 cidit sic, ut intercutaneum illud lixivium excitet aliquando pustulas  
 rubentes & dispersas, magna spe juvaminis. Non adeò ingratum  
 cataplasma habet odorem, quia myrrha & camphora foetorem sterco-  
 rum reprimat & occultat.

Ex applicatione hujus cataplasmatidis, & usu vini medicati  $\text{J}$ .  
 (superius descripti,) intra 24. horas, 16. quartæ aquarum intercutanea-  
 rum, per urinam ejectæ sunt, in quodam nobili Polono, & intra 9. dies  
 postea totum corpus detumefactum, & æger integre convaleuit.

### Cataplasma aliud, ad tumores hydropicos.

Rx. *baccar. juniper.* p.  $\text{iv}$ . *lauri* p.  $\text{j}$ .

pel-



pulverisata excipiantur cum *mellis* q. s. in consistentiam *cataplasmati*.

usus. Applicetur per omnem ambitum abdominis, calide, singulis 24. horis renovetur.

Beneficio hujus cataplasmati, curabat quidam rusticus in Prussia suum confanguineum, qui integro anno cum dimidio è nimio spir. vini usu hydropicus erat factus, ubi ex illius continuato usu, tumor sensim & sensim detumuit, & singulis diebus melius se habere cœpit.

In tumore abdominis *Cancros vivos in formam cataplasmati contusos*, & *tumenti abdomini superpositos*, tumorem è vestigio sustulisse, cum admiratione omnium, observavit Cl. Dominus Doct. Christianus von Paulitz, S. R. M. p. m. Joannis Casimiri Archiater, & amicus atque Collega meus fidelissimus.

## Cataplasma insigne ad tumores œdematosos.

Cl. Dn. D. M. Littav.

Rx. *stercoris columbini in aceto macerati* ℥j. *caprini* ℥iv.

*Œis comminutim triti* ℥ij. *Œis vivi* ℥j. *Œi*, ℥ß.

*pulv. rad. enul. ebuli, bacc. lauri contus.*

*summitat. anethi, flor chamomill. ā.* 3vj.

*sem. nasturtii* ℥ij. *cum aq. flor. sambuci & vini ā.* q. s.

Coquantur ad pultis solidioris formam, ne manibus adhæreat, cui immisce

*terebinth. opt.* ℥iß. *mellis* ℥ij. *succi ebuli* ℥ij.

*rad. irid. nostr.* ℥iß. Fiat cataplasma hydropicum.

## In hydrope ascite desperato

ſvasit anno 1666. Legatus Cæsareus, Illust. & Excell. Dn. Baro de Isola, Magn. Dominae Pirre de la Cava, sirupum de spina cervina è fermentatione factum, qui sub singula intumescencia insolentiore ad duo cochlearia sumptus, mirificè tumorem consumpsit, in abdomine, in pedibus verò non ita, ideò & sequens cataplasma communicabat.

Rx. *ſimi columbini* q. v. Fiat cum partibus tribus  $\dagger$ ti cerevisiæ & parte una  $\dagger$ ti vini cataplasma, ad consistentiam pultis subactum, lintheo duplicato inducendum.

Hoc cataplasma à calce per suras utriusque pedis extensum ad genua usque, & singulo biduo renovatum est. Interea & sequentes rotulæ quotidie bis sumtæ, ex consilio Cl. Dn. D. Cnœffellii, quæ

\*P 3.

Rx. *acidi*



Rx. *acidi* ℥i ℥vj. *℥ii fixi, flor. Ais* ā. ℥iij.  
*pulv. aperitivi nostr. ex ℥te, bezoartici* ℥ ā. ℥ij. *sacch. alb.* ℥vij.  
*spir. rosar. aq. cinamomi acut.* ā. ℥iij. *flor. cichorii*  
*lumbricorum* ā. pro dissol. *sacch. q. s.*  
*ol. lign. rhod. gtt. ij.* Fiant s. art. rotulæ.

Dos. n. 7. manè & vesperi, tribus horis ante & post cibum, sicque tumor subsedit, atque Domina illa integrè restituta fuit.

### Gangrænæ topicum Cl. Dn. D. C. in Illustrissimo

Domino de Ostrorog, Pocillatore Regni.

In hydrope, intensissimo rubore & ardore cum tumore duro gangrænâ utriusque pedis, à spondylo ad inguen minitante, topicum, seu vinum balsamicum, quotidie bis terve applicatum, tale erat :

Rx. *herb. solani, hyosc. c. tot.* ā. mij. *flor. sambuc.* mij.  
*sem. fœni graci, lini, psyllii* ā. ℥iij. *mucaginis aquaticæ*  
*non destillatæ, sed solum transcolatæ, vel in defectu hujus*  
*aq. sperm. ranar. stillat.* ℥ij. Coquantur ad ebullitionem lenem  
 & semi num mucaginem usque. Colatura Sign. vinum balsamicum,  
 seu topicum gangrænæ.

### Topicum sive locale ad genitalia.

Isthoc cum duplicato linteo tepidè 24. horarum spatio, ter, quater, quinquies, aut sæpius, prout morbus exigit, applicatum tantopere profuit, ut ferè singulis horis ardor, rubor & tumor remissionis manifestum indicium videntibus facerent. Ejus præparatio talis erat :

Rx. *magmatis residui, præcedentis vini balsamici,* ℥vij.  
*sperm. ranar. non destill.* ℥iv. *facta per expressionem*  
*mucagini,* add.  
*myrrh. in aq. flor. nymph. dissol.* ℥i℥.  
*camphor. (in ol. amygd. dulc. ℥i℥. dissol.)* ℥j.

Mixturæ lactescenti add, *pulv. topici* q. s. probè iterum misc. ut fiat justæ consistentiæ & optimi odoris mixtura mucaginosa.

### Pulvis topicus.

Rx. *lithargyrii pulv.* ℥ij. *masticis, myrrh.* ā. ℥j.  
*ceruss. sperm. ceti* ā. ℥ij. *sperniola Crollii s. Theoph.* ℥iij. M. F. Pulvis.

Aliàs & hoc vinum balsamicum locale pedibus cum notabili successu applicatum est.

Rx. *myrrh.*



Rx. myrrh. ℥j. aloes, masticis ā. ℥ij. spermatis ceti ℥ij.  
vini opt. Ungar. cum sem. lini, fœni græci & rad. alth. ā. q. s. cocti ℔ij.  
sperm. ranarum non destill. ℥xl. bulliant prius cum vino species, postea  
colato, & frigefacto decocto, admiscebis tandem mucaginem.

Not. Mucago ex seminibus & rad. althææ, separatim extrahi debet,  
postea sperma ranar. admiscetur.

## Ulcerum erodentium topicum in scroto

& gangræna.

Rx. balsami sulphuris compos. seu simpl. ℥ij. spermatis ceti ℥ij.  
camphoræ ℥j. M. F. balsamum, cui aliquando  
ol. hyperici, ad lubitum admiscebatur.

## Gangrænæ topicum

Illustrissimo Principi van Eggenberg præscriptum.

Rx. herb. verbasci, solani, hyoscyami, m. v. flor. sambuci m. iij. rosar. m. j.  
sem. lini, fœni græci, psyll. ā. ℥℔. aq. sperm. ranar. non destill. ℔vij.  
Coquantur forti ebullitione, inque mucilagine expressa solv.  
camph. per amygdal. excort. l. a. subacta. ℥ij.

Jam Rx. hujus mixturæ camphorat. aq. sperm. ranar. non destill. ā. ℔ij.  
myrrh. in aq. nymph. sol. ℥ij. pulveris topici. q. s. Misceantur.

Topicum hoc singulo bihorio applicetur calidè, linteamina semel  
applicata nunquam removendo, sed identidem humectando cum  
spongiâ medicamine calente imbutâ.

## TITULUS XVII.

## S P L E N E T I C A.

### Pulvis aperitivus spleneticus.

Rec. cremoris ꝑi albiss. ℥j. croci ꝑis aperitivi ℥℔.  
℔ii diaphor. fixi ℥j. ℔j. ḡ. xvj. essent. citri rec. extr. ex cort. ḡ. xvj.  
M. Fiat pulvis subtilissimus.

Vires habet aperiendi, dissolvendi, & incidendi viscerum infarctus.  
Do s. ℔ij. ad drachmam unam, mane & post meridiem, per 14. dies.

### Pulvis cachecticus simpl. Dn. D. Cnöff.

Rec. limatur. chalybis puriss. probè lotæ iterumque siccata ℔j.  
Hanc imbue cum lixivio ꝑis absinthii, per +, facti q. s. & iterum  
siccetur,



siccetur, qui labor tamdiu repetendus; donec omnis limatura, in ferrugineam substantiam sit redacta, ut pulverisari, cribrari & in tenuissimum pollinem reduci queat. Pulvis ita paratus, vel prius benè edulcoratus, serveretur usui, sign. ut supra. Inde postea fit

### Pulvis cachecticus compositus.

Rx. *pulveris cachectici simpl. ℥iv. caryophyll. cinamomi ā. ℥ß. macis ℥ij. sacch. albissimi ℥j. Fiat omnium pulvis.*

In curanda cachexia hic pulvis Dn. D. Cnöffelio erat familiaris, omnem pallorem in morbo virgineo tollit, menstrua inordinata corrigit, retenta promovet, & in reseratione viscerum obstructorum remedium commodum est. Dos. a ℥j. ad ℥ij. & ℥j. Anno 1648. mense Oct. Clar. Cnöffelius pulverem hunc cachecticum sibi paravit | (loco lixivii absinthii) cum succo purificato acetosellæ, in quo prius aliquid cremoris ♀i dissolutum erat.

### Pulvis chalybeatus simplex Dn. D. C.

Rx. *limatur. chalybis ab omni pulvere & peregrina impuritat. prius per sepiissimas ablutiones purgatæ) ℥iij.*

Quæ vitro amplo largo ac forti immissa, humectetur lente & guttatim, cum

*spir. ♀is per campan. fact. ℥ij.* Cessante ebullitione iterum exsiccetur, idque bis vel ter repetatur, donec omnis limatura chalybis in rubiginem quasi convertatur, quæ tandem adhuc in olla nova vitreata, lenissimo calore, in pulverem crocei coloris calcinanda. Vi- res conveniunt cum pulvere cachectico præcedenti. Inde præparatur

### Pulv. chalybeatus compositus.

Rx. *pulveris chalybeat. simpl. ℥ß. ℥ij. acidi ♀i ℥ij. sandali rub. pulv. ℥iß. essent. nost. citri q. v. Misceantur in mortario vitreo. Dos. ℥j. ad ℥j.*

### Alia compositio

pro Illustriss. Dn. Cancellarissa, Osolinska.  
à Cl. Dn. D. C. anno 1648. præscripta.

Rx. *pulv. chalybeat. simpl. cremoris ♀i ā. ℥iß. magist. butyrac. solub. corallior. ocul. cancri ā. ℥ß. essent. curi nost. q. s. pro odore. M. In reserandis ob-*  
structione-



structionibus viscerum & curanda cachexia optimum est remedium.  
 Dosis ℥ij. singulis diebus in liquore conveniente seu jusculo pulli  
 sumendi.

### Tartarus martiatus D. D. B. & C.

Rec. Oli Martis (per Oli seu Aris parati) ℥ss.  
 Solvatur in succ. depurat. acetosellæ s. q. adde  
 cremoris Fri albiss. ℥iij. Ræ sandali q. s.  
 Tartarus ita impastatus lenissimo calore exsiccandus, pulverisandus, &  
 in vitro puro asservandus est.

In obstructionibus viscerum, & vasorum sanguifluorum, aliis  
 remediis prævalet, menstrua retenta promovet, aliisque morbis hepa-  
 tis, & lienis conducit.

Dosis à ℥j. ad 3j. in vehiculo appropriato.

### Tinctura Martis D. D. C.

Rec. masse superioris chalybeat. ( in præparatione scil. pulv. chalyb.  
 simplicis ) & ter cum Aris imbut. antequam totaliter  
 exsicc. & nimis compacta fiat ℥iij.

~ sedativi nost. simpl. q. s. ad supereminentiam 4. digitorum.

Digerantur per mensem in loco calido. Ræ tandem extracta, à relicto  
 separanda, filtranda, & ad oleitatem quasi per destillationem super-  
 fluus spiritus abstrahendus est.

VIREs aperiendi & incidendi habet, ideò in reperatione hypo-  
 chondriorum obstructorum, cachexia, melancholia, mensium suppres-  
 sionibus, item affectionibus uterinis summopere commendatur.  
 Dosis à ℥j. ad ℥ij. & 3j. in jusculo, vino, vel alio liquore appropria-  
 to & destillato, mane ac vesperi, cum jejuniis 3. vel 4. horarum.

### Essentia Martis vitriolata.

Rec. Oli Martis, arte per Oli parati, arcani Fri ā. p. æqual. q. v.  
 Pulverisata misceantur invicem quam opt. in mortario vitreo seu la-  
 pideo. Pulvis commixtus, & supra vitream tabulam expansus, ponat-  
 ur per octiduum & diutius, in locum humidum & frigidum, qui brevi  
 post efflorescens, in liquorem rubescentem crassioraque mutatur; ju-  
 cundi aspectus: Ex quo postea beneficio spir. vin. opt. & rectificati, Ræ  
 extrahitur, sanguinis instar, rubicundissima, quæ per chartam filtrata,  
 & in vitro bene claulo, ad usum necessarium reservanda est.



VIREs sunt insignes in obstructionibus hypochondriorum, mesenterii, pancreatis, mensiumque suppressionibus, morboque virgineo & cachexia. DOSIS à ℥j. ad ʒj. plus minusve pro lubitu Medici ac morbi natura, in jussulo vel vino.

### Essentia Martis composita.

℞. essent. *Ætis* precedent. ʒss. Ræ nostr. corallior. ʒij.  
essent. mosch. ambrat. ʒiv.

(Not. pro foeminis omittenda est essent. odorif. & in locum hujus essent. castorei substituenda.) Misce.

In melancholia, epilepsia uteri, aliisque morbis chronicis hujus essentia virtutes sunt admirabiles. DOSIS à ℥j. ad ʒss. & ultra, in vino vel aliquo liquore conducibili & appropriato.

### Tinctura Tartari.

℞. cremoris *Mercurii* albiſſ. & opt. pulveris.  
ol. *Mercurii* per deliquium fact. ā. ℥ss.

Misceantur ac leni calore in vitreo vase iterum coagulentur. Ex hac massa, quæ prius super porphyrite læviganda est, extrahitur Ræ rubicundissima, beneficio aquæ temperat. q. s. quod tinctum est, auferatur, & novæ ∇ temperata affundatur, digestionem levem peracta, iterum quod tinctum defundatur, liquores tincti, per chartam emporeticam filtrentur, & abstrahantur ad tertiam partem usque: reliqua Ræ *Mercurii* asservetur in usum necessarium.

Præstans est in melancholia & affectione hypochondriaca, arthritide, calculo, & retentione urinæ; omnes enim crassos & *Mercuriosos* humores expellit, & in morbis chronicis & diuturnis febribus intermittentibus utilissima est medicina, in vino vel aqua destillata appropriata. DOSIS est à ℥j. ad ʒss. & ʒij.

Hanc Ræ etiam Clar. Dn. D. Cuccifcl. extrahebat cum phlegmate *Oli* non solum pro usu interno, sed & externo, ad membra podagrica & dolentia illinenda, topicum ab authore sæpius adhibitum & probatum.

### Mistura splenetica.

℞. Ræ *Mercurii* ʒiſs. mistur. de tribus nost. ʒvj.  
cochlear. ʒiv. conf. alkerm. ʒj.

Digerantur clauso vase per 24. horas. Colatura per chartam filtrata servetur usui. DOSIS à ʒss. ad ℥j. & ʒij, in liquore competente.

Mistura



## Mistura splenetica alia D. D. C.

R.  $\wedge$   $\text{Fri}$ , per lignum sassafras correct.  $\text{ziss}$ . mixtur. de tribus  $\text{ziii}$ ,  
 $\wedge$  cochlear.  $\text{Aris}$   $\text{a}$ .  $\text{zij}$ . essent. meliss. citri  $\text{a}$ .  $\text{ziv}$ .

Mista omnia filtrentur, & in vitro cerâ optimè obturato servantur ad  
 usum. Arcanum est in hydrope. Dosis à  $\text{ss}$ . ad  $\text{zj}$ . in liquore idoneo.

## Alia mistura splenetica D. D. C.

pro illustr. Dn. Subcamerario Regni Dn. Rilski.

R.  $\wedge$   $\text{Fri}$  sassafr.  $\text{ziss}$ .  $\text{Ois}$   $\text{ziss}$ .  $\text{Aris}$   $\text{zj}$ .  
*fraxini*. cochlear.  $\text{a}$ .  $\text{ziii}$ . conf. alkerm.  $\text{zij}$ . Ræ sandal, q. s.

Misce omnia exactè, digestionem per diem & noctem præmissa: Mistura  
 per chartam filtrata servetur usui. Melancholicis, hypochondriacis,  
 scorbuticis & arthriticis mirificè subvenit. Dosis à  $\text{ss}$ . ad  $\text{zj}$ . in  
 vino vel aliis medicamentis & liquoribus destillatis.

## Spiritus Tartari compositus.

R.  $\wedge$   $\text{Fri}$  (per infus. ligni sassafras correcti)  $\text{zj}$ .  
 Ræ  $\text{Stis}$  aperit. nost. desc.  $\text{zss}$ . conf. alkerm.  $\text{zj}$ .

Mista stent per noctem (vitro bene clauso) in digestionem, postea filtren-  
 tur, & ad usum servantur.

VIREs sunt incidendi, attenuandi, resolvendi. Hinc in arthri-  
 tide, melancholiâ hypochondriacâ, scorbuto, hydrope, aliisque lienis  
 & mesenterii morbis & obstructionibus convenit, sudorem & urinam  
 promovet, & ab omni tartarea obstructione liberat.

DOSIS à gutt. x. ad xv. &  $\text{zj}$ .

## Balsamum spleneticum externum Dn. D. C.

R. ol.  $\text{Fri}$  destill. (super lign. sassafras rectificat.)  
 balsami  $\text{Aris}$ , per ol. juniperi fact.  $\text{a}$ .  $\text{zij}$ .

ol. cappar. express. (cum rad. anchusa tinct.)  $\text{zss}$ . cum  
 cerato sandalino q. s. Fiat balsam. consistentiæ consuet. cui  
 adhuc admisceantur ol. ligni sassafr. gutt. xvj. Duritiem &  
 tumorem splenis à flatuosis humoribus & tartareis impuritatibus resol-  
 vit, si regio splenis bis in die inungatur.



TITULUS XVIII.

HÆMORRHOIDALIA.

**E**tsi fluxus hæmorrhoidum multoties salutaris esse, & à multis gravissimis morbis hominem liberare & præservare soleat, ob eamque utilitatem non cohiberi debeat; aliter tamen se res habet, ubi fluxus iste nimiam frequentiam & copiam peccat. Quo malo cum S. Reg. Maj. JOH. CASIMIRUS, ob copiam & acrimoniam feculentæ sanguinis non raro, & aliquando sex vel septem septimanis, omni die vexata fuerit, fluxu vulgaria Medicorum remedia spernente; nihilo minus tandem adhibitis Cl. Dn. D. Cnœffeliî medicamentis S. M. sæpius curata fuit, qualia sunt sequentia:

Emulsio coralliata Cl. D. D. C.

in fluxu immodico hæmorrhoidum, pro S. R. Maj.

*Rx.* decoct. hordei. ▽ spermatis ranar. destill. ā. ℥ij.  
sem. melonum & cucumer. ā. ℥ij. amygdal. dulc. excorr. m. viij.  
F. l. artis emulsio simplex. Adde manus Christi coralliata. ℥ss.  
corall. rub. cum sperniola infusator. ℥ij.  
ocul. D. prepar. ℥j. M. F. Emulsio coralliata.

Hanc emulsionem S. Reg. Maj. per 10. dies continuavit, & ex solo usu hujus medicamenti convaleuit.

Emulsio styptica S. R. Maj.

in fluxu magno hæmorrhoidum, & menstruorum, cum metu dysenteriae, ex præscriptione Cl. Dn. D. And. Cnœffeliî.

*Rx.* decoct. hordei cum rad. serpentar. s. q. parati,  
▽ still. spermatis ranarum ā. ℥ij.  
sem. papaveris albi & nigri a. ℥ij. gland. immatur. n. ij.  
amygd. dulc. excorr. n. vj. F. Emulsio. Cui adhuc adde  
gelatinæ C. C. ℥ss. miv. cydoniatae ℥vj. magist. corall. batyr. ℥j.  
cornu mineral. fossil. ḡ. xv. extr. nost. sedativi ḡ. j. Misce.

Semel hanc emulsionem S. R. Majestas eundo cubitum bibit, unde fluxus uterque cessavit, ut Medico amplius auxilio non indiguerit.

Oleum



## Oleum hæmorrhoidale.

Rx. rad. scrophularia ℥ij. chelidon. ℥j. herb. linaria c. floribus m. ij.  
 fol. hyoscyami, flor. verbasci ā. m. j. spong. cynorrhod. n. iv.  
 scarabæorum pilular. n. xij.  
 ol. spermatis ranar. ℔iſſ. lini in Ole albificati ℔℔.

Factâ maceratione adde succi cancerorum. ℥iij. Bulliant lento igne, ad consumptionem humiditatis, fiatque fortis expressio, insolentur adhuc per aliquot dies. Mirum in modum lenit pertinacem tumorum hæmorrhoidum dolorem, si calidè applicetur.

## Unguentum hæmorrhoidale D. D. C.

Rx. ol. sperm. ranarum, hyoscyami, in quo rad. scrophularia sint cocta, lini, (in quo prius scarabæi & procellones bullierunt) ā. ℥vj.

Quibus infundantur usneæ in ossibus humanis collectæ, vel loco hujus musci in tegulis domorum invent. ℥iſſ. ⊕ ℥ij.

Insolentur per mensem, in vitro benè clauso, postea coquantur per mediam horam, oleum fortissima expressione separatum, interim asservetur. Jam

Rx. aceti anodyn. (ex ⚥ flor. hyoscyami & verbasci, per infus. more consueto confecti) ℔iſſ.

lithargyri opt. pulverisati ℔iſſ.

Stent in vase terreo vitreato, per octiduum quotidie bis vel ter spatulâ lignea agitando. Hoc facto

Rx. hujus infusionis lithargyri q. f.  
 & cum olei superius asservati ā. p. aqu.

Fiat unguentum, sub continua agitatione, nempe, donec ambo concrescant, in butyrum quasi viridissimum.

Ad hujus unguenti jam parati ℥iij. adde axung. ursi ℥j.

pulv. sperniol. nost. ℥ij. opii ḡ. ij. Miscéantur pro S. R. Maj. in doloribus & tumoribus hæmorrhoidum.

## Unguentum hæmorrhoidale aliud S. R. Maj.

à Cl. Dn. D. Cnöffelio præscriptum.

Rx. butyri hæmorrhoid. preced. absque axungia ursi & opio parati ℥iij.  
 rebis. suillæ seu porci ℥vj. croci ℥tis nost. styptici,  
 sacch. Ani, sperm. ranar. nost. coagul. ā. ℥ij. M. F. Unguentum.

\* Q 3

Memi-



Memini etiam S. R. Maj. à gravissimo hæmorrhoidum fluxu quondam in Italia curatam fuisse, beneficio frustul. spongiæ in atramento (ex ☉ & galla parato) intinctæ, & in orificium consuetum intrusæ. Pro interno remedio præscripta fuit & infusio ligni lentisci, de qua ter in die bibit, scil. mane, à meridie & vesperi, aliquando & in prandio, loco potus ordinarii. Ex relatione ipsius Reg. Majestatis, Domini mei tunc temporis clementissimi.

Mirabile remedium est illud, de quo Francisc. Osio. Grembs M. Doct. (in lib. 2. c. 1. §. 5. n. 74. Arbor. scil. integr. & ruinosæ) scribit, quod fudor morientium intra linteolum collectus, & hæmorrhoidibus applicitus, fluxum sistat, quod remedium Archeum timidum reddit, qui ex natura sua mortem timeat, ut propterea à furore remittat.

### Pulvis externus hæmorrhoidalis niger.

Rx. sperniolæ simpl. nost. (ex oculis nigris præp.) cornu fossilis ā. ʒß. ʒij.  
Onis crudi, ☉ ad rubed. calc. ā. ʒijj.  
gallar. immaturar. pulveris. ʒvj. M. F. Pulvis.

Ufus ejus externus est, non solum in fluxu nimio hæmorrhoidum, sed & in quavis hæmorrhagia, maximè vulnerum, si gossypio exceptus, osculis venarum stillantium imponatur.

### Pulvis alius hæmorrhoidalis ruber.

Rx. cornu mineral. fossilis, & labiis adhaerescens,  
lacc. rub. globulos. pictorum,  
musci crustacei ossium human. ā. ʒß. aluminis crudi,  
sperniolæ siccae nost. ex ipsis ranis cum propr. sperm. parat. ā. ʒij.

M. F. Pulvis. Eandem habet virtutem & usum cum præcedenti, nempe externum, etiam in desperatissimis hæmorrhagiis, cæteris remediis nihil juvantibus.

### Pulvis hæmorrhoidalis internus, pro Illust. Principe Razivvil.

Rx. corall. rub. præpar. unicornu mineralis seu fossilis,  
sperniol. sicc. simpl. n. descript. ā. ʒij.  
sedativi nost. citrati simpl. ʒ. iij. essent. rosar. ver. odorif. gtt. vj.

Misceantur in mortario lapideo, post dividantur in 6. æquales partes  
ad 6.



ad 6. chartas, in emulsione specifica seu aq. sperm. ranarum sumendas. Omnem hæmorrhagiam sistunt.

## Amuleta in fluxu hæmorrhoidum.

Omnia illa amuleta, quæ in hæmorrhagia narium & fluxu nimio menstruorum recensita sunt, & collo appenduntur, atque manibus tractantur, & hic locum habent.

Præ aliis à proprietate valet cingulum ex linteo urticæ crudo, (seu loco hujus cannabino) spermate ranarum insuccato. Item cingulum ex herb. bursæ pastoris recent. collecta. Mulierculæ in Russia, ad hoc negotium muscum terrestrem clavatum C. B. (quem & ibi plicariam vocant) sibi eligunt. *Hartmannus in prax. chim.* vult cingulum ex foliis hellebóri nigri conquassatis recentibus, nudo corpori circumdatum, quo ipsemet feliciter usus est. Pelle leonis, si ei infideatur, hæmorrhoidum dolores efficaciter leniri, auctor est *Jonston. de quadruped. hist. nat. p. 117.* Laudatur etiam

## Annulus stellatus Helmontii.

Quem Clariss. Dn. D. *Christianus à Paulis* S. R. Maj. p. m. Medicus, amicus & collega meus charissimus, ab Illustriss. Principe van Eggenberg dono acceperat, & S. R. Maj. Joh. Casimiro p. m. (me præsentem) iterum obtulit, quæ R. Maj. annulum, exterius auro, absque igne ornari jussit, & per multos annos digito manus sinistræ gestavit. Annulus stellatus describitur ab *Helm.* in libro de *Lithias* cap. 2. & in tract. *super verba. In herbis, verbis & lapidibus magna est virtus.*

Quod cæteris nihil juvantibus (inquit Author) frigestetur annulus, subito & in ipso spatio orationis Dominicæ omnes hæmorrhoides, tam cæcas, quam apertas, & illarum dolores, uti etiam matricis affectus sistere solet. Meminit & hujus annuli *Unzerus de epilepsia lib. 2. c. 13.*

Hæmorrhoides sunt (ut multi volunt) nonnullis hæreditariæ, præsertim apud Judæos, qui graviter iis infestantur; & si hoc, fortasse non male ad maledictionem divinam referunt, quippe qui clamaverunt, sanguis ejus super nos & filios nostros. Quod probare videtur *Psalmes*, dicens, quod percusserit D. E. U. S. eos in posterioribus dorsi, opprobriumque illis dederit sempiternum.



TITULUS XIX.  
ANTINEPHRITICA.  
Specificum Antinephriticum,  
*ſeu*  
Medicamentum cryſtallinum

S. Reg. Maj. VLADISLAO IV. &c. uſibus dicatum  
à. Cl. & Excell. Dn. D. Andrea Gnöffelio.

Rec. *magiſter. cryſtal. montan. lithontriptici* a. ʒj.

ꝑri - Oli cryſtalliſati ʒß.

*ſpir. Oli coagulati & fixi, ſandal. rub. pulv.* ā. ʒj.

Miſc. probè ſubigendo in mortario vitreo in alcool. Sign. *medicamen-  
tum cryſtallinum pro S. R. Maj. Vlad. IV.* Summum & arcanum in fran-  
gendo, atterendo, radicitusque pellendo calculo, cujuſcunque speci-  
ei, & loco, ideò & in arthritide, aliisque morbis ꝑreis ſumitur, omnem  
enim impuritatem limoſam, per urinam expellit, & gonorrhœam  
curat. Doſ. à ʒj. ad ʒiſſ. & ʒij. in brodio, vino, vel alio liquore de-  
ſtillato, bis, ter vel quater in ſeptimana.

Magiſterium cryſtallorum montan.

Rec. *cryſtallorum pellucidarum* lbj. *ſpir. Oli non dephlegmat.* lbij.

Cryſtallus igniatur, extinguiturque in ſpir. Oli, qui labor decies repe-  
tendus eſt, tandem ſuper porphyritem redigatur in ſubtiliſſimum al-  
cool. Sign. ut ſupra. VIREs hujus magiſterii ſunt ad calculum totius  
corporis atterendum. Prodeſt & podagricis, & aliis quamplurimis mor-  
bis. *Petræuſ diſſert. 40. Noſologia ſua:* Cryſtallus eſt medicina calculi,  
qua non præſtantior alia. Et *Paraceluſ in annot. ad cap. 1. tract. 3. lib.*  
*1. de tart.* In lapillo duro (ſcil. reſolvendo) non eſt præſtantior medi-  
cina cryſtallo, felix il, lequi poſſit præparare.

Spiritus Oli, poſt præparationem cryſtallorum relictus, filtretur  
per chartam & reſervetur interim, ſigneturque ſpiritus Oli cryſtalliſa-  
tus. VIREs cenſetur habere diureticas. Doſ. gtt. vij. ad x. in juſculo  
carnis, decocto petroſelini, aquis deſtillatis ſpecificis, vel alio vehiculo  
idoneo.

Tar-



## Tartarus vitriolatus crystallifatus.

*Rx. spir. Oli crystallifati, part. j. salis Fri liquidi, part. ij.*

Affunde guttatim spir. Oli, super liquorem salis Fri tamdiu, donec arepitus cesset, idque in vitro capaci; sic fiet coagulum, sedatâ ebullitione, & evaporatâ humiditate, & quidem lento calore ad siccitatem, residuum servetur pro specifico antinephritico, vel per se ad alios usus.

Est insigne digestivum, quod in omnibus obstructionibus viscerum exhibetur. dos à ℥ss. ad ℥j. in conveniente liquore.

## Magisterium lithonripticon.

*Rx. spir. Olis opt. rectificati ℔j. Solvantur in illo lap. Judaic. lyncis, spongia, aquila ā. ℥ss.*

*oculor. cancri 3vj.* Infundantur lapides (prius contriti & pulverisati) spiritu Olis, stent per aliquod tempus in digestionem, donec plane sint soluti. Solutiones claræ & flavescentes decantentur, & filtrentur & cum spiritu Oli crystallifato, guttatim instillato præcipitentur in butyrum dulce. Pulvis præcipitatus exsicceetur & asservetur in vitro puro.

*Not.* Præcipitatus pulvis & cum spiritu ardente baccarum juniperi circulari potest, quo iterum abstracto remanebit in fundo vitri coagulum, instar butyri, est medicina dissolubilis in omni liquore.

**VIRES** habet lithonripticas. dos. à ℥ss. ad ℥j. & ℥iiss. per se vel cum diuretico aliquo alio, præcipue vero dicatur componendo specifico nostro antinephritico, ad quod etiam requiritur.

## Spiritus vitrioli coagulatus.

Fiat prius sal fixum nitri, cum frequentissima sulphuris in crucibulo ignito iniectione, ut scis. Secundo à sale hoc fixo in MB. identidem abstrahe spiritum Oli rectificatum, eo usque quo sal hoc nitri fixum, nihil amplius receperit.

## Pilulæ in calculo renum & vesicæ.

*Rx. magisterii nostri lithonriptici, ℥i diaphoret. resol. ā. ℥iiss. salis succini, ℥ss. ḡ. v. extr. nostri sedativi ḡ. iiij. succi glycyrrh. inspiss. ḡ. xij.*

Misceantur & fiat massa, ex qua formentur pil. n. 21. pro tribus vicibus, pro qualibet dosi n. 7.

Sumuntur circa ☿ superbibendo bonum haustum aciduli vegetabilis.



## Aqua antinephritica.

*Rx. fragorum rec. mensur. Pol. n. iv. (4. stoff.) baccarum a'kekengi lbjss.  
rad. raphani radula concise lbij. sem. dauci vulg. lbss.  
succ. betul. mens. Martio coll. lbxxiv.*

Mixta per B. V. f. art. destillentur. Liqueor prolectus inde servetur ad  
usum de stinatum attenuando, incidendo, & detergendo urinam mo-  
vet, renes, ureteres & vesicam ab omni saburra præ libera, calculum  
frangit, & educit, ejusque efficientes antecedentes omnes tollit causas.  
Dosis aquæ hujus ℥j. ad ℥iij. per se vel cum sir. dialthææ vel alio idoneo.

## Sorbetta anti-nephritica.

*Rx. sorbetta (seu s.ербет. Turc.) inspissat. ℥viiij. liquoris betul.  
clarificat. mens. j. (lbij.)*

*essent. citri ex cort. rec. extr. ad placitum M. & fiat potus gratus.*  
In defectu sorbet. Turc. (quæ ab Armenis Leopoli, ac Varsaviæ, tem-  
pore comitiorum facile venalis invenitur) fiat,

## Limonada antinephritica. S. R. M.

*Rx. liquoris - betule fermentari ac clarific. lbj. succi expressi  
acidi citri tantum, quantum tria poma citria in se  
continent. Post in alio vitro*

*Rx. succi seu liquoris betule lbj. sacch. albißimi ℥viiij. Misce  
tamdiu, donec saccharum penitus sit dissolutum.*

M. sc. liquorem superiorem acidum, cum liquore saccharato invicem,  
sæpiuscule transvasando; postea limonada tali modo parata, subtilis-  
simo colo trajiciatur, & ad usum asservetur. Si placet, limonada  
tandem cum essent. citri, ex corticibus rec. extr. f. q. aromatizari po-  
test, quod unum erit cum sorbet, seu s.ербет. Turc. in Italia, Hispania  
aliisque regionibus calidis vilioris conditionis homines aquæ fonta-  
næ tantum permiscent, succi citri seu limonum, quantum pro grata  
aciditate sufficit, qua potione absque saccharo non solum æstivo tempo-  
re, verum etiam in febribus ardentibus, pro extinguenda siti sæpius u-  
tuntur; beneficio salis & nivis etiam congelari solet, qui potus glacia-  
tus, vel glacie in frigidatus, minimè approbatur, rationes inquirat B. L.  
in tract. curioso ac utili Cl. Dn. D. Barholini de usu nivis.

Conciliatur & scorbettum seu limonada apud nos hiemali  
tempore (ubi scil. poma citria & limones non semper recent. haberi  
possunt,)



possunt, ) beneficio pulveris acidi & grati, cujus descriptionem exposuit R.P. Ferrarius in lib. 3. c. 34. de malorum aureorum cultura. qui talis est :

### Pulvis acidus ex succo limonum.

Rx. *limones minusculi*, in frustula circulatim secantur, & filo tenui transiuntur, ita, ne inter se contingant. Deinde in cistella componuntur; & in caldaria cella, furno imposita, diebus decem pluribusve habentur, donec leni calore perarescant. Tum aridæ medullæ cultro continguntur, ut solvantur in pulverem. Collectus hic in lapidea pila ligneo pistillo minutissime conteritur & seponitur in usum: nempe ut aquæ potio jucunde mordax, utque dulcacida compositio, quam forbettum vocitant, concinnetur.

### Primum ens betulæ & liquor seu succus betulæ

quid sit, & quomodo colligatur.

**L**iquor seu primum ens betulæ nihil aliud est, quam ille succus mercurialis, qui mense Martio, accrescente luna, sub cortice vulneratæ betulæ colligitur, ingentem enim dat copiam liquoris, seu succi aquosissimi, in Russia atque Livonia, ubi in magnis doliis singulis annis colligitur; soli prius exponitur, & post peractam fermentationem repositus, per totum ferè annum, postea conservatur pro potu ipsis gratissimo. Ferunt Tartaros circa mensem Martium, hunc tantum liquorem potare, seque hoc potu ab omni morbo præservare. Hic annectere sequentia ex Cl. *Helmontio de lithiasi c. p.* operæ pretium esse duxi: Olim observavi (inquit Helmont.) principibus Germaniæ fuisse uernaculum, quod contra lithiasin quotannis in Majo biberent quotidie haustum liquoris è cortice vulneratæ betulæ. Quem liquorem præservabant à corruptione aëris, illi affundendo oleum olivarum. Vulnerata arbor Germanis ein Birckenbaum/ nostratibus vero Beerkenboom dicitur. Vulneratur enim cortex betulæ, propè terram in trunco, mense Martio, circa tempus, quo solet vulnerata vitex plorare novellum liquorem, è terra haustum. Sed is liquor betulæ est totus aqueus, ac penè insipidus. Sin autem ramus aliquis, spissitudinis trium digitorum, ad semidiametrum, vulneretur, inditaque lana repleatur, statim flet liquorem non ingratum, at subacidulum, qui etiam in ipso lithiasis tormento solatur afflicto, tribus quatuorve cochlearibus assumptus. Meracior ergo est, qui supernè à ramis, quam qui infernè à trunco fluit. Aquosus

\* R. 2

autem



autem planè, qui propè terram effluit. Hucusque circa modum colligendi citatus Author, plura adhuc de betula & ejus liquore atque virtute & usu, ibidem.

Huic postea jungo illa, quæ Cl. Dn. D. Andr. Cnœffelius circa usum & virtutem, in observationibus suis, sibi annotaverat, hoc sensu: Certo quidem constat experimentum hoc ex tractatu *Helmontii de lithiasi*, sed & experientia propria idem confirmat, *primo* in casu, quem Illustriss. Palatino Pomeraniæ, Domino Danhoff contigisse memini, cui primo balneum, deinde internus usus acidularum vegetabilium è succo betullæ, comminutis & ejectis tam calculis, quam saburrâ mucaginosâ, quasi cruenta, cæteris nihil proficientibus, notabiliter profuit: *secundo* in affectu Illustriss. Dn. Palatini Weiheri Marienburgensis, qui, uti mihi fassus est, à pluribus annis, quam primum leviori saltem frigori se exposuisset, molestam urinæ nigræ excretionem passus est. Ex eo vero, quo familiariter mulsum tenue ex succo betullæ, loco aquæ simplicis, præparatum bibit, jam raro, & non nisi occasione magnâ irritante, talis comparet urina.

Itaque quotannis suæcum in magna quantitate comparare decrevi, ut postea cum saccharo & pomo citri, limonadam, seu acidulas vegetabiles in æstate parem. *Huc usque Cnœffelius*. Vide & *Diatr. de lithiasi Gualt. Charleton. c. 3.* à quo & succus betullæ cum sem. dauci fermentatus, pro Illustr. Cancell. Regni p. m. præscriptus fuit.

Meminit & hujus liquoris betullæ Clar. Dn. D. Simon Schulzius, (*in tertia Anno Miscellaneorum curiosorum obs. 155. de calculi remediis*) & adhuc alii plurimi.

### Electuarium contra calculum Dn D. Cn. pro Generoso Dn. Colonello Geiretzki.

℞. sanguinis hirci, secund. Helmont. præpar. ℥iij.  
magist. nostr. lithontriptici butyr. ℥vj.  
conf. petroselin. hederæ terrestr. ā. ℥iſſ.  
elaosacch. citri ex recent. extim. cort. extr. ℥j.  
fir. malvæ compos. n. præp. q. f. M. F. electuarium.

Usus. Manè à lecto surgenti, sumitur quantitas nucis castaneæ, per aliquod tempus.

### Essentia lithontriptica & antiarthritica.

℞. ^ juniper. hederæ terrestr. vel quod melius ^  
nostr. lithontriptici ā. ℥iſſ.

extr.



*extr. rad. saxifrag. bacc. juniperi ā. 3ij.*

*fol. hederæ terrest. alkekeng. ā. 3j. Ois Fri 3j. 3j.*

*ol. juniperi 3j. carui, anisi ā. 3j.*

Commixta digerantur in vitro optimè clauso tamdiu, donec perfectè uniantur, postea filtretur per chartam emporeticam essentia, usuique asservetur. In omni calculorum genere, dos. cochl. semis ad j. & ij.

*Nota:* Lachryma vitis viniferæ mense Martio collecta in calculo renum & vesicæ est remedium sæpè probatum. dos. ʒiij. bis in die.

### Mistura lithontriptica & antiarthritica.

*Rx. Ræ Fri ʒiij. (per ^ scil. lith. fact.) Fri sassafrati ʒiij.*

*extr. lithontript. 3j. essent. cort. rec. citri q. v.*

Stent per ☿ & ♀ in digestionem, postea filtrentur per chartam. dos. à ʒss. ad 3j. & 3j. in liquore appropriato destillato seu vino Rhenano.

### Tinctura Tartari.

*Rx. cremoris Fri albisimi, & Fri in furno figuli opt. calcinati ā. ʒiij.*

*ol. Fri per deliquium facti tbb.*

Mixta stent in loco calido tamdiu, donec leni exhalatione humiditatis, totum iterum ad pristinam siccitatem redactum sit. Ex relicta massa prius in pulverem redacta, extrahatur beneficio spir. vin. lithontriptici opt. ardentis, & quidem repetita affusione, Ræ rubicundissima; spiritus inciti, & prius filtrati, in MB. iterum ad justam Ræ consistentiam abstrahantur. vires habet aperiendi, incidendi & resolvendi crassos tartareos humores. Hinc in obstructionibus hypochondriorum, arthritide, calculo & morbis aliis diuturnis & chronicis, insignes habet virtutes. Datur à 3j. ad ʒij. & 3j. in jusculo vel vino, seu alio liquore, inde & à sæpè nominato D. D. M. L. pro Regia Maj. fuit præscripta. Maximè in colica nephritica, sub hac formula:

*Rx. Ræ Fri 3ij. carminativi, lithontript. ā. ʒss. 3ij.*

*elæosacch. citri ex cort. extim. & recent. extr. q. v.*

M. Fiat mistura, pro S. R. Maj. dos. cochl. ʒ. ad cochl. unum, sed parvum.

### Spiritus vini lithontripticus

Officinæ Regiæ Warsaviensis, tempore VLADISLAI IV.

*Rx. fol. hederæ terrest. m. iv. sem. dauci m. ij.*

*rad. petroselinæ, raphani maj. ā. ʒiss.*

\* R 3

fruct.



*fruct. cynosbati m. ij. nucl. Persic. contus. m. j. & avenacei lb viij.*  
 Stent in infusione per octiduum, postea destillentur in MB. seu VB. & us  
 in prima destillatione prolectus, tingatur cum fol. hederæ terrestris q. s.  
 in colorem viridissimum. Vel

*Rx. hujus spiritus lbj. sirupi violacei ℥iij. Olio vel Olei Fri gtt. ali-*  
*quot. Et erit simili modo spir. vin. lithontripticus viridissimus.*

### Emulsio nephritica D. D. B.

*Rx. sem. 4. frig. maj. excortic. non rancid. ā. ℥ij. papav. ℥j.*  
*nucleor. persicor. purgat. cerasor. amygdalor. amar. decort. ā. ℥iij.*  
*decort. hordei cum sem. dausi preparat. ℥iv.*  
*aq. petroselini, liquor. betula still. ā. ℥j. Fiat emulsio. Adde*  
*sir. sen julap. è succo betula, de althea Fernelii ā. ℥iij.*  
*oculor. Si preparat. ℥j. spir. fragor. gtt. aliquot. M. Sig.*

*Much auf die Nacht auf 2. mahl.*

### Infusio ligni nephritici.

*Rx. ligni nephritici veri & in particulas parvas prius concisi ℥iv.*  
*liquoris betula purificati ( seu vini Rhenani. ) ℥xxxij.*  
 Macerentur simul & tamdiu, donec liquor infusus colorem cœruleum  
 dilutiorem contraxerit. Adde sacchari citrati ad placitum in difficultate  
 urinæ, & dolore nephritico, mirabiles experiuntur effectus ex hac in-  
 fusione ii, qui assidue eâ utuntur.

Dosis ℥iv. manè tribus horis ante prandium, per 14. dies.  
 Sunt, qui potum ordinatum atque vinum eâ diluunt.

Hanc infusionem ( quæ gratissimi est saporis ) per aquam fontanam  
 seu acidulas Egrenses, sibi ipsamet parare solita est Regia Majest. p. m.  
 VLADILAUS IV. Dominus meus clementissimus.

### Ludum Cnoëffelianum Com.

#### Secreti præparatio Paracelsi & Helmontii.

**N**emo miretur, me oleum ladi Cl. Cnoëffeli, cum illo, quod ab  
 Helmontio lib. de lub. c. 3. §. 28. & ante illum à Paracelsa lib. de  
 morb. Preis, edit. Germ. c. 20. p. m. 314. & tract. 2. c. 1. p. 489. descri-  
 bitur, sub uno titulo, & una præparatione, hic comprehen-  
 dere, cum tamen Medici insignes & quamplurimi Paracelsi & Hel-  
 montii ludum ex solo & uno subjecto extrahi velint. Sed incidit in  
 mentem, quod Author noster quandoque mihi & Cl. Dn. D. Paulitio



p. m. narravit; cum nobis lapidem quendam pallidi coloris, magnitudine pollicis & formæ tabulatæ monstraret, dicens, *hic est verum ludum Helmontianum, mihi ex Brabantia transmissum*. Sed non solum hic lapis talem habet virtutem, calculos in corpore humano comminuendi, sunt & plures lapides saxifragi, qui eandem habent facultatem. Et uti Helmontio concessum erat, eligere sibi saxifragum, in territorio Antwerpiano, quem Paracelsus fortè nunquam vidit, neque in illis terris fuit, sic & mihi potestas permissa est hoc faciendi, & eligere saxifragum, qui in Prussia & mea villa, non procul ad ripam fluminis Nagot invenitur. Hic solum agitur de præparatione, quæ primò, beneficio liquoris alicujus alkahestini instituitur, prout in ludo meo composito fieri solet, & cum Helmontiana una est. *Hec erant verba Domini Authoris nostri*. Jam sequitur ergò ejus compositio:

℞. *lapid. lyncis, (alias ludum nostr. vocatum,) Judaici, spongiæ, cancrorum & aëtitis* ā. q. pl.

Pulverisatis & opt. contritis, & in alcool quasi redactis affunde

Λ Θis *nostr. ad supereminentiam trium digitorum,*

Stent in digestionem tamdiu, donec videris spiritum assumisse, quod potuit, tunc modica inclinatione, quod clarum est, effunde; affunde novum spiritum, donec vel totum, vel magnam partem solveris. Celerius expeditur extractio, si ista prius fuerint calcinata, quod alias omittitur. Solutiones seu extractiones in vitrea concha coagula, si liquorem vis perdere, sin minus destilla, & abstrahere Λ Θis, ad siccitatem usque. Coagulum contritum, exactissimeque levigatum, solve deliquio, in cella, vel alio loco humido; coagula denuò & solve, idque dum nolit amplius cogi & siccescere. Oleum hoc per deliquium paratum hermeticè claudatur in ovo philosophico, & observato ignis regimine, stet tamdiu in digestionem, donec abeat in formam pinguedinis instar liquefcentis. Dosis hujus olei ludi est gutta una usque ad vj. & x. ex vino albo præbita. Frangit & atterit omnem calculum totius corporis, hinc convenit & podagricis. Plura de virtute hujus quære in Helmontio de lithiasi.

Præsentissimum hoc remedium à Paracelso primo inventum, (*lib. de morb. Tartar. c. 20. tom. 1. pag. 314. & tom. 2. de Tart. fol. 485. Germ. edit.*) & ab Helmontio *lib. de lithias. c. 3. item in Libavii Syntag. arcan. chim. tom. 1. l. 3. c. 24. Untzero de lith. & Cunrado Kunrad. in medulla destillatoria* 148. descriptum, vocavit Cl. D. D. A. Cnöff. *Oleum lithon-*



*Lithontripticon*, quod in S. R. Maj. Subcammerario, Illust. Dn. Theodoro à Döhnhoff expertus est, in dolore renum & inguinum & hærente urina, quam mox copiosissimè cum uno & altero tophulo ejecit, sub hac formula:

Rx. ol. hujus lithontriptici ℥ss. ~ Aris & melisse ā. 3j.

Δe nostr. arthritic. intern. in forma julapii seu acidularum absque sir. violaceo f. q.

Dosis hujus mixturæ ℥ij. primis diebus, mane & à meridie in jusculo carnis seu cerevisia calida sumendæ, usque dum dolores remiserint, reliquis diebus tribus vel quatuor, sumitur saltem mane, & semel in die.

### Liquor lithontripticus.

In defectu hujus medicamenti antea præscripti, Cl. Dn. D. A. Cn. aliquando & sequentem substituit liquorem.

Rx. ocul. D, lap. judaici, lincis, spongiæ, ætit. ā. q. v. sc. 3j.

Pulverisatis affunde ~ Oli philosophici ℥ss.

Stent in digestionem ad totalem quasi dissolutionem. Solutioni filtratæ postea addantur ~ Oli rectificati ord. 3ij. Misce.

Dosis gtt. ix. usque ad x. in brodio vel vehiculo convenienti.

### Arcanum sanguinis hirci contra calculum.

Aliud adhuc medicamentum specificum contra calculum possidebat p. m. Cl, Dn. D. A. C. ex sanguine nempe hircino prius præparato, quod

Rx. sanguinis hirci, secundum Helmont. præparati, magist. lithontriptici nostr. descript. ā. ℥ss.

sacchari albusim. pulv. 3j. essent. citri ex cort. extim. rec. extr. ad pl.

M. F. pulvis. dos. 3ij. ad 3j.

Sanguinis hircini & capræ passim apud Authores fit mentio, de quo vid. *Henr. Petrei Nesolog. Dissert. 40.* Meminit & huius *Vidus Vidius l. 10. c. 20.* *Joh. Arculanus, Heurnius, Sanctorius l. 15. c. 4.* *Rondeletius in Consil. Craton. Consil. 150.* *Lælius à fonte, in Consult. 84.* *Cesalpinus l. 3. c. 29.* *Præst. Forest. in schol. ad Observ. 25. lib. 24.* *Mich. Paschalius lib. 1. meth. cur. 47.* *Renodæus lib. 3. c. 3. 15.* *Borellus Cent. 2. Observ. 88.* *R. P. Athan. Kircherus, lib. 3. de magnet.* *Kyperus in Instit. Phys. lib. 5. c. 2. §. 7.* & alii quamplurimi: præsertim verò ille magnus Medicus *Helmontius*, qui & in pleuritide hoc remedium commendat. Et *Oswaldus Gabelkofer in lib.*



*lib. Medic. Würtzburg*, medicamentum quoque egregium ex sanguine hircino contra calculum renum conficere docet *Scaliger Exerc. 344. num. 8.* ait: Hircinum sanguinem frangere in renibus ac vesica lapidem, tam verum est, quam solem meridie lucere: quamplurimos enim ejus vi comminuimus. Verum hoc ita simpliciter fieri nequit, nisi hircus seu capra lithontripticis herbis prius fuerit pastus.

Præparationem sanguinis hirci inveniet B. L. apud *Helmont. in tr. Pleura Furens* §. 32. item apud *Zwelfer. in animadv. in Pharm. Aug. p. 419.*

### Lapis nephriticus factitius internus.

Rx. *magisterii crystall. montan. n. desc. lithontript. nostri* ā. ʒʒ.

*ocul. ☉. cum infus. lign. nephrit. prepar.* ʒj.

*petroselini adhuc humidi & recenter facti ad tingendum colore viridi* q. s. Misceantur, & cum mucilagine

tragacanthæ per infusionem ligni nephritici facti q. s. Fiat massa, ex quâ postea formentur lapides signati instar terræ sigillatæ, vel alterius cujusdam formæ.

Hic lapis omnem calculum in corpore humano atterit, & cum urinâ expellit.

Dosis ā ʒj. ad ʒij. vel ʒj. in liquore convenienti prius dissolutus, vel in pulverem redactus.

### Lapis nephriticus factitius externus.

Rx. *vitri hni, ex minui part. ij. & silitum fluviatilium pulveris. part. j. parati, Ori purificati* ā. ʒiv.

Uniantur fusione in +bulo, materia adhuc liquida effundatur supra tabulam cupream, calefactam, à lateribus argillâ munitam; & sic habebis lapidem vitri instar splendentem, qui lumbis & regioni renum applicatus, eundem cum lapide nephritico naturali præstabit effectum: de quo Auctores inspiciendi. Omnem enim intemperiem calidam renum emendat, & in gonorrhœa virulentâ auxilium est rarum: quod etiam tabula ex Oro solo fusa aliquando præstare solet. Sunt qui vitrum hni pulverisatum & sacculo inclusum regioni lumborum applicant, sicque eundem sentiunt effectum.



# TITULUS XX.

## CAPUT I.

# VENEREA.

## Species confortantes.

℞. *spec. diasatyrion. simpl. diatrion piperew ā. 3ij.*  
*diamosch. dulcis, diambre ā. 3j. lithontriptic. 3ij*  
*boleti cervini, priapi cervi, carnis stinci marini ā. 3j.*  
*femin. urtica, eruce, lingue avis a. 3ij.*  
*cardamomi, cubebarum, macis,*  
*massie lignee cinamomisatae, caryophyllatae ā. 3j.*  
*olei macis ℥ss. cinamomi gtt. v. M. fiatque pulvis subtilissimus,*

In confortandā & stimulandā venere est pulvis præstans. DOSIS ℥j.  
 ad ℥ij. plus minusve, prout Medico videbitur, in aquæ cinamomi cor-  
 diali q. s. horâ unâ ante somnum.

## Trochisci confortantes S. Reg. Majest. ex præscriptione Dn. D. Matth. Littau.

℞. *magisterii butyracei perlarum, carnis stinci marini,*  
*priapi cervini debito tempore, (dum videlicet in coitu est)*  
*excisi & subtiliter pulveris. ā. 3j.*  
*ambre gryseae ℥ss. macis 3ij.*  
*pulveris viperini, succolade Indicae ā. 3vj.*  
*sacchari albisimi 3jss. cum glutine veratri cervini q. s. &*  
*confect. alkermes 3ij. Fiat massa, adde*  
*ol. cinamomi gtt. iij. caryophyll. gtt. ij.*  
*nuc. mosch. expressi ℥ss. essentia moschi ḡ. xij.*

Impastentur optimè, tandem fiant trochisci.

Ad restaurandam totam naturam, senibus & iis conducunt, qui offici-  
 um maritale præstare non possunt. DOSIS à ℥j. ad ℥ij. sub ingressum  
 lecti, in haustu vini malvatici optimi.

## Trochisci viperini confortantes Dn. D. G. pro S. R. M. VLADISLAVO IV.

Rec. *ambre gryseae cum semine alcae odoriferae in pulv. subi. redacta 3ij.*  
*moschi orientalis veri optimi ℥j. magist. perlarum butyracei ℥viij.*  
*pulveris*



*pulveris viperini nostri simplicis, succolade Indicæ subtil. pulv. a. ℥j. sacchari Canar. pulveris. ℥ij. Ex omnibus exactè mixtis, additis confect. alkermes & gelatinæ priapi cervini a. q. f.*

F. Pasta mollis, ex quâ formentur trochisci minores scrupulum dimidium ponderantes, qui chartæ inclusi lentè exsiccandi sunt. Sign. rotulæ pro S. Regia Majestate.

Dosis n. iv. usq; ad vj. & viij. horâ unâ vel alterâ post cœnam, superbibendo bonum haustum vini generosi seu aquæ cinamomi cordialis.

### Pasta Regia confortans.

Rec. *amygdal. dulc. excortic. ℥iv.*

*pinearum mundat. non rancidarum pistaciorum decorticat. a. ℥i℥.*

Contundantur probè & minutissimè in mortario lapideo ad pultis formam addendo per intervalla

*aquæ cinamomi cordialis q. f. quibus postea admisceantur*

*succolade Indicæ subtil. pulveris. ℥iij. sacchari. albissimi pulv. ℥xxx.*

*rad. satyrionis condit. ℥ij. cortic. aurantiorum condit.*

*zingib. Indic. condit. a. ℥j. nucis Indicæ conditæ ℥vj.*

*spec. confortantium ℥iij. cinamomi pulverisati ℥i℥.*

*caryophyllorum pulverisat. ℥℥. macis ℥vj. ambre ℥i℥.*

Misceantur in mortario lapideo, & fiat massa tenax, ex quâ formentur orbiculi ad placitum, qui postea caractere ponderis ex unâ parte, ex alterâ verò signo consueto aquilæ albæ insigniri possunt: tandem exsiccantur in sartagine occlusâ vel super fornace, vel in alio loco calido, & asserventur in scatulâ ligneâ siccâ.

### Pasta alia pro placentulis in extincta virilitate

Rec. *amygdal. dulc. excortic. pinearum mundatar.*

*pistaciorum non rancidorum decortic. a. ℥iv.*

*pulpæ capi assati, perdicis assatæ a. ℥i℥.*

*dactylorum, uvarum Damascenarum enucleat. a. ℥j.*

*cerebell. passerum in equinoctio verno captorum & aquâ cinamomi ablutorum n. xxx. renum cuniculorum juvenum n. iv.*

*rad. eryngii conditæ, satyrii conditæ a. ℥j. cinamomi acuti ℥ij.*

*casie caryophyllatæ, pulveris viperini a. ℥℥. ℥ij.*

*carnis stinci marini ℥v. ambre gryseæ ℥ij.*

*moschi electi ℥ij. sacchari albissimi ℥iij.*



Omnia optimè miscendo redigantur in massam tenacem, ex quâ postea formentur panes dulciarii, qui sensim exsiccandi & auri foliis obducendi sunt.

Ad virilem fortitudinem instaurandam, maximè si impotentia à maleficio, aut incantatione, aut pharmaco aliquo originem duxit. Dosis à ʒij. ad ʒß. ante ingressum lecti.

Ex communicatione Dn. Sebastiani Engelerti, Serenissimi Principis Caroli Ferdinandi pharmacopœi.

### Morsuli confortantes D.D.C.

Rx. amygdal. dulc. excortic. pistaciorum excortic. pinearum mundatarum non rancidar. ā. ʒß.  
priapi cervi raspati, tauri raspati ā. ʒj. seminis urticae ʒß.  
carnis stinci marini ʒij. borracis ʒj. galliæ moschatae ʒiʒß.  
sacchari albissimi ʒiv. F. cum aquæ cinamomi cordialis  
q. s. Confectio in morsulis.

### Electuarium diasatyrionis Dn. D. C.

Rx. electuarium diasatyrion simpl. officinæ Regiæ ʒiʒß.  
pinearum recent. non rancidar. pistaciorum excorticat. ā. ʒß.  
rad. eryngii condit. M. N. semin. fraxini, eru. æ. ā. ʒj.  
spec. diatrion piper. ʒij. carnis stinci marini ʒiʒß.  
extracti glycyrrh. borracis ā. ʒ. xv.  
olei cinamomi gtt. iij. caryophyll. gtt. ij.  
eleosacchari citri ex recentibus corticibus sine igne parati ʒij.

Ex omnibus prius contusis & concisis more consveto cum sirupo zinziberis conditi q. s. F. electuarium mediæ consistentiæ. Dosis à ʒj. ad ʒij. & ʒiij. sub ingressum lecti: superbibatur vitrum vini moschattellini seu Alicantini.

### Essentia Regia composita.

Rx. confect. alkermes ʒß. ambre n. m. preparat. ʒij.  
ess. perlarum, trium piperearum per elixir Matthioli facta ā. ʒj. ʒj.  
zibethi non sophisticata ʒj. moschi ʒß.  
olei cinamomi gtt. viij. caryophyllorum gtt. iv. macis ʒj.  
spir. formicarum compositi per spiritum ardentem facti,  
elixir. Matthioli ā. ʒiv.

Misceantur probè & in vitro angusti orificiî, quod optimè clauditur, stent



stent per octiduum in digestionem, in loco tamen non nimis calido, postea filtrantur, & ad usum in vitro bene munito servantur.

Cordiale, cephalicum & venereum est insigne. Dosis gtt. vii. ad xv. & ultra, in vino generoso Hispan. seu moschatellino vel ▽ cinamomi.

## CAPUT II.

## Consilium Cnöffelianum

de roboranda & confortanda virilitate in imminutâ potentia circa actum matrimonialem, pro quodam magno Principe.

**S**erenissimus & Potentissimus quidam Princeps circa alterum & novum matrimonium, & quidem ante adventum charissimæ sponse suæ, conquestus est aliquomodo de impotentia quadam in ejaculando semine, quam contraxerat ab immoderato congressu venereo statim post finitum morbum podagricum celebrato: non quidem, quod totus actus ille ablatu esset, sed saltem imminutus, siquidem rem perficere potuit, nisi quod aliquando membrum in ipso coitu non satis diu permanserit rigidum, adeoque semen cum impetu ejaculare non potuerit. Fasset præterea est, se eo tempore, quo dolores podagrici in declinationem vergunt, vehementiores stimulos sentire, quam alias. Summopere autem & immodicè rei venereæ deditus erat, etiam jam declinante vigore ætatis.

Consilium autem à medicis suis exegit, tum in gratiam venturæ sponse, tum quoque liberorum, quos seriò expetebat, sibi que certò ex hoc conjugio promittebat, procreandorum causâ. Sequens itaque Medici consilium præscripserunt, dictante illud & proponente Clarissimo Dn. D. Cn.

Primo instituebatur bona victus ratio, huic debilitati commoda, quæ etiam literis consignata pharmacopœo exhibita fuit, tali sensu:

1. Nocte cibetur Serenissimus Princeps spermaticâ gelatinâ ex perdicibus, coturnicibus, caponibus, testibus gallorum cum radicibus satyrionis majoris ex brodio incoct.
2. Ovis tribus vel quatuor forbilibus, quæ omni tempore & jejunii occasione varianda sunt, de quibus omnibus culinæ præfectus à pharmacopœo sufficientem informationem capiet.
3. In singulo ovo exhibeatur *ambre grysee vere* ℥j. ita ut pro una nocte *drachmam unam* capiat. Superbibat haustum vini boni & generosi, nempe moschatellini, malvatici, seu Hispanici, idque fiat per triduum, si necessitas urgebit: sed ne quid nimis!



Deinde externè pro roboratione sphincteris applicetur & intrudatur, quantum potest penitissimè sequens balsamum, quod

Rec. *olei nucistæ* ℥j. 3j. *zibethi* 3j. *croci martis n. præp.* q. s. pro excipiendo balsamo. Misceantur probè.

Applicetur cum bombace quotidie semel sub ipso tempore & necessitate reponendi intestini. Quo tempore etiam simul regio tauri & perinæ, calefactis prius digitis, inungatur sequenti UNGUENTO quod

Rec. *olei nucistæ expressi* ℥ss. *lauri* 3j. *pulv. rad. pyrethri, cubebæ* a. 3ij. *rad. aronis, aluminis plumosi* a. 3ss. *olei castorei stillatit.* (Jacobi de Manliis) 3iss. *caryophyll. stillat.* 3ß. *zibethi* 3j. *moschi* 3ß. Misce & fiat unguentum.

Cum hoc unguento etiam testiculi circumcirca inungantur; vel solo zibetho, oleo nucistæ excepto, sed parcè tamen & semel per diem, cubitum iturus fricet.

Reliquo quatruiduo, noctu sub ingressum lecti capiat emulsionem sequentem.

Rec. *nucl. pinearum excortic. pistaciorum mundat. amygdal. dulc.* a. 3ij. *testicul. satyr. maj.* n. vj. *caponis* n. ij. *aquæ melissæ citratæ, petroselinæ* a. 3iij.

Fiat emulsio, adde *sirupi cinamomi, juleb. rosacei nostri* a. 3j. *confer. alkermes* 3ij. *magisterii perlarum butyracei* 3ß. ad 3ij.

M. singulo mane sumat rotulas citro-tartareo corallinas n. vj.

Interim de moderatione circa ipsum actum matrimoniale Princeps admonitus fuit, ne in illo excederet; & si possibile, post primum peractum somnum; secundum Hippocratem, qui victus rationem instituens omnino vult, ut labores sequatur cibus, cibus somnus, somnus coitus,

## Balsamum VLADISLAVIANUM.

Rec. *olei nucis moschatæ expressi,*

*unguenti stomachalis Ser. Regine Cecilie* a. 3ß.

*axungie galli Indici* 3ij. *rad. aronis pulveris. pyrethri* a. 3ss.

*spec. diatrium piper.* 3ij. *aluminis pulmosi* 3ij.

*olei formicarum per oleum spicæ vel bacc. lauri facti, eruce seu sinapi* a. 3ij.

*stillatit. caryophyll.* 3j. *moschi* 3ij. *zibethi* 3iss. M. F.

Balsamum. usus & vires cum præcedente balsamo conveniunt.

TITU-



# TITULUS XXI. UTERINA.

## CAPUT I. ANTHYSTERICA.

### Essentia uterina Dn. D. Cnoëffelii.

℞. galbani, castorei, opii correcti n. m. ā. ℥ij.  
spir. sambuci, spir. vini, utriusque rectificati ā. ℥xiiij.

Misceantur probè, & in vitro benè clauso, stent in digestionem, supra fornacem per octiduum, & diutius; extractio prius benè transcolata in usum servetur.

### Essentia uterina alia.

#### Sedativum uterinum Cnoëffelianum dictum.

℞. theriacæ opt. ℥ij extr. castorei ℥j. croci ℥ij. spir. nostr. sedativi ℔j.  
Fiat infusio, & post digestionem aliquot dierum, R̄a extracta, & per chartam emporet filtrata (absque ulteriore destillatione) usui asservetur. Cui & adhuc admisceri possunt

in spir. vini *Prisat* s. q. prius dissolut. ol. stil. menthae carui ā. ℥ij.

Misce. DOSIS ā ℥j. ad ℥ij. & ℥j. in aqua aliqua hysterica, scil. melissæ, matricariæ, artemisiæ, seu vino: datur & per se cum expectato sudore, ante, & in ipso paroxysmo hysterico. Medicamentum est in qualicunque suffocatione matricis præstans. Præservationis causa sumitur, & singulis mensibus, & circa illud tempus, quo purgationes menstruum instant.

### Mixtura uterina officinæ Cnoëffelianæ, Budissini,

#### Dn. D. Nitzschio olim familiaris.

℞. extr. liquidi galbani, cum spir. sambuci fact.  
castorei cum spir. sambuc. extr.  
opii simili modo cum spir. sambuci parat. ā. part. æqual.

Mixta digerantur invicem, postea filtrentur & pro usu necessario serventur. VIRES tit. indicat. DOSIS est hujus mixturæ ℥ss. ad ℥j. & 3ss. in haustu aquæ hirundinum, per tres dies.

Proportio hujus mixturæ sit, ut ad unciam unam specierum, sumantur uncia duæ spiritus sambuci,

Mixtu-



### Mixtura hysterica alia Dn. D. C.

Rx. *mixtura antepileptica nostr. in forma liquida,*  
*essent. nostr. uterine. ā. ℥ss.*

*aqu. meliss. c. v. ℥ij.* Misce *Dosis cochlear semis;* exhibitum aliquoties remediis aliis multis frustra factis, semper profuit, inde hæc mixtura à Clar. Cnœff. in communi usu habebatur.

### Pilulæ hystericae Dn. D. Cn.

Rx. *extracti castorei, sedativi nostr. pro mulieribus ā. ḡ. j.*

M. Formentur pil. n. ij. auri folio obducendæ.

Una capiatur cubitum eunti, superbibendo scyphum trium unciarum emulsionis nostræ; & si mulier non dormiat & paroxysmus revertatur, altera etiam pilula post mediam noctem danda erit. Loco pilularum propinavit & infusionem corculi sui benedicti, per emulsionem institutam.

### Emulsio hysterica Dn. D. Cn.

Rx. *sem. papaveris albi ℥ss. peoniae, tilia ā. 3j.*  
*nucleor. cerasor. nigror. ℥iv.*

*aq. artemisiae, nymphae, flor. sambuci, liquor. tilia ā. ℥iss.*

Fiat emulsio, cui adhuc admisceatur *man. Christi perlat. 3j.*  
*sedativi magni Archei, q. videbitur* (quod ipsemet author emulsioni, prius in officina paratæ adjiciebat)

*spir. melissæ gtt. xxiv. Misce.*

### Aqua hysterica compos. perlata.

Rx. *aq. meliss. citrat. artemisiae, epilept. Lang. ā. 3j.*

*hirund. compos. flor. Cheiri, cinamomi ā. ℥ss.*

*spir. sedativi nostr. compos. ℥iss. melissæ 3ij.*

*conf. manus Christi perlat. 3j. magister. perlar. butyrac. ℥ij.*

*corallor. butyr. 3j. M. Fiat aqua. Datur hystericis mu-*

*lierculis, in paroxysmo & extra eum à cochleari uno ad duo, singulis binis horis, agitando tamen semper prius optimè vitrum.*

Ex præscriptione Cl. Dn. D. Andr. Cnœffellii pro Magnifica Domina Busscrovva.

### Pomum uterinum Cnœffelianum.

Rx. *castorei opt. rec. ℥iss. gum. galbani 3ij. assæ foetida 3ij.*

*cera q. s. Misce & F. s. a, pomum, quod ol. succini seu ruta in ungen-*



ungendum, auri foliis obducendum, & capsulæ argenteæ, seu ligneæ includendum est.

In ascensione & strangulatione uteri, naribus admotum, subito uterus sistit, contra vero si vaeolentia utero admovenda, ut moschi aut zibethi grana aliquot, cotone involuta, ut gratum odorem utero inspirent, ipsumque retrahant.

Uteri affectus, maximè strangulatio, suffocatio & furor sunt ex productis à vitiata digestionem, scil. ex semine corrupto, quæ archeum uterinum furibundum reddunt, ut is vel inflammationem uteri pariat, vel in animum sæviat, mentemque perturbet.

Itaque Helmontiano modo hunc affectum si quis curare cupit, illi opus absolvendum erit per remedium sedativum archei, si vero causam occasionalem abstuleris, & hujus acrimoniam sedaveris, tum, forsan uterus de furore remittet. Modum procedendi vide in *Franc, Osward. Grembs tract. medico theórica-pract. lib. 2. cap. 1. de Defectibus organ. hum. generationis.*

## TITULUS XXI.

### CAPUT II

#### In mensium defectu & retentione.

**M**enstrua retenta multorum morborum causæ sunt, quemadmodum ipsorum purgatio naturalis à multis malis foeminas præservare solet; quæ de causa vitio citò occurrendum, ne natura assyeta desvescat ab excretionem. *Primo.* Ex multorum consilio venæ sectio instituitur, & quidem statim à principio, & commodissimè, tribus vel quatuor diebus, ante tempus consuetæ evacuationis, ut materia ad motum concitetur. Vena quæ aperienda, in talo eligitur; sectio & aliquando in robustioribus, & in plethora repetenda est, una die nempe ex uno pede, postridiè verò ex altero, in quantitate, prout Medico videbitur, & natura seu constitutio personæ & morbi permittit. Ubi & hoc observare licebit, quod in junioribus luna crescente, in adultioribus autem foeminis luna decrecente, menstrua promovenda sunt, unde versus:

*Luna vetus vetulas, juvenes nova luna repurgat.*

Sed hoc experientiæ non semper respondet.

Post ad medicamenta lenientia, preparantia & evacuantia de-

\* T

venien-



veniendum est. Tandem ad medicamenta, menses moventia, tam interna, quam externa, deveniendum, è quorum numero præcipua & quasi propria sunt; 1. cremor  $\text{¶ri}$  ♂. 2.  $\text{¶rus}$  tartarificatus. 3. Tartarus  $\text{¶latus}$ . 4. Crocus martis aperitivus. 5. Tartarus  $\text{¶latus}$ . 6. Pulv. cachecticus simpl. & compos. 7. Pulv. chalybeatus simpl. & compos. 8. Diaphoret. antimoniale ex Regulo ♂. fact. 9. Rezoart. minerale ♂. 10. R.  $\text{¶}$ . simpl. & compos. 11. Essentia ♂tis  $\text{¶lata}$  simpl. & compos. 12. Spir.  $\text{¶ri}$  aperitivus. 13. Spir. aperitivus acidular. Penoti. 14. Spir. de tribus, & plura adhuc alia, quæ Cl. Dn. D. A. Cn. in continuo usu erant.

### Vinum chalybeatum.

**Rx.** limaturæ chalyb.  $\text{℥iv}$ . rad. arist. O, pimpinellæ, dictamni albi a.  $\text{℥ss}$ . fol. rorismarin. majoranæ, puleg. meliss. ā. m℥. spicæ Indicæ  $\text{℥ss}$ . flor. cheiri, calendulæ, calcatrippæ ā. p. ij. cort. aurant.  $\text{℥ij}$ . cassiæ lignæ  $\text{℥ss}$ . caryophyll.  $\text{℥j}$ .  $\text{℥j}$ . spir.  $\text{¶}$  gtt. aliquot.

Species incisæ & grosso modo contusæ includantur sacculo, ex sindone rubrâ, cui superfundatur vini opt. q. s. pro extractione ad supereminentiam scit. 4. vel 6. digitorum, addendo post saccharum pro lubitu.

Dos.  $\text{℥iij}$ . per dies septem, & antequam menses fluere solent.

### Nodulus sive sacculus alius, pro vino medicato.

**Rx.** herb. sabinae  $\text{℥vj}$ . artemis. rub. puleg. meliss. a. p. iss. rad. asari, rub. tinct. lil. alb. a.  $\text{℥ij}$ . gramin. petroselin. a.  $\text{℥j}$ . senæ elect.  $\text{℥j}$ . croc. or. mac. a.  $\text{℥ss}$ . borac. ven. cinam. cl. a.  $\text{℥ss}$ .

Incidantur, & contundantur grosso modo, includantur nodulo; pro vino medicato.

### Electuarium martiale.

**Rec. conf.** melissæ, pulegii, flor. anthos a.  $\text{℥j}$ . cheiri, cyani, calendulæ, calcatrippæ a.  $\text{℥ss}$ . cond. rad. pimpinellæ, cort. aurant. a.  $\text{℥ss}$ . magist. florum ♂tis  $\text{℥ss}$ .  $\text{℥iijss}$ . g. v. crystallor.  $\text{¶ri}$   $\text{¶latis}$   $\text{℥j}$ .  $\text{℥ij}$ .  $\text{℥iss}$ .

Cum sir. de artemisia & cinamomo ā. q. s. F. elect. molliuscul.

Dos.  $\text{℥ij}$ . per octiduum post egressum è balneo & antequam menses alias fluere solent.

### Crystallorum $\text{¶ri}$ chalybeatorum præparatio.

**Rec.** cremoris  $\text{¶ri}$  albiss.  $\text{℥viiij}$ . solvatur prius in aquâ, seu de-



seu decocto clarificato sabina q. s.  
vel in alio decocto idoneo, post adde Oli Stis, seu chalybis dulcis  
cum spir. Oli fact. ʒj.

Et post totalem dissolutionem, liquorem per chartam filtra, fil-  
tratum ad medietatem evapora, ac in frigido loco ad crySTALLISANDUM  
reponere.

Egregium est aperitivum, ad menstrua retenta provocanda.  
DOSIS à ʒj. ad ʒiʒ. & ʒij.

In brodio carnis seu pulli, vel in alio liquore destillato & con-  
venienti.

Simili processu fit saccharum chalybeatum.

### Electuarium aliud chalybeatum.

Rx. rasura chalybis subtil. ʒj. cinamomi opt. pulv. ʒij.  
caryophyllorum ʒj.

cons. flor. anthos, pulp. pasul. min. ā. ʒj. ʒj.

Et cum sir. meliss. & cinamomi simpl. ā. q. s. F. Elect. chalybeatum.

Dos. ʒj. ad ʒij. superbibendo haustum vini opt. malvatici.

### 1. Pulvis ad promovenda menstrua.

Rx. cremoris Fri Stiat ʒj. succini albi pulv. chalyb. simpl. c. ʒj.  
Fri nost m. parat. a. ʒʒ. sacchari citrati ʒ. xij.

M. F. pulvis, pro dosi, & tales doses n. 20. in tot chartis. Pro  
Magnif. Domina Rutska.

### 2. Alia compositio Cl. Dn. D. Cn.

Rx. cremoris Fri ʒj. croci Stis n. aperitivi ʒʒ. Fri Olati ʒ. viij.  
ol. cinamomi gtt. j. eleosacch. citrati ex rec. cort ʒ. iij

M. F. pulvis pro dosi, & tales doses n. 14. pro Damsifella Kriska

Item Rx. rasur chalybis subtiliss. preparat. ʒʒ. cons rosar. meliss. ā. ʒj.  
eleosacch. citri ex rec. cort. ʒ. vj. M. F. bolus, decies sumendus.

### Pulvis chalybeatus Cl. Dn. D. F.

Rec. chalybis subtiliss. limati ʒiij. corallior. rub. ʒj. rad. rubie ʒiʒ.  
fol. lauri ʒʒ. sabina, rorismarini, specier. arom. rosat. a. ʒj.  
borracis ʒj. macis ʒʒ. croci ʒʒ. sacchari Canarii alb.  
duplum omnium M. F. pulvis.

Efficacissimus est in suppressione menstruum & partus promotione.



Dos. 3j. cum vino albo dulci, repetitis vicibus, & ante tempus illud, quo menses in agra fluere consueverunt.

### Pilulæ ad promovenda menstrua Dn. D. Kr.

Rx. troch. de myrrh. 3i℥. extr. sabinae ʒj. castorei ʒss.  
borracis Venet. cinamomi pulv. ā. ʒij. ol. cinam. gtt. ij.  
cum sir. de artem. q. s. Formentur pil. ad placitum. Dos. 3j.

Vel Rx. extr. sabinae, borracis Venet. ā. ʒ. xv. salis succini volat. ʒss.  
ol. sabinae gtt. ij. cinamomi gtt. j. M. F. pilulæ pro una dosi,  
& tales doses n. 4. in 4. chartis separatim.

### Rotulæ martiales Dn. D. C.

Rx. pulv. cachectici, & fixi diaph. ā. ʒss. bezoartici ʒtialis 3ss.  
succini albiss. preparat. 3ij. sacch. Canar. alb. ʒiv. cum aq.  
artemisiae & melissa ā. q. s. ol. carvi gtt. v. F. rotulæ.

Dos. n. 6 ad 7. mane & in ingressu lecti, per octiduum, & antequam menses prorumpant, etiam iis fluere incipientibus: si non benè procedant.

### Tabulæ martiales Dn. D. P.

Rx. cremoris ʒri ʒtialis 3ss. croci ʒtis aperitivi 3ij.  
bezoart. miner. ʒtialis 3ss. succini alb. preparat. 3i℥.  
sacch. albiss. 3vss. cum aqua conveniente q. s.

Fiant tabulæ, seu rotulæ, irrorentur ol. anisi gtt. v.

Dos. n. 6. 7. ad 8. bis in die, per 14. dies ante tempus consuetum, ut supra dictum.

### Trochisci de borrace Offic.

Rx. borracis Venet. 3ss. salis succini volat. extr. sabinae ā. ʒviii.  
croci ʒtis aperitivi ʒiv, ol. cinamomi gtt. iv.  
sacch. alb. subtiliss. pulv. ad pondus omnium. Cum mucilag.

trag. per aq. conv. fact. q. s. F. trochisci.

Dos. ʒiv. plus minusve. Menstrua potenter movent.

### Essentia florum Dn. D. M.

Rec. fol. pulegii, rorismarini, flor. cheiri. cyani,  
calcatrippe, calendula ā. mj.

anther. seu staminum lil. albor. ʒij. 3j. cassia lignea ʒij.

croci Hungar. ʒivss. Incisa & contusa, grossa modo, irrorentur

ol. ʒri per deliq. fact. gtt. aliquot, adde spir. secundinae ʒbiv. ʒviii.

Dige-



Digerantur per aliquot dies. in vito benè munito, ad totalem fermè extractionem specierum. Post filtrentur, & ad usum servantur.

VIREs essentia; Menstrua retenta promovet, & partum atque secundinas faciliat.

Dos. cochl. j. ij. & iij. per se, vel cum aq. cinamom.

## TITULI XXI.

### CAPUT III.

## IN FLUXU MENSIIUM NIMIO.

**Julapium Cnöffelianum gratissimum in fluxu immodo menstruorum.**

Rx. aq. spermatis ranar. destill. ℥xl. mivæ cydoniate aurea ℥iv.  
sir. spermatis ranar. corallior. ā. ℥ij.

spir. melissæ citratæ ℥iv. Aris per campan. fact. q. s. adde  
sedativi nostri q. s. pro morbi indigentia. In omni sanguinis profluvio, scil. menstruorum, lochiorum, hæmorrhoidum, est remedium excellens, maxime pro fœminis delicatioribus.

Dosis ℥iij. per plures dies, & donec malum cessat, datur & bis in die, scil. manè & vesperi cum corallior. rubr. præp. ℥j.

Pro potu ordinario laudatur & à multis

### Decoctum ligni lentisci.

Rx. scob. ligni lentisci ℥iij. cort. aurantior. adhuc subviridium ℥vj.  
aqu. fontan. lbvj. coqu. ad duarum partium  
consumptionem; colaturæ adde

sir. coralliorum, mastichini, mivæ cydoniate aureæ ā. ℥iss. Misce

Validius redditur, si in aqua aliqua specifica destillata fiat. Lignum lentiscinum etiam infundi poterit vino rubro & austero, quo maxime viscera corroborantur.

### Electuarium ad fluxum menstruorum.

Rx. conserv. rosar. antiq. flor. tunic. condit. fr. cynorrhod. ā. ℥j.  
cydonior. cort. virid. aurantior. flor. aurant. cond. ā. ℥ss.  
corallior. rub. c. spern. ol. præp. ℥ij. sedativi nost. g. v.  
conf. Et. alkerm. s. m. & a. ℥v.

cum sirup. corallior. s. q. F. electuarium. VIREs ex titulo de-



prehenduntur. D o s. ʒij. mane & vesperi sumitur, & per intervalla aliquoties in die, magnitudinis castaneæ dimidiæ.

### Pulvis corallatus offic. Regiæ.

℞. coralliorum rub. propria. Rā insuccator.  
 cort. ovorum cum liqu. sperm. ranar. præp. ā. ʒss.  
 cornu fossilis ʒij. pulv. spermiolæ n. simpl. ℥iiij. ḡ. iiij.  
 essent. rosar. seu elæosacch. rosar. ℥iss. M. fiat pulvis.

Fluxum sanguinis menstruum, etiam post partum laboriosum, nimium sistit. D o s. ʒj. in ∇ appropriata: præscribebatur à Cl. D. D. C. sub hac formula:

Rec. pulv. præscripti ℥j. croci ʒtis astringentis,  
 boli insuccati Cl. Zwelff. seu specifici nostr. dysenterici ā. ḡ. xv.  
 usneæ humanæ ℥ss. (ex ossibus scil.) sedativi nostr. ḡ. j.

M. Fiat pulv. pro una D o s i. Sign. pulvis specificus in fluxu nimio mensium.

### Topicum externum vitriolatum D. D. M. L.

Rec. vitrioli Hungarici ad albed. phil. calcinati q. v.  
 spermatis ranar. in cella seu alio loco frigido, (beneficio alum. & nitri) asservati, pro incorporatione ad pultis formam q. s.

Hæc mixtura, linteis cannabinis inclusis & imbutis, dorso & lumbis, circum circa usque ad umbilicum frigide applicetur. Omnem fluxum sanguinis, partium inferiorum miraculosè & incantamenti instar cohibet: Et est certissimum experimentum, in contumacissimo affectu, reliquis nihil juvantibus, & ubi periculum vitæ imminet.

Laudatur quoque

### Cataplasma ex gypso.

Rec. gypsi pulverisati ℥vj. pulv. nigr. ex oculis nigris sperm. ranar.  
 rad. consolide pulv. sanguinis draconis pulv. balaustiorum a. ʒj.  
 albuminis ovorum, (in quo aliquid gummi Arabici & cerafor. dissolutum sit.) pro incorporatione cataplasmatidis, q. s. M. optime.

In extrema necessitate, ubi de periculo vitæ agitur, hoc emplastrum seu cataplasma, in linteo extensum, & regioni pubis, & lumborum impositum,



fitum, fluxum nimium sistit mensium. Est remedium extremum.

## Mensium fluxus immodicus in S. R. P. L.

curatus à D. D. A. C.

Ser. Reginam L. M. tunc temporis viduam, à fluxu uteri cruento suis feliciter liberavit D. D. C. duabus emulsionibus cum mag. butyr. coralliorum sub noctem exhibitis: De die vero adhibito croco & tis astr. cum coralliis, & topico ex fimo porcino.

### Emulsio.

Rec. sem. 4. frig. maj. ā. ʒj. papaveris albi ʒʒ.  
decocti hordei ʒij. ∇ sperm. ranar. ʒij. F. emulsio; adde  
man. Christi perlat. ʒʒ. magist. corallior rubr. butyracei ʒj.  
rosar. gutt. aliquot, misceantur probe. Sign. Nacht-Milch  
vor Ihr. Majest. die Königin.

### Pulvis corallatus ♂.

Rec. coralliorum rub. præp. magist. corall. rub. butyracei a. ʒʒ ḡ. v.  
croci & tis astr. ʒʒ. ess. citri sicc. ex rec. cort. ext. fact. ḡ. iij.  
M. F. pulvis. Sign Corallen Pulver alle Tage des Mor-  
gens nüchtern in vehiculo consueto zunehmen.

### Pessarium.

Rec. fimi porcini, pulv. spermiol. simpl. ex nigris oculis parati, &  
propria mucagine insuccat. ā. q. s.  
∇ aluminis & Oli per aqu sperm. ranar. fact. q. s.

Fiat massa, ex qua cum sindone rubra fiant pessaria, competentis magnitudinis, immittantur utero ad reprimendos & adstringendos menses valde profluents, si nempe venæ cervicis uteri apertæ sint.

Not. Sunt qui loco fimi porcini asininum sibi eligunt, & tam extra, quam intus exhibent.

Lotio tibiarum in aqua frigida, aut decocto adstringente, & hic conducit.

De reliquo omnia illa remedia, quæ alias in hæmorrhagia nimia hæmorrhoidum præscribuntur, & hæc (in excessu magno mensium) locum habent, præcipue illa, quæ ex occultâ & specificâ qualitate fluxui sanguineo resistere solent. Aliquando & ad narcotica devenire licet, in cujus finem commendantur illæ pilulæ, quæ in *Miscellaneis Medico-Physicis*



*sicis Naturæ Curiosorum, Ann. secundi observ. LIII. à nobis describuntur, quorum delineationem per unam & alteram formulam hic repeto :*

*Rx. usnea microcosmi pulv. eboris fossilis, seu corallior. rub. præp. ā. ʒj.*

*opii nostri correcti, ʒ. j. cum sir. idoneo.*

*F. pilulæ foliato auro obductæ, quæ secundo semper die (in emulsione aliqua appropriata, ex feminibus scil. 4. frig. maj. cum aq. spermat. ranar. rec. parat.) à cubitum eunte fumuntur.*

*Aliquando & hæc formula placuit:*

*Rx. usneæ cranii humani, vel in aliis ossibus humanis collectæ ʒi. corallior. rub. insuccatorum, pulv. sperniolæ ā. ʒss.*

*sedativi nostri ʒ. j. misceantur & cum*

*sir. sperm. ranar. seu miva cydoniata formentur pilulæ. Usus cum superioribus convenit.*

### Cubilia & culcitæ herbaceæ.

*Rx. herb. bursæ pastoris, artemisia rub. polygoni utriusque, lysimachia, folior. quercus, musci quercini, prunor. sylvestr. ā. q. f.*

*Ex istis herbis & foliis, quæ ubiq. locorum facile haberi possunt, parantur cubilia & culcitæ, in quibus infirma noctu jacere & quiescere potest.*

### Amuleta.

**I**Nter alia remedia, hic à viris doctis adducuntur & amuleta quæ collo appensa seu manibus tractata ac cutim corporis attingentia, omnem hæmorrhagiam corporis humani sistere creduntur.

Hic verò loquor de amuletis Phycis, Medicis, licitis & naturalibus, quæ occulta sua proprietate, divinitus in prima sui creatione indita, semper eodem modo agunt in corpora, quibus applicantur, sive suâ sympathiâ, sive antipathiâ. Magicis & superstitiosis periaptis, quæ & nos improbamus, & detestamur, hic nullus debet esse locus.

Præ aliis commendatur à multis medicis bufo transfossus, sole in leone existente exsiccatus, & sindoni alligatus, ac regioni cordis applicatus, vel brachio ejusdem lateris. Et hoc erat Cl. D. D. A. C. p. m. amuletum, ex quo & suum parabat *empl. magneticum*, cujus conciliatio suo loco inter medicamenta antipestifera describitur. A nonnullis celebratur & glomus ex musco arboreo, ligni quercini seu pruni sylve-



sylvestris, sub axillis gestatus. Præstantissimum amuletum fit ex pulv. bufonum, succino, usnea humanâ & spermiolâ (ex oculis nigris parat.) cum mucilagine tragacanthæ per aq. sperm. ranar. factâ, quod omnem hæmorrhagiam immedicabilem subito quasi cohibere solet; Ejus accuratorem descriptionem, inveniet B. L. in *Ephemerid. Naturæ Curiosor. German. anni secundi obs.* 53. p. 101. ubi & armillæ, corallia, poma & tabulæ in eundem usum pro fœminis describuntur.

### Appendices.

**C**irca usum topicorum, superius recitatorum, sequentia etiam sunt observanda.

*Primo.* Si cruor peccat vitio alieno, vel ob qualitatem vel quantitatem aut materiæ alienæ permixtionem, tunc temporis aliquantis perfluor sinendus est, quia conducit & à multis morbis mulieres liberat gravioribus. Si verò vires deiciat, tunc cohiberi oportet, prius quidem per revulsiones & derivationes: postea medicamentis tam internis quam externis, & quidem incrassantibus & astringentibus, & quæ exspecificâ qualitate fluxum sistunt, & à nobis proposita sunt, ubi & tempore curationis, viscerum corroboracioni, & viribus prospiciendum erit.

*Secundo,* ne remedia topica nimis astringentia, & refrigerantia adhibeantur. priusquam revulsiones sufficienter celebratæ fuerint, ne postea tumores in utero, aut graviora symptomata concitentur; idque consentientibus aliis medicis insinuare debui. Revulsiones autem instituuntur per sectiones venarum in partibus superioribus cum impetu, & quidem reiteratis vicibus, & digito per vices foramini admotum; tamen cum discretione, & præstat missionem sanguinis partiri, & bis vel ter repetere, quam copiosiore sanguinis extractione, vires deicere. Quod si fluxus adhuc perseveret, & vires sectionem venarum non permittant, ejus loco cucurbitulæ dorso & regioni hepatis sunt applicandæ. Quæ & mammis, suavis *Hipp. 4. aph. 50.* applicari possunt; quod tamen *Galenus in Comm.* non in ipsis mammis, sed infra ipsas institui vult; si etiam difficultas aliqua spirandi superveniret, cucurbitulæ statim à mammis removendæ sunt. Plura alia, quæ in hac curatione observatu digna sunt, ab Authoribus recensentur, nobis solum hic materiam medicam tractare libuit.



# TITULUS XXII. ANTIARTHRITICA.

## CAPUT I.

### Medicamentorum antipodagricorum Cnœffellianorum secretiore præparationes

& applicationes.

**C**lariss. D. D. *Andrea Cnœffellii*, Archiatri Regii, Amici inter omnes alios optimi & maximi curatio arthritidis in solâ *Tri* resolutione, & balsami naturalis conservatione atque partis affectæ corroboratione consistebat, de quâ ipsemet in consilio, *Senis*. Regi Vladislao IV. Polon. Regi exhibito, curandi, scribit, hæc ratio consistit nec in phlebotomia, nec scarificatione, nec canteris, nec alterantibus, nec purgantibus, nec diaphoreticis, sive sudoriferis, sed in solâ resolutione tartari per specificum & unicum omnium salium solvendorum arcanum, ita ut mechanica illo arthritico malleus & omnia tartarum cudentia instrumenta subtrahantur, fabrefactusque tartarus cum confortatione membrorum resolvatur: quo soluto fata & natura ipsa viam invenient, quæ illum ejiciant.

Qualem felicitatem & singularem successum per istam methodum curandi podagram, & hujusdem morbi species Cl. Dn. D. *Cnœffellius* nactus fuerit, fermè toti Europæ est notum; factumque hinc est, ut à Rege Vladislao Quarto ex Germania vocatus & Archiatri munere ornatus sit. Ipso postmodum spartâ eâ fungente, non tantum Rex, verum etiam alii Principes & Senatorii Ordinis Magnates exoptatam & sane quam mirandam medicamentorum illius experti sunt efficaciam; ut ut inficias ire nolim, in quibusdam ipsam paulo remissius se exeruisse, & vel maximè annis uno vel altero obitui viri laudatissimi proximis.

Purgationibus quantum vis Cl. Dn. D. *Cnœffellius* medicamenta sua opus non habere existimaret, quippe (sic sapius dicere solebat) sibi tantum non arrogans, ut vellet præscribere naturæ, quando ea purgare, quando sudare, quando mingere, quando vomere aut alia talia agere deberet, qui potius permittat, ut illa roborata tales vias sibi eligat, quæ quâ maximè expeditæ esse possint. Nihilominus tamen ipse purgantia hic non omnimodè aversatus est, nec ideò methodum medendi ordinariam prorsum contempsit, quin imò in principio curationis, & in ipso accessu



accessu morbi, ubi notabilis adeò effervescentia non erat, aut alias etiam, circa æquinoctia vel maximè, purgationes, sed leniores instituit, pilulas suas universales exhibens, quarum compositio talis erat:

R. *extr. hellebor. nigr. mass. pilul. de trib. ā. ʒss.*

℞. *nostr. fix. seu arcani corallini ʒ. ij. Misc. & cum bals. peruvian q. l. fiant pilulæ.*

Peraçtâ sic purgatione curationem medicamentis specificis & imprimis illo suo incepit.

Quoniam verò circa eorundem usum plenior requiritur declaratio, ut sciatur, quid in accessu, quid in statu, quid vè in declinatione morbi sit faciendum, h. e. quomodo & quamdiu & in qua dosi medicamenta sint adhibenda, ea omnia melius intelligi non possunt, quam ex ipsius Authoris informatione, ideo ejusdem *consilium* in gratiam Illustrissimæ cujusdam Domini conscriptum, atque *vindicias aque sue* hic inferere placuit, quibus B. L. *epistolam de podagrâ curatâ*, ab Illustr. Dn. Christophoro Arcissevio *Amstelodami in 12. editam* addat.

Obiter quasi hîc tantum retulisse juvat, i, quod Cl. D. D. Cnœffel. medicamento illius sui specifici usum in magni & inveterati morbi curatione, singulis sine intermissione diebus continuari jussit, plerumq; unius anni spatio (immo tam pertinaces etiam arthritides aliquando se invenisse dicebat, quæ biennio demum vincerentur;) in minus inveterato triginta duarum septimanarum, seu octo mensium, requisiverit: pro morbis recentibus sedecim tantum circiter septimanas, aut aliquando solummodo novem poposcerit.

II. Quod circa diætæ præscriptionem non adeò scrupulosus fuerit, sed ægrotis tempore curationis ferè omnia, quæ pro victu ordinario mensæ apponi consueverunt, permiserit, hoc tantum monendo, ut nimis in cibo & potu, quin & reliquis rebus non naturalibus, excessus viteatur; aliam, inquam, nullam custodiam imperavit ægris suis, sed permittit, ut deambulant, equitent, iter facerent, & qualibus quisque vellet laboribus fungeretur.

Quoad præparationem denique medicinæ antiarthriticæ internæ B. L. sciat Dn. D. Cnœffelium, medicamentum istud in summis secretis habuisse, nec aliis medicis & Collegis suis, etiam in consiliis secretis pro S. R. Maj. habitis, immo ipsimet Regi (oblatâ licet notabili summâ) unquam communicare voluisse. Ego ipsi in laboratorio ejus assistendo, hanc habui felicitatem, ut impetrarim & obtinuerim hoc arcanum,



tamen iuramento ante tali obstrictus, ne vivente illo ulli aperirem; id & præstiti; ideoque Cl. D. D. Cnæffelius postea etiam nemini, suam medicinam pro Regia Majestate, in absentia confidere voluit, quam mihi. Atque nunc obligatione hac, post mortem ejus solutus, libentissime hic adjicerem illius compositionem, sed propter certas causas, mihi solum, notas, & personas aliquas invidas, qui adhuc post mortem ejus personam, & ipsius medicinam rodere non cessant, tacere adhuc cogor. Communicavi tamen & hanc medicinam D. D. Henrico Vollgnadio, Medico & Practico Vratislaviensi, amico meo plurimum ac singulariter dilecto, at sub silentii fide ad certum tempus sanctè servandâ. Quisquis ergo illâ in simili morbo indiguerit, à præfato Dn. D. Vollgnadio medicinam, & ipsum usurpandi modum pro desiderato solatio petere poterit.

(Not. Invenio in multorum Clariss. Virorum scriptis varia medicamenta antipodagrica, medicinae Cnæffeliana antiarthritica interna adscripta, sed toto cælo errant illi, qui similia pro Cnæffeliana, ab amanuensibus forte ipsius acceperunt. Nam vivente illo, nemo (quod jam dictum) ad hoc arcanum penetrare potuit, præter filium ejus proprium & me.)

## TITULUS XXII

### CAPUT II.

## CONSILIUM

Pro Illustris. & Celsis. Domino Generali Posnaniensi Comite de Lesno.

**V**ir Juvenis quidem, sed dispositione à parentibus, avis, & atavis ad arthritidem hæreditariâ, nuper dolorem primum podagricam in pollice pedis expertus, de morbi vehementioribus & frequentioribus insultibus sibi consilium & medicamentum prophylacticum petiit, quod sequentibus literis his contuli.

Illustrissime & Celsissime Domine Generalis,

Dn. Dn. Gratosissime.

**I**llustrissimæ V. Celsitudini obsequia mea & ex illis sanitatem constantem à Divinâ gratiâ humillimè comprecatus, gratias ago & habeo devo-



devotissimas pro transmissio triginta ducatorum honorario ; & trans-  
mitto è fide data medicinas internas, aquam bibendam nempe, & exter-  
nas, locis dolentibus illinendum liquorem tartareum topicum ; quarum  
usus esse potest sequens:

Siquidem tres sunt arthritidis, sive podagræ gradus, MALUS, PEIOR,  
PESSIMUS, à magnitudine & frequentia dolorum sic distincti, ut & ab æta-  
te ; Triplex quoq; & cuique conveniens medicamentorum usus est.

M A L U S status podagræ est infantia, sub quâ, dolore nempe to-  
lerabiliori, bibitur *aqua mea*, benè ante usum commovendo, commix-  
ta, illâ, qua constat dosi vel mensurâ, nempe caliculi boni vinarii, ma-  
nè hora 6. vel septima, jejuno post haustum hunc ventriculo ad 4. vel 5.  
horas, ad usque prandium, citra custodiam. Alter caliculus præce-  
denti vespérâ paratus & ad lectum positus commodè bibitur post me-  
diam noctem, horâ 1. 2. 3. 4., quâ circiter fuerit horâ expergefactus Il-  
lustriss. Dn. Generalis, statim superdormiendo iterum. Si verò à  
somnia non expergefcat Illust. turbandus ideò non erit, sed illius cali-  
culi usum differat post prandium sequentis diei, ad horam 4. vel 5. tam  
pomeridianam, coenando post septimam vel octavam, quamvis  
ille haustus eò minori cum utilitate & fructu bibatur post meridiem, quo  
majori energiâ, vacua viscera & ab omnibus ingestis (expedita jam post  
mediam noctem omnimoda concoctione) liberata, soli huic Medicinæ  
& ipsius potestati, commodum præbent hospitium.

Hoc medicamento uti pergat indies ad 2. vel 3. septimanas, non-  
nunquam etiam, si malum & dolores pertinacius obstiterint, ad men-  
sem ad omnimodam usque alleviationem & doloris, vel cujuscunque  
etiam in articulis molestiæ.

PEIOR status, sive adolescentia arthritidis, sub dolore minus  
tolerabili trinum hujus aquæ usum, tres (nempe per 24. horarum circui-  
tum) mensuras sive caliculos exigit, cum jejuniis quatuor horarum, absq;  
custodia tamen alia.

PESSIMUS status. Sub consistente ætate, dolore nempe intole-  
rabili, quatuor vicibus, 24. horarum circuitu, caliculum solitum exigit.  
Nempe, primus caliculus haurietur horâ 6. vel 7. matutina; secundus  
horâ quartâ pomeridianâ; tertius horâ 9. vel 10. nocturnâ, antequam  
obdormiverit. Quartus post mediam noctem, horis supra indigitatis,  
dosi & modo itidem supra significatis. Ubi istud notandum, quo-



usque est gradus sive status arthritici doloris majoris, vel minoris, eoque intendi & remitti debere frequentiore usum medicamentorum nostrorum, quorum normam & legem ipsa ægri tolerantia & alleviato sensuali fide, an sæpius & frequentius, an parcius bibendum sit, monstrabit. Remissiores dolores, remittere etiam de medicina jubent, quorum alleviato vel recrudescencia etiam continuandæ vel intermittendæ medicinæ tempus & terminum ponent.

Purgationes, sive turbationes & colliquationes potius liquorum naturalium, & venæ sectiones è consortio meorum medicamentorum exesse volo. Nolo enim per virium & vitæ latrocinia mederi. Si alvus, prout sub dolore fieri solet, constipatur, nec bene respondet, ad obsequium redigatur enemate domestico, citrà solutiva parato, & non nisi constipationis necessitate repetito.

Tempus inchoandæ medicinæ, ut & continuandæ, sub exaltatione morbificæ causæ, doloris, & morbi necessitas, propter quam DEUS medicinam & Medicum creavit, præsens & urgens determinabit. Et hæc de usu internorum.

EXTERNÆ sive TOPICÆ sunt illi liquores quæ in minoribus lagenulis 4. trans nissi. Itaque exterius ubicunque fuerit dolor, RUBOR, CALOR, statim liquor cum pulvere benè commovendo commixtus, benè infundatur in cochlear vel patellulam argenteam aut ferream, ea quantitate, qua circiter opus erit pro uno illitu loci dolentis, & supra lenem carbonum candentium vel ellychnii calorem ita teneatur, usque dum illam aquam in cochleari vel minimum fumare observaverint, (diutius enim nisi cum jactura energiæ suæ detineri non debet!) & sic incaluit plus satis hic liquor. Hoc ipso sic tepefacto, & cum pluma, vel quod melius est spongiolæ particula excepto liquore, quò sæpius eò melius irrigatur partis dolentis omnis ambitus, ut & ipsa pars dolens, & sua sponte sic madefacta ficcari postea permittitur. Pro intendentibus & remittentibus doloribus, indies ille illitus, aquæ hujus 2. 3. 4. 5. 6. 10. 20. pluribus, paucioribusve vicibus fieri debet, & cum spongia illa guttatim instillando vel madefaciendo, vel cum pluma intincta illinendo pro commoditate & tolerantia ægri. In hac administratione supponitur pelvis vel patina lata, non profunda, vel argentea, vel quod melius terrea vitreata infra locum sive partem irrigandam, ut deciduus ille liquor in patina excipi, in lagenulas reaffundi, & ad superiores usus reservari possit.

Facta



Facta hâc sic diligenti & frequenti irrigatione, locus dolens irrigatus sua sponte siccare permittitur, postea involvitur lintheaminibus tepelactis optimè, sed citra ligaturam, ut sine molestia ægri mox usu exigente denuo lintheamina explicari possint, pro defendendis locis irrigatis, & lintheaminibus lectisterni, quæ alias à subtilioribus spiritibus tartareis eroduntur. Sedatis sic doloribus, & mox, prout fit, succedente partis tumore, pars tumefacta indies (citra ulteriorem irrigationem, nisi tumori huic comites adhuc aliqui dolores) cum magna spongia vino myrrhisato, calido, calidè & bene madefieri & elui debet bis, mane & noctu, hora una vel altera præcedente somnum, eo usque quo pars penitus dedoluerit, & detumuerit, tunc ab usu hujus vini topici abstinendum, & reliquum naturæ tempori, & labori committendum est. Non inutile erit, partibus inferioribus pedum, septimanatim bis, facere pediluvium, hoc est, vino myrrhisato, pro ballamandis & solidandis illis partibus afflictis. Die nempe martis & sabbathi noctu, antequam se cubitum componet Illustrissimus Dominus Generalis. DEUM veneror, velit suis mediis clementissime benedicere, quo Illustrissimus Generalis, bono Regni publico, prudentiâ & ætate

*Iliacos æquare senes & vincere possit.*

Ita apprecatur volitanti calamo.

Illustrissimæ suæ Celsitudinis

humillimus Servus.

ANDREAS CNOEFFELIUS.

## TITULUS XXII.

### CAPUT III.

## VINDICIÆ

*Sive*

Responsio ad Objectiones, quib<sup>9</sup> imperiti quidam opinatores, Illustriss. Comiti Oldenburgensi persuadere conantur, criminando, agros à continuo aquæ meæ usu præsentissima incurrere pericula.

**H** Aut opus erat, Illustrissime Comes, defensorias hæc ad Te exarare: namque sinistra illa iudicia ab hominibus nullam profecto.



fecto aquæ nostræ notitiam habentibus, soloque sensu bruto, gustu, odoratu, tactu, doctis, proficiscuntur: præterea universo orbi, maximè verò hisce regionibus notissimum est, solo hoc rite usurpato secretiore medicamento miseros, ab aliis derelictos ægotantes, à morbis, quos vocant incurabiles, facilius, citius, tutius & jucundius; quàm quibuscunque putidis, quæ teste experientia nec ipsi eorundem magistri haurire appetunt, ægrique non nisi coacti summâ cum abominatione & horrore assumere queunt, decoctis curatos esse.

Nullus autem dubito, quin plurimi imperitorum nominis simplicitate offensi sint: à præcipuo enim elementorum medicinam hanc aquam vocavi, ex proëresi à vehiculo, quo illa obvelatur, nomine desumpto. Sanctè tamen testor, non aquam, non dulce, non acidum, huius medicamenti basin existere, sed sulphur quoddam plusquam solare, insipidum, nobilissimarum, ac vix credendarum virium, huic aquæ commixtum, corpus humanum usu continuato mundificans, sine purgatione, clystere, venæsectione, aliaque omni detestanda in hominis sanitatem grassante tyrannide: Hanc enim illa fugit, & potius modeste, placidè & blandè tractari amat.

De grato huiusmodi mundificante sulphure sapientissimi olim artifices multa scripserunt, nec non egregia cum eodem specimina ediderunt. Inter alios, (quod, ut major huic scripto meo accedat autoritas, adducere lubet,) centum abhinc annis mentionem ejusdem fecit celeberrimus Germanæ nostræ patriæ Medicus, *Theophrastus Paracelsus*, qui hoc ipso coram & ante oculos imperitorum, (teste inscriptione, quo lapidem ejus sepulchralem posteri in perpetuam rei memoriam honorare dignati sunt,) eos morbos curavit, quos purgationes optimæ, sirupi & decoctiones aliæ intactos penitus relinquunt; dum in libris de peste ab ejusdem discipulo, nob. & doctisf. *Adamo Bodenstein* anno 1568. editis, sub finem capituli quinti scribit: *qui sulphuris notitiam nullam habet, nec de medicinâ nec de naturæ arcanis quicquam differere novit. Quivis enim medicus, qui elementum ignis in arcanitate suâ non possidet, perit, & experti medici nomen nec meretur, nec affectet, sed nugatoris & marsupiorum purgatoris. Omne autem ☿ Δ est invisibilis, qui morbos consumit, sicut ignis ligna. Ideoq; Elementum ignis in quibuscunq; morbis maximum est arcanum.* Sed hæc de proprietate medicamenti huius, quod ∇ non est, ut imperiti autumant, sed ☿ philosophicum, dixisse sufficiat.

Omne



Omne  $\Delta$ vi mitigante & anodyna præditum est, adeo ut nonnulla metallorum ac mineralium  $\Delta$ a, prout à naturâ fuerunt exaltata, soporifera sint, quorum ope omnes dolores, omnia incommoda, quibus propter morbum æger affligitur, placantur & sedantur, & quidem cum *ædologia* ægroti: eo ipso tamen nullus adhuc morbus curatur, aut radicatus extirpatur; sed saltim, ut dictum, symptomata minuuntur & mitigantur. Sulphur enim hoc morbos tollit blandè *coquendo* & *maturando* cradum, viscidum, impurum ac diu retentum excrementum, morborum matrem ac fomitem: quæ concoctio placidè ac temporis tractu peragitur, sicut omnia definito tempore maturantur. Hanc concoctionem & maturationem veteres magni fecerunt, optimè cognoverunt, & multa de eadem scripserunt, quæ tamen à recentioribus oblivioni traduntur ac posthabentur: utut in eâ natura tam in sanis, quam ægris quovis tempore præprimis occupata sit, inque mundi finem occupata erit.

*Coctionem* hanc excipit *secretio* mali à bono, quâ natura occultas impuritates in apicum producit, ac visibiles reddit: æque ac in carne crudâ evenire videmus, quæ quamvis optimè lota sit, ita ut spuma nulla vel immundities in eâ animadvertatur: nihilominus, quamprimum hæc ollæ indita coquitur, magnam impuritatum copiam protrudit, adeo ut spumam antea non animadversam, (siquidem optimè mundata erat,) subinde cochleari tollere oporteat. Idem & in aliarum rerum coctione accidit, velut in officinis ærariis & furnis fusoriis, nec non chimicorum laboratoriis, ubi quotidie scorix & impuritates non pilulis aut apozematis purgantibus; sed igne, coctione & maturatione separantur, videre est.

Reliquæ  $\Delta$ is hujus, non aquæ, virtutes licet tanti ponderis non sint, ut quidem modò laudata coctio, ex hac tamen originem suam trahunt. (1.) Prima illarum est *resolutio*, quâ tenax, crassum, rudeque emollitur, tractabile, fluidum, & ut à naturâ commode evacuari possit, aptum redditur. (2.) Hanc excipit *abstersio*, quâ quod fluidum est, à naturâ (& sale subtili volatili omnia penetrante hoc in sulphure contento) eluitur, abstergitur & avellitur, nec non locus, cui diu istæ sordes adhæserunt, mundatur. (3.) Cui deinde succedit *referatio vasorum obstru-ctorum*, & commodior ægroti valetudo, dum spiritus vitalis hac ante impeditus rursus liberè canales, vasa & ductus naturales emundatos ad loca & labores destinatos transire, omnia benè exequi, fomentare,



maturare, calefacere, & concoquere potest. (4) Quam denique ultima sequitur operatio: totalis nempe dissipatio & exstirpatio restantium adhuc, & facilius nunc, quàm in principio separabilium impuritatum, & unà cum hâc optima patientis valetudo, robur ac sanitas.

Quisquis igitur tale mitigans, ac sale ejusmodi mercuriali subtili penetrante, seu spiritu balsamico, qui in sale consistit, prægnans sulphur, nactus est, summas Deo agat gratias, sibi que gratuletur ac gaudeat: non enim sulphur hoc solum Creatorem suum, dum ægris plurimis restituit sanitatem, celebrat; sed & possessorem suum Medicum, qui artificiosè illum administrare novit, nobilitat, nec ærumnosam ac egenam vitam degere finit. Hæcque purificatio similis est illi, quâ aurifabri per sulphur antimonii aurum quoad vires & colorem exaltant, & solummodo excrementa & scorias abjiciunt, purum vero sibi servant.

Objectiones quod attinet, etsi nullam mereantur responsionem, siquidem ab ejusmodi hominibus, ut eorum prodit simplicitas, qui nullam hujus medicinæ cognitionem habent, proficiuntur, tamen in gratiam tuam Illustriss. Comes, eas diluere lubet.

I. Primo dicunt, *medicinam hanc esse acrem, & vasa venasque ledere*: unde quæso hoc ipsis innotuit? sulphur hoc, quod sanctè affirmo, sanat potius, omnique sapore destituitur, aut magis ad dulcem inclinat. Brutus est intellectus ille, qui ex solo, nec quidem medicinæ, sed solum ejus involucri aut vehiculi, aquæ scilicet, quæ acida est, sapore judicat. Sæpius autem dixi, medicinam absq; acido etiam in haustu vini vel cerevisiæ pro lubitu cujusvis sumi posse. Aqua vero hæc acida eodem modo accusatur, quo *Momus* venerem pulcherrimam vituperabat, cum diceret, ipsam quidem pulchram satis esse, culcitram vero, cui insideret, esse deformem. Quod si aqua hæc acida tam parvâ dosi, mensurâ scilicet unius aut alterius caliculi vitrei sumta, membra vitalia corrodit; utique omnes illi medici pessimè egerunt hætenus, qui ægris suis, quos curare nesciverunt, atque ideo dereliquerunt, ad acidulas amandatis, hanc bibendi easdem methodum præscripserunt, quâ hodienum utuntur, ut subinde numerum augentes, non caliculum unum aut alterum; sed decem, viginti quotidie, immò integros congios haurirent; tanto majori cum periculo, quanto crudiori ac planè sylvestri acido à commixtis mineralibus ac excrementis metallicis acidulæ præditæ sunt; quod tamen ab artifice per distillationem corrigitur, ac de-



ac depuratur, immò per certas encheireses in suavem dulcedinem convertitur. Destillatoriâ enim arte dulcia acredinem nanciscuntur, & vicissim acria dulcescunt : notumque est ipsis etiam pharmaceuticæ artis tyronibus, quod *ranunculus*, qui alias vesicas excitat, uritque, destillatus dulcem, omniq; acredine carentem aquam præbeat, nec non acidissimus citri succus aquam insipidam reddat, aciditatemque suam amittat.

Cæterum idem aqua hæc nostra fatum cum Medici clarissimi, *Helmontii*, medicamentis experitur, qui *tract. de febribus cap. 17.* hunc in modum queritur : *Gauderem sanè, inquit, hæc propalare, sed me absterruerunt eventus, malo meo experti; etenim circa finem elapsi seculi inceperam per stigma sulphuris & vitrioli mederi : dicebam etiam, quænam essent insueta illa ignotaque remedia.*

*Primum enim medentes chirothecam suam præfatis remediis ostendebant corrosam ac resolutam, ut egros terrerent, ne suus stomachus idem tolleraret. At cum postmodum, non obstante medentum detrectationis furore, cernebant à me sanatos, benè valere, à servis fugitivis meis jusserant destillari quædam, quæ viderant & dididerant, nec sanè inviderem, nisi adulterata vendarentur omnia.* Hæc celeberrimus *Helmontius* : quibus ego addo, opinionem hanc ex merâ oriri ignorantia ; siquidem experientia abundè testatur, quod acida ejusmodi parce sumpta, vires suas in viscera viva ita exferere nequeant, quemadmodum in cadavera demortua, aut res vitæ carentes, telam lineam, vel corium. Quo vero, *Illustriss. Comes*, rei hujus ipse periculum facere possis, mitto in vasculo vitreo spiritus vitrioli communis nonnihil, cujus guttas quatuor diversis manus vivæ partibus instilles ; alias quatuor chirothecæ locis diversis adspergas, videbis tri-duo elapso chirothecam perforatam, cutim vero vivam sine omni nævo aut damno integram ac illæsam.

2. Deinde objiciunt, *medicinam hanc non posse penetrare.* Hic suimet obliviscuntur homunciones isti : paullò ante dicebant, eandem corrodere ventriculum & reliqua viscera corporis, quos permeet ; jam vero penetrare nequit. Quomodo corrodere & perforare potest, si illâc penetrare nequit, ubi ex mente ipsorum lædere debet ? Hanc vero medicinam in referendo præcipuis annumerandam esse, non quidem propter aquam aut vehiculum, sed propter seipsam, ratione salis sui volatilis, experientia testatur eorum, qui in obstru-



nibus vehementissimis mesenterii, lienis, renum &c. continuo medicamento hoc utentes die 8. 9. 10. sentiunt, urinam longè expeditius, vehementius & frequentius excerni, quàm antea: quâ de re ægri experti melius differere poterunt, quàm illi, qui nullum ejusmodi unquam experimentum viderunt. Inde etiam ope ejusmodi medicamenti spatio septimanarum sex omnes febres quartanæ; intra decendium vero tertianæ, quæ nulla aliàs æque benè referantia medicamenta aut medicos reperire potuerunt; sed ægros per menses quinque, sex, novem, decem & amplius habuerunt; & tandem à medicis penitus relictæ sunt, felicissimè curantur.

Silentio hic præteribo, quàm efficax medicina hæc in referendis obstructionibus sit, & quomodo melancholiam & maniam incurabilem cum stupore persanet: nemo enim hisce præter illos, qui hujusce modi homines ab aliis medicis derelictos feliciter curatos viderunt, ipsosque ægros sanatos, facile fidem dabit.

3. Tertia objectio, *nihil illam educere*, ex modo dictis facile diluï potest. Dum enim tantum obstructions expedit, & materiam infarctam eluit, sane non medicamentum; sed natura, postquam caussa morbi fixa ope medicamenti soluta est, evacuat. Possem idem demonstrare de acidulis, quæ, cum usu continuo causam morbificam excoxerunt, & fluidam reddiderunt, naturæ (antehac impeditæ) evacuationem committunt, quippe cui & viæ & media ad evacuan dum, sive per urinam sive per alvum, sudorem aut aliter, abundè & suppetunt, & optimè cognita sunt: Hæc ratione quod medicamentum hoc non evacuet, libenter concedo. E contrario vero, quod nil pravii aut noxii in corpore relinquat, testabuntur omnes illi ægri, qui potum hunc diebus decem aut quatuordecim continuarunt: præter enim ordinariam illam naturæ beneficio motam alvi solutionem, duas aut tres alias adhuc ciēt, ita ut spatio dierum quatuordecim, minimum quatuordecim dejectiones efficiat, longe majori cum naturæ comodo, quàm venenata purgantia, quæ unico trihorio, (quo coctio aut maturatio, in morbis præsertim firmiter infixis absolvi nequit) plus boni, quàm mali, & quidem magnâ ac solitâ sibi violentiâ evacuant: quam tyrannidem in naturam toties, ast frustra, exercere ne utiquam nostrum est.

Hæc quantopere inter se differant, quivis æger, qui utrumque medicamenti genus expertus est, edicere poterit, præprimis vero Tu, Illustriss. Comes, qui utrâque curandi methodo tentatâ tot annorum decur-



decursu propriâ experientiâ edoctus optimè sententiam feres, utrum reverâ medicamenti vires & operationem talem senseris, qualem scripto hoc ego deprædico. Et sanè unica hæc unius ægri experientia & certitudo omnibus discursibus & fundamento penitus carentibus opinionibus præconceptis longè anteferenda est.

Quod verò aquam hanc primis diebus non quivis ferre potest, non frigiditati, (summum enim ignem in se concludit) sed ægro imputari debet. Certè si in acidum aut biliosum ventriculū incidat, primis tribus diebus plures quam aliàs dabit turbas; sed & huic malo facilè mederi possumus, paucique talismodi dantur ventriculi ὀξώδεις, in quibus fermentationem & ebullitionem hanc tractu temporis sedare non possit.

4. Quarta objectio, *renes sanari non posse*, explicatione indiget. Verum utique est, renum fibras nerveas aut tendinosas, æque ac in reliquo toto corpore, semel lāsas in integrum restitui non posse: substantiam vero carneam, quæ sanguinem fundit ac suppuratur, sanari, aut (si partes tendinosæ lāsæ sint) in massam informem consolidari posse, non minus certum est, æque ac in quovis alio parenchymate, corde excepto, utpote meris partibus tendinosis constante, propter quod ejusdem vulnera ferè semper lethalia sunt: fando namque percepimus, in Prussiâ vulnus ventriculi sanatum esse; vulnera parenchymatis hepatis, substantiæ pulmonum, etiam ietu bombardarum inflicta, quotidie, nisi imperitè tractentur, in bello sanantur: exsecto calculo, si ritè curentur, etiam vesicæ vulnera consolidantur. Erat inter ministros Reginæ nostræ senex quidam oculista, Carre nomine, cui paucis abhinc annis binis diversis vicibus calculus ex vesica, (quæ tamen tantâ carne ac renes prædita non est,) exsectus, & vulnus optimè sanatum est; ipseque hodiernum vivit. Verum & hoc est, quod renes non frequenter sanentur, & à medicis imperitiis (de peritis mihi sermo non est) quæ arcana & encheiræses non callent, penitus deseruntur. Non ideo ab imperitiâ ad impossibilitatem argumentari licet, quandoquidem non solum Medicorum expertissimorum observationes & curationes, quarum integra habemus volumina, æque rerum affectorum curationes ac personarum nomina nobis exhibent, & quotidie ostendunt, verum etiam omnes illi Medici practici tam veteres, quàm recentiores, si res foret impossibilis, frustraneam & ineptam præstarent operam, dum tot medicamenta commendarunt, tantaque volumina conscripserunt, de renibus & vesicâ læ-



lis curandis. Et quamvis hæ curationes difficulter ac tardè, nec cuivis medico succedant, attamen, exinde non omnimoda rei impossibilitas præsumenda est, cum, ut diximus, tot exempla contrarium testentur. Immo unicum aut duo hujusmodi experimenta omnibus opinionibus, quæ non certis ac solidis rationibus; sed nudis persuasionibus nituntur, longè sunt præferenda.

## TITULI XXII.

## CAPUT IV.

## T O P I C A.

sive

## REMEDIA EXTERNA ANTIPODAGRICA

ad doloris lenitionem ac tumoris ablationem.

## 1. Liquor tartareus D. D. Cn.

℞. *sedativi nostri liquidi absque opio* ℥iv. *℞ rectif.* ℥j. ad ij.  
*pulv. nost. rub.* ℥j. Misc. & usui necessario servetur in vitro.

V I R E S. Externè in doloribus podagricis sedandis multum præstat hic liquor, pluribus enim eum profuisse ipsemet oculis meis sæpius vidi. M O D U S U T E N D I; in mixturâ istâ calefactâ linteola madefiant, & parti dolenti applicentur.

## 2. Topicum externum VLADISLAVIANUM.

℞. *aqu. laboris nostri spir. laboris nostri, spir. vin. laboris nostri* ā. ℥xij.  
*mucagin. aquatic. crud. per saccum clarificata & beneficio*  
*Onis conservata* ℥xl.  
*aloës hepat.* ℥ij. *myrrh. finiss.* ℥ij.

Misc. stent in loco calido, ad omnimodam ingredientium solutionem.

Mixtura hæc admirabilis est & insignis; Externè enim applicata, omnes dolores incantamenti instar reprimat & sistit, tophosque resolvit & remedium est cæteris nihil juvantibus quasi extremum, in S. Maj. VLADISLAO IV. p. m. à Cnæffelio sæpe expertum.

Modum applicandi quære superius in annexo consilio pro Illustriss. & Celsiss. Dn Generali Posnaniensi Comite de Leszno &c.

*Nota:* Post usum hujus topici, ubi dolor & tumor magnus locusque rubebat, pulverem sequentem adhibuit:

Pulvis



## Pulvis pro alperſione S. Reg. Maj.

℞. lithargyrii aurei pulveris. ℥iv. rad. ir. Flor. pulveris. ℥ij.  
moſch. ḡ. iv. zibeth ʒſſ. Misc. F. pulv. ſubtiliſſ. Sign. ut ſupra.

## 3. Topicum D. D. C.

pro Sereniſſ. Electore Brandenburgico,  
&

Illuſtriſſ. Dn. Ulrico Doberschinski,  
Ejuſdem Sereniſſ. Elect. Conſiliario.

℞. Ræ noſtr. topica ℥xvj. labor. noſtr. ℥viiij.  
mixtur. baſſamic. (ex myrrha & aloes ā ℥ij.) q. ſ.  
mucagin. aquaticæ ℥xl. Misc. bene aliquandiu concutiendo.

Sign. ut ſupra. MODUS UTENDI & VIRTUTES cum topico VLA-  
DISLAVIANO conveniunt.

## 4. Mixtura Eggenbergica baſſamica.

à Cl. Dn. D. Cnöffelio ſic dicta.

Nomen contraxerat quondam hæc mixtura ab Illuſtr. Principe  
Eggenbergico, cui ſæpiſſimè in doloribus podagricis fuit adhibita, cum  
ſingulari emolumento. Iſta talis erat:

℞. aqu. labor. noſtri ℥xxiv. mercurial. noſtr. ℥xij.  
mucaginis aquat. aluminat. ℥l.  
aloes opt. myrrh. rubr. ſubtil. pulveris. ā. ℥iiij.

Misc. probè ſubigendo pro mixtura lacteo ſiaveſcente; Modum appli-  
candi vide poſtea in topico 8. Arciſſewiano.

## 5. Mixtura baſſamica.

pro Illuſtriſſ. & Reverendiſſ. Principe ac Domino,  
Dn. W. Leziński Epilcopo Varmienſi.

℞. mucag. aquat. non Qt. ℥xx. baſſam. ſ. topici Eggenberg. præ. ℥v.  
phlegmat. ʒl. ℥viiij. labor. noſtri odoriferi ℥ij.

Misc. diligenter, ut exactè uniantur; Sign. ut ſupra.

Circumligata mixtura circa carpum, genu & pedem, ac ter vel quater  
ſpatio 24. horarum renovata, omnes dolores mitigat.

## 6. Mixtura.

pro Illuſtriſſ. & Excell. Dn. Dn. Georgio Oſſolinio,  
Cancellario magno Regni,

℞. ſper-



Rx. *spermat. ranar. reserv. phlegmat. ℥l. ā. ℥iv. alumin. ℥ij.*  
*MP. de trib. (ex aloe, myrrha & croco) ℥ij. ℥ij. camphora ℥j.*  
 Misc. omnia exactè. Sign. Mixtura in doloribus podagricis ex causa calida bis vel quater in die adhibenda, linteis sc. eâ calidâ imbutis.

### 7. Topicum balsamicum

pro Illustrisf. Comite in Oldenburg.

Rx. *mucagin. aquatic. nr. m. aluminatæ ℥xlvij.*  
*aloes, myrrha pulverisat. ā. ℥ij.*

coquantur ad dissolutionem specierum, deinde add.

*phlegmat. ℥l. ℥xlvij. mucagin. aquat. adhuc recent. ℥xxiv.*

~ *labor. nostr. ℥xx. balsam. Eggenberg. ℥vij.*

~ *rosar. fragrant. q. s. essent. lign. rhod. g. xx.*

Misceantur exactè, sign. ut supra.

### 8. Liquor externus tartari

pro Illustrisf. Dn. Generali, Dn. Christophoro Arcisfevski.

Rx. *phlegmat. compos. ℥iv. liquor. ℥i nostr. compos. ℥ij.*

~ *de trib. nr. ℥i rectif. ā. ℥iβ. pulv. rubr. anodyn. ℥j.*

Misceantur opt. pro una lagenulâ, & tales commisceantur num. vj.  
 Sign. Liquor externus Tartari.

usus hujus topici talis erat, qui & in aliis topicis Cnöffelianis, hîc descriptis, observandus est.

Lagenula prius commovebatur fortiter, donec ab excitato pulvere turbidè rubesceret liquor; Tum effundebatur ejus liquoris, bene jam cum pulvere commixti, nonnihil in cochlear argenteum, & super prunas candentes collocabatur in cochleare, ut paululum incallescere, & inspissaretur; quam primum fumare incipiebat liquor, amovebatur cochlear ab igne, & eo liquore locus affectus, tumens, seu inflammatus, affatim illinebatur pluma aliqua. Locus illitus tamdiu non tegebatur, donec liquor illitus dispareret, & per se siccaretur, tum demum applicabantur desuper linteamina calida.

Repetebatur ista illinitio, quinquies, 6. 7. 8. 9. 10. & etiam vices de die, tamdiu, donec aut dolor vinceretur & cessaret, aut pustulæ parvæ in loco illito apparerent, ulteriorem illinitionem ob mordacitatem liquoris non permittentes.

Tum eo die cessabatur, & locus illitus spongiâ vino calido imbutâ



butâ detergebatur, & lentè purgabatur. Quod si postero die pustulæ illæ disparerent, & dolor adhuc permaneret, eadem illinitio repetebatur, donec omnis dolor & afflictio periret.

Si quis medii anni spatio notabilem profectum ( ex usu tam interno quàm externo medicamentorum Cnoëffel. ) non sentiret, sed æquè, ut solebat infirmâretur, eum pro desperato, & à Deo ad has pœnas condemnato habendum esse dicebat. Plura circa hanc materiam & de medicamentis Cnoëffelianis quære in epistolâ de podagrâ curatâ, & ab ipso Generoso Dn. Christ. Arcisewski conscripta.

### 9. Topicum castrense

pro Illustr. Comite de Ostrorog. Pocillatore Regni.

**I**N castris, crudo & castrensi more, absque extractione sequentem (pro topico ordinario) hanc constituimus compositionem:

Rx. *aq. mucaginis absque igne parat.* ℥iv. *spir. vin.* ℥sati *camphorati* ℥ij.  
*liquoris nostri sedativi* q. s. *gummi guttæ* ℥ij ad iv.

Misceantur benè Sign. ut supra.

### 10. Topicum extraordinarium anno 1649.

Lublîni paratum.

Rx. *Œli vulg. Ungarici* ℔ij. *Onis* ℔j. *Œne puerorum* ℔iij.  
Destilletur ex illâ per cucurbitam. Postea

Rx. *hujus liquoris egressi* ℥vj. *liquoris* ℥ri *nostr. compos.*  
*Œri rectific. a.* ℥iss. *pulv. mei rubr. topici* ℥ij.

Misceantur. Sign. ut supra.

### 11. Topicum Dn. D. Podchocimski

pro Generoso Dn. Comorowski.

Rx. *calcis vivæ* p. ij. *Œri crudæ* p. j. Pulverisata inde *Œæ.* Adde  
*Œi vini* q. s. Destillentur, & exhibit aq. viridis.

Ex relicto capite mortuo adhuc prius calcinato extrahatur sal. Jam

Rx. *hujus liquoris destill.* ℥vj. *Œis ex* ℥o *extracti* ℥iij.  
*phlegmatis* *Œli* ℥iij. Misce.

Ad dolorem sedandum & materiam arthritidis resolvendam hoc topicum miræ virtutis est, si linteola duplicata in liquore mediocriter calefacta & demersa membro dolenti applicentur. Et hoc topicum quondam S. R. Maj. à Dn. D. Podchocimski fuit applicatum.



## 12. Topicum ordinarium

S. Reg. Majest. JOANNIS CASIMIRI.

Rx. *spermatis ranar. destill. phlegmatis* ℥li, (vel loco hujus +i) ā. ℔ij.  
*myrrha rub. pulveris.* ℥ij. Misc.

## 13. Aqua antipodagrica cœrulea

S. Reg. Majest. VLADISLAI QUARTI.

Rx. *lixivii calcis vivæ per* ∇ *am spermatis ranarum & omnium*  
*florum extract.* ℔ij. *olis* ❧iaci ℥ss.

Misceantur continuo in vase cupreo, & saphiri acquirent colorem, postea filtrentur per chartam. Eoque liquore prius calefacto, pars dolens illinatur, vel cum in eo intinctis pannis applicetur.

## 14. Aqua antipodagrica viridis.

Rx. ∇ *e mortuæ aurifabrorum* (quasi usi fuerunt aurifabri in separationibus, Germ. *Salzwasser.*) *phlegmatis* ℥li ā. ℔ss.  
 ∇ *e sperm. ranar.* ℔ij. *gumm. gutt. opt. pulv.* ℥ss. *camphoræ* ℥ij.

Misceantur & fiat aqua antipodagrica, ex qua foveantur partes dolentes calidè, cum linteis eâ imbutis. Not. Cautè tamen adhibenda est, propter vim adstringendi & repellendi.

## 15. Aqua antipodagrica externa Cl. Dn. D. Krafftis.

Rx. *cancrorum fluviat. in lapideo mortario contusor.* n. 30.  
*liquor. limacum rub. in locis aprieis & vinetis degentium* ℔iiss.  
*lumbric. terr. purgat.* ℔ij. *sperm. ranar. crud. in cella asserv.* ℔iv.

Omnibus invicem bene mixtis adhuc adde

*stercoris habuli recent.* ℔iiss. *lentium palust.* ℔ss.

Macerentur in loco calido, per 24. horas, postea destillentur in VB. ut artis est, liquori egresso postea admisce, in æquali pondere & mensura, phlegma ℥li, per se abstracti, & servetur ad usum. Jam

Rx. *aq. antipodagrica* præscript. ℔ij.  
*lapidis salutis* (contra Podagram) ℥j.  
*camphoræ diss.* ℥ss. *crocī* ℥ij. *opii, pro dispositione Medici.*

Misceantur, & in leni calore unius, vel alterius diei intervallo digerantur, mixtura tandem per chartam prius filtrata, in usum futurum reponatur. Exterius, calidiuscule membris affectis, dolentibus & tumentibus, in petiis applicata, & eousque, donec tumor & dolor cessent, eximie virtutis est.

Liquo-



## Liquoris limacum conciliatio talis est.

*Rx. limacum ex testis exempt. q. v. Olio communis q. f.*  
 Fiat in olla nova perforata, vel in sacco raro S. S. S. subtus verò applicetur aliud vas terreum, ad excipiendum liquorem, qui tandem tempore in cella, seu alio loco humido frigidoque repositus ex sacco, seu vasculo perforato stillare solet. Liquor collectus & mucaginosus, absque ulteriore destillatione, pro aq. antipodagrica Cl. Dn. D. Krafft, superius descripta asservetur. Vel cum aq. spermatis ranar. & phlegmate Oli. ā. p. æqual. solum mixta, in doloribus podagricis, inflammationibus, & ad ambusta multum confert.

Liquorem mucilaginosum anodynum, ex cochleis rec. exemptis, bacc. sambuci exsiccatis & sale usuali ā. p. æqual. inveniet B. L. in anatomia sambuci Cl. Dn. Martini Blochyvitii, qui & vicem hujus prestare potest.

## Lapis salutis Dn. D. Krafft.

*Rx. Oli Ungar. lbj. anodynus mineralis, O Pri. \*ci, ā. lbj. Pri. aluminis crudi ā. ℥iv. Olio gemma ℥ij.*  
 pulverisentur singula seorsim, ponanturque in olla nova vitreata satis capaci, quibus postea affunde ad supereminentiam spithamæ,

*†i flor. sambuci, virid. aris tincti, aq. sapphiræ per Diam puerorum fact. ā. q. f.*  
 Mixta coquantur leniter, (spatulâ ligneâ frequentius agitando) donec spissescere incipiant, ubi circa finem adhuc adjicitur

*sacch. hui crystallisati & in pulverem redacti ℥j. Ais Oli ℥ss.*  
 Misceantur benè & in lapideam substantiam materia convertitur, quæ ad suos usus reservanda est. Rem si rectè institues, lapis hic viridiusculi erit coloris, lapidis turcoidis instar, alias si diutius in igne permanserit, rubei erit coloris. Valet in omni dolore arthritico, maxime contra chiragram, gonagram, & podagram: dissolvitur in aq. antipodagrica, ejusdem Authoris, seu in aq. sperm. ranar. aq. omnium florum, vel alia aqua anodyna; filtratus liquor prius calefactus, linteis duplicatis adhibetur. Insuper virtutes hujus lapidis sunt, in omni inflammatione, scabie, morphea, ulceribus, putridis & foetidis, gingivis exulceratis cancro, & in aliis adhuc multis infirmitatibus, si in aq. simplici vel appropriata solutus, debite applicetur.



## Cataplasma ad dolores &amp; tumores podagr.

S. Reg. Maj. VLADISLAI IV.

Rec. medullæ panis tritici ℥j.

Temperetur lacte vaccino recenter multo pro consistentiâ pulvis prope ignem, absque tamen ebullitione; adde

farinæ avenæ, florum chamomillæ pulv.

capit. papaveris pulv. pulv. florum omnium ā. ℥j.

vitellor. ovor. n. ij. croci ℥ij. ol. septem florum ℥i℥.

Fiat cataplasma, quod linteolis illitum tepidè articulis dolentibus applicandum est bis, ter &amp; sæpius in die.

## Cataplasma anodynum Dn. D. Cnöffelii.

Rec. medullæ panis albi, cum liquore reservato

mucaginis aquaticæ, in formam pulvis liquidioris redact. ℥i℥.

pulv. folior. nicotianæ nostr. - nymphae ā. ℥ij.

flor. chamomillæ, rad. ulmarie ā. ℥j. myrrha rub. el.

℥i calcin. (ad albed. usque) ā. ℥vj. medullæ cassie rec. exir. ℥j.

croci, ℥j. ℥j. Misce, fiat cataplasma, cui adhuc adde

ol. spermatis ranar. parum.

Applicandum calidè, linteis raris exceptum, ac pro necessitate reiterandum.

## Emplastrum antipodagricum anodynum nigrum

officinæ Regiæ VLADISLAI IV.

Rec. ol. sperm. ranar. lumbric. anodyn. Myns. (ex 7. flor.) ā. ℥j.

adipis anserini, medulla crurum vituli ā. ℥i℥.

lithargyri ℥i℥. cerussæ Venet. ℥ij.

Coquantur ad debitam emplastrî consistentiam. Adde sequentia. in alio vase prius liquefacta, &amp; colata: utpote

cera odorata flavæ ℥j. picis nigra specul. sevi hædini ā. ℥iij.

His exactè mixtis &amp; parum refrigeratis, adde

MP. de tribus (ex myrrh. aloë &amp; croco) masticeis, thuris ā. ℥j.

pulv. sperniolæ (ex oculis nigris per sepißimam insuccationem, cum prop. mucag. parat.) ℥iij.

camphora in ol. ovor. solut. ℥j. sacchari Hni ℥vj.

Fiat omnibus exactè inter se mixtis, empl. nigr. anodynum &amp; nobile, in doloribus arthriticis magnum solatium.



usus ejus præstantissimus est in ulceribus malignis corro-  
dentibus, cancris, & aliis similibus hñinis, maximè tiliarum, quæ ob  
maximam materie impurioris, & salinæ acrioris copiam, sanari non  
potuerunt.

Hujus emplastri inventor fuit Cl. Dn. D. Cnœffelius, cujus de-  
scriptionem ex dispensatorio secreto, ab ipso pharmacopœo Regio,  
Dn. Joh. Heker, excerpfi.

Not. Si forsan consistentia emplastri non arrideret, adjectione  
ceræ & ol. sperm. ranarum corrigi potest.

### Emplastrum attractivum Cl. Dn. D. Cn.

**A**D nodos dissolvendos, & quod omnem materiam firmam & coa-  
gulatam, ex tophis inde apertis extrahit; Inveni & ejus compo-  
sitionem in *Praxichim. Hartmanni* p. 336. idè illud supersedeo; qui verò  
notitiam ejus præparationis desiderat, adeat dictum Authorem.

### Vinum balsamicum pro S. Reg. Maj.

**U**bi dolor & tumor planè evanuerat, ad articulos roborandos &  
confirmandos, lotionem partium adhuc debiliū instituit, vino  
suo balsamico sic concinnato:

Rec. myrrh. rub. ʒvj. masticis ʒij.  
flor. lavend. m. j. vini Hungarici lbiv.

Coquantur omnia leniter bulliendo, postea colentur pro usu exterior-  
is applicationis in S. Reg. Majestate.

### Vinum balsamicum aliud correctius post dolores finitos, & tumores adhuc relictos.

Rec. herb. solani & urtica minoris ā. mij.  
flor. lavend. sambuci chamomilla m. j. sem. lini ʒß.

Coquantur in vini adstringentis lbv. In expressa mucagine incoque  
leniter bulliendo

lithargyri ʒiij. myrrhæ ʒß. masticis, spermat. ceti ā. ʒiij.

Misce omnia prius in paucō vino soluta & colata. Hoc vinum balsa-  
micum, præ aliis, Ser. Reg. Maj. valdè conducebat, inde & ejus usum  
habuit familiarem, quem semper post finitum paroxysmum repetiit.



# TITULUS XXIII. FEBRILIA.

## Antidotus lysipyretos.

℞. *ſii pulv.* *Æis cur. crystal.* *℞i Goslar ad albed. calc. ā ℔j.*  
Exacte mixta indantur cucurbitæ magnæ luto obductæ, & adaptato alembico rostrato, cum receptaculo magno, ex arena instituaturs distillatio, primo quidem per horas sex lento igne, & exstillabit phlegma; cum omnis aquositas exiverit, caloris gradus urgeatur, & flores ascendent pulcherrimi. His apparentibus, igne fortissimo, sublimatio continuanda erit, tamdiu, donec nihil amplius ascendat. Flores tali processu parati, & studiose collecti, de novo capiti mortuo proprio admisceantur, & iterum sublimentur; qui labor & tertia vice reiterandus est; & sic flores *ſii* *℞lo-Ærati* (quorum copia quidem in repetita sublimatione minuitur) tenuiores, puriores & elegantiores evadunt, accipiuntque essentiam *ſii*, & spir. vitrioli, sibi que eosdem uniunt. Jam

℞. *flor. ſii dicto modo paratorum q. v.*  
*℞ pro insuccatione q. s.*

& denuo in leni calore exsiccentur, & hoc fac bis, vel ter: tandem ex floribus ita paratis, & insuccatis, cum *▽ temperat. q. s.* extrahatur digerendo *Ra*, eademque (prius filtrata) rursus ad consistentiam olei, à superfluitate, per distillationem abstrahatur.

In febribus omnibus intermittentibus maxime in quartanâ est medicamentum specificum. Præterea in podagrâ eique similibus, & in curandis & extirpandis multis aliis infirmitatibus remedium est excellentissimum, ab authore me præsentē hic Warſaviæ anno 1655. bis elaboratum. Dosis a gutt. iij. ad gutt. vij. in aq. appropriatâ, vel cum mel-lagine junip. seu extr. centaurii, & gentianæ, inspissato more nostro, in forma pil. hora una vel altera, ante paroxysmum, cum expectato sudore; qui si prima vel secunda vice non successerit, eadem dosis reiterari potest, sed raro bis vel ter assumitur, quia prima dosis plerumque sanat, attamen universalibus præmissis.

*Nota:* Ex floribus *ſii rubr.* (*ſiv.*) *Æris ad perfect. albedin.* *℞is* (*ſij.*) *colcothar.* *℞i Ungarici* (in duplo) per trinas reiteratas *△* tiones, parantur flores rubicundissimi. Hi cum aciditate *℞i* *Æris* primo, deinde & cum



cum  $\wedge$  *hni* æthereo essentificati, dant antidotum Iysipyreton Quercetani.

### Specificum febrile,

quod hic Warlaviæ in officina Regia in usu erat,  
ex ordinatione Cl. Dn. D. Cnæff.

R. *ſii ſubtiliſſ. pulv. ſſj.*  $\odot$  *i purificati*,  $\ominus$  *\*ci*  $\bar{a}$ .  $\mathfrak{f}\mathfrak{f}\mathfrak{f}$ .  
Pulverifata miſceantur exacte, & cum  $\square$  *a* puerorum q. ſ. humectentur,  
ut manibus ſubigi poſſint. Hoc factò indantur  $\odot$  *æ*, collo ſpacioſo;  
lutoque obluſtæ (quæ in catinum arenarium, tribus digitis à fundo in-  
tercedente  $\bar{a}$  *a* ſuperius uſque ad materiam imponitur) & recipiente  
permagno & largo prius applicato. deſtillantur leniſſimo calore, do-  
nec omne phlegma exſtillarit, & nebula quædam, cum ſummo impetu,  
in vas recipiens prorumpere inceperit, qui facilè vas recipiens deſtrue-  
re ſolet; ideo cautè hic procedendum, poſtea calores ignis de gradu  
ad gradum urgeantur, quousque tota radicalis humiditas expulſa & flo-  
res *ſii* compoſiti in collo  $\odot$  *æ* apparere incipiant, qui tandem & ex-  
tremâ violentiâ ignis expellendi ſunt. Flores inde colligendi, eximen-  
di, & ſemper admixto proprio colcothare, de novo, ter vel quater in  
retortorio iterum elevandi ſunt. Sublimatum collectum poſtea in vitro  
puro, ac leni calore per tres dies acquieſcat, ut color exaltetur. Tan-  
dem floribus ita paratis, (prius tamen aquâ pluviâ deſtillatâ bene e-  
dulcoratis) ſpir. vin. opt. rectif. affundatur, atque in pellicano ſeu phiala  
per 6. ſeptimanas in cineribus calidis circulentur; tandem ſpir. vin. ite-  
rum abſtrahendus, & pulvis in fundo phialæ relictus, adhuc  $\nabla$  *a*  $\mathfrak{Q}$  atâ ali-  
qua ablucendus, & ad uſum reſervandus eſt.

Inſervit præcipuè ad febres omnes intermittentes, maximè in  
quartana, ubi hic pulvis ſpecificum eſt ſingulare.

uſus ejus etiam eſt in hydrope, aliisque affectibus. **DOSIS** à  
 $\mathfrak{g}$ . iiij. ad v. cum mellagine in forma pilularum toties repetenda, donec  
malum ceſſet.

Spiritus egreſſus cum ſuo phlegmate, ſpir. vin. abſtracto adjungen-  
dus. Topicum externum in doloribus podagricis & chiragricis excellen-  
tiſſimum. Ex. extrahitur, more chimico conſueto, ſal febrile de tri-  
bus, cujus doſis  $\mathfrak{g}$ j. ad  $\mathfrak{z}\mathfrak{f}\mathfrak{f}$ . &  $\mathfrak{g}$ ij. cum  $\mathfrak{f}\mathfrak{f}$   $\odot$  *lato* q. ſ. in juſculo car-  
nis,  $\nabla$  centauri vel cum extracti rad. gentianæ  $\mathfrak{g}$ j. in forma pilularum,  
ſumitur, paulò ante paroxyſmum; & ſi poſt primam adhibitionem ef-  
fectus



fectus non successerit, ter vel quater dosis sequentibus diebus reiteranda erit, semper cum expectato sudore. Descriptionem hujus specifici antifebrilis, sub silentii fide, accepi olim à pharmacopœo itinerario Regio, Dn. Joh. Georg. Hahn, qui & hoc pro nostro Dn. D. Cnœffelio bis vel ter elaboravit.

## Febrim tertianam curandi methodus

Cl. Dn. D. Andreæ Cnœffelii.

**O**Mnem febrim intermittentem, dicebat Cl. Cnœffelius, fieri ex obstructione, ex eâ ortâ dein putrefactione, & ex hac ebullitione, paroxysmum; ideò in principio curationis febrium putridarum, sequentem per 6. vel 7. dies adhibuit pulverem, qui

℞. cremoris Fri ʒiſſ. ad ʒij. ʒis centaur. ʒlat. ʒſſ.

Fri ʒlat. ʒ. vij. ʒli coagul. ʒ. ij.

Misc. Fiatque pulvis ad chartam pro dosi, & tales & doses n. 6. vel 7. in totidem chartis, ex quibus quotidie una tribus horis ante prandium in jussulo pulli seu carnis sumitur. In tertiana raro pulveres omnes consumuntur, quia statim vires tertianæ infringere solent. Finitis & consumptis pulveribus adhuc semel vel bis, aliquando exhibuit Pulverem Puniceum compositum, cujus dosi erat ʒj. etiam in brodio carnis. Aliquando etiam ante insultum paroxysmi sequens pulvis in aq. centaurii seu fumarie propinabatur:

Rec. oculor. ʒo prepar. corall. rubr. prepar. ā. ʒj.

ʒii diaphoret. fix. ʒ. xv. fiat nostri ʒ. ij. Misc.

Et post sumptum pulverem, sudori operam det patiens, aliquando & ad usum medicam. specific. antea descriptorum recurrebat. Purgationes quidem aliquando instituit, sed sectionem venarum nunquam.

## Pulvis febrilis Cl. Dn. D. Cablovvitski.

Seren. Caroli Ferdin. Principis Pol. & Sueciæ p. m. Medici.

Rec. ʒis centaurii min. absinthii ā. ʒj. cremoris Fri ʒij.

C. C. philosoph. calc. ʒiſſ. ʒli rect. ʒſſ. sandali rub. pulv. ʒj.

Spiritum ʒli affunde guttatim, pulverem miscendo spatulâ ligneam in vase vitreo, deinde lento igne mixturam exsicca. Dos. ʒſſ. ad ʒj. tribus vel quatuor horis ante paroxysmi invasionem, in aq. centaur. vel alia specifica. Eadem dosi reiteranda, si prima vel secunda vice non satisfecerit. (Ex communicatione Dn. Sebastiani Englerts pharmacopœi Principis.)

Pulvis



**Pulvis febrilis Lithuanicus Dn. Georgii Juchs,**

Ser. Regis JOAN. CASIMIRI Chirurgi.

℞. *aluminis crudi, nuc. moschat. ā. ʒj.**olibani ʒj. piperis nigri ḡ. v. usque ad vij.**caryophyllorum ḡ. iij. usque ad vj. M. F. Pulvis subtilissimus.*

Præmissis præmittendis datur ʒß. ad ʒj. in aq. centaur. & aceti bezoar-  
tici seu simplicis ā. ʒiß. tribus repetitis vicibus, semper ante paroxy-  
smum; Febrem tollit cum admiratione. Ex singulari communica-  
tione dicti chirurgi.

**Pulvis antifebrilis specificus D. D. Pauli Podchozimski.**℞. *ʒii diaphor. magist. matr. perl. per se sola tritura parat. ā. ḡ. xv.**dulcedinis aluminis ḡ. iij. opii ḡ. ß. ad ḡ. j. M. F. Pulvis.*

Facta evacuatione & missione sanguinis, datur in aq. febrili, ante i-  
psum accessum, hora una scil. ante invasionem horroris.

**Pilulæ febriles Dn. D. A. Cnœffeli.**Rec. *extr. centaur. min. gentianæ, ʒii fixi diaphor. resol. ā. ʒiß.**ʒis centaurii ʒlat. ḡ. vij. Fri ʒlati ḡ. iv.*

cum *sir. cardui benedicti* q. f. Formentur pilulæ deauratæ contra  
omnis generis febres, tertianas, quartanas scil. exhibendæ ante paro-  
xyismi invasionem, cum vestigia horroris sese ostendunt, expectando  
sudorem.

**Antifebrile cujusdam eremitæ in majori Polonia.**

**Q**UOD aliquando empirici, mulierculæ & aliæ plebejæ personæ  
simplicissimo & uncio aliquo remedio homines à multis & gra-  
vissimis morbis liberare & curare soleant, sequens historia exemplo suo  
confirmat. Quidam eremita, cognomine *Stutzel* ex majori Polo-  
nia, fama ubique nostris in terris notus & celebris, omnibus charus,  
inprimis Magnatibus, ob specialem suam medicinam, quam in formâ  
pulveris possidebat, multosque & varios morbos eâ mirabiliter cura-  
vit. Hic enim feliciter calculum, hydropem, quartanam & varia ge-  
nera febrium curabat, beneficio solum hujus pulveris, quem panaceam  
suam vocabat: Unde non solum minoris conditionis personæ,  
sed & Nobiles & Principes, ad eum, tanquam ad sacram anchoram  
confugiebant. Commendabatur etiam ipsius persona (tanquam  
sancta) Serenissimo Regi JOANNI CASIMIRO p. m. (meo tunc



Domino Clementissimo ) Is ex instinctu multorum ipsum & videre & alloqui cupiebat; Vocatus itaque eremita, suam medicinam, in habita audientia ad astra, summis laudibus extulit, & cum ejus virtutibus, charta inscriptis, partem hujus pulveris, (ad quadraginta circiter doses) Regi porrexisset. Serenissimus quidem clementer hoc accipiens, usum tamen hujus pulveris recusabat, nisi ille prius secretum aperiret, ex quibus ingredientibus medicina constaret: Ad quod eremita non tam libenter, quam reverenter consensit, oretenus & in scriptis Regi explicando totum, quod tale erat:

Rec. *Ori fixi mineralis* ℥j. *zingiberis cinamomi* ā. ʒij.

M. F. pulvis subtilissimus. dos. ʒʒ. ad ʒj. In vino vel aq. simplici. Hæc tota fuit compositio illius magni secreti. Utrum vero hæc medicina, vel sola gratia DEI, hoc fecerit (ob sanctam innocentem vitam, quam hic eremita agebat,) Bi L. judicandum relinquo.

Certum est, illum ea curasse, quæ alii Medici præstantissimi aliquando præstare non potuerunt.

Regia Majestas etiam, insciis suis Medicis, pulverem hunc aliquoties sumpsit, nec non eremitæ huic viaticum bonum propriis manibus porrexit: Qui alias pecuniam accipere recusabat, solum pro porrectis aliquibus victualibus, pro sustentatione vitæ suæ, (nempe pane, caseo, piscibus) contentus, gratis homines curabat.

### Nitrum rub. essentificatum.

Rx. *Ori purif. (lap. prunella)* ℥ʒ. *ziv. succi berberum* ℥iij. Misc. Facta maceratione ad totalem usque *Ori* dissolutionem, liquor filtratur, per linteum rarum, ac post lenem exhalationem humiditatis superflue, reponatur in locum frigidum, ad crystallisandum. Crystallis exemptis, residuum denuo coquatur, ad cuticulam usque, & iterum crystallifetur, quod tamdiu continuandum, donec omne nitrum cum succo berberum in crystallos redactum sit. Nitrum ita insuccatum, (ad majorem efficaciam) cum recent. succo berberum q. s. denuo solvi, & dicto modo in crystallos converti potest. Aut nitrum semel ita imbutum, bis vel ter iterum infundatur, cum rec. succo berberum, ac sola coctione & evaporatione humiditatis convertetur in substantiam salinam & siccam.

In febribus ardentibus & putridis & quibuscunque calidis, maxime in febre illâ Ungaricâ dictâ, usus ejus tam internus, quam externus ef-



nus efficax est. Dos. à ℥ij. ad ʒj. simili processu ac methodo, cum aliis & diversis succis, (utpote citri, granatorum, rubi idæi, fragorum, cerasorum, mororum, bacc. myrtillorum, acetosellæ, endiviæ, cardui benedicti, petroselini, scordii. Item florum rosarum, florum viol. martialium, aquilegiæ, & similium) Drum insuccari, & diversis virtutibus imbui ac efficacius reddi potest; de quibus *Clar, Zwelff. in mantissa Spagyr. part. 2. c. 12.* inspiciendus est.

*Not.* Quod de succis plantarum dictum, similiter & cum decoctis specierum efficitur. Item cum solutionibus mineralium, metallorum, & animalium partibus; Nam Drum est salinæ substantiæ, in quibuscunque liquoribus resolubile, & in igne liquabile, cui variæ figuræ & virtutes inde imprimi possunt. Nox ex Oro puro & saccharo, cum Ris florum, propria aqua extractis, paravimus crystallos Otri compos, in virtute, sapore & calore gratissimos.

### Sal febrile compositum.

*Rx.* Ois Ori crystall. s. anod. mineralis, centaurii, absinthii, cardui benedicti, aluminis, \*ci ā. partes æquales q. v. Solvantur in aq. cardui benedicti q. s. solutio filtretur & per evaporationem iterum in sal crystallinum reducatur.

Jam Rec. hujus Ois compositi ḡ. xv. Ois essentialis Fri ʒss. Fri Olati ḡ. v. ad viij. Misceantur in mortario lapideo, seu vitreato, in pulverem subtilissimum. Detur ad chartam.

Est arcanum febrile summum, maximè in febribus intermittentibus, scil. tertiana, quartana aliisque febribus putridis, datur & in aliis morbis diuturnis & chronicis ex obstruct. ortis, ut & in icteritia & hydropo.

Dos singulis diebus, matutinis horis, & stomacho jejuno per aliquot dies, in aquâ appropriatâ seu juscule carnis.

Ex communicatione cujusdam amici, qui beneficio hujus medicamenti, in curandis, & extirpandis variis morbis miracula quasi præstitit. Vocabatur ab authore O lavendulæ compositum (sed malè) propter odorem & colorem lavendulæ, quem ipsi cum guttulâ unâ & alterâ tincturæ lunæ & elæosaccharo lavendulæ conciliaverat.

*Not.* Purgationes in adhibendis specificis febrilibus nunquam negligendæ sunt, nam absque illis minera febrilis vix exterminari potest,



est, ideò in febribus intermittentibus & putridis valde necessariæ sunt, quod *Petrus Monavius in epist. 248.* confirmat.

Si in febribus putridis, intermittentibus, quibuscunque apparente aliqua, etiam si non perfecta, in urinis coctione, ægro ipso die paroxysmi medicamentum purgans dederis, ita ut effectum suum, ante paroxysmi invasionem, compleat, (horis scil. 4. aut 5. antequam paroxysmum adventurum putas) videbis febrim post illum, non amplius reverti, sed prorsus tolli, incantamenti instar, probavi in pluribus sæpius, & lemper eventus respondit.

### Quartanæ febris curandæ methodus Cl. D. D. Lu- berti Erbenii, D. D. And. Cnœffelio communicata.

1. Primo exhibet vomitorium ex infusione croci metallorum paratum, in dosi, pro exigentia morbi & personæ.
2. Secundo pedes ponit in aquam calentem, maximè sub paroxysmo usque ad genua, & super dormire ægrum permittit.
3. Postea per tres dies adhibet pulverem specificum febrilem, qui talis est:

*Rx. cor leporis bene exsiccatum, & opt. pulv. in tres part. æq. divisam, Partem pro una dosi, jejuno stomacho, in vino exhibet, & si possibile, ante ipsum paroxysmum; & sic reliquas duas doses sequentibus adhibet.*

4. Singulis intercedentibus diebus bis sudores promovere solet, vino sulphurato, per infusionem parato; quod fit ex

*Æis crudi, sed crystallini & optime pulverisati ℥iv.*

*vini opt. generos. Hungarici ℔ij.*

quæ mixta, & per aliquot dies infusa, adhuc ad tertiæ partis consumptionem usque incoquantur. Vini tandem, quod à relicto pulvere aufer-  
tur (aciduli saporis,) manè bonum haustum præbet, & sudorem pro-  
vocat. Post meridiem horâ quartâ alterum scyphum, etiam cum ex-  
pectato sudore; sic 5. 6. vel 7. dies continuando. Quo interstitio se  
perfectè absolvere curam quartanæ cujusvis asferebat.

*Ex libro manuscripto Cl. Dn. D. Cnœffelii.*

### Spiritus de tribus D. D. A. Cnœffelii.

**I**N *Q*uam superius tubulatam, apto operculo instructam, & candefa-  
ctam, tertia pars cochlearis de materia sequente injiciatur, clauden-  
do semper arctissime tubulum suo operculo: Recipiens vero, qui capaci-  
cissimus



cissimus applicetur, aquæ vulgaris cochlearia quatuor vel, quinque contineat.

Rx. *℞ii* quintupla parte *Oris* in pulverem album fixati, postea edulcorati benè; vel loco illius

*Reguli Sialis opt. pulver. Aris. crudi pulv. ā. ℞ij.*

*Oris puri benè siccati ℞iv.* è pulverisatis & probè mixtis, in Nam sic per particulas injectis, evibratur cum fulmine <sup>^</sup>, cum floribus incarnatis mixtim circulandus per octiduum, postea filtrandus pro usu suprà dicto, servatis pro alio usu floribus.

VIREs ac virtutes conveniunt cum clyffo seu  $\nabla$  stimmi sulphurea; *Cl. D. Schræderi*, ad attenuandam crassam tartareamq; mucilaginem, ubicunque locorum in corpore humano delirescentem, quam postea & per emunctoria convenientia expurgat, per alvum scilicet, per urinam, per sudorem, per salivationem, inde & utilissimum medicamentum in obstruct. hepatis, lienis, mesenterii, uteri, & in affectu hypochondriaco, arthritico, colico, & similibus.

DOSIS à *℞j.* ad *℞ss.* in jusculo vel aqua specifica; miscetur & cum aq. fontana & sirupo conveniente ad gratam aciditatem, pro julario, reiteratis vicibus usurpando.

In curatione febrium pestilentialium pro sudore frequentem D. D. C. præscripsit potiunculam.

Rx. <sup>^</sup> *de tribus ℞j. (ad ℞ij.) mixtura de tribus Andernaci ℞j. (ad iij.)*  
*flor. Aris ℞j. aq. fumarie ℞ij. sir. acetos. citri ℞j.*

M. & F. Potiuncula pro una dosi. Quæ supplebat dosin unam theriacæ Cnœffelianæ, loco ejusdem tot vicibus per viginti quatuor horas, prout de ea in exercitatione sua (*de curat. febr. pestilent.*) scripsit, repetenda & tot diebus continuanda.

### Elixir febrile Cnœffelianum.

Rx. *elixir. propriet. ^ terr. sigill. ā. ℞ij. M. S. de tribus.*  
*extr. absinth. liqu. ā. ℞iv. centaur. solidi, angelicæ solid. ā. ℞ij. ℞j. g. iv.*

M. & stent in vitro bene clauso per 24. horas in digestionem, postea filtrentur. Sign. ut supra.

VIREs. Omnis generis febres curat, maximè intermittentes, tormina ventris atque uteri sedat; insuper stomachicum, spleneticum & hepaticum est singulare, Tempore pestis est præservativum & cura-



tivum præsentaneum, ab authore sæpè probatum, aliàs ingrati saporis & odoris.

DOSIS à ʒj. ad ʒij. & ʒiij. cum convenienti vehiculo, bis vel ter in die repetendum.

### Liquor febrilis Cl. D. D. P.

Rec. *aqu. fumaria* ʒiij. *centaur. minoris*, *cardui benedicti*,  
*fragorum*, *acetosella* a. ʒij. *rosarum* ʒj.

*sir. ex succo citri, ex toto citro compos.* Cl. D. D. Oehl. ā. ʒj.  
*granator.* ʒʒ. *conf. alkermes* ʒj. ~ *ʒris* q. s. ad grat. sap.  
M. filtrentur per linteum. Confert in febribus intermittentibus & putridis. Ardorem enim febrilem potenter extinguit, & per sudores expellit; insuper corroborat, & urinam promovet. DOSIS ab ʒj. ad ʒij. & ʒiij. in ipso paroxysmo jam declinante, & aliàs aliquoties in die.

### Liquor nitratus D. D. L.

Rec. ▽ *font. pane correct.* ʒviii. *scorzonera*,  
*cardui benedicti* a. ʒiv. *rubi idai* ē fruct. ʒij. *rosar. alb.* ʒj.  
*succi citri acidi rec. expr.* ʒij. *rotul. de succo ribium* ʒj.  
*manus Christi* s. perlis, *sir. fruct. rubi idai.* a. ʒij.  
*anodyn. mineralis* *crystall.* ʒij. ad ʒiv. vel q. pl.

(in copiâ enim sumptum stomachum debilitat & potum facit ingratum.) M. F. potus gratissimus. Nos utimur in omni æstuante febre, ac maligno morbo; non solum calorem febrilem coërcet, & sitim extinguit, sed & potus seu liquor est diaphoreticus, bezoarticus & diureticus accepißimus. DOSIS per se ab ʒj. ad ʒiij. singulis horis.

### Liquor contra prunellam.

Rec. ▽ *ʒoruz* ʒvj. *sedi majoris*, *sperm. ranar.* *rosarum* a. ʒij.  
*phlegmatis* ʒli ʒiv. *sir. rubi idai*, *violar.* ā. ʒiʒ.  
*diamoron*, (ex fruct. nigr. c. sacch. præp.) ʒj.  
~ ʒli seu ʒris cum Oro coagulati q. s. ad g. s.

M. & F. collutio oris.

Contra inflammationem, siccitatem, asperitatem, ac fissuras linguæ ac faucium, in febribus ardentibus & malignis, quod symptoma à Germanis vulgo die Bräune dici solet. Post gargarisationem illinatur lingua, cum butyro rec. aq. spermatis ranar. loto. Extrahendus est etiam quamprimum sanguis ex venis sub lingua: & mirum sine dubio videbis effectum.

Tinctura



## Tinctura florum prunellæ.

Rx. flor. prunellæ rec. coll. ʒj. aquilegiæ, violar. rec. coll. a. ʒss.

( Not. Eorum, quæ recenter haberi non possunt, substituitur conserva in duplo. )

aq. prunellæ ʒviiij. spermatis ranar.

cancror. compos. c. sedo maj. Sat. a. ʒiv. rosarum ʒij.

phlegm. Oli non acidi, sed solum primæ abstractionis ʒxviiij.

Stent per horas aliquot, donec liquor omnem colorem ex floribus extraxerit. Liquori filtrato adde

sir. flor. prunellæ, malvæ rosæ a. ʒiss. rubi idæi ʒj.

^ Oli cum Oro coagulati, pro acore q. s.

Misceantur probè in vase vitreo.

In prunella & angina, atque inflammatione faucium, à vaporibus calidis, in febribus pestilentialibus, diaclysmata est insignium virium.

## Tinctura externa florum malvæ.

Rx. aq. prunellæ, plantaginis. salviæ a. ʒviiij.

rosar. violar. martial. a. ʒij. Quibus calidè immergantur

flor. malvæ rosæ atro purpurascantium miiij. rosarum m.

Stent per spatium unius horæ in quiete, & mox extrahitur Ræ purpurea pulcherrima, quæ per chartam filtranda est. Post adde

sir. rubi idæi, ex rosis ficcis ā. ʒiss. rob. berberum ʒj.

^ Oli pro acore q. s. Misceantur opt. & F. gargarisma.

In inflammatione, & tumore gutturis, faucium, & tonsillarum, frequentis usus nobis est.

## Mucilago pro asperitate linguæ & faucium.

Rx. sem. cydoniorum, psyllii a. ʒj. gum. tragacanthæ ʒj.

extrahatur mucilago, cum aq. ʒ. compos. & spermatis ranar. ā. q. s.

expressæ mucagini adde sir. violar. & rubi idæi ā. q. s. vel ad pl.

Misceantur benè. Sign. Schleim zur trucknen Zunge in der Bräune

und gifftigen hitzigen Siebern. Sunt qui aliquid Ori, & guttam unam

vel alteram olei 4. sem. frigid. admiscere solent.

Lingua singulis diebus scalpro abstersorio mundificanda est, & si venæ sub lingua turgeant, aperiantur.

## Aqua cancrorum.

Rec. ʒ. fluviatil. rec. & contusor. n. 30. semper vivi majoris mvi. florum



*flor. prunell. mij. ▽ seu liqu. transcolati sperm. ranar. ℥iij. rosarum  
phlegmatis ④ li a. ℥ss. Mixta destillentur in B. V. seu M.  
▽a prolecta postea tingatur linteolis tornæ solis, ex succo mo-  
rorum factis, ad colorem purpurascentem q. s.*

In prunella & angina, ubi gutturis & faucium maxima est inflamma-  
tio, multum valet, etiam in ulceribus palati, ex lue ꝑea ortis, est valde  
efficax. Porrigitur tepide, pro collutione oris, singulis horis usque ad  
sanitatem perfectam. Inflammationi etiam externæ, ex quacunque  
causa originem ducenti & ambustis multum confert.

### Oleum febrifugum.

*Rx. ol. hypericonis nostr. descr. ℥viiij. rutæ, absinthii,  
lumbricor. terrestr. viperarum ā. ℥iv.*

Quibus mense Julio (☉ existente in signo ♏ seu ♍) immergantur  
*busonum viv. n. ij. araneæ. vivent. maj. n. 100.  
scorpionum n. 150. theriaca opt. ℥j.*

Mixta insolentur per duos menses, in lagena vitrea probè clausa;  
post oleum coletur; cui ultimo adde

*axung. serpentis ℥ss. ol. rutæ, citri, juniperi ℥t. a. ℥viiij.*  
fiatque oleum febrifugum & alexipharmacum.

In omnibus febribus, tam intermittentibus, quam malignis, & pesti-  
lentialibus, pulsibus, spinæ dorsi & regioni cordis inunctum; præ-  
stans est & in venenatorum animalium morsibus & puncturis. Insu-  
per inservit etiam emplastro febrifugo parando.

### Cataplasma febrile.

*Rx. nucleor. vel digitor. capitis allii, à pellic. mundatorum n. iij.*

*④ is p. j. croci ④j. Misceantur omnia in vase ligneo,  
cum pistillo etiam ligneo, affuso subinde +o, ut puliculæ consiten-  
tiam acquirant; Mixtura in linteolo extensa, paroxysmi tempore, cum  
calor febrilis jam corpus occupat, sinistro annulari toti applicetur,  
sinatur novem diebus, iisque præteritis eadem hora, qua erat applici-  
tum auferatur, & in aquam profluentem projiciatur. Sunt, qui hoc  
cataplasma die illo, in quo patiens à febre liber est, applicare solent,  
& per 24. horas solum in digito geri, & hoc ter vel quater reiterari vo-  
lunt; vesicula excitata, quæ valde molesta, tegitur cum empl. sperm.  
ranarum. Cum hoc cataplasmate, (quod abhinc viginti annis circi-  
ter à quodam amico, ex singulari gratia, & sub secreta fide accepi) à  
febre*



febre tertiana liberavit & sanavit Illustriss. Enfinger Regni Dn. Dn. Franc. Biliuski &c. cum charissima sua conjuge, plus quam centum personas, ex amicis nempe, famulis, & subditis suis propriis: cujus descriptionis processum, Tibi quoque B. L. commendatum esse volui.

Sunt & plura alia, quæ ad cohibendum febrilem paroxysmum, non solum à plebe, sed & à Medicis insignioribus, carpis applicantur, ratione quidem arteriarum, quæ ad carpos decurrunt, & per quas vires topicorum cordi communicantur, ideò non semper contemnenda sunt.

*Platerus* corticem interiorem ramorum nucis, in aceto maceratum, carpis applicat, & se feliciter hoc remedio usum testatur.

### Emplastrum febrifugum.

℞. *terebinthinae* Cypr. ℥i℥. *storacis liquidi* ℥℥.

Quibus in patella cuprea liquefactis, admiscebis

*aranearum maj. vivar. & in locis mundis captarum* n. xx.

Contundantur & misceantur in tigillo vitreato terreo, seu in dicta patella cuprea, pistilloque ligneo, tamdiu, donec araneæ non amplius conspiciantur, & mixtura quasi cinerei coloris apparet. Mixturæ parum calefactæ adde,

*pulv. buxorum, pyrii vulg. ex capitibus serpent. parat. a. ℥j.*

⊖ *\*ci ℥℥. ℥ij. communis, centaur. min. a. ℥℥.*

*camphoræ ℥ij. fuliginis ex camino q. s. pro tingendo, & cum*

*ol. febrifugo nostr. q. s. f. massa ad consistentiam empl. nigerr.*

usus. Ex hac massa formentur duo emplastra rotunda; magnitudinis dimidii imperialis, quæ auri seu argenti foliis obducta, pulsibus manuum utriusque carpi imponantur, hora una vel altera ante accessum paroxysmi, ubi ita reliquantur per novem dies, tunc eadem hora iterum removeantur, & in flumina projiciantur. Certum est, quod hoc emplastrum omnes febres intermittentes, præsertim autem tertianam notham & spuriam, sæpius sine adhibitione alicujus medicamenti cohibere solet, etiam ipsas febres pestilenciales. Interim tamen methodica cura non negligenda est, quæ causam occasionalem remove-re, recidivam præcavere, & ab aliis symptomatibus (quæ aliquando febres malè curatas sequuntur) defendere solet.

### Poma & pocula febrilia.

℞. *salis nitri pur. (lap. prunell.) ℥viii. absinthii, cardui benedicti,*

\* *Aa*

*centaur.*



*centaurii, ruta ā. ʒj.* Nitrum prius liquetur in crucibulo, igne quidem leni: cui post per vices reliqua salia injiciantur. Salia ita liquata, & in unum chaos coacta, effundantur in ventrem detruncatæ phialæ vitreæ parvæ (magnitudinis pilæ lusoriæ) circum circa luto optime munitæ, ut sic pilæ seu pomi formam referant, quæ refrigerata & vitro confracto eximantur & ad usum necessarium servantur.

Poma dicto modo fusa, tractentur manibus, in calore febrili, eum enim temperant.

In eundem finem & simili processu fiunt ex sulphure, item ex solo puro nitro, poma pulcherrima splendentia & quasi polita.

### Poculum pulcherrimum febrile.

CURiosum ex ☉ purificato fustum, externè & in superficie emblematis ornatum poculum, dono à me olim accepit Illustrissimus Dominus N. Kasanovius, Mareschallus curiæ, quod poculum febricitantibus, in ardore & calore febrili ad extinguendam sitim solatium est magnnm, si ex illo bibant.

## TITULUS XXIV. VULNERARIA.

### Oleum anodynum refrigerans.

℞. *ol. spermatis ranar. lumbricorum. ex succo cancer. ā. ℥ss.*  
*medulle crurum boum ʒiv.* His mixtis immergantur  
*fol. byoscyami, solani, sempervivi ā. ʒiss.*  
*flor. nymphae, verbasci. sambuci, rosar. ā. ʒij.*

Digerantur aliquandiu, postea coquantur leniter, & ad humiditatis exhalationem; colentur: post exprimantur fortiter. Omnes dolores calidos mitigat; In febribus ardentibus, spina dorsi eò inungenda est. Ex hoc oleo fit

### Unguentum refrigerans.

℞. *olei anodynī antea præscripti ʒiv. cera albæ ʒj.*  
quibus invicem liquatis sub continua agitatione adde  
*aq. rosar. odor. ʒvj. in qua prius dissol. sit*  
*anodynī mineralis ʒij. spermatis ceti rec. ʒvj. camphora ʒij.*

Fiat l. a. unguentum refrigerans, quod potenter sistit omnes inflammationes; Efficacissimum est ad combustiones, dolores podagricos, & ulcera dolorifica maximè antiqua.

In do.



In doloribus renum & inguinum à causa calida & inflammatione ortis egregiè conducit.

### Unguentum auratum, in scabie & alopecia

leprosa, remedium certum.

Rx. bals. *Aris terebinth.* ℥i℥. ol. *Fri fatidi rectif. cum* —E ℥℥.  
*flor. Aris* ℥ij. *sulph. aurati ex scor. Coron.* ℥ii ℥j. ʒj.  
*mercurii dulcis* ḡ. xxiv. M. fiatque linimentum.

Præmissis præmittendis, loca scabiosa, bis in die inungenda sunt. Tollit & pforā, & in alopecia leprosa remedium est singulare & sæpius probatū.

### Balsamum Samaritanum.

Rx. *olei olivarum crud.* ℔i℥. *rectif. per cineres* ℔℥.  
*herb. momord. ophioglosse* ā. mj. *balsamine, millefolii* ā. m℥.  
*flor. hypericonis* miiij. *verbasci,* mj.

Macerentur per octiduum, post adde

*tinct. flor. hyperican. per vinum odor. fact.* ℔℥.

Bulliant deinde in duplici vase opt. clauso, ad consumpt. vini. Post colaturam exprimantur species fortiter; oleo expresso rursus infundo

*flor. hypericonis* mij. *momordica* mj.

*balsami Indici* ℥ij. *crudi de Botin* ℥iv.

Digerantur denuo in MB. vitro benè clauso, postea exprimantur iterum, & balsamum ita conciliatum usui affervetur. Balsamum est præstantissimum, quod omnia vulnera inflicta brevissimo tempore sanat, agglutinat & conjungit, absque suppuratione, etiam dissolutum reparat, carnem renovat & ab omnibus aliis symptomatibus defendit.

### Balsamum Saturni, aliàs butyrum Saturni D. D. Craft.

Rx. *olei anodyni refrigerantis* ℥iiij. *sacch. saturni crystallisati* ℥℥.  
*aceti rosacei* q. s. Redigantur in mortario plumbeo, seu patina stannea, agitando in butyri consistentiam, adde  
*ol. stil. ver. rosarum* gtt. iij.

Omnibus inflammationibus, ambustis, erysipelati, multisque aliis convenit, est enim unguentum nobile refrigerans.

### Empl. Samaritanum vulnerarium domesticum.

Rx. *olei, seu balsami Samaritani* ℔iiij. *lithargyri pulv.* ℔i℥.  
 Coqu. lento igne, spatula fraxinea semper agitando ad empl. consistentiam, cui statim adde, prius liquefact.



*cera* ℥j. *terebinthina Venet.* ℥iv. *ol. lauri* ℥iſſ.  
in quibus dissolutum sit (scil. in tereb. seu oleo) *gummi elemi* 3x,  
post immisceantur & pedetentim, sub continua agitatione,

*gum. purgat. \** *opopanacis. galbani* ā ℥ij.

soluta prius in *phlegmate Oli*, ad pultis formā. q. standem add.  
*aristoloch Oda*, & *longæ* ā. ℥iij. *masticis* & *olibani* ā. ℥ij.

*myrrha* ℥j. *camphoræ dissolutæ*, (in bals. de Peru

ad pulticulæ formam q. l. ℥ſſ. Fiat, omnibus exactè mixtis

& copulatis, (cum pistillo, ex ligno fraxineo) emplastrum universale  
omnibus vulneribus, antiquis & recentibus conducibile, quod bre-  
vissimo tempore conglutinat, sanat, & ab omnibus symptomatibus de-  
fendit, & quidem absque alio remedio balsamico adhibito.

### Empl. vesicatorium Cnoeffelianum.

Rx. *axung. urſi, leporis* ā. ℥ſſ. *cera citrinæ* ℥iſſ.

*cantharid pulv.* ℥ſſ. *cinab. preparat.* ℥j. *euphorbii* ℥ij.

*camphoræ* ℥ij. Fiat massa emplastri,

cujus ℥j. vel ℥iſſ. & ℥ij. extenditur super alutam, ad loca à Medico  
monstrata.

### Empl. ad fracturas ossium

Illustriss. Domini Adergast, præfecti stabuli S. R. M.

Rx. *ol. olivarum* mij. *lithargyrii pulv.* ℥j.

Coquantur ad consistentiam cerati. Adde in alia patella prius liquefact.  
*cera* ℥iv. *resinæ* ℥iij. Quibus omnibus exactè mixtis  
superinspergantur sequentes pulveres, utpote:

*rad. consolid. maj. pulv. boli Armenæ subtil. pulv.* ā. ℥viiij.

*farina fabarum* ℥ij. *mumie Egyptiacæ, tragacanthæ* ā. ℥j.

Misceantur omnia exactè, fiatque emplastrum justæ consistentiæ.

VIREs hujus emplastri sunt insignes, ad fracturas ossium sanan-  
das; Eorum enim coalitum promovet, callum, quo semel agglutinan-  
tur, auget, insuper fovet calorem partis nativum, genus nervosum ro-  
borat, & humorum fluxiones sistit, partibus vero prius reductis, & liga-  
turis, ferulisque idoneis probè adjunctis. Commendatur in herniis quo-  
que sanandis, & in doloribus podagricis placandis; quemadmodum  
Ser. Majestas, JOH. CASIMIRUS, p. m. Rex Pol. hujus emplastri au-  
xilium sæpius restitutus est.

Pulvis



**Pulvis pro cataplasmate ad fracturas  
& luxationes ossium. (Germ. Dörband)**

*Rx. rad. consolida majoris ℥iij. ulmaria, farina fabarum volatilis ā. ℥j.  
boli Armene, Terr. Oli dulcis, flor. osteocollæ ā. ℥℔. ℥ij.  
sacchari hni ℥iv. pulv. simplicis ex spermate ranarum ℥℔.*

*M. fiat pulvis subtilissimus.*

*Usus hujus pulveris: Rx. pulveris præscripti ℥ij. vel iij.  
albuminis ovi in spumam agitatione redacti q. s. ad incorpo-  
randum, & fiat cum stupa + to madida cataplasma  
frigide applicandum membro luxato.*

In sanandis ossium fracturis ejusdem virtutis est cum emplastro supe-  
rius descripto: omnes namque fluxiones ad partem affectam impedit,  
& ne humores affluxi corrumpantur, cavet. Necesse est, ut hoc cata-  
plasma per septem vel octo dies cum adhibita ligaturâ in parte affecta  
relinquatur, donec ægrotus persentiat, se melius habere. Plura vide apud  
authores, qui chirurgiam tractant.

**TITULUS XXV.**

**MEDICAMENTA SECRE-  
TIORA EX SPERMATE  
RANARUM**

**D. D. A. C.**

**S**perma ranarum (Germ. Froschleich) à *Paracelso* sperniolum, sper-  
ma aquaticum, & gluten aquaticum, à *Cl. Cnæffelio* in observatio-  
nibus mucago aquatica dictum, est illa mucilago instar albumi-  
nis ovi, quæ inenute vere hinc inde circa lacus, paludes & stagna  
invenitur, unde postea beneficio solis viva animalia, seu ranæ, gene-  
rantur, quamque medici & chirurgi hujus seculi in summo pretio habent.

Colligitur à pharmacopolis brevî ante novilunium vel in ipso no-  
vilunio, quo tempore collecta, teste *Hartmanno in not. ad Croll.* ad annos  
triginta durare potest, e contra ea, quæ in plenilunio colligitur, facile pu-  
tredinem concipit & maximè foetet.

Conservatur autem beneficio aluminis istud sperma, in doliolo  
è ligno querno recenter fabrefacto, quem modum *Cl. Dn. D. Cnæffelinus*  
cum *D. D. Zwelfero* observavit in hac proportionem, nempe ad liquoris



*sperm. ran. per sacc. clarificati* ℥xl. adjecit *aluminis usti* ʒj. tantum, aliquando ʒij. & sic, sine ulteriore destillatione in loco frigido repositum hoc sperma ranarum in virtute & efficaciam conservatur, citra periculum corruptionis per totum annum, ac diutius. Virtutes à Cl. Hartmanno in l. c. enumerantur.

### Sperniolum ficcum ordinarium D. D. A. C.

Rx. *sperm. ranar. Mense Martio & in ipso novil. coll.* q. v. (Not. in nostro climate vix ante Mensem Aprilem sese prodit) ponatur in saccum: quæ sponte defluit ∇ interim seorsim asservanda.

Jam Rx. *oculorum nigrorum in sacco relictorum*, q. v. in patella cupreâ supra ignem spatulâ ligneâ continuo movendo, donec in pulverem subtilissimum redigi queant; vel quod melius, in calore ☉is, vel post fornacem sponte exiccentur.

Pulvis ex oculis *sperm. ranar.* tali modo paratus imprægnetur sæpius cum proprio spermate superius per saccum tanscolato & denuo exiccetur; pulvis tandem asservandus.

### Alius modus.

Rx. *sperm. ran. justo tempore, i. e. circa novil. collecti*, q. v. immittatur in cucurb. vitream ac apposito XXco cœco, benè munito, leni carbonum igne in cineribus digeratur & continuo detineatur, donec omne hoc sperma prius in liquidam & postea in crassiorem substantiam abeat. Continuata digestionem materia coagulatur, & fit instar pinguedinis & tandem totaliter exiccari incipit, ut facile in pulverem redigi possit. Pulvis demum ita laboriosè confectus aliis medicamentis admiscetur, de quibus postea & suo loco.

Citius absolvitur negotium, si liquor prius per destillationem abstrahatur usq; ad siccitatem, materia in fundo vitri relicta pulverifetur, & postea irroretur sæpius, cum liquore suo recenti & sponte resoluta, atque iterum iterumque exiccetur.

### Sperniolum ficcum ordinarium ex ranis D. D. A. C.

Rx. *ranar. aquatitar.* in aquis puris & circa fontes Mense Martio & Aprili captarum & adhuc viventium numero xxxx vel q. v. immitantur cucurb. vitr. appositoq; capitello, in MB. igne lento destillatio instituat, liquor egressus interim ad suos usus reponendus est. Destillatio adhuc continuanda est, donec ranæ totaliter exiccatae sint, ut facile in pulverem teri possint, qui tandem ita paratus cum proprio spermate (per saccum



faccum recenter transcolato) sæpius imprægnandus & rursus exiccandus est.

VIREs magnæ sunt in quacunque hæmorrhagia & effervescentia sanguinis; datur à ʒj. ad ij. in propriâ aquâ destillatâ; externè inspergitur vulneribus.

### Sperniolum ficcum compositum D.D. A.C.

Rx. *spermat. ceti* ʒjv. *thuris mastich. ā* ʒij *croc.* ʒß. terantur singula in pulverem, postea misceantur, & cum spermate ranar. (in sacco resoluti) irrigentur pulveres ter, quater & sæpius, & dein sponte exiccentur. Quo facto hic labor etiam toties cum spermate juniperino & flore cœli instituendus est, tandem add. *camphor.* ʒiij. misc. fiatque pulvis in vitro puro asservandus.

VIREs sunt æquales cum sperniola Crollii; in hæmorrhagia sc. narium, gutturi, uteri, hæmorrhoidum, sanguinem quippe frigiditate & virtute specificâ coagulat. D os. à ʒß. ad ʒ. xv.

Exterius idem pulvis inflammationes omnes mitigat, dolores podagricos lenit, (cum vino calidè applicatus) insuper omnia ulcera antiqua, inflammata, dolorifica, & cancrofa curat.

Not. Pro externo usu in vulneribus omitti potest.

### Sperniolum mucaginosum compositum.

I.

Rx. *spermatis ranar. sponte resoluti & beneficio aluminis seu ʒi asservati*, ʒxlviij. *myrrhæ commun. aloes soccot. ā.* ʒij. Mixta asserventur in lagenis vitreis bene clausis locoque frigido, pro nostro topico externo.

II.

Rx. *spermat. cet. mastich. ā.* ʒßß. *myrrh. camphor. ā.* ʒj. *phlegmat. ʒli,* *spermat. ranar. transcolat. ā. q. s.* Misc. & sign. *mixtura nostra localis externa.*

III.

### Sperniolum pro Illustriss. Principe van Eggenberg in Styriâ, compositum.

Rx. *spermat. ranar. servat. & colati* ʒvj. *ceti* ʒß. *juniper.* ʒj. *sælisfolii*, quantum haberi potest, *myrrhæ el.*

*thuris,*



*thuris, mastich. ā. ℥j. croc. pulv. ℥ss. camphor. ℥iij.*

Misc. & in vitro bene clauso insolentur ad omnimodam resolutionem.

In chirurgia ejus usus est insignis, ideo ad sananda ulcera antiqua, foetida, chironea, cancrofa & maligna, præsertim ad cancrum mammillarum & faciei remedium est magni solatii. Applicetur cum plumaceolis seu floccis mollioribus circa semen cardui benedicti collectis & in hac mixtura intinctis, superposito etiam emplastro spermatis ranarum; tollit etiam omnes dolores & inflammationes partium externarum, ideo in doloribus podagricis cum linteis (sc. eo imbutis) singulari cum successu applicatur.

Non dissimilis mixtura sequens, à *Paracelso*, in libro von offenen Schæden p. 434. (*operum latin. Tom. III. Sect. 2. tr. de Apostem. &c. cap. 5. p. 42.*) descripta, quæ R. *sperm. ceti, sperm. ran. sperm. juniper. cœlifolii ā. p. æqv.* Fiat destillatio in sole; ad erysipelatis exulcerati curam ab auctore commendatur.

Hic adjungo etiam ex ipsius D.D. *Cnæffellii M. S.* quæ de mucagine juniperina sibi annotaverat, quid sit, & ubi colligatur.

*Gelatina sive gluten hoc juniperinum* (teste experientiâ rusticorum in Styriâ) nunquam toto anno magis reperitur, quam mense Majo, imprimis horam unam aut duas post imbres nimbosvè, ubi circa nodos seu juncturas stolonum annuorum juniperi instar candidæ, interdum flavescantis gelatinæ ex internodiis exudat, quemadmodum synovia ex articulis hominis, ibique concreta adhærescit, non tamen ita firmiter, quin vento vehementiore concussa decidat, aut à solis radiis liquata defluat, quod ipsemet hisce vidi oculis. Quod si contingat, ut gelatinam hanc nec venti nec imbres nec solis radii lædant, in fungos concedit, qui vitro inclusi solique expositi in limpidum liquorem resolvuntur. Liquor iste virtute eâ præditus est, ut membris paralyticis applicatus (juncturis quotidie bis inunctis) omnem contracturam perfectè sanet: quod certè summum arcanum est, ipsa etiam signaturâ præbente argumentum. Quare etiam ab arthritide confectos articulos eundem liquorem restaurare & corroborare necesse est. Experimentum dictis faciet fidem. *Hus usque Cnæffellius*, qui in allegato M. S. Germanico, quid sit & ubi inveniatur cœlifolium, quod & flos cœli dicitur, sequenti sensu hæcce annotaverat:

Cœliflos seu cœlifolium, nonnunquam in æstate aut autumno in ripis maris Balthici, quandoque etiam in viis, instar gelatinæ coagulatam



la um invenitur, sed frequentius matutino tempore ante ortum solis ; nam quamprimum solis illud radii attingunt, in aquam mox resolvitur, ideoq; ultra horam post exortum solem non durat, nec uspiam totâ die reperiri potest. Vulgus hominum vocat istam gelatinam das Sterngeschoss oder Sternpußen/quasi dicas, stellarum jaculum seu stellarum purgamentum. *Tantum ille.* Ipsemet ego in juventute mea peregrinando & postmodum hinc inde iter faciendo, gelatinam istam multoties in viis & juxta eas vidi, sed semper ante solis ortum, uti laudatus modo Autor noster annotaverat. Ruricolæ eâ utuntur ad comæ productionem.

Observationi Cnæffelianæ subjungo & hoc de COELI FLORE, quod in *Joh. Ernesti, M. D. tractatu de oleis p. 500.* legi; hic flos, inquit, mense Majo circa Pentecosten temporeque nocturno instar mucoris narium in prata incidit, idque trepidanter & quasi in circulo ; hæc aqua lentè destillata ( alias enim nimis cito ascendit ) est corrosivum dulce ; omnes dolores cum admiratione sedat, ulcera quocunque rebellia curat & sanationi obedientia reddit, cum emplâstris ad puncturas mixta : in cancro & fistulis est valdè admirabilis, cum pannis laneis applicata, vermemque interficit.

Helvetus quidam ex eo fecit pulverem album, & cum ejus granis duobus vel tribus sistebat omnes dolores internos intensissimos, eoque ut exterius in ulceribus, ita etiam intra corpus summâ felicitate utebatur.

*Paracelsus* hujus cœlifolii etiam meminit aliquoties & ab illo NOSTOCH & CEREFOLIUM nuncupatur; videlicet *Tr. de vita longa l. 4. c. 2. & 8. (Tom. II. p. 65. & 67. edit. Lat. noviss. Genev.)* item *de signat. rer. natur. l. 9. p. 920. (Tom. II. p. 1151)* porro *l. 2. Berthou. c. 7. (Tom. III. sect. II. p. 32.)* & *Tr. von offenen Blattern c. 5. (Tom. III. sect. II. p. 42. b.)* denique loco jam supra citato.

Nostoch in *Lexico chimico Jonstonii* est jaculum alicujus stellæ, vel potius ejus repurgatione dejectum quid in terram. Invenitur potissimum Junio, Julio & Augusto super latos campos vel in pratis instar fungi magni vel spongiæ, foraminosum quid & leve, tendens in fulvum & ravum colorem, & ut coagulatum jus tactum contremiscit.

*Petrus Borellus Obs. 41. C. III. Histor. rarior. Medico-Physicar.* Vidi, inquit, nostoch sive florem cœli, speciem musci, terræ friabili & monticulosæ incumbentem, tanquam gluten post pluvias à quibusdam hi-



micis decantatum, illum enim pro universi spiritu capiunt, & ex eo spiritum dulcem, sed maximis præditum viribus, aurumque solventem educunt.

### Emplastrum spermatis ranarum D. D. C.

*Rx. ol. sperm. ranar. lumbricor. cancror. ā. ℥viij. ceruss. pulverifat. lbij. Coquantur igne leni in sartagine amplâ, spatulâ continuò agitando ad consistentiam emplastri mollioris, cui ab igne remoto & parum refrigerato adde*  
*cera alba, (seorsim liquef.) ℥iij.*  
*pulv. mastich. thuris opt. ā. ℥ß. ran. cum propr. sperm. insucc. ℥j.*  
*camphor. in oleo ovor. dissol. ℥iij. Misc. accuratè,*  
 fiatque empl. debitæ consistentiæ, quod multum conducit in inflammationibus & doloribus coercendis, & ad ulcera contumacia fluida & antiqua in tibiis curanda; in super salutare topicum externum est in omni fluxu sanguineo, ac speciatim hæmorrhoidum, menstruumque dorso solum applicatum.

### TITULUS XXVI.

## COSMETICA.

### Magisterium talci.

*Rx. talci Veneti & albi, stris brevioribus q. s. Suspendatur in parte interiore campanæ vitreæ, subtus in crucibulo accendatur sulphur, prius igne dissolutum [ut in præparatione spiritus sulphuris chimico more fieri solet] & vapor seu fumus, spiritibus sulphuris prægnans, penetrando talcum reddet friabile candidumque: postea contundatur in mortario candente pistillo ferreo, itidem prius calefacto, tamdiu donec nullum amplius splendorem scintillantem prodat. Pulvis tum trahatur per linteum rarum, ut subtilis & impalpabilis instar alcool evadat, qui in scatulâ mundâ & sicca pro usu adservandus est.*

Qui laborem majorem in se suscipere vult, talcum prius per vaporem aquæ dulcis mollius reddere potest, prout in calcinatione philosophicâ cum cornu cervino, ebore & aliis animalium ossibus fieri solet, qui labor tertio die aliquando absolvitur; tandem & per aliquot dies cum elevato fumo ex sulphure accenso maceretur, ut modo docuimus, & sic talcum fiet ita friabile, ut digitis conteri possit.



*Not.* cum talco Muscovitico res non succedit, sed solo Veneto. Hic modus reducendi talcum in alcool, commodus nec vulgaris est: retinet enim suam lubricitatem & mollitiem, ita ut, cum cutis eo teritur, butyri instar evanescat, redditque cutim elegantem, subtilem ac formosam. Plurimi laborarunt, ut hunc pulverem ex talco parare possent; sed nullus unquam cum tanto effectu paravit, quantum quidem hoc nostro modo paratus edit. Aliqui enim talcum subtili limâ terebant, alii in cute balenæ, alii in solâ papyro, sed tardissimè ubique successit, & valde parum obtentum. Qui vero talcum igni reverberatorio in fornace calcariâ vel lateraria commiserunt, & in calcem reducere voluerunt, longè minorem sunt consecuti effectum; talco enim humidum suum radicale per illam calcinationem omne fuit absumptum, & nihil acceperunt, præter calcem vulgarem sine viribus. Idem etiam accidit præparationi olei hujus talci, cujus ubique in libris fit mentio; quod quidem parare sæpius vidi, & ipse etiam elaboravi; sed nihil aliud obtinui, præter liquorem salinum, qui nihil aliud præstat, quam vulgare illud oleum Fri ex sale per deliquium factum.

### Pulvis cosmeticus compositus.

*Rec. magist. talci præced. marcasite, spermatis ceti albissimi* ā. ʒij. M. in mortario vitreo seu vitreato & fiat pulvis subtilissimus.

*usus.* Pulvis lanugine seu gossipio exceptus, adhibeatur cuti vesperti, dum itur cubitum: sequenti die facies linteo puro & sicco iterum abstergetur.

### Pulvis alius cosmeticus.

*Rec. spermatis ceti albissimi, magisterii talci* ā ʒij. *sacchari Beni albissimi* ʒss. M. F. Pulvis. Eandem habet virtutem & usum cum pulvere cosmetico superiori.

### Rosetta Italorum.

*Rec. magisterii concharum margarit ferarum & splendentium (matr. perlarum)* magist. *marcasite* ā. ʒß.

*lacce Indicæ purpureæ vel Florentinæ finissimæ, vel quod melius, magisterii carmasini, quod Galli & Itali carmein & carmion vocant* q. s. *Usus hujus pulveris est notus.*



### Linteum ceratum pro larvis seu masquis, ut vocant.

**A**Nte omnia linteum Hollandicum subtile & crudum extendatur in quadrato: postmodum cum liquore recenti spermatis ranarum, (per saccum densum tamen prius absque igne transcolati) humectetur sæpius linteum & denuò sponte exsiccentur, scilicet sexies vel septies: postea in patinâ vel patellâ purâ super aquam bullientem dissolvatur

*cerae albae lb̄ss. unguent. pomati, seu adipis ex pedibus agninis excocti ℥j. dissolutis adhuc adde*

*spermatis ceti ℥ij. camphoræ ḡ. vii.*

misceantur insimul quam optime.

Cum hac mixturâ inungitur postea linteum (superius cum spermate ranarum jam paratum) & quidem penicillo magno & molli ex unâ parte solum. Quibus peractis, linteum ceratum cum alio panno crudo & puro terendo poliatur.

Ex hoc linteo postea fiunt masque pro fœminis contra varias injurias aëris nocentes faciei.

Hanc etiam habet virtutem, quod faciem ardentem & rubentem refrigeret, atque cutim mollem, delicatam & albam reddat, & ab omni immunditie præservet. Fuit quondam secretum Sereniss. LUDOVICÆ MARIÆ, p. m. Poloniæ & Sveciæ Reginæ.

Ex singulari amicitia & communicatione Magnifici Dn. N. Nol-le, Cubicularii ejusdem Reginæ.

### Bezetta rubra seu torna solis bezedina.

**D**escriptiones hujus sunt perquam multæ, nos potiores hic recensimus, & primò modum illum, quem olim in aulâ Serenissimæ Mariæ Ludovicæ p. m. Regiæ Poloniæ & Sveciæ virgo quædam nobilis adhibuit: qui sequens est:

*Rec. baccarum spinachie bacciferae recenter collectarum lib. j.*

*succi acidi citri seu limonium rec. express. lib. ḡ.*

factaque maceratione per aliquot horas, in loco frigido, succus rubicundus per colaturam & expressionem separetur; cui denuò immergantur recentes spinachie baccæ, & iterum fiat expressio. Post in liquore colato & per resistantiam purificato immergantur bis vel ter linteamina Armeniaca seu Turcica, ex gossypio confecta, & iterum sponte exsiccentur, inque scatulâ pura ad usum servantur. Pannis hic tinctus



tinctus, & dicto modo tincturâ rubicundissimâ & eleganti imprægnatus foeminis pallidis servire solet ad inducendum vivaciorem colorem genis pallescentibus. Modus adhibendi est notus. Liquori alicui destillato seu simplici impositus, colorem communicat purpureum elegantissimum.

Vidi etiam bezetta rubicundissima solo succo baccarum solani Americani infecta & parata. Sed hic cautè agant tragematopolæ, qui saccharata, & similia ex saccharo comestibilia, his pannis tingere solent, ne talia sibi linteamina tincta eligant, quæ succo aliquo nocivo imbuta sunt, & inde sanitatem destruant.

In Hispaniâ & Gallia paratur bezetta beneficio Ræ seu succi granorum chermes vel cocci infectoriæ. In Italia cum Râ rubrâ, ex lanâ è panno scarlato detonsâ, seu filis sericis, carmasini coloris, cum decocto aluminis extracta; vel cum ipsâ laccâ finissimâ Florentina, & succo acido granatorum seu citri.

In Belgio sunt contenti cum decocto verzino, cum aceto & alumine parato, quo faciem pallidam ornant. Germanæ & Polonæ foeminæ ex filis sericis aquæ simplici calidæ impositis cum paucis alumine colorem extrahunt pulcherrimum, quo simili modo genas & labia tingunt in colorem vivacem & rubentem.

Plura his similia qui desiderat, is inspiciat *Alexandrum Pedemontanum & Weckerum de secretis. Joh. Bapt. Porta magiam naturalem lib. IX cap. 17.* & alios plures, qui hanc materiam fusius tractant.

## Charta di Spania.

**H**uc pertinet & charta Hispanica purpurea seu cosmetica, cujus beneficio & genarum roseus seu eleganter incarnatus color conciliatur, qui usus modò ferè in totâ Europâ foeminis curiosis est notus. Hæc charta itidem paratur cum Râ seu magisterio cochinelæ seu cocci infectoriæ, per succum acidum limonum & parum aluminis extracto. Nos curiositatis causâ quondam citra ullam difficultatem rem instituimus in hunc modum:

Rx. *laccæ Hispanicæ pulch. & finissimæ in granis vel loco hujus Florentinæ optimæ ex floccis scarlati paratæ, & non ex scobe ligni factæ, ut modò in Italia plerumque fieri solet, q. v.*  
Hanc laccam dissolve super lapidem, vel in mortario lapideo, cum succo acido citri & granatorum q. s. Mixturem liquidæ consistentiæ  
ita



ita paratam extende cum penicillo in papyro purâ, cum aciditate citri itidem prius infuccatâ, & postquam mixtura benè exsiccata fuerit, de-  
nuo aliam illine, & ad exsiccandum repone, quod tertiâ etiam ac quar-  
tâ vice immo sæpius iteretur, sicque charta parata erit.

Qui vero colorem rubeum papyro inductum, Hispanico more occultare vult, (quod tamen superfluum existimo & nullius utilitatis est) is purpuram nostram in aquâ salis ammoniaci dissolutam, quæ etiam suo loco à nobis describetur, adhibeat.

Tincturam hanc, inquit *Cl. Wormius Musei cap. XI. lib. 4.* ex cnici floribus, spumâ maris & arenâ in Hispaniâ confici dicunt; Ego eam ex ligno Brasiliano aut sandalo rubro extractam chartis his illini arbi-  
trarè, ut exsiccari & hac formâ circumferri queat. Hoc fucò quan-  
do utuntur, digitum saliva madefaciunt, & chartæ affricant, qui tan-  
tum abradit Ræ, q. s. reliquum in usus servatur.

Unam chartam seu folium pro ducatone emere quendam vidi, hic verò ejus præparatio gratis communicatur.

### Aqua cosmetica composita D. D. C.

pro Principissa d. Eggenberg.

Rx.  $\nabla$ æ *florum fabarum, nymphae, lil. alborum* ā. ʒij.  
rad. sigilli Salom. sperm. ranar. ā. ʒij. rosar. albar. parum sc. ʒʒ.  
Ræ cosmetica q. s. pro lactescentiâ, magisterii marcasitæ ʒiv.  
sacchari hni crystallini ʒj. camphoræ ʒij.  
ol.  $\nabla$ ri per deliquium facti gtt. xxiv. M. F. aqua.

Nota. Tinctura cosmetica rubra à Principissâ non admiscebatur,  
prius, quam eâ uti vellet, tali proportionē:

Rx.  $\nabla$ æ cosmetica cochl. j. mixtura cosmetica gtt. ij. vel iij.  
Faciem rubram refrigerat, & albedinem gratissimam conciliat, cutim  
etiam tenerrimam & subilem reddit.

### Tinctura cosmetica alba.

Rx. balsami albi & clari Aegyptiaci q. v. spir. vin. optime rectificati q. s.  
ol. veri stillatitii rosarum gtt. aliquot. M. & in vitro  
benè clauso (quod chimici phialam vocant) sufficiente digestionē per-  
actâ, Ræ albi effunditur, novus spiritus affunditur, ad totalem dissolu-  
tionem balsami usque: conjuncti postea colentur per linteum sub-  
tile & purum. Usus esto talis:

Rx.  $\nabla$ æ sigilli Salom. flor. fabar. lil. albor. saponariæ ā. ʒʒ.

Ræ



*R̄a cosmetica albæ præcedentis pro lactescentiâ q. f.*  
*essentie odoriferae rosarum gtt. j. M. & fiat lac virginis.*  
 Mixturâ istâ facies manè & vesperi abluatur; cutim abstergit & albio-  
 rem atque delicatiorem reddit.

### Tinctura cosmetica rubra.

*R̄. myrrha rubra electa, asa dulcis, styracis calamita ā. ʒj.*  
*spir. vin. opt. rectif. ℥i ss. ~ rosarum ardentis opt. rectif. ℥ss*  
 Stent in vitro benè clauso, tamdiu in digestionem, donec spiritus rubi-  
 cundissimè tingatur, postea filtretur per chartam, in vitro puro serve-  
 tur ad usum.

Asthmaticis prodest, uti & catarrhosis & aliis morbis pectoris. Dosis  
 gtt. x. ad xx. in aquâ veronicæ, tu ssilaginis vel violarum. usus exter-  
 nus est cosmeticus, ad manuum & faciei lavacra, & cum *R̄a cosmetica*  
 albâ superius descripta convenit. In aqua florum fabarum, liliorum  
 alborum seu spermatis ranarum infusa lactescentem reddit liquorem, in-  
 de & lac virginum dicitur, quod strophiole puro prius infusum, mani-  
 bus & faciei adhibitum, cutim reddit nitidam.

Sequens vero præstantius reperi:

*R̄. ∇ a nostra Gialis communis ( vid. Mercur. cosmet. ) part. j.*  
*fontane limpide part. vj.*  
*~ rosarum fragrantis gtt. aliquot, ( aquam rosarum, quoni-*  
*am destillata est, nunquam commisceo ) misceantur & cum tincturâ*  
*cosmeticâ rubrâ præcedente præcipitentur, ut liquor fiat lacteus, cui*  
*in mortario vitreo mundo admiscui tantillum pulveris cosmetici po-*  
*sterioris supra descripti, ut fieret*

### Linimentum cosmeticum.

*R̄. ∇ a Gialis nostræ p. j. commun. fluviat. non destillata p. vj.*  
*mixtura rubra cosmetica pro lacte virginis q. f. Jam.*  
*R̄. pulveris cosmetici superioris secunda descriptionis ʒss.*  
*mixtura hujus Gialis lactescentis q. f. Fiat linimentum.*  
 Cum hac mixturâ illine faciem ab omni immunditie prius lotam &  
 purgatam, albedinem conciliat gratissimam & amabilem, sed caute ad-  
 hibendum est, ne oculos & dentes contingat, & raro.

Illiniri quoque potest linimentum hoc lineo panno, decies prius  
 mucagine recenti imprægnato, (uti feci Regiomonti) ex quo deinde  
 chirothecæ ac larvæ confici possunt nocturno tempore applicandæ.

Ex manuscriptis Clariss. Dn. D. Cnöffelii.

Balsa-



**Balsamum cosmeticum.**

**Rx.** *unguenti pomati ℥ss. ol. jasmini Romani recentis 3j.*  
*Θis Fri deliquat. ʒij. spermatis ceti ʒv.*  
*magisterii marcasitæ 3ij. F. balsamum.*

**Balsamum aliud cosmeticum.**

**Rx.** *spermatis ceti ℥ss. olei Fri per deliquium facti q. s.*  
*misceantur optimè in mortario vitreo, deinde adde*  
*ol. jasmini 3ij. succi acidi citri 3iij.*  
*magister. marcasitæ, sacchari ʒni ā. 3j. M. F. balsamum.*

*Asperitatem cutis lenit, glabram, subtilem & albicantem econtra reddit.*

**Unguentum rubrum pomatum Ser. Reginae CÆCILIAE, pro tingendis labiis atque medendis fissuris.**

**Rec.** *unguenti pomati albi odoriferi rec. facti 3ij. radicum anchusæ q. s.*  
*Bulliant simul lenissimo calore, in vase clauso tamdiu, donec omnis*  
*rubedo ex radicibus extracta sit: colato unguento adde*

*ol. caryophyll. gtt. iij. cinamomi gtt. iv.*  
*citri ex corticibus recent. sine Δe extracti ʒss.*  
*moschi, ambre ā. ʒ. ij. F. l. a. unguentum rubrum.*

**Unguentum cosmeticum.**

**Rec.** *album. ovor. recent. n. ij. bene conquassati & in spumam redacti,*  
*succi seu aciditatis citri recent. extracti tantundem;*

*Mixta coquantur in ollula novâ vitreatâ lento carbonum igne tam-*  
*diu, donec tandem abeant in consistentiam pomatæ albissimæ: mate-*  
*ria interim inter coquendum spatula lignea continuo agitanda est, &*  
*ubi retrixerit, adhuc addi possunt*

*spermatis ceti ℥ss. ol. jasmini 3j. M. F. linimentum.*

*Uteudi modus est iste, ut cubitum itura faciem eo illinat, manè verò*  
*eandem linteo puro iterum detergat.*

**Linimentum defensivum, cujus beneficio à vesti-**  
**giis variolarum plures immunes manserunt.**

**Rec** | *frustum lardi veteris. Hoc accende super patinam flore lactis*  
*plenam, pinguedinem destillantem & lacti supernatantem cochleari*  
*argenteo collige, & cum penicillo in eadem intincto, variolas jam ma-*  
*turas, & antequam arescere incipiant, inungito. Sic facies immunis*  
*erit*



erit ab omnibus variolarum vestigiis, quod non solum in aliis multis personis, sed & in ipsâ Serenissimâ Reginâ probatum est. Medicamentum quidem videtur esse simplex, sed est magnæ virtutis & utilitatis,

### Sapo cosmeticus S. R.

Rec. saponis albi Italici, non fœtidi ℥j.

conscindatur aut radatur subtiliter, adde

biacœ Hispanicæ ℥iij. rad. ireos Florent. subtil. pulveris. ℥iss.

magist. marcasitæ, spermatis ceti ā. 3vj. ☉ Fri ex ☉ extracti 3vj.

contundantur & misceantur in mortario lapideo cum

∇a rosarum odorifera q. f.

donec omnia per minima commixta sint, in fine adhuc adde

ol. ligni Rhodii, vel rosarum veri 3j.

Formentur more solito globuli, magnitudinis ad placitum.

### Sapo cosmeticus alius S. R. E.

Rx. amygdalarum dulcium excortic. & ad pulvis formam cum

∇a aliquâ odorif. q. s. redactarum. 3viij.

vitell. ovorum recent. n. ij. ∇a odorifera rosarum 3iij.

Coq. in patellâ aliquâ argenteâ vel cupreâ, ad consistentiam crassam instar pastæ, in vase non adhærescentem, continuo itaque pistillo ligneo agitata est; Deinde adde

saponis Veneti subtiliter rasi, & cum ∇a rosarum odoriferâ aliquoties loti & perfumati ℥ij.

contundantur in mortario lapideo quàm optimè, semper admiscendo aliquid ol. Fri per deliquium facti e. gr. 3ss.

tandem inspergantur sequentes pulveres: scilicet

magisterii marcasitæ 3ss. pulv. rad. ireos 3j.

amyli, biacœ Hispanicæ ā. 3ij.

M, donec omnia per minima commixta sint, tandem adhuc adde

olei jasmini Romani 3j. rosarum veræ 3ss.

moschi optimi ad libitum.

## TITULUS XXVII.

# LIQUOR ALKAHESTICUS

Cl. Helmontii & Cnœffellii.

Quid hoc nomen Alkahest, Althæst, & Alcahest denotet, & qualis medicina sit, nullibi clarè explicatur.



Clariss. D. D. *Guern. Rolfincius* cum nonnullis vult, quod alcahest, quasi *alkali* est indigitandum sit, & medicamentum esse, ad liquida chimica opera perficienda, si consideretur perfecta ejus præparatio; ad solida, si inchoatio.

Ex *Polemanni* scriptis liquet, liquorem esse igneum volatilem, quò faciliè  $\Delta$ ra metallorum & mineralium sequestrantur.

*Joh. Glauberus* hic producit  $\Theta$  artis philosophorum, &  $\Theta$  mirabile, universalis  $\Theta$ is titulo, quod trium regnorum climata pervadit, & eorum summa sit medicina.

Innuit ex  $\Theta$ e culinario,  $\Theta$ o, alumine, aliisque rebus parari posse, de quibus omnibus extensius tractat *Clar. Rolfincius, in chim. in artis form. redact. lib. 5. sect. 1.*

Modus procedendi circa fixationem, à dicto D. *Cnæffelio & Helmontio*, triplici via instituitur, ratione triplicis

Objecti, in quod alcahest agere debet. Inde triplex etiam resultat alcahest: 1. minerale. 2. vegetabile. 3. & animale.

Sed remotis aliis circumstantiis, accedo tandem ad ipsius secretissimi liquoris præparationem, & primo

### Pro resolutione mineralium.

*R.*  $\dagger$ ti mineral. (ex minera immatura  $\delta$ ii per se more consueto  $\delta$ ti) s. q.

Pasce hanc aciditatem cum  $\Theta$ e  $\Phi$ ri, quousque desinat ebullire, perge in additione  $\Theta$ is  $\Phi$ ri, donec liquor plane fiat lixivialis, post adde

$\Theta$ is  $\ast$ ci, quoad odor ascendat planè  $\square$ lis, destilla lento calore humiditatem, ad siccitatem usq; destillationem repete, liquorem à fecibus cohobando, & semper  $\Theta$ is  $\Phi$ ri novi adjiciendo parum, donec liquor planè fiat igneus, & erit liquor alcahesticus, ad usus sequentes paratus.

### Pro resolutione vegetabilium.

*R.*  $\dagger$ ti vegetabilis, (ex lachrymis vitium) propriis foliis fermentat. & per se parat. q. v.

Pasce hanc aciditatem cum  $\Theta$ e  $\Phi$ ri, & procede omnimodè ut ante factum cum minerali menstruo.

### Pro resolutione animalium.

*R.*  $\dagger$ ti animalis, (id est seri lactis acidum) q. v.

Pasce



Pasce hanc aciditatem cum  $\Theta$  e  $\Phi$  i, & idem præparandi servetur ordo, ut supra de mineralium menstruo dictum.

Hæc sunt tria menstrua particularia, universalia cuncta magisteria, cum tribus his menstruis fieri possunt, in rerum natura, quia per ea in prima essentia sua tria principia resolvi possunt, ex quibus post circulationem fit  $\Theta$  volatile seu essentiale, quod summum est magisterium.

De subjecto mirabili hujus liquoris, vide sis *Helmontium tr. poet. med.* §. 3. ubi ea vocat, *ex electro opaco, cujus nomen gemma rose, nondum aperta*; i. e.  $\Phi$  immaturum; *saper austerus & terrestris*; elicitur namq;  $\frac{1}{2}$  ope ignis ex  $\Phi$  o; qualitate liquor iste est *ignis-aqua, nomen prorsus simplex, singulare indeclinabile, inseparabile, immutabile & immortale, i. e. ALKAHEST*, plura vide apud dictum *Helmontium*.

usus hujus menstrui in extractione rerum instituitur hoc modo, e. gr. in vegetabilibus.

Rec. res extrahendas, ut radices, herbas. &c. e. g. fol. melissæ, basilici, absinthii, seu alius generis plantæ q. v.

Hujus prius in mortario lapideo contusæ pars j. liquoris alkahestici vegetabilis part. ij. M. stent in vitro hermetice clauso, ad digerendum, per octiduum, seu diutius, & quidem calore lenissimo, tinctum quod est auferatur, & liquor novus affundatur, digerendo & extrahendo tamdiu, donec omnis essentia plantæ extracta sit, & ne quid impuri & crassi eò misceatur, extractiones omnes per chartam filtrentur, & cum spir. vin. opt. rectificati & alcoholisati s. q. misceantur bene, in phiala, hermetice clausa; Hic sine mora spir. in se recipit Ram, & omne hoc, quod in liquore alkahestino est extracti, iterum extrahit, & ambo à se invicem separantur, ita ut spir. vin. cum imbibito extracto seorsim, & liquor alkahest similiter seorsim, & quidem purus, omniq; extracto privatus in vitro stet, quod & *Cl. D. D. Rolfincius*, de suo ex  $\Theta$  o parato liquore alkahestico refert. Tandem spir. vin. essentia plantæ imprægnatus, & a liquore alkahestico separatus in leni digestionem exhalet ad justam essentia consistentiam.

Hoc peracto, utrumque tam essentiam, quam liquorem alkahesticum ad usum serva:

Essentiam tanquam medicinam, ad extirpandos morbos: liquorem verò alkahest, pro extrahendis rebus aliis plurimis, in quibus iterum inservire poterit.

Sic proceditur quoq; in extractione Rrarum & Arum metallicorum:



rum: ubi hoc annotandum, quod temporis hic requiritur plus, & aliquando tres vel quatuor menses, antequam extractio perficitur.

*Nota.* Parata dicto modo essentia, alkahest innatans instar rubini, separari atque in ovo philosophico & hermetice clauso ulterius circulata, in lapidem, sive  $\Theta$  essentiale mutari potest, quod virtutibus sui concreti seu individui instructum erit.

F I N I S.



# INDEX

## FASCICULI SECUNDI

### MEDICAMENTORUM

#### SINGULARIUM.

A.		ANTIARTHRITICA	146
<b>A</b> CETUM <i>bezoardicum</i>	30	ANTIDOTUS <i>lysipyretus</i>	166
ACIDULÆ <i>vegetabiles</i>	52	ANTIFEBRILE <i>Eremita</i>	196
ALEXIPHARMACA	24	ANTIHECTICUM <i>Cn.</i>	77
ALKAHEST <i>Helmontii &amp; Cnösse-</i>		ANTIMONIUM <i>diaphoreticum</i>	
<i>lii</i>	194	<i>solare</i>	22
ad ALOPECIAM <i>leprosam un-</i>		Antimonii <i>sulphur fixatum</i>	86
<i>gventum</i>	179	<i>Tinctura</i>	87
AMBRA <i>moschata sicca</i>	92	ANTIPARALYTICA	
<i>Ambra essentia</i>	ibid.	APERITIVUM <i>martiale</i>	105
AMULETUM <i>Celestinum</i>	67	APOPLECTICA	38
<i>in fluxu nimio hæ-</i>		AQUA <i>antepiletica</i>	51
<i>morrhoidum vid.</i>		<i>antinephritica</i>	122
<i>hæmorrhoidalia.</i>		<i>antipodagrica cerulea</i>	162
<i>in fluxu nimio men-</i>		<i>viridis ibid.</i>	
<i>sium vid. Menses</i>		<i>Cancrorum</i>	175
<i>sistentia.</i>		<i>Cosmetica composita</i>	190
ANNULUS <i>stellatus Helmontii,</i>		<i>hysterica perlata</i>	136
<i>vid. hæmorrhoidalia.</i>		<i>magnanimitatis</i>	39
ANODYNA	34	<i>ophthalmica</i>	72. 73
ANTEPILEPTICA		<i>stomachalis</i>	101
		<i>vita calami aromat.</i>	102
		<i>Zedo-</i>	



# MEDICAMENTORUM SINGULARIUM.

Zedoaria, off. Reg.	ibid.	BOLUS in dysenteria	104
Aquæ antiarthritica vindiciæ	151	BUTYRUM Saturni	179
ARCANUM Alemeth	49	C.	
cephalicum	39	CÆLIFLOS, CÆLIFOLIUM	184
sanguinis hirci	128	CATAPLASMA anodynum	164
in surditate	74	antipodagricum	ib.
Tartari Cn.	21	febrile	176
solare	89	ex gypso vid. Men-	
ASTRUM duplicatum	87	ses sistencia.	
AURUM vid. Sol.		ad tumores œde-	
alcoholisatum	90	matosos	108. 109
transparens Cn.	94	CATHARTICA	16
Auri magisterium	90	CEPHALICA	38
B.		Cephalicum D. Podchocinsky	ibid.
BALSAMUM apoplecticum Cn. vid.		Cnöffelianum	49
Apoplectica.		CHARTA di Spagna, Cosmetica	189
Collegii Romani.	ib.	CHERMES Tinctura	95
cordiale odorif.	98	CINNABARIS antimoni magi-	
cosmeticum	192	sterium	49
odontalgicum	76	COLLYRIUM D. Felveri	73
puerorum dentienti-		CONFECTIO viperarum Cn.	25
um	ibid.	CONSILIUM antipodagricum	148
radicale margarita-		de confortandâ viri-	
rum	84	litate	133
Samaritanum	179	CORALLIA facticia rubra & ni-	
Saturni	ibid.	gra	66. 67
spleneticum vid. sple-		Coralliorum insuccatio singularis	95
netica		tinctura Cn.	93
stomachicum	102	sicca	94
Vladislavianum	134	Corallina essentia	96
BETULÆ primum ens, liquor sive		CORCULUM benedictum Cn.	68
succus	123	CORDIALIA	84
BEZETTA rubra	188	CORNU cervi preparatio singula-	
BEZOARDICA	24	ris vid. Epileptica.	
minerale	ibid.	COSMETICA	186
viperinum	26	CRANII humani preparatio singu-	
		* D d	laris



# INDEX FASCICULI II.

	<i>laris vid. Epileptica.</i>		<i>rativum Cn.</i>	30
CROCUS	<i>solis Cn.</i>	84. 85	ELIXIR <i>absinthiacum compos.</i>	100
CRYSTALLI	<i>montane magisteri-</i>		<i>febrile Cn.</i>	173
	<i>um vid. Nephritica.</i>		<i>proprietas purgans Cn.</i>	18
	<i>Tartari chalybeati.</i>		<i>Offic. Regie</i>	19
	<i>vid. Menses moventia.</i>		<i>vita stomachicum</i>	101
CUBILIA & CULCITRÆ	<i>herbac.</i>		EMPLASTRUM <i>antipodagricum</i>	
	<i>vid. Mensis sistencia.</i>		<i>anodynum nigrum</i>	164
CYPERUS BEZOARTICUS		28	<i>attractivum</i>	165
	<i>D.</i>		<i>febrifugum</i>	177
DECOCTUM	<i>antiphthysicum</i>	82	<i>ad fracturas ossi-</i>	
	<i>ligni lentisci. vid.</i>		<i>um</i>	180
	<i>menses sistencia.</i>		<i>magneticum Cn.</i>	33
DIAPHORETICA		22	<i>purgans</i>	20
	<i>Diaphoreticum compositum</i>	27	<i>Samaritanum</i>	179
DIGESTIVA		15	<i>stomachale</i>	102. 103
DIURETICA		21	<i>vesicatorium Cn.</i>	180
Dörband		181	EMULSIO <i>antepileptica Cn.</i>	50
DYSENTERICA		103	<i>antiphthysica</i>	81
	<i>E.</i>		<i>coralliata. vid. Hemor-</i>	
EBORIS	<i>preparatio singularis. vid.</i>		<i>rhoid.</i>	
	<i>Epileptica.</i>		<i>ad fluxum mensium nimium.</i>	
ELÆOSACCHARUM	<i>cordia'e</i>	97	<i>vid. menses sistencia.</i>	
ELECTUARIUM	<i>chalybeatū vid.</i>		<i>hysterica Cn.</i>	136
	<i>menses moventia.</i>		<i>nephritica D. B.</i>	126
	<i>contra calculum</i>	124	<i>stiptica. vid. Hemorrhoid.</i>	
	<i>dysenterionis Cn.</i>	132	ENS <i>primum betulae</i>	123
	<i>dysentericum</i>	104. 105	<i>tilia</i>	50
	<i>ad fluxum menstru-</i>		EPATICA	105
	<i>orum. vid. menses si-</i>		EPILEPTICA	
	<i>stencia.</i>		EPITHEMA <i>Cnöffelianū calidū</i>	47
	<i>hepaticum Cn.</i>	106	<i>frigidum</i>	98
	<i>martiale. vid. Menses</i>		<i>temperatū ib.</i>	
	<i>moventia.</i>		ERRHINUM <i>Cn.</i>	73
	<i>ex Ovis Cn.</i>	29	ESSENTIA <i>ambra</i>	92
	<i>preservativum Cn.</i>		<i>antiarthritica</i>	142
			<i>cephali-</i>	



# MEDICAMENTORUM SINGULARIUM.

<i>cephalica composita</i>	38	H.	
<i>confortans Regia comp.</i>	132	HÆMORRHOIDALIA.	
<i>corallina</i>	96	HEPATICA	105
<i>cordialis odorifera</i>	97	HYDROPICA	107
<i>florum vid. Menses mo-</i>		HYDROPEM	curandi methodus
<i>ventia.</i>			ibid.

<i>granorum quietis Cn.</i>	37	I.	
<i>lithontriptica</i>	124	INFUSIO ligni nephritici	126
<i>martis composita vid.</i>		JULAPIUM Cn. in nimio mensium	
<i>Splenetica.</i>		<i>fluxa vid. Menses sistencia.</i>	

<i>Glata. ibid.</i>		JUNIPERINUM gluten, gelatina	
<i>moschi</i>	92	<i>vel mucago</i>	184

<i>moschi ambrata</i>	ibid.	L.	
<i>stomachalis</i>	100	LAPIS Bezaar factitiuus	128
<i>uterina Cn.</i>	135	<i>nephriticus fact. internus</i>	129
		<i>externus ib.</i>	

EXTRACTUM granorum quie-		<i>sa'utis D. Kr.</i>	163
<i>tis</i>	35	<i>serpentinus</i>	28
<i>bellebori solutivum</i>	18	LIGNI nephritici infusio	126
<i>sedativum citratum</i>	34	<i>lentisci decoctum vid. men-</i>	
<i>generale</i>	61	<i>ses sistencia.</i>	
<i>pro viris</i>	34	LIMACUM liquor	163
<i>pro mulie-</i>		LIMONATA antinephritica	122
<i>ribus ibid.</i>		LINIMENTUM cosmeticum	191

F.

FEBRILIA	166	<i>defensivum a ve-</i>	
FEBRIMiertianā curandi meth.	168	<i>stignis variola-</i>	
<i>quartanam curandi meth.</i>	172	<i>rum.</i>	192
FORMICARUM spiritus vid. Pa-		<i>ad gingivas tu-</i>	
<i>ralytica.</i>		<i>mentes Cn.</i>	77

G.

GANGRÆNÆ topicum Cn.	110	LINTEUM ceratū pro Masquis	188
GLUTEN juniperinum	184	LIQUOR Alkahesticus Helm. & Cn.	194
GRANORUM quietis essentia Cn.		<i>betula 123. colligendi mo-</i>	
	37	<i>dus ibid.</i>	
<i>extractum</i>	35	<i>febrilis</i>	173
<i>unctura</i>	ib.	<i>hepaticus</i>	106

\*D d 2

LIQUOR



# INDEX FASCICULI II.

<b>LIQUOR</b> <i>limacum</i>	163	<i>cephalica</i> Cn.	40
<i>lithontripticus</i>	128	<i>cordialis calida</i>	96
<i>nitratu</i>	173	<i>temperata</i>	ibid.
<i>contra prunellam</i>	ibid.	<i>hydropica</i>	108
<i>tartareus</i> Cn.	158	<i>hysterica</i>	136
<i>externus</i>	160	<i>lithontriptica</i>	125
<b>LUDUM</b> <i>Cnöffelianum</i>	126	<i>splenetica</i> vid. inter	
M.		<i>splenetica</i>	
<b>MAGISTERIUM</b> <i>antepilepticum</i>		<i>stomachalis</i>	98
<i>Prevotii</i>	38	<i>topica</i>	61. 62
<i>auri</i>	90	<i>uterina</i>	135. 136
<i>cinnabaris antim.</i>	49	<b>MORSULI</b> <i>confortantes</i>	132
<i>crystalli montana</i>	vid.	<b>MOSCHI</b> <i>essentia</i>	92
<i>nephritica.</i>		<i>ambrata</i>	ibid.
<i>lithontripticum</i>	121	<b>MUCILAGO</b> <i>in asperitate lingua</i>	
<i>talci</i>	186	<i>et faucium</i>	175
<i>viperarum</i>	25	<b>MYRTILLORUM</b> <i>tinctura</i>	104
<b>MAGNES</b> <i>venenorum</i>	28	N.	
<b>MARGARITARUM</b> <i>balsamū</i>	84	<b>NEPHRITICA</b>	
<b>MARTIALE</b> <i>aperitivum</i>	105	<b>NITRUM</b> <i>rubrum essentificatum</i>	170
<i>trochisci</i>	107	<b>NODULUS</b> <i>in mensem suppressio-</i>	
<i>vinum</i>	ibid.	<i>ne. vid menses moventia.</i>	
<b>MASSULÆ</b> <i>odontalgica</i>	77	<b>NOSTOCH</b> <i>Paracelsi</i>	185
<b>MEDICAMENTUM</b> <i>crystallinum</i>		O.	
<i>vid. nephritica.</i>		<b>ODONTALGICA</b>	75
<b>MENSES</b> <i>moventia</i>		<b>OLEUM</b> <i>anodynum refrigerans</i>	173
<i>sistentia.</i>		<i>febrifugum</i>	176
<b>METHODUS</b> <i>curanda hydropis</i> Cn.		<i>hemorrhoidale</i> vid. ha-	
	107	<i>morrhoidalia.</i>	
<i>curandi quartanam</i>	172	<b>OPHTHALMICA</b>	71
<i>tertianam</i>	168	<b>OTICA</b>	74
<b>MITIGATITA</b>	34	P.	
<b>MIXTURA</b> <i>antepileptica liquida</i>	60	<b>PANACEA</b> <i>essentificata</i>	94
<i>solida</i>	59	<i>solaris</i> Cn.	84. 86.
<i>antiarthritica</i>	125	<i>duplicata</i>	88
<i>antiarthritica extern.</i>	159	<i>alia ex Cinnab. &amp;u</i> ibid.	
		ad PA-	



# MEDICAMENTORUM : SINGULARIUM.

ad PARALYSIN euporiston vid.		apoplecticus Regius	38
antiparalytica.		bezoardicus	27
PASSULÆ laxativæ Cn.	17	cachecticus compositus	112
PASTA pro placentulis in extincta		simplex	111
virilitate	131	pro cataplasmate ad fra-	
Regia confortans	130	cturas & luxationes	
stomachalis	99	osium	181
PECTORALIA	77	chalybeatus simplex &	
PESSARIUM vid. Menses sistentia.		compositus 112. vid. eti-	
PTHISEOS curatio	81	am menses moventia.	
PILEOLUS cephalicus vid. Apo-		serallatus, martialis vid.	
plectica.		menses sistentia.	
PILULÆ balsamica universales	19	cordialis aureus	89
in calcula	121	cosmeticus compositus	187
ad defluxiones	79	dentifricius	75
emmenagoga vid. menses		diakibrik seu chybor	81
moventia.		diaphoreticus diurnus & no-	
febriles Cn.	169	cturnus	24
hysterica Cn.	136	digestivus ordinarius	15
PLEURITICA	82	diureticus ordinarius	21
POCULUM febrile	177	dysentericus castrensis	103
POMUM epilepticum	62	emenagogus vid. menses	
febrile	177	moventia.	
somniferum	37	epilepticus vid. Epileptica.	
uterinum Cn.	136	febrilis	168. 169
PRÆPARATIO Crani humani,		hemorrhoidalis externus	
Cornu Cervi, Alcis, Unicornu, E-		& internus vid. he-	
boris &c. vid. Epileptica.		morrhoidalia.	
PULVIS acidus ex succo limonum	123	hellebori styriaci Cn.	16
pro adspersione articulorum		hepaticus Cn.	106
arthriticorum	159	pepticus	98
alexipharmacus pretiosus &		pleuriticus Cn.	82. 83
cordialis	89	punicus simpl. & comp. 15. 16	
alexiterius Cn.	27	pardureus secretus	49
antihydronicus	108	de secundina mulieris vid.	
aperitivus spleneticus	111	epileptica.	



# INDEX FASCICULI II.

<i>solaris</i> Cn.	86	SPECIES cephalica pro suffitu	40
<i>solutivus</i> de tribus	16	confortantes	130
<i>sternutatorius</i> cephalicus vid.		pro cucuphâ vid. apoplect.	
apoplectica.		pro extracto sedativo gene-	
ropicus	110	rali	60
<i>viperinus alexipharmacus</i> ex		SPECIFICUM antepilepticum Cn. 60	
<i>solis cordibus &amp; hepati-</i>		antinephriticum	
<i>bis</i>	26	vid. nephritica.	
<i>viperinus compositus.</i> ibid.		dysentericum	103
Q.		febrile	167
QUARTANAM curandi methodus		ex SPERMATE RANARUM me-	
Erbenii	172	dicamenta singularia	181
R.		SERNIOLUM mucaginosum	183
Ex RANARUM spermate medica-		ficum compositum	ibid.
menta secretiora	181	ordinarium	182
ROS vitrioli	54	ex ranis	ibid.
ROSETTA Italarum	187	SPIRITUS antepilepticus comp.	53
ROTULÆ martiales vid. menses		balsamicus vid. apo-	
moventia.		plect.	
S.		formicar. vid. ibid.	
SAL febrile compositum	171	sedativus simplex &	
SANGVINIS hirci arcanum	128	compositus	36
SAPO cosmeticus	193	SPIRITUS tartari compositus	vid.
SATURNI butyrum	179	splenetica.	
ad SCABIEM unguentum	ibid.	de tribus Cn.	172
SEDATIVUM generale	61	vini luhontripicus	125
aliud per extracta	62	viridis aeris comp.	54
magnum Archei	35	vitrioli coagulatus	121
uterinum Cn.	135	compositus	53
SOLARIS panacea	84. 86.	humidus	54
duplicata	83	rarius per coho-	
alia ex cinnabar. & ii	ib.	bia	57. 58
SOLIS crocus	84. 85	volatilis	53
sulphur	85	SPLENETICA	111
SOLUTIVUM helleborarum Cn.	18	SPONGIA somnifera	37
SORBETTA antinephritica	122	STOMACHICA	98
		SUCCO-	



# MEDICAMENTORUM SINGULARIUM.

SUCCOLADA Regia 99

SUCCUM betulae colligendi modus 113

SUFFITUS cephalicus, vid. Aplectica.

SULPHUR antimonii fixatum 86  
solis 85

vitrioli philosophicum 36

SYRUPUS epilepticus puerorum 52

helleboratus Cn. 17

pectoralis salutaris 79

violarum compositus 80

## T.

TABULÆ martiales vid. menses moventia.

TALCI magisterium 186

TARTARI arcanum Cn. 21

solare 89

crystalli chalybeati vid. menses moventia.

spiritus compositus vid. splenetica.

tinctura 125

alia vid. splenetica.

Tartarus martiatus vid. ibid.

vitriolatus crystallisatus 121

Theriaca Magni Ducis Hetruriae 31

Regia Cn. 32

theriacarum Cn. 32

de tribus Cn. 31

TILLÆ liquor seu primum Em. 50

TINGTURA antimonii 87

bezoartica. D. Littaw. 33

cephalica ambrata 40

cordialis 95

cosmetica alba 190

rubra 191

coralliorum Cn. 93. 94

florum prunellæ 175

florum malvæ externæ ibid.

granorum chermes 95

quietis 37

martis vid. splenetica.

myrtillorum 104

odontalgica Cn. 76

tartari 125. vid. splenetica.

TOPICUM antipodagricum 158

gangrenæ 110. 111.

ad genitalia. ibid.

ad membra resoluta.

vid. paralytica.

vitriolatum vid. menses sistencia.

TORNA solis bezedina 188

TROCHISCI de borace vid. menses moventia.

martiales 107

venerem confortantes 130

viperini confortantes 130

## V.

VARIOLARUM vestigiis præservans linimentum 192

VENEREA 130

VINDICIÆ aquæ antiarthritica Cnöffeliana 157


VINUM balsamicum 165  
martiale



## INDEX FASCIC. II. MEDICAMENT. SINGULAR.

<i>martiale compositum</i>	107	UNGVENTUM auratum	179
<i>medicatum polychrestum</i>	71	cosmeticum	192
VIPERARUM confectio Cn.	25	hemorrhoidale. vid. ha-	
magisterium	ibid.	morrhoidalia.	
pulvis alexiphar-			
macus ex folis		refrigerans	178
coraibus & he-			
patibus	26	rubrum pomatum	192
pulvis compositus	26	stomachicum	102
VIPERINUM bezoardicum	ibid.	UNICORNU artificiale	91
VIRIDIS AERIS spiritus comp.	54	preparatio vid. epi-	
VITRIOLI spiritus antepilepticus		leptica.	
	53		
coagulus	121	UTERINA	135
humidus	54		
roridus per co-		VULNERARIA	178
hobia	57. 58		
volatilis	53		


FINIS.



M. S. Ca-



MS. CATOPTRICUM  
IN  
JACOBI JANI,  
MED. DOCTORIS ET RE-  
GIÆ MAJESTATIS DANIÆ,  
ARCHIATRI, B. M.  
BIBLIOTHECA  
repertum.



---

FRANCOFURTI *ad* MOENUM & LIPSIAE

Sumptibus JOHANNIS FRIDERICI Gleditsch.

⊗ ) ⊗ ⊗ ) ⊗  
Anno 1 6 8 8.



12 OCT 1964

WALTON

MEMORANDUM

TO: DIRECTOR

FROM: [illegible]

SUBJECT: [illegible]

1. [illegible]

2. [illegible]

3. [illegible]

4. [illegible]



B. L.




Um MS. Catoptricum hîc  
exhibitum, Nobil. & Consultiss. Dn.  
CHRISTIANO ERNDELIO, Dresdensi,  
J. U. D. & Mathematico, Epheme-  
ridum Collectores debeant, gratitudinis testandæ  
ergò Viri ingenium felicissimum & circa Opticæ  
inprimis culturam occupatissima studia meritis  
prosequerentur laudibus, nisi vererentur, ne, quæ  
summa Ejus est modestia, in publico laudari ægrè  
ferat. Quare in Tuam tantum, *Honorande Lector*,  
gratiam paucis saltem & quasi obiter subinnuisse  
juvet, laudatum Virum diversissima & rarissima in-  
ventionis quidem perficere instrumenta, sed in eo  
potissimam mereri laudem, quod per paucis fortas-  
se hucusq; noto, certè à nemine propalato artificio  
minutissima vitrorum Opticorum segmenta ela-  
borare suapte ingenio didicerit, ut nullum penitis-  
simè vestigium sui politura liquidissima reliquisse  
deprehendatur. Ne ex aurâ captitari videantur en-  
comia, sufficiat dixisse, vitra ab Erndelio elaborata  
Illustriss. Domino Tito Livio Buratino, cujus Cele-

)o(

bra-




bratissimum Nomen ignorare non potest, qui Magni Hevelii in scriptis hospes non est, non reprobata fuisse, uti id haut obscuris indiciis è literis Magni & Nobilissimi Dn. D. Bernhardi de Bernitz, S. Reg. Majest. Polon. Person Medici & Secretarii, ad D. Vollgnadium probari posset: quin & ipsemet laudatissimus Dn. de Bernitz simile judicium repetiit occasione vitri à D. Erndelio elaborati atq; Cracoviã mittendi, quando talibus qua sensum verbis ad Vollgnadium scripsit: *Vitrum ex hyperbole elaboratum.* Illustrissimo Dn. Buratino *D. Erndelii nomine tradidurabo: politura vitrorum suorum est optima, pura & accurata; optârim, ut lenticulam more suo elaboratam pro Camera obscura confectione impetrare possim.* De cætero quantum præfatus Dn D. Erndelius in excolenda Opticâ præstet, ipse brevi, dubio procul, de vero & genuino visus organo, *Tractatu* abundè comprobatum dabit. Vale !







AD  
CATOPTRICAM ANACAMPTICAM  
SEU  
ANACLASTICAM  
ALTERAM OPTICES PARTEM  
DE  
MIXTIONE REFLEXIONIS ET  
REFRACTIONIS  
SEU DE  
MULTITUDINE IMAGINUM IN UNO SPE-  
CULO FORMATARUM ADDITAMENTUM  
I.  
DE IMAGINE SIMPLICI.

 *Mne radiosum, si ad superficiem quandam po'iti corporis feratur, sui imaginem exhibere potest, clarè satis.*

Et de hac re nulla est controversia, quia in sensûs incurrit. Sed quomodo id fiat, Optici, & qui Catoptrica hætenus tradiderunt; nec satis perspexisse, nec rectè tradidisse videntur.

Pleriq; Recentiorum, inter quos *D. Rhodius Opt. lib. 2. cap. 1.* loquuntur; Lucem & id, quod vi lucis radiat speciem scil. radiosam, in densi corporis superficiem illapsam reperi in plagam oppositam. Quod enunciatur sic explicat *Rhodius*: *Quando nimirum radius lucis & coloris in diaphano incidentibus occurrit densum, impediens transitum ipsorum in directum, tum radii illi redeunt per reflexionem in partem unde venerant; non secus atq; pila ad parietem projecta, denegato ulteriore transitu resilit, in quantum durat vis impellentis. Quia enim in primo libro motum tribuimus luci quidni etiam pulsus, seu speciem quandam, ipsi tribueremus? Non ergo secus atq; in motu physico violentiore confligentium corporum duriorum*



*rum, vi movente non omni abolita in conflictu, motus ille superare laborans terminum illum, cum non possit in directum & occursum alterius corporis, in oppositum tendit. Solet pariratione lux superficie quadam sui in corporum densiorum superficies vi quadam movente sui fontis agitata incidere; eaque fortiore urgente in conflictu illo quasi resilire in partem oppositam, quem repercussum dicimus.*

Verum ut repercussionem illam & reflexionem radiorum, & specierum radiosarum non negamus, ita representationis specularis doctrinam hisce terminis, & hac ratione explicari commodè, dubitamus.

Quam rem Vir acutissimus *Keplerus* vidisse, & agnovisse videtur, unde in his pronunciatis admodum cautus est: cum *cap. 1 prop. 18 paral. in Vitell.* non ad modum aliorum, sed cautius sic loquitur: *Lux in superficiem illapsa repercutitur in plagam oppositam, unde advenit. Ubi nudam superficiem allegat, non densitatem aliquam. Et postea: quod est in motu physico durities confligentium, quæ consistit in permanentia superficierum: hoc est in luce nuda superficies seu terminatio vel figuratio corporum.*

Sed cum idem *Keplerus* pergit, causam exponere, cur in luce ejusque motu accidat repercussio; communi utitur loquendi modo: ita ut nec ipsam rem satis assecutum esse inde colligere liceat. Dicit: *Motus violentiam causam esse repercussionis, quod si explicat: Cum vis movens non omnis à conflictu aboleri possit, superabit motus terminum suæ lineæ, superficiem scil. At non potest in directum, obstitit enim hic superficies superficiei. Relinquitur igitur ut in oppositum.*

Nos Catoptricam & representationis illius specierum, quæ fit per specula, rationem, nec per repercussionem in densi corporis superficie factam, nec per vim moventis radii repulsam, quam existentia superficiei parit; nec obstitentiam superficiei: vel terminationem etiam radiorum allapsorum & postea iterum diffusionem in partem oppositam, rectè demonstrari seqq. probamus. Iisq; ut opinamur, firmis satis rationibus, seu demonstrationibus ad oculum.

Rem autem hanc dum aggredimur, quam nemo hætenus tentavit: multa erunt exponenda, quæ non tam ex simplici refractione; sed ex mixturâ reflexionis & refractionis contingunt. Unde & hanc doctrinam imperfectè traditam, plenius explicandam assumemus: Ex quo doctrinæ optices supplementum accedet, & multa in cognita hætenus in lucem clariorem & sensuum judicium collocabuntur.





### Propositio 1.

*Corpus politum instar speculi seu speculum planum, nullam habens profunditatem diaphanam seu perspicuam, unius rei unam & simplicem exhibet imaginem.*

Corpora talia polita sint lignea, lapidea seu metallica, ut ferrea, aurea, stannea, plumbea, argentea vel ex pluribus composita, ut illa, quæ ex stanno & cupro, & paucis antimonio debitâ proportionem mixtis, vel ex aurichalco cum incrustatione reguli martis & metallo, quod *Zinck* appellant, conflantur. Patet autem veritas ipsâ experientiâ quia quodcunq; admotum objectum, sive rectè, sive obliquè simplex & unicum videbitur in tali speculo, reliqua infra demonstrabimus. De tali ergo speculo *prop. 29. lib. V. Vitell. & 23. lib. II. Optices* intelligendæ: Secus si fiat, res erit falsa, ut jam docebimus. Demonstratio ibi videatur, hîc enim nobis non est propositum ab aliis rectè tradita repetere.

### Propositio 2.

*Corpus politum speculari, seu speculum planum diaphanum insignem profunditatem obtinens, unicam saltem refert imaginem.*

Verificatur per experientiam, quia aquam profundam inspicientes simplicem solummodò vident rerum imaginem: & habetur ratio; quia una saltem illaq; adversa superficies format imaginem illustrissimam; aversa autem nequit formare, vel quia non plana, unde species informes & debiliter radiantes, vel quia obscuras exhibet, quæ disparent in respectu illustriorum.

### Propositio 3.

*Corpus politum speculari seu speculum planum diaphanum, mediocrem obtinens profunditatem, unicam etiam exhibere potest imaginem, si debito modo collocetur.*

Tale speculum sit vitreum aliquod diaphanum, profunditatem mediocrem obtinens, vel unius digiti transversæ vel plurium. Collocandum autem ita speculum, ut radii incidentes sint obliquissimi. Nam sic illi soli in unica illa superficie reflexi ad oculum devenient, & imaginem exhibebunt simplicem.

Hæc de imagine simplici, sequitur de variâ & multiplici per refractionem & reflexionem simul generata. Sed quia specula vitrea, de quibus nobis sermo erit, stanno & Mercurio vel alio quodam corpore,



pore inducuntur (nam alias imagines non exhibent rectè) de hujus ratione quædam dicenda.

#### Propositio 4.

*Specula vitrea ex diaphano corpore polito elaborata, supposito Mercurio & stanno, vel simili aliquo corpore, demum claras exhibent imagines.*

Ratio hujus propositionis rectè ex opacitate vel potius denegata transparentia deducitur. Nam si quodcunque politum perspicuum ita disponatur, ut nihil actu transpareat: tunc imago excepta & reflexa visibilis evadet; secus si fiat, minimè. Opacitas quidem ad reflexionis actum nihil facit per se, cum illa fiat vi luminis & specierum per lumen radiantium & corporis politi virtute reflexio fiat ordinata benè: Interim de imaginum reflexione nihil judicare poterit oculus, nisi sentiat imaginem reflexam. Ut ergò sentiatur imago reflexa in speculo illo, vitreo polito transparentia illa adimenda. Nam si quid post speculum constitutum radiet radio recto, illudq; diaphanum transeat, licet nonnihil refractè, oblitterabitur quasi species reflexa debilior, ob radiantis fortioris (quod luci primæ quasi comparatur) imaginem oculo impressam. Unde necesse erit opacitate inducta prohibere ne diaphanum illud politum corpus transeant species aliæ visibiles.

Inducunt autem opacitatem tenebræ. Unde nocturno tempore in tali polito vitro imagines, quas fundunt objecta illuminata, rectè cernuntur; Quia cum omnia tenebris sint involuta, nihil radiofi vitrum transiens reflexas species vitare potest. Simili ratione interdiu vitra talia tenebricoso loco obversa exhibent imagines. Aptissimè autem infertur illa opacitas & vitrum usui huic accommodat Mercurius, stannum, plumbum & similia.

#### Propositio 5.

*Vitra polita transparentia ita quoq; collocari possunt, ut interdiu sole splendente in aëre illuminato, nullo subducto Mercurio & simili corpore, vivas tamen oculis exhibeant imagines.*

Fit hoc si res repræsentatæ in speculo obliquè inspiciantur. Nam tali pacto saltem reflexæ imagines oculos feriunt & directè radiantes, propter obliquitatem speculi ad illas, excluduntur. Prohibetur ergo illarum transparentia & sic oculi immunes ab illorum pictura remanent.

Deducitur hinc, rectius aptitudinem specularis corporis ad species repræsentandas per prohibitam vel denegatam transparentiam aliorum visi-



visibilibus describi, quàm per opacitatem: Cum in aëre lucido vel radiis solaribus illuminato opacitas adsit nulla; & tamen dictâ ratione species in ejusmodi vitris appareant; ob hanc solummodò causam, quia excluduntur radiantia illa; quibus visis emoritur imago reflexa, exclusis ex oculo, optimè apparet.

### Propositio 6.

*Similia vitra polita nullo Mercurio obscurata, objecta lumine multo radiantia ita clarè reflectunt ad oculum, ut alia objecta colorata illuminata post speculum posita planè dispartant.*

Confirmatur hoc experientia. Nam si fenestræ excipiantur ejusmodi vitro, imago illarum occupabit visum & absorbebit omnes illas species radio recto radiantes per vitrum, ita ut planè non appareant.

Sequitur inde insigniter illuminata & multo lumine radiantia, fortius radiare, licet reflexa sint; quam alia colorata directè radiantia: quod contra doctrinam opticam.

## II.

## DE MIXTURA REFLEXIONIS ET REFRACTIONIS ET DE MULTITUDINE IMAGINUM.

### Propositio 7.

*Omne speculum vitreum planum pellucidum profunditatem habens diaphanam, Mercurio & stanno subducto, duplicem reddit imaginem.*

De planis hîc loquimur speculis ceu simplicioribus, ex vitro seu materiâ pellucidâ compositis. Est hæc propositio notabilis, licet paucis nota, & verificatur per experientiam; Capienda autem ea per objecta illustria & maxime illuminata; qualia sunt fenestræ, lampades vel faculæ ardentes & similia. Nam quamvis & in reliquis objectis paulò debilius, ob pauciorè irradiationem luminis, idem contingat, uti id ipsum plumbum, quibus vitrei fenestrarum orbes continentur, ostendit; & quilibet attentus observator animadvertere potest: tamen in lucidis vel multâ luce radiantibus observatis est evidentior & oculis manifestior. Deinde & hoc attendendum, ut imagines oblique incidant & sic reflectantur; sic enim manifestè apparebit imago duplex in speculo. Perpendiculariter autem incidens, licet & ipsa duplex sit; tamen quia simili ratione reflectuntur, fit ut utraque concurret & sic gemina pro una percipiatur imago; vel cum radius perpendicularis



non refringatur, necesse est & hâc ratione utramq; concurrere in uno loco & pro una haberi. Qui ergò cupit veritatem propositionis indagare, is statuat alicubi speculum, & in eo contempletur imaginem fenestraz obliquè incidentis (vel etiam rectè, si speculator sit exercitatus) videbit imaginem duplicem, unam illustriorem, alteram obscuriorem cum cæteris accidentibus. Similiter si tali speculo hyalino flamma obliquè repræsentetur; tum imago apparens erit duplex satis clarè (licet & multiplex sit, sed obscurius, ut in sequentibus docebimus) illaque duplicitas ita manifesta erit, ut nemo de rei veritate dubitare possit amplius. Cum primum hoc spectaculum se nobis offerret, quod factum in Aulâ Illustris. Elect. Saxon. Lichtenburg. ubi in fenestris vitreis, speculi instar utrinq; politis, nocturnò tempore accensa cerea geminas imagines referebant, diu hæsimus attoniti, & novitate rei moti, nullos non adivimus opticos, frustra rationes inibi quærentes. Donec tandem re diligentius considerata, & pluribus institutis observationibus in vitreis & metallicis speculis, certitudo & ratio rei elucesceret. Nam quod vitrea facere vidimus, id metallica non præstabant; unde rationem facilè subolfacere licuit, refractionem & diaphaneitatem speculi vitrei causam hujus apparentiæ constituere. Hæc res si cognita fuisset *Bapt. Porta*, alias adhuc rationes invenire potuisset, quibus imaginosum speculum constitueret. Nam plura specula sibi invicem superposita multiplicare imagines; item speculum unum plana non habens parallela duplicare imagines, uti *Mag. Nat. lib. 17. cap. 1.* habet, non est mirum. Simplex autem speculum unicam planam parallelam insuper habens superficiem duplices reddere imagines res mirabilior & *Bapt. Porta* incognita.

### Propositio 8.

*Vitrum speculari nullo folio (qui mos loquendi obtinuit) vel Mercurio vel stanno, vel opacitatem inferente alio supposito, duplices reddit imagines.*

Tale est vitrum utrinq; politum, quod postica parte aversa opacum respiciens locum imagines exhibet; & quidem duplices æquè ac prius, quod experientia confirmat, & ratio in sequenti manifestabit.

### Propositio 9.

*Imaginum duarum, vitreis speculis exhibitarum, una est clarior, altera paulò obscurior.*

*Veritas per experientiam patescit.*

Pro-



## Propositio 10.

*Superficierum politarum duplicitas duplicitatem parit imaginum; unde cum in speculo vitreo duæ sint superficies, ad quas species radiosa devenire potest, duæ etiam harum causa erunt imaginum.*

## Propositio 11.

*Imago, quæ perpendiculariter opposito nobis vitro apparet clara, formatur non à superficie speculi vitrei anteriore seu adversa, sed posteriore seu averfa.*

Hujus propositionis assertio insigne est paradoxon, 1. quia in speculo metallico locum non habet, cujus anterior polita superficies reddit imagines, 2. deinde quia non capit ratio, quomodo reflexio accidere possit radiorum à superficie, quæ non obversa, sed averfa est, 3. planè probabile illam anteriorem reflectere; quia maximè resistit & excipit species, unde & in oppositam reflectat. Verùm nihil obstantibus hisce, verissimum tamen est, imaginem, quam intuemur in speculis vitreis, siue nostra fuerit siue aliena, ab averfa speculi parte formari & exhiberi; idq; ob sequentes evidencias.

Quia vitrum speculari planum, unâ saltem superficie anteriori politum, optimè imagines non exhibet benè formatas, sed informes & confusas quasque nullas; quale quid accidere esset impossibile, si adversa vitri politi superficies redderet & reflecteret imagines.

Hæc res diu nota fuit & probatione non eget, unde & speculorum elaboratores Venetiis duplicatò labore utramque superficiem elaborare coguntur; quo labore, si finis optatus adesset, lubenter supersederent.

Secus se res habet posito alio polito planò corpore metallicò, lapideo, ligneo vel quocunque alio, quod profunditatem perlucidam non habet, imago apparebit debitò modò benè formata, secundum prop. I. quia propter opacitatem corporis altera superficies, quacunque illa sit & quocunque modo formata nec speciem referre, nec priorem turbare potest. Colligitur ergò inde adversam superficiem speculorum vitreorum politorum non reddere illam, quæ in oculos maximè incurrit imaginem. Secundo, Imago in speculo vitreo perpendiculariter visa, æmulatur non figuram superficiæ anterioris, sed posterioris. Talis enim est, qualem exhibere solet averfa superficies. Unde infallibiliter concludimus, non adversam, sed averfam superficiem formare imaginem in speculo visam. Quod ut clariùs fiat, assumatur speculum



lum anteriore superficie planum, altera posteriore gibbum, imago  
apparens inibi talis erit, qualem exhibet speculum cavum. Unde certò  
constat, non anteriorem esse superficiem, quæ talem refert picturam.  
Similiter si superficies postica sit cava, imago apparebit ac si in speculo  
orbiculari repræsentaretur. Quod si autem postica superficies in pla-  
nam mutetur, tunc statim imago apparebit talis, qualem exhibent  
plana.

Porro si dicta vitra invertantur & superficies plana fiat posterior,  
tunc illustris illa imago talis erit, qualem reddit planum speculum. Ex  
quibus omnibus convincitur iterum, speciem visam in speculo concavo  
vitreo sobolem esse superficie posterioris, non anterioris.

### Propositio 12.

*Imago, quam averfa superficies speculi exhibet, non formatur ab illa  
superficie tanquam averfa, sed tanquam adverfa.*

Res fanè mirabilis, interim vera & experientia comprobata.  
Nam speculum plano convexum non reddit imaginem convexorum  
more; sed cavorum, inversa scilicet extra centrum, recta sed ingentia  
intra centrum; sic plano cavum, reddit imaginem ritu convexorum.  
Suboriri hic potest dubium non contemnendum; Annon superficies  
aëris, plumbi, vel Mercurii immediatè contingens speculum hoc vi-  
treum, exhibeat & reflectat imagines? Nam cum alterius corporis su-  
perficie ambientis superficiem convexam, sit cava: & è contrario, ca-  
vam convexa, imagines autem se habeant simili modo, videtur proba-  
bile non ipsius vitri superficiem averfam formare imagines has, sed aëris  
post vitrum siti, vel Mercurii, vel plumbi, stanni &c.

Verùm ut hîc veritatem indagarem, vitris ejusmodi, certis super-  
ficiebus expolitis, applicuimus alia corpora opaca, seu minimè polita,  
vel complanatos poros habentia immediatè, ita ut nullus intercedere  
possit aër: observaturi, num, quia aëris planities sic interrupta &  
fermè exclusa à speculo, imago quoque dispareret vel hiulca & interr-  
pta ad modum aëris se offerret. Sed hauserunt oculi imaginem priorem  
eadem facie & formâ; quam propterea non ab aëre ejusque superficie  
speculum contingente, hic enim vi corporis opaci applicati exclusus  
nec ab opaco corpore, hoc enim non fuit politum; sed ab ipsa super-  
ficie averfa speculi non tanquam averfa, sed tanquam adverfa repræ-  
sentari conclusi.



Quâ ratione autem hoc contingat, intellectus vix capere potest; interim licet ignoretur causa, res tamen non erit neganda, monente *Scaligero*, qui sic fatur: *si de re constet, & opinio adversetur rei, querenda ratio, non res ignoranda.* Inquirant ergo Viri docti, quæ tam mirabilis repræsentationis imaginum causa sit: Et discant alii, traditam hætenus doctrinæ causam, hujus reflexionis non esse omnibus numeris planam, absolutam & perfectam. Falsum enim erit pronunciatum hoc, speciem radiosam in densi corporis superficiem illapsam reperi. Demonstratum enim est oculariter, speciem radiosam densi corporis superficiem transgressam esse, imò ipsum corpus densum superâsse, & penetrâsse; sed post absolutam penetrationem aliquid pati, & speciem suam exhibere spectandam mediante superficie averfa, tanquam esset ad versa. Falsum similiter erit & hoc, quod tradit *Rhodius*, radiis lucis & coloris in diaphano incidentibus si occurrat densum impediens transitum; radios redire per reflexionem in partem, unde venerunt, non secus ac pila ad parietem projecta resilit. Nam radius lucidus & coloratus superat densum speculi corpus, & fertur per illud usque ad ejus profunditatem, quæ emensa nihil habet obstaculi, nihil quod cogat ad reflexionem, nihil quod restringat & ulteriorem motum prohibeat, & tamen is ipse quasi reflexus & reperiçus imaginem suam exhibet in parte oppositâ. Nulla prætereâ superficierum resistantia, secundum *Keplerum*, hîc locum invenit. Nam vis movens in luce superavit primam superficiem, superavit densitatem corporis vitrei, in quibus, si quid patiendum fuisset, perpeffa esset: sed absoluto omni labore, ubi jam iterum liberum aërem ingredi posset, patitur, & imaginis suæ vestigium relinquit, quæ in oppositô locô fit aspectabilis.

### Propositio 13.

*Imagines à speculo plano vitreo exhibitæ, licet sint duplices, tamen non semper tales apparent: sed videntur simplices interdum.*

Hoc contigit, si objecta perpendiculariter incidant in speculum & sic reperiçiantur. Nam talium una saltem videtur imago. Interim ex necessitate speculi, & propter duplicitatem superficierum politarum, duas quoque reddi imagines necesse est. Sed quia in perpendiculari incidentia coincidit utraque imago, tam illa, quam anterior, tuam illa, quam posterior format superficies, una occultat aliam & oculus utramque pro unâ agnoscit.



Propositio 14.

*In vitreo speculo plano, ut appareat imago gemina, vel etiam multiplex facit, & plani diversitas & refractionis.*

Quamvis representationis specularis imaginum causa sola sit polita superficies gemina in diaphano subiecto; tamen ut videatur quoque illa duplex imago, alia adjungenda ratio. Hæc videtur esse gemina; plani duplicis diversitas & postea refractionis. Diversitas plani utriusque eo modo duplicat imagines, quo duo specula metallica polita sibi invicem incumbunt, ita ut quâdam parte postposita promineat; Demonstratio autem est facilis. Nam sit speculum vitreum utriusque planum, e. g. f. h. in cuius superficiem adversam, e. f. species a. incidet in b. & reflectitur in d. hic videnda eadem species a. penetrans diaphanum speculi corpus erit in c. & radiabit in d. Constitutus ergo in d. oculus, videbit objecti a. imaginem reflexionis in b. factam, & etiam in c. duplicem scilicet. Sed quia refractionis in hoc negotio abesse nequit, & hæc duplicitem speciei confert; facit enim, ut imagines separentur, & distincta loca occupent: unde accedens oculus duplicitem percipiens, menti hoc phenomenon ingerit: quæ peculiari speculatione causam rimatur & rem divinam admiratur.

Quid autem possit refractionis in mutando loco imaginis, tertia pars Optices docet, quæ omnia hic non repetimus, sed præsupponimus. Ergo quando species radiosa incidit in speculum vitreum politum: tum ejus imago prima repræsentatur in superficie adversa polita: postea eadem species penetrans diaphanum corpus speculi fertur ad posticam & aversam superficiem. Sed cum corpus vitri sit densius aëre, fit refractionis, & motu latissimo, si valde obliqua sit incidentia ad perpendicularem; Hinc necesse est speciem radiosam, dum alteram occupat superficiem speculi, locum suum motam esse, & sic speciem fieri duplicem, primam quam superficies anterior parit, alteram quam posterior, distinctè autem visibilem, quia in diversis locis fit figuratio imaginis. Deinde probat & hoc refractionem accidere radiis, & hac perpeffa demum in postica formari imagines; quia una imago semper grandior apparet alterâ.

Propositio 15.

*Imaginum, quas speculum vitreum folio subducto exhibet, duces, illa est vividior & clarior, quam format superficies aversa seu postica.*

Probatur experientia, nam si quis intuetur imagines fenestræ in spe-



speculo tali; duplices deprehendet; alteram & quidem priorem, quam antica format superficies esse dilutiorem; alteram & quidem posteriorem, quam postica fingit esse vividior, clariorem & magis perceptibilem. Ratio est opacitas major, quæ in profundo haret; nam in superficie anteriori lux affluens & reflexa etiam diluit imaginem.

Falsum ergo est, quod habet *Rhodius Opt. lib. 3. cap. 2. prop. 14.* Imaginem per refractionem & reflexionem genitam esse debiliorem. Nam experientia planè contrarium evincit; quâ constat, illam, quæ in aversa speculi formatur parte esse vividior & clariorem seu fortiolem.

### Propositio 16.

*Imago ab aversa superficie formata, qualis illa est, quæ illustrior apparet, minor est illa, quàm aversa parit.*

Probatur experientia hoc pacto, si eadem imago excipiatur à pluribus speculis juxta se invicem positis. Nam plano-convexi imago recta, quæ ab antica formatur, & metallici illa unica, æquales erunt vitrei speculi imagini obscuriori, qualem refert aversa superficies; sed illustrior & clarior paulò erit minor. Ratio est ipsa refractione, qua propter medium densius fit coitio radiorum ad perpendicularem, unde angustati radii præbent picturam paulò minorem.

### Propositio 17.

*Imago clara in speculo vitreo, utrinq; polito, sed nullo subducto Mercurio obscurato, formatur à plano polito anteriori non posteriori.*

In vitris specularibus ejusmodi, si \* intueantur imagines, apparebunt quidem geminæ, sed illustrior erit illa, quam format superficies anterior speculi; cujus rei ratio; quia hic major obscuritas, cum longius absit à visibilibus post speculum positis illustrioribus, imaginum perceptiones impredientibus secundum prop. 4.

### Propositio 18.

*Imago in vitro speculanti non obscurato, illustrior apparens, major est, altera dilutiore.*

Contraria hic accidunt prop. 16. & est consequentia antecedentis. Nam quia anterior superficies has claras format, hæ erunt ex necessitate majores obscurioribus; quia refractione minimè angustantur.

### Propositio 19.

*Solis imago in speculo vitreo plano, solo, obliquè visa, duplex apparebit satis manifestè, & figura grandi satis.*

\* observentur



Patitur hic Sol id quod reliqua visibilia & radiofa reflexa. Nam cum duplex talium speculorum sit superficies polita, quælibet illarum peculiarem parit imaginem oculis perceptibilem; quam si quis propter visus debilitatem intueri nequit, assumat vitrum viride politum vel cœruleum, quo mediante imaginem Solis in speculo faciliè oculis usurpabit.

### Propositio 20.

*Imaginum Solis duarum in speculo plano visarum una est paulò major, sed obscurior, altera minor, sed illustrior.*

Consequitur ex prioribus & confirmatur ἀποψία. Ratio autem est, quòd majuscula formetur ab anteriori superficie speculi unde & obscurior & grandior, quia nihil patitur. Minor autem & illustrior ob refractionem ad perpendicularem & coitionem radiorum talis est, & quia ibi major opacitas. Errat ergò Rhodius Opt. lib. 3. cap. 2. prop. 14. dùm putat imaginem illarum, quæ geminæ videntur propter mixturam refractionis & reflexionis, illam, quæ per refractionem & reflexionem fit, debiliorem esse. Nam manifestè apparet fortior.

### Propositio 21.

*Speculum aquæ immersum triplicem exhibere potest imaginem.*

Nam speculum hoc Solis imaginem duplicat per se; deinde ipsa aquæ superficies tertiam addit speciem.

Decipiuntur ergò, qui sic aspicientes Solem, vel planetam Mercurium illi adjungi, vel canicularem conjunctam esse autumant. Qui si solummodò hoc observarent, unam illam imaginem ad motum aquæ mobilem esse, & semper *imposita* Solis eodem & eodem speculo æquè distare, faciliè errorem deprehenderent.

### Propositio 22.

*Lucidum corpus & flammans in plano speculo vitreo, duplicem refert imaginem vividam.*

Res est notabilis, mira, & cujus occasione, primùm in hac speculatione catoptricas penetravimus, scilicet hyberno tempore cereus accensus in vitro speculati fenestris inserto, exhibuit imaginem aperte duplicem, quam rem cum miraremur per longum tempus, tandem adhibitis speculis, illius rationem cognovimus. Nam metallica specula nihil tale exhibebant, sed vitrea plana omnia, duplicabant species manifestè. Unde non obscure licuit colligere phænomeni causam esse dupliciter superficiem politarum speculi; ut autem res hæc ocu-



lis possit usurpari, cereus obliquè erit speculo opponendus ; nam sic species duplex apparebit. Causa autem rei à refractione & politâ superficie alterâ deducenda.

### Propositio 23.

*Imagines flammæ vel ignis duplicata in speculo visæ, eò longius à se invicem recedunt ad latus, quo speculum obliquius est ad objecta.*

Patet per experientiam. Nam obliquissimè positus cereus imagines præbet à se longè invicem recedentes, quæ eò magis sibi invicem appropinquant, quo objectum lucidum ad perpendicularem accedit propius. Quod si exquisitè perpendiculum obtinuerit, utraque imago planè conjungitur & pro unâ habetur. Ratio rei à refractione de promenda & superius est tacta.

Licebit & hâc ratione perpendicularem lineam ad speculum exquisitè satis invenire.

### Propositio 24.

*Imaginum harum duplicium in speculo visarum, una antrosum spectat, altera retrorsum abire videtur, & quidem distantia valdè magna : & quo lucidum à speculo remotius, eò distantia hæc specierum major.*

Probatur experientia.

### Propositio 25.

*Imago propior speculo formatur à superficie anteriori polita speculi, remotior à speculo formatur à posteriori.*

Probatur ex superioribus.

### Propositio 26.

*Imago formata à superficie adversa speculi, est illustrior illa, quam aversa parit.*

Est contraria prop. 15. & probatur experientia, qui anterior imago illustrior est posteriori.

Causa autem videtur objecti luciditas, quæ tantâ opacitate non indiget ad sui repræsentationem, unde statim ad anteriorem superficiem delata reflectitur cum splendore insigni ; quia oculos feriens facit posteriorem obscurius oculis pingere.

### Propositio 27.

*Imago posterior, quam peperit aversa superficies, & distinxit refractione, mobilis & pro loci oculi vel objecti lucidi mutatione, modo dextrum, modo sinistrum tenet latus.*



Habet experientia, & causa ex legibus refractionum deducenda.

Propositio 28.

*Objecti lucidi, ut cerei accensi, imago in speculo vitreo plano, quod Mercurius opacum reddidit, quintuplex apparet, unioculo.*

Res est notabilis & in sensus incurrens. Nam cereo accenso, & oblique posito speculum flammæ lucidæ imaginem quintuplicem exhibet, & quidem, ut omnis vitetur error, uni etiam oculo. Causa ex varia refractione & reflexione deducenda est, quam nos ita se habere putamus. Unam præbet superficies anterior irretractam vi fortis lucidi, secundam superficies posterior retractam & reflexam vi fortis lucidi, tertiam species prima in anteriori facie speculi recepta & per se radians non vi fortis in superficiem averfam, quartam producit species posterior vi suâ radians in anteriorem speculi superficiem & inibi retractam, quintam species tertia è postica in anticam superficiem regrediens pingit.

Sit v. g. objectum lucidum A. speculum duas habens superficies anteriorem *b. c.* posteriorem *d. e.* Dico imaginem ex A. in superficiem speculi *b. c.* allapsam reflexam in *f.* videri ab oculo *l.* Secundò radiam *a. f.* refringi ad *g.* & ex superficie *d. e.* reflecti & videri ab oculo *l.* tertio imago in *f.* recepta radiabit quoq; in *h.* & videbitur ab *l.* sic quartò regrediens *g.* videbitur in *i.* & quintò remeans *h.* videbitur iterum in *k.* sic itaq; quintuplex producit unius rei imago in superficie duplici, refractione quaterna & reflexione quintuplici. Hæc res adeò incredibilis fuit *Schvventero Mathem. Prof. Altorf.* ut licet illam ab autore *Gallo Prof. Parisiensi Anonymo* Viro acutissimo & solertissimo descriptam & notatam videret in *deliciis suis Physico-Mathematicis lib. 6. prop. 6.* tamen quasi negaret. Quæ pertinacia ex causæ, quæ sanè hætenus occulta fuit & profectò abstrusa satis est, ignorantia nata fuit. Uterq; autem tam *Gallus* quàm *Germanus* errabundus est in assignanda causa. Nam *Gallus*, dum refert rationem ad triplicem reflexionem in speculi plano medio & profundo, quod sic trium imaginum rationes exhibeat: Cum tamen quatuor & quinq; sint imagines. 2. cum in medio vitri, ubi nulla superficies, imago formetur, res iterum dubia & probanda. *Schvventerius* autem *Germanus* errorem committit longè gravissimum, cum verè plana specula unicam saltem exhibere imaginem dicit: multiplicitem autem imaginum ex inæquali superficie provenire judicat. Nam refu-

tatur



tatur is infallibili experientiâ, quâ constat, omnia specula plana, imò planissima, vitrea, nullo omninò cujuscunq; bonitatis is sit excepto, duplices manifestè imò quintuplices reddere imagines.

### Propositio 29.

*Tres imagines posteriores semper sunt obscuriores prioribus duobus, & obscuritate ita decrescunt, ut tertia sit obscurior secundâ, quartâ tertiâ, & quinta quartâ, quinta ergò omnium est obscurissima.*

Patet experientia.

### Propositio 30.

*Imaginum quintuplicium secunda semper posterior est, huic succedit vel potius accedit ad spectatorem prima. sequitur tertia, hanc quarta, quam tandem quinta, debilissima licet videatur, proxima.*

### Propositio 31.

*Hæc est perpetua mobilitas imaginum, ut lucidissima sit quasi basis circa quam secunda posteriori parte, & tres aliæ anteriori parte moventur, hac lege, ut secundâ dextrum tenente, tertia, quarta & quinta sinistram obtineant; & vice versa, secundâ sinistram primæ occupante, tertia, quarta & quinta dextram teneant.*

Experientia comprobatur & ex refractionum legibus deducitur ratio.

Hæc de multiplicatione imaginum in speculo: sequitur earundem multifaria generatio vi refractionis & reflexionis simul facta.

In vitro globoso seu rotundo, diaphano seu nullo stanno vel Mercurio opaco reddito, quales sunt, cucurbitæ, Phiolæ &c. vel globi vitrei intus vacui,

### Propositio 32.

*Objecti lucidi imago visa in globo vitreo vacuo diaphano quadruplex est.*

Veritas demonstratur experientia. Nam assumatur ejusmodi globus vitreus internè cavus, seu vitrum quodcunq; globosum, ut Phiola seu cucurbita vitrea; in tali vitreo corpore objecti lucidi, ut cereorum accensorum seu fenestrarum multâ luce radiantium imagines quatuor distinctæ apparebunt. Nam quia quatuor sunt superficies talium vitrorum globosorum ex natura & hypothese, quælibet illarum unam generabit imaginem, secundum prop. 8. Prima fiet à superficie exterrum spectante gibba, secunda ab opposita cava intussum spe-



stante seu orbiculo averſa; tertiam pariet cava antrorſum ſpectans, quartam convexa retrorſum.

### Propoſitio 33.

*Idem præſtant, & alia objecta illuminata, ſed non ita clarè, unde non niſi exercitatorum oculos feriunt.*

Quia ratio univerſalis eſt, non habetur dubium, quodlibet objectum idem præſtare poſſe; ſed quia talia vitra opacitatem non admittunt, ex hypotheſi, non niſi illuſtriſſimorum objectorum imagines luſulentè depictæ oculos movere poſſunt.

### Propoſitio 34.

*Imaginum harum quadruplicium duæ anteriores ſunt erectæ; poſteriores autem inverſæ.*

Res eſt clara, cujus ratio ex ſuperioribus petenda & ex opticis. Nam imago prior à ſuperficie gibbâ ſeu convexâ formata erecta eſt, ſecundùm leges opticas, ſecunda & ipſa eſt erecta. Nam licèt formetur à cava introrſum ſpectante, tamen ea reddit imagines non ut averſa ſuperficies ab objecto; ſed ut adverſa ſeu tanquam convexa ex prop. 12. Poſteriorum imaginum utraq; eſt inverſa, quia formatur à ſuperficie cava ſeu tanquam in ſpeculo cavo. Nam prima objectum ſpectans revera cava eſt, ſecunda licèt ſit convexa, tamen inſtar cavæ reflectit imagines. Ex prop. 12.

### Propoſitio 35.

*Quo vitrea illa ſphærica ſunt profundiora ſeu craſſiora vel ex majori copia materie constantia, eo imagines longius à ſe invicem diſtant.*

Nam ſuperficies, quæ exhibent imagines, longius à ſe invicem recedunt: unde & imagines longius à ſe diſtare & diſtinctius videri neceſſe eſt.

### Propoſitio 36.

*Quadruplicant & alia vaſa vitrea, ex planis lateribus compoſita; ſed quia illis deſt plani æquabilitas & politura, & imagines in illis exhibitæ grandiores & diſtortæ erunt.*

### Propoſitio 37.

*Facile erit ſex-duplicem oct-duplicem efficere imaginem unius objecti.*

Fit pluribus vitris diaphanis compoſitis ita, ut unum ſtatuatur poſt alterum. Nam ſic quolibet propter geminatam ſuperficiem duplicem dabit imaginem.



## DE SPECULIS PLANO-CONVEXIS.

## Propositio 38.

*Specula vitrea plano-convexa duplicem reddunt imaginem.*

Cùm enim duas habeant superficies, & ad utramq; species deveniat propter diaphaneitatem vitri, necesse est duplicem reddi imaginem.

Dicimus autem specula plano-convexa, quæ anteriori parte polita plana sunt, posteriori autem convexæ lentis formam obtinent.

## Propositio 39.

*Imaginum duarum in speculo plano-convexo, opacitatem ex Mercurio vel plumbo obtinente, prior, quam format plana superficies, nî speculator sit exercitatus, obscurior est & disparet, altera est illustrior & oculos notabiliter ferit.*

Probatur experientia, & est ratio, quia terminatio radiantis speciei in postica facta vim obtinet majorem, quam eodem adhuc in motu existens, seu priorem superficiem penetrans.

## Propositio 40.

*Eadem prior imago & recta est, & in toto conformis illis, quam planum parit speculum.*

Res plana est.

## Propositio 41.

*Imaginum in speculo plano-convexo exhibitarum posterior imitatur naturam imaginis exhibitæ in cavo speculo.*

Res mira, sed certa est, & quàm pauci affecuti sunt.

Hujusq; rei ignorantia causa fuit, ut inutiles sumtus impenderentur in specula concava, de quarum virtutibus \* nulla admiranda deprædicantur. Vi umq; nobis est Venetius ejusmodi speculum satis grande, quod ex vitro erat elaboratum, anteriori parte cavum, magnis procul dubio impensis, de quo frustra expectavimus id, quod nobis pollicebamur, & aliàs cava præstare posse exploratum habuimus. Unde artificem, vel qui expensas fecit, deceptum arbitramur, cujus rebus consultum fuisset, si, neglectâ cavitate in parte anteriori, convexitatem induxisset posteriori.

Accidit autē illa repræsentatio inversa quasi; quod imago à superficie posteriori formata & spectata, ac si esset anterior, necessariò inversa se

\* multa

C

habeat,



habeat, cum superficies convexa sic oculis opposita fiat, quasi cava, & vice versa, cava fiat quasi convexa.

### Propositio 42.

*Imago in plano-convexo à convexâ superficie formata, si objectum sit constitutum prope speculum & intra centrum superficiei, est recta quidem; sed longè maxima, & eò major, quo centro vicinius sit objectum, in quo unum punctum tantum quantû totum speculum, eadē quoq; ultra speculûm videtur.*

Manifestatur experientia & fit hic idem, quod in cavo simplici metallico. Immane autem hic videre, faciem hominis in giganteam mutari, & minimos nævos ita manifestari, ut pudorem inferant, qui negligebantur propter disparentiam.

### Propositio 43.

*Imago rei extra centrum constituta minor est & inversa apparet, & cis speculum; tantoq; magis recedit à speculo in anteriora, quo magis appropinquat objectum; & accedit ad speculi anticam faciem, quò plus removeitur objectum.*

Phænomena hæc demonstrantur in opticis, nec hic aliquid addere licet, cum ratio utrobique sit eadem.

### Propositio 44.

*Speculis plan-convexis licebit ad radios solis accendere ignem.*

Scilicet quod cavis metallicis factitatum hæcenus, hoc idem licet expedire hisce convexis, quæ si ex vitro fingenda, paratu faciliora & constantiora, cum rubiginem non contrahant; nec polituram tam facile amittant. Rei q; veritas facile exploratur experientia.

#### Corollarium.

Idem præstabit, & multò perfectius quidem, speculum, cui posticæ parti impressa sit figura parabolica; excepto illo impedimento, quod radiis reflexis accedit, eosq; in uno puncto exactissimè concurrere prohibet, ex refractione quam superficies anterior obliquè radiantibus conciliat. Quale tamen per exiguum, in sensus vix incurrit.


### Propositio 45.

*Eodem speculo plano-convexo tres lucidi vel multum illuminati splendens corporis exhibentur imagines.*

Probatum experientia, & est ratio, quia licet duæ tantum sint superficies, poterit tamen refractione geminare unam imaginem, ita ut tres exsurgant.

[Expe-





Experimentia capiuntur vel cum flamma, vel si immittantur fenestraz vitreaz illuminat & coruscantes multo lumine, vel alia polita & splendentia corpora opponantur.

### Propositio 46.

*Trium imaginum una post speculum apparet recta, duæ ante speculum inverse, quarum remotior à speculo est major & illustrior, vicinior minor & obscurior.*

Ratio est, quòd prior recta à superficie planâ formetur: unde imitatur modum præsentationis ejus, quæ fit in speculis planis. Duæ inverse fiunt à superficie convexâ, cujus facies anterior objectum respiciens quasi cava est, unde instar cavi speculi invertit imagines & minuit. Harum inversarum major remotior est illustrior, quia nihil patitur: Minor vicinior est, quia ex refractione exsurgit, unde abbreviatur ejus non spectata in anteriore recessus, & imminuitur splendor & claritas.

### IV.

## DE SPECULIS CONVEXO-PLANIS.

### Propositio 47.

*Speculum vitreum seu vitrum speculare convexo-planum duplices reddit imagines.*

Tale speculum seu vitrum speculare fit, si invertatur prius, ita ut superficies convexa antrorsum spectet & objecta respiciat; plana averla sit & retrò spectet. Duplices autem imagines exhibet; propter duplicitatem superficierum, ut supra dictum.

### Propositio 48.

*Imaginum harum illustrior imitatur naturam superficiei convexæ, & est recta, sed quantum incurvata retrorsum, & minor.*

Ratio pendet à naturâ convexorum speculorum: incurvatur autem secundum normam superficiei convexæ; quæ eandem imminuit imaginem congregando radios ad centrum.

### Propositio 49.

*Imago altera in convexo-plano formata non imitatur naturam planorum.*

Res mirabilis, & magnæ indaginis, quæ primùm visa nos valdè turbavit ob novitatem rei & insolitam contra communia fundamenta apparentiam.

### Propositio 50.

*Imago altera in convexo-plano formata imitatur naturam cavorum speculo-*



*culorum, & objecto propinquo existente, fit imago recta, sed ingens & valde amplificata; objecto ex remotiori locò radiante, imago est unversa & minor.*

Stupendum est hoc phænomenon, cujus ratio obscura satis, res tamen manifesta & in sensus incurrens. Nos in hisce tenebris intellectus humani aliter judicare non possumus, quàm in planâ quidem superficie fieri & exhiberi imagines, formari autem à convexâ, & quidem ea norma & forma, quam habet, dùm respicit planam; qualis non convexa sed cava quasi videtur. Vel, quod probabilius, propter refractionem in convexâ lente vel superficie factâ decussari radios & sic inverti, ut plana superficies exhibeat quidem, sed imaginem inversam propter refractionem.

Quod autem non sola globosa seu lenticularis superficies imaginem formet & simul exhibeat; sed & planum aliquid præstet exhibendæ: hoc fundamento probamus.

Quia imago ipsa licet minor sit illâ, quam plana format superficies; est tamen & major illâ, quam cava, eo circulo, quo speculum est convexum, exhiberet. Quod speculator facile experietur, si vitrum idem speculari convertat, & videat jam imaginem inversam in plano-convexo, jam imaginem conversam in convexo-plano. Nam manifestè apparebit, hanc illâ esse multò majorem; Unde concludimus, formari quidem seu inverti imagines à superficie convexâ, non autem exhiberi in illa, quatenus cava; cùm leges circuli non servet, sed multum & valde excedat. Hæc doctrina in sequentibus magis illustrabitur.

## V.

# DE SPECULIS PLANO-CAVIS.

## Propositio 51.

*Duplicat imagines speculari vitrum plano-cavum.*

Planum cavum vitrum politum est, quod unam superficiem & quidem anteriorem objectum respicientem habet planam, alteram aversam cavam; hoc duplicat species seu imaginem propter duplicitatem superficiem.

## Propositio 52.

*Imaginum illa, quam plana anterior format superficies, recta est, & clara; imitatur illas, quas speculum planum aliud simplex format.*

Nihil novi, & ratio ex opticis petenda.

## Propositio 53.

*Imaginum in plano-cavo vitrea visarum, altera convexi speculi simplicis naturam imitatur, & est recta parva, recurva.*

Patet



Patet experiētiā, & habetur ratio ex superioribus; cum enim superficies averſa ſpeculi vitrei convexa, reddat imagines inſtar cavæ, cava inſtar convexarum; inde colligendum & hic cavam ſuperficiem averſam inſtar convexi repræſentare imagines rectas, parvas & retrorſum inflexas.

## VI. DE SPECULIS CAVO-PLANIS.

### Propoſitio 54.

*Speculum cavo-planum vitreum duplices quoq; exhibet imagines.*

Tale ſpeculum fit, ſi invertatur prius, & duplicat imagines adinſtar omnium vitreorum.

### Propoſitio 55.

*Vitrum ſpeculare cavo-planum unam imaginem ex objecto ultra centrum remoto invertit & antrorſum ſtatuit, illamq; inflectit pronam verſus objectum.*

Proprium hoc eſt cavorum ſpeculorū, invertere imagines, cujus ratio in opticis habetur, inflectitur eadē ad modum cavi plani, cujus ſoboles.

### Propoſitio 56.

*Idem ſpeculum imaginem, quam objectum propinquum intra centrum conſtitutum fundit, rectam exhibet, ſed grandem & poſt ſpeculum conſtitutam.*

Maniſeſta eſt ex naturā cavorum.

### Propoſitio 57.

*Altera imago in cavo-plano viſa non imitatur naturam planæ ſuperficie; ſed convexæ.*

Res æquē admiranda ac illa, quæ prop. 49. & 50. docetur, dum hîc idem contingat. Scilicet non vi planæ ſuperficie efformatur imago altera; ſed planè alia, ſcilicet inſtar convexi majoris. Ratio rei, fateor ingenuè, me latet; nec quæ ibi ad prop. 50. dicta ſunt, mihi ipſi ſatisfaciunt. Puto tamen cauſam, quòd in plano nulla exhibeatur imago, facere refractionem ſpecierum in ſuperficie tam cavā quàm convexā factam. Et cum ſic planum exhibeat nihil, concavum poſtica parte, qua convexum æmulatur, reddere imagines inſtar convexorum.

### Propoſitio 58.

*Imago hac poſt ſpeculum conſtituta major eſt, quam admittit convexitas, qua cum cavitate coincidit.*

Res notabilis & vera. Alias certum, cavum ejusdem circuli cum convexo majores reddere imagines in eadem diſtantia, convexum minores:



sed hic planè contrarium contingit, quia imago ceu in convexa repræsentata, multò major est illa, quam parit eadem superficies ceu cava spectata, quæ notabiliter major. Et hinc deduxi *prop. 50.* planam superficiem aliquid posse in hisce formandis imaginibus. Sed annon quid aliud subsit, quod ego nondum capio, iudicet benevolus lector, & veritatem studiosè inquireat; quam indagare multitudo aliorum arcanorum, quæ nos aliorum semper rapiunt, & studium, praxisq; Medica prohibet.

VII.

DE SPECULIS UTRINQUE CAVIS.

Propositio 59.

**A** B utraq; parte concavum speculum duplices reddit imagines.

Ejusmodi speculari vitrum exhibet lens utrinq; cava & geminat speciem instar omnium vitrorum.

Propositio 60.

*Utrinq; cavum vitrum speculari, unam imaginem cavi instar invertit; alteram convexi instar rectam statuit.*

Ratio ex cavorum naturâ & convexorum petenda, neque hic quicquam restat dubii. Verùm ubinam recta formetur imago, an in superficie posteriori cava, quæ antrorsum spectata convexa est; an autem in cavæ anterioris convexitate, quam obvertit posticæ parti, dubium est. Prius volunt *prop. 7. 8. & 10.* Posterius probabile reddunt *prop. 49. 50. & 57.* Decisionem dabit *prop. 62.*

Propositio 61.

*Anterior imago multo minor posteriore.*

Ratio quia anterior nihil patitur; posterior ex tractis formatur radiis & angustatis.

Propositio 62.

*Posterior imago ita parva est, ut exilitate vix æquet illam, quam duplo minor cavitate convexitas parit.*

Res est certa, quam demonstrabit experientia, si excipiat eadem imago in æquali distantia, tam ab utrinq; cavo; quàm à convexo, quod de duplo minori sit circulo quam ipsum est cavum. Licebit hinc firmiter colligere non anteriorem superficiem cavam, quâ parte est averfa formare imaginem, sed posteriorem quâ parte est adversa, pro expositione *prop. prioris 60.* Nam si prior superficies daret imaginem, necesse esset illam multò majorem existere; sed quia plus duplo minor,

fit





fit, manifestum, ipsam imaginem refractionem passam, in posteriori cavâ, quâ parte convexum videtur & objectum respicit, exhiberi.

In secundâ

VIII.

## DE SPECULIS UTRINQUE CONVEXIS.

Propositio 63.

**U**trunque convexum speculum geminat imagines.

Tale est, quod ex lente crystallinâ vel vitreâ utrinque convexâ conficitur, & propter duplicitatem superficiei accidit duplicatio imaginum.

Propositio 64.

*Duarum imaginum ab utrinque convexo formarum, anterior est inversa, seu simulacrum in cavo speculo visum, posterior recta seu species in convexo deprehensa.*

Ratio, quia prior à superficie posteriori convexâ, quæ tanquam adverla spectata, concavæ naturam imitatur, figuratur; & propterea omnia illa phænomena imitatur, quæ cavum speculum parit. Posterior autem convexi speculi naturam imitata, recta est.

Propositio 65.

*Magnitudines imaginum imitantur naturam formamque circuli, ita ut si anterior superficies minoris sit circuli quam posterior, recta imago appareat minor, inversa major, pro magnitudine circulorum plus minus: & si anterior superficies sit major posteriori (quod sit lentè inversa) recta quoque imago videatur major, inversa minor.*

Res est plana.

Propositio 66.

*Imagines imitantur naturam & formam superficierum ambo convexarum tam anterioris quam posterioris.*

Ideoq; hæc propositio est adjuncta, ne quis existimet unam convexam superficiem & rectam & inversam generare imaginem, sicuti quis autumare possit persuasus speculo convexo plano. Nam assumptâ crystallo seu speculari vitro inæqualis segmenti ab unâ parte majoris, ab alterâ parte minoris; Majus segmentum obversum objecto, imaginem dabit inversam minimam, minus majorem, quod concordat cum superficiebus posticis non anticis. Quod si verò antica convexitas utramq; exhiberet imaginem rectam & inversam; tum necesse esset majoris segmenti inversam imaginem esse majorem, minoris  
mino-



minorem, ex naturâ speculorum cavorum & convexorum; quod contra experientiam pugnat. Vera ergò est expositio prop. 63.

Propositio 67.

*Imago inversa multò minor est, quàm magnitudo circuli superficiei averse seu postice postulat.*

Ratio quia.

(Hec Propositio in M.S. digito deleta erat: nihilominus sequebatur Prop. 68.)

I X.

## DE SPECULIS CONVEXO-CAVIS.

Propositio 68.

*Speculum convexo-cavum duplices rectè intuentibus exhibet imagines.*

Tale speculum est globus vitreus, qui propter duplicitatem superficiei unam convexam extrorsum spectantem & alteram cavam, quæ interna respicit, duplicem format imaginem.

Propositio 69.

*Speculum convexo-cavum duas imagines reddit rectas minores paululum incurvas, instar convexorum speculorum.*

Ratio prioris imaginis est manifesta; posterioris autem jam supra dicta, scilicet superficies interna cava, quæ externum spectans, convexa quasi, unde & convexorum naturam imitatur.

Propositio 70.

*Imaginum in convexo-cavo visarum prior, quæ à convexa superficie formatur, est illustrior in vitris non admodum puris diaphanis.*

Causa est refractionis carentia, inquinamenti omnis absentia; quæ duæ actiones posteriorem nonnihil obscurant.

X.

## DE CAVO-CONVEXIS SPECULIS.

Propositio 71.

*Speculum vitreum cavo-convexum duas habet imagines.*

Tale speculum est vitrum recurvum intus cavum, extra convexum, hoc ob duplicitatem superficiei & diaphaneitatem geminat imagines.

Propositio 72.

*Imagines in cavo-convexo vise ambo inverse sunt, & illarum prior illustrior & clarior.*

Invertit scilicet cavum, & quia convexum cavum esse videtur, eâ parte, quæ cavum respicit, propterea & ipsum cavorum imitatur naturam. Claritas ex causis propositione præcedente allatis deducitur. Id manifestissimè observatur in Menisco.

F I N I S.























